



UNIV. OF
TORONTO
LIBRARY







LL
L7888 Rup

LIVY

(T. LIVII PATAVINI)

HISTORIARVM

LIBRI QVI SVPERSVNT
CVM DEPERDITORVM FRAGMENTIS
ET EPITOMIS OMNIUM

AD OPTIMORVM EXEMPLARIVM FIDEM
RECOGNITI

ATQVE
PROOEMIO BREVIARIIS LIBRORVM
INDICE RERVM LOCVPLETISSIMO
TABVLIS CHRONOLOGICIS HISTORICISQUE
ET COMMENTARIO PERPETVO SEORSVM EDITO

I N S T R V C T I

A

G E. ALEX. R V PERTI.

V O L V M E N I.

GOTTINGAE MDCCCVII.

S V M T I B Y S C A R. F R I D. R V P R E C H T.

MINNESOTA

1970 - 1971 REGISTRATION

REGISTRATION NUMBER: 1970-1870

EXPIRATION DATE: APRIL 1972

23231
116192

REGISTRATION NUMBER: 1970-1870

EXPIRATION DATE:

REGISTRATION NUMBER: 1970-1870

EXPIRATION DATE:

REGISTRATION NUMBER: 1970-1870

EXPIRATION DATE: APRIL 1972

PRO O E M I V M.

§. 1.

De Livii aetate et vita.

T. *Livius*, si Chronico Eusebii fides habenda, natus est a. V. c. DCXCV. et obiit eodem, quo Ovidius, anno, V. c. DCCLXX. p. Ch. n. 17. quadriennio post mortem Augusti Imp. Natale ei solum fuisse Patavium; Venetorum Opp. in Gallia Transpadana, (h. Padua) quod ab Antenore ad Timavum fl., (h. Timavo) a quo tamen longe abest; conditum poetae dicunt, praeter alios docent Simmachus Epist. 4, 18. Sidonius in panegyr. Anthemii V. 188. et Statius Silv. 4, 7. extr. ubi *Simavii alumnus* vocatur. Eodem spectant verba Martialis Epigr. 1, 62, 3. *Censetur Apona* (Patavina) *Livio suo tellus Stellaque, nec Flacco minus.* Nam Aruntius Stella elegiographus et Valerius Flaccus, qui Argonautica scripsit, fuere Patavini, (unde hic etiam in Epigr. 1, 77, 2.

Antenorei spes et alumnus Laris dicitur)
et Aponus fons prope Patavium, cuius aquas
salubres et calidas celebravit Claudianus in
Idyll. VI. (ae. Epigr. VIII.) neque audiendi
sunt, qui a Martiale Aponus designari vicum
Patavio proximum (h. Abano) contendunt.
*Quamquam enim Livius ita *Patavinus* eo-*
dem modo adpellari potuit, quo Catullus
**Veronensis*, Virgiliusque *Mantuanus*, etsi*
ille in lacus Benaci paeninsula Sirmione,
hic Andibus in agro Mantuano est natus;
tamen, si non ipse vicus, certe illud nomen
eius senioris videtur originis esse, nec pro-
babile est, tam ignobilem locum non modo
*Livii, sed etiam *Stellae* et *Flacci* fuisse pa-*
triam, neminemque praeter Martialem rei
omnino memoria dignissimae mentionem se-
cisse.

De Livii parentibus, educatione, stu-
diis, rebus domesticis, muneribus publicis,
vitae genere moribusque vix quidquam ex-
plorati memoriae proditum reperitur; neque
est, quod valde id doleamus. Nam yetum
est iudicium Valckenaerii, quod in Praef.
ad eius Diatr. de Ariftobulo nuper Luzac
memoravit: Vti fuere apud Antiquos, qui
nec statuam sibi poni, nec marmore memo-
riam sui ad posteros propagari vellent, quuni
egregia facinora sibi pro omnijnonimento
satis esse existimarent; similiter Valekenae-
rius,

rius, qui nec pingi se nec singi voluit, arbitrabatur, viri, eruditione insignis omnem memoriam esse debere in libris, quibus conscribendis nomen suum futuris saeculis commendasset, aut in discipulis, quos excellenti disciplina ad communem civium informasset utilitatem; cetera, quae res domesticas, parentes, uxorem, liberos, amores, amicitias, lites, fortunas vel prosperas vel adversas spectent, haud magis dignos esse, quae futuris saeculis innotescant, quam quae vel mercatoris praedivitis fuerint, vel viri cuiusque in suo ordine arteve sua spectati": Hinc et brevissimi erimus, exemplo eorum, qui vitam Livii exposuere, Vossii, (de hist. Lat. 1, 19.) Fabricii, (Bibl. Lat. 1, 11.) Sigonii, Mülleri, Funccii, Hambergeri aliorumque. Verbosior quidem est commentatio Jac. Phil. Tomasini de vita Livii, (Patav. 1650. Amst. 1670. et in Drakenb. ed. Liv. T. VII. p. 4 sq.) sed minus habet in recessu, quam fronte promittit, et pro certis ac veris subinde dubia et falsa substituit. Quo refero, Livium Claudio Caesari adolescenti praceptorum suisse datum; partem historiae ab eo contextam esse Neapoli; illi duas suisse uxores totidemque filios et filias quatuor, harumque minimam natu nupsisse L. Magio rhetori; eundem saturum honorum, annis et studiis fessum

ad censumque amore patriae post Augusti discessum e vita Patavium remigrasse, ibique anno imperii IV Tiberii ipsis Cal. Jan. mortalitatem expleuisse; quin et ibidem sepulcrum ossaque eius adhuc supereesse. Prius conligit ex Suet. Claud. 41. pr., ubi legimus, hunc Caesarem T. Livii hortatu historiam scribere adgressum esse; alterum ex Pighii Herc. Prodigio p. 550., qui saepius Livium, Horatium, Statium, Claudianum, Senecam aliosque praeclari ingenii viros Neapolin studiorum causa secessisse monet; reliqua ex Senecae prooem. lib. V. Controv., in quo L. Magius, T. Livii gener, laudatur, ex Eusebii et Hieron. Chronicis, qui historicum nostrum Patavii tam natum quam mortuum dicunt, et ex IV. Inscriptionibus monumentorum publicorum, quarum prima est T. LIVIVS C. F. SIBI ET SVIS T. LIVIO T. F. PRISCO ET T. LIVIO T. F. LONGO ET CASSIAE SEX. F. PRIMAE VXORI, secunda V. F. T. LIVIVS LIVIAE T. F. QVARTAE L. HALYS CONCORDIALIS PATAVI SIBI ET SVIS OMNIBVS, tertia T. LIVIVS T. L. OP-TATVS AN. XV., quarta v. F. T. LIVIVS T. LIB. ET LIVIAE LEVINVS L. F. STELLA... VENONIAE EXORATAE. P. LIVIAE FIRMAE ET FESTO FILIO ET FIRMAE FILIAE¹).

Al-

¹) Has inscriptiones praeter Tomasinum memorant

Altera est epitaphium, Patavii a. Ch. 1413. apud aedem D. Justinae effossum una cum capsula plumbea ossibus plena, e quibus a. 1451. Alphonsus, Arragoniae rex, os brachii a re publica Patavina dono adcepit. Nullam vero harum inscriptionum, excepta forsan prima, ad historicum nostrum, tresque posteriores ad eius aliisve T. Livii libertos esse referendas, adeoque omnem corruere fabulam de ossibus Livianis Patavii repertis, post Gudium docuere iam Morhofius aliquique modo laudati in nota i...

Livius et eloquentiae et philosophiae studiis deditus fuisse videtur. Hoc ex eo probabile fit, quod libros edidit philosophicos, (v. mox §. 2.) illud ex historia quam scripsit; ex qua etiam conligas, eum rei militaris civilisque haud expertem fuisse, neque omnem de rebus belli et pacis tam prudenter iudicandi facultatem ex sola Graecorum lectione haufisse. Eumdem in interiorum Augusti Imp. amicitiam pervenisse;

patet

morant Dan. Ge. Morhof. in cap. 3. diss. de Patavinitate Liviana, (Kilon. 1685. inter alias eius Diss. Hamb. 1699. et in Drak. ed. Liv. T. VII. p. 27 sq.) Sertor. Vrsat. in Monim. Patav. p. 27. et 202 sq. Jo. Mabilion. Mus. Ital. T. I. p. 50. Trewenschroeder. Fast. Liv. p. 304. Pet. Servius Mancell. p. 131. et Laur. Pignor. in Orig. Patav. c. 17.

paret ex Tacit. Ann. 4, 54. Quamquam verò
sui famam excitaverit, vel ex eo intelligitur,
quod Gaditanus quidam eius nomine gloria-
que commotus, ad visendum ipsum ab ul-
timo terrarum orbe Romanam venit; statim-
que; ut viderat, abiit. v. Plin. Ep. 2, 5. et
Hieron. Ep. 103. Cui non adversantur
haec Suidae in v. Κορυκύτος verba: Δύο συγ-
γενέφες Ρωμαίων ἦτην, Τίτος Λίβιος, εὗ διαρρέ-
γεῖ πολὺ καὶ οἰλεῖον ὄνομα, καὶ Κορυκύτος.
Τοσαύτη δὲ ἦν ἡ διαφορότης ἐστούσι δε τούς
ἄνδρας τῶν αἰροσθένεων, ὡς τοῦ μὲν Κορυκύτου
πάμπλειστος αἰκονεῖν, θεραπείᾳ τε καὶ κο-
λακεῖσι τοῦ αἰδρὸς συβρέοντας, καὶ διὰ τὴν
ἀπαιδίαν, ἐλπίδει οἰληρονομίασι τούγε μὴν Λι-
βιου ἐλίγεις, ἀλλὰ ὅν τι ἔφελος ἦν, καὶ ἐν
κάλλει ψυχῆς καὶ εὐγλωττῆς.
Οὐ χρόνος δέ
οὐ πρατέστε καὶ αἰδέκαστος, καὶ ἡ τούτου
φάλαγξ καὶ ὀπαδὸς καὶ ἔφερτος ἡ αἰλίθειος
τὸν μὲν αἰνέφηναν καὶ ἐξοίλυψαν, ἀσπερ κε-
κρύμμένου θησαυρὸν καὶ κεχανδότα πολλάκις
ἐσθλὰ, Τίτον Λίβιον τοῦ δὲ πλευτιου καὶ μὲν
τοι καὶ περιέργεοντο τοῖς χρήμασι λήπη
κατεχεύσαντο, τοῦ Κορυκύτου.

§. II.

De Livii scriptis.

Quot qualiaque ingenii et doctrinae
monimenta evulgaverit Livius, ignoramus.

Prae-

Praeter *historiarum libros* non nisi tria
eaque paucis memorantur, a Quintil. J. O.
10, 1. *Epistola ad filium scripta*, a Se-
neca in Ep. C. *Dialogi*, quos hic non
magis philosophiae adnumerari posse dicit,
quam historiae, et *Libri ex professo phi-
losophiam continentes*. Horum vero alio-
rumque, quos forte composuit, librorum
iactura minus deploranda videtur, quam
quod longe maxima pars eius operis, quo
nominis sui memoriam immortalitati com-
mendavit, iniuria maligni sati nobis erepta
est. *Historiam Romanam* sive, ut ipse
45, 15., modeste forsan, et Julius Firmicus
(de error. prof. relig. p. 419.) adpellat,
*Annales*²⁾ Livius ab Urbe condita ad a.
DCCXLIV. seu ad bellum in Germania a
Druso gestum huiusque mortem persequutus
erat non CXL, ut vulgo olim credebatur,
sed CXLII libris. Id diserte tradit Petrar-
cha; (de rebus memor. 1, 8. vel de otio ac
solitudine quorumdam virorum c. 8.) neque
obstat numerus *Epitomarum*, qui perva-
sam illam opinionem divisionemque libro-
rum in *Decadas*, a nullo veterum Gram-
maticorum, nedum ab ipso auctore, me-
morat.

²⁾ De *historiarum* et *annualium* discrimine
disputavi in Prooemio de Taciti vita et
scriptis p. 13 sq.

moratam, peperisse videtur: nám Epitomas
librorum CXXXVI et CXXXVII. interci-
disse, tum ex eo probabile fit, quod in
Exc. Pithoei et in MSS. Berg. et Sigon. nu-
merantur CXLII Epitomae, atque in fine
Epit. CXXXV vacuum relictum est spatum,
in quo hae leguntur notae: *generaliter et*
communiter hic est defectus quorumdam
librorum, et *hic deficit*, tum ex multi-
tudine annorum memorabiliumque rerum,
(v. c. ludorum saecularium, tribuniciae po-
testatis Augusti, templi Jani ab eo ter clausi
cet.) quam ab auctore Epitomarum silentio
praeterinissam fuisse, non facile erit, qui
sibi persuadeat. Ex illis autem CXLII li-
bris Livii non plures hodie quam XXXV:
et nonnulli (XLI. XLIII. XLIV. XLV.) ne
integri quidem restant: quorum decem
priores historiam Romanam ab origine Vr-
bis ad a. CCCCLX, reliqui, XXI-XLV.,
ab a. V. c. DXXXVI ad a. DLXXXVI. seu
ab initio belli Punici II. ad finem bellorum
cum Perseo Gentioque gestorum complec-
tuntur. Harum reliquiarum praefstantia
mirum quantum exacuit librorum, qui pe-
riere, desiderium sensumque ingentis, quam
fecimus, iacturae; quae tribuenda est tum
moli operis, cuius describendi laborem re-
fugiebant ignavi monachi, in una alteraque
Decade aut Epitomis adquiescentes, tum
Cali-

Caligulae Imp. et Gregorio M. Pontifici, quos codicum Livii abolendorum consilia agitasse tradunt Suet. Calig. 54. et Rich. Montacutius in Praef. ad Analecta.

Integer Livius superstes fuit Saec. IV. et V. forte et XII. in Anglia: nam loca librorum deperditorum, a nobis in Vol. IV. huius edit. Fragmentis inserta, non modo a Symniacho et Sidonio, sed etiam a Guilelmo Malmesburiensi s. Sommerseto laudantur, nisi is ex aliis illa scriptoribus defumfit. Saepius etiam Saec. XV. et XVI. percrebruit fama, totum Livii opus in Gallia, Norvegia, Scotia, Bremae aliisque locis reperatum esse, et versiones saltem Arabicas in bibliothecis Constantinopolitanis Arabumque latitare ³). Sed adhuc omnis spes, opera et impensa ad vanum et inritum cecidit. Neque iactura, quam passi sumus, penitus resarcitur *Subplementis Jo. Freinsheimii* ⁴) et *Epitome Liviana*, et si neque huic neque illis parvum est pretium, et continua ex iis historiae Romanae series cognosci

³) v. Morhof. de Patavin. Liv. c. 1. et Fabric. Bibl. Lat. 1, 11. p. 296 sq.

⁴) Eorum primi decem libri vulgati sunt Holmiae 1649. deinde sexaginta Argentorati 1654. denique universi a Jo. Douiatio, Clerico, Crevierio, Drakenborcho, Bipontinis et Manhem. Livii editoribus.

nosci potest. Freinshemius idem Livio, quod Curtio, officium praestitit, omnesque eius lacunas, et maiores et minores, tam solerter feliciterque ex Epitome modo memorata et Graecis Latinisque rerum Romanarum auctoribus explevit, ut ipse iactanter quidem, ad vere profiteatur, *se neutquam metuere, ne quis ex omnibus his scriptoribus, qui sunt in hominum manus, aliquid efficiat in hoc genere: concinnius, copiosius, verius.* Illae *Epitomae librorum* *Livii*, quarum duas desiderari, CXXXVI et CXXXVII., supra monuimus, a quo confectae sint, non habemus dicere. Nonnulli eas ipsi tribuunt Livio, alii Junio Maximo, quem historias Sallustii Liviique in epitomen redigisse docet Statius Silv. 4, 4. plerique L. Annaeo Floro; quae coniectura inde nata videtur, quod idem aliam rerum Romanarum epitomen scripsit, sed vel eam ob causam, et propter diversitatem tum styli, tum narrationis rerum gestarum, parum probabilis est. Quod ad ipsam Epitomes huius Livianaे indolem adtinet, si genus dicendi spectes, quo singula enuntiantur, id quidem Liviano non pars censendum concinnitate, et seriore passim aetatem redolet, verum plerumque purum est ac tersum; si res, quae traduntur, auctor eius longe plurimas depromxit ex ea histo-

historia, quam velut tabulam primis extre-
misque lineis adumbrare in animum indu-
ixerat. Nonnumquam vero non modo inter
eum et Florum, sed ipsum quoque Livium
discrepare videbis. Quod tantum abest,
ut omnino reprehendi possit, ut doctum
potius arguat virum, qui non serviliter iis-
dem semper insistat vestigiis, sed quaedam
ex aliis etiam fontibus, nec sine iudicio,
hauserit; nisi forsitan recte censeas, ab eo,
qui librum aliquem in epitomen cogat, re-
quiri, ut paucis indicet, ubi et cur differ-
iat. Minus probandum videtur, quod per-
saeppe ab illo et ordo rerum narrandarum
mutatur, et silentio praetereuntur memo-
rabilia. Hinc non exemplo reliquorum
Livii editorum libris eius XXXV totidem
praemisi epitomas, sed omnes ad calcem
reieci, illis alia substitui breviaria, ad se-
riem rerum perspicienda accommodatoria.
Nihilo tamen fecius auctor sim magistris
scholarum, ut cum tironibus hoc potius
Romanae historiae compendium, quam quod
Eutropio, aut Floro et Velleio, debemus,
cum iuvenibus adulta aetate ipsum Livium
legant. Quem in finem Epitomen quoque
hanc Liviañam cum notis virorum doctorum
meisque seorsum typis excludendam curabo.

Quibus annis Livius opus suum et in-
choaverit et absolverit, nemo facile dicat.

Neque tamen vana est coniectura virorum doctorum ⁵⁾ qui ex eius lib. 1. c. 19. conligunt, si non omnes historiae libros, certe primum ab eo compositum fuisse ante a. V. c. DCCXXX, quo Augustus iterum clauserit templum Jani. Verba Liviana sunt: *Janus bis post Numae regnum clausus fuit; semel T. Manlio consule, post Punicum I. perfectum bellum; iterum, quod nostrae aetati dii dederunt ut videmus, post bellum Actiacum, ab Imperatore Caesare Augusto, pace terra marique parta.* Satis autem constat, Janum principe Augusto non modo a. V. c. DCCXXV post pugnam Actiacam, sed et a. DCCXXX in decimo eius consulatu, Cantabris devictis, clausum fuisse ⁶⁾). Quod si iam eo

tem-

⁵⁾ Lipsii Elect. 1, 20. Vossii de hist. lat. 1, 19. Hanckii de scriptor. rer. Rom. 1, 9. Dodwelli Annal. Vellei. p. 65. qui Livium a. V. c. 725. exorsum esse historiam suam, et a. 745. ultimam ei manum imposuisse suspicatur. Cf. et Jo. Masson. de templo Jani referato p. 51 sq. et 165.

⁶⁾ Quin tertio Janum clausum esse a. V. c. DCCXXXI. in XI consulatu Augusti, viri docti modo laudati aliquique contendunt, provocantes ad inscriptionem lapidis, Emeritae in Hispania reperti, ad Oros. lib. VI. et Suet, Aug. 22. ubi tamen Cel. Wolfius iam haec monuit: "Tertio ut clauderetur, decretum qui-

tempore, quo Livius illa scripsit, factum esset, is haud dubie in gratiam Augusti, magni amici, idem memorasset, quod dixit Suet. Aug. 22. *Janūm Quirinūm, semel atque iterūm a condita Vrbe memoriam ante suam clausum, in multo breviore temporis spatio, terra marique pace partā, ter clusit.* Quid vero? nonne Plutarchus haec scire potuit? et tamen idem, quod Livius, de templo Jani scripsit: ἐπὶ γε τοῦ Σεβαστοῦ Καισάρες ἐκλεισθη, καθελόντος Ἀντώνιου, καὶ πρότερον, ὑπατευόντων Μάρκον Ἀτιλίου καὶ Τίτου Μαλλίου. Audio: sed nihil aliud inde confici poterit, quam illum more suo Liviana paene ad verbum expressisse, nulla mutationis rerum habita; neque locus eius Liviano plane respondet: nam, quod Lipsius iam Elect. 1, 20. notavit, Graeco scriptori non idem, quod Romano, propositum fuit, ut enumeraret, quoties Janus fuisset clausus. Omitto alia, haud graviora, argumenta Massoni, quibus loco in nota 5. laudato probare conatur, Livium serius historiae scribendae consilium cepisse.

§. III.

quidem a Senatu, sed Dacorum et Dalmatarum irruptione irritum factum. Ipse Aug. in Ancyra lapide: *Ter me principe claudendum decrevit senatus.* Ita rem destinatam Suetonius posuit pro facta, non praeter morem."

§. II. III. IV. V. VI. VII. VIII. IX. X. XI. XII. XIII. XIV. XV. XVI.

De exteriore forma, et indole historiae Romanae a Livio scriptae.

Minime incommodus hic locus videri possit, permulta praefandi tum universe de varia et historiarum et historicorum veteris recentiorisque aevi indole, et de utilitate ac fide eorum recte aestimanda, tum in primis de antiquioribus rerum Romanarum auctoribus et de Livianaे historiae forma, fructu, fontibus, virtutibus ac vitiis. Sed ampli huius campi, in quo latius evagari posset disputatio nostra, fines sunt coartandi, et illud paene silentio praetereundum, hoc paucis expediendum est.

Livius historiam Romanam ab Urbis origine ad sua deduxit tempora. Quam ante eum iam multi pertexuerant tum versibus, ut *Q. Ennius*, epicae poeseos Romanorum parens, cuius libri XVIII. Annalium Rom. ad populum in theatro et Virgilii adhuc temporibus cupidius Aeneide eius legebantur⁷), *L. Accius s. Attius*, familiaris D. Bruti et Pacuvii aequalis, poeta tragicus⁸), et *A. Furius*; tum prosa oratione, et quidem Graeca *P. Rutilius Rufus*, orator, philosophus, historicus, tribunus plebis et lega-

⁷) v. Gell. 12, 5. Martial. 5, 10. Vitruv. 9, 3.

⁸) De eius annalibus v. Cic. Brut. 18. Gell. 3, 11. Macrob. Sat. 1, 7. Priscian. lib. VI.

legatus Q. Mucii in Asia⁹), *A. Postumius Albinus*, consul cum L. Lucullo a. V. DCII. literatus et disertus¹⁰), et *C. Acilia*¹¹), Latina *Q. Fabius Pictor*, auctor antiquissimus, qui Livio aliisque in primis fide dignus est visus, quia temporibus belli Punici II. senator fuit et, οἱς μὲν αὐτὸς ἔργοις παρεγένετο, διὰ τὴν ἐμπειρίαν ἀκριβῶς ἀνέγειψε¹²), *M. Porcius Cato Censorius Tusculanus*, orator, ICtus, consul a. V. 557. censor a. V. 568. vir summi ingenii, (v. Liv. 39, 40.) qui senex scripsit VII libros Originum, in quibus multam industriam comparere multaque doctrinam, Nepos Cat. 3. dicit, *L. Calpurnius Piso Frugi s. Censorius*, consul a. V. DCXX. qui gravis auctor dicitur Plin. 2, 53. cuiusque annales laudant Livius 1, 55. 2, 58. 9, 44. 10, 9. 25, 39. Gell. 6, 9. 11, 14. 15, 29. et alii, sed Cicero de Or. 2, 12. et de legg.

1, 2.

⁹) v. ad Liv. 39, 52, 1.¹⁰) v. Cic. Brut. 21. et Acad. Qu. 4, 45. Plut. in M. Cat. p. 343. Gell. 11, 8. Polyb. 40, 6, 1. ubi cf. Schweigh.¹¹) v. ad Liv. 25, 39, 6.¹²) v. Liv. 1, 44. 55. 2, 40. 8, 30. 10, 37. 32, 7. Dionys. Hal. 1, 6. et lib. VII. p. 415. Fidem eius, a Polybio 1, 14. 58. et 3, 9. nimis elevatam, defendit Ernesti in Opusc. philol. crit. p. 102 sq.

1, 2. exiliter, ut Catonis et Fabii Pictoris, scriptos esse censuit, *C. Sulpicius Gallus* praetor a. V. 583. consul a. 586, Graecis literis eruditus, eloquens et astrologiae peritus, (v. ad 44, 37, 5.) cuius historiam Rom. Plutarchus in Rom. p. 28. memorat, *L. Cassius Hemina*, quem a. V. DCVII floruisse, Censorin. c. 17. docet, et cuius annales citant Gell. 17, 21. Macrob. Sat. 1, 16. Nonius et alii, *Clodius Licinius* f. *Licinus*, historicus languidus et inscitus¹³), *C. Fannius*, Laelii Sapientis gener et Panaetii discipulus, moribus et ipso dicendi genere durior, cuius historiam non ineleganter scriptam et neque nimis infantem, neque perfecte disertam, in compendium rededit M. Brutus, percussor Caesaris¹⁴), *Sex. et Cn. Gellii*, Varroni aequales, historici languidi et insciti¹⁵), *M. Terentius Varro*, legatus Pompeii, M. Romanorum doctissimus et πολυγενφωτατος, cuius Annalium Charisius mentionem facit, *Q. Claudius Quadrigarius*¹⁶), *Q. Vale-*

¹³) v. ad Liv. 29, 22, 4. et Cic. de leg. 1, 12.

¹⁴) v. Cic. Brut. 21, 26, 87. Tusc. Qu 74, 17.

¹⁵) de leg. 1, 2. ad Att. 4, 16, 13, 8, 1.

¹⁶) v. Cic. de leg. 1, 2. et Div. 1, 26. Dionys.

Hal. 1, 7. Gell. 8, 14, 13, 22, 18, 125. Ma-

crobi. Sat. 1, 16. Voss. de hist. lat. 1, 8, 8.

¹⁶) v. ad Liv. 25, 39, 8. et cf. 6, 42, 17, 10,

8, 19, 9, 5, 33, 10, 35, 14.

Valerius Antias, qui Sullae temporibus vixit, et multos quidem scripsit annalium libros, sed in iis nullum tenuit mentiendi modum omniumque rerum numerum immodice auxit ¹⁷), *Q. Tullius Cicero M. frater* ¹⁸), *L. aut Q. Aelius Tubero*, *M. Tullii Ciceronis adfinis et Q. Ciceronis legatus in Afia* ¹⁹), *C. Licinius Macer*, orator, repetundarum reus Cicerone praetore, *C. Licinii Calvi oratoris pater*, haud ignobilis historicus, sed argutae loquacitatis et saepe in orationibus inepta ²⁰), *Cornelius Nepos*, qui tribus Chronicorum libris res Romanorum ab ultima eorum origine repetitas descripsit ²¹), aliquique. Horum deinde exemplum post Livium sequuti sunt e Graecis *Appianus* et *Dio Cassius*, e Romanis *L. Fenestella* et alii.

Mul-

v. loca Livii in Indice, et Gell. 1, 7. 3, 8.
•ou 5, 21. 6, 8. 7, 9, 19. Macrob. 1, 13. Plut.
Rom. p. 25. Dionys. I. p. 6.

¹⁸⁾ v. Cic. ad Att. 2, 16. 13; 13. et Corradi Quaest. p. 278. ed. Lips.

¹⁹) v. Liv. 4, 23. 10, 9. Cic. ad Qu. fr. 1,
1. 3. Gell. 6, 5. 4. 10, 28. Dionys. I. et alii.

²⁰) v. Liv. 4, 7, 20. 23. 7, 9, 9, 46. 10, 9. Cic.
de leg. 1, 2. Dionys. I. p. 6. Macrob. 1, 10.

13. Voss. de hist. lat. 1, 10.

Multo autem plures sibi singulares historiae Romanae partes tractandas sumfere ²²), de quibus consulendi sunt Vossii de historiis Graecis et Latinis libelli. Ita solum bellum Punicum II., de quo decem libri Livii, XXI-XXX, agunt; praeter poetas, Silium Italicum et antiquorem, nescio quem (v. Ovid. ex Ponto 4, 16, 23.) enarrarunt multi, v. c. Graece *Memnon* ²³), *Chærea* ²⁴), *Silenus* Calatianus, qui diligenter res ab Hannibale gestas persequutus est ²⁵), *Sosilus* Iliensis aut Lacedaemonius, qui cum Sileno in castris fuit Hannibalis eumque Graecas docuit literas, sed iudice Polybio tonsorias plebeiasque fabulas divulgarvit ²⁶), *L. Cincius Alimentus* f. *Alimentius*, diligens vetustorum monumentorum

²²) Quo forsitan et unus alterque eorum, quos supra recensi, aliquique referendi, quorum *Historiae Rom.* seu *Annales* simpl. mementantur.

²³) v. Phot. *Biblioth.* c. 224.

²⁴) v. Polyb. 3, 20.

²⁵) v. Liv. 26, 49. Cic. *de div.* 1, 24. Nep. Hann. 13. Voss. *de hist. Gr.* lib. III. p. 189.

²⁶) v. Nep. Hann. 13. Diodor. Sic. *ecl.* XXVI, 3. qui cum Iliensem facit, et res ab Hannibale gestas VII libris exposuisse auctor est. Χαιρέας καὶ Σωσίλος οὐκ ιστορίας ἀλλὰ ποιησαντες καὶ πανδήμουν λαλιάς ἐμοίγε δοκοῦσι τάξιν ἔχειν καὶ δύγαμιν, Polyb. 3, 20.

rum et maximus auctor, qui captus ab Hannibale multa ex eo audivit, et deinde praetor creatus Siciliam provinciam obtinuit²⁷⁾; Latine *M. Terentius Varro*²⁸⁾, *L. Coelius Antipater*, scriptor luculentus iurisque civilis peritus, Fannio aequalis et *L. Crassii* oratoris magister, qui Silenum maxime sequutus, historiam belli Punici II., a M. Bruto in compendium redactam, accuratius disertiusque scripsit superioribus, at sine nitore²⁹⁾, *L. Arruntius*, qui Augusti temporibus idem bellum stilo Sallustiano descripsit³⁰⁾). His scriptoribus adnumerandi sunt *Dionysius Halicarnassensis*, qui Livio aequalis fuit, et *Polybius Megalopolitanus*, Scipione Africano minori familiarissimus. Ille historiam Rom. ab origine

²⁷⁾ v. Liv. 7. 3. 21. 38. 26. 23. 28. 27. 7. 29. Dionys. I, 6. et VII. p. 415. Voss. de hist. lat. I, 4. Historicum potius praetoris huius filium fuisse, suspicabatur Pigh. in Annal. ad a. 434.

²⁸⁾ Eius libros b. Punici II. laudat Priscian.

²⁹⁾ v. Liv. 21. 38. 22. 31. 23. 6. 26. 11. 27. 27. 28. 46. 29. 27. Cic. de Or. 2, 12. de leg. 1, 2. Brut. 26. de div. 1, 24. ad Att. 13, 8. Val. Max. 1, 7, 6. Gell. 10, 1. 24. Fest., Charis., Serv., Non.

³⁰⁾ v. ad. Tac. Ann. 1, 15, 1. Sen. Ep. 114. Voss. de hist. lat. I, 18.

gine Vrbis ad initium belli Punici I., hic a principio belli Punici II. ad finem regni Macedonici bellique a Romanis cum Perse gesti persequitus est. Idem vero Polybius in libro I. et II., quos προκατασκευῆς loco praemisit brevius, bellum Punicum I. et Africanum Poenorum cum mercenariis suis militibus, resque a Romanis in Illyrico et Gallia Cisalpina, a Poenis in Hispania et ab Achaeis in Graecia ante a V. c. DXXX gestas exposuit, adeoque et telam contexuit a Dionysio Halic. et *Timaeo* abruptam, et eadem, quae Livius in altera maximaque, nobis relicta, operis sui parte, in lib. XXI-XLV, pertractavit. Eius deinde historiam ad suam aetatem continuavit *Posidonius*, Panaetii discipulus et magister Ciceronis, qui libros LII τῶν μετὰ Πολύβιον scripsit philosophico ingenio, quos laudant Strabo 3, 163. Atheneus 4, 36 sq. et alii.

Hos aliosque rerum Romanarum autores cum Livio ita comparari posse, ut appareat, quomodo hic differat ab illis, et quantum unicuique debeat, quis est, qui non mecum obtet? Sed omnium illorum, si Polybium, Dionysium, Appianum et Dionem, Graecos scriptores, excepéris, qui iam a multis inter se et cum Livio conlati, at ipsi quoque misere mutilati sunt, nobis non nisi nomina et fragmenta aliquot,

tam-

tamquam tabulae de naufragio, restant; neque de eorum indole quidquam nobis constaret, nisi Polybius, Livius aliique nonnumquam breve de iis iudicium tulissent. Eo in primis spectant duo Ciceronis loca de Nr. 2, 12 sq. et de leg. 1, 2. digna, quae hic legantur permixte et cum iis, quae supra dixi, conferantur, ut certe qualiscumque inde exoriatur veterum historicorum, qui Nostro praeivere, recensus simulque, quantum licet, intelligatur, quid quantumque inter eos et Livium intersit, et quae, iudice Cicerone, optima sit historiae scribendae ratio. *Qualis oratoris et quanti hominis in dicendo putas esse, historiam scribere?* Si, ut Graeci scripserunt, summi: si, ut nostri, nihil opus est oratore; satis est, non esse mendacem. At qui Graeci quoque sic initio scriptarunt, ut noster Cato et Pictor et Piso. Erat enim historia nihil aliud, nisi annalium confectio: cuius rei memoriaeque publicae retinendae causa ab initio rerum Romanarum usque ad P. Mucium pontificem maximum, res omnes singulorum annorum mandabat literis pontifex maximus referebatque in album et proponebat tabulam domi, potestas ut esset populo cognoscendi; ii, qui etiam nunc annales maximi nominantur. Hanc

similitudinem scribendi multi sequuntur
sunt, qui sine ullis ornamentis moni-
menta solum temporum, hominum, lo-
corum gestarumque rerum reliquerunt.
Itaque qualis apud Graecos Pherecydes,
Hellanicus, Acusitas fuit aliisque per-
multi, talis noster Cato et Pictor. et
Piso et Vannius et Vennonius. Quam-
quam ex his alias alio plus habet vi-
rium, tamen quid tam exile, quam isti
omnes, qui neque tenent, quibus rebus
ornatur oratio? modo enim huc ista
sunt importata, et, dum intelligatur,
quid dicant, unam dicendi laudem pu-
tant esse brevitatem. Paullulum se ere-
xit et addidit historiae maiorem sonum
vocis vir optimus Coelius Antipater.
Ceteri non exornatores rerum, sed tan-
tummodo narratores fuerunt; et ultima
tempora sic scripta sunt, ut ne legantur
quidem. Sed iste ipse Coelius neque di-
stinxit historiam varietate locorum ne-
que verborum conlocatione et tractu ora-
tionis leni et aequabili perpolivit illud
opus; sed ut homo neque doctus, neque
maxime aptus ad dicendum, sicut po-
tuit, dolavit, habuitque vires agrestes
atque horridas, sine nitore ac palaestra:
vicit tamen superiores; et admonere re-
liquos potuit, ut adcuratius scriberent.

Ecce

*Ecce autem successere huic Gellii, Clo-
dius, Asellio, nihil ad Coelium, sed
potius ad antiquorum languorem atque
inscitiam. Nam quid Macrum nume-
rem? cuius loquacitas habet aliquid
argutiarum; nec id tamen ex illa eru-
dita Graecorum copia, sed ex librario-
lis Latinis: in orationibus autem multus
et ineptus ad summam in pudentiam.
Sisenna, eius amicus, omnes adhuc no-
stros scriptores, nisi qui forte nondum
ediderunt, de quibus existimare non
possimus, facile superavit. Is tamen
neque orator in numero nostro umquam
est habitus, et in historia puerile quid-
dam consecatur; ut unum Clitarchum,
neque praeterea quemquam de Graecis
legisse videatur; eum tamen velle dum-
taxat imitari: quem si adsequi posset,
aliquantum ab optimo tamen abesset.
Minime vero mirum, si literis nostris
abest historia, et a nostris hominibus
adhuc aut ignorata est, aut relicta.
Est enim opus unum hoc oratorium ma-
xime: et nemo studet eloquentiae no-
strorum hominum, nisi ut in causis at-
que in foro eluceat. Apud Graecos au-
tem eloquentissimi homines, remoti a
causis forensibus, quum ad ceteras res
inlustres, tum ad scribendam historiam*

maxime se applicaverunt. *Ipsa Herodoti, qui princeps genus hoc ornavit, eloquentia me quidem magnopere delectat.* Et post illum Thucydides omnes dicendi artificio, mea sententia, facile vicit; qui ita creber est rerum frequentia, ut verborum prope numerum sentiarum numero consequatur; ita porro verbis aptus et pressus, ut nescias, utrum res oratione, an verba sententius inlustrentur. Deinde a philosophia profectus princeps Xenophon, Socratus ille, post ab Aristotole Callistenes, comes Alexandri, scripsit historiam; et hic quidem rhetorico paene more: ille autem superior leniore quodam sono est usus, et qui illum in pectum oratoris non habeat; vehemens fortasse minus, sed aliquanto tamen est, ut mihi quidem videtur, dulcior.

Quo tempore haec scribebat Cicero, nondum quidem vulgata erat historia Romana, qualem in votis habebat; sed iam natus Livius, qui ita desiderio et praeceptis eius satis fecit et, quod ille perfectissimum in hac re iudicabat, ita adsequutus est, ut tam antiquioris quam recentioris aevi iudicio princeps habitus sit veterum historicorum et ingenium imperio populi Romani par, vel, quod in monumento Patavino,

vino, in honorem eius posito, elogium legitur; unus dignus, cuius invicto calamo invicti populi Rom. res gestae conscriberentur. Vivebat ille saeculo Augusteo, cuius elegantia et cultus respuebat ieiunos annales aridosque commentarios, et quo historia philosophico nondum ingenio elaborari coepit erat, quam ei formam e Graecis quidem iam Pöfidonius et alii, e Romanis vero primus forte Tacitus, at multo scitius Hume aliquique Angli induerunt, sed oratorius in illa desiderabatur ornatus. Nam historia eo potissimum consilio a Graecis olim Romanisque scribebatur, ut practica quaedam philosophia esset vel magistra vitae, prudentiae civilis ac militaris, virtutum atque praceptorum, tam civibus et privatis, quam Principibus magistratibusque salubrium. Qui finis obtineri nequit, nisi ipsa quoque narratio rerum magnarum mirabiliumque, a magnis viris gestarum, ad sensus magnos affectusque five graviores five moliores suavioresque movendos adcommodata est, et animi legentium tenentur subtilitate iudiciorum, sententiarum elegantia, gravitate, copia et acumine, orationisque varietate et elocutione, a qua praecipue eloquentes dicuntur, h. e. naturali venustate et urbanitate quadam, per illam, ut sanguis per corpus, diffusa.

Qui-

Quibus si adcedit illa veterum historicorum, tam Graecorum quam Romanorum, ars, qua magni viri non modo agentes, sed et ipsi causas, cur ita agant, scite exponentes inducuntur; quae lectio quaeve disciplina et iucundior, et utilior fingi potest? Hinc Cicero censebat, summi oratoris esse, historiam scribere, eamque huius doctrinam sublevatam multo magis se commovere, et sucum quasi ac sanguinem, carnem ac colorem adcipere, i. e. et suaviorem reddi et fructuosiorem. Neque adsequor, cur in ea oratio, habitu oratorio vestita et hac arte animata, modo neque nimis ea luxuriat, neque magis ornatus verborum, quam rerum veritatis ratio habeatur, minus probanda sit minusque placere queat, quam qua plurimi utuntur historici et antiquioris aevi et recentioris, qui vel res breviter simpliciterque seu ad captum puerorum adcommode exponere, vel doctis tantum hominibus consulere, disputare et argumentari, difficiliores modos expedire, obscura et recondita scrutari solent. Quis certe Livium reprehendat, quod sequutus sit sensum, iudicia moremque popularium suorum, quos in primis et delectare et edocere cupiebat? et quis non ad hunc finem exigat annales eius? Quid vero causae est, cur a nobis minor voluptas utilitasque ex eius aliorumque historiis antiquis per-

percipiatur, quam a popularibus eorum captā est? A paucis illae eo modo ac fine leguntur, quo et solebant olim legi et debebant. Longo enim plurimi eas non ad vitam formandam referunt, sed ad antiquitatis tantum notitiam et bene dicendi scribendique facultatem, sive, ut dicere solent, stilum. Alia etiam hodie est vitae, studiorum institutorumque ratio, quam olim fuit. neque aut finguntur amplius aut desiderantur oratores veteribus similes, nisi forte apud Britannos, sed verae eorum eloquentiae iam dudum successit ubivis umbratica et sacra, ex quo illa e foro et curia in scholarum umbram suggestumque ecclesiasticum relegata est. Alius denique est genius huius saeculi, quo ingenuarum artium antiquarumque literarum contemtus in dies invalescit, et omnis paene humanitatis sensus exiuit. Sed cui non dictus Hylas?

§. IV.

De indole interiori historiae Livianae, et quidem 1. de eius virtutibus fontibusque.

Quis nescit, primam esse historiae legem, ne quid falsi dicere audeat? dein deinde ne quid veri non audeat? ne qua suspicio gratiae sit in scribendo? ne qua simultatis? Haec scilicet fundamenta nota sunt omnibus. Ipsa autem exaedificata-

ficiatio posita est in rebus et verbis. Re-
rum ratio ordinem temporum desiderat,
regionum descriptionem: vult etiam,
quoniam in rebus magnis memoriaque
dignis consilia primum, deinde acta,
postea eventus exspectantur, et de con-
siliis significari, quid scriptor probat,
at in rebus gestis declarari, non solum
quid actum aut dictum sit, sed etiam
quomodo; et quum de eventu dicatur,
ut causae explicentur omnes, vel casus,
vel sapientiae, vel temeritatis; homi-
nunque ipsorum non solum res gestae,
sed etiam, qui fama ac nomine excel-
lant, de cuiusque vita atque natura.
Verborum autem ratio et genus oratio-
nis fusum atque tractum et cum lenitate
quadam aequabili profluens, sine hac
iudicali asperitate et sine sententiarum
forensium aculeis persequendum est. Ad
vera haec praecepta Ciceronis (de Orat. 2,
15.) si exegeris annales Livii, animadver-
tes profecto, eum neglexisse nullam perfec-
tae historiae legem, et omnibus exemplum
ad imitandum proposuisse. Primaria histo-
ricorum virtus est studium veritatis, quam
ille toto amavit affectu, et religiosissime
coluit. Nam non modo omnem dedit ope-
ram, ut rerum narrandarum certam con-
sequeretur notitiam, sed etiam ea, quae
vera,

vera, saltē probabiliora, variis narratio-
nibus solerter expensis, iudicarat; sine ira
et studio, libere et aperte tradidit; dadeoque
verum referre et potuit et voluit³¹⁾. Prius
patet ex eo, quod antiquiora ex monumen-
tis publicis et, ubi ea deficiebant, ex scrip-
toribus fide dignis, recentiora ex iisdem
fontibus haufit aut aliunde cognoscere po-
tuit. Monimenta illa, quorum summa est
fides, maxima apud Romanos cura et con-
fici, et in tabulariis, aerario, Capitolio
aliisque templis figi aut servari solebant,
c. libri censuales, etiam antiquissimi, Tuler-
iani, qui aetate Dionysii Halic adhuc exca-
stabant³²⁾; senatorum, Equitum iudicu-
que catalogi; annales a pontifice maximo
consignati, acta senatus et populi³³⁾; fasti
consulares et triumphales; tabulae triumphi-

31) Cf. Lucianus de historia scribenda, et Er-
nesti comm. de fide historica recte aestimanda in Opusc. philol. crit. p. 64 - 101, ubi ad-
curatius singula huc spectantia exposuit, et
exemplis ex Livio aliisque petitis inlustra-
vit.

32), v. Dionys. Hal. lib. IV. p. 225.

33) De his annalibus et actis differui in Pro-
oem. ad Tac. Ann. p. 16 sq. Cf. Cic. de Or.
2. 12, Tac. Ann. 3, 3, 5, 4, 5, 15, 74, 16, 22.
Dio 57, 16. Suét. in X Aug. 36, in Caes. 20.
ibique Exc. Ernesti,

phantium in Capitolio fixae³⁴); leges, plebiscita, SCta, formulae pacis et foederum, aereis tabulis insculpta, quarum tria millia cum Capitolio conflagrasse tempore Vespasiani et ab eo restituta esse, undique investigatis exemplaribus, Sueton. Vespas. 8. docet; literae a regibus, sociis, magistratibus provinciarum et ducibus exercituum ad senatum et ab hoc ad illos missae servataeque apud aerarium³⁵), quibus et modus et causae rerum gestarum ac numerus legionum, navium et imperatorum continebantur; magistratum edicta et commentarii; inscriptiones statuarum, sepulcrorum cet. Horum vero aliorumque monumentorum neque inspiciendorum, facultatem, neque in-dagandorum consulendorumque studium ac diligentiam defuisse Livio, vel id argumento est, quod passim ab eo memorantur, v. c. foedera et pacis conditiones 21, 2. 25, 33. 26, 24. 29, 11. 12. 30, 37. 43. 33, 30. 34, 35. 38, 9. 38. fasti et annales magistratum, libri linteui, in aede repositi Monetae 4, 7. 13, 20, 23. 9, 18. 10, 38. 39, 52. inscriptiones statuarum, tabularum, spoliiorum et armorum in templis fixorum 2, 33. 4, 20. 6, 29. 10, 2. 40, 52. 41, 28. laudationes fune-

³⁴) Cf. Atilius Fortunat. in arte p. 2680, ed. Putsch.

³⁵) v. Dio Cass. lib. LIII. p. 509.

funebres imaginumque tituli 4, 16. 8, 40.
 leges plebiscita et SCta multis locis in
 Indice citatis; literae regum, socrorum,
 imperatorum magistratuumque provincia-
 lium cet. Ex his publicis monumentis mul-
 ta etiam iis petiit locis, ubi id non diserte
 tradit, more veterum scriptorum, qui raro
 indicant fontes, unde sua haufere. Id tum
 ex eorum intelligitur reliquiis, quae etiam
 nunc a nobis comparari possunt, v. c. ex
 SCto de Bacchanalibus, ex quo complura,
 nonnumquam ad verbum, exscripsit³⁶⁾;
 tum ex amplis proeliorum descriptionibus,
 quarum magna pars et literis imperatorum
 ad S. P. Q. R. missis depromta videtur; tum
 ex eo, quod subinde ab illis, quae ex eius
 modi fontibus haud dubie ducta sunt, alia
 incertiora, ex fama aut traditione aut hi-
 storicis et aliunde desumpta atque comperta,
 vel diserte discernuntur, ut 4, 20. et 29,
 14. vel adiectis his veluti notis: *tenet fa-
 ma, dicitur, tradunt, adcepimus, fe-
 runt, traditur memoriae* cet. v. c. 1, 4.
 16. 24. 31. 36. 44, 6. 22. et sexcenties alibi.

Praeter publica haec monumenta ac li-
 teras Livius etiam consuluit antiquiores
 histo-

³⁶⁾ v. ad Liv. 39, 18, 5. et 40, 52, 3. Hinc
 SCtum illud ad calcem huius edit. typis
 excudendum curavi.

historiae Romanae scriptores, et quidem fide dignissimos, qui vel senatui, ad quem tantum non omnia referri solebant, vel rebus gestis ipsi intersuerant, vel aliunde verum poterant cognoscere. Quinam hi fuerint, et quoties eorum iniecerit mentionem, iam supra diximus §. III. ubi locis laudatis addenda sunt multa alia, quibus *annales* simpl. memorantur, v. c. 12, 54. 3, 8. 4, 34. 7, 9. 18. 42. 8, 18. 25. 50. 9, 15. 42. 44. 45. 10, 2. 17. 21, 25. 22, 31. 25, 6. 47. 42, 11. 45, 13. Neque hos auctores temere sequutus est, sed critico et subtili iudicio eorum fidem una cum rerum natura exploravit, (v. c. Fabii 1, 44. 55. 2, 40. 8, 50. 10, 37. 22, 7. Coelii 21, 47. et Valerii Antiatis 26, 49. 33, 10. 36, 38.) et notavit errores, ut 4, 20. 9, 15. 44. 21, 58. 22, 31. et in dubiis rebus dissensum commemoravit, e. g. 1, 55. 4, 25. 9, 15. 46. 10, 2. 9. 17. 30. 21, 38. 46. 47. 22, 51. 25, 59. 26, 16. 49. 27, 7. 39, 52. 44, 15. 15. Plurimum autem auctoritatis tribuit Polybio ³⁷), et quidem, et si id non diftere dixit, tantum, ut in libris XXI-XLV. pleraque ex eo desumferit, et Graece habeo dicta saepissime ad verbum paene vertitur in Latinum sermonem. Neque mediorem profecto ducem habere potuit hoc

prae-

³⁷) v. Liv. 30, 45. 33, 10. 34, 50. 36, 19. 45, 45.

praeclaro scriptore, artium belli pacisque peritissimo, quo non aliis quisquam maiori studio verum et causas ordinemque rerum scrutatus est, quique non modo Romae, Scipionis Africani minoris, cuius lateri etiam in castris ad Carthaginem et Numantiam positis adhaesit, Laeliorum aliorumque intima familiaritate adiutus, antiquissima excusfit monumenta et historicos, tam Romanos quam Graecos, diligenter contulit, sed etiam, ut plura ac certiora cognosceret, multas Afiae, Africae et Europae regiones lustravit, in his Alpes, Galliam, Hispaniam, omnemque fere Graeciam et Italiam³⁸). Verum ne hunc quidem servili modo imitatus est Livius; sed multa ab eo dicta vel omisit, vel fusius pressiusve narravit, et non solum longe ei antecelluit eloquentia et orationis venustate, sed et nonnumquam, quae ille tradidit, in dubium vocavit, v. c. 59, 52.

Huic veritatis indagandae et facultati et studio adcessit felicitas saeculi Augustei, quo cuilibet sentire, quae vellet, quaeque sentiret, dicere licebat.

Li-

³⁸⁾ Cf. Polyb. 3, 48. 59. 9, 25. 22, 21. 32, 9. 34, 7. 39, 3. 40, 7 sq. Idem dicit 3, 53. se Lacinii reperisse tabulam aeneam, in qua Hannibal res a se gestas ipse descripsérunt.

Livius autem verum non modo tradere plerumque potuit, sed et semper voluit, ac neque ira et odio, neque adulacione, partium studio et amicitia, sive publica, sive privata, se adduci passus est, ut a veritate, qua nihil antiquius esse debet annalium conditori, vel transversum, quod aiunt, unguem recederet. Cuius rei locupletissimum continetur testimonium verbis Crémutii apud Tac. Ann. IV, 54. *T. Livius, eloquentiae ac fidei praeclarus in primis, Cn. Pompeius tantis laudibus tulit, ut POMPEIANUM eum Augustus adpellareret: neque id amicitiae eorum obfecit. Scipionem, Afranium, hunc ipsum Cassium, hunc Brutum nusquam latrones et parricidas, quae nunc vocabula inponuntur; saepe ut insignes viros nominat.* Id vel solum subficeri videri possit ad retinendas criminationes vanas eorum, qui et sibi et aliis persuasere, a Livio iusto plus et Romanorum virtutes ac res augeri, peccata ac clades intinui atque celari, et hostium, in primis Gallorum Poenorunque, mores carpi et res bene gestas elevari; adeoque de his longe aliud nos iudicium laturos esse, si Gallicos Punicosque habemus scriptores. Fac autem, eos exstare. Quinam tibi fidei digniores viderentur? hi, quos vel patria et

et ingenium suspectos redderent? an Livius, qui non minus candide popularium peccata, vitia et clades fateretur, (quod permultis facile exemplis evinci posset, si res iis indigeret) quam vere praedicat, etiam in hostibus, quae laudanda erant³⁹⁾?

Livius non solum dixit verum, sed etiam praecclare dixit, sive res, sive verba respicias. Quae quovis anno in re publica Romana contigerunt, adcurate et ordine, graviora fuse, leviora paucis exposuit; regionum, populorum, urbium indolem ac naturam bene adumbravit; hominum celebrium non modo res bene aut male gestas, sed et virtutes, vitia, vitam, ingenium, vere descripsit et egregie; quo modo acies instructa pugnaque commissa, quibus consiliis et qua ratione memorabilis res acta fit, qui eius eventus et quae huius causae fuerint, seu casus, seu temeritatis, seu sapientiae, quid in re publica constituenda, administranda et mutanda, quid in eliendo campo locoque castrorum, quid in ordinanda acie, in subsidiis disponendis, in proculsu concursuve, in impetu hostis excipiendo et repellendo, quid ab equitatu et peditatu, huiusque et illius parte, bene aut

³⁹⁾ Cf. Ernesti in comment. supra nota 34, laudata §. 33. et 34.

aut male sit factum, scite et luculenter declaravit. Quae praecipuae sunt virtutes historiae πραγματικῆς et ἀποδεικτικῆς⁴⁰), cuius ille exemplum a Polybio sumferat, et ad cuius normam Sallustius quidem et deinde alii iam singulas historiae Romanae partes conformaverant, Livius vero, quod sciamus, totam primus adcommodavit. Haec omnia si exemplis, ex eo petitis, illustrare vellem et evincere; charta et tempus me citius deficerent, quam oratio et materies.

De Livii, historici omnium eloquentissimi, oratione eiusque indole et ornatu non est, quod multa addam iis, quae iam supra §. III. dixi. Est ea non minus pulchra, numerosa, elegans et nitida, quam dulcis, iucunda, venusta et urbana; est dilucida, simplex et aequabilis, rebus et affectibus conveniens; in concionibus diserta et gravis, verborum saepe sententiarumque floribus confpersa; figuris et translationibus distincta, nonnumquam et poetica; ut paucis multa complectar, plane oratoria et Ciceroniana: quam bene *miram facundiam et lacteam ubertatem* dixit Quintil. Inst. Or. 8, 1, 5. et 10, 1, 32. ubi etiam §. 101. ita iudicavit: *Historia non cesserit Graecis, nec*

⁴⁰⁾ Cf. Polyb. 1, 2. 35. 2, 37. 3, 1. 7. 31. 32. 6, 5. 9, 2.

opponere Thucydi Salustium verear: nec indignetur sibi Herodotus aquari T. Livium, quum in narrando mirae iucunditatis clarissimique candoris, tum in concionibus, supra quam enarrari potest, eloquentem: ita dicuntur omnia quum rebus, tum personis adconimoda-ta. Sed affectus quidem, praecipue eos, qui sunt dulciores, ut parcissime dicam, nemo historicorum commendavit magis. Ideoque inmortalem illam Salustii velocitatem diversis virtutibus consequutus est. Nam mihi egregie di-xisse videtur Servilius Nonianus, pares eos magis, quam similes.

Praeter virtutes historiae Livianaे modo memoratas ex ea spirant sumnum odium vitiorum, amor virtutis et animi candor, iudicium subtile et rectum, acer sensus veri, pulchri et honesti, artium pacis bellique peritia, multiplex doctrina et copia tam egregiarum graviumque sententiarum, quam exemplorum praeceptorumque, in omni vitae genere et in arte militari ac politica utilium. Ex quibus omnibus facile intelligitur, quot et quantae utilitates ex tali historia capi queant.

Ceterum a nobis non totum opus Li-vianum, sed quarta tantum, quae restat, pars recte aestimari potest. Cuius si præ-

stantia nobis tanta esse videtur, ut nemo veterum historicorum Nostro anteseratur; quanti faceremus integrum eius historiam, quae et ἀρχὴν, et ἀκμὴν, et παρακμὴν seu Φθορὰν rei publicae Romanae, tamquam in tabulis bene pictis expressas, oculis nostris subiecisset? quanto maioris posteriorem eius partem quam priorem? Nam in hac descripsit primum tempora antiquiora, quibus pleraque erant tenuia, incerta, obscura et fabulis involuta⁴¹⁾), deinde ea,

quo-

⁴¹⁾ Hinc frequentissime dubitat, quod iam Quintil. I. O. 2, 4, 19. monuit, passimque de varietate annalium veterum et de defectu monumentorum fide dignorum, caliginem priscis temporibus obfundente, queritur, v. c. 2, 21. 5, 21. 7, 2. in primis 6, 1. (*Quae ab condita urbe Roma ad captam eamdem Romani gessere, quinque libris exposui; res quum vetustate nimia obscuras, veluti quae magno ex intervallo loci vix cernuntur, tum quod et rare per eadem tempora literae fuere, una custodia fidelis memoriae rerum gestarum, et quod etiam, si quae in commentariis pontificum aliisque publicis privatisque erant monumentis, incensa urbe pleraque interiere.*) et 8, 40. (*Vitiatam memoriam funebribus laudibus reor falsisque imaginum titulis, dum familia ad se quaeque famam rerum gestarum honorumque fallente mendacio trahunt. Inde certe et singulorum gesta, et publica monumenta rerum confusa. Nec quisquam aequalis temporis,*

quorum omnem paene memoriam Polybio debebat; in illa vero recentiora, quibus proprietor erat aut adeo aequalis, quorumque res memorabiles et ex limpidoribus hauriri poterant fontibus, et ingenio eius multo digniorem uberioremque subministrabant materiam, et a nullo scriptore, adhuc superstite, adcurate et continuo ordine sunt expositae. Inde etiam primis X libris quadringentos et sexaginta annos, reliquis XXV non nisi quinquaginta persequuntus est, et in illis non raro improbabilia inimiscuit et fabulosa, in his, Polybio duce, et certiora tradidit, et historiam, quae vulgo pragmatica vocatur, scribere adgressus est, et, quod Cicero de Coelio dixit, paulo inflavit vehementius; ita ut hi plane dissimiles sint illis, et, labore longius procedente, studium eius non elanguisse, sed simul cum materia creuisse videatur. Quare non est quod dubitemus, quin virtutes eius maxime enituerint in XCVII. libris XLVI-CXLII. qui iniuria maligni fati nobis erepti sunt, quibusque res, annis tantum CLVIII gestas, ab a. V. c. 586-744^o, complexus est.

§. V.

poribus illis scriptor exstat, quo satis certe auctore stetur.)

§. V.

2. *De vitiis historiae Livianaæ.*

Non est quod vel mireris, si in vastæ
molis opere bonus quandoque dormitat
Homerus, vel dissimiles, quos egregio in-
sperfos reprehendas corpore, naevos. Ne-
que tamen audiendi, qui iudicio aut in-
epto aut nimis moroso ducti, omnia, etiam
præclara, vituperare amant. Illorum nu-
mero, praeter eos, qui Livii fidem verita-
tisque studium in dubium vocarunt, et iam
supra §. IV. confutati sunt, habendus Cali-
gula Imp., qui teste Suet. c. 34. non mi-
nore livore ac malignitate, quam su-
perbia sacvitiaque, paene adversus om-
nis aevi homines grassans, cogitavit de
Homeri carminibus abolendis, atque
Virgilii et T. Livii scripta et imagines,
paulum asuit, quin ex omnibus bibliothecis
amoverit: quorum alterum, ut
nullius ingenii minimaeque doctrinae,
alterum ut verbosum in historia negli-
gentemque carpebat⁴²). Horum C. Afri-
nius Pollio, vir clarissimus quidem belli
pacisque artibus⁴³), sed asperi tetricique
inge-

⁴²) Negligentiae Livius inepte arguitur: ver-
bositatis vitio non plane absolvendus vide-
tur; quod infra monehimus.

⁴³) v, ad Tac. Ann. 1, 12, 3.

ingenii et perpetuus aequalium praefastatis iniorumque scriptorum obtrectator, qui, quamvis ipse dura, sicca, aspera et salebrosa oratione uteretur⁴⁴), Livio *Patavinitatem* exprobravit⁴⁵). Qua criminatione quidam designari putant nimias Patavinorum laudes, alii odium in Gallos, alii orthographiae insolentiam⁴⁶), alii Pompeianarum partium studium⁴⁷), alii redundans et Asiaticum dicendi genus seu frigidam et elumbem prolixitatem, a Romana virilitate alienam⁴⁸), alii aliud. Sed

ex

⁴⁴) v. auctor dialogi de Orat. c. 21. et Senec. Exc. Controv. ex lib. IV. princ.

⁴⁵) v. Quintil. I. O. 1, 5, 56. et 8, 1, 3.

⁴⁶) Cui coniecturae favet, quod Quintil. 1, 7, 24. docet, Livium *sibe* et *quase* scripsisse pro *fibi* et *quasi*. Enim vero id non proprium Patavinis, sed literarum *e* et *i* usum in permultis vocibus promiscuum fuisse antiquis scriptoribus, ex inscriptt., MSS., Gell. 10, 24. Quintil. 1, 4. et 7. Donato in Terent. Phorni. 1, 1. et aliis iam probavit Morhof. de Patavin. Livii c. 3. de quo libello v. sup. not. 1.

⁴⁷) Livium et Patavinos earum partium, Asinium vero Pollionem Pompeianis adversum fuisse, docent Tac. Ann. 4, 54. Macrob. Sat. 1, 11. Vellei. 2, 63. Cf. Morhof. l. l. cap. 2.

⁴⁸) Eam Io. Buherius de Patavin. Livii ita festive, licet maligne, dictam censebat, quia Patavinorum mulieres in Venerem frigidiores et severas moribus fuisse cognoverat ex Martial. 9, 17. et Plin. Ep. 1, 14.

ex locis class. Quintil. 1, 5, 65. et 8, 1, 5. manifesto adparet, significari peregrinitatem aliquam in usu vocum Romanis insolentium aliove sensu captarum. Quod tamen vitium, si Livio fuit, ita latet, aut a nobis saltem hodie et in iis, qui superfunt libris eius vix ac ne vix quidem deprehendi possit⁴⁹⁾.

Huius generis iudicibus nescio an adnumerandi sint, qui valde improbarunt frequentem illam et adcuratam prodigiorum portentorumque enumerationem, qua sapienter abstinuisse Polybium iam Xiphil. (in Aug. p. 41. ed. H. Steph.) iudicavit, quaeque praecipua creditur causa fuisse, cur Gregorius M., propagandae religionis christianaæ et superstitionis tollendæ studiosissimus, ex omnibus bibliothecis historias Livii curaverit amoyendas. Fastidiremus utique talia legere in historicis nostri aevi, quo philosophia et maxime physica veras rerum naturalium causas investigare nos docuit, et huius generis errores exemit hominum animis. Sed non est, quod vitio vertantur antiquis rerum Romanarum auctoribus. Nam hi et placere cupiebant popularibus suis, qui omnes iram deorum prodigiis portendi piaculisque et sup-

⁴⁹⁾ Haec et Morhofii sententia fuit, qui ilias aliasque coniecturas bene refutavit l. l.

supplicationibus avertendam esse putabant, (quibus opinionibus etiam sapientissimos fuisse inbutos, vel ex Ciceronis de divinatione libris intelligitur) et movebantur tum gravitate harum superstitionum, quae magnam vim habebant in consilia publica rerumque gerendarum eventum, tum auctoritate antiquitatis monimentorumque veterum, e quibus tantum non omnia hauriebant, in primis fastorum et annalium pontificum, in quibus prodigia cum prourationibus diligenter erant consignata. Quod si vero Livius in his commemorandis modum excessit, minus certe peccasse videtur quam Polybius, qui semel tantum (3, 112.) brevem eorum mentionem fecit: nam ex historia Romana, quae talia paene silentio praetermittit, non adcurata percipietur cognitio mortim, opinionum institutorumque huius populi. Ipse Livius non male eam, quam sequutus est, rationem l. XLIII, 13. defendit his verbis: *Non sum nescius, ab eadem negligentia, qua nihil deos portendere vulgo nunc credunt sc. homines, edocti a philosophis, deorum prvidentiam negantibus, neque nuntiari admodum ulla prodigia in publicum, neque in annales referri.* Ceterum et mihi vetustas res scribenti nescio quo pacto antiquius sit animus, et quaedam reli-

*religio tenet, quae illi prudentissimi viri
publice suscipienda censuerint, ea pro-
dignis habere, quae in meos annales
referam.* Idem aliis locis recte iudicat
de prodigiis, v. c. 21, 62. 24, 10. 44. et
27, 25. quibus dicit, multa oculorum au-
riumque ludibria, motis semel in religio-
nem animis, temere pro veris fuisse cre-
dita, et pravam religionem etiam minimis
inseruisse deos.

Fuere etiam et olim ⁵⁰⁾ et hodie, qui
nimium orationis ornatum et eloquentiae
studium neutiquam probarunt in historico.
Et recte hi iudicare videntur: nam scrip-
tores, qui oratoria ornamenta, elegantias et
flores sermonis, rhetorumque lecythos, et
pigmenta sectantur, maiorem paene verbo-
rum quam rerum, voluptatis quam utilitatis,
et doctrinae ingenique ostendandi quam ve-
ritatis investigandae curam habere solent.
Neque etiam tam caeco Livii amore captus
sum, ut in hac re nihil ab eo peccatum esse
contendam. Orationes, ex eius fere in-
génio profectae, nimis forsan crebrae et
saepe iusto longiores sunt, copia variorum
orna-

⁵⁰⁾ v. c. Lucianus de scrib. hist. 9.57. et inpr.
Diodorus Sic. Orationes rectas in Livio et
Sallustio reprehendit, néc nisi obliquas in
historia referendas censuit Pompeius Tro-
gus; de quo v. Iustin. 38, 4.

ornamentorum convenientior oratori quam historico, multi orationis colores ex seniori aeo eiusque ritibus depromti, multa oratorum more exaggerata⁵¹⁾). Ipsa tamen haec ubertas lactea est et gratissima: unde etiam non defuere, qui conciones CXCIII e Livio excerptas separatim edendas currarent⁵²⁾). Neque minori ille studio veri reperiendi, quam ornate exprimendi arsisse videtur.

Alia Livii peccata paucis recensebo; quoniam plura de iis iam in commentario dixi. Multa in eius historia Rom. reperiuntur exempla incuriae rerumque perverse narratarum, v. c. 1, 38, 4. 1, 45, 2. 2, 8, 10. 3, 31. 4, 12. 4, 29, 5. 4, 42, 3. 5, 1 pr. 5, 12, 8. 10, 53, 5. 10, 47. 21, 6, 5. 22, 48, 4. 25, 11, 9. 25, 57, 5. 24, 1, 1. 25, 41, 8. 26, 21, 6. 28, 45, 4. 50, 24, 2. 51, 50, 4. 54, 59, 4. multa improbabilia et fabulosa aut miraculorum commenta, ut 1, 7. 9. 16. 2, 49. 50. 7, 6. 28, 28, 1. cet. multa loca, quibus ille sui oblitus aut varios sequuntus auctores de eadem re aliud alio loco

⁵¹⁾ v. ad 4, 54, 7. 6, 16, 4. 9, 14, 8. 28, 1. 34, 5, 3. (ubi ab oratore argumentum petitur ex Originibus Catonis, quarum scribendarum hic eo tempore nondum ceperat consilium) 36, 40, 3. et al.

⁵²⁾ v. Fabricii Bibl. Lat. 1, 11. p. 295.

XLVIII PROOEMIVM DE LIVIIT

loco seu contraria tradit, e. g. 1, 7, 5. 1,
 24, 2. et 5. 1, 65, 4. 4, 29. 5, 12. 5, 27. conl.
 42, 47. 7, 1. 7, 15, 2. 7, 32, 4. 9, 26. conl.
 54. 9, 44, 8. 21, 3, 2. 21, 56, 4. 23, 32. 26,
 21, 6. 27, 14, 2. 27, 48, 6. 29, 11, 3. 29,
 22, 4. 30, 2, 1. 30, 19, 5. 30, 24, 2. 33, 9, 3.
 33, 15, 3. 34, 53, 5. 36, 24, 3. 37, 24, 3. 38,
 18, 2. 41, 27, 2. alia, ubi errore lapsus
 memoriae eadem fere verbis iisdem bis
 memorat, ut 35, 22, 2. 36, 21, 4. 45, 15, 8.
 vel mole rerum narrandarum obrutus mul-
 ta suo tempore ac loco praetermittit, et
 deinde per occasionem eorum, quasi iam
 ante relatorum, brevem iniicit mentionem,
 v. c. 1, 50. 4, 50. 3, 31. 32. 5, 18. 31. 40.
 8, 25. 9, 8. 9, 12, 4. 9, 31. 34. 38. 44. 10, 12.
 conl. 41. 10, 33. 22, 9. 33. 60. 23, 21. 24,
 10. 36. 25, 25. 25, 41, 8. 28, 4. 17. 29, 15, 2.
 35, 44. cet. ⁵³⁾) vel eadem committit pec-
 cata, quorum alias arguit historicos, e. g.
 2, 15. 16. 39. (quibus locis consules biennii
 omisit) 9, 44. 56, 40, 5. vel male intellexit
verba

⁵³⁾ Cf. Periz. anim. hist. c. 4. p. 160 sq. qui id
 optimis adcuratissimisque scriptoribus, prae-
 fertim rerum Rom. et in his Livio, in usu
 fuisse, et forsan non oblivioni aut incuriae
 tribuendum, sed de industria ac brevitatis
 studio factum putabat. Quacumque vero
 de causa hanc illi consuetudinem adscivere,
 ea vituperanda potius, quam laudanda et
 imitanda videtur.

verba Polybii, ut 51, 29, 1. 55, 8, 5. 53, 13. 3. vel eius αὐτοτίματα μνημονικὰ sua fecit, v. c. 58, 11, 8. vel eiusdem auctoritate spreta ex aliis minus fide dignis parum probabilia, ne dicam absurdā, hausit, ut 28, 28, 1. Praeterea nonnūquā verba sunt abrupta et male nexa, ut 10, 20, 7. brevitas obscura v. c. 3, 45. pr. ingrata orationis negligentia, (de qua v. ad Praef. n. 3. ad 1, 3, 8. 2, 32, 3. 5, 15, 6. 5, 43; 4. 6, 24, 4. et al.) crebri pleonasmī et inanis verborum copia atque ubertas, cuius generis insignem μακρολογίαν notavit Quintil. 8, 3, 53.

§. VI.

De MSS. et edit. Livii.

De his tantum non omnibus docte et adcurate post Fabricium (in Biblioth. Lat. I, 11. et Creverium egit Drakenb. in Praefat. Vol. VII. edit. Liv. et ibidem in Syllabo codicum et editt. p. 320-541. cuius vestigia legere Livii editores Bipontini. Nobis tantum summas ex iis rerum feligere licet, et in lucidiorem redigere ordinem.

CODICES SCRIPTI, a viris doctis ad recensendum emendandumque Livium adhibiti, sunt

I. antiquissimi optimique, et quidem 1. Puteaneus olim, nunc Parisiensis, omnium praestantissimus, literis uncialibus et

continuis, iisdem, quibus clarus ille Florentinus ex Pisano Pandectes, scriptus, citi historia belli Punici Liviana plurimum debet. 2. *Cantabrigiensis* collegii Trinitatis, raro discrepans a Puteaneo. 3. *Petavianus I.* Alex. Petavii, Puteaneo fideliter plerumque adhaerens, aut ita ab eo deflectens, ut causa sit manifesta. 4. *Moguntinus*, literis Longobardicis in membra exaratus, qui in aedis Martinianaæ ac metropolitanae bibliotheca, in qua olim fuit, non amplius reperitur, et consultus est primum a Nic. Carbachio, deinde a Gelenio aut Rhenano, qui in ed. Frobeniana lectiones variantes, ex eo diligenterius excerptas, notavit et permultas quidem in contextum admisit, sed pauciores quam Aldus (in ed. Ven. 1521.) et Drakenb., a quibus nimium forte huic Mſto tributum est. 5. *Laurisheimensis*, maiusculis literis et sine vocum distinctione scriptus, et ex biblioteca monasterii Laurisheimensis in Caesaream, quae Vindobonæ est, inlatus, sed nondum a quoquam accurate conlatus cum ed. Sim. Grynaei, qui Basil. 1531. ex eo primus vulgavit quinque ultimos Livii libros. (cf. Lambecii comm. de Bibl. Augusta Vindob. L. II. p. 495 sq. ubi multa adhuc Livii loca ex eo corrigi posse ostendit.) 6. 7. 8. 9. *Palatini IV.* qui

qui cum reliquis bibliothecae Heidelbergensis MSS. in Vaticanam concessere. 10.
 11. *Florentini* f. Medicei I. et II. quorum ille in prima Livii decade optimus, hic in altera secundus a Puteaneo est. 12. *Leidenensis* I. in quo prima Livii decas ex eodem, ex quo Florentinus I., certe ex simili exemplari descriptus videtur. 13. *Havercampianus* I. Sigeb. Havercampii, qui libros Livii III-X. integros et pauca libri I. et II. fragmenta continet: unde non codex, sed fragmentum *Havercamp.* a Drak. vocatur. 14. *Harleianus* I. comitis Oxoniensis.

II. antiqui et meliores, 15. *Leidenensis* II. quem Lipsius olim posse disse videtur. 16. *Lovelianus* I. a Thoma Coke de Lovel, Barone Britanno, ad Drakenb. cum aliis missus, qui primum Alfonsi regis, deinde Cuiacii, Lipsii aliorumque fuit, nec tamen ille, qui Alfonso regi dono datus est a Cosmo Mediceo, et quo nullum in Italia augustiorem fuisse, Valla ad Liv. 23. 18. testatur. 17. *Lovelianus* II. qui illo recentior esse videtur. 18. 19. *Vossiani* I. et II. qui cum ceteris Is. Vossii MSS. a curatoribus academiae Lugduno-Batavae redenti sunt. 20. *Petavianus* II.

III. recentiores, 21. *Gaertnerianus*, qui olim fuit in bibliotheca Car. Guil. Gaert-

neri Prof. Lips. 22. *Harleianus II.* 23. *Havercampianus II.* 24. *Lipsiensis* in biblioth. senatoria. 25. 26. 27. *Loveliani III. IV. et V.* 28. *Portugallicus*, Hagaæ Comitum olim emtus iussu regis Portugalliae. 29. *Berolinensis* in biblioth. regia. 30. *Harleianus III.* 31. *Havercampianus III.* 32. 33. *Vossiani III. et IV.* 34. *Hafnienis* in biblioth. regia. 35. *Recanatianus*, qui olim fuit Io. Bapt. Recanato, Patricio Veneto, et in multis consentit Laudino I. (cf. ad Liv. 22, 18. et Fragmenta). 36. *Harleianus IV.* 37. *Lovelianus VI.* qui cum Vossiano IV. convenire solet. 38. 39. *Meadiani I. et II.* quorum olim possessor fuit Rich. Mead, medicus Londinensis. 40. 41. 42. 43. *Palatini V. VI. VII. VIII.*

IV. *alii*, quorum vera indoles subtiliori iudicio haud explorata et descripta est a viris doctis, qui satis habuere, eos certis nominibus signisque distinguere, et varietatem lectionis enotare; 44. *Rottendorfii.* 45. 46. *Gudianus I. et II.* 47. *Thuaneus.* 48. *Chisletianus.* 49. *Gabr. Naudaei.* 50. *Buslidianus.* 51. *Vormatiensis.* 52. *Spirensis.* 53. *Fuldensis.* 54. *Coloniensis.* 55. *Codex vetus Manu Poggii scriptus.* 56. *Codex Claudii Fauchet.* 57 - 62. VI *Oxonien-*
ses

ses Hearnii manibus versati, scil. 57. *B.*
Bodleianus, 58. *D.* Digbaei, 59. *L.* 1.
Laudinus I., 60. *L.* 2. *Laudinus II.* (qui
 quatuor MSS. in biblioth. Bodleiana ad-
 fervantur). 61. *C.* in biblioth. collegii cor-
 poris Christi. 62. *N.* in biblioth. collegii
 novi Oxoniensis. 63. 64. *Veithiani I. et*
II. a bibliopolis Augustanis fratribusque
 huius nominis cum Strothio communicati.

V. *Codices locis aliquot a I. Fr. Gronovio inspecti;* 65. 66. *Barberini.* 67.
Andinus. 68. *Venetus coenobii D. An-*
tonii. 69 sqq. *Florentini complures;* et
 duo *Oxonienenses* totidemque *Parisienses*,
 forte ab Hearnio et Crevierio adcuratius
 excussi.

His codicibus addendi sunt alii a Cre-
 vierio usurpati, duo a Gelenio, qui eos
 haud nominatim memorat, complures ab
 Aldo, Curione, Sigonio, Modio, Grutero
 et aliis, qui ne dixerunt quidem, quot et
 quales fuerint, quidam Vallae, nescio qui,
 (quorum meminit ad Liv. 22, 12. et 51.) et
 vetustum exemplar ex biblioth. Bene-
 dicti Cornarii Patricii Veneti depromtum a
 Sabellico, qui ad illud Livium contulit in
 ed. Veneta a. 1491.

A Io. Fr. Gronovio cum editionibus
 conlati sunt codices 1. 3. 4. 20. 44–50. et
 65 sqq. a Iac. Gronovio (cuius excerpta Ios.

Wasse dedit Drakenborcho) 2. a Iano Gebhardo (forte et a Grutero ac Io. Fr. Gronovio, qui Palatinorum codicum lectiones saepe, numerum vero et indelem nusquam memorant) 6-9. et 40-43. a Drakenborcho 10-19. et 21-59. a Rhenano 51. 52. a Modio 55. 54. ab Vrsino 55. a Matthaeo Klockio 56. ab Hearnio 57-62. a Strothio 63. 64. Nullus vero horum codicum omnes, qui supersunt, libros Livii continet, sed 51. lib. I, 20. usque ad VI, 28. — 14. lib. I-VIII. — 13. lib. III-X. et aliquot libri I. et II. fragmenta. — 6. 7. 10. 12. 14. 15. 18. 19. 22. 23. 24. 28. 50. 40. 44. 45. 47. 48. 53. 54. 57. 60. 61. 63. lib. I-X. — 1. 2. 3. 8. 9. 11. 29. 30. 31. 32. 34. 35. 41. 46. 52. 58. 64. lib. XXI-XXX. — 14. 20. 53. 36. 57. 58. 39. 42. 43. 49. lib. XXXI-XL. — 16. 17. 21. 25. 26. 27. 50. 59. 62. lib. I-X. et XXI-XL. — 5. lib. XLI-XLV. E codice quarto Nic. Carbachius in ed. Mogunt. 1519. primus restituit maximam partem libri XXXIII. inde a cap. 17. §. 6. et extremam libri XL. a cap. 37. §. 3. ad finem; ex quinto Sim. Grynacus in ed. Basil. 1631. libros quinque postremos; et ex MS. Bambergensi Casp. Lusignanus in ed. Rom. 1616. prima XVII capita libri XXXIII. quae Luviani operis partes in reliquis MSS. desiderantur.

Ad recensendas quoque *Epitomas Livianas* viri docti adhibuere codices m̄stos, Sigo[n]ius quosdam, nescio quot et quales; Gruterus Palatinos; I. Fr. Gronovius *Barbarinum* et duos *Gudianos*; Hearne cod. N. collegii novi Oxoniensis et *Norvicensem* Io. Mori, Episcopi Norvicensis; Drakenborch *Bergianum* Ioannis van den Bergh, ICti et consulis Lugdunensis, *Boendermakerianum* Theodori Boendermakeri, Canonici S. Martini apud Traiectinos, *Leidensem* optimae notae, *Lovelianum*, quem supra Lovelianum II. diximus, et *Vossianos I. II. III. et IV.*, qui cum reliquis codicibus Vossianis in Lugduno-Bataviam migrarunt, et quorum primus, qui recentissimus est, omnes Epitomas, reliqui vetustissimi non nisi septem priores et duplice[m] seu diversam primi libri Liviani exhibent.

EDITIONUM LIVII indolem nunc paucis indicabimus. Exemplum Livii, quem a Christoph. Landino primum esse repertum et descriptum tradit Sabellicus de L. L. instaurazione p. 334., iam habuit Fr. Petrarca, ICtus, philosophus et poeta, qui a. 1574 mortuus est: (v. eius Opera p. 918.) et primae editiones usque ad Moguntinam a. 1518. complectuntur tantum libros I-X; XXI-XXXII. et XXXIV-XL, 57, 5. — Nam quaedam ex iis, libro XXXI in duas partes

disfecto, numerum quidem librorum, non vero lacunam explevere. *Editio princeps* est Romana fine anni nota (1469 fol.) ap. Conr. Sweynheym et Arn. Pannartz cura Io. An. (Antonii aut potius Andreae) Episcopi Aleriensis, cuius praefationem proximae et tantum non omnes editiones Saec. XV. praeferunt. Repetita est Romae 1472 f. et ex ea expressae Mediolanenses 1478 f. a Phil. de Lavagnia, et 1480 f. ab Anton. Zarotho in pensis Io. Legnani et ex recognitione Petri Iustini Philelfi. Proxime autem illam excepere Veneta 1470 f. per Vendelinum Spirensem sive de Spira, et Romana 1471. et 1472 f. III Voll. per Vdalricum Gallum, studio Io. Antonii Campani; quae, si Fabricio fides habenda, iam recepit aliquot coniecturas *Laur. Vallae*. Hic, qui iam a. 1457 mortuus est, primus veram Livii lectionem in libris XXI-XXVI. ex ingenio et membranis revocare conatus est, et emendationes suas libro IV. Recriminatum in Facium et Panormitam inferuit. Eas tamen anno demum 1540 Basileae cum reliquis eius operibus in lucem emissas, et primum a Seb. Gryphio in edit. Livii Lugd. 1542 excerptas fuisse, contendit Drakenb., qui in Praefat. Vol. VII. p. II-XXXI. de Vallae vita et scriptis copiose disseruit.

Proximae editiones sunt Tarvisinae, I. et III. a. 1480. et 1485. (utraque sine nota loci) per Mich. Mazolinum Parmensem, II. et IV. descriptae typis Io. Vercelli et recognitae a Luca Porro Tarvisii 1482. et 1485 f. Prima per errorem a Drakenb. in notis dicitur Parmensis, et Tarvisina prima ac secunda, quae secunda et quarta fuerere. Parisianas 1481. et 1485 f. ex incerta traditione memorat Maittaire: at certiori fide Mediolanenses 1495 f. et aliam s. a. et l., sed curatam in pensis eiusdem Alex. Minutiani, cuius et epistola praemissa est, scripta Mediol. 1505. quique intexit Parrhasii castigationes in Livium, fraudulenter ei subreptas.

Tum Livius cum notis, partim longioribus, partim brevioribus, *Sabellici*, (M. Antonii Coccii) secundi interpretis, qui etiam Veneto MS. usus est, prodiit tum Venetiis 1491 f. 1495 f. 1495 f. 1498 f. 1501 f. 1506 f. 1511 f. tum in V. edit. *AAscensianis* Paris. 1510 f. 1511. 8. 1513 f. 1516 f. 1530 f. in pensis Io. Parvi et Iodoci Badii *AAscensii*, qui suam in Livium Isagogen cum prooemii expositione et Augustini *Becharii* ad studiosos adloquium praefixit, et 1531 singulari in volumine quinque postremos Livii libros et chronologiam Glareani ex ed. Basil. 1531 edidit. Ex

Ascensiana editione ductae sunt Parisienses 1527 f. ap. Petr. Vidovaeum, et 1529 f. ap. Nic. Savetier, sicutem posterior.

His editionibus, quae nondum omnes subtilitate critica excusae sunt, successit nobilior, quae novam quasi familiari duxit, *Mediolanensis* a. 1518. et 1519 f. ex officina Io. Schefferi et cura Nic. Carbachii, qui ex MS. Mogunt. primus in lucem protraxit maximam partem libri XXXIII. inde a cap. 17. §. 6. et postremam libri XL. a cap. 37. §. 3. Eodem vero tempore Livium, ex variis codicibus castigatum, edidere *Aldus Manutius Romanus* et *Andreas Asulanus* sacer Venetiis 1518. 1519. 1520. 8. III Voll. quibus adiectum est a 1521 quartum, et 1533 quintum. Hoc continentur libri Liv. XLI-XLV. ex ed. Mediol. deproniti, illo Epitomae, Florus et latina Polybii versio a Nic. Perotto perfecta. Ab hac Aldina minore diversa est maior Venet. 1521 f. quatuor volumina minoris uno comprehendens. Ex minore re ductae sunt *Iuntina I. Flor.* 1522. et 1532. 8. IV Voll. ap. heredes Phil. Iuntae et Bernardi Iuntae, omissis, quae in Vol. IV. Aldinae reperiuntur, *Iuntina II. et III.* ap. Luc. Ant. Iuntam Venet. 1532 f. 1541 f.

Paullo post Livium ex ingenio emendare conatus est Iac. *Sobius*, et foras de-
dit Coloniae 1525 f. ap. Io. Soterem, et
1528 f. ap. Eucharium Cervicorum.

Novae editionum classis prima est splen-
dida illa Basileensis seu *Frobeniana* 1531 f.
in qua Sim. *Grynaeus* Livii libros XLI-
XLV. primus e MS. Laurishemensi in lu-
cem protulit, et Indices Glareanique chro-
nologiam Livianam adnexuit. Altera Fro-
beniana Basil. 1555 f. non modo auctiorem
Glareani chronologiam historiamque Livia-
nam longe emaculatiorem et nunc demum
ad vetera exemplaria conlatam in titulo
venditat, sed etiam Rhenani atque Gelenii
in Livium notas adiecit. Hi triumviri,
Beatus Rhenanus, *Sigism. Gelenius* et
Henr. Loritus, qui *Glareanus* adpellari
maluit, eodem tempore nec invita Minerva
hic interpretando, illi, consociato et dis-
partito labore, emendando ex MSS Livio
operam dedere: nam praeter chronologiam
illam *Glareanus* notas in Livium scripsit,
quae primum seorsum vulgatae, deinde edi-
tionibus Livii insertae sunt. In his queritur,
sibi versiones tantum latinas Dionysii
Halic. et Polybii ad manus suisse, passim-
que quidem veteres libros et codices seu
vetusta exemplaria laudat, quae tamen an-
tiquiores fuere editiones. Ceterum Fro-
benia-

benianam editionem sequutae sunt Lugdunenses a. 1537. 8. ap. heredes Sim. Vincentii, 1542. 8. 1548. 12. 1554. 8. ap. *Sebastij Gryphium*, 1553 f. typis Io. Frellonii et sumtibus Ant. Vincentii; Basileenses 1539 f. 1543 f. 1549 f. 1554 f. 1555 f. ex officina Io. Hervagii, 1540 f. ap. Io. Petrum; Parisienses 1543 f. et 1552 f. ap. Mich. Vascofanum. Sed Caelius Secundus *Curio* in edd. Basil. 1549. 1554. 1555. multa Livii loca ex veteribus novisque exemplaribus correxit, et adnotationibus Rhenani atque Gelenii adcesserunt notae Glareani in edd. Lugd. 1537. et Basil. 1540. 1543. Vallae, Sabellici et Glareani in ed. Lugd. 1542. et Parif. 1543. 1552. eorumdem et Io. Velcurionis ac Theod. Morelli in edd. Lugd. 1553. 1554. et Basil. 1555.

Melius, quam omnes illi, de *Livio* meritus est *Car. Sigonius*, cum cuius is chronologia *Liviana* et scholiis in *Livium* eiusque Epitomas editus est Venetiis ap. Aldum Manutium Aldi filium 1555 f. 1566 f. 1572 f. et post eius, a. 1585 defuncti, mortem 1592 f. In scholiis passim ille crepat libros veteres et mstos, qui tamen vel recentissimi fuere, vel iidem qui Glareani codices, h. e. editiones antiquae. Saepius etiam acerbe invehitur in *Glareanum*; qui deinde defensiones scripsit, et patronos nactus

nactus est haud inscitos, Franc. Robortellum, Gabr. Faernum et Guil. Godelevaeum. Hinc in secunda editione permulta scholia omissa sunt aut mutata, in tercia eadem aucta defensionibus adversus adversarios istos, in quarta saepe emendata et adiectae quaedam Ant. *Florebelli*, Episcopi Lavellini, coniecturae.

Horum antiquiorumque interpretum adnotationibus Livium instruxere Guil. *Godelevaeus* Francofurti ap. Io. et Sigism. Feyerabendt 1568 f. 1578 f. et Iac. *Gohorius* Paris. 1573 f. Ille scriptorem nostrum iam ante cum suis tantum notis ediderat Frfti 1551. 8. II Voll. hic et paucas in Liv. I-III. animadversiones praemisit. Omnibus his notis adcesserunt mox novae Franc. *Modii* Francof. 1588 f. et 8. 1599. 8. deinde Iani *Gruteri*, qui etiam observationes Fulvii Vrsini (in Fragmentis veterum historicorum Antverp. 1595.) et Marcelli *Donati* (in Dilucidatt. in Livium, Tacitum cet. Frfti 1613.) adiunxit Francofurti 1608 f. (cuius editionis admodum vitiosa repetitio est Parif. 1625 f.) 1619. 8. 1628 f. (in qua edit. primum libri Livii in capita divisi sunt, et novis curis castigati) 1634. 8. 1659. 8. Animadversiones Gruteri sunt criticae ac politicae, non multae nec magni usus; utiliores Vrsini, in quibus multa Li-

vii loca, et interdum feliciter, vel emendantur, vel ex Graecis illustrantur scriptoribus; copiosiores et antiquariae Modii et Donati. Hic saepe nugatur vel notissima congerit; ille permultos Silii versus et integra nonnumquam capita ex Lipsii et Briffonii scriptis intexit.

Aliam Livii lacunam explevit Casp. Lusignanus, primis XVII capitibus libri XXXIII. ex MS. bibliothecae cathedralis Bambergensis evulgatis Romae 1616. 8. cum Franc. Bartholini Vrbinatis et Antonii Quaerengi castigationibus. Haec editio continet unicum Livii librum, non XLIII, qui in titulo omnibusque paginis perperam inscriptus est, sed XXXIII seorsum etiam editum Venet. 1616. 8. et cum notis Io. Horrionis Paderbornae 1617. 8. Totum deinde Livium nitide typis excudendum curavit Dan. Heinius Lugd. Bat. ex officina Elzeviriana 1624. 12. 1634. 12. et alius, nescio quis, Amst. 1633. 12. ap. Guil. Blaeu. Melior tum lux scriptori nostro adfulsit opera Io. Fred. Gronovii, qui iure optimo magnus *Livii sospitator* vulgo dictus est, eumque edidit ap. Elzevrios Lugd. Bat. 1645. 12. IV Voll. cum notis suis, et Amst. 1665. 8. III Voll. cum notis et variorum, etiam novis Mureti et Tanaq. Fabri, critici parum sciti. Prima editio, sed

sed sine adnotationibus, repetita est Lugd. Bat. 1654. 12. Amst. 1661. 12. 1678. 12. altera per filium *Iac. Gronovium*, qui auctiores patris et integras Siganii notas dedit suasque iis adspersit, Amst. 1679. 8. III Voll. Cantabrig. 1679. 8. II Voll. Basil. 1740. 8. III Voll.

Recensionem Gronovianam adoptarunt et Freinshemii Supplementa receperunt *Io. Douiatius*, regiorum Professorum Primi-
cerius, Parif. 1679. 4. VI Voll. in usum Delphini; *Thomas Hearne* Oxon. 1708. 8. VI Voll.; *Io. Clericus* Amst. 1710. 8. X Voll. (quae editio Lipsiae 1735. 8. cum praefatione *Io. Matth. Gesneri* de curfaria auctorum Lat. in scholis lectione, et forte Lond. 1722. 8. VI Voll. repetita est) et *I. B. L. Crevier* Prof. Rhet. Parif. 1735-
1740. 4. VI Voll. cuius editionis textum subiectis notulis in usum tironum denuo typis exscribendum ipse curavit Parif. 1746. 12. VI Voll. et *M. Giovenazzi* Venet. 1791. 8. VI Voll. Duiatius perperam plerumque et Livium interpretatus est, et lacunas posteriorum librorum explevit: quare infelicitam eius asperioribus subinde facie-
tiis perfstrinxit Drakenb. Hearne lectiones MSS Oxoniensium diligenter excerptis, et perpaucas addidit notas. Clericus Livium aliquot notulis, tabulis geographicis et In-
dice

dice rerum copioso instruxit. Crevierius multa Livii loca tum ex ingenio, tum e MSS et edd. vett. feliciter correxit, et annotationibus partim brevibus nec adeo multis, sed plerumque egregiis, partim longioribus doctioribusque, ad editionis calcem reiectis, inlustravit. Explevit etiam probabili iudicio lacunas, et supplementa Freinsheimii emendavit.

Praestantissimam editionem recensionemque textus Liviani debemus. *Arn. Drakenborch Prof. Traiectino, Lugd. Bat. et Amst. 1735 - 1746. 4. VII Voll* e quibus sex priora continent libros Livii superstites et Freinsheimii Supplementa cum notis integris Vallae, Sabellici, Rhenani, Gelenii, Glareani, Sigonii, Vrsini, Franc. Sanctii, I. Fr. Gronovii, Tan. Fabri, Henr. Valesii, Iac. Perizonii, (in Animadverss. hist.) Iac. Gronovii, excerptis Petr. Nannii, Iusti Lipsii, Modii, Gruteri, Crevierii, nec non ineditis Iani Gebhardi, Car. And. Dukeri, Rob. Titii, Matth. Klockii, Perizoniorum, Nannii et aliorum, quibus suas adiecit editor; septimum, praeter alia minoris momenti, praefationem egregiam de huius reliquarumque editionum interpretumque Livii indole, vitam Livii, a Vossio, Bonifacio et Tomasino scriptam, Morhofii, Buherii et Facciolati libellos, de

Pata-

Patavin. Liv., Sigonii chronol. et defensiones, Iac. Gronovii epistolas super locis geograph. Livii, Matth. Aegyptii explicat. SCti de Bacchanalibus, dedicationes et praefatt. XXXIII editionum Livii antiquiorum, Elo-
 gia ac iudicia auctorum vett. de Livio, syl-
 labum MSS. et editt., Fragmenta Liviana
 et tres Indices. Quod ad notas adtinet,
 praeter Gronovianas et Crevierianas, de
 quibus iam supra diximus, ceteris longe
 excellunt Dukerianae et Drakenborchianae.
 Illæc ad loca difficiliora et antiquitatem,
 ius publicum ritusque Romanorum perti-
 nent, et, quicumque eas legit, dubius sere
 fuit, utrum magis rariorem eruditionem, an
 subtile iudicium auctoris admiraretur. Hæ
 potissimum ad Livium ex MSS et editt. antt.,
 diligenter conlatis, emendandum spectant,
 et plurimum valent ad adcuratam rerum
 Romanarum, universæ rationis criticae et
 exquisitioris latinitatis cognitionem con-
 sequendam. Ad Drakenborchum plane
 transferri potest iudicium, quod Heyne in
 ed. Tibulli de Broukhusio tulit: *Hic ele-
 gantis ingenii vir et multarum literarum
 haud dubie is est, cui Livius plurimum
 debet; si non interpretatione, tamen
 subsidiorum criticorum adparatu et usu.
 Nam quae boni interpretis munus po-
 stularet, parum exploratum habuisse*

videtur. Pro more enim sui seculi nihil videt, quod inluststrandum sit, nisi ubi in exquisitiorem loquendi formam inciderit aut varietatem lectionis obfenderit: tum vero exemplorum nube involvit et lectorem et Livium; luce interdum, quam exspectabat, subducta magis quam inlata.

Ex recensione Drakenb. Livium edidit Aug. Guil. Ernesti cum varietate lect. Gron. et Crev., syllabo Drak. editionum praecipuarum, Indice rerum et Glossario Liviano, Lips. 1769. 8. III Voll. 1785. 8. IV Voll. 1801-1804. 8. V Voll. in qua postrema edit. Godofr. Henr. Schaefer. Glossarium ex schedis Ernestii emendavit plurimisque adcessionibus locupletavit. Qua viri doctissimi opera castigatum illud quidem plurimum valet ad multorum verborum formarumque loquendi sensum recte capiendum, at neutquam ad Livium plane intelligendum et plurimos difficillimosque nodos solvendos sufficit.

Denique Fr. Andr Stroth eoque mortuo F. W. Doering et recensuerunt Livium et egregiis animadversionibus inlustrarunt: multas tamen difficultates vel silentio prætermisere, vel non satis feliciter expediisse videntur. Pentades I. II. et III. utriusque notis instructae sunt Gothae 1784-1801. 8;

Pen-

Pentas IV. (libri Liv. XXVI–XXX.) folis
Doeringianis Gotha 1806. 8.

Solum fere Livii textum ex alia aut ea-
dem recensione Drak. exhibent multæ edi-
tiones, v. c. Patavii 1694. 8. 1707. 12. 1727.
8. Francofurti 1696. 8. Londini 1703. 8.
1722. 12. Edinburgi 1752. 8. Manhemii
1780 sqq. 8. et in penfis societatis Bipontinae
cum Subplem. Freinsheimii, vita Livii a To-
masino conscripta, notitia literaria et indice
rerum 1784 seqq. 8. XII Voll. Excerpta
vero Liviana dedere Io. Iensius Dordraci
1711. M. F. Soergel Lemgov. 1771. Ch.
W. Snell Gieff. 1795. et *Car. Lud. Bauer*
cum notis praeclaris et Indice vocabulorum,
formularum, rerum et locorum, quae ex-
plicantur, Lips. 1800. Ed. II.

§. VII.

De huius editionis indole et consilio.

De eo non est quod subtiliter differam
et copiose: nam nova haec Livii editio
plane adcommodata est ad consilium, iam
aliquoties a me, quum Silium, Iuvenalem
et Vol. I. classicorum Scriptorum Rom. ede-
rem, multis expositum commendatumque
in Prooemiis, quae nunc repetere nihil
adtinet. A Drakenborchiana textus recen-
sione passim discessi, nec tamen temere um-
quam aut prava libidine multa mutandi no-

vandique laceſſitus, ſed ubi criticae ratio-
nes fuadebant, ut vel antiquas lectiones a
Drakenborcho repudiatas revocarem, vel
novis probabilioreſ, et coniecturis virorum
doctorum, ab eo in contextum receptis,
alias aliorum, interdum et meas, ſubſtitue-
rem. Plerumque tamen dubia et vel ma-
nifesto corrupta in commentario notaſſe et
corrigendi periculum feciſſe ſatis habui,
eaque ſervare malui, quam, quae meliora
vel aliis vel mihi viderentur, ſcriptori le-
ctoribusque obtrudere, quum incerta eſlet
emendatio. Nova, codicum praecipue MSS,
ſubſidia, ex longinquo petenda et diſſicul-
ter, hiſ potiſſimum temporibus turbulentis,
comparanda, fruſtra circumſpexi. Omnes
tamen copias, aliorum opera paratas, di-
ligenter in rem meam converti.

Vt rerum narratarum ſumma et geſta-
rum tempus ſine mora cognoſcerentur;
breviaria concinnavi librorum capitumque,
et in paginarum iſcriptionibus annorum
notas adpoſui. Fragmenta Livii auctiora
adieci, iisque omnes librorum eius Epitomas,
ob cauſas ſupra memoratas, his
vero Indicem rerum memorabilium, in
Livio et Epitomis obviarum, copioſiorem
iis, quos alii conſecere, et geographicā
paucis inluſtrantem, ſubiunxi. Ad calcem
editionis reieci iſignia quaedam antiqui-
tatis

tatis monimenta et tabulas chronologicas historicasque, aptatas Livio, qui in annis ab Urbe condita numerandis non Varro-nianos, sed Catonianos calculos sequutus est; quod patet ex frequenti designatione annorum 3, 33. 4, 7, 43. 5, 54. 17, 18. 31, 1. 34, 45. In utraque aera multi adhuc nodi reperiuntur, quos Glareanus, Sigonius, Pighius aliique frustra expedire conati sunt. Qui vero Varronianam praeferunt Catonianaem, hanc facile ad illam, duobus scilicet annis semper adiectis, redigere poterunt. Supplementa quoque Freinshemiana aliorum exemplo inferendi aliquoties inieram consilium; quod tamen diligentius perpensum abieci. Hanc enim Livii editionem studiosae potissimum iuventuti eiusque magistris, quorum et nummaria et libraria supellex curta esse solet, usui esse cupio. Hi vero solum Livium, et multi ne eum quidem totum, sed excerptum, perlegere satis fere habent. Eos igitur aliquosque ab emendo et librarium ab redimendo hoc libro absterruisse mole et pretio eius nimis aucto.

In commentario perpetuo, seorsum edito, ut et solus emi posset, non modo idoneas mutatae lectionis causas adtuli, sed et, quidquid boni ad textum Livii Epitomarumque vel emendandum vel interpre-

tandum contulere docti homines supra laudati, curiose congregati, ut, qui hac editione uteretur, facile carere posset quacumque alia, etiam Drakenborchiana illa rarissima carissimaque, cuius usum adcepsum refero humanitati Heynii, fautoris generosissimi, cui quantum debeam, gratissimae semper memoriae infixum manebit. Prolixas aliorum animadversiones contraxi, iisque adspersi meas, et quidem haud paucas: quippe videbam, permulta adhuc aut vitiosa esse, atque a viris doctis nondum bene emendata, nonnumquam et ne animadversa quidem, (quis enim est, qui omni temporis momento et in tantae molis opere ubivis satis acute videat?) aut non satis perspicua iis lectoribus yideri, quibus gratificari et prodeesse volebam. Scrib. Stadae Cal. Mart. a. MDCCCVII.

GE. ALEX. RUPERTI,
Gymn. Stad. Rector.

T. LIVII PATAVINI
HISTORIARVM
AB VRBE CONDITA
LIBER I.

PRAEFATIO:

Facturusne operae pretium sim, si a primordio Vrbis res populi Romani prescripserim: nec satis scio, nec, si sciam, dicere ausim; quippe qui, quum veterem, tum vulgatam esse rem, videam, dum novi semper scriptores, aut in rebus certius aliquid adlaturos se, aut scribendi arte rudem vetustatem superatueros, credunt. Vt cumque erit, iuvabit tamen, rerum gestarum memoriae principis terrarum populi pro virili parte et me ipsum consuluisse; et, si in tanta scriptorum turba mea fama in obscuro sit, nobilitate ac magnitudine eorum, meo qui nomini obficient, me consoler. Res est praeterea et inmensi operis, ut quae supra septingentesimum annum repetatur; et quae, ab exiguis profecta initiis, eo creverit, ut iam magnitudine laboret sua: et legentium

plerisque, haud dubito, quin primae origines proximaque originibus minus praebitura voluntatis sint, festinantibus ad haec nova, quibus iam pridem praevalentis populi vires se ipsae conficiunt. Ego contra hoc quoque laboris praemium petam, ut me a conspectu malorum, quae nostra tot per annos vidi aetas, tantisper, certe dum prisca illa tota mente repeto, avertam, omnis expers curae, quae scribentis animum, et si non flectere a vero, follicitum tamen efficere possit. Quae ante conditam condendaive Vrbem, poeticis magis decora fabulis, quam in corruptis rerum gestarum monimentis, traduntur, ea nec affirmare, nec refellere, in animo est. Datur haec venia antiquitati, ut, miscendo humana divinis, primordia urbium augustiora faciat. Et, si cui populo licere oportet, consecrare origines suas, et ad Deos referre auctores, ea belli gloria est populo Romano, ut, quum suum conditorisque sui parentem Martem potissimum ferat, tam et hoc gentes humanae patiantur aequo animo, quam imperium patiuntur. Sed haec et his similia, utcumque animadversa aut existimata erunt, haud in magno equidem ponam discrimine. Ad illa mihi pro se quisque acriter intendat animum, quae vita, qui mores fuerint; per quos viros, quibusque artibus, domi militiaeque, et partum et auctum imperium sit. Labente deinde paullatini disciplina, velut desidentes primo mores sequatur animo; deinde ut magis magisque lapsi sint; tum ire coeperint praecipites; donec ad haec tempora, quibus nec vitia nostra, nec remedia pati possumus, perventum est. Hoc illud est praecipue in cognitione rerum salubre ac frugiferum, omnis te exempli documenta in inlustri posita monimento intu-

intueri. Inde tibi tuaeque rei publicae, quod imitere, capias: inde, foedum inceptu, foedum exitu, quod vites. Ceterum aut me amor negotii suscepti fallit, aut nulla umquam res publica nec maior, nec sanctior, nec bonis exemplis ditior fuit; nec in quam tam serae avaritia luxuriaque inmigraverint; nec ubi tantus ac tam diu paupertati ac parcimoniae honos fuerit. adeo, quanto rerum minus, tanto minus cupiditatis erat. Nuper divitiae avaritiam, et abundantes voluptates desiderium per luxum atque libidinem pereundi perdendique omnia invexere. Sed querelae, ne tum quidem gratae futurae, quum forsitan et necessariae erunt, ab initio certe tantae ordiendae rei absint. Cum bonis potius ominibus votisque ac precationibus Deorum Dearumque, si, ut poetis, nobis quoque mos esset, libentius incipereimus, ut orsis tanti operis successus prosperos darent.

T. LIVII PATAVINI.

LIBER I.

B R E V I A R I V M .

CAP. I. Autenoris et Aeneae adventus in Italiā. Hic bellum gerit cum Latino, sed mox pacem ac deinde adfinitatē iungit, conditque Lavinium, ubi Ascanius brevi nascitur. 2. Aborigineum Troianorumque bella cum Turno et Mezentio. Mors Aeneae. 3. Ascanius, vel, aut alii putant, Julius, Lavinium matri seu novercae relinquit, et coloniam ipse dedit Albam Longam. Reges Albani. 4. Romuli Remique ortus, educatio et primum vitae genus. 5. Hi Amulum obtruncant, et Numitorem, fratrem eius avunque suum, restituunt in regnum Albanum. 6. Vrbis condendae consilium capiunt. 7. Remus a fratre necatus. Roma conditoris nomine appellata. Palatum primo munivit. Sacra diis aliis Albano, Herculi Graeco ritu facta. Adventus Herculis in Latium. Evander Arcas, Carmeutaē filius. Ara Maxima. Potitii ac Pinarii.

8. Romulus ordinat rem publicam. Lictores XII sumit. Vrbem auget latiusque munit. Asylum aperit. Centum creat senatores. 9. Conubia a finitimis frustra petit. Ludos parat Neptuno Equesiri. Raptus Sabinarum. 10. Titus Tatius, rex Sabinorum, Cætinenses, Crustiu-

Crustumini et Antemnates bellum parant. Cae-
 ninenses primi in agrum Rom. faciunt inpetum.
 Spolia opima in Capitolium fert Romulus, et
 templo Jovis Feretrii fines designat. 11. An-
 temnates Crustuminique victi et, preceante Her-
 filia, adcepiti in civitatem. Coloniae utroque
 missae. Sabini duce Tito Tatio bellum movent,
 et arcem Rom. oboccupant, proditam a filia Sp.
 Tarpeii, qui ei praeverat. 12. Virtus Metti
 Curtii, Hosti Hostilii ac Romuli. Templum
 Jovi Statori votum. 13. Irae et acies direnitae
 a Sabinis mulieribus. Pax et civitas una ex du-
 abus facta. Quirites a Curibus appellati. La-
 cus Curtius. Populus in curias XXX. divisus,
 iisque inposita Sabinarum nomina. Centuriae
 tres equitum, Ramnenes, Titientes, Luccres.
 14. T. Tatii mors. Bellum cum Fidenatibus, 15.
 et Veientibus, quibus induciae in C. annos dan-
 tur. Celeres CCC. 16. Romulus sublimis ra-
 ptus procella creditur, Proculo Julio adfirman-
 te, eius speciem sibi per somnum oblatam. 17.
 Interregnum annum, X decuriis Patrum fac-
 tis, et imperio per omnes in orbem eunte. Ple-
 bi frementi permittitur creatio regis, ea lege,
 ut Patres auctores siant: at illa a senatu decer-
 ni vult, qui Romae regnet.

18. Numa Pompilius, Curibus Sabinis ha-
 bitans, qui falso editur discipulus Pythagorae
 Samii, rex creatur, et inaugurator. 19. Is le-
 ges, mores ac sacra insituit: Janum facit in-
 dicem pacis bellique: similat sibi cum dea Ege-
 ria congressus nocturnos esse: annum ad cursum
 lunae in XII menses describit: nefastos dies fa-
 stiosque facit. 20. Flamines III., XII Salios
 et Pontificem legit, Numam Marcium. Procu-
 ratio prodigiorum. Ara Jovis Elicii. 21. Po-
 puli Rom. religio et pax continua. Camenarum

lucus et concilia cum Egeria. Fidei solenne, et multi Argei s. loca sacris faciundis.

22. *Tullum Hostiliū, nepotem Hostiū Hostiliī, regem populus iubet. Hic ferocior etiam Romulo est, bellumque indicit C. Cluilio, dictatori Albano.* 23. *Bellum Albanum. Cluiliī fossa et mors. Metti Fluffetii subcessio in locum eius, et conloquium cum Tullo.* 24. 25. *Horatiorum Curiatorumque trigeminorum pugna. Foederis faciendi ritus. Fetiales et pater patratus.* 26. *Horatius sororem obtruncat, et a duumviris perduellionis damnatur, sed provoca ad populum et absolvitur.* 27. *Bellum cum Fidenatibus et Veientibus. Perfidia Metti, socii Rom.* 28. *Dirum subplicium, de eo sumitum,* 29. *Alba diruta et incolae traducti Romam.* 30. *Coelius mons Vrbi additus et sedes regiae. Principes Albaniorum in Patres lecti. Curia Hostilia. Bellum cum Sabinis. Feroniae fanum. Pugna ad silvam Malitiosam.* 31. *In monte Albano lapidibus pluit. Hinc sacrum novemdiiale. Pestilentia. Tulli morbus et mors, domo eius fulmine icta.*

32. *Ancus Marcius, nepos Numae, rex creatur, et sacra ex commentariis avi pontificem in albo promulgare iubet. Ius Fetialium, ab Aequicolis descriptum, quo repetuntur res bellumque indicitur.* 33. *Bellum cum Latinis, quorum multa millia, Politorio, Tellenis, Ficana et Medullia captis, Romam traducuntur. Aventinus mons Palatino iunctus et novae multititudini datus, ad Murciae aedem. Ianiculum quoque, ponte sublico in Tiberi facto, Vrbi coniunctum. Quiritium fossa. Carcer, foro imminens. Silva Maesia Veientibus ademta. Ostia in ore Tiberis condita et salinae circa factae.* 34. *Lucumo, Damarati Corinthii filius, qui,*

Arun-

Arunte fratre et dein patre mortuis, omnium huius bouorum heres factus erat eaque auxerat opibus Tanaquilis uxoris, ab Tarquiniiis migrat Romanum, ubi L. Tarquinius vocatur et a rege non modo in familiaritatem recipitur, sed tutor etiam liberis instituitur testamento.

35. *L. Tarquinius Priscus petit regnum et adcepit. Centum in Patres lecti, qui deinde dicti sunt minorum gentium et conscripti. Bellum cum Latinis. Locus Circo maximo designatus. Eudi Romani s. Magni. Porticus et tabernae.*

36. 37. *Bellum cum Sabinis. Attus Navius Augur. 38. Ademta Sabinis Collatia, (ubi Egerius, Aruntis, fratris regis filius postumus, in praesidio relinquitur) Latinis Corniculum, Ficulea, Cameria, Crustumerium, Ameriola, Nomentum, Medullia. Formula deditioinis. Vrbs nudo cincta ex lapide quadrato. Cloacae. Area templi Iovis in Capitolio. 39. In regia, in qua natus erat Servius Tullius, cuius pater princeps fuerat Corniculi, puero dormienti caput ardet.*

Inde liberorum ille loco habetur, eique postea despoudetur regis filia. 40. Hinc Anci duo filii insidias parant regi; quem duo pastores, ab illis corrupti, occidunt,

41. *Tanaquil celat mortem mariti. Servius Tullius per speciem regiae fungendae vicis suas firmat opes, et primus iniussu populi, voluntate Patrum, regnat. Liberi Anci Sueffam Pometiam exsulatum eunt. 42. Duae Servii filiae iuvenibus regiis, Lucio et Arunti Tarquinii, iunguntur. Bellum cum Veientibus aliisque Etruscis. Census. 43. Classes et centuriæ civium. Comitia centuriata, et subfragii in iis ferendi ordo ac ratio. Tribus. 44. Lustrum conditum, eoque censa LXXX millia civium. Vrbem amplificat Servius additis collibus Quirinali, Vi-*

minali et Esquilino; eamque aggere, fossis ac muro circumdat. Ita profert pomoerium: et in Esquiliis habitat. 45. *Comimnia Romano-rum Latinorumque sacra et fanum Diana, Romae exstructum. Ab eius antisite Rom. immolatur bos, in Sabinis nata, mirae magnitudinis ac speciei.* 46. 47. *L. Tarquinius et Tullia minor, fratre ac sorore interfectis, iunguntur nuptiis regnumque adfectant et invadunt.* 48. *Servius occiditur. Iupia et inhumana Tulliae facinora. Vicus Cyprius dictus Sceleratus. Laus Servii.*

49. *L. Tarquinius Superbus neque populi iussu neque auctoribus Patribus regnat. Socerum sepultura prohibet. Armatis corpus circumsepit. Regnum metu tutatur, nec senatum consulit, sed omnia solus domesticisque consiliis agit. Latinos eorumque proceres sibi conciliat, maxime per generum suum, Octavium Mamillium Tusculanum.* 50. *Conventum Latinis indicit ad lucum Ferentinae. Turnus Herdonius in regem absentem morantemque ferociter inventitur, 51. et ab eo obprimitur insimilatus falsi criminis.* 52. *Foedus cum Latinis renovatum. Copiae ab iis missae et mixtae cum Romanis.* 53. *Bellum cum Volscis, e quibus Sueffa Pometia vi capitur. Gabii frusira obpugnati,* 54. *sed mox Sexti Tarquinii fraude regi Rom. sine dimicione in manum traditi.* 55. *Pax cum Aequis facta, foedusque cum Tuscis renovatum. Aedificatur Iovis Capitolini templum, et aparentes fundamenta eius, in quae vix subpediant Pometinae manubiae, caput humanum integra facie effodiunt. Exaugurantur fana in monte Tarpeio; sed Iuventas Terminusque moveri se non patiuntur.* 56. *Fori in circo. Cloaca maxima. Coloni Signiam Circeiosque deducti.*

cti. Portenti causa Titus et Arnius Tarquinii cum L. Junio Bruto, Tarquinia sorore regis nato, Delphos mittuntur, et practer alia sciscitantur, quis ipsorum Romae regnaturus esset. Pythia respondentem, qui primus osculum matre tulisset, Brutus, quasi forte prolabitus, terram osculo contingit. 57. Bellum cum Rutulis et obsessio Ardeae. Regiorum iuvenum de uxoribus suis certamen; cuius laus penes Lucretiam est, filiam Sp. Lucretii, praefecti Vrbis, nuptam L. Tarquinio Collatino, Egerii filio. 58. Sex. Tarquinius vim infert Lucretiae, et haec, arcessitis patre ac marito, necem sibi consciscit. 59. Brutus, tribunus Celerum, populum in Vrbo et exercitum in castris adversus regem concitat. 60. Exsilio Tarquinii indicitur. Duo regis liberi cum patre commigrant Caere, et Sex. Tarquinius Gabios, ubi mox interficitur. Primi consules creantur, L. Junius Brutus et L. Tarquinius Collatinus.

I. Nam primum omnium satis constat, Troia capta, in ceteros saevitum esse Trojanos; duobus, Aeneae Antenorique, et vetusti iure hospitii, et quia pacis reddendaeque Helena semper auctores fuerant, omne ius belli Achivos abstinuisse. Casibus deinde variis Antenorrem cum multitudine Henetum, qui, seditione ex Paphlagonia pulsi, et sedes et ducem, rege Pylaeimene ad Troiam amitto, quaerebant, venisse in intimum maris Hadriatici sinum: Euganeisque, qui inter mare Alpesque incolebant, pulsis, Henetos Troianosque eas tenuisse terras: et in quem primum egressi sunt

sunt locum, Troia vocatur, pagoque inde Troiano nomen est, gens universa Veneti appellati. Aenean, ab simili clade domo profugum, sed ad maiora initia rerum ducentibus fatis, primo in Macedoniam venisse: inde in Siciliam quaerentem sedes delatum: ab Sicilia classe ad Laurentem agrum tenuisse: Troiae et huic loco nomen est. Ibi egressi Troiani, ut quibus ab inmenso prope errore nihil, praeter arma et naves, superesset, quum praedam ex agris agerent, Latinus rex Aboriginesque, qui tum ea tenebant loca, ad arcendam vim advenarum arinati ex urbe atque agris concurrunt. Duplex inde fama est: alii proelio victum Latinum pacem cum Aenea; deinde adfinitatem iuxisse tradunt: alii, quum instructae acies constitissent, prius quam signa canerent, processisse Latinum inter primores, ducemque advenarum evocasse ad conloquium; percunctatum deinde, qui mortales essent, unde, aut quo casu profecti domo, quidve quaerentes in agrum Laurentem exissent; postquam audierit, multitudinem Troianos esse; ducem Aenean, filium Anchise et Veneris; cremata patria et domo profugos sedem condendaque urbi locum quaerere: et nobilitatem admiratum gentis virique, et animum vel bello vel paci paratum, dextra data fidem futurae amicitiae sanxisse. Inde foedus ictum inter ducēs; inter exercitus salutationem factam. Aenean apud Latinum fuisse in hospitio. Ibi Latinum apud Penates Deos domesticum publico adiunxit foedus, filia Aeneae in matrimonium data. Ea res utique Troianis spem adfirmat tandem stabili certaque sede finiendi erroris. Oppidum condunt. Aeneas ab nomine uxoris Lavinium appellat. Brevi stirps quoque virilis ex novo matri-

matrimonio fuit; cui Ascanium parentes dixerunt nomen.

III. Bello deinde Aborigines Troianique simul petiti. Turnus rex Rutulorum, cui pacta Lavinia ante adventum Aeneae fuerat, praelatum sibi advenam aegre patiens, simul Aeneae Latinoque bellum intulerat. Neutra acies laeta ex eo certamine abiit. Victi Rutuli: victores Aborigines Troianique ducem Latinum amisere. Inde Turnus Rutulique, diffisi rebus, ad florentes Etruscorum opes Mezentiumque, eorum regem, confugiunt: qui, Caere opulento tum oppido imperitans, iam inde ab initio minime laetus novae origine urbis, et tum nimio plus, quam fatis tutum esset adcolis, rem Troianam crescere ratus, haud gravatim socia arma Rutulis iunxit. Aeneas, adversus tanti belli terrorem ut animos Aboriginem sibi conciliaret, ne sub eodem iure solum, sed etiam nomine, omnes essent, Latinos utramque gentem adpellavit. Nec deinde Aborigines Troianis studio ac fide erga regem Aenean cessere: fretusque his animis coalescentium in dies magis duorum populorum Aeneas, quamquam tanta opibus Etruria erat, ut iam non terras solum, sed mare etiam per totam Italiae longitudinem, ab Alpibus ad fretum Siculum, fama nominis sui inpleisset, tamen, quum moenibus bellum propulsare posset, in aciem copias eduxit. Secundum inde proelium Latinis, Aeneae etiam ultimum operum mortalium fuit. Situs est, quemcumque eum dici ius fasque est, super Numicium flumen. Iovem indigetem appellant.

III. Nondum maturus imperio Ascanius Aeneae filius erat: tamen id imperium ei ad puberem aetatem incolume mansit. tantisper tute-

tutela muliebri (tanta indeoles in Lavinia erat) res Latina et regnum avitum paternumque puerō stetit. Haud nihil ambigam, (quis enim rem tam veterem pro certo adfirmet?) hicci- ne fuerit Ascanius, an maior, quam hic, Creusa matre Ilio incolumi natus, comesque inde paternae fugae, quem Iulum euindem Iulia gens auctorem nominis sui nuncupat. Is Ascanius, ubicumque et quacunque matre genitus, (certe natum Aenea constat) abundante Lavinii multitudine, florentem iam (ut tum res erant) atque opulentam urbem matri, seni novercae, reliquit: novam ipse aliam sub Albano monte condidit; quae, ab situ porrectae, in dorso urbis, Longa Alba appellata. Inter Lavinium et Albam Longam coloniam deductam triginta ferme interfuere anni. Tantum tamen opes creverant, maxime fusis Etruscis, ut ne morte quidem Aeneae, nec deinde, inter muliebrem tutelam rudimentumque primum puerilis regni, movere arma aut Mezentius Etruscique, aut ulli alii adcolae ausi sint. Pax ita convenerat, ut Etruscis Latinisque fluvius Albula, quem nunc Tiberim vocant, finis esset. Silvius deinde regnat, Ascanii filius, casu quodam in silvis natus. Is Aenean Silvium creat. Is deinde Latinum Silvium. Ab eo coloniae aliquot deductae, Prisci Latini appellati. Mansit Silviis postea omnibus cognomen, qui Albae regnarunt: Latino Alba ortus, Alba Atys, Atye Capys, Capye Capetus, Capeto Tiberinus; qui, in trajectu Albulae amnis submersus, celebre ad posteros nomen flumini dedit. Agrippa inde Tiberini filius, post Agrippam Romulus Silvius, a patre accepto imperio, regnat. Aventino, fulmine ipse iectus, regnum per manus tradidit. is, sepultus in eo colle, qui nunc est pars

pars Romanae urbis, cognomen colli fecit. Proca deinde regnat: is Numinorem atque Amulum procreat. Numitori, qui stirpis maximus erat, regnum vetustum Silviae gentis legat. Plus tamen vis potuit, quam voluntas patris aut verecundia aetatis. Pulso fratre, Amulius regnat. addit sceleri scelus. stirpem fratris virilem interimit: fratris filiae Rheae Silviae per speciem honoris, quum Vestalem eam legisset, perpetua virginitate spem partus adimit.

IV. Sed debebatur, ut opinor, fatis tantae origo urbis. maximique secundum Deorum opes imperii principium. Vi compressa Vestalis, quum geminum partum edidisset, seu ita rata, seu quia Deus auctor culpae honestior erat, Martem incertae stirpis patrem nuncupat. Sed nec Dii, nec homines, ant ipsam, aut stirpem a crudelitate regia vindicant. sacerdos vincta in custodiam datur; pueros in profluentem aquam mitti inbet. Forte quadam divinitus super ripas Tiberis effusus lenibus stagnis; nec adiri usquam ad iusti cursum poterat annis, et, posse quamvis languida mergi aqua infantes, spem ferentibus dabat. ita velut defuneti regis imperio, in proxima adluvie, ubi nunc ficus Ruminalis est, (Romularem vocatam ferunt) pueros exponunt. Vastae tum in iis locis solitudines erant. Tenet fama, quum fluitantem alveum, quo expositi erant pueri, tenuis in sicco aqua destituisset, lupam sitientem ex montibus, qui circa sunt, ad puerilem vagitum cursum flexisse: eam submissas infantibus adeo mitem praebuisse manimas, ut lingua lambentem pueros magister regii pecoris invenerit. Faustulo fuisse nomen ferunt. Ab eo ad stabula Larentiae uxori educandos latos. Sunt, qui Laren-

Larentiam, vulgato corpore, lupam inter pastores vocatam putent; inde locum fabulae ac miraculo datum. Ita geniti itaque educati, quum primum adolevit aetas, nec in stabulis, nec ad pecora segnes, venando peragrare circa saltus. Hinc, robore corporibus animisque sunito, iam non feras tantum subsistere, sed in latrones, praeda onustos, inpetus facere, pastoribusque rapta dividere, et cum his, crescente in dies grege iuvenum, seria ac iocos celebrare.

V. Iam tum in Palatino monte Lupercal hoc fuisse ludicrum ferunt, et a Pallanteo, urbe Arcadica, Pallantium, dein Palatium, montem adpellatum. Ibi Evandrum, qui ex eo genere Arcadum multis ante tempestatibus ea tenuerit loca, sollemne adlatum ex Arcadia instituisse, ut nudi iuvenes, Lycaeum Pana venerantes, per lusum atque lasciviam currerent; quem Romani deinde vocarunt Inuum. Huic deditis ludicro, quum sollemne notum esset, insidiatos ob iram praedae amissae latrones, quum Romulus vi se defendisset, Remum cepisse; captum regi Amulio tradidisse, ultiro adcusantes. Crimini maxime dabant, in Numitoris agros ab his inpetum fieri: inde eos, conlecta iuvenum manu, hostilem in modum praedas agere. Sic Numitori ad suppliū Remus deditur. Iam inde ab initio Faustulo spes fuerat, regiam stirpem apud se educari; nam et expositos iussu regis infantes sciebat, et tempus, quo ipse eos fustulisset, ad id ipsum congruere; sed rem inmaturam, nisi aut per occasionem, aut per necessitatem, aperiri noluerat. Necessitas prior venit. ita, metu subactus, Romulo rem aperit. Forte et Numitori, quum in custodia Remum haberet, audissetque, geminos esse fratres, comparan-

parando et aetatem eorum, et ipsam minime servilem indolem, tetigerat animum memoria nepotum; sciscitandoque eo demum pervenit, ut haud procul esset, quin Remum adnoscere. Ita undique regi dolus nectitur. Romulus, non cum globo iuvenum, (nec enim erat ad vim apertam par) sed aliis alio itinere iussis certo tempore ad regiam venire pastoribus, ad regem impetum facit; et a domo Numitoris alia comparata manu adiuvat Remus. ita regem obtruncant.

VI. Numitor, inter primum tumultum hostes invasisse urbein atque adortos regiani dictitans, quum pubem Albanam in arcem praefidio armisque obtinendam avocasset; postquam iuvenes, perpetrata caede, pergere ad se gratulantes vident, extemplo advocato concilio, scelera in se fratris, originem nepotum, ut geniti, ut educati, ut cogniti essent, caedem deinceps tyranii, seque eius auctorem ostendit. Iuvenes, per medium concionem agmine ingressi, quum avum regem salutarent, sequuta ex omni multitudine consentiens vox ratum nomen imperiumque regi effecit. Ita Numitori Albana permissa re, Romulum Remumque cupido cepit, in iis locis, ubi expositi, ubique educati erant, urbis condendae. et supererat multitudo Albanorum Latinorumque. Ad id pastores quoque adcesserant, qui omnes facile spem faccire, parvam Albam, parvum Lavinium pree ea urbe, quae conderetur, fore. Intervenit deinde his cogitationibus avitum malum, regni cupido, atque inde foedum certamen coortum a fatis miti principio; quoniam gemini essent, nec aetatis verecundia discrimin facere posset, ut Dii, quorum tutelae ea loca essent, auguriis legerent, qui nomen novae urbi daret, qui conditam impe-

imperio regeret. Palatum Romulus, Remus Aventinum ad inaugurandum templa capiunt:

VII. Priori Remo augurium venisse fertur, sex vultures; iamque, nuntiato augurio, quum duplex numerus Romulo se ostendisset, utrumque regem sua multitudo consalutaverat. tempore illi praecepto, at hi numero avium, regnum trahebant. Inde, cum altercatione congressi, certamine irarum ad caedem vertuntur. ibi in turba ictus Remus cecidit. Vulgatior fania est, ludibrio fratris Remum novos transfiluisse muros: inde ab irato Romulo (quum verbis quoque increpitans adieciisset, *Sic deinde, quicumque aliis transfiliet moenia mea*) interfectum. Ita solus potitus imperio Romulus. condita urbs conditoris nomine appellata. Palatum primum, in quo ipse erat educatus, muniit: sacra Diis aliis Albano ritu, Graeco Herculi, ut ab Evandro instituta erant, facit. Herculem in ea loca, Geryone interemto, boves mira specie abegisse memoriabant, tac prope Tiberini fluvium, qua, praefe armentum agens, nando traiecerat, loco herbido, ut quiete et pabulo laeto reficeret boves, et ipsum fessum via procubuisse. Ibi quum eum, cibo vinoque gravatum, sopor obpressisset, pastor adcola eius loci, nomine Cacus, ferox viribus, captus pulcritudine bouum, quum avertere eam praedam vellet, quia, si agendo armentum in speluncam compulisset, ipsa vestigia quaerentem dominum eo deductura erant, aversos boves, eximium quemque pulcritudine, caudis in speluncam traxit. Hercules, ad primam auroram somno excitus, quum gregem perlustrasset oculis, et partem abesse numero sensisset, pergit ad proximam speluncam, si forte eo vestigia ferrent. Quae ubi omnia foras versa vident, nec in partem aliam

aliam ferre, confusus atque incertus animi, ex loco infesto agere porro armentum occepit. Inde quum actae boves quaedam ad desiderium, ut sit, relictarum mugissent, redditia inclusarum ex spelunca boum vox Herculem convertit. Quem quum vadentem ad speluncam Cacus vi prohibere conatus esset; ictus clava, fidem pastorum nequidquam invocans, morte obcubuit. Euander tum ea, profugus ex Peloponneso, auctoritate magis, quam imperio, regebat loca: venerabilis vir miraculo literarum, rei novae inter rudes artium homines; venerabilior divinitate credita Carmantae matris, quam fatiloquam, ante Sibyllae in Italiam adventum, miratae hae gentes fuerant. Is tum Euander, concursu pastorum, trepidantium circa advenam manifestae reum caedis, excitus, postquam facinus facinorisque causam audivit, habitum formanique viri aliquantum ampliorem augustioreaque humana intuens, rogitat, qui vir esset? Vbi nomen patremque ac patriam adcepit; *Jove nate, Hercules, salve*, inquit: *te mihi mater, veridica interpres Deum, aucturum coelestium numerum cecinit; tibique aram hic dicatum iri, quam opulentissima olim in terris gens Maximam vocet, tuoque ritu colat.* Dextra Hercules data, adcepere se omen inpleturumque fata, *ara condita atque dicata*, ait. Ibi tum primum bove eximia capta de grege sacrum Herculi, adhibitis ad ministerium dapemque Potitiis ac Pinariis, quae tum familiae maxime inclutae ea loca incolebant, factum. Forte ita evenit, ut Potitii ad tempus praefecti essent, iisque exta adponerentur; Pinarii, extis adefis, ad ceteram venirent dapem. Inde institutum manfit, donec Pinarium genus fuit, ne extis solemnium vescerentur. Potitii, ab Euandro

edocti, antistites sacri ejus per multas aetates fuerunt: donec, tradito servis publicis solemnni familiae ministerio, genus omne Potitiorum interiit. Haec tum sacra Romulus una ex omnibus peregrina suscepit; jam tum immortalitatis virtute partae, ad quam eum sua fata ducebant, fautor.

VIII. Rebus divinis rite perpetratis, vocataque ad concilium multitudine, quae coalescere in populi unius corpus nulla re, praeterquam legibus, poterat, iura dedit: quae ita sancta generi hominum agresti fore ratu*s*, si se ipse venerabilem insignibus imperii fecisset, quuin cetero habitu se augustiorrem, tum maxime lictoribus duodecim summis, fecit. Alii ab numero avium, quae augurio regnum portenderant, cum sequutum numerum putant. Me haud poenitet eorum sententiae esse, quibus et adparitores et hoc genus ab Etruscis finitimus, unde sella curulis, unde toga praetexta sumta est, numeruni quoque ipsum ductum placet: et ita habuisse Etruscos, quod, ex duodecim populis communiter creato rege, singulos singuli populi dictores dederint. Crescebat interim turbs, munitionibus alia atque alia adpetendo loca, quum in spem magis futurae multitudinis, quam ad id, quod tum hominum erat, munirent. Deinde, ne vana urbis magnitudo esset, adjicienda multitudinis causa, vetere consilio condentium urbes; qui, obscuram atque humilem conciendo ad se multitudinem, natam e terra sibi prolem ementiebantur; locum, qui nunc septus descendantibus inter duos lucos est, Asylum aperit. Eo ex finitimiis populis turba omnis sine discrimine, liber an servus esset, avida novarum rerum perfugit: idque primum ad coeptam magnitudinem

roboris fuit. Quum jam virium haud pœniteret, consilium deinde viribus parat. Centum creat senatores: five quia is numerus satius erat; five quia soli centum erant, qui creari Patres possent. Patres certe ab honore, patrieque progenies eorum appellati.

IX. Jam res Romana adeo erat valida, ut cuilibet finitimarum civitatum bello par esset; sed, penuria mulierum, hominis aetatem duratura magnitudo erat. Quippe quibus nec domi spes prolis, nec cum finitimis connubia essent. Tum ex consilio Patrum Romulus legatos circa vicinas gentes misit, qui societatem connubiumque novo populo peterent. *Vrbes quoque, ut cetera, ex insimo nasci: deinde, quas sua virtus ac Dii juvent, magnas opes sibi magnumque nomen facere. Sat scire, origini Romanae et Deos adfuisse, et non defuturam virtutem. Proinde ne gravarentur homines cum hominibus sanguinem et genus miscere.* Nusquam benigne legatio audita est: adeo simul spernebant, simul tantam in medio crescentem molem sibi ac posteris suis metuebant. A plerisque rogitantibus dimissi, *Ecquod feminis quoque asylum aperuissent? id enim demum compar connubium fore.* Aegre id Romana pubes passa, et haud dubie ad vim spectare res coepit. Cui tempus locumque aptum ut daret Romulus, aegritudinem animi dissimilans, ludos ex industria parat, Neptuno Equestri sollenines: Consualia vocat. Indici deinde finitimis spectaculum jubet: quantoque adparatu tum sciebant, aut poterant, concelebrant, ut rem claram exspectatamque facerent. Multi mortales convenere, studio etiam videndae novae urbis; maxime proximi que, Caeninenses, Crustumini, Antemnates. Jam Sabinorum omnis multitudo, cum libe-

ris ac conjugibus, venit. Invitati hospitaliter per domos, quum situm moeniaque et frequentem tectis urbem vidissent, mirantur, tam brevi rem Romanam crevisse. Vbi spectaculi tempus venit, deditaeque eo mentes cum oculis erant, tum ex composito orta visus signoque dato juventus Romana ad rapiendas virgines discurrevit. Magna pars forte, ut in quem quaeque inciderat, raptae; quasdam forma excellente, primoribus Patrum destinatas, ex plebe homines, quibus datum negotium erat, domos deferebant. Vnam, longe ante alias specie ac pulcritudine insignem, a globo Talassii cuiusdam raptam ferunt. Multisque sciscitantibus, cuinam eam ferrent, idemtidem, ne quis violaret, Talassio ferri clamitatum. Iude nuptialem hanc vocem factam. Turbato per metum ludicro, moesti parentes virginum profugiunt, incusantes violati hospitii foedus, Deumque invocantes, cuius ad sollemne ludosque, per fas ac fidem decepti, venissent. Nec raptis aut spes de se melior, aut indignatio est minor: sed ipse Romulus circuibat, docebatque: *patrum id superbia factum, qui connubium finitimus negasse*nt; *illas tamen in matrimonio, in societate fortuarum omnium civitatisque, et, quo nihil carius humano generi sit, liberum fore: Mollirent modo iras; et, quibus fors corpora dedis-
set, darent animos.* Saepe ex injuria postmodum gratiam ortam: eoque melioribus usuras viris, quod ad usuras pro se quisque sit, ut, quum suam vicem functus officio sit, parentum etiam patriaeque expleat desiderium. Adcedebant blanditiae virorum, factum purgantium cupiditate atque amore: quae maxime ad muliere ingenium efficaces preces sunt.

X. Jam admodum mitigati animi raptis erant. At raptarum parentes tum maxime fordida veste lacrumisque et quarelis civitates concitabant. Nec domi tantum indignationes continebant, sed congregabantur undique ad Titum Tatium, regem Sabinorum: et legationes eo, quod maximum Tatii nomen in his regionibus erat, conveniebant. Caeninenses Crustuminique et Antennates erant, ad quos ejus injuriae pars pertinebat. Lente age-re iis Tatius Sabinique visi sunt. Ipsi inter se tres populi communiter bellum parant. Ne Crustumini quidem atque Antennates, pro ardore iraque Caeninensium, satis se impigre mouent. Ita per se ipsum nomen Caeninum in agrum Romanum inpetum facit. Sed effuse vastantibus fit obvius cum exercitu Romulus, levique certamine docet, vanam sine viribus iram esse: exercitum fundit fugatque: fusum persequitur: regem in proelio obtruncat et spoliat. Duce hostium obciso, urbem primo inpetu capit. Inde exercitu victore reducto, ipse cum factis vir magnificus, tum factorum ostentator haud minor, spolia ducis hostium caesi suspensa fabricato ad id apte ferculo gerens, in Capitolium ascendit. ibique ea quam ad querendum pastoribus sacram deposuit, simul cum dono designavit templo Jovis fines cognomenque addidit Deo: *Jupiter Fere-tri*, inquit, *haec tibi victor Romulus rex regia arma fero, templumque iis regionibus, quas modo animo metatus sum, dedico, sedem opimis spoliis, quae, regibus ducibusque hostium caesis, me auctorem sequentes, poscri ferent.* Haec templi est origo, quod primum omnium Romae sacratum est. Ita deinde Diis visum, nec irritam conditoris templi vocem esse, qua laturos ea spolia posteros muncupavit: nec

multitudine compotum ejus doni vulgari laudem. Bina postea, inter tot annos, tot bella, opima parta sunt spolia. Adeo rara ejus fortuna decoris fuit.

XI. Dum ea ibi Romani gerunt, Antemnatum exercitus per occasionem ac solitudinem hostiliter in fines Romanos incursionem facit. Raptim et ad hos Romana legio ducta palatos in agris obpressit. Fusi igitur primo in petu et clamore hostes; oppidum captum. Duplicique victoria ovantem Romulum Herilia conjux, precibus raptarum fatigata, orat, ut parentibus earum det veniam, et in civitatem adcipiat: ita rem coalescere concordia posse. Facile inpetratum. Inde contra Crustuminos prefectus, bellum inferentes. Ibi minus etiam, quod alienis cladibus ceciderant animi, certaminis fuit. Vtroque coloniae miserae. Plures inventi, qui propter ubertatem terrae in Crustumimum nomina darent. Et Romam inde frequenter migratum est, a parentibus maxime ac propinquis raptarum. Novissimum ab Sabinis bellum ortum, multoque id maximum fuit. Nihil enim per iram aut cupiditatem actum est: nec ostenderunt bellum prius, quam intulerunt. Consilio etiam additus dolus. Sp. Tarpejus Romanae praeerat arci. Hujus filiam virginem auro conrumpit Tatius, ut armatos in arcem adcipiat. Aquam forte ea tum sacris extra moenia petitum ierat. Adcepti obrutam armis necavere. seu ut vi capta potius arx videretur, seu prodendi exempli causa, ne quid usquam fidum proditori esset. Additur fabulae, quod vulgo Sabini aureas armillas magni ponderis brachio laevo, genimatosque magna specie annulos habuerint, pepigisse eam, quod in sinistris manibus haberent; eo scuta illi pro aureis do-

donis congesta. Sunt, qui eam ex pacto trandendi, quod in sinistris manibus esset, directo arma petisse dicant: et fraude visam agere, sua ipsam perentani mercede.

XII. Tenuere tamen arcem Sabini: atque inde postero die, quum Romanus exercitus instructus, quod inter Palatium Capitolinumque collem campi est, compleisset, non prius descenderunt in aequum, quam, ira et cupiditate recuperandae arcis stimulante animos, in adversum Romani subiere. Princeps utrinque pugnam ciebant; ab Sabinis Mettus Curtius, ab Romanis Hostus Hostilius. Hic rem Romanam iniquo loco ad prima signa animo atque andacia sustinebat. Ut Hostus cecidit, confestim Romana inclinatur acies; fusaque est ad veterem portam Palatii. Romulus, et ipse turba fugientium actus, arma ad coelum tollens, *Jupiter, tuis, inquit, iussus, avibus hic in Palatio prima Urbis fundamenta jeci. Arcem jam, scelere emitam, Sabini habent. Inde huc armati, superata media valle, tendunt.* At tu, pater Deum hominumque, hinc saltem arce hostes; deme terrorem Romanis, fugamque foedam siste. *Hic ego tibi templi Statori Jovi, quod monumentum sit posteris, tua praesenti ope servatam Urbem esse, voveo.* Haec precatus, veluti si sensisset auditas preces, *Hinc, inquit, Romani, Jupiter optimus maximus resistere atque iterare pugnam jubet.* Restitere Romani, tamquam coelesti voce jussi. Ipse ad primores Romulus provolat. Mettus Curtius ab Sabinis princeps ab arce decucurrerat, et effusos egerat Romanos, toto quantum foro spatium est. Nec procul iam a porta Palatii erat, claimitans, *Vicimus perfidos hospites, iubelles hostes.* Jam sciunt, longe aliud esse virgines rapere, aliud pugnare

cum viris. In eum, haec gloriantem, cum globo ferocissimorum juvenum Romulus impetum facit. Ex equo tum forte Mettus pugnabat: eo pelli facilius fuit: pulsum Romani persequuntur. Et alia Romana acies, audacia regis adcaesa, fundit Sabinos. Mettus in paludem sese, strepitu sequentium trepidante equo, conjectit: adverteratque ea res etiam Sabinos tanti periculo viri. Et ille quidem, adnuentibus ac vocantibus suis, favore multorum addito animo, evadit. Romani Sabiniique in media convalle duorum montium redintegrant proelium, sed res Romana erat superior.

XIII. Tum Sabinae mulieres, quarum ex injuria bellum ortum erat, crinibus passis scissaque veste, victo malis muliebri pavore, aufae se inter tela volantia inferre, ex transverso inpetu facto, dirimere infestas acies, dirimere iras; hinc patres, hinc viros orantes, ne se sanguine nefando saceri generique respergerent: ne parricidio macularent partus suos, nepotum illi, liberum hi progeniem. Si adfinitatis inter vos, si coniubii piget, in nos vertite iras: nos causa belli, nos vulnerum ac caedium viris ac parentibus sumus, melius peribimus, quam sine alteris vestrum viduae aut orbae vivenus. Movet res tum multitudinem, tum duces. Silentium et repentina fit quies. Inde ad foedus faciendum duces prodeunt: nec pacem modo, sed et civitatem unam ex duabus faciunt: regnum confociant, imperium omne conferunt Romam. Ita geminata Vrbe, ut Sabinis tamen aliquid daretur, Quirites a curibus adpellati. Monimentum ejus pugnae, ubi primum ex profunda emersus palude equus Curtium in vado statuit, Curtium lacum adpellarunt. Ex bello tam tristis lae-

laeta repente pax cariores Sabinas viris ac parentibus, et ante omnes Romulo ipso, fecit. Itaque, quum populum in curias triginta divideret, nomina carum curiis inposuit. Id non traditur, quum haud dubie aliquanto numerus major hoc mulierum fuerit, aetate, an dignitatibus suis virorumve, an forte lectae sint, quae nomina curiis darent. Eodem tempore et centuriae tres equitum conscriptae sunt, Ramnenses ab Romulo, ab Tito Tatius Titienenses adpellati. Lucerum nominis et originis causa incerta est. Inde non modo commune, sed concors etiam, regnum duobus regibus fuit.

XIV. Post aliquot annos propinqui regis Tatii legatos Laurentium pullant. Quumque Laurentes jure gentium agerent, apud Tatium gratia suorum et preces plus poterant. Igitur illorum poenam in se vertit. Nam Lavinii, quum ad sollempne sacrificium covenisset, concursu facto, interficitur. Eam rem minus aegre, quam dignum erat, tulisse Romulum ferunt. Seu ob infidam societatem regni, seu quia haud injuria caefuni credebat. Itaque bello quidem abstinuit: ut tamen expiarentur legatorum injuryae regisque caedes, foedus inter Romanam Laviniumque urbes renovatum est. Et cum his quidem insperata pax erat; aliud multo proprius, atque in ipsis prope portis, bellum ortum. Fidenates, nimis vicinas prope se convalescere opes rati, priusquam tantum roboris esset, quantum futurum adparebat, occupant bellum facere. Juventute armata inmissa, vastatur agri, quod inter Vrbem ac Fidenas est. Inde ad laevam versi, quia dextra Tiberis arcebat, cum magna trepidatione agrestium populantur: tumultusque repens, ex agris in Vrbem inla-

tus, pro nuntio fuit. Excitus Romulus (neque enim dilationem pati tam vicinum bellum poterat) exercitum educit: castra a Fidenis mille passuum locat. Ibi modico praefidio relicto, egressus omnibus copiis, partem militum locis circa densa obsita virgulta obscuris subsidere in insidiis jussit; cum parte majore atque omni equitatu profectus, id quod quaerebat, tumultuoso et minaci genere pugnae, adequitando ipsis prope portis, hostem excivit; fugae quoque, quae similanda erat, eadem equestris pugna causam minus mirabilem dedit. Et quum, velut inter pugnae fugaeque consilium trepidante equitatu, pedes quoque referret gradum, plenis repente portis effusi hostes, impulsa Romana acie, studio instandi sequendique trahuntur ad locum insidiarum. Inde subito exorti Romani transversam invadunt hostium aciem. Addunt pavorem mota e caltris signa eorum, qui in praefidio relieti fuerant. Ita multiplici terrore perculsi Fidenates, prius paene quam Romulus, qui que cum eo equis ierant, circumagerent frenis equos, terga vertunt: multoque effusius, (quippe vera fuga) qui similantes paullo ante sequuti erant, oppidum repetebant. Non tamen eripuerunt se hosti; haerens in terga Romanus, prius quam fores portarum objicerentur, velut agmine uno intrumpit.

XV. Belli Fidenatis contagione irritati Vejentium animi et consanguinitate, (nam Fidenates quoque Etrusci fuerunt) et quod ipsa propinquitas loci, si Romana arma omnibus infesta finitimi essent, stimulabat. In fines Romanos excueurrerunt, populabundi magis, quam justi more belli. Itaque non castris positis, non exspectato hostium exercitu, raptam ex agris praedam portantes, Vejos redie-

diere: Romanus contra, postquam hostem in agris non invenit, dimicatio*n* Ultimae instruc*t*us intentusque, Tiberim transit. Quem postquam castra ponere, et ad urbem adcellurum Vejentes audivere; obviam egressi, ut potius acie decernerent, quam inclusi de tectis moe*n*ibusque dimicarent. Ibi, viribus nulla arte adjutis, tantum veterani robore exercitus rex Romanus vicit: persecutusque fusos ad moenia hostes, urbe valida muris ac situ ipso munita abstinuit: agros rediens vastat, ulciscendi magis, quam praedae, studio. Eaque clade, haud minus quam adversa pugna, subacti Vejentes pacem petitum oratores Romam mittunt. Agri parte mulctatis in centum annos i*nduciae* datae. Haec ferme, Romulo regnante, domi militiaeque gesta: quorum nihil absolu*m* fidei divinae originis divinitatisque post mortem creditae fuit; non animus in regno avito recuperando, non condenda*e* urbis consilium, non bello ac pace firmandae. Ab illo enim profectu viribus datis tantum valuit, ut in quadraginta deinde annos tutam pacem haberet. Multitudini tamen gratior fuit, quam Patribus; longe ante alios adcep*tissimus* militum animis. Trecentosque armatos ad custodiam corporis, quos Celeres adpellavit, non in bello solum, sed etiam in pace, habuit.

XVI. His immortalibus editis operibus, quum ad exercitum recensendum concionem in campo ad Caprae paludem haberet, subito coorta tempestas cum magno fragore tonitribusque tam denso regem operuit nimbo, ut conspectum ejus concioni abstulerit. Nec deinde in terris Romulus fuit. Romana pubes, sedato tandem pavore, postquam ex tam turbido die serena et tranquilla lux rediit, ubi vacuam sedem regiam vidit, et si satis credebat

bat Patribus, qui proximi steterant, sublimem raptum procella; tamen, velut orbitatis metu dicta, moestum aliquamdiu silentiam obtinuit. Deinde, a paucis initio facto, Deum Deo natum, regem, parentemque urbis Romanae salvare universi Romulum jubent. Pacem precibus exposcunt, uti volens propitius suam semper sospitet progeniem. Fuisse credo tum quoque aliquos, qui disceptum regem Patrum manibus taciti arguerent: manavit enim haec quoque, sed perobscura, fama. Illam alteram admiratio viri et pavor praesens nobilitavit. Consilio etiam unius hominis addita rei dicitur fides. Namque Proculus Julius, follicita civitate desiderio regis, et infensa Patribus, gravis, ut traditur, quamvis magnae rei auctor, in concessionem prodit. *Romulus*, inquit, *Quirites, parens urbis hujus, prima ho- dierna luce coelo repente delabitus, se mihi ob- vium dedit, quum, perfusus horrore venera- bundusque, adslitissim, petens precibus, ut con- tra intueri fas esset; abi, nuntia, inquit, Ro- manis, Ecclesies ita velle, ut mea Roma caput orbis terrarum sit: proinde rem militarem colant: sciantque, et ita posieris tradant, nullas opes humanas armis Romanis resistere posse,* haec, inquit, loquuntus, sublimis abiit. Miserum; quantum illi viro, nuntianti haec, fidei fuerit; quamque desiderium Romuli apud plebem exercituunque, facta fide immortalitatis, lenitum sit.

XVII. Patrum interim animos certamen regni ac cupido versabat. Nec dum a singulis, quia nemo magnopere eminebat in novo populo, pervenerant factiones: inter ordines certabatur. Oriundi ab Sabinis, ne, quia post Tatii mortem ab sua parte non erat regnatum, in societate aequa possessionem imperii amit-

mitterent, sui corporis creari regem volebant. Romani veteres peregrinum regem adspernabantur. In variis voluntatibus regnari tamen omnes volebant, libertatis dulcedine nondum experta. Timor deinde Patres incessit, ne civitatem sine imperio, exercitum sine duce, multarum circa civitatum irritatis animis, vis aliqua externa adoriretur. Et esse igitur aliquid caput placebat; et nemo alteri concedere in animum inducebat. Ita rem inter se centum Patres, decem decuriis factis, singulisque in singulas decurias creatis, qui summae rerum praecessent, confociant. Decem imperitabant, unus cum insignibus imperii et lictoribus erat. Quinque dierum spatio finiebatur imperium, ac per omnes in orbem ibat: annumque intervallum regni fuit. Id ab re, quod nunc quoque tenet nomen, Interregnum adpellatum. Fremere deinde plebs; multiplicatam servitatem, centum pro uno dominos factos: nec ultra nisi regem, et ab ipsis creatum, videbantur passuri. Quum sensissent ea moveri Patres, obferendum ulti ratio, quod amissuri erant, ita gratiam ineunt, summa potestate populo permissa, ut non plus darent juris, quam detinerent. Decreverunt enim, ut, quum populus regem jussisset, id sic ratum esset, si Patres auctores fierent: hodieque in legibus magistratibusque rogandis usurpatur idem jus, vi ademta. Prius quam populus subfragium ineat, in incertum comitiorum eventum Patres auctores fiunt. Tum interrex, concione advocata; *Quod bonum, faustum, felixque sit, inquit, Quirites, regem create; ita Patribus visum est.* Patres deinde, si dignum, qui secundus ab Romulo numeretur, crearitis, auctores sient. Adeo id gratum plebi fuit, ut, ne victi beneficio viderentur, id modo

modo sciscerent juberentque, ut senatus decerneret, qui Romae regnaret.

XVIII. Inclita justitia religioque ea tempestate Numae Pompilii erat. Curibus Sabinis habitabat, consultissimus vir, ut in illa quisquam aetate esse poterat, omnis divini atque humani juris. Auctorem doctrinae ejus, quia non exstat alius, false Samium Pythagoran edunt: quem, Servio Tullio regnante Romae, centum amplius post annos, in ultima Italiae ora, circa Metapontum Heracleamque et Crotona, juvenum aemulantium studia coetus habuisse constat. Ex quibus locis, et si ejusdem aetatis fuisse, qua fama in Sabinos, aut quo linguae commercio, queinquam ad cupiditatem discendi excivisset? quove praesidio unus per tot gentes, dissonas sermone moribusque, pervenisset? Suopte igitur ingenio temperatum animum virtutibus fuisse opinor magis; instructumque non tam peregrinis artibus, quam disciplina tetrica ac tristi veterum Sabinorum. Quo genere nullum quoniam inconruptius fuit. Auditio nomine Numae, Patres Romani, quamquam inclinari opes ad Sabinos, rege inde sumto, videbantur, tamen, neque se quisquam, nec factionis suae alium, nec denique Patrum aut civium quemquam praeferre illi viro ausi, ad unum omnes Numae Pompilio regnum deferendum decernunt. Adcitus, sicut Romulus augurato urbe condenda regnum adeptus est, de se quoque Deos consuli jussit. Inde ab augure (cui deinde, honoris ergo, publicum id perpetuumque facerdotium fuit) deductus in arcem, in lapide ad meridiem versus confedit. Augur ad laevam ejus, capite velato, sedem cepit, dextra manu baculum sine nodo aduncum tenens, quem lituum adpellaverunt. Inde ubi,

abi, prospecta in urbem agrumque capto, Deos precatus, regiones ab oriente ad obcasum determinavit; dextras ad meridiem partes, laevas ad septentrionem esse dixit. Signum contra, quo longissime conspectum oculi ferébant, animo finivit. Tum, lituo in laevam manum translato, dextra in caput Numae inposita, precatus est ita: *Jupiter pater, si es fas, hunc Numam Pompilium, cuius ego caput teneo, regem Romae esse, uti tu signa nobis certa adclarassis inter eos fines, quos feci.* Tum peregit verbis auspicia, quae mitti vellet. Quibus missis, declaratus rex Numa de templo descendit.

XIX. Qui, regio ita potitus, urbem novam, conditam vi et armis, jure eam legibusque ac moribus de integro condere parat. Quibus quum inter bella adsuescere videret non posse, quippe efferatos militia, animos; mitigandum ferocem populum armorum desuetudine ratus, Janum ad infimum Argiletum, indicem pacis bellique, fecit: apertus ut in armis esse civitatem; clausus pacatos circa omnes populos significaret. Bis deinde post Numae regnum clausus fuit: semel T. Manlio consule, post Punicum primum perfectum bellum: iterum, quod nostrae aetati Dii dederunt, ut videremus, post bellum Actiacum, ab Imperatore Caesare Augusto, pace terra marique parta. Cluso eo, quum omnium circa finitimorum societate ac foederibus junxit animos, positis externorum periculorum curis, ne luxuriarentur otio animi, quos metus hostium disciplinaque militaris continuerat; omnium primum, rem ad multitudinem imperitam, et illis saeculis rudem, efficacissimam, Deorum metum injiciendum ratus est. Qui quum descendere ad animos sine

sine aliquo commento miraculi non posset, si-
milat sibi cum Dea Egeria congressus noctur-
nos esse: ejus se monitu, quae adceptissima
Diis essent, sacra instituere; sacerdotes suos
cuique Deorum praeficere. Atque omnium
primum, ad cursum lunae, in duodecimi men-
ses describit annum. Quem (quia tricenos dies
singulis mensibus luna non explet, defunctque
dies solido anno, qui solstitiali circumagitur
orbe) intercalaribus mensibus interponendis,
ita dispensavit, ut quarto et vigesimo anno ad
metam eamdem Solis, unde orsi essent, ple-
nis annorum omnium spatiis dies congrue-
rent. Idem nefastos dies fastosque fecit, quia
aliquando nihil cum populo agi utile futurum
erat.

XX. Tum sacerdotibus creandis animum
adjecit, quamquam ipse plurima sacra obibat,
ea maxime, quae nunc ad Dialem flaminem
pertinent. Sed, quia in civitate bellicosa plu-
res Romuli, quam Numae, similes reges pu-
tabat fore, iturosque ipsos ad bella, ne sacra
regiae viciis desererentur, flaminem Jovi ad-
siduum sacerdotem creavit, insignique eum
veste et curuli regia sella adornavit. Huic
duos flamines adjecit: Marti unum, alterum
Quirino. Virginesque Vestae legit, Alba
oriundum sacerdotium, et genti conditoris
haud alienum. His, ut adsiduae templi anti-
stites essent, stipendum de publico statuit:
virginitate aliisque ceremoniis venerabiles ac
sanctas fecit. Salios item duodecim Marti
Gradivo legit, tunicaeque pictae insigne de-
dit et super tunicam aeneum pectori tegumen:
coelestiaque arma, quae ancilia adpellantur,
ferre, ac per Vrbem ire canentes carmina
cum tripudiis sollemnique saltatu jussit. Pon-
tificem deinde Numiam Marcium, Marci filium,

ex Patribus legit, eique sacra omnia exscripta exsignataque adtribuit; quibus hostiis, quibus diebus, ad quae templa sacra fierent; atque unde in eos sumtus pecunia erogaretur. **Cetera quoque omnia** publica privataque sacra Pontificis scitis subjicit: ut esset, quo consultum plebes veniret; ne quid divini juris, negligendo patrios ritus, peregrinosque adsciscendo, turbaretur: nec coelestes modo ceremonias, sed justa quoque funebria placandasque Manes, ut idem Pontifex edoceret; quaeque prodigia, fulminibus alove quo visu missa, suscipientur atque curarentur. Ad ea elicienda ex mentibus divinis, Jovi Elio aram in Aventino dicavit, Deumque consuluit auguriis, quae suscipienda essent.

XXI. Ad haec consultanda procuranda que, multitudo omnia vi et armis converfa, et animi aliquid agendo occupati erant, et Deorum ad fidua insidens cura, quum interesse rebus humanis coeleste Numen videretur, ea pietate omnium pectora inbuerat, ut fides ac ius jurandum, proximo legum ac poenarum metu, civitatem regerent. Et quum ipsi se homines in regis, velut unici exempli, mores formarent; tum finitimi etiam populi, qui ante, castra, non urbem, positam in medio ad sollicitandam omnium pacem, crediderant, in eam verecundiam adducti sunt, ut civitatem, totam in cultum versam Deorum, violari ducerent nefas. **Lucus** erat, quem medium ex opaco specu fons perenni rigabat aqua. Quo quia se persaepe Numa sine arbitris, velut ad congressum Deae, inferebat, Camenis eum lucum sacravit; quod earum ibi concilia cum conjuge sua Egeria essent. Et soli Fidei sollempne instituit. Ad id sacrarium flamines bigis, curru arcuato, vehi jussit, ma-

nuque ad digitos usque involuta rem divinam facere: significantes fidem tutandam, sedemque ejus etiam in dextris sacramentum esse. Multa alia sacrificia locaque sacris faciendis, quae Argeos pontifices vocant, dedicavit. Omnia tamen maximum ejus operum fuit tutela, per omne regni tempus, haud minor pacis, quam regni. Ita duo deinceps reges, aliis alia via, ille bello, hic pace, civitatem auxerunt. Romulus septem et triginta regnavit annos: Numma tres et quadraginta. Tum valida, tum temperata et belli et pacis artibus, erat civitas.

XXII. Nummae morte ad interregnum res rediit. Inde Tullum Hostilium, nepotem Hostili, cuius in infima arce clara pugna adversus Sabinos fuerat, regem populus jussit. Patres auctores facti. Hic non solum proximo regi dissimilis, sed ferocior etiam Romulo fuit. Tum aetas viresque, tum avita quoque gloria animum stimulabat. Senescere igitur civitatem otio ratus, undique materiam excitandi belli quaerebat. Forte evenit, ut agrestes Romani ex Albano agro, Albani ex Romano praedas in vicem agerent. Imperitabat tum C. Cluilius Albae. Vtrumque legati fere sub idem tempus ad res repetendas missi, Tullus praeceperat suis, ne quid prius, quam mandata, agerent. Satis sciebat, negaturum Albanum; ita pie bellum indici posse. Ab Albanis socrdiis res acta: excepti hospitio ab Tullo, blande ac benigne, comiter regis convivium celebrant. Tantis per Romani et res repetiverant priores, et neganti Albano bellum in trigesimum diem indixerant. Haec re nuntiant Tullo. Tum legatis Tullus dicendi potestatem, quid petentes venerint, facit. Illic, omnium ignari, primum purgando terunt tempus: Se invitatos quidquam, quod minus placet

ceat Tullo, dicturos; sed imperio subigi: res repetitum se venisse. Ni reddantur, bellum indicere jussos. Ad haec Tullus: *Nuntiate, inquit, regi vestro, regem Romanum Deos facere tesię, uter prius populus res repetentes legatos adspernatus dimiserit, ut in eum omnes expetant hujusce clades belli.*

XXIII. Haec nuntiant domum Albani. Et bellum utrumque summa ope parabatur, civili simillimum bello, prope inter parentes natosque; Trojanam utramque prolein, quum Lavinium ab Troja, ab Lavinio Alba, ab Albanorum stirpe regum oriundi Romani essent. Eventus tamen belli minus miserabilem dimicationem fecit: quod nec acie certatum est; et, tectis modo dirutis alterius urbis, duo populi in unum confusi sunt. Albani priores ingenti exercitu in agrum Romanum impetum fecere. Castra ab urbe haud plus quinque millia passuum locant, fossa circumdant: fossa Cluilia ab nomine ducis per aliquot saecula appellata est, donec cum re nomen quoque vetustate abolevit. In his castris Cluilius Albanus rex moritur; dictatorem Albani Mettum Fulsetium creant. Interim Tullus ferox, praecipue morte regis, magnumque Deorum numen, ab ipso capite orsum, in omne nomen Albanum expediturum poenas ob bellum impium dictitans, nocte, praeteritis hostium caltris, infesto exercitu in agrum Albanum pergit. Ea res ab stativis excivit Mettum. Dicit, quam proxime ad hostem potest; inde legatum praemissum nunciare Tullo jubet, priusquam dimicent, opus esse conloquio: si secum congressus sit, satis scire, ea se adlatrum, quae nihilo minus ad rem Romanam, quam ad Albanam, pertineant. Haud adspernatus Tullus, tametsi vana adferebantur,

in aciem educit. Exeunt contra et Albani. Postquam instructi utrumque stabant, cum paucis procerum in medium duces procedunt. Ibi infit Albanus: *Injurias et non redditas res ex foedere, quae repetitae sint, et ego regem nostrum Cluilium, causam hujusce esse belli audisse videor: nec te dubito, Tulle, eadem prae te ferre. Sed, si vera potius, quam dictu speciosa, dicenda sunt, cupido imperii duos cognatos vicinosque populos ad arma stimulat.* Neque, recte, an perperam, interpretor: *fuerit ista ejus deliberatio, qui bellum suscepit. Me Albani gerendo bello ducem creavere. Illud te, Tulle, monitum velim: Etrusca res, quanta circa nos teque maxime sit, quo propior es, hoc magis scis. Multum illi terra, plurimum mari pollent. Memor esto, jam, quum signum pugnae dabis, has duas acies spectaculo fore; ut fessos confectosque, simul victorem ac vicitum. adgrediantur. Itaque, si nos Dii amant, quoniam, non contenti libertate certa, in dubiam imperii servitiique aleam imus; ineamus aliquam viam, qua utri utris imperent, sine magna clade, sine multo sanguine utriusque populi, decerui possit. Haud displicet res Tullo, quamquam, tum indole animi, tum spe victoriae, ferocior erat. Quaerentibus utrumque ratio initur, cui et fortuna ipsa praebuit materiam.*

XXIV. Forte in duobus tum exercitibus erant trigemini fratres, nec aetate, nec viribus dispare. Horatios Curiatiosque fuissent, fatis constat; nec ferme res antiqua alia est nobilior. Tamen in re tam clara nominum error manet; utrius populi Horatii, utrius Curiatii fuerint. Auctores utroque trahunt: plures tamen invenio, qui Romanos Horatios vocent. Hos ut sequar, inclinat animus. *Cum tri-*

trigeminis agunt reges, ut pro sua quisque patria dimicent ferro. Ibi imperium fore, unde victoria fuerit. Nihil recusatur. tempus et locus convenit. Priusquam dimicarent, foedus ictum inter Romanos et Albanos est his legibus, ut, cujusque populi cives eo certamine vicissent, is alteri populo cum bona pace imperitaret. Foedera alia aliis legibus, ceterum eodem modo omnia, fiunt. Tum ita factum adcepimus, nec ullius vetustior foederis memoria est. Fetialis regem Tullum ita rogavit: *Jubesne me, Rex, cum patre patrato populi Albani foedus ferire?* jubente rege, *Sagmina,* inquit, *te, Rex, posco.* Rex ait, *Puram tollito.* Fetialis ex aree graminis herbam puram adtulit. Postea regem ita rogavit: *Rex, facisne me tu regium muntium populi Romani Quiritium? vasa, comitesque meos?* Rex respondit: *Quod sine fraude mea populi que Romani Quiritium fiat, facio.* Fetialis erat M. Valerius. Patrem patratum Sp. Fuisum fecit, verbena caput capillosque tangens. Pater patratus ad jus jurandum patrandum, id est, sanciendum fit foedus; multisque id verbis, quae longo effata carmine non operae est referre, peragit. Legibus deinde recitatis: *Audi, inquit, Jupiter; audi, pater patratus populi Albani; audi tu, populus Albanus:* ut illa palam prima postrema ex illis tabulis cereare recitata sunt sine dolo malo, utique ea hic hodie rectissime intellecta sunt, illis legibus populus Romanus prior non deficiet. Si prior defexit publico consilio, dolo malo; tu illo die, *Jupiter, populum Romanum sic ferito, ut ego hunc porcum hic hodie feriam: tantoque magis ferito, quanto magis potes pollesque.* Id ubi dixit, porcum faxo silice percussum. Sua item carmina Albani suumque jus jurandum per

suum dictatorem suosque sacerdotes peregerunt.

XXV. Foedere icto, trigemini, sicut convenerat, arma capiunt. Quum sui utrosque adhortarentur, Deos patrios patriam ac parentes, quidquid civium domi, quidquid in exercitu sit, illorum tunc arma, illorum intueri manus: feroce et suopte ingenio, et pleni adhortantium vocibus, in medium inter duas acies procedunt. Consederant utrumque pro castris duo exercitus, periculi imagis praesentis, quam curae, expertes. Quippe imperium agebatur, in tam paucorum virtute atque fortuna positum. Itaque ergo erecti suspensique in minime gratum spectaculum animo intenduntur. Datur signum; infestisque armis, velut acies, terni juvenes, magnorum exercituum animos gerentes, concurrunt: nec his, nec illis periculum suum; publicum imperium servitiumque obversatur animo; futuraque ea deinde patriae fortuna, quam ipsi fecissent. Ut prinio statim concursu increpue re arma, micantesque suliere gladii, horror ingens spectantes perstringit: et, neutro inclinata spe, torpebat vox spiritusque. Consertis deinde manibus, quinjam non motus tantum corporum, agitatioque anceps telorum armorumque, sed vulnera quoque et sanguis spectaculo essent; duo Romani, super alium aliis, vulneratis tribus Albanis, exspirantes conrue runt. Ad quorum casum quum conclamasset gaudio Albanus exercitus, Romanas legiones jam spes tota, nondum tamen cura, deseruerat, exanimes vice unius, quem tres Curiatii circumsteterant. Forte is integer fuit, ut universis solus nequaquam par, sic adversus singulos ferox. Ergo, ut segregarot pugnam eorum, capessit fugam, ita ratus sequuturos,

ut

ut quemque vulnerē adfectum corpus sineret. Jam aliquantum spatii ex eo loco, ubi pugnatū est, aufugerat, quin respiciens videt magnis intervallis sequentes: unum hanc procul abesse. In eum magno impetu rediit: et dum Albanus exercitus inclamat Curiatiis, ut opem ferant fratri, jam Horatius, caeso hoste vitor, secundam pugnam petebat. Tum clamore, qualis ex insperato faventium solet, Romani adjuvant militem suum: et ille defungi proelio festinat. Prius itaque, quam alter, qui nec procul aberat, consequi posset, et alterum Curiatum conficit. Jamque, aequato Marte, singuli supererant; sed nec spē, nec viribus pares. Alterum, intactum ferro corpus et geminata victoria, ferocem in certamen tertium dabant: alter, fessum vulnere, fessum cursu trahens corpus, vietusque fratrum ante se strage, victori objicitur hosti. Nec illud proelium fuit. Romanus exultans, *Duos, inquit, fratrum manibus dedi: tertium causae belli hujusce, ut Romanus Albano imperet, dabo.* Male sustinenti arma gladium superne jugulo defigit: jacentem spoliat. Romani ovantes ac gratulantes Horatium adcipiunt; eo majore cum gaudio, quo prope metum res fuerat. Ad sepulturam inde suorum nequaquam paribus animis vertuntur; quippe imperio alteri aucti, alteri ditionis alienae facti. Sepulcra exstant, quo quisque loco cecidit. Duo Romana uno loco proprius Albam, tria Albana Romam verlus; sed distantia locis, et ut pugnatū est.

XXVI. Priusquam inde digredierentur, roganti Metto, ex foedere icto quid imperaret, imperat Tullus, uti juventutem in armis habeat: usurpum se eorum opera, si bellum cum Vejentibus foret. Ita exercitus inde do-

mos abducti. Princeps Horatius ibat, trigmmina spolia prae se gerens. cui soror virgo, quae despensa uui ex Curiatiis fuerat, obvia ante portam Capenam fuit: cognitoque super hunieros fratris paludamento sponsi, quod ipsa confecerat, solvit crines, et flebiliter nomine sponsum mortuum adpellat. Movet feroci juveni aninium comploratio sororis in victoria sua tantoque gaudio publico. Stricto itaque gladio, simul verbis increpans, transfigit puerlam. *Abi hinc cum immaturo amore ad sponsum*, inquit, *oblita fratrum mortuorum vivi-que, oblita patriae*. Sic eat, quaecumque Romana lugebit hostem. Atrox visum id facinus Patribus plebique: sed recens meritum facto obstabat. Tamen raptus in jus ad regem. Rex, ne ipse tam tristis ingratique ad vulgus judicii, aut, secundum judicium, subplicii auctor esset, concilio populi advocate, *Duumviro*s, inquit, qui *Horatio perduellionem judicent, secundum legem facio*. Lex horrendi carminis erat: *Duumviri perduellionem judicent*. Si a duumviris provocari, provocatione certato: si vincent, caput obnubito: infelici arbori restie suspendito: verberato vel intra pomoerium, vel extra pomoerium. Hac lege duumviri creati, qui se absolvere non reban-
tar ea lege, ne innoxium quidem, posse. Quum condemnassent; tum alter ex his, *P. Horati*, tibi perduellionem judico, inquit. *I, lictor, conliga manus*. Adcesserat lictor, injiciebatque laqueum. Tum Horatius, auctore Tullo, clemente legis interprete, *Provoco*, inquit. Ita de provocatione certatum ad populum est. Moli homines sunt in eo judicio, maxime P. Horatio patre proclamante, se filiam jure caesam judicare. Ni ita esset, patrio iure in filium animadversurum fuisse.

Ora-

Orabat deinde, ne se, quem paullo ante cum egregia stirpe conspexissent, orbum liberis facerent. Inter haec senex, juvenem amplectus, spolia Curiatorum fixa eo loco, qui nunc Pila Horatia adpellatur, ostentans, *Hunc cine, ajebat, quem modo decoratum ovantemque vicitoria incedentem vidistis, Quirites, eum sub furca vinctum inter verbera et cruciatus videre potestis?* quod vix Albanorum oculi tam deformis spectaculum ferre possent. I, lictor, colligamus, quae paullo ante armatae imperium populo Romano pepererunt. I, caput obnube liberatoris urbis huius: arbori infelici suspende: verbera, vel intra pomoerium, modo inter illam pilam et spolia hostium; vel extra pomoerium, modo intra sepulcra Curiatorum. Quo enim ducere hunc juvenem potestis, ubi non sua decora eum a tanta foeditate supplicii viuidicent? Non tulit populus nec patris lacrimas, nec ipsius parem in omni periculo animum: absolveruntque admiratione magis virtutis, quam jure causae. Itaque, ut caedes manifesta aliquo tamen piaculo lueretur, imperatum patri, ut filium expiaret pecunia publica. Is, quibusdam piacularibus sacrificiis factis, quae deinde genti Horatiae tradita sunt, transmisso per viam tigillo, capite adoperto, velut sub jugum misit juvenem. Id hodie quoque publice semper relectum manet. Sororium tigillum vocant. Horatiae sepulcrum, quo loco conruerat icta, constructum est faxo quadrato.

XXVII. Nec diu pax Albana mansit. Invidia vulgi, quod tribus militibus fortuna publica commissa fuerit, vanum ingenium dictatoris corruptit; et, quoniam recta consilia haud bene evenierant, pravis reconciliare popularium animos coepit. Igitur, ut prius in

bello pacem, sic in pace bellum quaerens, quia suae civitati animorum plus, quam virium, cernebat esse, ad bellum palam atque ex edicto gerundum alios concitat populos: suis per speciem societatis proditionem reservat. Fidenates, colonia Romana, Vejentibus sociis confilii adsumtis, pacto transitionis Albanorum ad bellum atque arma incitantur. Quum Fidenae aperte descissent, Tullus Metto, exercituque ejus ab Alba adito, contra hostes dicit. Vbi Anienem transiit, ad confluentes conlocat castra. Inter eum locum et Fidenas Vejentium exercitus Tiberim transierat. Hi et in acie prope flumen tenuere dextrum cornu: in sinistro Fidenates proprius montes consistunt. Tullus adversus Vejentem hostem dirigit suos: Albanos contra legionem Fidena-tium conlocat. Albano non plus animi erat, quam fidei. Nec manere ergo, nec transire aperte ausus, sensim ad montes subcedit. Inde, ubi satis subisse se fatus est, erigit totam aciem: fluctuansque animo, ut tereret tempus, ordines explicat. Conflium erat, qua fortuna rem daret, ea inclinare vires. Miraculo primo esse Romanis, qui proximi steterant, ut nudari latera sua sociorum digressu senserunt: inde eques citato equo nuntiat regi, abire Albanos. Tullus in re trepidâ duodecim vovit Salios, fanaque Pallori ac Pavori. *Equitem*, clara increpans voce, ut hostes exaudirent, redire in proelium jubet: *nihil trepidatione opus esse: suo jussu circumduci Albanum exercitum, ut Fidena-tium nuda terga invadant.* Idem imperat, ut hastas equites erigere jubeat. Id factum magnae partis peditum Romanorum conspectum abeuntis Albani exercitus interfecit. Qui viderant, id, quod ab rege auditum erat, rati, eo acrius pug-

pugnant. Terror ad hostes transit: et audiverant clara voce dictum; et magna pars Fidenatum, ut qui coloni additi Romanis essent, Latine sciebant. Itaque, ne subito ex collibus decursu Albanorum intercluderentur ab oppido, terga vertunt. Instat Tullus, fusfoque Fidenatum cornu, in Vejentein, alieno pavore perculsum, ferocior redit. Nec illi tulere impetum: sed ab effusa fuga flumen objectum a tergo arcebatur. Quo postquam fuga inclinavit; alii, arma foede jactantes, in aquam caeci ruebloant; alii, dum cunctantur in ripis, inter fugac pugnaeque consilium obpressi. Non alia ante Romana pugna atrocior fuit.

XXVIII. Tum Albanus exercitus, spectator certaminis, deductus in campos. Mettus Eullo devictos hostes gratulatur, contra Tullus Mettum benigne adloquitur. Quod bene vertat, caltra Albanos Romanis calbris jungere jubet: sacrificium lustrale in diem posterum parat. Vbi influxit, paratis omnibus, ut adsolet, vocari ad concionem utrumque exercitum jubet. Praecones, ab extremo orsi, primos excivere Albanos. Hi, uovitate etiam rei moti, ut regeni Romanum concionantem audirent, proximi constitere. Ex composito armata circumdatur Romana legio. Centurionibus datum negotium erat, ut sine mora imperia exsequerentur. Tum ita Tullus infit: *Romani, si unquam ante alias ullo in bello fuit, quod primum Diis immortalibus gratias ageretis, deinde vestrae ipsorum virtuti, hesternum id proelium fuit. Dimicatum est enim non magis cum hostibus, quam, quae dimicatio major atque periculosior est, cum proditione ac perfidia sociorum. Nam, ne vos falsa opinio teneat, injussu meo Albani subiere ad bellum.*

montes: nec imperium illud meum, sed consilium et imperii simulatio fuit; ut nec, vobis ignorantibus deseriveros, averteretur a certamine animus; et hostiibus, circumveniri se a tergo ratis, terror ac fuga injiceretur. Nec ea culpa, quam arguo, omnium Albanorum est. Duxem sequuti sunt: ut et vos, si quo ego inde agmen declinare voluisssem, fecissetis. Mettus ille est ductor itineris hujus, Mettus idem hujus machinator belli, Mettus foederis Romani Albanique ruptor. Audeat deinde talia alius, nisi in hunc insigne jam documentum mortalibus dedero. Centuriones armati Mettum circumfistunt. Rex cetera, ut orsus erat, peragit. Quod bonum, faustum, felixque sit populo Romano ac mihi, vobisque, Albani; populum omnem Albanum Romanam traducere in animo est; civitatem dare plebi; primores in Patres legere; unam urbem, unam rem publicam facere. Ut ex uno quoniam in duos populos divisa Albana res est, sic nunc in unum redeat. Ad haec Albana pubes, inermis ab armatis septa, in variis voluntatibus, communi tamen metu cogente, silentium tenet. Tum Tullus: Mette Fuffeti, inquit, si ipse discere posses fidem ac foedera servare, vivo tibi ea disciplina, a me adhibita esset. Nunc quoniam tuum insanabile ingenium est, at tu tuo supplicio doce humanum genus ea sancta credere, quae a te violata sunt. Ut igitur paullo ante animum inter Fidenatem Romanamque rem ancipitem gessisti, ita jam corpus passim distrahendum dabis. Exinde, duabus admotis quadrigis, in currus earum distentum inligat Mettum. Deinde in diversum iter equi concitati, lacerum in utroque curru corpus, qua inhaerent vinculis membra, portantes. Avertere omnes a tanta foeditate spectaculi oculos. Primum ultimumque illud supplicium apud

apud Romanos exempli parum memoris legum humanarum fuit. In aliis gloriari licet, nulli gentium mitiores placuisse poenas.

XXIX. Inter haec jam praemissi Albani erant equites, qui multitudinem traducerent Romanos. Legiones deinde ductae ad diruendam urbem. Quae ubi intravere portas, non quidem fuit tumultus ille, nec pavor, qualis captarum esse urbium solet; quum, effractis portis, stratisve ariete muris, aut arce vice capta, clamor hostilis et cursus per urbem armatorum omnia ferro flammaque miscet: sed silentium triste ac tacita moestitia ita defixit omnium animos, ut, praemtu oblii, quid relinquerent, quid secum ferrent, deficiente consilio, rogitantesque alii alios, nunc in liminibus starent, nunc errabundi domos suas, ultimum illud visuri, pervagarentur. Ut vero jam equitum clamor exire jubentium instabat, jam fragor tectorum, quae diruebantur, ultimis urbis partibus audiebatur, pulvisque, ex distantibus locis ortus, velut nube inducta omnia inpleverat; raptim, quibus quisque poterat, elatis, quum larem ac penates tectaque, in quibus natus quisque educatusque esset, relinquentes exirent; jam continens agmen migrantium inpleverat vias: et conspectus aliorum mutua miseratione integrabat lacrumas. Vocesque etiam miserabiles exaudiebantur, mulierum praecipue, quum obsessa ab armatis tempa augusta praeterirent, ac velut captos relinquenter Deos. Egressis urbem Albanis, Romanus passim publica privataque omnia tecta adaequat solo, unaque hora quadringentorum annorum opus, quibus Alba steterat, excidio ac ruinis dedit. Templis tamen Deum (ita enim edictum ab rege fuerat) temperatum est.

XXX. Roma interim crescit Albae ruinis. Duplicatur civium numerus. Coelius additur urbi mons; et, quo frequentius habitetur, eam sedem Tullus regiae capit, ibique habitavit. Principes Albanorum in Patres, ut ea quoque pars rei publicae cresceret, legit Tullios, Serylios, Quinctios, Geganios, Curiatios, Cloelios: templumque ordinis ab se aucto cui iam fecit, quae Hostilia usque ad patrum nostrorum aetatem appellata est, et, ut omnium ordinum viribus aliquid ex novo populo adjiceretur, equitum decem turmas ex Albanis legit. Legiones et veteres eodem supplemento explevit, et novas scripsit. Hac fiducia virium Tullus Sabinis bellum indicit, genti ea tempestate secundum Etruscos opulentissimae viris armisque. Utrumque injuriae factae, ac res nequidquam erant repetitae. Tullus ad Feroniae fanum mercatu frequenti negotiatores Romanos comprehensos querebatur. Sabini suos prius in lucum confugisse ac Romae retentos. Hae causae belli ferebantur. Sabini, laud parum memores, et suarum virium partem Romae ab Iatio locatam, et Romanam rem nuper etiam adfectione populi Albani auctam, circumspicere et ipsi externa auxilia. Etruria erat vicina, proximi Etruscorum Vejentes. Inde, ob residues bellorum iras maxime sollicitatis ad defctionem animis, voluntariis traxere. Et apud vagos quosdam ex inopi plebe etiam merces valuit. Publico auxilio nullo adjuti sunt. Valuitque apud Vejentes (nam de ceteris minus mirum est) pacta cum Romulo indiciarum fides. Quum bellum utrumque summa ope pararent, vertique in eo res videtur, utri prius arma inferrent, obcupat Tullus in agrum Sabinum transfire. Pugna atrox ad

ad silvam Malitiosam fuit. Vbi et peditum quidem robore, ceterum equitatu aucto nuper, plurimum Romana acies valuit. Ab equitibus repente, in vectis turbati ordines sunt Sabinorum: nec pugna deinde illis constare, nec fuga explicari sine magna caede potuit.

XXXI. Devictis Sabinis, quum in magna gloria magnisque opibus regnum Tulli ac tota res Romana esset, nunciatum regi Patribusque est, in monte Albano lapidibus pluisse. Quod quum credi vix posset, missis ad id vivendum prodigiū, in conspectu, haud aliter quam quum grandinem venti glomeratam in terras agunt. Crebri cecidere coelo lapides. Visi etiam audire vocem ingentem ex summi cacuminis luce, ut patrio ritu sacra Albani facerent, quae, velut Diis quoque simul cum patria relictis, oblivioni dederant: et aut Romana sacra suscepserant, aut, fortunae, ut fit, obirati, cultum reliquerant Deum. Romanis quoque ab eodem prodigio novendiale sacrum publice suscepturn est: seu voce coelesti ex Albano monte milla, (nam id quoque traditur) seu haruspicum monitu. Mansit certe sollemne, ut, quandoque idem prodigium nunciaretur, feriae per novem dies agerentur. Haud ita multo post pestilentia laboratum est. Vnde quum pigritia militandi oriretur; nulla tamen ab armis quies dabatur ab bellico rege, salubriora etiam credente militiae, quam domi, juvenum corpora esse: donec ipse quoque longinquο morbo est implicitus. Tunc adeo fracti simul cum corpore sunt spiritus illi feroceſ, ut, qui nihil ante ratus esset minus regium, quām sacris dedere animum, repente omnibus magnis parvisque superstitiōnibus obnoxius dederet, religionibusque etiam populum inpleget. Vulgo jam honiines, eum

statum rerum, qui sub Numa rege fuerat, requirentes, unam opem aegris corporibus relictam, si pax veniaque ab Düs impetrata esset, credebant. Ipsum regem, tradunt, volventem commentarios Numae, quum ibi quae-dam obculta sollemnia sacrificia Jovi Elio facta invenisset, operatum his sacris se abdiisse: sed non rite initum aut curatum id sacram esse; nec solum nullam ei oblatam coelestium speciem, sed ira Jovis, sollicitati prava religione, fulmine ictum cum domo conflagrasse. Tullus magna gloria belli regnavit annos duos et triginta.

XXXII. Mortuo Tullo, res, ut institutum jam inde ab initio erat, ad Patres redierat: hique interregem nominaverant. Quo comitia habente, Ancum Marcium regem populus creavit: Patres fuere auctores. Numa Pompilii regis nepos, filia ortus, Ancus Marcius erat. Qui, ut regnare coepit, et avitae gloriae memor, et quia proximum regnum, cetera egregium, ab una parte haud satis prosperum fuerat, aut neglectis religionibus, aut prave cultis; longe antiquissimum ratus, sacra publica, ut ab Numa instituta erant, facere; omnia ea ex commentariis regis pontificem in album relata, proponere in publico jubet. Inde et civibus otii cupidis, et finitimiis civitatibus facta spes, in avi mores atque instituta regem abiturum. Igitur Latini, cum quibus, Tullo regnante, ictum foedus erat, fustulerant animos: et, quum incursionem in agrum Romanum fecissent, repetentibus res Romanis superbe responsum reddunt; desiderium Romanum regem inter facella et aras acturum esse regnum rati. Medium erat in Anco ingenium, et Numae, et Romuli memor; et, praeterquam quod avi regno magis necessariam

riam fuisse pacem credebat, quum in novo, tum feroci populo; etiam, quod illi contigifset otium, sine injuria id se haud facile habitum: tentari patientiam, et tentatam contemni; temporaque esse Tullo regi aptiora, quam Numae. Ut tamen, quoniam Numa in pace religiones instituisset, a se bellicae ceremoniae proderentur; nec gererentur solum, sed etiam indicerentur bella aliquo ritu; jus ab antiqua gente Aequicolis, quod nonc fetiales habent, descripsit, quo res repetuntur. Legatus, ubi ad fines eorum venit, unde res repetuntur, capite velato filo (lanae velamen est) *Audi, Jupiter; inquit, audite, fines;* (cujuscumque gentis sunt, nominat) *audiat Fas.* *Ego sum publicus nuntius populi Romani, justus pieque legatus venio, verbisque meis fides sit.* Peragit deinde postulata. Inde Jovem testem facit: *Si ego iniuste in pieque illos homines illasque res dedier nuntio populi Romani mihi exposco, tum patriae compotem me numquam fisis esse.* Haec, quum fines suprascandit, haec, quicumque ei primus vir obvius fuerit, haec, portam ingrediens, haec, forum ingressus, paucis verbis carminis concipiendique juris jurandi mutatis, peragit. Si non deduntur, quos exposcit, diebus tribus et triginta (tot enim follemnes sunt) peractis, bellum ita indicit: *Audi, Jupiter, et tu, Juno, Quirine, Diuque omnes coelestes, vosque terrestres, vosque inferni audite. Ego vos testor, populum illum,* (quicumque est, nominat) *injustum esse, neque jus persolvere.* Sed de ipsis rebus in patria majores natu consulemus, quo pacto jus nostrum adipiscamur. Cum his nuntius Romam ad consulendum redit. Confestim rex his ferme verbis Patres consulebat: *Quarum rerum, litium, causarum condixit pater patratus po-*

puli Romani Quiritium patri patrato priscorum Latinorum hominibusque priscis Latinis, quas res dari, fieri, solvi oportuit, quas res nec derunt, nec fecerunt, nec solverunt, dic, inquit ei, quem primum sententiam rogabat, quid censes? Tum ille: Puro pioque duello quaerendas censeo, itaque consentio, consiscoque. Inde ordine alii rogabantur: quandoque pars major eorum, qui aderant, in eamdem sententiam ibat, bellum erat consensu. Fieri solitum, ut fetialis hastam ferratam aut sanguineam praevastam ad fines eorum ferret, et, non minus tribus puberibus praesentibus, diceret: Quod populi priscorum Latinorum hominesque prisci Latini adversus populum Romanum Quiritium fecerunt, deliquerunt, quod populus Romanus Quiritium bellum cum priscis Latinis jussit esse, senatusque populi Romani Quiritium censuit, consensit, conscivit, ut bellum cum priscis Latini fieret; ob eam rem ego populusque Romanus populis priscorum Latinorum hominibusque priscis Latinis bellum indicio facioque. Id ubi dixisset, hastam in fines eorum emittebat. Hoc tum modo ab Latinis repetitae res, ac bellum indictum: moremque eum posteri adcepérunt.

XXXIII. Ancus, demandata cura sacrorum flaminiibus sacerdotibusque aliis, exercitu novo conscripto profectus, Politorium, urbem Latinorum, vi cepit; sequutusque morem regum priorum, qui rem Romanam auxerant hostibus in civitatem adcipiendis, multitudinem omnem Romanam traduxit. Et, quum circa Palatium, sedem veterum Romanorum, Sabini Capitolium atque arcem, Coelium in montem Albani inplessent; Aventinum novae multitudini datum. Additi eodem haud ita multo post, Tellenis Ficariaque captis, novi cives.

cives. Politorium inde rursus bello repetitum, quod vacuum obcupaverant prisci Latini. Eaque causa diruendae urbis ejus fuit Romanis, ne hostium semper receptaculum esset. Postremo, omni bello Latino Medulliam compulso, aliquamdiu ibi Marte incerto, varia Victoria, pugnatum est: nam et urbs tuta munitionibus, praesidioque firmata valido erat, et, castris in aperto positis, aliquoties exercitus Latinus minus cum Romanis signa contulerat. Ad ultimum, omnibus copiis confusus, Ancus acie primum vincit: inde, ingenti praeda potitus, Romam credit, tum quoque multis millibus Latinorum in civitatem acceptis; quibus, ut jungeretur Palatio Aventinum, ad Murciae datae sedes. Janiculum quoque adjectum; non inopia loci, sed ne quando ea arx hostium esset. Id non muro solum, sed etiam, ob commoditatem itineris, ponte sublilio, tum primum in Tiberi facto, conjungi urbi placuit. Quiritium quoque fossa, haud parvum munimentum a planioribus aditu locis, Anci regis opus est. Ingenti incremento rebus auctis, quum in tanta multitudine hominum, discriminis recte an perperam facti confuso, facinora clandestina fierent, carcer ad terrorem crescentis audaciae media Vrbe, inminens foro aedificatur. Nec urbs tantum hoc rege crevit, sed etiam ager finesque. Silva Maesia Vejentibus ademta, usque ad mare imperium protatum, et in ore Tiberis Ostia urbs condita: salinae circa factae, egregieque rebus bello gestis, aedis Jovis Feretrii amplificata.

XXXIV. Anco regnante, Lucumo, vir in piger ac divitiis potens, Romam commigravit, cupidine maxime ac spe magni honoris, cuius adipiscendi Tarquiniis (nam ibi quoque

peregrina stirpe oriundus erat) facultas non fuerat. Damarati Corinthii filius erat; qui, ob seditiones domo profugus, quum Tarquinii forte confedisset, uxore ibi ducta, duos filios genuit. Nomina his Lucumo atque Aruns fuerunt. Lucumo superfuit patri, bonorum omnium heres: Aruns prior, quam pater, moritur, uxore gravida relicta. Nec diu manet superstes filio pater: qui quum, ignorans nurum ventrem ferre, inmemor intestando nepotis decepsisset, puer, post avem mortem in nullam fortē bonorum nato, ab inopia Egerio inditum nomen. Lucumoni contra, omnium heredi bonorum, quum divitiae jam animos facerent, auxit ducta in matrimonium Tanaquil, summo loco nata, et quae haud facile iis, in quibus nata erat, humilia feneret ea, quae innupsisset. Spernentibus Etruscis Litemonem, exsule advena ortum, ferre indignitatem non potuit; oblitaque ingenitae erga patriam caritatis, dummodo virum honoratum videret, consilium migrandi ab Tarquinii cepit. Roma est ad id potissimum visa. In novo populo, ubi omnis repentina atque ex virtute nobilitas sit, futurum locum forti ac strenuo viro: regnasse Tatium Sabinum: arcessitum in regnum Numam a Curibus: et Aicium Sabina matre ortum, nobilemque una imagine Numae esse. Facile persuadet, ut cupido honorum, et cui Tarquinii materna tantum patria esset. Sublatis itaque rebus commigrant Romam. Ad Janiculum forte ventum erat. Ibi ei, carpento sedenti cum uxore, aquila, suspensis demissa leniter alis, pileum aufert: superque carpentum cum magno clangore volitans, rufus, velut ministerio divinitus missa, capiti apte reponit. Inde sublimis abiit. Adecepisse id

augurium laeta dicitur Tanaquil, perita, ut vulgo Etrusci, coelestium prodigiorum mulier. Excelsa et alta sperare complexa virum jubet. Eam alitem ea regione coeli et ejus Dei nuntiam vénisse. Circa summum culmen hominis auspicium fecisse. Levasse humano superpositum capiti decus, ut divinitus eidem redderet. Has spes cogitationesque secum portantes, Vrbein ingressi sunt; domicilioque ibi comparato, L. Tarquinium Priscum edidere nomen. Romanis conspicuum eum novitas divitiaeque faciebant: et ipse fortunam benigno adloquio, comitate invitandi, beneficiisque, quos poterat, sibi conciliando, adjuvabat; donec in regiam quoque de eo fama perlata est: notitiamque eam brevi, apud regem liberaliter dextreque obeundo officia, in familiaris amicitiae adduxerat iura, ut publicis pariter ac privatis consiliis bello domique interesset; et, per omnia expertus, postremo tutor etiam liberis regis testamento institueretur.

XXXV. Regnavit Ancus annos quatuor et viginti, cui libet superiorum regum belli pacisque et artibus et gloria par. Nam filii prope puberem aetatem erant. Eo magis Tarquinius instare, ut quam primum comitia regi creando fierent: Quibus indictis, sub tempus pueros venatum ablegavit. Isque primus et petuisse ambitiose regnum, et orationem dicitur habuisse ad conciliandos plebis animos compositam; quum, se non rem novam petere: quippe qui non primus, quod quisquam indignari mirarive posset, sed tertius Romae peregrinus regnum affectet: et Tatium non ex peregrino solum, sed etiam ex hoste, regem factum: et Numam, ignarum urbis, non petentem, in regnum ultro adxitum. Se, ex quo sui potens

fuerit, Romam cum conjugae ac fortunis omnibus commigrasse: majorem partem aetatis ejus, qua civilibus officiis fungantur homines, Romae se, quam in vetere patria, vixisse, domi militiaeque sub haud poenitendo magistro, ipso Anco rege, Romana se jura, Romanos ritus didicisse. Obsequio et observantia in regem cum omnibus, benignitate erga alios cum rege ipso certasse. Haec eum haud falsa memorante in ingenti consensu populus Romanus regnare jussit. Ergo virum, cetera egregium, sequuta, quam in petendo habuerat, etiam regnante ambitio est. Nec minus regni sui firmandi, quam augendae rei publicae, in memor, centum in Patres legit; qui deinde minorum gentium sunt adpellati. Factio haud dubia regis, cuius beneficio in curiam venerant. Bellum primum cum Latinis gessit, et oppidum ibi Apiolas vi cepit. praedaque inde majore, quam quanta belli fama fuerat, revecta, ludos opulentius instruciusque, quam priores reges, fecit. Tum primum circo, qui nunc maximus dicitur, designatus locus est. Loca divisa Patribus equitibusque, ubi spectacula sibi quisque ficerent: fori adpellati. Spectare furcis duodenos ab terra spectacula alta sustinentibus pedes. Ludicrum fuit equi pugilesque, ex Etruria maxime adciti. Sollemnes deinde annui mansere ludi, Romani Magnique varie adpellati. Ab eodem rege et circa forum privatis aedificanda divisa sunt loca; porticus tabernaeque factae.

XXXVI. Muro quoque lapideo circumdare Vrbem parabat, quum Sabinum bellum coeptis intervenit. Adeoque ea subita res fuit, ut prius Anienem transirent hostes, quam obviam ire ac prohibere exercitus Romanus posset. Itaque trepidatum Romae est. Et primo

modo dubia victoria magna utrumque caede pugnatum est. Reductis deinde in castra hostium copiis, datoque spatio Romanis, ad comparandum de integro bellum, Tarquinius, equitem maxime suis deesse viribus ratus, ad Rainnes, Titientes, Luceres, quas centurias Romulus scripserat, addere alias constituit, quoque insignes relinquere nomine. Id quia inauguratō Romulus fecerat, negare Altus Navius, inclutus ea tempestate augur, neque mutari, neque novum constitui, nisi aves addixissent, posse. Ex eo ira regi mota, eludensque artem, (ut ferunt) *Agedum*, inquit, *divine tu, inaugura, fierine posse, quod nunc ego mente concipio.* Quum ille, in augurio rem expertus, profecto futuram dixisset; *Atqui hoc animo agitavi, inquit, te novacula cotem discissurum.* *Cape hacc, et perage, quod aves tuae fieri posse portendunt,* tum illum haud cunctanter discidisse cotem ferunt. Statua Attī capite velato, quo in loco res acta est, in comitio, in gradibus ipsis ad laevam curiae fuit: cotem quoque eodem loco sitam fuisse memorant, ut esset ad posteros miraculi ejus monumentum. Auguriis certe facerdotioque augarum tantus honos adcessit, ut nihil belli domique postea, nisi auspicato, gereretur: concilia populi, exercitus vocati, summa rerum, ubi aves non admisissent, dirimerentur. Neque tum Tarquinius de equitum centuriis quidquam mutavit: numero alterum tantum addebat, ut mille et octingenti equites in tribus centuriis essent. Posteriores modo sub iisdem nominibus, qui additi erant, appellati sunt: quas nunc, qui geminatae sunt, sex vocant centurias.

XXXVII. Hac parte copiarum aucta, iterum cum Sabinis confligitur. Sed praeter-

quam quod viribus creverat Romanus exercitus, ex occulto etiam additur dolus, missis, qui magnam vim lignorum, in Anienis ripa jacentem, ardenter in flumen conjicerent: ventoque juvante ad censa ligna, et pleraque, in ratibus impacta, sublisis quum haererent, pontem incendunt. Ea quoque res in pugna terrorem adtulit Sabinis. Effusis eadem fugam impediit. multique mortales, quum hostem effugissent, in flumine ipso periisse: quorum fluitantia arma ad urbem cognita in Tiberi prius paene, quam nuntiari posset, insignem victoriam fecere. Eo proelio praecipua equitum gloria fuit. Vtrumque ab cornibus positos, quum jam pelleretur media pedestris suorum acies, ita incurrisse ab lateribus ferunt, ut non sisterent modo Sabinas legiones, ferociter instantes cedentibus, sed subito in fugam averterent. Montes effuso cursu Sabini petebant, et pauci tenuere; maxima pars, ut ante dictum est, ab equitibus in flumen acti sunt. Tarquinius, instandum perterritis ratus, praeda captivisque Romanam missis, spoliis hostium (votum id Vulcano erat) ingenti cumulo ad censis, pergit porro in agrum Sabini exercitum inducere: et, quamquam male gesta res erat, nec gesturos melius sperare poterant, tamen, quia consulendi res non dabant spatium, iere ob viam Sabini tumultuario milite. Iterumque ibi fusi, perditis jam prope rebus, pacem petiere.

XXXVIII. Collatia, et quidquid circa Collatiam agri erat, Sabinis adecentum. Egerius (fratris hic filius erat regis) Collatiae in praefidio relictus. Deditosque Collatinos ita ad cipio, eamque deditiois formulam esse. Rex interrogavit: *Esiisne vos legati oratoresque, missi a populo Collatino, ut vos populumque*

que Collatinum dederetis? Sumus. Estne populus Collatinus in sua potestate? Est. Deditisne vos, populumque Collatinum, urbem, agros, aquam, terminos, delubra, utensilia, divina, humanaque omnia; in meam populique Romani ditionem? Deditius. At ego recipio. Bello Sabino perfecto, Tarquinius triumphans Romanam rediit. Inde priscis Latinis bellum fecit; ubi nusquam ad universae rei dimicacionem ventum est. Ad singula oppida circumferendo arma, omne nomen Latinum domuit. Corniculum, Ficulea vetus, Cameria, Crustumerium, Ameriola, Medullia, Nomentum, haec de priscis Latinis, aut qui ad Latinos defecerant, capta oppida. Pax deinde est facta. Majore inde animo pacis opera inchoata, quam quanta mole gesserat bella: ut non quietior populus domi esset, quam militiae fuisse. Nam et muro lapideo, cuius exordium operis Sabino bello turbatum erat, Vrbem, qua nondum munierat, cingere parat: et infima Vrbis loca circa forum aliasque interjectas collibus convalles, quia ex planis locis hand facile eveliebant aquas, cloacis e faustigio in Tiberim ductis siccata: et aream ad aedem in Capitolio Jovis, quam voverat bello Sabino, jam praesagiente animo futuram olim amplitudinem loci, obenpat fundamentis.

XXXIX. Eo tempore in regia prodigium visu eventuque mirabile fuit. Puer dormienti, cui Ser. Tullio nomen fuit, caput arsisse ferunt multorum in conspectu. Plurimo igitur clamore inde ad tantae rei miraculum orto excitos reges. Et quin quidam familiarium aquam ad extinguendum ferret, ab regina retentum: sedatoque eam tumultu moveri venuisse puerum; donec sua sponte expperrectus esset. Mox cum somno et flammam abiisse.

Tum abdueto in secretum viro Tanaquil, *Vident' tu puerum hunc*, inquit, *quem tam humili cultu educamus?* Scire licet, *hunc lumen quondam rebus nostris dubiis futurum*, *praesidiumque regiae afflictae.* Proinde materiem ingenti publice privatimque decoris omni indulgentia nostra nutriamus. Inde puerum liberum loco coeptum haberi, eruditirique artibus, quibus ingenia ad magnae fortunae cultum excitantur. Evenit facile, quod Diis cordi esset. Juvenis evasit vere indolis regiae. Nec, quum quaereretur gener Tarquinio, quisquam Romanae juventutis ulla arte conferri potuit: filiamque ei suam rex despondit. Hic quamcumque de causa tantus illi honos habitus credere prohibet, serva natum eum, parvumque ipsum servisse. Eorum magis sententiae sum, qui, Corniculo capto, Ser. Tullii, qui princeps in illa urbe fuerat, gravidam viro obciso uxorem, quum inter reliquias captivas cognita esset, ob unicam nobilitatem ab regina Romana prohibitam ferunt servitio partum Romae edidisse, Prisci Tarquinii domo. Inde tanto beneficio et inter mulieres familiaritatem auctam, et puerum, ut in domo a parvo eductum, in caritate atque honore fuisse: fortunam matris, quod capta patria in hostium manus venerit, ut serva natus crederetur, fecisse.

XL. Duodequadragesimo ferme anno, ex quo regnare cooperat Tarquinius, non apud regem modo, sed apud Patres plebemque, longe maximo honore Ser. Tullius erat. Tum Anci filii duo etsi antea semper pro indignissimo habuerant, se patrio regno tutoris fraude pulsos, regnare Romae advenam, non modo civicae, sed ne Italicae quidem stirpis; tamen impensius his indignitas crescere, si ne ab Tarquinio quidem ad se rediret regnum, sed praeceps

ceps inde porro ad servitia caderet: ut in eadem civitate post centesimum sere annum, quam Romulus Deo prognatus, Deus ipse, tenuerit regnum, donec in terris fuerit, id servus serva natus possideat. Tum commune Romani nominis, tum praecipue id domus suae dedecus fore, si, Aucti regis virili stirpe salva, non modo advenis, sed servis etiam, regnum Romiae pateret. Ferro igitur eam arcere contumeliam statuunt. Sed et injuriae dolor in Tarquinium ipsum magis, quam in Servium, eos stimulabat: et quia gravior ulti-
tor caedis, si superesset, rex futurus erat, quam privatus: tum, Servio obciso, quemcumque alium generum delegisset, eundem regni heredem facturus videbatur. Ob haec ipsi regi iusidiae parantur. Ex pastoribus duo ferociissimi delecti ad facinus, quibus con-
fueti erant uterque agrestibus ferramentis, in vestibulo regiae, quam potuere tumultuosissime, specie rixae in se omnes adparitores regios convertunt; inde, quum ambo regem adpellarent, clamorque eorum penitus in regiam pervenisset, vocati ad regem pergunt. Primo uterque vociferari, et certatim alter alteri obstrepere, coerciti ab lictore, et jussi in vicem dicere, tandem obloqui desistunt. Unus rem ex composito orditur. Quum intentus in eum se rex totus averteret, alter elatam securim in caput dejicit: relichtoque in vulnere telo, ambo se foras ejiciunt.

XLI. Tarquinium moribundum quum, qui circa erant, exceperint, illos fugientes lictores comprehendunt. Clamor inde concrusque populi, mirantium quid rei esset. Tanaquil inter tumultum claudi regiam jubet, arbitros ejecit: simul, quae curando vulneri opus sunt, tamquam spes subesset, sedulo com-

comparat: simul, si destituat spes, alia praefidia molitur. Servio propere ad cito quum paene ex sanguinem virum ostendisset; dextram tenens orat, ne inultam mortem soceri, ne socrum inimicis ludibrio esse finat. *Tuum est,* inquit, *Servi, si vir es, regnum; non eorum, qui alienis manibus pessimum facinus fecere.* Erige te, Deosque duces sequere, qui clarum hoc fore caput divino quondam circumfuso igni portenderunt. Nunc te illa coelestis excitet flamma. Nunc expurgiscere vere. Et nos peregrini regnavimus. Qui sis, non unde natus sis, reputa. Si tua re subita consilia torpēt, at tu mea sequere. Quum clamor impetusque multitudinis vix sustineri posset, ex superiore parte aedium per fenestras, in novam viam versas, (habitabat enim rex ad Jovis Statoris) populum Tanaquil ad loquuntur: Jubet bono anno esse, soplum fuisse regem subito ictu. Ferrum haud alte in corpus descendisse. Jam ad se redisse. Inspectum vulnus, abstergo cruentum. Omnia salubria esse. Confidere, prope diem ipsum eos visuros. Interim Ser. Tullio jubere populum dicto audientem esse. Eum iura redditurum, obitumque alia regis munia esse. Servius cum trabea et lictoribus prodit; ac, sede regia sedens, alia decernit, de aliis consulturum se regem esse similat. Itaque, per aliquot dies, quum jam exspirasset Tarquinius, celata morte, per speciem alienae fungendae vicis suas opes firmavit. Tum demum palam facto, et comploratione in regia orta, Servius, praefidio firme munitus, primus injussu populi, voluntate Patrum regnavit. Anei liberi, jam tum comprehensis sceleris ministris, ut vivere regem, et tantas esse opes Servii nuntiatum est, Sueffam Pometiam exsulatum ierant.

XLII. Nec jam publicis magis consiliis Servius, quam privatis, munire opes. Et ne, qualis Anci liberum animus adversus Tarquinium fuerat, talis aduersus se Tarquinii liberum esset, duas filias juvenibus regiis, Lucio atque Arunti Tarquiniiis, jungit. Nec rupit tamen fati necessitatem humanis consiliis, quin invidia regni etiam inter domesticos infida omnia atque infesta faceret. Peropportune ad praesentis quietem status bellum cum Vejentibus (jam enim induciae exierant) aliisque Etruscis sumtum. In eo bello et virtus et fortuna euituit Tullii. Fusoque ingenti hostium exercitu, haud dubius rex, seu Patrum, seu plebis animos periclitaretur, Romam rediit. Adgrediturque inde ad pacis longe maximum opus: ut, quemadmodum Numa divini auctor juris fuisse, ita Servium conditorem omnis in civitate discriminis ordinumque, quibus inter gradus dignitatis fortunaeque aliquid interlucet, posteri fama ferrent. Censum enim instituit, rem saluberrimam tanto futuro imperio: ex quo belli pacisque munia non viritin, ut ante, sed pro habitu pecuniarum fierent. Tum classes centuriasque et hunc ordinem ex censu descripsit, vel paci decorum, vel bello.

XLIII. Ex iis, qui centum millium aeris, aut majorem, censum haberent, octoginta confecit centurias, quadragenas seniorum ac juniorum. Prima classis omnes adpellati. Seniores, ad urbis custodiam ut praefito essent: juvenes, ut foris bella gererent. Arma his imperata, galea, clipeuni, ocreae, lorica; omnia ex aere. Haec ut tegumenta corporis essent. Tela in hostem, hastaque et gladius. Additae huic classi duae fabrum centuriae, quae sine armis stipendia ficerent. Datum munus,

munus, ut machinas in bello ferrent. Secunda classis intra centum usque ad quinque et septuaginta millium censum instituta; et ex his, senioribus junioribusque, viginti conscriptae centuriae: arma imperata, scutum pro clipeo, et praeter loricam omnia eadem. Tertiae classis in quinquaginta millium censum esse voluit. Totidem centuriae et hae, eodemque discrimine aetatum, factae. nec de armis quidquam mutatum; ocreae tantum ademtae. In quarta classe census quinque et viginti millium, totidem centuriae factae. Arma mutata, nihil praeter hastam et verutum datum. Quinta classis aucta, centuriae triginta factae: fundas lapidesque missiles his secum gerebant. In his adcenli, cornicines, tibicinesque, in tres centurias distributi. Undecim millibus haec classis censemebatur. Hoc minor census reliquam multitudinem habuit. Inde una centuria facta est, innumis militia. Ita pedestri exercitu ornato distributoque, equitum ex primoribus civitatis duodecim scripsit centurias. Sex item alias centurias, tribus ab Romulo institutis, sub iisdem, quibus inauguratae erant, nominibus fecit. Ad equos emendos dena millia aeris ex publico data; et, quibus equos alerent, viduae adtributae, quae bina millia aeris in annos singulos penderent. Haec omnia in dites a pauperibus inclinata onera. Deinde est honos additus. Non enim (ut ab Romulo traditum ceteri servaverant reges) viritim subfragium eademi vi eodemque jure promiseue omnibus datum est: sed gradus facti, ut neque exclusus quisquam subfragio videretur, et vis omnes penes primores civitatis esset. Equites enim vocabantur primi, octoginta inde primae classis centuriae: ibi si variaret, quod raro incidebat, ut secun-

secundae classis vocarentur: nec fere umquam infra ita descenderent, ut ad infimos pervenirent. Nec mirari oportet, hunc ordinem, qui nunc est, post expletas quinque et triginta tribus, duplicato earum numero, centuriis juniorum seniorumque, ad institutam ab Ser. Tullio summam non convenire. Quadrifariam enim urbe divisa regionibus collibusque, quae habitabantur partes, Tribus eas adpellavit; ut ego arbitror, ab tributo: nam ejus quoque aequaliter ex censu conferendi ab eodem inita ratio est. Neque hae tribus ad centuriarum distributionem numerumque quidquam pertinuere.

XLIV. Censu perfecto, quem maturaverat metu legis de incensis latae cum vinculum minis mortisque, edixit, ut omnes cives Romani, equites peditesque, in suis quisque centuriis, in campo Martio prima luce adfissent. Ibi instructum exercitum omnem suovetauribus lustravit. Idque conditum lustrum adpellatum, quia is censendo finis factus est. Millia octoginta eo lustro civium censa dicuntur. Adjecit scriptorum antiquissimus Fabius Pictor, eorum, qui ferre arma possent, eum numerum fuisse. Ad eam multitudinem urbs quoque amplificanda visa est. Addit duos colles, Quirinalem Viminalemque. Inde deinceps auget Esquilias: ibique ipse, ut loco dignitas fieret, habitat. Aggere et fossis et muro circumdat urbem. Ita pomoerium profert. Pomoerium, verbi viii solam intuentes, postmoerium interpretantur esse. Est autem magis circa murum locus, quem in condendis urbibus quondam Etrusci, qua murum ducturi erant, certis circa terminis inaugurate consecrabant: ut neque interiore parte aedificia mōēnibus continuarentur, quae nunc

nunc vulgo etiam conjungunt; et extrinsecus puri aliquid ab humano cultu pateret soli. Hoc spatiū, quod neque habitari, neque arari fas erat, non magis quod post murum esset, quam quod murus pote id, pomoerium Romani adpellarunt: et in urbis incremento semper, quantum moenia processura erant, tantum termini hi consecrati proferebantur.

XLV. Aucta civitate magnitudine urbis, formatis omnibus domi et ad belli et ad pacis usus, ne semper armis opes adquirerentur, consilio augere imperium conatus est, simul et aliquod addere urbi decus. Jam tum erat inclutum Dianae Ephesiae fanum: id communiter a civitatibus Asiae factum fama ferebat. Quum consensum Deosque confociatos laudaret mire Servius inter proceres Latinorum, cum quibus publice privatimque hospitia amicitiasque de industria junxerat; saepe iterando eadem perpulit tandem, ut Romae fanum Dianae populi Latini cum populo Romano facerent. Ea erat confessio, caput rerum Romanam esse, de quo toties armis certatum fuerat. Id quamquam omissum jam ex omnium cura Latinorum, ob rem toties infeliciter tentatam armis, videbatur; uni se ex Sabinis forsdare visa est privato consilio imperii recuperandi. Bos in Sabinis nata cuidam patri familiae dicitur, miranda magnitudine ac specie. Fixa per multas aetates cornua in vestibulo templi Dianaē monumentum ei fuere miraculo. Habita, ut erat, res prodigiī loco est: et cecinere vates, cuius civitatis eam civis Dianaē immolasset, ibi fore imperium; idque carmen pervenerat ad antistitem fani Dianaē. Sabinus, ut prima apta dies sacrificio visa est, bovem Romanū actam deducit ad fanum Dianaē, et ante aram statuit. Ibi antistes Romanus,

nus, quum eum magnitudo victimae celebrata fama movisset, memor responsi Sabinum ita adloquitur: *Quidnam tu, hospes, paras?* inquit, *incestie sacrificium Diana facere?* *Quin tu ante vivo perfunderis flumine?* *Infima valle praefluit Tiberis.* Religione tactus hospes, qui omnia, ut prodigo responderet eventus, cuperet rite facta, ex templo descendit ad Tiberim. Interea Romanus immolat Dianae bovem. Id mire gratum regi atque civitati fuit.

XLVI. Servius, quamquam jam usū hāud dubium regnum possederat, tamen, quia interdum jactari voces a juvēne Tarquinio audiebat; se injussu populi regnare, conciliata prius voluntate plebis, agro capto ex hostibus viritim diviso, ausus est ferre ad populum, *vellent, juberent ne, se regnare?* Tantoque consensu, quanto haud quisquam aliis ante, rex est declaratus. Neque ea res Tarquinio spem affectandi regni minuit. immo eo impensis, quia de agro plebis adversa Patrum voluntate senserat agi, criminandi Seivii apud Patres, crescendique in curia sibi occasionem datam ratus est, et ipse juvenis ardoris animi, et domi uxore Tullia inquietum animum stimulante. Tulit enim et Romana regia sceleris tragicī exemplum, ut taedio regum maturior veniret libertas; ultimumque regnum esset, quod scelere partum foret. Hic L. Tarquinius (Prisci Tarquinii regis filius neposne fuerit, parum liquet; pluribus tamen auctoribus filium ediderim) fratrem habuerat Aruntem Tarquinium, initis ingenii juvenem. His duobus, ut ante dictum est, duae Tulliae, regis filiae, nupserant, et ipsae longe dispare moribus. Forte ita inciderat, ne duo violenta ingenia matrimonio jungerentur, fortuna, credo, populi Romani, quo diuturnius Ser-

vii regnum esset, constituique civitatis mores posseut. Angebatur ferox Tullia, nihil materiae iu viro neque ad cupiditatem, neque ad audaciam esse; tota in alterum versa Tarquinium, eum mirari, eum virum dicere, ac regio sanguine ortum: spernere sororem, quod virum nacta muliebri cessaret audacia. Contrahit celeriter similitudo eos, ut fere fit malum malo aptissimum. Sed initium turbandi omnia a feniina ortum est. Ea, secretis viri alieni adsuefacta sermonibus, nullis verborum contumeliis parcere, de viro ad fratrem, de sorore ad virum; et se rectius viduam, et illum coelibem futurum fuisse contendere, quam cum in pari jungi, ut elanguescendum aliena ignavia esset. Si sibi eum, quo digna esset, Dii dedissent virum, domi se propediem visuram regnum fuisse, quod apud patrem videat. Celeriter adolescentem suae temeritatis implet, Lucius Tarquinius et Tullia minor prope continuatis funeribus quum domos vacuas novo matrimonio fecissent, junguntur nuptiis, magis non prohibente Servio, quam adprobante.

XLVII. Tum vero in dies infestior Tullii senectus, infestius coepit regnum esse. Jam enim ab scelere ad aliud spectare mulier scelus: nec nocte, nec interdiu virum conquiescerre pati, ne gratuita praeterita parricidia essent. *Non sibi defuisse, cui nupta diceretur, nec cum quo tacita serviret: defuisse, qui se regno dignum putaret: qui meminisset, se esse Prisci Tarquinii filium; qui habere, quam sperare, regnum mallet.* Si tu is es, cui nuptam esse me arbitror, et virum et regem adpello: finminus, eo nunc pejus mutata est res, quod isthic cum ignavia est scelus. Quin adcingeris? Non tibi ab Corintho, nec ab Tarquinii, ut patri tuo, peregrina regna moliri necesse est.

Dii

Dii te penates patriisque, et patris imago, et domus regia, et in domo regale solium, et nomen Tarquinium creat vocatque regem. Ant si ad haec parum est animi, quid frustraris civitatem? quid te ut regium juvenem conspici sis? Facesse hinc Tarquinios, aut Corinthum. Devolvere retro ad stirpem, fratri similior, quam patri. His aliisque increpando juvenem instigat, nec conquiescere ipsa potest: si, quum Tanaquil, peregrina mulier, tantum moliri potuisset animo, ut duo continua regna viro, ac deinceps genero, dedisset; ipsa, regio feminé orta, nullum momentum in dando adimendoque regno faceret. His muliebribus instinctus furiis Tarquinius circumire et prensare minorum maxime gentium, Patres; admonere paterni beneficii, ac pro eo gratiam repetere; adlicere donis juvenes: tum de se ingentia pollicendo, tum regis criminibus omnibus locis crescere. Postremo, ut jam agendae rei tempus visum est, stipatus agmine armatorum, in forum intrupit; inde, omnibus perculsis pavore, in regia sede pro curia sedens, Patres in curiam per praeconem ad regem Tarquinium citari jussit. Convenere extemplo, alii jam ante ad hoc praeparati, alii metu, ne non venisse fraudi esset, novitate ac miraculo adtoniti, et jani de Servio actum rati. Ibi Tarquinius, maledicta ab stirpe ultima orsus; *Servum servaque natum, post mortem indignam parentis sui, non interregno, ut antea, inito, non comitiis habitis, non per subfragium populi, non auctoribus Patribus, muliebri dono regnum obcupasse.* Ita natum, ita creatum regem, fautorem insimi generis hominum, ex quo ipse sit, odio alienae honestatis eruptum primoribus agrum sordidissimo cuique divisisse: omnia onera, quae communia quon-

dam fuerint, inclinasse in primores civitatis: instituisse censum, ut insignis ad invidiam locupletiorum fortuna esset, et parata, unde, ubi vellet, e gentissimis largiretur.

XLVIII. Huic orationi Servius quum intervenisset, trepido nuntio excitatus, exemplo a vestibulo curiae magna voce, *Quid hoc, inquit, Tarquini, rei es? qua tu audacia me vivo vocare ausus es Patres? aut in sede considerere mea?* Quum ille ferociter ad haec, *Se patris sui tenere sedem, multo, quam servum, potiorem filium regis regni heredem: satis illum diu per licentiam cludentem insultasse dominis;* clamor ab utriusque fautoribus oritur, et concursus populi fiebat in curiam: adparebatque regnaturum, qui vicisset. Tum Tarquinius, necessitate jam ipsa cogente ultima audere, multo et aetate et viribus validior, medium adripit Servium; elatimque e curia in inferiorem partem per gradus dejicit. Inde ad cogendum senatum in curiam redit. Fit fuga regis adparitorum, atque comitum. Ipse prope exsanguis, quam semianimi regio comitatu domum se recipere, pervenissetque ad summum Cyprium vicum, ab iis, qui missi ab Tarquinio fugientem consequuti erant, interficitur. Creditur, quia non abhorret a cetero scelere, admonitu Tulliae id factum. Carpento certe (id quod satis constat) in forum invecta, nec reverita coetum virorum, evocavit virum e curia; regemque prima adpellavit. A quo facessere iussa ex tanto tumultu quum se dominum reciperet, pervenissetque ad summum Cyprium vicum, ubi Dianum nuper fuit; flectenti carpentum dextra in Vrbium clivum, ut in collem Esquiliarium eveheretur, restitit pavidus, atque inhibuit frenos is, qui jumenta agebat, jacentemque dominae Servium

vium trucidatum ostendit. Foedum inhuma-
numque inde traditur scelus, monimentoque
locus est. Sceleratum vicum vocant, quo
amens, agitantibus furiis fororis ac viri, Tul-
lia per patris corpus carpentum egisse fertur;
partemque sanguinis ac caedis paternae cruento-
to vehiculo, contaminata ipsa resperfaque,
tulisse ad penates suos virique sui: quibus ira-
tis, malo regni principio similes prope diem
exitus sequerentur. Ser. Tullius regnavit an-
nos quatuor et quadraginta, ita ut bono etiam
moderatoque subcedenti regi difficilis aemula-
tio esset. Ceterum id quoque ad gloriam ad-
cessit, quod cum illo simul justa ac legitimia
regna occiderunt. Id ipsum tam mite ac tam
moderatum imperium tamen, quia unius es-
set, deponere eum in aninio habuisse, quidam
auctores sunt, ni scelus intestinum liberandae
patriae consilia agitanti intervenisset.

XLIX. Inde L. Tarquinius regnare occi-
pit, cui Superbo cognomem facta indiderunt;
quia sacerorum gener sepultura prohibuit, Ro-
mulum quoque iussepultum perisse dictitans: pri-
mores Patrum, quos Servii rebus favisse cre-
debat; interfecit: conscius deinde, male quaes-
rendi regni ab se ipso adversus se exemplum
capi posse, armatis corpus circumsepserit. Ne-
que enim ad jus regni quidquam praeter vim
habebat; ut qui neque populi jussu, neque
auctoribus Patribus regnaret. Eo adcedebat,
ut in caritate civium nihil spei reponenti me-
tu regnum tutandum esset: quem ut pluribus
incuteret, cognitiones capitalium rerum sine
consiliis per se solus exercebat: perque eam
causam obcidere, in exsiliū agere, bonis
multare poterat non suspectos modo aut invi-
cos, sed unde nihil aliud, quam praedam,
sperare posset. Ita Patrum praecipue numero,

inminuto, statuit nullos in Patres legere; quo contemtior paucitate ipsa ordo esset, minusque per se nihil agi indignarentur. Hic enim regum primus traditum a prioribus morem de omnibus senatum consulendi solvit: domesticis consiliis rem publicam administravit: bellum, pacem, foedera, societas per se ipse, cum quibus voluit, injussu populi ac senatus, fecit, diremitque. Latinorum sibi maxime gentem conciliabat, ut peregrinis quoque opibus tutior inter cives esset. Neque hospitia modo cum primoribus eorum, sed adfinitates quoque, jungebat. Octavio Mamilio Tasciano, (is longe princeps Latini nominis erat, si famae credimus, ab Vlixe Deaque Circe oriundus) ei Mamilio filiam nuptum dat; perque eas nuptias multos sibi cognatos amicosque ejus conciliat.

L. Jam magna Tarquinii auctoritas inter Latinorum proceres erat; quum, in diem certam ut ad lucum Ferentinae conveniant, indicit: esse, quae agere de rebus communibus velit. Conveniunt frequentes prima luce. Ipse Tarquinius diem quidem servavit; sed paullo ante, quam sol obcideret, venit. Multa ibi tota die in concilio variis jactata sermonibus erant. Turnus Herdonius ab Aricia ferociter in absentem Tarquinium erat invectus; *Haud mirum esse, Superbo inditum Romae cognomen.* (Jam enim ita clam quidem mussitantes, vulgo tamen, eum adpellabant.) *An quidquam superbius esse, quam ludificari sic omne nomen Latinum?* Principibus longe ab domo excitis, ipsum, qui concilium indixerit, non adesse. Tentari profecto patientiam, ut, si jugum adcepirent, obnoxios premat. *Cui enim non adparere, affectare cum imperium in Latinos?* Quod si sui bene crediderint cives, aut si creditum illud,

et

et non raptum parricidio, sit, credere et Latinos (quamquam ne sic quidem alienigenae) debere. Si suos ejus poeniteat, (quippe qui alii super alios trucidentur, exsulatum eant, bona amittant,) quid spei melioris Latinis portendi? Si se audiant, domum suam quemque inde abi-turos: neque magis observaturos diem concilii, quam ipse, qui indixerit, observet. Haec atque alia eodem pertinentia seditiosus facinorosusque homo, hisque artibus opes domi nactus, quem maxime dissereret, intervenit Tarquinius. Is finis orationi fuit. Aversi omnes ad Tarquinium salutandum. Qui, silentio facto, monitus a proximis, ut purgaret se, quod id temporis venisset, disceptatorem, ait, *se sumtum inter patrem et filium: cura reconciliandi eos in gratiam moratum esse: et, quia ea res exemisset illum diem, postero dic acturum, quae conslituisset.* Ne id quidem ab Turno tulisse tacitum ferunt. Dixisse enim, *Nullam breviorem esse cognitionem, quam inter patrem et filium, paucisque transigi verbis posse: nisi pareat patri, habiturum iufortunium esse.*

LI. Haec Aricinus in regem Romanum increpans ex concilio abiit. Quam rem Tarquinius aliquanto, quam videbatur, aegrius ferens, confessim Turno necem machinatur; ut eumdem terrorem, quo civium animos domi obprellerat, Latinis injiceret. Et quia pro imperio palam interfici non poterat, oblato falso crimine insontem obpressit. Per adversae factionis quosdam Aricinos servum Turni auro conrupit, ut in deversorium ejus vim magnam gladiorum inferri clam sineret. Ea quum una nocte perfecta essent, Tarquinius, paullo ante lucem ad citis ad se principibus Latinorum, quasi re nova perturbatus, *moram suam hesternam, velut Deorum quadam provi-*

dentia inlatam, ait, *saluti sibi atque illis fuisse*. *Ab Turno dici sibi et primoribus populorum parari necem*, ut *Latinorum solus imperium teneat*. *Adgressum fuisse hesterno die in concilio*. *Dilatam rem esse*, quod auctor concilii afferit, quem maxime peteret. *Inde illam absentis infestationem esse natam*, quod morando spem desituerit. *Non dubitare*, si vera deferantur, *quin prima luce*, ubi ventum in concilium sit, *instructus cum conjuratorum manu armatusque venturus sit*. *Dici*, gladiorum ingentem numerum esse ad eum convectum. *Id vanum nec ne sit*, extemplo sciri posse. *Rogare eos*, ut inde secum ad Turnum veniant. Suspectam fecit rem et ingenium Turni ferox, et oratio hesterna, et mōra Tarquinii; quod videbatur ob eam differri caedes potuisse. Eunt inclinati quidem ad credendum animis, tamen, nisi gladiis deprhenſis, cetera vana existimaturi. Vbi est eo ventum, Turnum ex somno excitatum circumſistunt custodes: comprehensisque servis, qui caritate domini vim parabant, quum gladii abditi ex omnibus locis deverticuli protraherentur; enimvero manifesta res visa, injectaeque Turno catenae: et confestim Latinorum concilium magno cum tumultu advocatur. Ibi tam atrox invidia orta est, gladiis in medio positis, ut, indicta causā, novo genere leti, dejectus ad caput aquae Ferentiae, crata superne injecta saxisque congestis, mergeretur.

LII. Revocatis deinde ad concilium Latinis, Tarquinius, conlaudatisque, qui Turnum novantem res pro manifesto parricidio merita poena adfecissent, ita verba fecit: *Posse quidem se vetusto jure agere*, quod, quum omnes Latini ab Alba oriundi sint, in eo foedere tenentur, quo ab Tullo res omnis Albana cum colo-

colonis suis in Romanum cesserit imperium. Ceterum se utilitatis id magis omnium causa censere, ut renovetur id foedus: secundaque potius fortuna populi Romani ut participes Latini fruantur, quam urbium excidia vasioationesque agrorum, quas Anco prius, patre deinde suo regnante, perpetfi sint, semper aut exspectent, aut patientur. Haud difficulter persuasum Latinis, quamquam in eo foedere superior Romana res erat. Ceterum et capita nominis Latini stare ac sentire cum rege videbant, et Turnus sui cuique periculi, si adversatus esset, recens erat documentum. Ita renovatum foedus, indictumque junioribus Latinorum, ut ex foedere die certa ad lucum Ferentinae armati frequentes adessent. Qui ubi ad edictum Romani regis ex omnibus populis convenere; ne ducem suum, neve secretum imperium, propriave signa haberent, miscuit manipulos ex Latinis Romanisque, ut ex binis singulos ficeret, binosque ex singulis. Ita geminatis manipulis centuriones inposuit.

LIII. Nec, ut injustus in pace rex, ita dux belli pravus fuit. Quin ea arte aequasset superiores reges, ni degeneratum in aliis huic quoque decori obsecisset. Is primus Volscis bellum in ducentos amplius post suam aetatem annos movit, Suesamque Pometiam ex his vi cepit. Vbi quum dividenda praeda quadraginta talenta argenti aurique refecisset; concepit animo eam amplitudinem Jovis templi, quae digna Deum hominumque rege, quae Romano imperio, quae ipsius etiam loci maiestate esset. Captivam pecuniam in aedificationem ejus templi seposuit. Excepit deinde eum lentius spe bellum, quo Gabios, propinquam urbem, nequidquam vi adortus, quum obsidendi quoque urbem spes pulso a moeni-

bus ademta esset, postremo minime arte Romana, fraude ac dolo, adgressus est. Nam quum, velut posito bello, fundamentis templi jaciendis aliisque urbanis operibus intentum se esse similaret, Sextus filius ejus, qui minimus ex tribus erat, transfugit ex composito Gabios, patris in se saevitiam intolerabilem conquerens: *Jam ab alienis in suos vertisse superbiam: et liberorum quoque eum frequentiae tandem; ut, quam in curia solitudinem fecerit, domi quoque faciat: ne quam stirpem. ne quem heredem regni relinquit.* Se quidem, inter tela et gladios patris elabsum, nihil usquam sibi tutum, nisi apud hostes L. Tarquinii, credidisse. Nam, ne errarent, manere his bellum, quod positum similetur; et per occasionem eum incautos invasurum. Quod si apud eos subplicibus locus non sit, pererraturum se omne Latium: Volscosque se inde, et Aequos, et Hernicos petiturum; donec ad eos perveniat, qui a patrum crudelibus atque inpiis subpliciis tegere liberos sciant. Forsan etiam ardoris aliquid ad bellum armaque se adversus superbissimum regem ac ferocissimum populum inventurum. Quum, si nihil morarentur, infensus ira porro inde abiturus videretur, benigne ab Gabinis excipitur. Vtant mirari, si, qualis in cives, qualis in socios, talis ad ultimum in liberos esset. In se ipsum postremo saevitum, si alia desint. Sibi vero gratum adventum ejus esse: futurumque credere brevi, ut, illo adjuvante, ab portis Gabinis sub Romana moenia bellum transferatur.

LIV. Inde in consilia publica adhiberi. Vbi, quum de aliis rebus assentire se veteribus Gabinis diceret, quibus hae notiores esent, ipse idem belli auctor esse, in eo sibi praecipuam prudentiam adsumere, quod utrius-

utriusque populi vires nosset, sciretque, invisani profecto superbiam regiam civibus esse, quam ferre ne liberi quidem potuissent. Ita quum sensim ad rebellandum primores Gabiniorum incitaret, ipse cum promptissimis juvenum praedatum atque in expeditiones iret, et dictis factisque omnibus ad fallendum instructis vana ad crescere fides, dux ad ultimum belli legitur. Ibi quum, infia multitudine, quid ageretur, proelia parva inter Romain Gabiosque fierent, quibus plerunque Gabinares superior esset; tum certatim summi infimique Gabinorum Sex. Tarquinium dono Deum sibi missum ducem credere. Apud milites vero, obeundo pericula ac labores pariter, praedam munifice largiendo, tanta caritate esse, ut non pater Tarquinius potentior Romae, quam filius Gabiis esset. Itaque, postquam satis virium conlectum ad omnes conatus videbat, tum e suis unum sciscitatum Romanum ad patrem mittit, quidnam se facere vellet? quandoquidem, ut omnia unus Gabiis posset, ei Dii dedissent. Huic nuntio, quia, credo, dubiae fidei videbatur, nihil voce responsum est. Rex, velut deliberabundus, in hortum aedium transit, sequente nuntio filii. Ibi, inambulans tacitus, summa papaverum capita dicitur baculo decussisse. Interrogando exspectandoque responsum nuntius fessus, ut re imperfecta, redit Gabios. Quae dixerit ipse, quaeque viderit, refert: seu ira, seu odio, seu superbia insita ingenio, nullam eum vocem emisse. Sexto ubi, quid vellet parens, quidve praeciperet tacitis ambagibus, patuit; primores civitatis, criminando alios apud populum, alios sua ipsos invidia obportunos interemit. Multi palam; quidam, in quibus minus speciosa criminatio erat futura, clam in-

interfecti. Patuit quibusdam volentibus fuga; alii in exilium acti sunt, absentiumque bona juxta atque interemtorum divisui fuere. Largitionis inde praedaeque et dulcedine privati commodi sensus malorum publicorum adimi, donec, orba consilio auxilioque, Gabina res regi Romano sine ulla dimicazione in manum traditur.

LV. Gabiis receptis, Tarquinius pacem cum Aequorum gente fecit; foedus cum Tuscis renovavit. Iude ad negotia urbana animum convertit. Quorum erat primum, ut Jovis templum in monte Tarpejo, monumentum regni sui nominisque, relinquere: Tarquinios reges ambos, patrem vovisse, filium perfecisse. Et, ut libera a ceteris religionibus area esset tota Jovis templique ejus, quod inaedificaretur, exaugurare fana facellaque statuit; quae aliquot ibi a Tatio rege, primum in ipso discrimine adversus Romulum pugnae vota, consecrata, inaugurataque postea fuerant. Inter principia condendi hujus operis movisse numen ad indicandam tanti imperii molem traditur Deos: nam, quum omnium facellorum exaugurations admitterent aves, in Termini fano non addixere. Id omen auguriumque ita acceptum est: non motam Termini sedem, unumque eum Deorum non evocatum sacratis sibi finibus, firma stabiliaque cuncta portendere. Hoc perpetuitatis auspicio adcepito, sequuntur aliud, magnitudinem imperii portendens, prodigium est. Caput humanum integra facie aperientibus fundamenta templi dicitur adparuisse. Quae visa species, haud per ambages, arcem eam imperii caputque rerum fore portendebat. Idque ita cecinere vates, qui in urbe erant, quosque ad eam rem consultandam ex Etruria ad-

adiverant. Augebatur ad impensas regis animus. Itaque Pometinae manubiae, quae perducendo ad culmen operi destinatae erant, vix in fundamenta subpeditavere. Eo magis Fabio, praeterquam quod antiquior est, crediderim, quadraginta ea sola talenta fuisse, quam Pisoni; qui quadraginta millia pondi argenti deposita in eam rem scribit, suumam pecuniae neque ex unius tum urbis praeda sperandam, et nullius, ne horum quidem magnificentiae operum, fundamenta non exsuperaturam.

LVI. Intentus perficiendo templo, fabris undique ex Etruria additis, non pecunia solum ad id publica est usus, sed operis etiam ex plebe. Qui quum haud parvus et ipse militiae adderetur labor, minus tamen plebs gravabatur, se templo Deum exaedificare manus suis. Quae posthac et ad alia, ut specie minora, sic laboris aliquanto majoris, traduccebatur opera; foros in circu faciendos, cloacamque maximam, receptaculum omnium purgamentorum urbis, sub terram agendum: quibus duobus operibus vix nova haec magnificantia quidquam adaequare potuit. His laboribus exercita plebe, quia et Vrbi multitudinem, ubi usus non esset, oneri rebatur esse; et colonis mittendis occupari latius imperii fines volebat; Signiam Circeosque colonos misit, praefidia Vrbi futura terra marique. Haec agenti portentum terribile visum. Anguis, ex columna lignea elatus, quum terrem fugamque in regiam fecisset, ipsius regis non tam subito pavore percultus pectus, quam anxiis implevit curis. Itaque quum ad publica prodigia Etrusci tantum vates adhicerentur, hoc velut domestico exterritus visu, Delphos ad maxime inclutum in terris oraculum mittere

tere statuit. Neque responsa fortium ulli alii committere ausus; duos filios per ignotas ea tempestate terras, ignotiora maria, in Graeciam misit. Titus et Aruns profecti. Comes his additus L. Junius Brutus, Tarquinia sorore regis natus, juvenis longe alias ingenio, quam cuius similationem induerat. Is, quum primores civitatis, in quibus fratrem suum ab avunculo interfectum audisset, neque in animo suo quidquam regi timendum, neque in fortuna concupiscendum relinquere statuit, contemptuque tutus esse, ubi in jure parum praefidii esset. Ergo ex industria factus ad imitationem stultitiae, quum se suaque praedae esse regi sneret, Bruti quoque haud abnuit cognomen: ut sub ejus obtentu cognominis liberator ille populi Romani animus latens opprimitur tempora sua. Is tum ab Tarquiniiis ductus Delphos, Iudibrium verius, quam comes, aureum baculum, inclusum corneo cato ad id baculo, tulisse donum Apollini dicitur, per ambages effigiem ingenii sui. Quo postquam ventum est, perfectis patris mandas, cupidio incessit animos juvenum sciscitandi, ad quem eorum regnum Romanum esset venturum. Ex insino specu vocem redditam ferunt: *Imperium sumnum Romae habebit, qui vestrum primus, o juvenes, osculum matri tulerit.* Tarquinii, ut Sextus, qui Romae reliotus fuerat, ignarus responsi expersque imperii esset, rem summa ope taceri jubent; ipsi inter se, uter prior, quum Romanum redissent, matri osculum daret, forti permittant. Brutus, alio ratus spectare Pythicam vocem, velut si prolabfus cecidisset, terram osculo contigit: scilicet, quod ea communis mater omnium mortalium esset. Reditum inde Romanis, ubi adversus Rutulos bellum summa vi parabatur.

LVII. Ardeam Rutuli habebant, gens, ut in ea regione atque in ea aetate, divitiis praepollens. Eaque ipsa causa belli fuit, quod rex Romanus tum ipse ditari, exhaustus magnificientia publicorum operum, tum praeda delineare popularium animos studebat; praeter aliam superbiain regno infestos etiam, quod se in fabrorum ministeriis ac servili tamdiu habitos opere ab rege indignabantur. Tentatares est, si primo iupetu capi Ardea posset. Vbi id parum processit, obsidione munitionibusque coepti prenii hostes. In iis stativis, ut fit longo magis, quam acri bello, satis liberi commeatus erant: primoribus tamen magis, quam militibus. Regii quidem juvenes interdum otium conviviis comedationibusque interesse terebant. Forte potentibus his apud Sex. Tarquinium, ubi et Collatinus coenabat Tarquinius, Egerii filius, incidit de uxoribus mentio: suam quisque laudare miris modis. Inde certamine ad censo, Collatinus negat, *verbis opus esse, paucis id quidem horis posse sciri, quantum ceteris praesert Lucretia sua.* Quin, si vigor juventac inest, conscedimus equos, invisimusque, praesentes nostrarum ingenia? *Id cuique spectatissimum sit, quod nec opinato viri adventu obcurrerit oculis.* Incaluerant vino. Age sane, omnes. Citatis equis avolant Romani. Quo, quum, primis se intendentibus tenebris, pervenissent, pergunt inde Collati: ubi Lucretiam, haudquaquam ut regias nurus, quas in convivio luxuque cum aequilibus viderant tempus terentes, sed nocte sera deditam lanae inter lucubrantes ancillas in medio aedium sedentem inveniunt. Muliebris certaminis laus penes Lucretiam fuit. Adveniens vir Tarquiniique excepti benigne. Victor maritus comiter invitat regios juvenes.

Ibi Sex. Tarquinium mala libido Lucretiae per vim stuprandae capit. Tum forma, tum spectata castitas incitat. Et tum quidem ab nocturno juvenili ludo in castra redeunt.

LVIII. Paucis interjectis diebus, Sex. Tarquinius, inscio Collatino, cum comite uno Collatiam venit. Vbi exceptus benigne ab ignaris consilii, quum post coenam in hospitale cubiculum deductus esset, amore ardens, postquam satis tuta circa, sopitique omnes videbantur, stricto gladio ad dormientem Lucretiam venit, sinistraque manu mulieris pectore obpresso, *Tace Lucretia*, inquit, Sex. Tarquinius sum; ferrum in manu est: moriere, si emiseris vocem. Quim pavida ex somno mulier nullam opem, prope mortem imminentem, videret; tum Tarquinius fateri amorem, orare, miscere precibus minas, versare in omnes partes muliebrem animum. Vbi obstinatam videbat, et ne mortis quidem metu inclinari, addit ad metum dedecus: cum mortua jugulatum servuni nudum positurum, ait, ut in sordido adulterio necata dicatur. Quo terrore quum vicisset obstinatam pudicitiam velut victrix libido, profectusque inde Tarquinius, ferox expugnato decore muliebri, esset; Lucretia, moesta tanto malo, nuntium Romam eunideum ad patrem, Ardeainque ad virum mittit, ut cum singulis fidelibus amicis veniant: ita facto maturatoque opus esse; rem atrocem incidisse. Sp. Lucretius cum P. Valerio Volefi filio, Collatinus cum L. Junio Bruto venit; cum quo forte Romam rediens ab nuntio uxoris erat conuentus. Lucretiam sedentem moestam in cubiculo inveniunt. Adventu suorum lacrumae obortae: quaerenti que viro, *Satin' salvae? Minime*; inquit; *quid enim salvi est mulieri, amissa pudicitia? Vestigia*

gia viri alieni, Collatine, in lecto sunt tuo.
Ceterum corpus est tantum violatum, animus
infons, mors testis erit. Sed date dextras fi-
demque, haud impune adultero fore. Sex. est
Tarquinius, qui hostis pro hospite priore nocte
vi armatus mihi fibique, si vos viri testis, pesti-
ferum hinc abstulit gaudium. Dant ordine
omnes fidem: consolantur aegram animi, aver-
tendo novam ab coacta in auctorem delicti.
Mentem peccare, non corpus: et, unde con-
silium afferit, culpam abesse. Vos, inquit,
videritis, quid illi debeat: ego me, et si pec-
cato absolvō, supplicio non libero. Nec ulla
deinde in pudica Lucretiae exemplo vivet. Cul-
trum, quem sub veste abditum habebat, eum
in corde defigit: prolapsaque in vulnus, mo-
ribunda cecidit. Conclamant vir paterque.

LIX. Brutus, illis luctu occupatis, cul-
 trum, ex vulnere Lucretiae extractum, ma-
 nantem cruento praefe tenens, *Per hunc, in-*
*quit, castissimum ante regiam injuriam sangu-
 nem juro, vosque, Dii, testes facio, me L.*
Tarquinium Superbum, cum scelerata conjugē
*et omni liberorum stirpe, ferro, igni, quacum-
 que dehinc vi possim, exsequiturum; nec illos,*
nec alium quemquam regnare Romae passurum.
 Cultrum deinde Collatino tradit; inde Lucre-
 tio ac Valerio, stupentibus miraculo rei, unde
 novum in Bruti pectore ingenium. Ut praec-
 ceptum erat, jurant: totique ab luctu versi in
 irā, Brutum, jam inde ad expugnandum
 regnum vocantem, sequuntur ducem. Ela-
 tum domo Lucretiae corpus in forum defe-
 runt, concientque miraculo, ut sit, rei novae
 atque indignitate homines. Pro se quisque
 scelus regium ac vim queruntur. Movet tum
 patris molestitia, tum Brutus, castigator lacru-
 marum atque inertium querelarum, auctor-

que, quod viros, quod Romanos deceret, arma capiendi adversus hostilia ausos. Fero-
cissimus quisque juvenum cum armis voluntarius adest. Sequitur et cetera juventus. Inde,
pari praesidio relicto Collatiae ad portas, cu-
stodibusque datis, ne quis eum motum regi-
bus nuntiaret, ceteri armati, duce Bruto, Ro-
mam profecti. Vbi eo ventum est, quacum-
que incedit, armata multitudo pavorem ac
tumultum facit. Rursus, ubi anteire primores
civitatis vident, quidquid sit, haud temere
esse rentur. Nec minorem motum animorum
Romae tam atrox res facit, quam Collatiae
fecerat. Ergo ex omnibus locis urbis in for-
um curritur. Quo simul ventum est, praeco
ad tribunum Celerum, in quo tum magistratu
forte Brutus erat, populum advocavit. Ibi
oratio habita, nequaquam ejus pectoris inge-
niique, quod similatum ad eam diem fuerat,
de vi ac libidine Sex. Tarquinii, de stupro
infando Lucretiae et miserabili caede, de or-
bitate Tricipitini, cui morte filiae causa mor-
tis indignior ac miserabilior esset. Addita
superbia ipsius regis, miseriaeque et labores
plebis, in fossas cloacasque exhaustiendas de-
mersae. Romanos homines, victores omnium
circa populorum, opifices ac lapicidas pro
bellatoribus factos. Indigna Ser. Fullii regis
memorata caedes, et invecta corpori patris
nefando vehiculo filia; invocatique ultores pa-
rentum Dii. His atrocioribusque, credo, aliis,
quac praefens rerum indignitas haudquaquam
relatu scriptoribus facilia subjicit, memoratis
incensam multitudinem perpulit, ut imperium
regi abrogaret, exsulesque esse juberet L. Tar-
quinium cum conjugae ac liberis. Ipse, junio-
ribus, qui ultiro nomina dabaut, lectis arma-
tisque ad concitandum inde adversus regem
exer-

exercitum Ardeam in castra est profectus; imperium in urbe Lucretio, praefecto urbis jam ante ab rege instituto, relinquit. Inter hunc tumultum Tullia domo profugit, exfecrantiibus, quacumque incidebat, invocantibusque parentum Furias viris mulieribusque.

LX. Harum rerum nuntiis in castra perlatis, quum re nova trepidus rex pergeret Romam ad comprimendos motus, flexit viam Brutus, (senserat enim adventum) ne obvius fieret; eodemque fere tempore, diversis itineribus, Brutus Ardeam, Tarquinius Romam, venerunt. Tarquinio clausae portae, exsiliisque indictum: liberatorem Vrbis laeta castra adcepere; exactique inde liberi regis. Duo patrem sequuti sunt, qui exsulatum Caere in Etruscos ierunt. Sex. Tarquinius, Gabios, tamquam in suum regnum, profectus, ab ultoribus veterum simultatum, quas sibi ipse caedibus rapinisque conciverat, est interfectus. L. Tarquinius Superbus regnavit annos quinque et viginti. Regnatum Romae ab condita urbe ad liberatam annos ducentos quadraginta quatuor. Duo consules inde comitiis centuriatis a praefecto urbis ex commentariis Ser. Tullii creati sunt, L. Junius Brutus et L. Tarquinius Collatinus.

T. LIVII PATAVINI

L I B E R . II.

B R E V I A R I V M .

CAP. I. Brutus, libertatis, tempestive reip. assertae, non acrior vindex quam custos, populum jure jurando adigit, se neminem Romae passuros regnare; et senatum ad summam CCC explet, primoribus equestris gradus lectis. **2.** Rex sacrificulus. Tarquinius Collatinus, ob regium genus nomenque invitus, cogitur Urbe cedere, et consul ei subficitur P. Valerius. **3.** Conjuratio juvenum de recipiendis regibus. **4.** Capita ejus sunt Aquillii, filii sororis Collatini, Vitellii, quorum soror Bruto nupta erat, huiusque filii, Titus Tiberiusque. Servus rem ad consules defert. **5.** Tarquiniorum bona direpta, et ager consecratus Marti. Campus Martius. Insula Tiberina. Subplicium a proditoribus sumptum. Servus ille, Vindicius, primum vindicta liberatus. **6.** Tarquinii, contractis Venientium Tarquiniensumque copiis, in agrum Rom. veniunt. Brutus et Aruns Tarquinius infestis animis concurrunt et duabus haerentes hastis moribundi ex equis labuntur. Pugna atrox et dubia. **7.** Nocte Etrusci domos suas abeunt. Publica moesitia ob mortem Bruti. Valerius, regnum affectare creditus, submissis fascibus in concionem venit populi et crimen diluit. **8.** Le-

ges

ges fert de provocatione ad populum, et adversus regni obcupandi consilium: unde ei datur cognomen Publicolae s. Poplicolae. Bruto sufficitur Sp. Lucretius, et huic, intra paucos dies mortuo, M. Horatius Pulvillus. Huic sorte evenit dedicatio aedis Capitolinae.

9. Lar Porsena, Clusinus rex, precibus Tarquiniorum motus, Romani cum infestis exercitu venit.
10. Horatius Cocles, Sp. Lartius et T. Herminius hostes, pontem sublicium transiituros, repellunt.
11. Vrbs obsidetur.
12. Magnum audaxque facinus C. Mucii Scaevolae.
13. Virtus Cloeliae. Pax.
14. Porsena cum parte copiarum Aruntem filium Ariciam obpugnatum mittit; sed omnes fere pereunt, et pauci perfugiunt Romanam. His locus ad habitandum datus, qui dictus deinde Tuscius vicus.
15. Porsena legatos frustra mittit de reducendo in regnum Tarquinio, isque exsulatum abit Tusculum ad generum.
16. Bellum cum Sabinis. Attus Clausus Sabinus, cui postea Ap. Claudio fuit Romae nomen, cum magna clientium manu ab Regillo Romanam transfrigit et inter Patres legitur. Vetus Claudia tribus. Mors Valerii. Bellum cum Auruncis, ad quos Pomptia et Cora defecerant.
17. Pomptia obpugnatur et diruitur.
18. Bellum Sabinis indictum et Latinis, quorum XXX populos concitaverat Octavius Mamilius. Primus dictator T. Lartius vel M? Valerius. Tacitae induiae cum Sabinis.
19. A. Postumius dictator et T. Acbutius magister equitum ad lacum Regillum in agro Tusculano obcurrunt Latinis, quorum duces sunt Tarquinius sup. ejusque gener; et omnes ferme proceres, praeter dictatorem Rom., vulnerantur.
20. M. Valerii, Mamili et T. Herminii mors. Ingens Latinorum clades.
21. Ae-

Aedes Saturni et Saturnalia. Tarquinius moritur Cumis. Romae tribus XXI factae. 22. Bellum cum Volscis. Foedus cum Latinis factum.

23. *Seditio ob aes alienum. 24. Comprimitur pollicitationibus P. Servicij cos. ac terrore, quem adventus Volscorum incutit: et omnes nexi dant nomina. 25. Pulsi hostes casisque exuti. Suessa Pomelia capta et praedae data. 26. Victi Sabini, et mox Aurunci. 27. Recrudescit seditio plebis propter nexos ob aes alienum, et malum augetur timore Sabini belli. Dedicatio aedis Mercurii M. Laetorio, primi pili centurioni, data. Servilius fidem praestare non potest, contra nitente Ap. Claudio conlega omnique factione nobilium. Clamores aperti; secessio obculaque conloquia. 28. Coetus nocturni in Esquiliis et Aventino. Trepidatio novorum consulium, A. Virginii et T. Vetustii. Clamores et indignatio Patrum. Delectu indicto ad nomen nemo respondet, 29. Repulsi lictores, missi a consulibus, delectum habentibus. Tumultus in senatu, et variae sententiae. 30. Volsci, Aequi et Sabini arma parant. Dictator M? Valerius dicitur, vir mansueti ingenii. Volsci et Aequi funduntur. 31. Sabinis magna infertur clades. Valerius frustra ad senatum refert de nexione, et dictatura se abdicat. 32. Legiones, sacramento nondum solutae, educi ex Urbe jubentur: sed, Sicinio auctore, in Sacrum montem secedunt. Mentes plebis flectit Menenius Agrippa, orator ad eam missus. 33. Plebs reducta. Tribuni plebis duo aut quinque, lege sacrata, creati. Oppida Volscorum capta, Longula, Polusca et Coriolli: posterius maxime C. Marcii virtute. Mors Menenii.*

34. *Caritas ammonae. C. Marcius Coriolanus auctor est senatui, ut utantur hac occasione,*

sione, recuperandi iura, vi Patribus a plebe extorta. 35. *Hinc ei dies dicitur a tribunis, et absens damnatus in Volscos exsulatum abit, ubi hospitio utitur Attii Tulli.* 36. *Ludi magni instaurantur ob somium.* Ti. Atinii de praefultatore Jovi ingrato, ad quod senatui nuntiandum ille morbo et filii morte compellitur. 37. *Volsci, qui ludorum causa Romani confluixerant, auctore Attio Tullo, materiam belli quaerente, tamquam suspecti homines, Roma excedere jubentur.* 38. *Hinc irarum pleni instigative ab Attio deficiunt a Romanis.* 39. *Ducibus Attio Tullo et C. Marcio Coriolani oppida Romanis adimunt; et frusira legati ab his ad Marciuum mittuntur.* 40. *Tum Veturia, mater Coriolani, et Volumnia uxor, duos parvulos ex eo ferens filios, cum matronis in castra hostium eunt, tandemque frangunt virum. Templum Fortunae Muliebris. Volsci, Aequi et Hernici devicti,*

41. *Lex agraria primum promulgata. Sp. Cassius consul, dimidiam agri publici partem plebi, dimidiam Latinis divisurus, abdicato magistratu damnatur necaturque.* 42. *Volsci Aequique aliquoties fusi. Cassioris aedes dedicata.* Animi plebis dulcedine legis agrariae saepius his ammis, sed frusira sollicitati. Bellum Vejens initum. Prodigia. Oppia, virgo Vestalis, damnata incesti. 43. *Acqui et Vejentes bellum inferunt Romanis.* Sp. Licinius trib. pl. frusira delectum impedit. Hosibus ab equitatru Rom. fusis, pedes non vult insequi fugientes. 44. *Ti. Pontificio trib. pl., novo legis agrariae auctori et delectum impedienti, conlegae intercedunt, Bellum Vejens, quo auxilia undique ex Etruria convenientiunt.* 45. *Castris se tenent consules, neque prius militibus pugnam poscen-*

poscentibus signum dant, quam omnes jurarunt, victores se inde redituros. 46. 47. *Proelium atrox. Fabia gens, in qua tum temporis continui erant consulatus, insignis spectaculo exemplique est civibus. Victoria paritur egregia, sed tristis funeribus Cn. Manlii cos. et Q. Fabii.*

48. *Fabia gens deposit sibi bellum gerendum cum Vejentibus, hostie adsiduo magis et latrocinante, quam timendo ac bellante.* 49. *Fabii CCCVI ad Cremeram fl. perveniunt, et populantur agros hosium.* 50. *Quin et aliquoties justis in proeliis sunt superiores. Tandem caeduntur omnes, et de clarissima gente unus tantum superefi inpubes, domi relictus.* 51. *Vejentes Janiculum occupant, et varia facpius fortuna pugnant. Proximo anno occidione occiduntur.* 52. *Turbae domesticae. Damnatio T. Menenii, et accusatio Sp. Servilii, consularium.* 53. *Bella cum Vejentibus, Sabinis, Volscis Aequisque.*

54. *Lex agraria iterum agitatur. Cn. Genucius trib. pl. L. Furium et C. Manlium coss. magistratu abeunites facit reos, et occiditur.* 55. *Delectu edicto Volero Publilius, de plebe homo, qui jam ordines duxerat, negat, se militem fieri debere, et ad populum provocat. Violantur lictores Patresque trepidant.* 56. *Volero Publilius tribunus pl. creature, et rogationem fert ad populum, ut plebeji magistratus tributis comitiis fiant. Proximo anno Laetorius trib. pl. hanc legem perferendam suscipit, et ad Ap. Claudium cos. viatorem, hic vero lictorem ad illum mittit. Res pacue venit ad manum.* 57. *Aegre sedatur a T. Quintio cos. plebs, multo aegrius conlega ejus a Patribus, et lex Publia silentio perfertur.* 58. *Volscum Aequicunque bellum cooritur, et hoc Quintio euenit,*

euenit, illud Appio, qui plebi militibusque invisus est. 59. Exercitus Appii vinci vult, et bis fugam capit. Hinc signiferi, centuriones duplicariique virgis caesi percutiuntur securi, et cetera multitudo decimantur. 60. Quintius consul Aequorum agros populatur, et ingentem militi dat praedam. 61. Appius, acerrimus legis agrariae adversarius, accusatur morboque moritur ante diem, a M. Duilio et C. Sicinio ei dictam. 62. L. Valerius et Ti. Aemilius coiff. vastant hostium agros, ille Aequorum, hic Sabinorum. 63 – 65. Bella cum Volscis, Aquis Sabinisque, et expugnatio Antii.

I. Liberi jam hinc populi Romani res, pace belloque gestas, annuos magistratus, imperiaque legum, potentiora quam hominum, peragam. Quae libertas ut laetior esset, proximi regis superbia fecerat. Nam priores ita regnabant, ut hand immerito omnes deinceps conditores partium certe Vrbis, quas novas ipsi sedes ab se auctae multitudini addiderunt, numerentur: neque ambigitur, quin Brutus idem, qui tantum gloriae, Superbo exacto rege, meruit, pessimo publico id facturus fuerit, si libertatis inmaturae cupidine priorum regum alicui regnum extorsisset. Quid enim futurum fuit, si illa pastorum convenarumque plebs, transfuga ex suis populis, sub tutela inviolati templi aut libertatem, aut certe inpunitatem, adepta, soluta regio metu, agitari coepta esset tribuniciis procellis? et in aliena urbe cum Patribus ferere certamina, priusquam pignera conjugum ac liberorum caritasque ipsius

foli, cui longo tempore adfuerit, animos eorum consociasset? Dissipatae res nondum aduluae discordia forent: quas fovit tranquilla moderatio imperii, eoque nutriendo perduxit, ut bonam frugem libertatis maturis jam viribus ferre possent. Libertatis autem originem inde magis, quia annum imperium consulare factum est, quam quod deminutum quidquam sit ex regia potestate, numeres. Omnia jura, omnia insignia primi consules tenuere. Id modo cautum est, ne, si ambo fasces haberent, duplicatus terror videretur. Brütus prior, concedente conlega, fasces habuit: qui non acrior vindex libertatis fuerat, quam deinde custos fuit. Omnium primum avidum novae libertatis populum, ne postmodum flecti precibus aut donis regiis posset, jure jurando adegit, neminem Romae passuros regnare. Deinde, quo plus virium in senatu frequentia etiam ordinis faceret, caedibus regis deminutum Patrum numerum, primoribus equestris gradus lectis, ad trecentorum summam explevit. Traditumque iude fertur; ut in senatum vocarentur, qui Patres, qui conscripti essent. Conscriptos videlicet in novum senatum adpellabant lectos. Id mirum quantum profuit ad concordiam civitatis jungendosque Patribus plebis animos.

II. Reruni deinde divinarum habita cura; et, quia quaedam publica sacra per ipsos reges factitata erant, ne ubiubi regum desiderium esset, regem sacrificulum creant. Id sacerdotium pontifici subjecere, ne additus nomini honos aliquid libertati, cuius tunc prima erat cura, obficeret. Ac nescio, an, nimis undique eam minimis quoque rebus muniendo, modum exceferint. Consulis enim alterius, quem nihil aliud obsenderit, nomen in-

invisum civitati fuit. *Nimium Tarquinios regno adfuisse. Initium a Prisco factum. Regnasse deinde Ser. Tullium. Ne intervallo quidem facto, oblitum, tamquam alieni, regni Superbum Tarquinium; velut hereditatem gentis scelere ac vi repetisse. Pulso Superbo, penes Collatinum imperium esse. Nescire Tarquinios privatos vivere. Non placere nomen. Periculosem libertati esse.* Hic primo sensim tentantium animos ferme per totam civitatem est datus, sollicitamque suspicione plebem Brutus ad concionem vocat. Ibi omnium primum jus jurandum populi recitat. *Neminem regnare passuros, nec esse Romae, unde periculum libertati foret. Id summa ope tuendum esse: neque ullam rem, quae eo pertineat, contemnendam. Invitum se dicere hominis causa: nec dicturum fuisse, ni caritas rei publicae vinceret. Non credere populum Romanum, solidam libertatem recuperatam esse. Regium genus, regium nomen, non solum in civitate, sed etiam in imperio esse. Id officere, id obstatre libertati. Hunc tu, inquit, tua voluntate, L. Tarquini, remove metum. Meminimus, fatemur, ejecisti reges. Absolve beneficium tuum. Aufer hinc regium nomen. Restuas tibi non solum reddent cives tui, auctore me; sed, si quid deest, munifice augebunt. Amicus abi. Exonera civitatem vano forsitan metu. Ita persuasum est animis, cum gente Tarquinia regnum hinc abitum. Consuli primo tam novae rei ac subitae admiratio incluscrat vocem. Dicere deinde incipientem primores civitatis circumfistunt, eadem multis precibus orant. Et ceteri quidem movebant minus. Postquam Sp. Lucretius, major aetate ac dignitate, socer praeterea ipsius, agere varie, rogando alternis suadendoque, coepit, ut vinci se consensu civitatis pate-*

pateretur, timens consul, ne postmodum privato sibi eadem illa cum honorum amissione, additaque alia insuper ignominia, adcederent, abdicavit se consulatu: rebusque suis omnibus Lavinium translatis, civitate cessit. Brutus ex senatus consulo ad populum tulit, ut omnes Tarquiniae gentis exsules essent: conlegam sibi comitiis centuriatis creavit P. Valerium, quo adjutore reges ejecerat.

III. Quum haud cuiquam in dubio esset, bellum ab Tarquiniis inimicere, id quidem spe omnium serius fuit. Ceterum, id quod non timebant, per dolum ac proditionem prope libertas amissa est. Erant in Romana juventute adolescentes aliquot, nec ii tenui loco orti, quorum in regno libido solutior fuerat, aequales fodalesque adolescentium Tarquiniorum, adsueti more regio vivere. Eani tum, aequato jure omnium, licentiam quaerentes, libertatem aliorum in suam vertisse servitutem inter se conquerebantur. *Regem hominem esse, a quo impetres, ubi jus, ubi injuria opus sit: esse gratiae locum, esse beneficio; et irasci et ignoroscere posse: inter amicum atque inimicum discrimen nosse. Leges rem surdam, inexorabilem esse, salubriorem melioremque inopi; quam potenti: nihil laxamenti nec veniae habere, si modum exceferis. Periculosem esse, in tot humanis erroribus sola innocentia vivere.* Ita, jam sua sponte aegris animis, legati ab regibus superveniunt, sine mentione redditus bona tantum repetentes. Eorum verba postquam in senatu auditae sunt, per aliquot dies ea consultatio tenuit; ne non reddita, belli causa; reddita, belli materia et adjumentum essent. Interim legati alii alia moliri, aperte bona repetentes, clam recuperandi regni consilia strue-re. Et, tamquam ad id, quod agi videbatur,

am-

ambientes nobilium adolescentium animos pertentant. A quibus placide oratio adcepta est; his literas ab Tarquinis reddunt; et de adcipiendis clam nocte in urbem regibus conloquuntur.

IV. Vitelliis Aquilliisque fratribus primo commissa res est. Vitelliorum soror consuli nupta Bruto erat: jamque ex eo matrimonio adolescentes erant liberi, Titus Tiberiusque; Eos quoque in societatem consilii avunculi adsumunt. Praeterea et nobiles aliquot adolescentes consilii adsumunt, quorum vetustate memoria abiit. Interim quum in senatu viciisset sententia, quae censebat reddenda bona; eamque ipsam causam morae in Urbe haberent legati, quod spatium ad vehicula comparanda a consulibus sumissent, quibus regum absportarent res; omne id tempus cum conjuratis consultando adsumunt, evincuntque instando, ut literae sibi ad Tarquinios darentur: nam aliter qui credituros eos, non vana ab legatis super rebus tantis adferri? Datae literae, ut pignus fidei essent, manifestum facinus fecerunt. Nam quum, pridie quam legati ad Tarquinios proficerentur, et coenatum forte apud Vitellios esset, conjuratique ibi, remotis arbitris, multa inter se de novo, ut sit, consilio egissent; sermonem eorum ex servis unus exceptit, qui jam antea id senserat agi; sed eam occasionem, ut literae legatis darentur, quae deprehensae rem coarguere possent, expectabat. Postquam datas sensit, rem ad consules detulit. Consules, ad deprehendendos legatos conjuratosque profecti domo, sine tumultu rem omnem obpressere: literarum in primis habita cura, ne interciderent. Proditoribus extemplo in vincula conjectis, de legatis paullulum addubitatum est: et quamquam visi

visi sunt commisissi, ut hostium loco essent, jus tamen gentium valuit.

V. De bonis regiis, quae reddi ante censuerant, res integra refertur ad Patres. Illi victi ira vetuere reddi, vetuere in publicum redigi. Diripienda plebi sunt data; ut, contacta regia praeda, spem in perpetuum cum his pacis amitteret. Ager Tarquiniorum, qui inter urbem ac Tiberini fuit, consecratus Marti, Martius deinde campus fuit. Forte ibi tum seges farris dicitur fuisse natura messi. Quem campi fructum quia religiosum erat consumere, defectam cum stramento segetem magna vis hominum simul inmissa corribus fudere in Tiberim, tenui fluentem aqua, ut mediis caloribus solet. Ita in vadis haesitantis frumenti acervos fedisse iulitos limo. Insulam inde paullatim, et aliis, quae fert temere flumen, eodem invectis, factam. Postea credo additas moles, manique adjutum, ut tain eminens area, firmaque templis quoque ac porticibus fustinendis esset. Direptis bonis regum, damnati proditores, sumtumque subplicum, conspectius eo, quod poenae capienda ministerium patri de liberis consulatus imposuit, et, qui spectator erat amovendus, eum ipsum fortuna exactorem subplicii dedit. Stabant delegati ad palum nobilissimi juvenes. Sed a ceteris, velut ab ignotis capitibus, consulis liberi omnium in se averterant oculos, miserabatque non poenae magis homines, quam sceleris, quo poenam meriti essent; illos, eo potissimum anno patriam liberatam, patrem liberatorem, consulatum ortum ex domo Junia, Patres, plebeim, quidquid Deorum hominumque Romanorum esset, induxisse in animum, ut superbo quondam regi, tum infesto exfulti, proderent. Consules in sedem

pro-

processere suam, missaque lictores ad sumendum subplicium iudatos virgis caedunt, securique feriunt: quum inter omne tempus pater, vultusque, et os ejus, spectaculo effet, eminentē animo patrio inter publicae poenae ministerium. Secundum poenam nocentium, ut in utramque partem arcendis sceleribus exemplum nobile esset, praemium indici, pecunia ex aerario, libertas et civitas, data. Ille primū dicitur vindicta liberatus. Quidam vindictae quoque nomen tractum ab illo putant; Vindicio ipsi nomen fuisse. Post illum observatum, ut, qui ita liberati essent, in civitatem adcepisti viderentur.

VI. His, sicut acta erant, nuntiatis, incensus Tarquinius non dolore solum tantae ad inritum cadentis spei, sed etiam odio iraque, postquam dolo viam obseptam vidit, bellum aperte moliendum ratus, circumire supplex Etruriae urbes; orare maxime Vejentes Tarquinienensesque, ne se ortum, ejusdem sanguinis, extorrem egentem ex tanto modo regno, cum liberis adolescentibus ante oculos suos perire sinerent. Alios peregre in regnum Romanum aditos: se regem, augentem bello Romanum imperium, a proximis scelerata conjuratione pulsum. Eos inter se, quia nemo unus satis dignus regno visus fit, partes regni rapuisse; bona sua diripienda populo dedisse, ne quis expers sceleris esset. Patriam se regnumque suum repetere, et persequi ingratos cives velle. Ferrent opem, adjuvarent; suas quoque veteres injurias ultum irent, toties caecas legiones; agrum ademtum. Haec moverunt Vejentes: ac pro se quisque, Romano saltem duce, ignominias demendas, belloque amissa repetenda, minaciter fremunt. Tarquinienenses nomen ac cognatio mouet. Pulcrum videbatur, suos Romae regnare. Ita duo

duo duarum civitatum exercitus, ad repetendum regnum belloque persequendos Romanos, sequuti Tarquinium. Postquam in agrum Romanum ventum est, obviam hosti consules eunt. Valerius quadrato agmine peditem dicit: Brutus ad explorandum cum equitatu antecessit. Eodem modo primus eques hostium agminis fuit, (praeerat Aruns Tarquinius, filius regis) rex ipse cum legionibus sequebatur. Aruns, ubi ex lictoribus procul consulem esse, deinde jam proprius ac certius facie quoque Brutum cognovit, inflammatus ira, *Ille est vir, inquit, qui nos extorres expulit patria. Ipse, en, ille, nosiris decoratus insignibus, magnifice incedit. Dii régum ultores adeste.* Concitat calcaribus equum, atque in ipsum infestus consulem dirigit. Sensit in se iri Brutus. Decorum erat tum ipsis capessere pugnam ducibus: avide itaque se certamini obfert. Adeoque infestis animis concurrebunt, neuter, dum hostem vulneraret, sui protegendi corporis memori, ut, contrario ictu per parvam uterque transfixus, duabus haerentes laetis moribundi ex equis labsi sint. Simul et cetera equestris pugna coepit; neque ita multo post et pedites superveniunt. Ibi varia victoria, et velut aequo Marte pugnatum est. Dextra utrinque cornua vicere, laeva superata. Vejentes, vinci ab Romano milite adfueri, fusi fugatiique. Tarquinienensis, novus hostis, non stetit solum, sed etiam ab sua parte Romanum pepulit.

VII. Ita quum pugnatum esset, tantus terror Tarquinium atque Etruscos incessit, ut, omissa irrita re, nocte ambo exercitus, Vejens Tarquinienisque, suas quisque abirent domos. Adjiciunt miracula huic pugnae: silentio proximae noctis ex silva Arsia ingen-

tem

tem editam vocem; Silvani vocem eam creditam; haec dicta, *Vno plus Tuscorum cecidisse in acie; vincere bello Romanum.* Ita certe inde abidere Romani, ut victores; Etrusci pro victis. Nam, postquam inluxit, nec quisquam hostium in conspectu erat, P. Valerius consul spolia legit, triumphansque inde Romanum rediit. Conlegae funus, quanto tum potuit adparatu, fecit. Sed multo majus morti decus publica fuit moestitia, eo ante omnia insignis, quia matronae annum, ut parentem, eum luxerunt, quod tam acer ultior violatae pudicitiae fuisset. Consuli deinde, qui superfuerat, ut sunt mutabiles vulgi animi, ex favore non invidia modo, sed suspicio etiam cum atroci criminè, orta. Regnum eum affectare, fama ferebat: quia nec conlegam subrogaverat in locum Bruti, et aedificabat in summa Velia. Ibi alto atque munito loco arcem inexpugnabilem fore. Haec dicta vulgo creditaque quum indignitate angerent consulis animum, vocato ad concilium populo, submissis fascibus in concessionem escendit. Gratum id multitudini spectaculum fuit: submissa sibi esse imperii insignia; confessionemque factam, populi, quam consulis, majestatem vimque majorem esse. Vbi audire jussi, consul laudare fortunam conlegae, quod, liberata patria, in summo honore, pro republica dimicans, natura gloria, nec dum se vertente in invidiam, mortem obcubuisse. Se superstitem gloriae suae ad crimen atque invidiam supereresse: ex liberatore patriae ad Aquillios se Vitelliosque recidisse. Numquamne ergo, inquit, ulla adeo a vobis spectata virtus erit, ut suspicione violari nequeat? Ego me, illum acerrimum regum hostem, ipsum cupiditatis regni crimen subiturum timerem? Ego, si in ipsa arce Capitolioque habita-

rem, metui me crederem posse a civibus meis? tam levi momento mea apud vos fama pendet? Adeone est fundata leviter fides, ut, ubi sim, quam qui sim, magis referat? Non obstatunt P. Valerii aedes libertati vestrae, Quirites; tuta erit vobis Velia. Deferam non in planum modo aedes, sed colli etiam subjiciam: ut vos supra suspectum me civem habitetis. In Velia aedificant, quibus melius, quam P. Valerio, creditur libertas. Delata confestim materia omnis infra Veliam; et, ubi nunc Vicaepotae est, domus in insimo clivo aedificata.

VIII. Latae deinde leges, non solum quae regni suspicione consulem absolverent, sed quae adeo in contrarium verterent, ut popularem etiam facerent. Inde cognomen factum Publicolae est. Ante omnes de provocatione adversus magistratus ad populum, sacrando que cum bonis capite ejus, qui regni occupandi consilia inisset, gratae in vulgus leges fuere. Quas quum solus pertulisset, ut sua unius in his gratia esset, tum deinde comitia conlegae subrogando habuit. Creatus Sp. Lucretius consul, qui magno natu, non sufficientibus jam viribus ad consularia munera obeunda, intra paucos dies moritur. Subfectus in Lucretii locum M. Horatius Pulvillus. Apud quosdam veteres auctores non invenio Lucretium consulem: Bruto statim Horatium subgerunt. Credo, quia nulla gesta res insignem fecerit consulatum, memoriam intercidisse. Nondum dedicata erat in Capitolio Jovis aedes. Valerius Horatiusque consules sortiti, uter dedicaret. Horatio forte evenit. Publicola ad Vejentium bellum profectus. Aegrius, quam dignum erat, tulere Valerii necellarii, dedicationem tam incluti templi Horatio dari. Id omnibus modis impedire conati, postquam alia

alia frustra tentata erant, postem jam tenenti consuli foedum inter precationem Deum nuntium incutiunt; *mortuum ejus filium esse, funestaque familia dedicare eum templum non posse.* Non crediderit factum, an tantum animo roboris fuerit, nec traditur certum, nec interpretatio est facilis. Nihil aliud ad eum nuntium a proposito aversus, quam ut cadaver effterri jnberet, tenens postem, precationem peragit, et dedicat templum. Haec post exactos reges domi militiaeque gesta primo anno. Inde P. Valerius iterum, T. Lucretius confuses facti.

IX. Jam Tarquinii ad Lartem Porsenam, Clusinum regem, perfugerant. Ibi, miscendo consilium precesque, nunc orabant, *ne se, oriundos ex Etruscis, ejusdem sanguinis nominisque, egentes exsulare pateretur:* nunc monebant etiam, *ne orientem morem pellendi reges inultum fineret.* Satis libertatem ipsam habere dulcediniis. Nisi, quanta vi civitates eam expetant, tanta regna reges defendant, aequari summa infimis. Nihil excelsunt, nihil, quod supra cetera emineat, in civitatibus fore. Adesse finem regnis, rei inter Deos hominesque pulcrrimae. Porsena, tum regem esse Romae, tum Etruscae gentis regem, amplum Tusci ratus, Romanum infesto exercitu venit. Non umquam alias ante tantus terror senatum invasit. Adeo valida res tunc Clusina erat, magnumque Porsenae nomen. Nec hostes modo timebant, sed suosmet ipsi cives, ne Romana plebs, metu percussa, receptis in urbem regibus, vel cum servitute pacem adciperet. Multa igitur blandimenta plebi per id tempus ab senatu data. Annonae inprimis habita cura, et ad frumentum comparandum missi, alii in Volscos, alii Cumas. Salis quo-

que vendendi arbitrium, quia in penso pretio venibat, in publicum omne sumtum, ademtum privatis: portoriisque et tributo plebes liberata, ut divites conferrent, qui oneri ferendo essent; pauperes satis stipendii pendere, si liberos educarent. Itaque haec indulgentia Patrum, asperis postmodum rebus in obsidione ac fame, adeo concordem civitatem tenuit, ut regium nomen non summi magis, quam insimi, horrerent: nec quisquam unus malis artibus postea tam popularis esset, quam tum bene imperando universus senatus fuit.

X. Quin hostes adellent, pro se quisque in urbem ex agris demigrant: urbem ipsam sepiunt praefidiis. Alia muris, alia Tiberi objecto videbantur tuta. Pons sublicius iter pene hostibus dedit, ni unus vir fuisset, Horatius Cocles. Id monumentum illo die fortuna urbis Romanae habuit; qui, positus forte in statione pontis, quum captum repentina in petu Janiculum, atque inde citatos decurrere hostes vidisset, trepidamque turbam suorum arma ordinesque relinquere, reprehensans singulos, obsistens, obtestansque Deum et hominum fidem, testabatur: *nequidquam deserto praesidio eos fugere.* Si transitum pontem a tergo reliquissent, jam plus hostium in Palatio Capitolioque, quam in Janiculo, fore. Itaque monere, praedicere, ut pontem ferro, igni, quacunque vi possent, interrumpant. Se in petum hostium, quantum corpore uno posset obfissi, excepturum. Vadit inde in primum aditum pontis; insignisque inter conspecta cedentium pugnae terga, obversis coquitus ad ineundum proelium armis, ipso miraculo audaciae obstupefecit hostes. Duos tamen cum eo pudor tenuit, Sp. Lartium ac T. Herminium, ambos claros genere factisque. Cum his

his primam periculi procellam, et quod tumultuosissimum pugnae erat, parumper sustinuit. Deinde eos quoque ipsos, exigua parte pontis relictā, revocantibus, qui rescindebant, cedere in tutum coegit. Circumferens inde truces minaciter oculos ad proceres Etruscorum, nunc singulos provocare, nunc increpare omnes, *Servitia regum superborum, suae libertatis inmemores, alienam obpugnatum venire.* Cunctati aliquamdiu sunt, dum alias alium, ut proelium incipiunt, circumspectant. Pudor deinde commovit aciem, et, clamore sublato, undique in unum hostem tela conjiciunt. Quae quum in objecto cuncta scuto haecissent, neque ille minus obstinatus ingenti pointem obtineret gradu, jam in petu conabantur detrudere virum; quum simul fragor rupti pontis, simul clamor Romanorum, alacritate perfecti operis sublatus, pavore subito inpetum sustinuit. Tum Cocles, *Tiberine pater,* inquit, *te sancte precor, haec arma et hunc militem propitio flumine adcipias.* Ita sic armatus in Tiberim desiluit: multisque superincidentibus telis incolmis ad suos tranavit, rem ansis plus famae habituram ad posteros, quam fidei. Grata erga tantam virtutem civitas fuit: statua in comitio posita, agri quantum uno die circumaravit, datum. Privata quoque inter publicos honores studia eminebant. Nam in magna inopia pro domesticis copiis unusquisque ei aliquid, fraudans se ipse victu suo, contulit.

XI. Porsena, primo conatu repulsus, consiliis ab obpugnanda urbe ad obsidēdam versis, praesidio in Janiculo locato, ipse in plano ripisque Tiberis castra posuit; navibus undique aditis, et ad custodiam, ne quid Romanum frumenti subvehi sineret, et ut praedatum mi-

lites trans flumen per occasiones aliis atque aliis locis trajiceret: brevique adeo infestum omnem Romanum agrum reddidit; ut non cetera solum ex agris, sed pecus quoque omne in urbem compelleretur, neque quisquam extra portas propellere auderet. Hoc tantum licentiae Etruscis, non metu magis, quam consilio, concessum. Namque Valerius consul, intentus in occasionem multos simul et effusos improviso adorinandi, in paryis rebus neglegens ulti, gravem se ad majora vindicem servabat. Itaque, ut eliceret praedatores, edicit suis, postero die frequentes porta Esquilina, quae aversissima ab hoste erat, expellerent pecus; scitnros id hostes ratus, quod in obsidione et famie servitia infida transfugerent. Et sciere persugae indicio; multoque plures, ut in spem univerfae praedae, flumen traciunt. P. Valerius inde T. Herminium cum modicis copiis ad secundum lapidem Gabina via obcultum considere jubet: Sp. Lartium cum expedita juventute ad portam Collinam stare, donec hostis praetereat. Deinde se objicere, ne sit ad flumen redditus. Consulum alter T. Lucretius porta Naevia cum aliquot manipulis militum egressus: ipse Valerius Coelio monte cohortes delectas educit. Hique primi adparuere hosti. Herminius, ubi tumultum sensit, concurrit ex insidiis, versisque in Valerium Etruscis terga caedit. Dextra laevaque, hinc a porta Collina, illinc ab Naevia, redditus clamor. Ita caesi in medio praedatores, neque ad pugnam viribus pares, et ad fugam septis omniibus viis. Finisque ille tam effuse evagandi Etruscis fuit.

XII. Obsidio erat nihilominus et frumenti cum summa caritate inopia; sedendoque ex pugnaturum se urbem spem Porfena habebat: quum

quum C. Mucius, adolescens nobilis, cui indignum videbatur, populum Romanum servientem, quum sub regibus esset, nullo bello nec ab hostibus ullis obsessum esse, liberum eundem populum ab iisdem Etruscis consideri, quorum saepe exercitus fuderit; itaque, magno audacieque aliquo facinore eam indignitatem vindicandam ratus, primo sua sponte penetrare in hostium castra constituit. Dein metuens, ne si consulum injussu et ignaris omnibus iret, forte deprehensus a custodibus Romanis retraheretur ut transsuga, fortuna tum urbis crimen adfirmante, senatum adiit: *Transire Tiberim*, inquit, *Patres*, et intrare, si possimi, castra hostium volo; non praedo, nec populationum in vicem ultor. Majus, si Dii juvant, in animo est facinus. Adprobant Patres: abdito intra vespem ferro, proficiscitur. Vbi eo venit, in confertissima turba prope regium tribunal constituit. Ibi quum stipendium forte militibus daretur, et scriba, cum rege sedens pari sere ornatu, multa ageret, eum milites vulgo adirent, timens sciscitari, uter Porfena esset, ne ignorando regem semet ipse aperiret, quis esset, quo temere traxit fortuna facinus, scribam pro rege obtruncat. Vadentem inde, qua per trepidam turbam cruento mucrone sibi ipse fecerat viam, quum, concurso ad clamorem facto, comprehensum regii satellites retraxissent, ante tribunal regis destitutus, tuin quoque, inter tantas fortunae minas, metuendus magis, quam metuens: *Romanus sum*, inquit, *civis*. C. Mucium vocant. Hostis hostiem occidere volui: nec ad mortem minus animi est, quam fuit ad caedem. Et facere et pati fortia, Romanum est. Nec unus in te ego hos animos gessi: loquus post me ordo est idem petentium decus. Proinde in hoc discri-

men, iſi juvat, adcingere, ut in ſingulas horas
capite dimices tuo; ferum hoſtemque in veſti-
bulo habeas regiae. Hoc tibi juventus Romana
indicimus bellum. Nullam aciem, nullum proe-
lium tiniueris. Qui tibi, et cum ſingulis, reſ-
erit. Quum rex, ſimil ira inſenſus, pericu-
loque conterritus, circumdari ignes minita-
bundus juheret, niſi expromeret propere, quas
inſidiarum ſibi minas per ambages jaceret. En-
tibi, inquit, ut ſentias, quam vile corpus fit
iis, qui magnam gloriam vident: dextram
que adcenſo ad ſacrificium focalo injicit. Quam
quum velut alienato ab ſenſu torreret animo;
prope adtonitus miraculo rex, quum ab ſede
fua proſiliuſſet, amoverique ab altaribus ju-
venem jufſiſſet, Tu vero abi, inquit, in te ma-
gis, quam in me, hoſtilia auſus. Juherem ma-
cte virtute eſſe, ſu pro mea patria iſla virtus
ſlaret. Nunc jure belli liberum te, intactum
inviolatumque hinc dimitto. Tu Mucius,
quaſi remunerans imeritum, quandoquidem
inquit, eſt apud te virtuti hoſos, ut beneficio
tuleris a me, quod minis nequifii; trecenti con-
juravimus principes juventutis Romanae, ut in
te hac via grassaremur. Mea prima ſors fuit.
Ceteri, ut cuique ceciderit primo, quoad te
obportunum fortuna dederit, ſuo quiske tem-
pore, aderunt.

XIII. Mucium dimiſſum, cui poſtea Scae-
volae a clade dextrae manus cognomen indi-
tum, legati a Porsena Romam ſequuti ſunt.
Adeo moverat eum et primi periculi caſuſ;
quo nihil ſe praeter errorem inſidiatoris texiſ-
ſet, et ſubeunda dimicatio toties, quo con-
jurati ſuperereſſent, ut pacis conditiones ul-
tro ferret Romanis. Jactatum in conditionibus
nequidquam de Tarquiniiſ in regnum reſti-
tuendis, magis quia id negare ipſe nequierat
Tar-

Tarquinii, quam quod negatum iri sibi ab Romani ignoraret. De agro Veientibus restituendo inpetratum: expressaque necessitas obsides dandi Romanis, si Janiculo praesidium deduci vellent. His conditionibus composita pace, exerceitum ab Janiculo deduxit Poisenam, et agro Romano excessit. Patres C. Mucio virtutis causa trans Tiberim agrum dono dederunt, quae postea sunt Mucia prata appellata. Ergo, ita honorata virtute, feminæ quoque ad publica decora excitatae. Et Cloelia virgo, una ex obsidibus, quum castra Etruscorum forte haud procul ripa Tiberis locata essent, frustata custodes, dux agminis virginum inter tela hostium Tiberim tranavit; sospitesque omnes Römam ad propinquos restituit. Quod ubi regi nuntiatum est, primo incensus ira oratores Römam misit ad Cloeliam obsidem descendam; alias haud magni facere: deinde in admirationem versus, *Supra Coelites Muciosque dicere id facinus esse, et prae se ferre, quemadmodum, si non dedatur obses, pro rupto se foedus habiturum; sic deditam, inviolatam ad suos remissurum.* Vtrimeque constitit fides: et Römani pignus pacis ex foedere restituerunt; et apud regem Etruscum non tuta solum, sed honorata etiam, virtus fuit, laudataque virginem parte obsidum se donare dixit: ipsa, quos vellet, legeret. Productis omnibus, elegisse inpubes dicitur: quod et virginitati decorum, et consensu obsidum ipsorum probabile erat, eam aetatem potissimum liberari ab hoste, quae maxime obportuna injuriaæ esset. Pace redintegrata, Römani novam in femina virtutem novo genere honoris, statua equestri, donavere. In summa Sacra via fuit posita virgo insidens equo.

XIV. Huic tam pacatae profectiōni ab urbe regis Etrusci abhorrens mos, traditus ab antiquis, usque ad nostram aetatem inter cetera sollemnia manet bonis vendendis, bona Porsenae regis vendendi. Cujus originem moris, necesse est, aut inter bellum natam esse, neque omissam in pace; aut a initio crevisse principio, quam hic p̄ae se ferat titulus bona hostiliter vendendi. Proximum vero est ex iis, quae traduntur, Porsenam, discedentem ab Janiculo, castra opulenta, convecto ex propinquis ac fertilibus Etruriae arvis commeatu, Romanis dono dedito, inopi tum urbe ab longinqua obsidione. Ea deinde, ne populo inmisso diriperentur hostiliter, venisse, bonaque Porsenae adpellata, gratiam muneris magis significante titulo, quam auctionem fortunae regiae, quae ne in potestatem quidem populi Romani esset. Omisso Romano bello, Porsena, ne frustra in ea loca exercitus adductus videretur, cum parte copiarum filium Aruntem Ariciam obpugnatum mittit. Primo Aricinos res nec opinata perculerat. Arcessita deinde auxilia, et a Latinis populis, et a Cumis, tantum spei fecere, ut acie decernere auderent. Proelio inito, adeo concitato inpetu se intulerant Etrusci, ut sunderent ipso incursu Aricinos. Cumanae cohortes, arte adversus vim usae, declinavere paullum; effuseque praelatos hostes conversis signis ab tergo adortae sunt. Ita in medio prope jam victores caesi Etrusci: pars perexigua, duce amissi, quia nullum proprius perfugium erat, Romam inermes et fortuna et specie subplicum delati sunt. Ibi benigne excepti, divisique in hospitia. Curatis vulneribus, alii profecti domos, nuntii hospitalium beneficiorum: multos Romae hospitium urbisque cari-

tas tenuit. His locus ad habitandum datus, quem deinde *Tuscum vicum* adpellarunt.

XV. P. Lucretius inde et P. Valerius Publicola consules facti. Eo anno postremum legati a Porsena de reducendo in regnum Tarquinio venerunt. Quibus quum responsum esset, missurum ad regem senatum legatos; missi confestim honoratissimus quisque ex Patribus. Non, quin breviter reddi responsum potuerit, non recipi reges, ideo potius delectos Patrum ad eum missos, quam legatis ejus Romae daretur responsum: sed ut in perpetuum mentio ejus rei finiretur, neu in tantis mutuis beneficiis in vicem animi sollicitarentur: quum ille peteret, quod contra libertatem populi Romani esset; Romani, nisi in perniciem suam faciles esse vellent, negarent, cui nihil negatum vellet. Non in regno populum Romanum, sed in libertate esse. Ita induxisse in animum, hostibus potius, quam regibus, portas patefacere. Eam esse voluntatem omnium, ut, qui libertati erit in illa urbe finis, idem urbi sit. Proinde, si salvam esse vellet Romanam, ut patiatur libram esse, orare. Rex, verecundia victus, Quando id certum atque obstinatum est, inquit, neque ego obtundam saepius eadem nequidquam agendo: nec Tarquinios spe auxili, quod nullum in me est, frustrabor. Alium hinc, seu bello opus est, seu quiete, exfilio quaerant locum, ne quid meam vobiscum pacem distineat. Dictis facta amiciora adjecit. Obsidum quod reliquum erat, reddidit. Agrum Vejentem, foedere ad Janieulum icto ademtum, restituit. Tarquinius, spe omni reditus incisa, exsultatum ad generum Mamilium Octavium Tusculum abiit. Romanis pax fida ita cum Porsena fuit.

XVI. Consules M. Valerius, P. Postumius.
 Eo anno bene pugnatum cum Sabinis. Consules triumpilarunt. Majore inde mole Sabini bellum parabant. Adversus eos, et ne quid sunul ab Tusculo (unde, etsi non apertum, suspectum tamen bellum erat,) repentinè periculi oriretur, P. Valerius quartum, T. Lucretius iterum consules facti. Seditio, interbelli pacisque auctores orta in Sabinis, aliquantum inde virium transtulit ad Romanos. Namque Attus Clausus, cui postea Ap. Claudio fuit Romæ nomen, cum pacis ipse auctor a turbatoribus belli premeretur, nec parsationi esset, ab Regillo, magna clientium comitatus manu, Romam transfugit. His civitas data agerque trans Aniem. Vetus Claudia tribus, additis postea novis tribulibus, qui ex eo venirent agro, appellata. Appius, inter Patres lectus, hanc ita multo post in principum dignationem pervenit. Consules, infesto exercitu in agrum Sabinum profecti, qui ita vastatione, dein proelio, adflicxissent opes hostium, ut diu nihil inde rebellionis timere possent, triumphantes Romam redierunt. P. Valerius, omnium consensu princeps belli pacisque artibus, anno post, Agrippa Menenio, P. Postumio consulibus, moritur, gloria ingenti, copiis familiaribus adeo exiguis, ut funeri sumptus deesset: de publico est elatus. Luxere matronae, ut Brutuni. Eodem anno duae coloniae Latinae, Pometia et Cora, ad Auruncos deficiunt. Cum Auruncis bellum initum: fuscoque ingenti exercitu, qui se ingredientibus fines consulibus ferociter obtulerat, omne Auruncum bellum Pometiam compulsum est. Nec magis post proelium, quam in proelio, caedibus temperatum est. Et caesi aliquanto plures erant, quam capti;

et captos passim trucidaverunt. Ne ab obsidibus quidem, qui trecenti adeepti numero erant, iram belli hostiis abstinuit. Et hoc anno Romae triumphatum.

XVII. Sequuti consules, Opiter Virginius et Sp. Cassius, Pometiam primo vi, deinde vineis aliisque operibus, oppugnaverunt. In quos Aurunci, magis jam inexpiabili odio, quam spe aliqua aut occasione, coorti, quum plures igni, quam ferro, armati excucurris- sent, caede incendioque cuncta compleant. Vineis incensis, multis hostium vulneratis et occisis, consulum quoque alterum, (sed utrum, nonen auctores non adjiciunt) gravi vulnera ex equo dejectum, prope interfecerunt. Romanam inde, male gesta re, redditum. Inter multos fauicos consul spe incerta vitae relictus. Interjecto deinde haud magno spatio, quod vulneribus curandis subplendoque exercitui satis esset, tum ira majore belli, tum viribus etiam auctis, Pometiae arma iulata. Et quum, vineis refectis aliaque mole belli, jam in eo esset, ut in muros evaderet miles, deditio est facta. Ceterum nihilo minus foede, dedita urbe, quam si capta foret, Aurunci passim principes securi percussi, sub corona venierunt coloni alii; oppidum dirutum, ager veniit. Consules, magis ob iras graviter ultas, quam ob magnitudinem perfecti belli, triumpharunt.

XVIII. Insequens annus Postumum Cominium et T. Lartium consules habuit. Eo anno Romae, quum per ludos ab Sabinorum juventute per lasciviam scorta raperentur, concursu hominum rixa ac prope proelium fuit; parvaque ex re ad rebellionem spectare res videbatur. Supra belli Latini metum id quoque adcesserat, quod triginta jam conju-

rassé

rasse populos, concitante Octavio Mamilio, satis constabat. In hac tantarum exspectatione rerum sollicita civitate, dictatoris primum creandi mentio orta. Sed nec quo anno, nec quibus consulibus, quia ex factione Tarquinia essent, (id quoque enim traditur) parum creditum sit, nec quis primum dictator creatus sit, satis constat. Apud veterinos tamen auctores T. Lartium dictatorem primum, Sp. Cassium magistrum equitum, creatos invenio. Consulares legere: ita lex jubebat, de dictatore creando lata. Eo magis adducor, ut credam, Lartium, qui consularis erat, potius, quam M'. Valerium, M. filium, Volefi nepotem, qui nondum consul fuerat, moderatorem et magistrum consulibus adpositum. Qui, si maxime ex ea familia legi dictatorem vellent, patrem multo potius M. Valerium, spectatae virtutis et consulairem virum, legissent. Creato dictatore primum Romae, postquam praeferri secures viderunt, magnus plehem metus incessit, ut intentiores essent ad dicto parendum. Neque enim, ut in consulibus, qui pari potestate essent, alterius auxilium, neque provocatio erat; neque ullum usquam, nisi in cura parendi, auxilium. Sabinis etiam creatus Romae dictator (eo magis quod propter se creatum crediderant) metum incusit. Itaque legatos de pace mittunt. Quibus, orantibus dictatorem senatumque, ut veniam erroris hominibus adolescentibus darent, responsum; *ignosci adolescentibus posse, senibus non posse, qui bella ex bellis fererent.* Actum tamen est de pace: impetrataque foret, si, quod impensa factum in bellum erat, praestare Sabinis (id enim postulatum erat) in animum induxissent. Bellum indictum, tacitae induciae quietum annum tenuere.

XIX. *Confules Ser. Sulpicius, M'. Tullius.* Nihil dignum memoria actum. *T. Aebutius deinde et C. Vetusius.* His consulibus *Fidenae obfessae, Crustumeria capta, Praeneste ab Latinis ad Romanos descivit.* Nec ultra bellum Latinum, gliscens jam per aliquot annos, dilatum. *A. Postumius dictator, T. Aebutius magister equitum, magnis copiis peditum equitumque profecti, ad lacum Regillum in agro Tusculano agmini hostium obcurrerunt.* Et, quia Tarquinios esse in exercitu Latinorum auditum est, sustinueri ira non potuit, quin extemplo confligerent. Ergo etiam proelium aliquanto, quam cetera, gravius atque atrocius fuit. Non enim duces ad regendam modo consilio rem adsuere, sed, suismet ipsis corporibus dimicantes, miscuere certamina. Nec quisquam procerum ferme hac aut illa ex acie sine vulnere, praeter dictatorem Romanum, excessit. In Postumium, prima in acie suos adhortantem instruentemque, Tarquinius Superbus, quamquam iam aetate et viribus erat gravior, equum infestus admisit: ictusque ab latere, concursu suorum receptus in tutum est. Et ad alterum cornu Aebutius magister equitum in Octavium Mamilium inpetum dederat. Nec fefellit veniens Tusulanum ducem: contra quem et ille concitat equum. Tantaque vis infestis venientium hastis fuit, ut brachium Aebutio trajectum sit, Mamilio pectus percussum. Hunc quidem in secundam aciem Latini recepere. Aebutius, quum fancio brachio tenere telum non posset, pugna excessit. Latinus dux, nihil deterritus vulnere, proelium ciet; et, quia suos perculfos videbat, arcessit cohortem exsulum Romanorum, cui L. Tarquinii filius praererat. Ea, quod majore pugnabat ira ob
crepta

erepta bona patriamque ademtam, pugnam parumper restituit.

XX. Referentibus jam pedem ab ea parte Romanis, M. Valerius, Publicolae frater, conspicatus ferocem juvenem Tarquinium, ostentantem se in prima exsulum acie, domestica etiam gloria adcensus; ut, cuius familiae decus ejecti reges erant, ejusdem interfecti forent, subdit calcaria equo, et Tarquinium infesto spiculo petit. Tarquinius retro in agnient suorum infenso cessit hosti. Valerium, temere invectum in exsulum aciem, ex transverso quidam adortus transfigit: nec quidquam equitis vulnere equo retardato, moribundus Romanus, labentibus super corpus armis, ad terram defluxit. Dictator Postumius, postquam cecidisse talem virum, exsules ferociter citato agmine invehi, suos percussos cedere animadvertisit; cohorti suae, quam delectam manum praesidii causa circa se habebat, dat signum; ut, quem suorum fugientem viderint, pro hoste habeant. Ita metu anticipi versi a fuga Romani in hostem, et restituta acies. Cohors dictatoris tum primum proelium iniit. Integris corporibus animisque fessos adorti exsules caedunt. Ibi alia inter proceres coorta pugna. Imperator Latinus, ubi cohortem exsulum a dictatore Romano prope circumventam vidit, ex subsidiariis manipulos aliquot in primam aciem secum rapit. Hos agmine venientes T. Herminius legatus conspicatus, interque eos insignem veste armisque Mamilius noscitans, tanto vi majore, quam paullo ante magister equitum, cum hostium duce proelium iniit, ut et uno ictu transfixum per latus occiderit Mamilius, et ipse inter spoliandum corpus hostis veruto percussus, quum vitor in castra esset relatus, inter primam curationem;

exspiraverit. Tum ad equites dictator advo-
lat, obtestans, ut, fesso jam pedite, descen-
dant ex equis, et pugnam capeant. Dicto
paruere: desiliunt ex equis, provolant in pri-
mum, et pro antesignanis pa-mas objiciunt.
Recipit extemplo animum pedestris acies,
postquam juvenutis proceres aequato genere
pugnae secum partem periculi sustinentes
vidit. Tum demum impulsi Latini, perculsa-
que inclinavit acies. Equiti admoti equi, ut
persequi hostem posset. Sequuta et pedestris
acies. Ibi, nihil nec divinae nec humanae
opis Dictator praetermittens, aedem Castori
vovisse fertur: ac pronuntiasse militi praemia,
qui primus, qui secundus, castra hostium in-
translet. Tautusque ardor fuit, ut eodem in-
petu, quo fuderant hostem, Romani castra
caperent. Hoc modo ad lacum Regillum
pugnatum est. Dictator et magister equitum
triumphantes in Vrbem rediere.

XXI. Triennio deinde nec certa pax, nec
bellum fuit. Consules Q. Cloelius et T. Lar-
tius. Inde A. Sempronius et M. Minucius.
His consulibus aedes Saturno dedicata: satur-
nalia institutus festus dies. A. deinde Postu-
mius et T. Virginius consules facti. Hoc de-
mum anno ad Regillum lacum pugnatum,
apud quosdam invenio; A. Postumium, quia
conlega dubiae fidei fuerit, se consulatu abdi-
casce; dictatorem inde factum. Tanti errores
implicant temporum, aliter apud alias ordi-
natis magistratibus, ut, nec qui consules se-
cundum quosdam, nec quid quoque anno
actum sit, in tanta vetustate, non rerum mo-
do, sed etiam auctorum, digerere possis. Ap.
Claudius deinde et P. Servilius consules facti.
Insignis hic annus est nuntio Tarquinii mor-
tis. Mortuus est Cumis, quo se post fractas

opes Latinorum ad Aristodemum tyrannum contulerat. Eo nuntio erecti Patres, erecta plebes. Sed Patribus nimis luxuriosa ea fuit laetitia: plebi, cui ad eam diem summa ope inservitum erat, injuriae a primoribus fieri coepere. Eodem anno Signia colonia, quam rex Tarquinius deduxerat, subpleto numero colonorum, iterum deducta est. Romae tribus una et viginti factae. Aedes Mercurii dedicata est idibus Majis.

XXII. Cum Volscorum gente Latino bello neque pax, neque bellum fuerat. Nam et Volsci comparaverant auxilia, quae mitterent Latinis, ni maturatum ab dictatore Romano esset; et maturavit Romanus, ne proelio uno cum Latino Volscoque contendere. Hac ira consules in Volscum agrum legiones duxere. Volscos, consilii poenam non metuentes, nec opinata res perculit. Armorum inmemores obsides dant trecentos principum a Cora atque Pometia liberos. Ita fine certamine inde abductae legiones. Nec ita multo post Volscis levatis metu suum rediit ingenium: rufus occultum parant bellum, Hernicis in societatem armorum adsumis. Legatos quoque ad follicitandum Latium passim dimittunt. Sed reconsens ad Regillum lacum adepta clades Latinos ira odioque ejus, quicumque arma suaderet, ne ab legatis quidem violandis abstinuit. Comprehensos Volscos Romanam duxere. Ibi traditi consulibus. Indicatumque est, Volscos Hernicosque parare bellum Romanis. Relata re ad senatum, adeo fuit gratuum Patribus, ut et captivorum sex millia Latinis remitterent, et de foedere, quod prope in perpetuum negatum fuerat, rem ad novos magistratus rejecerent. Enimvero tunc Latini gaudere facto, pacis auctores in ingenti gloria esse. Coronam

nam auream Jovi donum in Capitolium mitiunt. Cum legatis donoque, qui captivorum remissi ad suos fuerant, magna circumfusa multitudo venit. Pergunt domos eorum, apud quem quisque servierant: gratias agunt, liberaliter habiti cultique in calamitate sua. Inde hospitia jungunt. Numquam alias ante publice privatumque Latinum nomen Romano imperio conjuuetius fuit.

XXIII. Sed et bellum Volscum inminebat, et civitas, secum ipsa discors, intestino inter Patres plebemque flagrabat odio, maxime propter nexos ob aes alienum. Fremebant, se, foris pro libertate et imperio dimicantes, domi a civibus captos et obpresso esse; tutioreaque in bello, quam in pace, inter hostiles, quam inter cives, libertatem plebis esse. Invidiamque eam, sua sponte gliscentem, insignis unius calamitas adcedit. Magno natu quidam cum omnium malorem suorum insignibus se in forum projectit. Obsita erat squalore vestis, foedior corporis habitus pallore ac macie peremti. Ad hoc, promissa barba et capilli effraverant speciem oris. Noscitabatur tamen in tanta deformitate, et ordines duxisse ajebant, aliaque militiae decora vulgo, miserantes eum, jactabant. Ipse, testes honestarum aliquot locis pugnarum, cicatrices adverso pectore ostentabat. Seictantibus unde ille habitus? unde deformitas? quum circumfusa turba esset prope in concionis modum, Sabino bello, ait, se militantem, quia propter populationes agri non fructu modo caruerit, sed villa incensa fuerit, direpta omnia, pecora abacta, tributum iniquo suo tempore imperatum, aes alienum fecisse: id, cumulatum usurpis, primo se agro paterno avitoque exuisse, deinde fortunis aliis: postremo, velut tabem,

pervenisse ad corpus. Ductum se ab creditore, non in servitium, sed in ergastulum et carnificinam esse. Inde ostentare tergum, foedum recentibus vestigiis verberum. Ad haec visa auditaque clamor ingens oritur. Non jam foro se tumultus continet, sed passim totam urbem pervadit. Nexus vineti solutique se undique in publicum proripiunt, implorant Quirium fidem. Nullo loco deest seditionis voluntarius comes. Multis passim agminibus per omnes vias cum clamore in forum curritur. Magno cum periculo suo, qui forte Patrum in foro erant, in eam turbam inciderunt. Nec temperatum manibus foret, ni propere consules, P. Servilius et Ap. Claudius, ad comprimendam seditionem intervenissent. In eos multitudo versa, ostentare vincula sua deformitatemque aliam. Haec se meritos dicere, exprobrantes suam quisque alias alibi militiam. Postulare multo minaciter magis, quam subpliciter, ut senatum vocarent: curiamque ipsi, futuri arbitri moderatoresque publici consilii, circumsistunt. Pauci admodum Patrum, quos casus obtulerat, contracti ad consules: ceteros metus non curia modo, sed etiam foro arcebat. Nec agi quidquam per infrequentiam poterat senatus. Tum vero eludi atque extrahi se multitudine putare; et, Patruini qui abeffent, non casu, non metu, sed impedientes rei causa abesse, et consules ipsos tergiversari; nec dubie ludibrio esse miserias suas. Jam prope erat, ut ne consulum quidem maiestas coerceret iras hominum. Qnum, incerti, morando, an veniendo, plus periculi contraherent, tandem in senatum veniunt: frequentique tandem enria, non modo inter Patres, sed ne inter consules quidem ipsos, satis conveniebat. Appius, vehementis iinge-

nii vir, imperio consulari rem agendam censebat: uno aut altero adrepto, quieturos alios. Servilius, lenibus remediis aptior, concitatos animos flecti, quam frangi, putabat quum tutius, tum facilius, esse.

XXIV. Inter haec major alius terror. Latini equites cum tumultuoso advolant nuntio: *Volscos infesto exereitu ad urbem obpugnandum venire.* Quae audita (adeo duas ex una civitate discordia fecerat) longe aliter Patres ac plebem adsecere. Exsultare gudio plebes; *ultores superbiae Patrum adesse dicere Deos.* Alius alium confirmare, ne nomina darent: cum omnibus potius, quam solos, perituros. Patres militarent, Patres arma caperent, ut penes eosdem pericula belli, penes quos præmia, essent. At vero curia, moesta ac trepidam ancipiti metu et ab cive et ab hoste, Servilium consulem, cui ingenium magis populare erat, orare, ut tantis circumventam terroribus expidiret rem publicam. Tum consul, misso senatu, in concionem prodit. Ibi curae esse Patribus ostendit, ut consulatur plebi. Ceterum deliberationi de maxima quietem illa, sed tamien parte civitatis, metum pro universa re publica intervenisse. Nec posse, quum hostes prope ad portas essent, bello prævertisse quidquam: nec, si sit laxamenti aliquid, aut plebi honestum esse, nisi mercede prius accepta, arma pro patria non cepisse; neque Patribus satis decorum, per metum potius, quam postmodo voluntate, adfletis civium suorum fortunis consuluisse. Concioni deinde edicto, addidit fidem, quo edixit, *Ne quis civem Romanum vincetum aut clausum teneret, quo minus ei nominis edendi apud consules potestas fieret. Ne quis militis, donec in casiris esset, bona possideret, aut venderet: liberos ne-*

potesve ejus moraretur. Hoc proposito edicto; et, qui aderant, nEX profiteri extemplo nomina; et undique ex tota urbe proripientium se ex privato, quum retinenti jus creditori non esset, concursus in forum, ut sacramento dicerent, fieri. Magna ea manus fuit; neque aliorum magis in Volso bello virtus atque opera enituit. Consul copias contra hostem educit. Parvo dirimente intervallo castra ponit.

XXV. Proxima inde nocte Volsci, discordia Romana freti, si qua nocturna transitio proditiove fieri possit, tentant castra. Sensere vigiles: excitatus exercitus, signo dato: concursum est ad arma. Ita frustra id incepsum Volscis fuit. Reliquum noctis utrinque quieti datum. Postero die prima luce Volsci, fossis repletis, vallum invadunt. Jamque ab omni parte minimenta vellebantur, quum consul, quamquam cuncti undique, et nEX ante omnes, ut signum daret, clamabant, experiendi animos militum causa parumper moratus, postquam fatis adparebat ingens ardor, dato tandem ad erumpendum signo, militem avidum certaminis emitit. Primo statim incursu pulsi hostes: fugientibus, quoad insequi pedes potuit, terga caesa: eques usque ad castra pavidos egit. Mox ipsa castra, legionibus circumdatis, quum Volscos inde etiam pavor expulisset, capta direptaque. Postero die ad Suesam Pomietiam, quo confugerant hostes, legionibus ductis, intra paucos dies oppidum capit: captum praedae datum. Inde paulum recreatus egenus miles. Consul cum maxima gloria sua victorem exercitum Romanum reducit. Decedentem Romanum Ecetranorum Volscorum legati, rebus suis timentes post Pomietiam captam, adeunt. His ex senatus consulto data pax, ager ademtus.

XXVI. Confestim et Sabini Romanos territavere: tumultus enim fuit verius, quam bellum. Nocte in urbe nuntiatum est, exercitum Sabinum praedabundum ad Anienem amnem pervenisse. Ibi passim diripi atque incendi villas, Missus extemplo eo cum omnibus copiis equitum A. Postumius, qui dictator bello Latino fuerat. Sequutus consul Servilius cum delecta peditum manu. Plerosque palantes eques circumvenit. Nec advenienti peditum agmini restitit Sabina legio. Fessi, tum itinere, tum populatione nocturna, magna pars in villis repleti cibo vinoque, vix fugae quod satis esset virium habuere. Nocte una auditio perfectoque bello Sabino, postero die, in magna jam spe undique partae pacis, legati Aurunci senatum adeunt, ni decedatur Volscio agro, bellum indicentes. Cum legatis simul exercitus Auruncorum domo profectus erat. Cujus fama, haud procul iam ab Aricia visi, tanto tumultu concivit Romanos, ut nec consuli ordine Patres, nec pacatum responsum arma inferentibus arma ipsi capientes dare possent. Ariciam infesto agmine itur: nec procul inde cum Auruncis signa conlata, proeliisque uno debellatum est.

XXVII. Fusis Auruncis, victor tot intra paucos dies bellis Romanus promissa consulis fidemque senatus exspectabat: quum Appius, et insita superbia animo, et ut conlegae vanam faceret fidem, quam asperrime poterat, jus de creditis pecuniis dicere. Deinceps et, qui ante nexi fuerant, creditoribus tradebantur, et necabantur alii. Quod ubi cui militi inciderat, conlegam adpellabat: concursus ad Servilium siebat, illius promissa jactabant, illi exprobrabant sua quisque belli merita cicatricesque acceptas. Postulabant, ut aut referret

ad senatum, aut ut auxilio esset consul civibus suis, imperator militibus. Movebant consulem haec; sed tergiversari res cogebat. Adeo in alteram causam non conlega solum praeceps ierat, sed omnis factio nobilium. Ita, medium se gerendo, nec plebis vitavit odium, nec apud Patres gratiam inuit. Patres mollem consulem et ambitiosum rati; plebes fallacem. Brevique adparuit, aequasse eum Appii odium. Certamen consulibus inciderat, uter dedicaret Mercurii aedem. Senatus a se rem ad populum rejecit: utri eorum dedicatio jussu populi data esset, eum praeesse annonae, mercatorum conlegium instituere, sollemnia pro pontifice jussit suscipere. Populus dedicacionem aedis dat M. Laetorio, primi pili centurioni: quod facile adpareret, non tam ad honorem ejus, cui curatio altior fastigio suo data esset, factum, quam ad consulum ignominiam. Saevire inde utique consulum alter Patresque. Sed plebi creverant animi; et longe alia, quam primo instituerant, via graffabantur. Desperato enim consulum senatusque auxilio, quum in jus quei debitorem vidissent, undique convolabant. Neque decretum exaudiri consulis prae strepitu et clamore poterat: neque, quum decesset, quisquam obtemperabat. Vi agebatur, metusque omnis et periculum libertatis, quum in conspectu consulis singuli a pluribus violarentur, in credidores a debitoribus verterant. Super haec timor incessit Sabini belli; delectuque decreto, nemo nomen dedit, furente Appio, et infectante ambitionem conlegae; qui populari silentio rem publicam prodieret, et ad id, quod de credita pecunia jus non dixisset, adjiceret, ut ne delectum quidem ex senatus consulto haberet. *Non esse tamen desertam omnino rem publicam, neque projectum*

con-

consulare imperium. Se unum et suae et Patrum majestatis vindicem fore. Quum circumstaret quotidiana multitudo licentia ad sensa, adripi unum insignem ducem seditionum jufsit. Ille, quum a lictoribus jam traheretur, provocavit: nec cessisset provocationi consul, quia non dubium erat populi judicium, nisi aegre victa pertinacia foret, consilio magis et auctoritate principum, quam populi clamore. Adeo supererant animi ad sustinendam invidiā. Crescere inde malum in dies, non clamoribus modo apertis, sed, quod multo perniciōsus erat, secessione occultisque conloquiis. Tandem invisi plebi consules magistratu abeunt, Servilius neutris, Appius Patribus mire gratus,

XXVIII. A. Virginius inde et T. Vetius consulatum ineunt. Tum vero plebes, incerta quales habitura consules esset, coetus nocturnos, pars Esquiliis, pars in Aventino, facere; ne in foro subitis trepidaret consiliis, et omnia temere ac fortuito ageret. Eam rem consules rati, ut erat, pernicioſam, ad Patres deferunt: sed delatam consulere ordine non licuit. Adeo tumultuose excepta est clamoribus undique et indignatione Patrum, si, quod imperio consulari exsequendum esset, invidiā ejus consules ad senatum rejicerent. *Profecto si essent in re publica magistratus, nullum futurum fuisse Romae, nisi publicum, concilium.* Nunc in mille curias concionesque (quum alia in Esquiliis, alia in Aventino fiant concilia) dispersam et dissipatam esse rem publicam. *Vnum, Hercule, virum, (iū enim plus esse, quam consulem) qualis Ap. Claudius fuerit, momento temporis discussurum illos coetus fuisse.* Conrepti consules quum, quid ergo se facere vellent, (nihil enim segnius molliusve, quam

Patribus placeat, acturos) percunctarentur, decernunt, ut delectum quam acerrimum habeant. Otio lascivire plebem. Dimisso senatu, consules in tribunal adscendunt. Citant nominatim iuniores. Qnum ad nomen nemo responderet, circumfusa multitudo in concionis modum negare, *Vltra decipi plebem posse. Numquam unum militem habituros, ni praestaretur fides publica, Libertatem unicuique prius reddendam esse, quam arma danda: ut pro patria civibusque, non pro dominis, pugnent.* Consules, quid mandatum esset a senatu, videbant: sed eorum, qui intra parietes curiae ferociter loquerentur, neminem adesse, invidia suae participem: et adparebat atrox cum plebe certamen. Prius itaque, quam ultima experientur, senatum iterum consulere placuit. Tum vero ad sellas consulum propere convolavere minimus quisque natu Patruin, abdicare consulatum jubentes, et deponere imperium, ad quod tuendum animus decesset.

XXIX. Vtraque re satis experta, tum deum confuses: *Ne prae dictum negetis, Patres conscripti, adest ingens seditio. Positularamus, ut ii, qui maxime ignaviam increpant, adsint nobis habentibus delectum. Acerrimi ejusque arbitrio, quando ita placet, rem agemus.* Redeunt in tribunal; citari nominatim unum ex iis, qui in conspectu erant, dedita opera jument. Qnum staret tacitus, et circa eum aliquot hominum, ne forte violaretur, constitisset globus, lictorem ad eum consules mittunt. Quo repulso, tum vero, *indignum facinus esse, clamitantes, qui Patrum censulibus aderant, devolant de tribunal, ut lictori auxilio essent.* Sed ab lictore, nihil alind quam prehendere prohibito, quum conversus in Patres inpetus esset, consulum intercursu rixa sedata est: in qua

qua tamen, sine lapide, sine telo, plus clamoris atque irarum, quam injuriae, fuerat. Senatus, tumultuose vocatus, tumultuosius consulitur, quaestionem postulantibus iis, qui pulsati fuerant, decernente ferociissimo quoque, non sententiis magis, quam clamore et strepitu. Tandem, quum irae resedissent, exprobrantibus consulibus, nihilo plus sanitatis in curia, quam in foro, esse, ordine consuli coepit. Tres fuere sententiae. P. Virginius rem non vulgabat: *de iis tantum, qui, fidem sequuti P. Servilii consulis, Volso, Aurinco, Sabinoque militassent bello, agendum censebat.* T. Lartius, *Non id tempus esse, ut merita tantummodo exsolverentur. Totam plebem aere alieno demersam esse: nec sisti posse, ni omnibus consulatur.* Quin, si alia aliorum sit conditio, adcedi magis discordiam, quam sedari. Ap. Claudius, et natura inmitis, et effratus hinc plebis odio, illinc Patrum laudibus, *Non miseriis, ait, sed licentia, tautum concitum turbarum; et lascivire magis plebem, quam saevire.* Id adeo malum ex provocatione natum. Quippe minas esse consulum, non imperium; ubi ad eos, qui una peccaverint, provocare liceat. Agedum, inquit, dictatorem, a quo provocatio non est, crecmus. Jam hic, quo nunc omnia ardent, conticescit furor. Pulset tum mihi lictorem, qui sciet, jus de tergo vitaque sua penes unum illum esse, cuius majestatem violavit.

XXX. Multis, ut erat, horrida et atrox videbatur Appii sententia: rursus Virginii Lartiique exemplo haud salubres; utique Lartii putabant sententiam, quae totam fidem tolleret. Medium maxime et moderatum utroque consilium Virginii habebatur. Sed factio-
ne respectuque rerum privatarum, quae semper

per obfecere obficientque publicis consiliis, Appius vicit: ac prope fuit, ut dictator ille idem crearetur. Quae res utique alienasset plebem periculosisimo tempore, quin Volsci Aequique et Sabini forte una omnes in armis essent. Sed curae fuit consulibus et senioribus Patrum, ut imperium, suo vehemens, mansueto permitteretur ingenio. M'. Valerium dictatorem Volefi filium creant. Plebes, et si adversus se creatum dictatorem videbat, tamen, quin provocationem fratris lege haberet, nihil ex ea familia triste nec superbum timebat. Edictum deinde, a dictatore propositum, confirmavit animos, Servilii fere consulis edicto conveniens. Sed et homini et potestati nelius rati credi, omisso certamine nomina dedere. Quantus numquam ante exercitus, legiones decem effectae: ternae inde detae consulibus, quatuor dictator usus. Nec poterat jam bellum differri. Aequi Latinum agrum invaserant. Oratores Latinorum a senatu petebant, ut aut mitterent subsidium, aut se ipfos tuendorum finium causa capere arma sinerent. Tutius visum est, defendi inermes Latinos, quam pati retractare arma. Vetustius consul missus est. Is finis populationibus fuit. Cessere Aequi campis: Iocoque magis, quam armis, freti, summis se jugis montium tutabantur. Alter consul, in Volscos profectus, ne et ipse tereret tempus, vaftandis maxime agris hostem ad conferenda propius castra dimicandunque acie excivit. Medio inter castra campo, ante suum quisque valium, infestis signis constitere. Multitudine aliquantum Volsci superabant. Itaque effusi et contemtim pugnam iniere. Consul Romanus nec promovit aciem, nec clamorem reddi passus, defixis pilis stare suos jussit: ubi ad ma-

manum venisset hostis, tum coortos tota vi
gladiis rem gerere. Volsci, cursu et clamore
fessi, quum se velut stupentibus metu intulif-
fent Romanis, postquam impressionem sensere
ex adverso factam, et ante oculos micare gla-
dios, haud secus, quam si in insidias incidif-
fent, turbati vertunt terga; et ne ad fugam
quidem satis virium fuit, quia cursu in proe-
lium ierant. Romani contra, quia principio
pugnae quieti steterant, vigentes corporibus,
facile adepti fessos, et castra in petu ceperunt,
et, castris exutum hostem Velitras persequunti,
uno agmine victores cum victis in urbem in-
rupere. Plusqae ibi sanguinis, promiscua
omnium generum caede, quam in ipsa dimi-
catione, factum. Paucis data venia, qui iner-
mes in deditioinem venerunt.

* XXXI. Dum haec in Volscis geruntur,
dictator Sabinos, ubi longe plurimum belli
fuerat, fundit, fugatque, exuitque castris.
Equitatu in millo mediam turbaverat hostium
aciem, qua, dum se cornua latius pandunt,
parum apte introrsum ordinibus aciem firma-
verant. Turbatos pedes invasit. Eodem in-
petu castra capta debellatumque est. Post
pugnam ad Regillum lacum non alia illis an-
nis pugna clarior fuit. Dictator triumphans
Vrbem invehitur. Super solitos honores lo-
cus in circo ipsi posterisque ad spectaculum da-
tas; sella in eo loco curulis posita. Volscis
devictis Veliternis ager ademptus: Velitras co-
loni ab Urbe missi et colonia deducta. Cum
Aequis post aliquanto pugiatum est, invito
quidem consule, quia loco iniquo subeundum
erat ad hostes: sed milites, extrahi rem cri-
minantes, ut dictator, priusquam ipsi redi-
rent in Urbem, magistratu abiret, irritaque,
sicut ante consulis, promissa ejus caderent,

per-

perpulere, ut forte temere in adversos montes agmen erigeret. Id male commissum ignavia hostium in bonum vertit: qui, prius quam ad conjectum teli veniretur, obstupefacti audacia Romanorum, relictis castris, quae munitissimis tinnerant locis, in adversas valles defluere: ubi satis praedae et victoria incruenta fuit. Ita trifariam re bello bene gesta, de domesticarum rerum eventu nec Patribus nec plebi cura deceserat. Tanta quum gratia, tum arte praeparaverant feneratores, quae non modo plebem, sed ipsum etiam dictatorem frustrarentur. Namque Valerius, post Vetusii consulis redditum, omnium actionum in senatu primam habuit pro victore populo, retulitque, quid nexit fieri placeret. Quae quum rejecta relatio esset, *Nou placebo*, inquit, *concordiae auctor*. *Optabitis, me Dius fidius, prope diem, ut mei similes Romana plebes patronos habeat*. *Quod ad me adtinet, neque frustrabor ultra cives meos, neque ipse frustra dictator ero*. *Discordiae intestinae, bellum externum fecere, ut hoc magistratu egeret res publica*. *Pax foris parta est, domi impeditur*. *Privatus potius, quam dictator, seditioni interero*. Ita, curia egressus, dictatura se abdicavit. Adparnit causa plebi, suam vicem indignantem magistratu abiisse. Itaque, velut persoluta fide, quoniam per eum non stetisset, quin praestaretur, decadentem domum cum favore ac laudibus prosequuti sunt.

XXXII. Timor inde Patres incessit, ne, si dimissus exercitus foret, rursus coetus occulti coniurationesque fierent. Itaque, quamquam per dictatorem delectus habitus esset, tamen, quoniam in consulum verba jurassent, sacramento teneri militem rati, per causam renovati ab Aequis belli educi ex Urbe legiones

nes jussere. Quo facto maturata est seditio. Et primo agitatum dicitur de consultum caede, ut solverentur sacramento: doctos deinde, nullam scelere religionem exsolvi, Sicinio quodam auctore, iujustu consulum in Sacrum montem secessisse (trans Anienem amnem est) tria ab urbe millia passuum. Ea frequentior fama est, quam, cuius Piso auctor est, in Aventinum secessionem factam esse. Ibi sine ullo duce vallo fossaque communitis castris quieti, rem nullam, nisi necessariam ad victum, sumendo, per aliquot dies, neque lacefitti neque laceffentes, sese tenuere. Pavor ingens in Urbe, metuque mutuo suspensa erant omnia. Timere relicta ab suis plebes violentiam Patrum, timere Patres residem in urbe plebem, incerti, manere eam, an abire mallent. Quam diu autem tranquillam, quae secesserit, multitudinem fore? quid futurum deinde, si quod externum interim bellum existat? nullam profecto, nisi in concordia civium, spem reliquam ducere. Eam per aequa, per iniqua, reconciliandam civitati esse. Placuit igitur oratorem ad plebem mitti Menenium Agrippam, facundum virum et, quod inde oriundis erat, plebi carum. Is, intromitus in castra, prisco illo dicendi et horrido modo nihil aliud, quam hoc, narrasse fertur: *Tempore, quo in homine non, ut nunc, omnia in unum consentiebant, sed singulis membris suum cuique consilium, suus sermo fuerat, indignatas reliquas partes, sua cura, suo labore ac ministerio ventri omnia quaeri: ventrem, in medio quietum, nihil aliud, quam datis voluptatibus frui: conspirasse inde, ne manus ad os cibum ferrent, nec os adciperet datum, nec dentes conficerent. Hac ira, dum ventrem fame domare vellent, ipsa una membra totumque corpus ad extremam tabem*

*tabem venisse. Inde adparuisse, ventris quoque
haud segne ministerium esse: nec magis ali,
quam alere eum, reddentem in omnes corporis
partes hunc, quo vivimus vigemusque, divisum
pariter in venas maturum, confecto cibo, san-
guinem. Comparando hinc, quam intestina
corporis seditio similis esset irae plebis in Pa-
tres, flexisse mentes hominum.*

XXXIII. Agi deinde de concordia coeptum, concessumque in conditiones, ut plebi sui ma-
gistratus essent sacrofani, quibus auxilii la-
tio adversus consules esset; neve cui Patrum
capere eum magistratum liceret. Ita tribuni
plebei creati duo, C. Licinius et L. Albinus.
Hi tres conlegas sibi creaverunt. In his Si-
cinium fuisse, seditionis auctorem: de duobus,
qui fuerint, minus convenit. Sunt, qui duos
tantum in Sacro monte creatos tribunos esse
dicant, ibique sacratam legem latam. Per se-
cessionem plebis Sp. Cassius et Postumus Co-
minius consulatum inierunt. His consulibus
cum Latinis populis ictum foedus. Ad id fe-
riendum consul alter Romae mansit; alter, ad
Volscum bellum missus, Antiates Volscos fun-
dit fugatque: compulso in oppidum Longu-
lam persequutus, moenibus potitur. Inde Po-
lusciam, item Volscorum, cepit: tum magna
vi adortus est Coriolos. Erat tum in castris
inter primores juvenum C. Marcius, ado-
lescens et consilio et manu promptus, cui cognom-
en postea Coriolano fuit. Quum subito exer-
tum Romanum, Coriolos obsidentem, atque
in oppidanos, quos intus clausos habebat, in-
tentum sine ullo metu extrinsecus imminentis
belli, Volcae legiones, profectae ab Antio,
invasissent, eodemque tempore ex oppido
erupissent hostes, forte in statione Marcius
fuit. Is, cum delecta militum manu, non
modo

modo impetum erumpentium retudit, sed per patentem portam ferox intrupit: caedeque in proxima urbis facta, ignem, temere adreptum, inimicentibus imo aedificiis injecit. Clamor inde oppidanorum, mixtus muliebri puerili que ploratu, ad terrorem, ut folet, primo ortu et Romanis auxit animum, et turbavit Volscos, utpote capta urbe, cui ad fereandam opem venerant. Ita fusi Volsci Antiates, Corioli oppidum captum. Tantumque sua laude obstitit famae consulis Marcius, ut, nisi foedus cum Latinis, columnam aeneam insculptum, monimento esset, ab Sp. Cassio uno, quia colega afuerat, iustum, Postumium Cominimum bellum gessisse cum Volscis, memoria cessasset. Eodem anno Agrippa Menenius moritur, vir omni vita pariter Patribus ac plebi carus; post secessionem carior plebi factus. Huic interpreti arbitroque concordiae civium, legato Patrum ad plebem, reductor plebis Romanae in urbem sumitus funeri defuit. Extulit eum plebs sextantibus conlatis in capita.

XXXIV. Consules deinde T. Geganius, P. Minucius facti. Eo anno, quum et foris quieta omnia a bello essent, et domi sanata discordia, aliud multo gravius malum civitatem invasit: caritas priuum annonae, ex incultis per secessionem plebis agris; fames deinde, qualis clausis folet. Ventumque ad interitum servitorum utique et plebis esset, ni consules providissent, dimissis passim ad frumentum coendum, non in Etruriam modo dextris ab Ostia litoribus, laevoque per Volscos mari usque ad Cumas, sed quae situm in Siciliam quoque. Adeo sinitorum odia longinus coegerant indigere auxiliis. Frumentum Cumis quum coemtum esset, naves pro bonis Tarquiniorum ab Aristodeino tyranno, qui

heres erat, retentae sunt. In Volscis Pomptinoque ne^{re} emi quidem potuit: periculum quoque ab inpetu hominum ipsis frumentatoribus fuit. Ex Tuscis frumentum Tiberi venit: eo sustentata est plebs. Incommode bello intam arctis commeatibus vexati forent, ni Volscos, jam moventes arma, pestilentia ingens invalisset. Ea clade conterritis hostium animis, ut etiam, ubi ea remisisset, terrore aliquo tenerentur, et Velitris auxere numerum colonorum Romani, et Norbae in montes novam coloniam, quae arx in Pomptino esset, miserunt. M. Minucio deinde et A. Sempronio consulibus, magna vis frumenti ex Sicilia advecta: agitatumque in senatu, quanti plebi daretur. Multi venisse tempus premendae plebis putabant, recuperandique jura, quae extorta secessione ac vi Patribus essent: in primis Marcius Coriolanus, hostis tribuniciae potestatis, *Si auronam, inquit, veterem volunt, ius pristinum reddant Patribus.* *Cur ego plebejos magistratus, cur Sicinium potentem video, sub jugum missus, tamquam a latronibus redemptus? Egone has indignitates dintius patiar, quam necesse est?* Tarquinium regem qui non tulerim, *Sicinium scram?* Secedat nunc, avocet plebem; patet via in Sacrum montem aliosque colles. Rapiant frumenta ex agris nostris, quemadmodum tertio anno rapuere. *Vt tantur annona, quam furore suo fecere.* Audeo dicere, hoc malo domitos ipsis potius cultores agrorum fore, quam ut armati per secessionem coli prohibeant. Hand tam facile dictu est, faciendinimne fuerit, quam potuisse arbitror fieri, ut, conditionibus laxandi auronam, et tribuniciam potestatem, et omnia invitis jura imposita Patres demerent sibi.

XXXV. Et senatui nimis artrox visa sententia est, et plebeim ira prope armavit. *Fame se jam, sicut hostes, peti; cibo victuque fraudari: peregrinum frumentum, quae sola alimenta ex insperato fortuna dederit, ab ore rapi, nisi C. Marcio vincti dedantur tribuni, nisi de tergo plebis Romanae satisfiat.* Eum sibi carnificem novum exortum, qui aut mori, aut servire jubeat. In exercitum e curia impetus factus esset, ni peropportune tribuni diem dixissent. Ibi ira est subpressa. Se judicem quisque, se dominum vitae necisque inimici factum videbat. Contemtim primo Marcius audiebat minas tribunicias: auxili, non poenae, jus datum illi potestati; plebisque, non Patrum, tribunos esse. Sed adeo infensa erat coorta plebs, ut unius poena defungendum esset Patribus. Restiterunt tamen adversa invidia, usique sunt, qua suis quisque, qua totius ordinis viribus. Ac primo tentata res est, si, dispositis clientibus, absterrendo singulos a coitionibus conciliisque, disjicere rem possent. Vniversi deinde processere, (quidquid erat Patrum, reos diceres) precibus plebein exposcentes; *unum sibi civem, unum senatorem, si innocentem absolvere nollent, pronocente donarent.* Ipse quum die dicta non adesset, perseveratum in ira est. Damnatus absens in Volscos exsulatum abiit, minitans patriae, hostilesque jam tum spiritus gerens. Venientem Volsci benigne excepere; benignusque in dies colebant, quo major ira in suos eminebat, crebraeque nunc querelae, nunc minae percipiebantur. Hospitio utebatur Attii Tulli. Longe is tum princeps Volsci nominis erat, Romanisque semper infestus. Ita quum alterum vetus odium, alterum ira recens stimularet, consilia conferunt de Ro-

mano bello. Haud facile credebant, plebem suam impelli posse, ut toties infeliciter tentata arma caperent. Multis saepe bellis, pestilenta postremo amissa juventute, fractos spiritus esse: arte agendum in exoletto jam vetustate odio, ut recenti aliqua ira exacerbarentur animi.

XXXVI. Ludi sorte ex instauratione magni Romae parabantur. Instaurandi haec causa fuerat. Ludis mane servum quidam pater familiae, nondum commisso spectaculo, sub furca caesum medio egerat circu. Coepti inde ludi, velut ea res nihil ad religionem pertinuisse. Haud ita multo post Ti. Atinio, de plebe homini, somnium fuit. Visus Jupiter dicere, *Sibi ludis praefultatorem displicuisse: nisi magnifice instaurarentur hi ludi, periculum Urbi fore.* Iret, ea consulibus nuntiaret. Quamquam haud sane liber erat religione animus, verecundia tamen maiestatis magistratum timorem vicit, ne in ora hominum pro Indibrio abiret. Magno illi ea cunetatio stetit. Filium namque intra paucos dies amisit. Cujus repentinae cladis ne causa dubia esset, aegro animi eadem illa in somnis obversata species visa est rogitare, *Satim magnam spreti numinis haberet mercedem? majorem instare, nec propere, ac nuntiet consulibus.* Jam praesentior res erat: cunctantem tamen ac prolatantem ingens vis morbi adorta est debilitate subita. Tum enimvero Deorum ira admonuit. Fessus igitur malis practeritis instantibusque, consilio propinquorum exhibito quum visa atque audita, et obversatum toties somno Jovem, minas irasque coelestes, repraesentatas casibus suis, exposuisset; consensu inde haud dubio omnium, qui aderant, in forum ad consules lectica adfertur. Inde in curiam iussu consilium delatus, eadem illa quum Patribus ingen-

genti omniam admiratione enarrasset; ecce aliud miraculum. Qui captus omnibus membris delatus in curiam esset, eum functum officio pedibus suis domum rediisse, traditum memoriae est.

XXXVII. Ludi quam amplissimi ut fierent, senatus decrevit. Ad eos ludos, auctore Attio Tullo, vis magna Volscorum venit. Priusquam committerentur ludi, Tullus, ut domi compositum cum Marcio fuerat, ad consules venit. Dicit esse, quae secreto agere de republica velit. Arbitris remotis, *Invitus*, inquit, *quod sequitur sit, de meis civibus loquor. Non tamen admissum quidquam ab iis crimina- tum venio, sed cautum, ne admittant. Nipio plus, quam velim, nostrorum ingenia sunt mobilia. Multis id cladibus sensimus. Quippe qui non nostro merito, sed vestra patientia, in- colimus simus. Magna hic nunc Volscorum multitudo est. Ludi sunt. Spectaculo intenta civitas erit. Memini, quid per eamdem occa- sionem ab Sabinorum juventute in hac urbe com- missum sit. Horret animus, ne quid inconsulte ac temere fiat. Haec, nostra vestraque causa, prius dicenda vobis, consules, ratus sum. Quod ad me adtinet, extemplo hinc idum abire in animo est, ne cuius facti dictive contagione praesens violer. Haec loquutus abiit. Consu- les quum ad Patres rem dubiam sub auctore certo detulissent, auctor magis, ut sit, quam res, ad praecavendum vel ex supervacuo mo- vit. Factoque senatus consulto, ut urbem ex- cederent Volsci, praecones diuinuntur, qui omnes eos proficisci ante noctem juberent. Ingens pavor primo discurrentes ad suas res tollendas in hospitia perculit. Proficisci- bus deinde indignatio oborta: Se, ut consele- ratos contaminatosque, ab ludis, festis die-*

bus, coetu quodammodo hominum Deorumque, abactos esse.

XXXVIII. Quum prope continuato agmine irent, praegressus Tullus ad caput Ferentinum, ut quisque veniret, primores eorum excipiens, quaerendo indignandoque, et eos ipsos sedulo audientes secunda irae verba, et per eos multitudinem aliam in subjectum viacampum deduxit. Ibi in concionis modum orationem exorsus, *Veteres populi Romani injurias, cladesque gentis Volscorum, ut omnia, inquit, obliviscamini alia, hodiernam hanc contumeliam quo tandem animo fertis, qui per nostram ignominiam ludos commisere? An non sensistis, triumphatum hodie de vobis esse? vos omnibus, civibus, peregrinis, tot fuitimis populis, spectaculo abeuntes fuisse? vestras conjuges, vestros liberos traductos per ora hominum? Quid eos, qui audire vere vocem praeconis? quid, qui vos videre abeuntes? quid eos, qui huic ignominioso agmini fuere obvii, existimasse putatis? nisi aliquod profecto nefas esse, quo, si intersimus spectaculo, violaturi simus ludos, piaculumque merituri: ideo nos ab sede priorum, coetu, concilioque abigi. Quid, deinde? illud non subcurrat, vivere nos, quod maturarimus proficiisci? si hoc profectio, et non fuga est. Et hanc urbem vos non hostium ducitis, ubi, si unum diem morati essetis, moriendum omnibus fuit? Bellum vobis indictum est; magno eorum malo, qui indixere, si viri esitis. Ita et sua sponte irarum pleni, et incitati, domos inde digressi sunt; instigandoque suos quisque populos effecere, ut omne Volscum nomen deficeret.*

XXXIX. Imperatores ad id bellum de omnium populorum sententia lecti Attius Tullus et C. Marcius exful Romanus, in quo ali-

quan-

quanto plus spei repositum. Quam spem nequaquam fecellit: ut facile adpareret, ducibus validiorem, quam exercitu, rem Romanam esse. Circejos profectus, primum colonos inde Romanos expulit, liberisque eam urbem Volscis tradidit. Inde, in Latinam viam transversis tramitibus transgressus, Satricum, Longulam, Poluscam, Coriolos, novella haec Romanis oppida ademit. Inde Lavinium recepit: tune deinceps Corbionem, Vitelliam, Trebiam, Lavicos, Pedum cepit. Postremum ad Vrbem a Pedo dicit; et, ad fossas Cluilias quinque ab Urbe millia passuum castris positis, populatur inde agrum Romanum; custodibus inter populatores missis, qui patriciorum agros intactos servarent: sive infensus plebi magis, sive ut discordia inde inter Patres plebemque oriretur. Quae prolecto orta esset; (adeo tribuni jam feroem per se plebem criminando in primores civitatis instigabant) sed externus timor, maximum concordiae vinculum, quamvis suspectos infenosque inter se jungebat animos. Id modo non conveniebat; quod senatus consulesque nusquam alibi spem, quam in armis, ponebant: plebes omnia, quam bellum, malebat. Sp. Nautius jam et Sex. Furius consules erant. Eos, recensentes legiones, praesidia per muros aliaque, in quibus stationes vigiliasque esse placuerat, loca distribuentes, multitudo ingens pacem poscentium primum seditioso clamore conterruit. Deinde vocare senatum, referre de legatis ad C. Marcium mittendis coegit. Adcepérunt relationem Patres; postquam adparuit, labare plebis animos; missique de pace ad Marcium oratores atrox responsum retulerunt: *Si Volscis ager redderetur, posse agi de pace: si præda belli per otium frui velint, memorēm se et civium*

*civium injuriae, et hospitum beneficii, adnus-
rum, ut adpareat, exilio sibi irritatos, non
fractos, animos esse.* Iterum deinde iidem
missi non recipiantur in castra. Sacerdotes
quoque, suis insignibus velatos, ille subplies
ad castra hostium, traditum est, nihilo magis
quam legatos flexisse animum.

XL. Tum matronae ad Veturiam, ma-
trem Coriolani, Volumniamque uxorem fre-
quentes coeunt. Id publicum consilium, an
muliebris timor fuerit, parum invenio. Per-
vicere certe, ut et Veturia, magno natu mu-
lier, et Volumnia, duos parvos ex Marcio-
ferens filios, secum in castra hostium irent:
et, quam armis viri defendere urbem non pos-
sent, mulieres precibus lacrumisque defenden-
tent. Vbi ad castra ventum est, nuptiatum-
que Coriolano, adesse ingens mulierum agmen,
in primo (ut qui nec publica majestate in le-
gatis, nec in fæcerdotibus tanta obfusa oculis
animoque religione motus esset) multo obsti-
natiior adversus lacrumas muliebres erat. Dein
familiarium quidam, qui insignem moestitia
inter ceteras cognoverat Veturiam, inter nu-
rum nepotesque stantem, *Nisi me frustrantur,*
inquit, *oculi, mater tibi conjuxque et liberi ad-
funt.* Coriolanus, prope ut amens, conser-
natus ab sede sua, quum ferret matri obviae
complexum, mulier in iram ex precibus ver-
fa, *Sine, priusquam complexum adcipio, sciam,*
inquit, *ad hostem, an ad filium, venerim:*
captiva materne casiris tuis sim? In hoc me
longa vita et infelix senecta traxit, ut exsilem
te, deinde hostem viderem? Potuisti populari
hauc terram, quae te genuit atque aluit? Non
*tibi, quamvis infesto animo et minaci pervene-
ras, ingredienti fines ira cecidit? non, quum*
in conspectu Roma fuit, subcurrit, intra illa-
moe-

*moenia domus ac penates mei sunt, mater, con-jux, liberique? Ergo ego nisi peperisse, Roma non obpugnaretur; nisi filium haberem, libera in libera patria mortua essem. Sed ego nihil jam pati, nec tibi turpis quam mihi miserius, possum: nec, ut sim miserrima, diu futura sum. De his videris: quos, si pergis, aut immatura mors, aut longa servitus manet. Vxor deinde ac liberi amplexi: fletusque ab omni turba mulierum ortus, et comploratio sui patriaeque, fregere tandem viram. Complexus inde suos dimittit: ipse retro ab urbe castra movit. Abductis deinde legionibus ex agro Romano, invidia rei obpresso periisse tradunt; alii alio ieto. Apud Fabium, longe antiquissimum auctorem, usque ad senectudem vixisse eundem invenio. Refert certe, hanc saepè eum exacta aetate usurpasse vocem, *Multo miserius seni exsiliū esse.* Non inviderunt laudes suas mulieribus viri Romani. Adeo sine obtrectatione gloriae alienae vivebatur. Monimento quoque quod esset, templum Fortunae Muliebri aedicatum dedicatumque est. Rediere deinde Volsci, adjunctis Aequis, in agrum Romanum. Sed Aequi Attium Tullum haud ultra tulere ducem. Hinc ex certamine, Volsci Aequine imperatorem coniuncto exercitui darent, sedilio, deinde atrox proelium ortum. Ibi fortuna populi Romani duos hostium exercitus, haud minus perniciose quam pertinaci certamine, consecit, Consules T. Sicinius et C. Aquillius. Sicinius Volsci, Aquillio Hernici (nam ii quoque in armis erant) provincia evenit. Eo anno Hernici devicti: cum Volscis aequo Marte discessum est.*

XLI. Sp. Cassius deinde et Proculus Virginius consules facti. Cum Hernicis foedus

ictum: agri partes duae ademtae. Inde dimidium Latinis, dimidiom plebi divisurus consul Cassius erat. Adjiebat huic muneri agri aliquantum, quem publicum possideri a privatis criminabatur. Id multos quidem Patrum, ipsos possessores, periculo rerum suarum terrebat. Sed et publica Patribus sollicitudo inerat, largitione consulem periculosas libertati opes struere. Tum primum lex agraria promulgata est; numquam deinde usque ad hanc memoriam sine maximis motibus rerum agitata. Consul alter largitioni resistebat, auctoribus Patribus, nec omni plebe adversante: quae primo coepérat fastidire, munus vulgatum a civibus ille in socios. Saepe deinde et Virginium consulem in concionibus velut vaticinantem audiebat, *Pestilens conlegae munus esse. Agros illos servitutem iis, qui adceperint, laturos. Regno viam fieri. Quid ita enim adsumi socios et nomen Latinum? Quid adiunisse, Hernicis, paullo ante hostibus, capti agri partem tertiam reddi, nisi ut haec gentes pro Coriolano duce Cassum habeant?* Popularis jam esse disfusor et intercessor legis agrariae cooperat. Vterque deinde consul certatim plebi indulgere. Virginius dicere, passum fe adsignari agros, dum ne cui, nisi civi Romano, adsignentur. Cassius, quia in agraria largitione ambitiosus in socios, eoque civibus vilior erat, ut alio munere sibi reconciliaret civium animos, jubere, pro Siculo frumento pecuniam acceptam retribui populo. Id vero hand fecus, quam praefentem mercedem regni, adsperrnata plebes. Adeo propter suspicionem infitam regni, velut abundarent omnia, munera ejus in animis hominum respuebantur. Quem, ubi primum magistratu abiit, damnatum necatumque constat. Sunt, qui

qui patrem auctorem ejus supplicii ferant: eum, cognita domi causa, verberasse ac necasse, peculiumque filii Cereri consecravisse. Signum inde factum esse, et inscriptum, EX CASSIA FAMILIA DATUM. Invenio apud quos-dam, idque proprius fidem est, a quaestoribus K. Fabio et L. Valerio dieni dictam perduellionis, damnatumque populi judicio: dirutas publice aedes. Ea est area ante Telluris aedem. Ceterum sive illud domesticum, sive publicum fuit judicium, damnatur Ser. Cornelio, Q. Fabio consulibus.

XLII. Haud diuturna ira populi in Cassium fuit. Dulcedo agrariae legis ipsa per se, demto auctore, subibat animos: ad censaque ea cupiditas est malignitate Patrum; qui, devictis eo anno Volscis Aequisque, militem praeda fraudavere. Quidquid captum ex hostibus est, vendidit Fabius consul, ac redegit in publicum. Invisum erat Fabium nomen plebi propter novissimum consulem: tenuere tamen Patres, ut cum L. Aemilio K. Fabius consul crearetur. Eo infestior facta plebes seditione domestica bellum externum excivit: bello deinde civiles discordiae intermissae. Vno animo Patres ac plebes rebellantes Volscos et Aequos, duce Aemilio, prospera pugna vicere. Plus tamen hostium fuga, quam proelium, absunxit. Adeo pertinaciter fusos inseparati sunt equites. Castoris aedes eodem anno Idibus Quintilibus dedicata est. Vota erat Latino bello, Postumio dictatore. Filius ejus, duumvir ad id ipsum creatus, dedicavit. Sollicitati et eo anno sunt dulcedine agrariae legis animi plebis. Tribuni plebis popularem potestatem lege populari celebrabant. Patres, satis superque gratuiti furoris in multitudine credentes esse, largitiones temeritatisque invitav-

vitamenta horrebant. Acerfimi Patribus ducēs ad resistendum consules fuere. Ea igitur pars rei publicae vicit. Nec in praesens modo, sed in venientem etiam aenum M. Fabium Kaeponis fratrem, et magis in visum alterum plebi, ad cūsatione Sp. Caſſii, L. Valerium consules dedit. Certatum eo quoque anno cum tribunis est. Vana lex, vanique legis auctores, jactando in ritu mūnus, facti. Fabium inde nomen ingens post tres continuos confūtatus, unoque velut tenore omnes expertos tribuniciis certaminibus, habitum. Itaque, ut bene locatus, manſit in ea familia aliquamdiu honos. Bellum inde Vejens initum; et Volsci rebellarunt. Sed ad bella externa prope supererant vires: abutebanturque iis inter se metiſſos certando. Adcessere ad aegras Jain omnium mentes prodigia coelestia, prope quotidiani in urbe agrisque ostentantia minas, Motique ira numinis causam nullam aliam vates canebant, publice privatimque, nunc extis, nunc per aves, consulti, quam haud rite sacra fieri. Qui terrores tamen eo evaserent, ut Oppia, virgo Vestalis, damnata incesti poenas dederit.

XLIII. Q. Fabius inde et C. Julius consules facti. Eo anno non sēgnior discordia domi, et bellum foris atrocius fuit. Ab Aequis arina sumta. Vejentes agrum quoque Romanorum populantes inierunt. Quorum bellorum crescente cura, K. Fabius et Sp. Furius consules sunt. Ortonam, Latinam urbem, Acqui ob pugnabant. Vejentes, plenijani populationum, Romanam ipsam se ob pugnatores minabantur. Qui terrores, quinū compescere deberent, auxere insuper animos plebis: redibatque non sua sponte plebi mos detrectandi militiam. Sed Sp. Licinius tribunus plē-

plebis, vénisse tempus ratus per ultimam necessitatem legis agrariae Patribus injungenda, suscepereat rem militarem impediendam. Ceterum tota invidia tribuniciae potestatis versa in auctorem est: nec in eum consules acrius, quam ipsius ejus conlegae, coorti sunt: auxilioque eorum delectum consules habent. Ad duo simul bella exercitus scribitur. Ducendus Fabio in Aequos, in Vejentes Furio datur. Et in Vejentibus quidem nihil dignum memoria gestum est. Fabio aliquanto plus negotii cum civibus, quam cum hostibus, fuit. Unus ille vir ipse consul rem publicam sustinuit, quam exercitus odio consulis, quantum in se fuit, prodébat. Nam quum consul, praeter ceteras imperatorias artes, quas parando gerendoque bello edidit plurimas, ita instruxisset aciem, ut, solo equitatu emisso, exercitum hostium funderet, insequi fusos pedes noluit. Nec illos, et si non adhortatio invisi ducis, suum saltem flagitium et publicum in praesentia dedecus, postmodo periculum, si animus hosti redisset, cogere potuit gradum adcelare; aut, si aliud nihil, instare instructos. Injussu signa referunt, moestique, (crederes victos) exsecrantes nunc imperatorem, nunc navatam ab equite operam, redeunt in castra. Nec huic tam pestilenti exemplo remedia ulla ab imperatore quaesita sunt. Adeo excellentibus ingeniosis citius defuerit ars, qua civem regant, quam qua hostem superent. Consul Romanum rediit, non tam belli gloria aucta, quam irritato exacerbatoque in se militum odio. Obtinuere tamen Patres, ut in Fabia gente consulatus maneret. M. Fabium consulem creant: Fabio conlega Cn. Manlius datnr.

XLIV. Et hic annus tribuum auctorem legis agrariae habuit. Ti. Pontificius fuit.

Is, eamdem viam, velut processisset Sp. Licinio, ingressus, delectum paullisper impediit. Perturbatis iterum Patribus, Ap. Claudius, *Victam tribuniciam potestatem*, dicere, priore anno; *in praesentia re ipsa, exemplo in perpetuum*: quando inventum sit, suis ipsam viribus dissolvi. Neque enim umquam defuturum, qui et ex conlega victoriam sibi, et gratiam melioris partis bono publico velit quae sitam. Et plures, si pluribus opus sit, tribunos ad auxilium consulum paratos forc; et unum vel adversus omnes satis esse. Darent modo et consules et primores Patrum operam, ut, si minus omnes, aliquos tamen ex tribunis reipublicae ac senatu conciliarent. Praeceptis Appii moniti Patres, et universi comiter ac benigne tribunos adpellare; et consulares, ut cuique privatim aliquid juris adversus singulos erat, partim gratia, partim auctoritate, obtinere, ut tribuniciae potestatis vires salubres vellent rei publicae esse. Quatuorque tribunorum adversus unum moratorem publici commodi auxilio delectum consules habent. Inde ad Vejens bellum profecti; quo undique ex Etruria auxilia convenerant, non tam Vejentium gratia concitata, quam quod in spem ventum erat, discordia intestina dissolvi rem Romanam posse. Principesque in omnium Etruriae populorum conciliis fremebant, *Aeternas opes esse Romanas, nisi inter se met ipsi seditionibus saeviant.* Id unum venenum, eam labem civitatibus opulentis repartam, ut magna imperia mortalia essent. Diu sustentatum id malum, partim Patrum consiliis, partim patientia plebis, jam ad extrema venisse. Duas civitates ex una factas: suas cuique parti magistratus, suas leges esse. Primum in delictibus saevire solitos; eosdem in bello tamen paruisse ducibus. Qualicumque urbis

bis statu, manente disciplina militari, sisli potuisse: jam non parendi magistratibus morem in castra quoque Romanum militem sequi. Proximo bello in ipsa acie, in ipso certamine, consensu exercitus traditam ultro victoriam victis Aequis: signa deserta, imperatorem in acie relictum, injussu in casira redditum. Profecto, si insletur, suo milite vinci Romam posse. Nihil aliud opus esse, quam indici ostendique bellum: cetera sua sponte fata et Deos gesiuros. Ea spes Etruscos armaverat, multis in vicem eafibus victos victoresque.

XLV. Consules quoque Romani nihil praeterea aliud, quam suas vires, sua arma, horrebant: memoria pessimi proximo bello exempli terrebat, ne rem committerent eo, ubi duae simul acies timendaे essent. Itaque castris se tenebant, tam ancipiti periculo aversi. Diem tempusque forsitan ipsum lenitatum iras, sanitatemque animis adlaturum. Vejens hostis Etrusci que eo magis præpropere agere; lassere ad pugnam: primo obequitando castris provocandoque; postremo, ut nihil movebant, qua consules ipsos, qua exercitum increpando: *Similationem intestinæ discordiae remedium timoris inventum: et consules magis non confidere, quam non credere, suis militibus. Novum seditionis genus, silentium otiumque inter armatos.* Ad haec in novitatemi generis originisque, qua falsa, qua vera, jacere. Haec, quum sub ipso vallo portisque streperent, haud aegre consules pati. At imperitae multitudinis nunc indignatio, nunc pudor, peccora versare, et ab intestinis avertere malis: nolle inultos hostes, nolle successum, non Patribus, non consulibus: externa et domestica odia certare in animis. Tandem superant externa. Adeo superbe insolenterque hostis elu-debat.

debat. Frequentes in praetorium conveniunt, posseunt pugnam, postulant, ut signum detur. Consules, velut deliberabundi, capita conferunt, dum conloquuntur. Pugnare cupiebant; sed retro revocanda et abdenda cupiditas erat, ut adversando remorandoque incitato semel militi adderent impetum. Redditur responsus, immaturam rem agi, nondum tempus pugnae esse: castris se tenerent. Edicunt inde, ut abstineant pugna. Si quis injussu pugnaverit, ut in hostem animadversuros. Ita dimis- sis, quo minus consules velle credunt, crescit ardor pugnandi. Adecedunt insuper hostes ferocius multo, ut statuisse non pugnare consules cognitum est. Quippe in pane se insultatu- ros: non credi militi arma. Rem ad ultimum seditionis erupturam, finemque venisse Romanorum imperio. His freti obcurvant portis, ingerunt probra, aegre abstinent, quin castra obpugnent. Enim vero non ultra contumeliam pati Romanus posse. totis castris undique ad consules curritur. Non jam sensim, ut ante, per centurionum principes postulant; sed passim omnes clamoribus agunt. Matura res erat; tergiversantur tamen. Fabius deinde, ad crescentem tunultu jam metum seditionis conlega concedente, quum silentium classico fecisset; *Ego iſlos, Cn. Mauli, posse vincere scio; velle ne scirem, ipsi fecerunt.* Itaque cer- tum atque decretum est, non dare signum, nisi, victores se reddituros ex hac pugna, jurant. Consulem Romanum miles semel in acie fecellit; Deos numquam fallet. Centario erat M. Fla- volejus, inter primores pugnae flagitator. Vi- citor, inquit, *M. Fabi, revertar ex acie.* Si fallat, Jovem patrem, Gradivumque Martem, aliosque iratos invocat Deos. Idem deinceps omnis exercitus in se quisque jurat. Juratis datur

datur signum, arma capiunt; eunt in pugnam, irarum speique pleni. Nunc jubent Etruscos probra jacere, nunc armatis sibi quisque lingua promptum hostem obferri. Omnium illo die, qua plebis, qua Patrum, eximia virtus fuit. Fabium nomen, Fabia gens maxime enituit. Multis civilibus certaminibus infenos plebis animos illa pugna sibi reconciliare statuunt. Instruitur acies: nec Vejens hostis Etruscaeque legiones detrectant.

XLVI. Prope certa spes erat, non magis secum pugnaturos, quam pugnaverint cum Aequis. Majus quoque aliquod, in tam inritatis animis et occasione aincipiti, haud desperandum esse facinus. Res aliter longe evenit. Nam non alio ante bello infestior Romanus (adeo hinc contumeliis hostes, hinc consules mora exacerbaverant) proelium iniit. Vix explicandi ordinis spatium Etruscis fuit, quum, pilis inter primam trepidationem abjectis temere magis, quam emissis, pugna jam in manus, jam ad gladios, ubi Mars est atrocissimus, venerat. Inter primores genus Fabium insigne spectaculo exemploque civibus erat. Ex his Q. Fabium, (tertio hic anno ante consul fuerat) principem in confertos Vejentes euntem, ferox viribus et armorum arte Tuscus, incatum inter multas versantem hostium manus, gladio per pectus transfigit. Telo extacto, praeceps Fabius in vulnus abiit. Sensit utraque acies unius viri casum, cedebatque inde Romanus: quum M. Fabius consul transfiluit jacentis corpus, objectaque parma, *Hoc jurastis, inquit, milites, fugientes vos in castra redituros?* Adeo ignavissimos hostes magis timetis, quam Jovem Martemque, per quos jurastis? At ego injuratus aut victor revertar, aut prope te hic, Q. Fabi, dimicans cadam. Con-

suli tum K. Fabius prioris anni consul, *Verbisne istis, frater, ut pugnent, te impetraturum credis?* *Dii impetrabunt, per quos juravere.* *Et nos, ut decet proceres, ut Fabio nomine est dignum, pugnando potius, quam adhortando, ascendamus militum animos.* Sic in primum infestis hastis provolant duo Fabii, totamque moverunt secum aciem.

XLVII. Proelio ex parte una restituto, nihil segnius in altero cornu Cn. Manlius consul pugnam ciebat: ubi prope similis fortuna est versata. Nam ut altero in cornu Q. Fabium, sic in hoc ipsum consulem Manlium, jam velut fusos agentem hostes, et in pigre milites sequuti sunt; et, ut ille gravi vulnera ictus ex acie cessit, imperfectum rati, gradum retulere. Cessissentque loco, ni consul alter, cum aliquot turmis equitum in eam partem citato equo advectus, vivere clamitans conlegam, se victorem suo altero cornu adesse, rem inclinatam sustinuisse. Manlius quoque ad restituendam aciem se ipse coram obfert. Duorum consulium cognita ora ascendunt militum animos. Simul et vanior jam erat hostium acies, dum, abundante multitudine fretri, subtracta subsidia mittunt ad castra oppugnanda. In quae haud magno certamine impetri facto, dum praedae magis, quam pugnae, memores terunt tempus; triarii Romani, qui primam inruptionem sustinere non potuerant, missis ad consules nuntiis, quo loco res essent, congregati ad praetorium redeunt, et sua sponte ipsi proelium renovant: et Manlius consul, revectus in castra, ad omnes portas milite obposito, hostibus viam clauserat. Ea desperatio Tuscis rabiem magis, quam audaciam, ascendit. Nam quum incurantes, quacumque exitum ostenderet spes, vane

vano aliquoties in petu issent; globus juvenum unus in ipsum consulem insignem armis invadit. Prima excepta a circumstantibus tela. Sustineri deinde vis nequit. Consul mortifero vulnere ictus cadit, fusique circa omnes. Tuscis crescit audacia. Romanos terror per tota castra trepidos agit. Et ad extrema ventum foret, ni legati, rapto consulis corpore, patefecissent una porta hostibus viam. Ea erumpunt; consternatoque agmine abeuntes in victorem alterum incident consulem. Ibi iterum caesi fusique passim. Victoria egregia parta, tristis tamen duobus tam claris funeribus. Itaque consul, decernente senatu triumphum, *Si exercitus sine imperatore triumphare possit, pro eximia eo bello opera facile passum*, respondit: *se, familia funesia Q. Fabii fratris morte, re publica ex parte orba consule altero amissio, publico privatoque deformem luctu lauream non adcepturnum.* Omni acto triumpho depositus triumphus clarior fuit. Adeo spreta in tempore gloria interdum cumulatior redit. Funera deinde duo deinceps conlegae fratribusque ducit. Idem in utroque laudator, quum, concedendo illis suas laudes, ipse maximani partem earum ferret. Neque immemor ejus, quod initio consulatus inbiberrat, reconciliandi animos plebis, saucios milites curandos dividit Patribus. Fabiis plurimi dati: nec alibi majore cura habiti. Inde populares jam esse Fabii: nec hoc ulla, nisi salubri rei publicae, arte.

XLVIII. Igitur non patrum magis, quam plebis, studiis K. Fabius cum T. Virginio consul factus, neque bella, neque delectus, neque ullam aliam priorem curam agere, quam ut, jam aliqua ex parte inchoata concordiae spe, primo quoque tempore cum Patribus co-

lescerent animi plebis. Itaque principio anni censuit, priusquam quisquam agrariae legis auctor tribunus exsisteret, occuparent Patres ipsi suum munus facere: captiuum agrum plebi quam maxime aequaliter darent. Verum esse, habere eos, quorum sanguine ac sudore partus sit. Adspersi Patres sunt: questi quoque quidam, nimia gloria luxuriare et evanescere vividum quondam illud Kaesonis ingenium. Nullae deinde urbanae factiones fuere. Vexabantur incursionibus Aequorum Latini. Eo cum exercitu Kaeso missus, in ipsorum Aequorum agrum depopulandum transit. Aequi se in oppida receperunt, murisque se tenebant: eo nulla pugna memorabilis fuit. At a Vejente hoste clades accepta temeritate alterius consulis. Actumque de exercitu foret, ni K. Fabius in tempore subsidio venisset. Ex eo tempore neque pax neque bellum cum Vejentibus fuit; res proxime formam latrocinii venerat. Legionibus Romanis cedebant in urbem. Vbi abductas senferant legiones, agros incurvabant; bellum quiete, quietem bello in vicem eludentes. Ita neque omitti tota res, nec perfici poterat. Et alia bella aut praesentia instabant, ut ab Aequis Volscisque, non diutius, quam recens dolor proximae clavis transiret, quiescentibus: aut mox moturos se adparebat Sabinos semper infestos, Etruriamque omnem. Sed Vejens hostis, adsiduus magis, quam gravis, contumeliis saepius, quam periculo, animos agitabat: quod nullo tempore negligi poterat, aut averti alio sinebat. Tum Fabia gens senatum adiit. Consul pro gente loquitur: *Adsiduo magis, quam magno, praesidio, ut scitis, Patres conscripti, bellum Vejens eget. Vos alia bella curate: Fabios hostes Vejentibus date. Auctores sumus; tutam*

tutam ibi maiestatem Romani nominis fore. Nostrum id nobis velut familiare bellum, privato sumtu gerere in animo est. Res publica et milite illic et pecunia vacet. Gratiae ingentes actae. Consul e curia egressus, comitante Fabiorum agmine, qui in vestibulo curiae, senatus consultum exspectantes, steterant, dominum rediit. Jussi armati postero die ad lumen consulis adesse, domos inde discedunt.

XLIX. Manat tota urbe rumor: Fabios ad coelum lanibus ferunt. Familiam unam subisse civitatis onus: Vejens bellum in privatam curam, in privata arma versum. Si sint duas roboris ejusdem in urbe gentes; deposcant, haec Volscos sibi, illa Aequos: populo Romano tranquillam pacem agente, omnes finitimos subigi populos posse. Fabii postero die arma capiunt. Quo jussi erant, conveniunt. Consul, paludatus egrediens, in vestibulo gentem omnem suam instructo agmine videt. Adeptus in medium, signa ferri jubet. Numquam exercitus neque minor numero, neque clarior fama et admiratione hominum, per urbem incessit. Sex et trecenti milites, omnes patricii, omnes unius gentis, quorum neminem ducem sperneret egregius quibuslibet temporibus senatus, ibant, unius familiae viribus Vejenti populo pestem minitantes. Sequebatur turba, propria alia cognatorum fodaliisque, nihil medium, nec spem, nec curam, sed immensa omnia volventium animo; alia publica, sollicitudine excitata, favore et admiratione stupens. *Ire fortes, ire felices* jubent, *inceptis eventus pares reddere: consularius inde ac triumphos, omnia præmia ab se, omnes honores sperare.* Praetereuntibus Capitolium arcemque et alia templa, quidquid Deorum oculis, quidquid animo obcurrit.

· precantur, ut illud agmen faustum atque felix
 mittant, sospites brevi in patriam ad parentes
 restituant. Incassum missae preces. Infelici
 via dextro Jano portae Carmentalis profecti,
 ad Cremeram flumen pervenient. Is oppor-
 tunus visus locus communiendo praesidio. L.
 Aemilius inde et C. Servilius consules facti.
 Et, donec nihil aliud quam in populationibus
 res fuit, non ad praefidium modo tutandum
 Fabii satis erant, sed tota regione, qua Tusci
 ager Romano adjacet, sua tuta omnia, infesta
 hostium, vagantes per utrumque finem, fe-
 cere. Intervallum deinde haud magnum po-
 pulationibus fuit: dum et Vejentes, adito ex
 Etruria exercitu, praefidium Cremerae ob-
 pugnant; et Romanae legiones, ab L. Aemi-
 lio Consule adductae, cominus cum Etruscis
 dimicant acie. Quamquam vix dirigendi aciem
 spatium Vejentibus fuit. Adeo inter primam
 trepidationem, dum post signa ordines in-
 troeunt, sublidaque locant, inventa subito ab
 latere Romana equitum ala, non pugnae mo-
 do incipiendae, sed consistendi, ademit locum.
 Ita, fusi retro ad saxa Rubra, (ibi castra ha-
 bebant) pacem subplices petunt. Cujus inpe-
 tratae, ab insita animis levitate, ante deduc-
 tum Cremera Romanum praefidium, poe-
 nituit.

L. Rursus cum Fabiis erat Vejenti popu-
 lo, sine ullo majoris belli adparatu, certa-
 men: nec erant incursions modo in agros,
 aut subiti impetus incursantium, sed aliquoties
 aequo campo conlatisque signis certatum.
 Gensque una populi Romani saepe ex opulen-
 tissima, ut tum res erant, Etrusca civitate vi-
 ctiorem tulit. Id primo acerbum indignum-
 que Vejentibus visum. Inde consilium ex re-
 natum insidiis ferocem hostem caplandi: gau-
 dere

dere etiam, multo subcessu Fabiis audaciam crescere. Itaque et pecora praedantibus aliquoties, velut casu incidunt, obviam acta: et agrestium fuga vasti relictus agri: et subsidia armatorum, ad arcendas populationes missa, saepius simulato, quam vero, pavore refuge-
runt. Jamque Fabii adeo contemserant ho-
stem, ut sua invicta arma neque loco neque
tempore ullo crederent sustineri posse. Haec
spes provexit, ut ad conspecta procul a Cre-
mera magno campi intervallo pecora (quam-
quam rara hostium adparebant arma) decurre-
rent. Et quum improvidi effuso cursu insidias
circa ipsum iter locatas superassent, palatique
passim vaga, ut fit pavore injecto, raperent
pecora; subito ex insidiis consurgitur, et ad-
versi et undique hostes erant. Primo clamor
circumlatus exterruit, dein tela ab omni parte
adcidebant. Coeuntibusque Etruscis, jam con-
tienti agmine armatorum septi, quo magis se
hostis inferebat, cogebantur breviore spatio et
ipsi orbem conligere. Quae res et paucitatem
eorum insignem, et multitudinem Etrusco-
rum, multiplicatis in arto ordinibus, faciebat.
Tum, omissa pugna, quam in omnes partes
parem intenderant, in unum locum se omnes
inclinant. Eo nisi corporibus armisque, ru-
pere cuneo viam. Duxit via in editum leni-
ter collem. Inde primo restitere. Mox, ut
respirandi superior locus spatium dedit, reci-
piendique a pavore tanto animum, pepulere
etiam subeuntes: vicebatque auxilio loci pau-
citas, hi jugo circummissus Vejens in verti-
cem collis evallisset. Ita superior rursus hostis
factus. Fabii caesi ad unum omnes, praedi-
diumque expugnatum. Trecentos sex perisse
satis convenit: unum prope puberem aetate
relictum, stirpem genti Fabiae, dubiisque re-
bus

bus populi Romani saepe domi bellique vel maximum futurum auxilium.

LI. Quum haec adcepit clades esset, jam C. Horatius et T. Menenius consules erant. Menenius adversus Tuscos victoria elatos confestimi missus. Tum quoque male pugnatum est, et Janiculum hostes occupavere: obsessa que urbs foret, super bellum annona premente, (transierant enim Etrusci Tiberim) ni Horatius consul ex Volscis esset revocatus: adeoque id bellum ipsis instituit moenibus, ut primo pugnatum ad Spei sit aequo Marte, iterum ad portam Collinam. Ibi quamquam parvo momento superior Romana res fuit, meliorem tamen militem, recepto pristino animo, in futura proelia id certamen fecit. A. Virginius et Sp. Servilius consules fiunt. Post acceptam proximam pugnae cladem Vejentes abstinuere acie. Populationes erant, et velut ab arce Janiculi passim in Romanum agrum inpetus dabant. Non usquam pecora tuta, non agrestes erant. Capti deinde eadem arte sunt, qua ceperant Fabios. Sequuti dedita opera passim ad inlecebras propulsa pecora, praecipitavere in insidias. Quo plures erant, major caedes fuit. Ex hac clade atrociora majoris cladi causa atque initium fuit. Trajecto enim nocte Tiberi, castra Servilii consulis adorti sunt obpugnare. Inde fusi magna caede in Janiculum se aegre receperunt. Confestim consul et ipse transit Tiberim, castra sub Janiculo communit. Postero die, luce orta, nonnihil et hesterna felicitate pugnae ferox, magis tamen, quod inopia frumenti, quamvis in praecipitia, dum celeriora essent, agebat consilia, temere adverso Janiculo ad castra hostium aciem erexit, foediusque inde pulsus, quam pridie pepulerat, interventu-

con-

conlegae ipse exercitusque ejus est servatus. Inter duas acies Etrusci, quum in vicem his atque illis terga darent, obcidione obcisi. Ita obpresso temeritate felici Vejens bellum.

LII. Vrbi cum pace laxior etiam annonā rediit, et advecto ex Campania frumento, et, postquam timor sibi cuique futurae inopiae abiit, eo, quod abditum fuerat, prolato. Ex copia deinde otioque lascivire rursus animi; et pristina mala, postquam foris deerant, domi quaerere. Tribuni plebem agitare suo veneno, agraria lege; in resistentes incitare Patres, nec in universos modo, sed in singulos. Q. Considius et T. Genucius, auctores agrariae legis, T. Menenio diem dicunt. Invidiae erat amissum Cremerae praesidium, quum haud procul inde stativa consul habuisset. Eum obpresserunt. Quum et Patres haud minus, quam pro Coriolano, adnisi essent, et patris Agrippae favor haud dum exolevisset; in multa temperarunt tribuni. Quum capitis anquisissent, duo millia aeris damnato mulctam dixerunt. Ea in caput vertit. Negant tulisse ignominiam aegritudinemque; inde morbo absuntum esse. Alius deinde reus Sp. Servilius, ut consulaū abiit, C. Nautio et P. Valerio consulibus, initio statim anni, ab L. Caedicio et T. Statio tribunis die dicta, non, ut Menenius, precibus suis aut Patrum, sed cum multa fiducia innocentiae gratiaeque, tribunicios inpetus tulit. Et huic proelium cum Tuscis ad Janiculum erat criminis. Sed fervidi animi vir, ut in publico periculo ante, sic tum in suo, non tribunos modo, sed plebem, oratione feroci refutando, exprobrandoque T. Menenii damnationem mortemque, (cujus patris munere restituta quondam plebs eos ipsos, quibus tum saeviret, magistratus, eas leges

haberet) periculum audacia discussit. Juvit et Virginius conlega, testis productus, participando laudes: magis tamen Menenianum (adeo mutaverant animum) profuit judicium.

LIII. Certamina domi finita. Vejens bellum exortum; quibus Sabini arma conjunxerant. P. Valerius consul, ad citis Latinorum Hernicorumque auxiliis, cum exercitu Vejos missus, castra Sabina; quae pro moenibus sociorum locata erant, confestim adgreditur; tantamque trepidationem injecit, ut, dum dispersi alii alia manipulatim excurrunt ad arceniam hostium viam, ea porta, cui signum primum intulerat, caperetur. Intra vallum deinde caedes magis, quam proelium, esse. Tumultus e castris et in urbem penetrat. Tamquam Vejis captis, ita pavidi Vejentes ad arima currunt. Pars Sabinis eunt subfido; pars Romanos, toto in petu intentos in castra, adoriantur. Paullisper aversi turbatique sunt. Deinde et ipsi utroque versis signis resistunt: et eques, ab consule inmissus, Tuscos fundit fugatque. Eademque hora duo exercitus, duae potentissimae et maximae finitimae gentes superatae sunt. Dum haec ad Vejos geruntur, Volsci Aequique in Latino agro posuerant castra, populatique fines erant. Eos per se ipsi Latini, adsumtis Hernicis, sine Romano aut duce aut auxilio, castris exuerunt. Ingenti praeda, praeter suas recuperatas res, potiti sunt. Missus tamen ab Roma consul in Volscos C. Nautius. Mos, credo, non placebat, sine Romano duce exercituque socios propriis viribus consiliisque bella gerere. Nullum genus calamitatis contumeliaeque non editum in Volseos est: nec tamen per pelli potuerent, ut acie dimicarent.

LIV. L. Furius inde et C. Manlius consules. Manlio Vejentes provincia evenit. Non tamen bellatum. Induciae in annos quadraginta potentibus datae; frumento stipendioque imperato. Paci externae confestim continuatur discordia domii. Agrariae legis tribuniciis stimulis plebs surebat. Consules, nihil Menenii damnatione, nihil periculo deterriti Servilii, summa vi resistunt. Abeuntes magistratu Cn. Genucius tribunus plebis adripuit. L. Aemilius et Opiter Virginius consulatum in-eunt. Vopiscum Julium pro Virginio in quibusdam annalibus consulem invenio. Hoc anno (quioscumque consules habuit) rei ad populum Furius et Manlius circumveunt sordidatim non plebem magis, quam juniores Patrum. Suadent, monent, *Honoribus et administratio-*
ne rei publicae abstineant; consulares vero
fasces, praetextam, curulemque sellam, nihil
aliud, quam pompam funeris, putent. Claris
insignibus velut infulis velatos ad mortem desti-
nari. Quod si consulatus tanta dulcedo sit,
jam nunc ita in animum inducant; consulatum
saptum et obpresso ab tribunica potestate esse;
consuli, velut adparitori tribunicio, omnia ad
nutum imperiumque tribuni agenda esse. Si se
commoverit, si respexerit Patres, si aliud, quam
plebem, esse in re publica crediderit, exsilio
C. Marcii, Menenii damnationem et mortem,
sibi proponat ante oculos. His adcaesi voci-
bus Patres consilia inde, non publica, sed in
privato, seductaque a plurium conscientia,
habere. Vbi quum id modo constaret, jure
an injuria eripiendo esse reos, atrocissima
quaeque maxime placebat sententia. Nec au-
ctor quamvis audaci facinori deerat. Igitur
judicij die, quum plebs in foro erecta ex-
spectatione staret, mirari primo, quod non
descen-

descenderet tribunus: deinde, quum jam mora suspectior fieret, deterritum a primoribus credere, et desertam ac proditam causam publicam queri. Tandem, qui obversati vestibulo tribuni fuerant, nuntiant, domi mortuum esse inventum. Quod ubi in totam concessionem pertulit rumor; sicut acies funditur duce occiso, ita dilabsi passim alii alio. Praecipuus pavor tribunos invaserat, quam nihil auxilii sacrificiae leges haberent, morte conlegae monitos. Nec Patres satis moderate ferre laetitiam. Adeoque neminem noxae poenitebat, ut etiam infantes secisse videri vellent, palamque ferretur, malo domandam tribuniciam potestatem.

LV. Sub hac pessimi exempli victoria delectus edicitur; paventibusque tribunis, sine intercessione ulla consules rem peragunt. Tum vero irasci plebes, tribunorum magis silentio, quam consulum imperio, et dicere, *Actum esse de libertate sua: rursus ad antiqua redditum: cum Genucio una mortuam ac sepultam tribuniciam potestatem.* Aliud agendum, ac cogitandum, quomodo resistatur *Patribus.* Id autem unum consilium esse, ut se ipsa plebs, quando aliud nihil auxilii habeat, defendat. Quatuor et viginti lictores adparere consulibus, et eos ipsos plebis homines. Nihil contemptius, neque infirmius, si sint, qui contemnant. Sibi quemque ea magna atque horrenda facere. His vocibus alii alios quum incitassent, ad Voleronom Publilium, de plebe hominem, quia, quod ordines duxisset, negaret, se militem fieri debere, lictor missus est a consulibus. Volero adpellat tribunos. Quum auxilio nemo esset, consules spoliari hominem, et virgas expediri jubent. *Provoco, inquit, ad populum, Volero, quoniam tribuni civem Bonia-*

manum in conspectu suo virgis caedi malunt,
quam ipsi in lecto suo a vobis trucidari. Quo-
ferocius clamitabat, eo infestius circumscin-
dere et spoliare lictor. Tum Volero, et prae-
valens ipse, et adjuvantibus advocatis, repulso
lictore, ubi indignantium pro se acerrimus
erat clamor, eo se in turbani confertissimam
recipit, clamitans, *Provoco, et fidem plebis*
inploro. *Adeste cives! adeste commilitones!*
nihil est, quod exspectetis tribunos, quibus ipsis
vestro auxilio opus est. Concitati homines,
veluti ad proelium, se expediunt: adparebat
que, omne discrimin adesse; nihil cuiquam
fanatum, non publici fore, non privati juris.
Huic tantae tempestati quum se consules ob-
tulissent, facile experti sunt, parum tutam
majestatem sine viribus esse. Violatis lictori-
bus, fascibus fractis, e foro in curiam com-
pelluntur; incerti, quatenus Volero exerce-
ret victoriam. Conticescente deinde tumultu,
quin in senatum vocari jussissent, queruntur
injurias suas, vim plebis, Voleronis audaciam.
Multis ferociter dictis sententiis, vicere senio-
res, quibus, ira Patrum adversus temeritatem
plebis certari, non placuit.

LVI. Voleronem amplexa favore plebs
proximis comitiis tribunu in plebi creat in eum
annum, qui L. Pinarium, P. Furium consu-
les habuit. Contraque omnium opinionem,
qui eum vexandis prioris anni consulibus per-
missurum tribunatum credebant, post publi-
cam causam privato dolore habito, ne verbo
quidem violatis consulibus, rogationem tulit
ad populum, ut plebeji magistratus tributis
comitiis fierent. Haud parva res sub titulo
prima specie minime atroci ferebatur; sed
quae patriciis omnem potestatem per clientium
subfragia creandi, quos vellent, tribunos au-
fer-

ferret. Huic actioni, gratissimae plebi, quum summa vi resistent Patres; nec, quae unavis ad resistendum erat, ut intercederet, aliquis ex conlegio auctoritate aut consulum aut principuni adduci posset; res tamen, suo ipsa molimine gravis, certaminibus in annum extrahitur. Plebs Voleronem tribunum reficit. Patres, ad ultimum dimicationis rati rem venturam, Ap. Claudium, Appii filium, jam inde a paternis certaminibus invisum infestumque plebi, consulem faciunt. Conlega ei T. Quinctius datur. Principio statim anni nihil prius, quam de lege, agebatur. Sed ut inventor legis Volero, sic Laetorius, conlega ejus, auctor quum recentior, tum acrior erat. Ferocem faciebat belli gloria ingens; quod aetatis ejus haud quisquam manu promptior erat. Is, quum Volero nihil, praeterquam de lege, loqueretur, infectatione abstinent consulum, ipse in accusationem Appii, familiaeque superbissimae ac crudelissimae in plebem Romanam, exorsus, quum a Patribus non consulem, sed carnificem ad vexandam et lacerandam plebem, creatum esse contendet; rudis in militari homine lingua non subpetebat libertati animoque. Itaque, deficiente oratione, *Quandoquidem non facile loquor*, inquit, *Quirites, quam, quod loquutus sum, praefeo, crastino die adesie. Ego hic aut in conspectu vesiro moriar, aut perferam legem.* Ocupant tribuni templum postero die. Consules nobilitasque ad impediendam legem in concione consistunt. Submoveri Laetorius jubet, praeterquam qui subfragium ineant. Adolescentes nobiles stabant, nihil cedentes viatori. Tum ex his prehendi quosdam Laetorius jubet. Consul Appius negare, jus esse tribuno in quemquam, nisi in plebejum. Non enim

enim populi, sed plebis, eum magistratum esse. Nec illum ipsum submoveare pro imperio posse more majorum; quia ita dicatur: *Si vobis videtur, discedite, Quirites.* Facile et contemtim de jure disferendo perturbare Lætorium poterat. Ardens igitur ira tribunus, viatorem mittit ad consulem: consul lictorem ad tribunum, privatum esse clamitans, sine imperio, sine magistratu; violatusque esset tribunus, ni et concio omnis atrox coorta pro tribuno in consulem esset; et concursus hominum in forum ex tota urbe concitatae multitudinis fieret. Sustinebat tamen Appius pertinacia tantam tempestatem: certatumque haud incruento proelio foret, ni Quinctius, consul alter, consularibus negotio dato, ut conlegam vi, si aliter non possent, de foro abducerent, ipse nunc plebem saevientem precibus lenisset, nunc orasset tribunos, ut concilium dimitterent. *Darent irae spatum, Non vim suam illis tempus ademturam; sed consilium viribus additurum.* Et Patres in populi, et consulem in Patrum fore potestate.

LVII. Aegre sedata ab Quinctio plebs, multo aegrius consul alter a Patribus. Dimisso tandem concilio plebis, senatum consules habent. Vbi quam timor atque ira in vicem sententias variassent; quo magis, spatio interposito, ab inpetu ad consultandum avocabantur, eo plus abhorrebant a certatione animi. Adeo ut Quinctio gratias agerent, quod ejus opera mitigata discordia esset. Ab Appio petitur, *Vt tantam consularem majestatem effovellat, quanta esse in concordi civitate posset.* Dum tribuni consulesque ad sc quisque omnia trahunt, nihil relictum esse virium in medio; distractam laceratamque rem publicam; magis, quorum in manu sit, quam ut incolunis sit, quae-

quaeri. Appius contra, testari Deos atque homines, rem publicam prodi per metum ac deserii. Non consulem senatui, sed senatum consuli deesse, graviores adcipi leges, quam in Sacro monte acceptae sint. Victus tamen Patrum consensu quievit. Lex silentio perfertur.

LVIII. Tum primum tributis comitiis creati tribuni sunt: numero etiam additostres, perinde ac duo antea fuerint; Piso auctor est. Nominat quoque tribunos, C. Sicinium, L. Numitorium, M. Duilium, Sp. Icilium, L. Maecilium. Volscum Aequicunque inter seditionem Romanam est bellum coortum. Vastaverant agros, ut, si qua secessio plebis fieret, ad se receptum haberet. Compositis deinde rebus, castra retro movere. Ap. Claudius in Volscos missus. Quintio Aequi provincia evenit. Eademi in militia saevitia Appii, quae domi, esse; eo liberior, quod sine tribuniciis vinculis erat. Odisse plebem plus quam paterno odio: se victum ab ea: se unico consule objecto adversus tribuniciam potestatem, perlatam legem esse; quam minore conatu, nequaquam tanta Patrum spe, priores inpedierint consules. Haec ira indignatioque ferocem animum ad vexandum saevo imperio exercitum stimulabat. Nec ulla vi domari poterat. Tantum certamen animis inbibebant. Segniter, otiose, neglegenter, contumaciter omnia agere. Nec pudor, nec metus coercebatur. Si citius agi vellet agmen, tardius sedulo incedere: si adhortator operis adesset, omnes sua sponte motam remittere industriam. Praesenti vultus demittere, tacite praetereuentem exsecrari: ut invictus ille odio plebejo animus interdum moveretur. Omni nequidquam acerbitate promta, nihil jam cum militibus agere: a centurionibus corruptum exercitum

citum dicere: *tribunos plebei* cavillans interdum et *Volerones* vocare.

LIX. Nihil eorum Volsci nesciebant, instabantque eo magis, sperantes, idem certamen animorum adversus Appium habiturum exercitum Romanum, quod adversus Fabium consulem habuisset. Ceterum multo Appio, quam Fabio, violentior fuit. Non enim vincere tantum noluit, ut Fabianus exercitus, sed vinci voluit. Productus in aciem turpi fuga petit castra; nec ante restitit; quam signa inferentem Volscum munimentis vidi foedamque extremi agminis caede. Tum expressa vis ad pugnandum, ut victor jam a vallo submoveretur hostis; satis tamen adpareret, capitatum castra militem Romanum noluisse. Alii gaudere sua clade atque ignominia. Quibus nihil infractus ferox Appii animus, quum insuper saevire vellet, concionemque advoaret, concurrunt ad eum legati tribunique, monentes, ne utique experiri vellet imperium, cuius vis omnis in consensu obedientium esset. Negare vulgo milites, se ad concionem ituros; passimque exaudiri voces postulantium, ut castra ex Volso agro moveantur. Hostem victorem paullo ante prope in portis ac vallo fuisse; ingentisque mali non suspicionem modo, sed apertam speciem obversari ante oculos. Victus tandem, (quandoquidem nihil praeter tempus noxae lucrarentur) remissa concione, iter in infrequentem diem pronuntiari quum jussisset, prima luce classico signum perfectionis dedit. Quum maxime agmen e castris explicaretur, Volsci, ut eodem signo excitati, novissimos adoriuntur. A quibus perlatus ad primos tumultus, eo pavore signaque et ordines turbavit, ut neque imperia exaudiri, neque instrui acies possent. Nemo ul-

lius, nisi fugae, memor. Ita effuso agmine per stragem corporum armorumque evasere, ut prius hostis desisteret sequi, quam Romanus fugere. Tandem, collectis ex dissipato cursu militibus, consul, quem revocando ne quidquam suos persequutus esset, in pacato agro castra posuit; advocataque concione, invictus haud falso in proditorem exercitum militaris disciplinae, desertorem signorum; ubi signa, ubi arma essent, singulos rogitans, inermes milites, signo amissi signiferos; ad hoc centuriones duplicariosque, qui reliquerant ordines, virgis caefos securi percussit. Cetera multitudo forte decimus quisque ad supplicium lecti.

LX. Contra ea in Aequis inter consulem ac militem comitate ac beneficiis certatum est. Et natura Quinctius erat lenior, et saevitia infelix conlegae, quo is magis gauderet ingenio suo, efficerat. Huic tantae concordiae ducis exercitusque non ausi obferre se, Aequi vagari populabundum hostem per agros passi. Nec ullo ante bello latius inde actae praedae. Omnis militi data est. Addebatur et laudes, quibus, haud minus quam praemio, gaudent militum animi. Tum duci, tum propter ducem Patribus quoque placator exercitus reddit; sibi parentem, alteri exercitui dominum datum ab senatu, memorans. Varia fortuna belli, atroci discordia domi forisque annum exactum, insignem maxime comitia tributa efficiunt; res major victoria suscepit certainis, quam usu. Plus enim dignitatis comitiis ipsis detractum est, Patribus ex concilio subinovendis, quam virium aut plebi additum est aut deinceps Patribus.

LXI. Turbulentior inde annus excepit, L. Valerio, Ti. Aemilio consulibus, cum propter

propter certamina ordinum de lege agraria; tum propter judicium Ap. Claudii: cui, acerrimo adversario legis, causamque possessorum publici agri, tamquam tertio consuli, sustinenti, M. Duilius et C. Sicinius diem dixere. Numquam ante tam invitus plebi reus ad judicium vocatus populi est, plenus suarum, plenus paternarum irarum. Patres quoque non temere pro ullo aequre adnisi sunt: propugnatorem senatus, majestatisque vindicem suae, ad omnes tribunios plebejosque obpositum tumultus, modum dumtaxat in certamine egressum, iratae objici plebi. Unus e Patribus, ipse Ap. Claudius, et tribunos, et plebem, et suum judicium pro nihilo habebat. Illum non minae plebis, non senatus preces perpellere umquam potuere, non modo ut vestem mutaret, aut subplex presfaret homines; sed ne ut ex consueta quidem asperitate orationis (quum ad populum agenda causa esset) aliquid leniret atque submitteret. Idem habitus oris, eadem contumacia in vultu, idem in oratione spiritus erat: adeo ut magna pars plebis Appium non minus reum timeret, quam consulem timuerat. Semel causam dixit, quo semper agere omnia solitus erat, ad accusatorio spiritu. Adeoque constantia sua et tribunos obstupefecit et plebem, ut diem ipsi sua voluntate prodicerent: trahi deinde rem finerent. Haud ita multum interim temporis fuit. Ante tamen, quam predicta dies veniret, morbo moritur. Cujus quum laudationem tribuni plebis impedire conarentur, plebs fraudari follemni honore supremum diem tanti viri noluit; et laudationem tam aequis auribus mortui audivit, quam vivi accusationem audierat; et exsequias frequens celebravit.

LXII. Eodem anno Valerius consul, cum exercitu in Aequos profectus, quum hostem ad proelium elicere non posset, castra oppugnare est adortus. Prohibuit foeda tempestas, cum grandine ac tonitribus coelo dejecta. Admirationem deinde auxit, signo receptui dato, adeo tranquilla serenitas reddit, ut, velut numine aliquo defensa castra oppugnare iterum, religio fuerit. Omnis ira belli ad populationem agri vertit. Alter consul Aemilius in Sabinis bellum gessit. Et ibi, quia hostis moenibus se tenebat, vastati agri sunt. Incendiis deinde, non villarum modo, sed etiam vicorum, quibus frequenter habitabatur, Sabini exciti, quin praedatoribus obcurrisse, ancipiti proelio digressi, postero die retulere castra in tutiora loca. Id satis consuli visum, cur pro victo relinquere hostem, integro inde decedens bello.

LXIII. Inter haec bella, manente discordia domi, T. Numicius Priscus, A. Virginius consules facti. Non ultra videbatur latura plebes dilationem agrariae legis; ultimaque vis parabatur, quum, Volscos adesse, fumo ex incendiis villarum fugaque agrestium cognitum est. Ea res maturam jam seditionem ac prope erumpentem repressit. Consules, coacti extemplo ab senatu ad bellum, educta ex urbe juventute, tranquilliorem ceteram plebem fecerunt. Et hostes quidem, nihil aliud quam perfidis vano timore Romanis, citato agmine abeunt. Numicius Antium adversus Volscos, Virginius contra Aequos proiectus. Ibi ex insidiis prope magna adcepta clade, virtus militum reni, prolabsam negligentia consulis, restituit. Melius in Volscis imperatum est. Fusi primo proelio hostes, fugaque in urbem Antium, ut tum res erant, opulentissimam acti.

acti. Quam consul obpugnare non ausus, Cenonem, aliud oppidum, nequaquam tam opulentum, ab Antiatibus cepit. Dum Aequi Volsciique Romanos exercitus tenent, Sabini usque ad portas Vrbis populantes incessere. Deinde ipsi paucis post diebus ab duobus exercitibus, utroque per iram consule ingresso in fines, plus cladium, quam intulerant, adcepserunt.

LXIV. Extremo anno pacis aliquid fuit; sed, ut semper alias, sollicitae certamine Patrum et plebis, irata plebs interesse consularibus comitiis noluit. Per Patres clientesque Patrum consules creati T. Quintius, Q. Servilius. Similem annum priori consules habent, seditiosa initia, bello deinde externo tranquilla. Sabini, Crustuminos campos citato agmine transgressi, quum caedes et incendia circum Anienem flumen fecissent, a porta prope Collina moenibusque pulsi, ingentes tamen praedas hominum pecorumque egere. Quos Servilius consul infesto exercitu inseguutus, ipsum quidem agmen adipisci aequis locis non potuit; populationem adeo effuse fecit, ut nihil bello intactum relinquret, multiplicique capta praeda rediret. Et in Volscis res publica egregie gesta, quum ducis, tum militum opera. Primum aequo campo signis conlatis pugnatum, ingenti caede utrinque, plurimq sanguine. Et Romani, quia paucitas damno sentiendo propior erat, grandum retulissent; ni salubri mendacio consul, fugere hostes ab cornu altero clamitans, concitatset aciem. Inpetu facto, dum se putant vincere, vicere. Consul, metuens ne nimis instando renovaret certamen, signum receptum dedit. Intercessere pauci dies, velut tacitis induciis utrumque quiete sumpta: per quos in-

gens vis hominum ex omnibus Volscis Aequisque populis in castra venit, haud dubitans, si senserint, Romanos nocte abituros. Itaque tertia fere vigilia ad castra obpugnanda veniunt. Quinctius, sedato tumultu, quem terror subitus exciverat, quum manere in tentoriis quietum militem iussisset, Hernicorum cohortem in stationem educit; cornicines tubicinesque, in equos impositos, canere ante valbum jubet, sollicitumque hostem ad lucem tenere. Reliquum noctis adeo tranquilla omnia in castris fuere, ut somni quoque Romanis copia esset. Volscos species armatorum peditum, quos et plures esse, et Romanos putabant, fremitus hinnitusque equorum, qui, et insueto sedente equite, et insuper aures agitante sonitu, laeviebant, intentos velut ad impetum hostium tenuit.

LXV. Vbi inluxit, Romanus, integer satiatusque somno productus in aciem, fessum stando et vigiliis Volscum primo inpetu percudit. Quamquam cessere magis, quam pulsati hostes sunt: quia ab tergo erant clivi, in quos post principia integris ordinibus tutus receptus fuit. Consul, ubi ad iniquum locum ventum est, sistit aciem. Miles aegre teneri, clamare et poscere, ut percussis instare liceat. Fericius agunt equites: circumfusi duci vociferantur se ante signa ituros. Duin cunctatur consul, virtute militum fretus, loco parum fidens, conclaniant, se ituros: clamoremque res est sequuta. Fixis in terram pilis, quo leviores ardua evaderent, cursu subeunt. Volscus, effusis ad primum inpetum missilibus telis, saxa objacentia pedibus ingerit in subeuntes, turbatosque ictibus crebris urgunt ex superiori loco. Sic prope oneratum est finistrum Romanis cornu, ni referentibus jam gra-

gradum consul, increpando simul temeritatem, simul ignaviam, pudore metum excusisset. Restitere primo obstinati animis: deinde, ut obtinentes locum vires ferebant, audiens ultro gradum inferre; et, clamore renovato, commovent aciem. Tum rursus, in petu capto, emituntur, atque exsuperant iniqitatem loci. Jam prope erat, ut in summum clivi jugum evaderent, quum terga hostes dedere: effusoque cursu pene agmine uno fugientes sequentesque castris incidere. In eo pavore castra capiuntur: Qui Volscorum effugere potuerunt, Antium petunt. Antium et Romanus exercitus ductus: paucos circumfessum dies deditur, nulla obpugnantium nova vi; sed quod jam inde ab infelici pugna castrisque amissis ceciderant animi.

T. LIVII PATAVINI LIBER III.

B R E V I A R I V M.

CAP. I. Tribuni iterum agitant legem agrariam adjutore Tib. Aemilio consule: sed hujus conlegaz Q. Fabius concordiam tueretur dato consilio coloniae Antium deducendae. 2. 3. Q. Fabius II. cos. devicit Aequos, qui ad Urbem quoque terrorem pertulerant. Censa civium capita 104214

praeter orbos orbisque. 4. *Ectetra et Antiam* deficit ad *Aequos.* *Ab his sp.* *Furius Fufus* consul pulsus in castris obsidetur: quibus subsilio pro consule *T.* *Quinctius* mittitur cum *Latino*, *Hernicoque exercitu.* 5. *Furius*, eruptione e castris facta, vulneratur et frater ejus circumventus perit. 6. *Castræ* obsidione liberantur, et fugientes *Aequi a Postumio consule*, *et deinde a Quinctio* caeduntur. 7. *Portenta*, feriae et supplicationes. 8. *Pestilentia* *Vrbs* affligitur. *Aequi et Volsci* populantur *Hernicos*, *Romanos*, *Tusculanosque agros.* 9. *Moriuntur* consules multique et nobiles et ignobiles. 10. *Subplicationes.* 11. *Ingentes Aequorum Volscorumque stirges* editae.

9. *C. Terentillus Arfa* trib. pl. rogationem fert, ut quinque viri crecentur legibus de imperio consulari scribendis. *Absentibus* consulibus atrociter in eum invehitur *Q. Fabius* praef. *Vrbi.* 10. *Lucretii* cos. triumphus et *Veturii* conlegae ovatio. *Lex Tercutilla* ab toto relata conlegio. *Volsci et Aequi* rebellant. *Tribuni* in foro vociferantur. 11. *Patres legēm* et *tribuni* delectum impediunt. *Kaesone* *Quinctio* duce saepe foro pelluntur *tribuni* et *plebs*. *Ei* capitī dies dicitur ab *A. Virginio*; quo tamen ferocia ac temeritas juvenis magis augetur quam inminuitur. 12. *Die* *denūm* *judicii* *prensat* singulos, et deprecantur pro eo *L. Quinctius Cincinnatus* pater, *T. Quinctius Capitolinus* aliique necessarii, principes civitatis. 13. *Reum* praeter invidiani premit falsum testimonium *M. Volscii* Fictoris tribunieii, qui fratrem suum ab eo necatum dicit. *Virginius* illum in vincula duci, sed reliqui tribuni vades publicos dari jubent. *Kaeso* in exsiliū abit, et pater omnia bona dividere cogitur. 14. *Tribunis*, quoties de lege agunt,

agunt, cum ingenti clientium exercitu resistunt
Patres juniores, maxime sodales Iaesonis.

15. Exsules servique, duce Ap. Herdonio Sabino, nocte Capitolium obcupant. 16. Multi variisque timores. Tribuni vanam hanc bellum imaginem esse putant, ad avertendos ab legis Terentillae cura plebis animos, et arma ponit jubent. 17. P. Valerius Publicola cos. increpat tribunos, et vis ultima iuminet. 18. Tusculani Romanis auxilium ferunt, et pars civium, auctoritate consulis mota, arma capiunt. Capitolium recuperatur; sed Valerius in pugna cadit. 19. In locum ejus subficitur L. Quinctius Cincinnatus, qui adsiduis concionibus tribunos plebemque non vehementius quam Patres castigat. 20. Tribuni minantur, se impedituros delectum; sed Quinctius eo non opus esse dicit, quum multi in verba Valerii juraverint. Religio Romanorum. 21. Tribuni cedunt; at iidem reficiuntur, quod modo vetitum erat. SCto. Hinc et Patres L. Quinctium consulem refici cupiunt, qui acerrime in eos invehitur. 22. Q. Fabius Vibulanus III. cos. Volscorum castra ad Antium expugnat. 23. Tusculana arx, ab Aequis capta, ope Romanorum recipitur, et hosties, sub jugum missi domumque se recipientes, a Fabio ad unum omnes obciduntur. Tum consules populantur Volscos et Aequos. 24. Tribuniciae actiones. M. Volscio, qui falsus testis in K. Quinctium exsilterat, dies a quaestoribus dicitur. Lustrum decimum. Capitium civium 117319 censa. 25. Aequi bellum denuo inferunt Romanis duce Graccho Cloelio, et legatos Rom. Iudibrio habent. 26. Sabini prope ad moenia Vrbis infesta populatione veniunt. Tum plebs nomina dat, reclamantibus tribunis. Casira L. Minucii cos. ab Aequis obsidentur. Hinc L.

Quinctius Cincinnatus dictator dicitur, et ab opere rustico, cui intentus est, in Urbem deducitur. 27. *Is propere delectum habet et Algidum proficisciatur.* 28. *Circumvallat deinde Aequos et sub jugum mittit.* 29. *Praedam omnem suo tantum militi dat et Minucium jubet legatum esse.* Tum dictator triumphat, et judicium habet de *M. Volscio*, qui damnatus Lanuvium in exsilium abit. *Egregia pugna C. Naucii cons. cum Sabinis ad Eretum.* Idem tribuni quintum refecti. *Capitolium lustratum propter lupos in eo visos.*

30. *Decem tribuni plebis creati, bini ex singulis classibus. Aequi et Sabinii bellum reparant.* 31. *Annona laboratur. Lex Icilia fertur de Aventino publicando.* T. Romilius et *C. Veturius cons. praedam ingentem, in Algido partam, vendunt et damnantur.* De legibus convenit, sed earum latores non nisi ex Patribus creari placet. *Legati mittuntur Athenas, qui leges Solonis describant, aliarumque Graeciae civitatum instituta juraque noscant.* 32. *Fames et pestilentia.* Redeunt legati cum Atticis legibus. 33. *Decemviri legibus scribendis creantur sine provocatione et soli e magistratibus.* Regimen penes *Ap. Claudium, et XII fasces per X dies penes praefectum juris.* Moderatio decemvirorum. 34. *Legum X tabulae proponuntur perforunturque comitiis.* Duos adjici placet, ut absolvatur corpus juris Rom. 35. *Comitia decemviris iterum creandis in trinum mundinum indicta.* Eorum habendorum munus injungitur *Ap. Claudio minimo natu et ambitioso, qui se met ipse cum aliis creat.* 36. *Decemviri novi Idibus Majis incunt magistratum, et subito omnes cum duodenis fascibus prodeunt.* Eorum superbia et tyrannis. 37. *Duae legum tabulae ad*

ad decem prioris anni adjiciuntur; sed mentio comitiorum nulla fit. 38. *Annus III decemvirorum. Sabinorum incurso in agrum Rom. et Aequorum in Tusculanum. Decemviri in curiam citant Patres, qui, jam diu haud consulti, tantum non omnes in agris sunt et conveniunt frequentes.* 39. *Asperae sententiae et vocifera- tiones Patrum; praecipue L. Valerii Potiti et M. Horatii Barbati.* 40. *C. Claudii et L. Cornelii Moluginensis orationes, precibus, quam jurgio, similiores.* In praesentia omnia praeter bellum omittenda censem. 41. *Decemviri propositum tenent, et delectum habent silentio Patrum.* Ap. Claudio et Sp. Oppio imperium in Urbe, reliquis decemviris bellum in Sabinis et Aquis mandatur. 42. *Milites Rom., ducibus infensi, ab hostibus vinci se patiuntur.* 43. *L. Siccius in Sabinis jussu decemvirorum, sed haud inultus, interficitur a militibus.* 44. *Ap. Clau- dius Virginiae, L. Virginii filiae, supranda libidine capit, et M. Claudio clienti negotium dat, ut virginem, L. Icilio tribunicio despon- sam, adferat in servitutem.* Advocati puellae postulant, ut res *integra* in patris adventum differatur. 45. *Decretum Appii.* Icilius cum eo disceptatio. 46. *Appius judicium differt in po- sterum diem, et conlegis in castra scribit, ne Virginio conimeatum dent.* Sed hic eo jam sumto prefectus erat, per velociores nuntios certior factus de periculo filiac. 47. *Virginius sordidatus, comitantibus filia, Icilio, matronis et advocatis, opem Quiritium implorat, et in Appium, vindicias decernentem secundum ser- vitutem, acerrime invehitur.* 48. *Decemvir, alienatus ad libidinem animo, lictorem mittit, qui submoveat turbam et viam det Claudio ad prehendendum mancipium.* Tum *Virginius orat, ut,*

ut, priusquam filia abducatur, liceat sibi cum ea et nutrice conloqui. Data venia, seducit filiam ad tabernas Nervas, et cultro ibi adrepto tanii pectus ejus transfigit. Deinde via ferro facta ad portam pergit in casira. Vociferantur Icilius Numitoriusque, puellae sponsus et avunculus. Clamat matronae. 49. Appius ad ripam jubet Icilium; quem multitudo ejusque duces, Valerius et Horatius, tuentur. Tandem, fracto animo, profugit in vicinam domum, et Oppius senatum vocari jubet. 50. Motus in castris a Virginio excitus. Exercitus Romanus proficiscitur, et Aventinum in montem secedit. Mittuntur eo tres legati consulares; et multitudo concilamatur, se uoni aliis, quam L. Valerio et M. Horatio, datus responsum. 51. Huic exercitui conjungitur alter in Sabinis, et ab utroque creantur X tribuni militares, ex his vero duo, qui summae praesint rerum, M. Oppius et Sex. Manilius. 52. M. Duilio suadente plebs et exercitus in Sacrum montem ex Aventino transeunt. Decemviri, consensu Patrum victi, futuros se in eorum potestate adsificant. 53. Valerius Horatiusque cum plebe agunt de conditionibus reditus, et aequas laudant postulationes, sed subplicia decenvirorum deprecantur. 54. Decemviri abdicant se magistratu, et plebs reversa, pontifice max. comitiis habente, X tribunos plebis (Virginium, Icilium, Numitorium, Duilium, C. Sicinium cet.) creant in pratis Flaminii, quem posita circum Flaminium adpellarunt. 55. Per interregem consules creantur L. Valerius Potitus et M. Horatius Barbatus. Ab his latae leges: ut, quod tributim plebes jussisset, populum teneret: ne quis ullum magistratum sine provocatione crearet: ut, qui tribunis plebis, aedilibus, judicibus,

bus, decemviris nocuisset, ejus caput Jovi sacrum esset: ut SCta in aedem Cereris ad aedes pl. deferrentur. 56. Virginius diem dicit Appio. Is provocat ad populum et majorum merita in remp. commemorat. 57. Jussu Virginii in carcerem conjicitur. Latinorum Hernicorumque legati gratulatum de concordia Patrum ac plebis Romam veniunt, et coronam auream in Capitolium ferunt parvi ponderis. Delectus edicitur ad bella cum Sabinis, Aequis Volscisque gerenda. Leges XII tabularum in aes incisae in publico proponuntur. 58. C. Claudius subplicium Appii deprecatur. Hic vero, sp. incisa, ante predictam diem mortem sibi consiciscit. Sp. Oppius accusatus in vinculis moritur. Reliqui decemviri et M. Claudius, adsertor Virginiae, exsilio causa solum vertunt. 59. Moderatio M. Duillii trib. pl.

60. 61. Aequi Volscique vincuntur a Valerio, 62. 63. et Sabinii ab Horatio. Senatus maligne in unum diem subplicationes decernit. Consules sine auctoritate senatus, populi jussu triumphant. 64. Eosdem tribunos pl. refici vetat M. Duilius, qui comitiis praesidi, et, tribunis V. creatis, totidem conlegas ab his cooptari jubet. 65. Cooptati duo etiam patricii consularesque. Rogatio a L. Trebonio trib. pl., infesio Patribus, lata, ut, qui plebem Rom. tribunos plebi rogaret, is usque eo rogaret, dum decem ficeret. Coitiones tribunorum adversus juniores Patrum oriuntur; et ab his injuriae fiunt plebi ipsisque tribunis. 66. Dies alicui nobilium dicta, et nova certamina. Hinc Aequi Volscique arma capiunt et populabundi addedunt ad ipsa Romae moenia. 67. 68. T. Quintii Capitolini IV cos. oratio ad populum severissima. 69. Ea non modo Patribus, sed et plebit

*plebi adcepta. Delectus habetur. 70. Volsci
Aequique vincuntur. 71. 72. Aricini atque Ar-
deates, qui de ambiguo agro saepe bello certa-
verant, judicem populum Romanum capiunt,
isque, reclamantibus frustra consulibus Patri-
busque, agrum sibi adjudicat, quia P. Scaptius,
magno natu homo de plebe, dixerat, cum fuisse
finium Coriolanorum, captisque Coriolis jure
belli publicum populi Rom. factum.*

I. **A**ntio capto, Ti. Aemilius et Q. Fabius consules fiunt. Hic erat Fabius Quintus, qui unus exstinctae ad Cremeram genti superfuerat. Jam priore consulatu Aemilius dandi agri plebi fuerat auctor. Itaque secundo quoque consulatu ejus et agrarii se in spem legis erexerant, et tribuni rem, contra consules saepe tentatam, adjutore utique consule, obtineri posse rati, suscipiunt; et consul manebat in sententia sua. Possessores et magna pars Patrum, tribuniciis se jactare actionibus principem civitatis, et largiendo de alieno popularem fieri querentes, totius invidiam rei a tribunis in consulem averterant. Atrox certamen aderat, ni Fabius consilio neutri parti acerbo rem expedisset. T. Quinctii ductu et auspicio agri capti priore anno aliquantum a Volscis esse: Antium, propinquam, oportunam, et maritimam urbem, coloniam deduci posse: ita sine querelis possessorum plebem in agros ituram, civitatem in concordia fore. Haec sententia adcepta est. Triumviros agro dando creat T. Quinctium, A. Virginium, P. Furium. Jussi nomina dare, qui agrum adci-
pere

pere vellent. Fecit statim, ut fit, fastidium copia; adeoque pauci nomina dedere, ut ad explendum numerum coloni Volsci adderentur: cetera multitudo poscere Romae agrum malle, quam alibi adipere. Aequi a Q. Fabio (is eo cum exercitu veuerat) pacem petire; irritamque eam ipsi subita incursione in agrum Latinum fecere.

II. Q. Servilius, in sequenti anno (is enim cum Sp. Postumio consul fuit) in Aequos missus, in Latino agro stativa habuit. Intra castra quies necellaria morbo implicitum exercitum tenuit. Extractum in tertium annum bellum est, Q. Fabio et T. Quintio consilibus. Fabio extra ordinem, quia is victor pacem Aequis dederat, ea provincia data. Qui, haud dubia spe profectus, famam nominis sui pacaturam Aequos, legatos in concilium gentis missos nuntiare jussit; *Q. Fabium consulem dicere, se ex Aquis pacem Romam tulisse, ab Roma Aequis bellum adferre, eadem dextra armata, quam pacatam illis antea dederat.* Quorum id perfidia et perjurio fiat, Deos nunc testes esse, mox fore ultores. Se tamen, utcumque sit, etiam nunc, poenitere sua sponte Aequos, quam pati hostilia, malle. Si poeniteat, tutum receptum ad expertam clementiam fore: sin perjurio gaudeant, Diis magis iratis, quam hostibus, gesturos bellum. Haec dicta adeo nihil moverunt quemquam, ut legati prope violati sint, exercitusque in Algidum adversus Romanos missus. Quae ubi Romam sunt nuntiata, indignitas rei, magis quam periculum, consulem alterum ab urbe excivit. Ita duo consulares exercitus ad hostem adcessere acie instructa, ut confestimi dimicarent. Sed quum forte haud multum diei superesset, unus ab statione hostium exclamat: *Ostentare hoc est, Roma-*

Romani, non gerere bellum. In noctem imminentem aciem instruitis. Longiore luce ad id certamen, quod instat, nobis opus est. Crastino die oriente sole redite in aciem: erit copia pugnandi, ne timete. His vocibus irritatus miles in diem posterum in castra reducitur, longam venire noctem ratus, quae moram certamini faceret. Tum quidem corpora cibo somnoque curant. Vbi influxit postero die, prior aliquanto constitit Romana acies; tandem et Aequi processere. Proelium fuit utrumque vehemens; quod et Romanus ira odioque pugnabat, et Aequos conscientia contracti culpa periculi, et desperatio futurae sibi postea fidei, ultima audere et experiri cogebat. Non tamen sustinuere aciem Romanam Aequi: pulsique quum in fines suos se recepissent, nihil inclinatioribus ad pacem animis ferox multitudo increpare duces, quod in aciem, qua pugnandi arte Romanus excellat, commissari res sit. Aequos populationibus incursionibusque meliores esse; et multas passim manus, quam magnam molem unius exercitus, rectius bella gerere.

III. Relicto itaque castris praesidio, egressi tanto cum tumultu invadere fines Romanos, ut ad Vrbem quoque terrorem pertulerint. Nec opinata etiam res plus trepidationis fecit, quod nihil minus, quam ne victus ac prope in castris obfessus hostis memor populationis esset, timeri poterat; agrestesque, pavidi incidentes portis, non populationem, nec prae-donum parvas manus, sed, omnia vano augentes timore, exercitus et legiones adesse hostium, et infesto agmine ruere ad urbem, clamabant. Ab his proximi audita incerta, eoque vaniora, ferre ad alios. Cursus clamorque evocantium ad arma haud multum a

pavo-

pavore captae urbis abesse. Forte ab Algido Quinctius consul redierat Romam, (id remedium timori fuit) tumultuque sedato, viatos timeri increpans hostes; praesidia portis inposuit. Vocato dein senatu, quum, ex auctoritate Patrum justitio indicto, profectus ad tutandos fines esset, Q. Servilio praefecto Urbis relicto, hostem in agris non invenit. Ab altero consule res gesta egregie est. Qui, qua venturum hostem sciebat, gravem praeda, eoque inpeditione agmine incidentem adgressus, funestam ei populationem fecit. Pauci hostium evasere ex insidiis: praeda omnis recepta est. Sic finem justitio, quod quatriduum fuit, redditus Quinctii consulis in urbem fecit. Census deinde actus, et conditum ab Quinctio Iustrum. Censa civium capita centum quatuor millia et dicenta quatuordecim dicuntur, praeter orbos orbasque. In Aequis nihil deinde memorabile actum. In oppida sua se recepero, uti sua popularique passi. Consul, quum aliquoties per omnem holtium agrum infesto agmine populabundus esset, cum ingenti laude praedaque Romam rediit.

IV. Consules inde A. Postumius Albus, Sp. Furius Fusus. Furios Fusios scripsere quidam. Id admoneo, ne quis inmutationem virorum ipsorum esse, quae nominum est, putet. Haud dubium erat, quin cum Aequis alter consulum bellum gereret. Itaque Aequi ab Ecetranis Volscis praesidium petiere. Quo cupide oblato, (adeo civitates hae perpetuo in Romanos odio certavere) bellum summa vi parabatur. Sentiunt Hernici, et praedicunt Romanis, Ecetranum ad Aequos descisse. Suspecta et colonia Antium fuit, quod magna vis hominum inde, quum oppidum captum esset, confugisset ad Aequos. Isque miles per

bellum Aequicūm vel acerrimus fuit. Compulsis deinde in oppida Aequis, ea multitudo dilabsa quum Antium redisset, sua sponte jam infidos colonos Romanis abalienavit. Nec dum matura re, quum defectionē parari delatum ad senatum esset, datum negotium est consuliis, ut, principibus coloniae Romam excitis, quaererent, quidnam rei esset. Qui quum haud gravati venissent, introducti a consulis ad senatum ita responderunt ad interrogata, ut magis suspecti, quam venerant, dimitterentur. Bellum inde haud dubium haberi. Sp. Furius, consulū alter, cui ea provincia evenerat, profectus in Aequos, Hernicorū in agro populabundum hostem inventit; ignarusque multitudinis, quia nusquam universa conspecta fuerat, inparem copiis exercitū temere pugnae commisit. Primo concursu pulsus se in castra recepit. Neque is finis periculi fuit. Namque et proxima nocte et postero die tanta vi castra sunt circumfessa atque obpugnata, ut ne nantius quidem indemitte Romam posset. Hernici, et male pugnatū, et consulem exercitumque obsideri, nuntiaverunt. Tantumque terrorem incusare Patribus, ut (quae forma senatus consulti ultimae semper necessitatis habita est) Postumio alteri consulū negotium daretur, *Videre ne quid res publica detrimenti caperet.* Ipsum consulem Romae manere ad conscribendos omnes, qui arma ferre possent, optimum visum est; pro consule T. Quinctium subsidio castris cum sociali exercitu mitti. Ad eum explendum Latini, Hernicique, et colonia Antium dare Quinctio subitarios milites (ita tum repentina auxilia adpellabant) jussi.

V. Multi per eos dies motus multique impetus hinc atque illinc facti, quia, superante

mul-

multitudine, hostes carpere multifariam vires Romanas, ut non subfecturas ad omnia, adgressi sunt. Simul castra obpugnabantur, simul pars exercitus ad populaudum agrum Romanum missa, urbe inque ipsam, si qua fortuna daret, tentandam. L. Valerius ad praefidium urbis relictus; consul Postumius ad arcendas populationes finium missus. Nihil remissum ab ulla parte curae aut laboris. Vigiliae in urbe, stationes ante portas, praesidiaque in muris disposita, et, quod necesse erat in tanto tumultu, justitium per aliquot dies servatum. Interim in castris Furius consul, quum primo quietus obfisionem passus esset, in incautum hostem decumana porta erupit, et, quum persequi posset, metu substituit, ne qua, ex parte altera, in castra vis fieret. Furium legatum (frater idem consulis erat) longius extulit cursus: nec suos ille redeuntes, persequendi studio, neque hostium ab tergo incursum vidiit. Ita exclusus, multis saepe frustra conatibus captis, ut viam sibi ad castra faceret, acriter dimicans cecidit. Et consul, nuntio circumventi fratris conversus ad pugnam, dum se temere magis, quam satis caute, in medium dimicationem infert, vulnere adcepito, aegre ab circumstantibus ereptus, et suorum animos turbavit, et ferociores hostes fecit. Qui, caede legati et consulis vulnere adcessi, nulla deinde vi sustineri potuere, quum compulsi in castra Romani rufus obdierentur, nec spe, nec viribus pares. Venissetque in periculum summa rerum, ni T. Quinctius peregrinis copiis, cum Latino Hernicoque exercitu, subvenisset. Is, intentos in castra Romana Aequos legatique caput ferociter ostentantes ab tergo adortus, simul ad signum a se procul editum ex castris eruptio-

ne facta, magnam vim hostium circumvenit. Minor caedes, fuga effusior Aequorum in agro fuit Romano. In quos palatos, praedam agentes, Postumius aliquot locis, quibus opportuna inposuerat praefidia, inpetum dedit. Si vagi, dissipato agmine fugientes, in Quintium victorem, cum saucio consule revertentem, incidere. Tum consularis exercitus egregia pugna consulis vulnus, legati et cohortium ultus est caedem. Magnae clades ultra citroque illis diebus et inlatae et adceptae. Difficile ad fidem est in tam antiquare, quot pugnaverint ceciderintve, exacto adfirmare numero. Audet tamen Antias Valerius concipere summas: Romanos cecidisse in Hernico agro quinque millia ac trecentos; ex praedatoribus Aequorum, qui populabundi in finibus Romanis vagabantur, ab A. Postumio consule duo millia et quadringentos caesos; ceteram multitudinem, praedam agentem, quae inciderit in Quintium, nequaquam pari defunctam esse caede; imperfecta inde quatuor millia, et, exsequendo subtiliter numerum, ducentos, ait, et triginta. Ut Romam reditum et justitium remissum est, coelum visum est ardere plurimo igni; portentaque alia aut obversata oculis, aut vanas exterritis ostendavere species. His avertendis terroribus in triduum feriae indictae, per quas omnia delubra pacem Deum exposcentium virorum mulierumque turba inplebantur. Cohortes inde Latinae Hernicaeque ab senatu, gratiis ob in pigram militiam actis, remissae domos. Antiates, mille milites, quia serum auxilium post proelium venerant, prope cum ignomonia dimissi.

VI. Comitia inde habita. Creati consules L. Aebatius, P. Servilius Kalendis Sextilibus,

bus, ut tunc principium anni agebatur, consulatum ineunt. Grave tempus et forte annus pestilens erat urbi agrisque, nec hominibus magis, quam pecori; et auxere vim morbi, terrore populationis pecoribus agrestibusque in urbem adcepit. Ea conluvio mixtorum omnis generis animantium et odore insolito urbanos, et agrestem, confertum in arta tecta, aestu ac vigiliis angebat, ministeriaque in vicem ac contagio ipsa vulgabant morbos. Vix instantes sustinentibus clades repente legati Hernici nuntiant, in agro suo Aequos Volscosque conjunctis copiis castra posuisse. Inde exercitu ingenti fines suos depopulari. Praeterquam quod infrequens senatus indicio erat sociis, afflictam civitatem pestilentia esse, moestum etiam responsum tulere: *ut per se ipsi Hernici cum Latinis res suas tutarentur.* Vrbe Romanam subita Deum ira morbo populari. Si qua ejus mali quies veniat, ut anno ante, ut semper alias, sociis opem laturos. Discessere socii, pro tristi nuntio tristiorē domum referentes; quippe quibus per se sustinendum bellum erat, quod vix Romanis fulti viribus sustinuissent. Non diutius se in Hernico hostis continuit. Pergit inde infestus in agros Romanos, etiam sine belli injuria vastatos. Vbi quum obvius nemo, ne inermis quidem, fieret, perque omnia, non praesidiis modo deserta, sed etiam cultu agresti, transirent; pervenere ad tertium lapidem Gabina via. Mortuus Aebutius erat Romanus consul. Conlega ejus Servilus exigua in spe trahebat animam. Adfecti plerique principum, Patrum major pars, militaris fere aetas omnis; ut non modo ad expeditiones, quas in tanto tumultu res poscebat, sed vix ad quietas stationes viribus sufficerent. Manus vigiliarum

senatores, qui per aetatem ac valetudinem poterant, per se ipsi obibant: circuitio ac cura aedilium plebei erat. Ad eos summa rerum ac majestas consularis imperii venerat:

VII. Deserta omnia, sine capite, sine viribus, Dii praefides ac fortuna Vrbis tutata est, quae Volscis Aequisque, praedonum potius intentem, quam hostium, dedit. Adeo enim nulla spes non potundi modo, sed ne adeundi quidem Romana moenia, animos eorum cepit, tectaque procul visa atque inminentes tumuli avertere mentes eorum; ut, totis passim castris fremitu orto, *quid in vasto ac deserto agro inter tabem pecorum hominumque desides sine praeda tempus tererent, quum integra loca, Tusculanium agrum, opimum copiis, petere possent?* signa repente convellerent, transversisque itineribus per Lavicanos agros in Tusculanos colles transirent. Eo vis omnis tempestasque belli conversa est. Interim Hernici Latinique, pudore etiam, non misericordia solum, moti, si nec obstitissent communibus hostibus, infesto agmine Romanam urbem potentibus, nec opem ullam obfesis sociis ferrent, conjuncto exercitu Romam pergunt. Vbi quum hostes non invenissent, sequuti famam ac vestigia, obvii fiunt descenditibus ab Tusculano in Albanam vallem. Ibi haudquaquam aequo proelio pugnatum est, fidesque sua sociis parum felix in praesentia fuit. Haud minor Romae fit morbo strages, quam quanta ferro sociorum facta erat. Consul, qui unus supererat, moritur. Mortui et alii clari viri, M. Valerius, T. Virginius Rutilus, augures; Ser. Sulpicius, curio maximus. Et per ignota capita late evagata est vis morbi: inopsque senatus auxili humani, ad Deos populum ac vota vertit. Jussi cum

con-

conjugibus ac libéris subplicatum ire, pacemque exposcere Deum. Ad id, quod sua quemque mala cogebant, auctoritate publica evoca-ti, omnia delubra inplent. Stratae passim matrēs, crinib⁹ templa verrentes, veniam irarum coelestium, finemque pesti exposcunt.

VIII. Inde paullatim, seu pace Deum impetrata, seu graviore tempore anni jam circumacto, defuncta morbis corpora salubriora effici: incipere: versisque animis jam ad publicam curam, quam aliquot interregna exissent, P. Valerius Publicola tertio die, quam interregnum inierat, consules creat L. Lucretium Tricipitimum et T. Veturium Geminum; sive ille Vetusius fuit. Ante diem tertium Idus Sextiles consulatum ineunt, jam satis validæ civitate, ut non solum arcere bellum, sed ultro etiam inferre posset. Igitur inuentantibus Hernicis, in fines suos transseendiſſe hostes, impigre promissum auxilium. Duo consulares exercitus scripti. Veturius missus in Volscos ad bellum ultro inferendum. Tricipitinus, populationibus arcendis sociorum agro obpositus, non ultra, quam in Hernicos, procedit. Veturius primo proelio hostes fundit fugaque. Lucretium, dum in Hernicis fedet, prædonum agmen seſellit, supra montes Praenestinos ductum, inde demissum in campos. Vastavere agros Praenestinum Gabinumque: ex Gabino in Tusculanos flexere colles. Vrbi quoque Romae ingens præbitus terror, magis in re subita, quam quod ad arcendam vim parum virium esset. Q. Fabius præcerat Vrbi. Is, armata juventute, dispositisque praesidiis, tuta omnia ac tranquilla fecit. Itaque hostes, praeda ex proximiis locis raptā, adpropinquare Vrbi non ausi, quum circumacto agmine redirent, quanto longius ab urbe hostium abs-

cederent, eo solutiōe curā in Lucretium incidunt consulem, jam ante exploratis itineribus suis instructum, et ad certamen intentum. Igitur, praeparatis animis, repento pavore perculsus adorti, aliquanto pauciores multitudinem ingentem fundunt fugantque; et compulsi in cavas valles; quum exitus haud in facili essent, circumveniunt. Ibi Volscum nōmen prope deletum est. Tredecim millia quadringentos septuaginta cecidille in acie ac fuga, mille ducentos quinquaginta vivos captos, signa viginti septem militaria relata, in quibusdam annalibus invenio. Vbi et si adjectum aliquid numero sit, magna certe caedes fuit. Victor consul, ingenti praeda potitus, eadem in stativa rediit. Tum consules castra conjungunt: et Volsci Aequique adflictas vires suas in unum contulere. Tertia illa pugna eo anno fuit. Eadem fortuna victoriam dedit. Fusis hostibus, etiam castra capta.

IX. Sic res Rōmana in antiquum statum rediit: secundaeque belli res extēmplo urbanos motus excitaverunt. C. Terentillus Arsa, tribunus plebis eo anno fuit. Is, consulibus absentibus, ratus locum tribuniciis actionibus datum, per aliquot dies Patrum superbiam ad plebem criminatus, maxime in consularē imperium, tamquam nimium, nec tolerabile liberæ civitati, invehebatur: *nomine enim tantum minus invidiosum, re ipsa prope atrocissimum regium, esse.* Quippe duos prō uno domino acceptos, immoderata, infinita potestate: qui, soluti atque effrenati ipsi, omnes metus legum omniaque supplicia verterent in plebem. Quae ne aeterna illis licentia sit, legem se promulgaturum, ut quinque viri creentur legibus de imperio consulari scribendis. Quod populus in se jus dederit, eo consulem usūrum: non ipsos libert-

libidinem ac licentiam suam pro lege habituros.
 Quā promulgata lege, quum timerent Patres,
 nē, absentibus consulibus, jugum adciperent,
 senatus a praefecto urbis Q. Fabio vocatur:
 qui adeo atrociter in rogationem latoremque
 ipsum est invectus, ut nihil, si ambo consules
 infesti circumstarent tribunum, relictum mi-
 narum atque terroris sit: *infidiatum eum, et*
tempore capto adortum rem publicam. Si quem
similem ejus priore anno, inter morbum bellum-
que, irati Dii tribunum dedissent, non potuisse
sisti. Mortuis duobus consulibus, jacente aegra
 civitate in conluvione omnium rerum, ad tollen-
 dum ē re publica consulare imperium laturum
 leges fuisse; ducem Volscis Aquisque ad ob-
 pugnandam Vrbem futurum. Quid tandem?
 illi non licere, si quid consules superboe in ali-
 quem civium aut crudeliter fecerint, diem dice-
 re? adçusare his ipsis judicibus, quorum in ali-
 quem saevitum sit? Non illud consulare impe-
 riū, sed tribuniciam potestatem invisam into-
 lerandamque facere: quam pacatam reconcilia-
 tamque Patribus de integro in antiqua redigi
 mala. Neque illum se deprecari, quo minus
 perget, ut cooperit. Vos, inquit Fabius, ce-
 teri tribuni, oramus, ut primum omnium cogi-
 tetis, potestatem istam ad singulorum auxilium,
 non ad perniciem universorum, comparatam es-
 se; tribunos plebis vos creatos, non hostes Pa-
 tribus. Nobis miserum, invidiosum vobis es,
 desertam rem publicam invadi. Non jus vestrum,
 sed invidiam, minueritis. Agite cum conlega,
 ut rem integrum in adventum consulū differat.
 Ne Aequi quidem ac Volsci, morbo absuntis
 priore anno consulibus, crudeli superboque nobis
 bello institere. Agunt cum Terentillo tribuni:
 dilataque in speciem actione, re ipsa sublata,
 consules extemplo arcessiti.

X. Lucretius cum ingenti praeda, majore
multo gloria rediit. Et auget gloriam adve-
niens, exposita omni in campo Martio praeda,
ut suum quisque per triduum cognitum abdu-
ceret. Reliqua vendita, quibus domini non
exstitere. Debebatur omnium consensu con-
fuli triumphus: sed dilata res est, tribuno de
lege agente. Id antiquius consuli fuit. Ja-
ctata per aliquot dies quum in senatu res, tum
ad populum est. Cesit ad ultimum majestati
consulis tribulus, et destitit. Tum imperatori
exercitique honos suus redditus. Triumpha-
vit de Volscis Aequisque: triumphantem se-
quitae suae legiones. Alteri consuli datum,
ut ovans sine militibus urbem iniret. Anno
deinde in sequenti lex Terentilla, ab toto re-
lato conlegio, novos adgressa consules est.
Erant consules P. Volumnius, Ser. Sulpicius.
Eo anno coelum ardere visum; terra ingenti
coneussa motu est. Bovem loquitam, cui rei
priore anno fides non fuerat, creditum. In-
ter alia prodigia et carnei pluit: quem im-
brex ingens numerus avium intervolando
rapuisse fertur. Quod intercidit, sparsum ita
jacuisse per aliquot dies, ut nihil odor muta-
ret. Libri per duum viros sacrorum aditi:
pericula a conventu alienigenarum praedicta,
ne qui in loca summa urbis impetus, caedes-
que inde fierent. Inter cetera monitum, ut
seditionibus abstineretur. Id factum ad impe-
diendam legem, tribuni criminabantur, in-
gensque aderat certamen. Ecce (ut idem in
singulos annos orbis volveretur) Hernici nun-
tiavit, Volscos et Aequos, et si ad causas res sint,
reficere exercitus; Antii summam rei positam;
Ecetrae Antiates colonos palam concilia fa-
cere. Id caput, eas vires belli esse. Ut haec
dicta in senatu sunt, delectus edicitur; consu-
les

les belli administrationem inter se dispartiri jussi, alteri ut Volsci, alteri ut Aequi provin-
cia esset. Tribuni coram in foro personare,
*Fabulam compositam Volsci belli, Hernicos ad
partes paratos.* Jam ne virtute quidem premi libertatem populi Romani, sed arte eludi. Quia, occidione prope occisos Volscos et Aequos mo-
vere sua sponte arma posse, jam fides abierit, novos hosties quaeri. Coloniam fidam, propinquam, infamem fieri. Bellum innoxius Antia-
tibus indici, geri cum plebe Romana. Quam, oneratam armis, ex urbe praecipiti agmine actu-
ri essent, ex filio et relegatione civium ulciscentes tribunos. Sic, ne quid aliud actum putent,
victam legem esse; nisi, dum in integro res sit,
dum domi, dum togati sunt, caveant, ne pos-
sessione urbis pellantur, ne jugum adipiant.
Si animus sit, non defore auxilium. Consen-
tire omnes tribunos. Nullum terrorem exter-
num, nullum periculum esse. Cavisse Deos prior
re anno, ut tuto libertas defendi posset. Haec
tribuni:

XI. At ex parte altera consules in con-
spectu eorum, positis sellis, delectum habe-
bant. Eo decurrunt tribuni, concionenique
secum trahunt. Citati pauci, velut rei expe-
riundae causa: et statim vis coorta. Quem-
cuunque lictor jussu consulis prehendisset, tri-
bunus mitti jubebat. Neque suum cuique jus
modum faciebat, sed virium spe et manu ob-
tinendum erat, quod intenderes. Quemad-
modum se tribuni gesissent in prohibendo de-
lectu, sic Patres in lege, quae per omnes co-
miales dies serebatur, impedienda gerebant.
Initium erat rixae, quum discedere populum
jussissent tribuni, quod Patres se submoveri
haud sinebant. Nec fere seniores rei inter-
erant;

erant; quippe quae non consilio regenda, sed permisla temeritati audaciaeque esset. Multum et consules se abstinebant, ne cui in coniuvione rerum majestatem suam contumeliae obferrent. Kaeſo erat Quinctius, ferox juvenis, qua nobilitate gentis, qua corporis magnitudine et viribus. Ad ea munera, data a Diis, et ipſe addiderat multa belli decora, facundiamque in foro; ut nemo, non lingua, non manu, promptior, in civitate haberetur. Hic, quinque in medio Patrum agmine constitisset, eminens inter alios, velut omnes dictaturas consulatusque gerens in voce ac viribus suis, unus in petus tribunicios popularesque procellas sustinebat. Hoc duce, ſaepe pulsi foro tribuni, fusa ac fugata plebs est. Qui obviis fuerat, mulcatus nudatusque abibat: ut fatis adpareret, ſi ſic agi liceret, victam legem eſſe. Tum, prope jam perculſis aliis tribunis, A. Virginius, ex conlegio unus, Kaeſoni capititis diem dicit. Atrox ingenium adcederat eo facto magis, quam conterruerat: eo acrius obſtare legi, agitare plebem, tribunos velut iusto perſequi bello. Adcūſator pati reum ruere, invidiaeque flammam ac materiam criminibus suis subgerere: legem interim, non tam ad ſpem perferendi, quam ad laceſſendam Kaeſonis temeritatem, ferre. Ibi multa, ſaepe ab juventute inconsulte dicta factaque, in unius Kaeſonis ſuſpectum incident ingeniū: tamen legi reſiſtebatur. Et A. Virginius idem-tidem plebi: *Ecuſid ſentitis jam, vos, Quirites, Kaeſonem ſimul civem et legem, quam cupitis, habere non poſſe? Quamquam quid ego legem loquor? libertati obſtat, omnes Tarquinios ſuperbia exſuperat. Exſpectate, dum conſul aut dictator ſiat, quem priuatum viribus et audacia regnante videtis.* Adſentiebantur mul-

multi, pulsatos se querentes, et tribunum ad rem peragendam ultro incitabant.

XII. Jam aderat judicio dies, adparebatque, vulgo homines in damnatione Kaelonis libertatem agi credere. Tum demum coactus cum multa indignitate prensabat singulos. Sequebantur necessarii, principes civitatis. T. Quinctius Capitolinus, qui ter consul fuerat, quum multa referret sua familiaeque decora, adfirmabat: *Neque in Quinctia gente, neque in civitate Romana tantam indolem tam naturae virtutis unquam existisse.* *Suum primum militem fuisse, se saepe vidente pugnasse in hostem.* Sp. Furius, missum ab Quinctio Capitolinio sibi cum in dubiis suis rebus venisse subsidio. *Neminem unum esse, cuius magis opera putet rem restitutam.* L. Lucretius, consul anni prioris, recenti gloria nitens, suas laudes participare cum Kaelone, memorare pugnas, referre egregia facinora, nunc in expeditionibus, nunc in acie: suadere et monere, *juvenem egregium, instructum naturae fortunaeque omnibus bonis, maximum momentum rerum ejus civitatis, in quamcunque venisset, suum, quam alienum, malent civem esse.* *Quod offendat in eo, fervorem et audaciam actatem quotidie auferre; quod desideretur consilium; id in dies crescere.* Senescentibus vitiis, maturescente virtute, sine rent tantum virum senem in civitate fieri. Pater inter hos L. Quinctius, cui Cincinnato cognomen erat, non iterando laudes, ne cumularet invidiam, sed veniam errori atque adolescentiae petendo, sibi, qui non dicto, non facto quemquam offendisset, ut condonarent filium, orabat. Sed alii aversabantur preces, aut verecundia, aut metu: alii, se suosque mulcatos querentes, atroci responso judicium suum praeferebant.

XIII. Premebat reum, praeter vulgatam invidiam, crimen unum; quod M. Volscius Fictor, qui ante aliquot annos tribunus plebis fuerat, testis exstiterat, *Se haud multo post, quam pestilentia in urbe fuerat, in juventutem, grassantem in Subura, incidisse.* *Ibi rixam natam esse, fratremque suum majorem natu, nec dum ex morbo satis validum, pugno ictum ab Kaesone cecidisse semianimum.* Inter manus dominum ablatum, mortuumque inde arbitrari, nec sibi rem exsequi tam atrocem per consules superiorum annorum licuisse. Haec Volscio clamitante, adeo concitati homines sunt, ut hand multum abfuerit, quin in petu populi Kaeso interiret. Virginius adripi jubet hominem, et in vincula duci. Patricii contra vi resistunt. T. Quinctius clamitat, *Cui rei capitalis dies dicta sit, et de quo futurum prope diem judicium, eum indemnatum indicta causa non debere violari.* Tribunus supplicium negat sumturum se de indemnato: servaturum tamen in vinculis esse ad judicii diem; ut, qui hominem necaverit, de eo supplicii sumendi copia populo Romano fiat. Adpellati tribuni medio decreto jus auxilii sui expediunt: in vincula conjici vetant: fisti reum, pecuniamque, nisi fistatur, populo promitti, placere pronuntiant. Summam pecuniae quantam aequum esset promitti, veniebat in dubium: id ad senatum rejicitur. Reus, dum consulerentur Patres, retentus in publico est. Vades dare placuit. Vnum vadem tribus millibus aeris obligarunt. Quot darentur, permisum tribunis est. Decem finierunt. Tot vadibus accusator vadatus est reum. Hic primus vades publicos dedit. Dismissus e foro nocte proxima in Tuscos in exsilium abiit. Judicii die quum excusaretur solum vertisse exsilii causa, nihilo minus Virginio

nio comitia habente, conlegae adpellati dimisere concilium: pecunia a patre exacta crudeliter, ut, divenditis omnibus bonis, aliquamdiu trans Tiberim, veluti relegatus, devio quodam tugurio viveret.

XIV. Hoc judicium et promulgata lex exercuit civitatem: ab externis armis otium fuit. Quum, velut victores, tribuni, perculsis Patribus Kaeponis exfilio, prope perlata esse crederent legem, et, quod ad seniores Patrum pertinet, cessissent possessione rei publicae; juniores, id maxime quod Kaeponis sodalium fuit, auxere iras in plebem, non minuerunt animos. Sed ibi plurimum profectum est, quod modo quodam temperavere inpetus suos. Quum primo post Kaeponis exsilium lux copta ferri est, instructi paratique cum ingenti clientium exercitu sic tribunos, ubi primum submoventes praebuere causam, adorti sunt, ut nemo unus inde praecipuum quidquam gloriae domini invidiaeve ferret; mille pro uno Kaepones extitisse, plebes quereretur. Mediis diebus, quibus tribuni de lege non agerent, nihil eisdem illis placidius aut quietius erat. Benigne salutare, adloqui plebis homines, domum invitare, adesse in foro, tribunos ipsos cetera pati sine interpolatione concilia habere: numquam ulli, neque publice, neque privatim, truces esse, nisi quum de lege agi coeptum esset. Alibi popularis juventus erat. Nec cetera modo tribuni tranquillo peregere; sed refecti quoque in infrequentem annum. Ne voce quidem incommoda, nedum ut ulla vis fieret, paullatim permulcendo tractandoque mansuefecerant plebem. His per totum annum artibus elusa est.

XV. Adcipiant civitatem placidiorem consules C. Claudius, Appii filius, et P. Valerius Publicola. Nihil novi novus annus adulterat. Legis ferendae aut adcipliendae cura civitatem tenebat. Quantum juniores Patrum plebi se magis insinuabant, eo acrius contra tribuni tendebant, ut plebi suspectos eos criminando facerent. *Conjurationem factam, Kaesonem Romae esse: interficiendorum tribunorum, trucidandae plebis consilia inita. Id negotii datum ab senioribus Patrum, ut juvenus tribuniciam potestatem e re publica tolleret, formaque eadem civitatis esset, quae ante Sacrum montem occupatum fuerat.* Et ab Volscis et Aequis statum jam ac prope sollempne in singulos annos bellum timebatur: propiusque aliud novum malum, nec opinato exortum. Exsules servique, ad quatuor millia hominum et quingenti, duce Ap. Herdonio Sabino, nocte Capitolium atque arcem occupavere. Confestim in arce facta caedes eorum, qui conjurare et simul capere arma noluerant. Alii inter tumultum praecipites pavore in forum devolant. Alternae voces, *Ad arma, et Hostes in urbe sunt*, audiebantur. Consules et armare plebem, et inerinem pati timebant. Incerti, quod malum repentinum, externum an intestinum, ab odio plebis, an ab fervili fraude, urbem invasisset, sedabant tumultus, sedando interdum movebant. Nec enim poterat pavida et consternata multitudo regi imperio. Dant tamen arma, non vulgo; tantum ut, incerto hoste, praesidium satis fidum ad omnia esset. Solliciti reliquum noctis, incertique, qui homines, quantus numerus hostium esset, in stationibus disponendis ad opportuna omnis urbis loca, egere. Lux deinde aperuit bellum ducemque belli. Servos ad liber-

libertatem Ap. Herdonius ex Capitolio vocabat, Se miserrimi cuiusque suscepisse causam, ut exsules injuria pulsos in patriam reduceret, et servitiis grave jugum demeret. Id malle populo Romano auctore fieri. Si ibi spes non sit, se Volscos, et Aequos, et omnia extrema tentaturum et concitaturum.

XVI. Dilucere res magis Patribus atque consulibus. Praeter ea tamen, quae denuntiabantur, ne Vejentium, neu Sabinorum id consilium esset, timere: et, quum tantum in urbe hostium esset, mox Sabinae Etruscaeque legiones ex composito adessent; tum aeterni hostes Volsci et Aequi, non ad populandos, ut ante, fines, sed ad urbem, ut ex parte captam, venirent. Multi et varii timores. Inter ceteros eminebat terror servilis, ne suus cuique domi hostis esset. Cui nec credere, nec, non credendo, ne infestior fieret, fidem abrogare, satis erat tutum. Vixque concordia fisci videbatur posse. Tantum superantibus aliis ac emergentibus malis, nemo tribunos aut plebem timebat. Mansuetum id malum, et per aliorum quietem malorum semper exoriens, tumque esse peregrino terrore sopitum videbatur. At id prope unum maxime inclinatis rebus incubuit. Tantus enim tribunos furor tenuit, ut non bellum, sed vanam imaginem belli, ad avertendos ab legis cura plebis animos, Capitolium infedisse contendarent: patriciorum hospites clientesque, si perlata lege frustra tumultuosos esse se sentiant, majore, quam venerint, silentio abituros. Concilium inde legi perferendae habere, avocato populo ab armis. Senatum interim consules habent, alio se majore ab tribunis metu offendente, quam quem nocturnus hostis intulerat.

XVII. Postquam arma poni, et discedere homines ab stationibus nuntiatum est, P. Valerius, conlega senatum retinente, se ex curia proripit, inde in templum ad tribunos venit: *Quid hoc rei est, inquit, tribuni?* Ap. Herdonii ductu et auspicio rem publicam eversuri esis? Tam felix vobis courumpendis fuit, qui servitia vestra non commovit auctor? Quum hostes supra caput sunt, discedi ab armis, legesque ferri placet? Inde ad multitudinem oratione versa: *Si vos urbis, Quirites, si vestri nulla cura tangit; at vos veremini Deos vestros, ab hostibus captos.* Jupiter optimus maximus, Juno Regina, et Minerva, alii Dii, Deaeque obfidentur. Castra servorum publicos vestros penates tenent. Haec vobis forma sanae civitatis videtur? Tantum hostium non solum intra muros est, sed in arce supra forum curiamque: comitia interim in foro sunt: senatus in curia est: velut quum otium superat, senator sententiam dicit: alii Quirites subfragium ineunt: Non, quidquid Patrum plebisque est, consules, tribunos, Deos, hominesque omnes armatos opem ferre, in Capitolium currere, liberare ac pacare angustissimam illam domum Jovis optimi maximi decuit? Romule pater, tu nientem tuam, qua quondam arcem, ab his iisdem Sabinis auro captam, recepisti, da stirpi tuae. Jube hanc ingredi viam, quam tu dux, quam tuus ingressus exercitus est. Primus, en, ego consul, quantum mortalis Deum possum, te, ac tua vestigia sequar. Ultimum orationis suit, Se arma capere, vocare omnes Quirites ad arma. Si quis impedit, jam se consularis imperii, jam tribuniciae potestatis sacratarumque legum oblitum, quisquis ille sit, ubicumque sit, in Capitolio, in foro, pro hostie habiturum. Juberent tribuni, quoniam in Ap. Herdonium vetarent, in P. Valerium

lerium consulem sumi arma. Ausurum se in tribunis, quod princeps familiae suae ausus in regibus esset. Vim ultimam adparebat futuram, spectaculoque seditionem Romanam hostibus fore. Nec lex tamē ferri, nec ire in Capitolium consul potuit. Nox certamina coepta obpresso: tribuni cessere nocti, timentes consulū arma. Amotis inde seditionis auctoribus, Patres circumire plebem, inferentesque se in circulos, ferniones tempori aptos serere: admonere, *Vt viderent, in quod discrimen rem publicam adducerent.* Non inter Patres ac plebem certamen esse, sed simul Patres plebemque, arcem urbis, templa Deorum, penates publicos privatosque hostibus dedi. Dum haec in foro sedandae discordiae causa aguntur, consules interim, ne Sabini, ne Vejens hostis moveretur, circa portas murosque discesserant.

XVIII. Eadē nocte et Tusculum de arce capta. Capitolioque occupato et alio turbatae urbis statu nuntii veniunt. L. Mamilius Tusculi tum dictator erat. Is, confestim convocato senatu, atque introductis nuntiis, magno opere censet, *Ne exspectent, dum ab Roma legati, auxilium petentes, veniant: periculum ipsum discrimenque ac sociales Deos fidemque foederum id poscere.* Demerendi beneficio tam potentem, tam propinquam civitatem, nunquam parem occasionem daturos Deos. Placet ferri auxilium; juventus conscribitur, arma dantur. Romam prima luce venientes, procul speciem hostium praebuere. Aequi aut Volsci venire visi sunt. Deinde, ubi vanus terror abiit, adcepti in urbem, agmine in forum descendunt. Ibi jam P. Valerius, relicto ad portarum praesidia conlega, instruebat aciem. Auctoritas viri moverat, adfirmantis, *Capitlio recuperato, et urbe pacata, si edoceri se sis-*

*sent, quae fraus ab tribunis obculta in lege fer-
retur, memorem se majorum suorum, memorem
cognominis, quod populi colendi velut heredita-
ria cura sibi a majoribus tradita esset, concilium
plebis non impediturum. Hunc ducem sequuti,
nequidquam reclamantibus tribunis, in clivum
Capitolinum erigunt aciem. Adjungitur et
Tusculana legio. Certare socii civesque, utri
recuperatae arcis suum decus facerent. Dux
uterque suos adhortatur. Trepidare tum ho-
stes: nec ulli satis rei, praeterquam loco, fi-
dere. Trepidantibus inferunt signa Romani
sociique. Jam in vestibulum perruperant tem-
pli, quem P. Valerius, inter primores pugnam
ciens, interficitur. P. Volumnius consularis
vidit cadentem. Is, dato negotio suis, ut
corpus obtegerent, ipse in locum vicemque
consulis provolat. Prae ardore impetuque tan-
tae rei sensus non pervenit ad militem: prius
vicit, quam se pugnare sine duce sentiret.
Multi exsulm caede sua foedavere templum;
multi vivi capti; Herdonius imperfectus. Ita
Capitolium recuperatum. De captiis, ut
quisque liber aut servus esset, suae fortunae
a quoque sumtum subplicium est. Tusculanis
gratiae actae: Capitolium purgatum atque lu-
stratum. In consulis domum plebes quadran-
tes, ut funere ampliore efficeretur, jactasse
fertur.*

XIX. Pace parta, instare tum tribuni Pa-
tribus, *ut P. Valerii fidem exsolverent: instare*
Claudio, ut conlegae Deos manes fraude libe-
raret, agi de lege fineret. Consul, antequam
conlegam sibi subrogasset, negare, passurum
agi de lege. Hae tenuere contentiones usque
ad comitia consulis subrogandi. Decembri
mense, summo Patrum studio, L. Quinctius
Cincinnatus, pater Kaesonis, consul creatur,
qui

qui magistratum statim obciperet. Percusa erat plebes, consulem habitura iratum, potentem favore Patrum, virtute sua, tribus liberis, quorum nemo Kaesoni cedebat magnitudine animi; consilium et modum adhibendo, ubi res posceret, priores erant. Is, ut magistratum init, adsiduis concionibus pro tribunali, non in plebe coercenda, quam senatu castigando, vehementior fuit: *cujus ordinis languore perpetui jam tribuui plebis, non ut in re publica populi Romani, sed ut in perdita domo, lingua criminibusque regnarent.* Cum Kaesone filio suo virtutem, constantiam, omnia juventutis belli domique deodra pulsa ex urbe Romana et fugata esse. Loquaces, seditiosos, semina discordiarum, iterum ac tertium tribunos pessimis artibus regia licentia vivere. A. inquit, ille Virginius, quia in Capitolio non fuit, minus subplicii, quam Ap. Herdonius, meruit? plus hercule aliquanto, qui vere rem aestimare velit. Herdonius, si nihil aliud, hostem se fatendo prope denuntiavit, ut arma caperetis: hic, negando bella esse, arma vobis ademit, nudosque servis vestris et exsulibus objecit. Et vos (C. Claudi pace, et P. Valerii mortui loquar) prius in clivum Capitolinum signa intulistis, quam hos hostes de foro tolleretis? Pudet Deorum hominumque. Quum hostes in arce, in Capitolio essent, exsulum et servorum dux, profanatis omnibus, in cella Iovis optimi maximi habitaret, Tusculi ante, quam Romae, sumta sunt arma. In dubio fuit, utrum L. Mamilius Tusculanus dux, an P. Valerius et C. Claudius consules Romanam arcem liberarent: et qui ante Latinos, ne pro se quidem ipsis, quum in finibus hostem haberent, adtingere arma passi sumus; nunc, nisi Latini sua sponte arma sumissent, capti et deleti eramus.

*Hoc est, tribuni, auxilium plebi ferre, inermem
eām hōstī trucidādam objicere? Scilicet, si quis
vobis humillimus homo de vestra plebe, (quam
partem, velut abruptam a cetero populo, ve-
stram patriam peculiaremque rem publicam fe-
cisis) si quis ex his domum suam obfessam a fa-
milia armata mūtiaret, ferendum auxilium pū-
taretis. Jupiter optimus maximus, exsulū at-
que servorū septus armis, nulla humana ope-
dignus erat? et hi postulant, ut sacrofaucti ha-
beantur, quibus ipsi Dii neque sacri, neque san-
cti sunt? At enim, divinis humanisque obruti
sceleribus, legem vos hoc anno perlatus dicti-
tatis? Tum hercule illo die, quo ego consul sum
creatus, male gesta res publica est, pejus mūl-
to, quam quoni P. Valerius consul periit, si
tuleritis. Jam primum omnium, inquit; Qui-
rites, in Volscos et Aequos mihi atque conlegae
legiones ducere in animo est. Nescio quo fato
magis bellantes, quam pacati, propitios habe-
mus Deos. Quantum periculum ab illis populis
fuerit, si Capitolium ab exsulibus obfessum scis-
sent, suspicari de praeterito, quam re ipsa ex-
periri, est melius.*

XX. Moverat plebem oratio consulis:
erecti Patres restitutam credebant rem publi-
cam: consul alter, comes animosior, quam
auctor, suscepisse conlegam priorem actionem
tam gravis rei facile passus, in peragendis
consularis officiis partem ad se vindicabat.
Tum tribuni, eludentes velut vana dicta, per-
sequi quaerendo, quoniam modo exercitum edu-
cturi consules essent, quos delectum habere nemo
passurus esset? Nobis vero, inquit Quintius,
nihil delectu opus est; quum, quo tempore P.
Valerius ad recipiendum Capitolium arma plebi
dedit, omnes in verba juraverint, conventuros
se jussu consulis, nec injussu abituros. Edici-
mus

mus itaque, omnes, qui in verba jura suis, crassiua die armati ad lacum Regillum adfisis. Ca-
villari tum tribuni, et populum exsolvere re-
ligione yelle: privatum eo tempore Quinctium
fuisse, quum sacramento adacti sint. Sed non-
dum haec, quae nunc tenet saeculum, negli-
gentia Deum venerat: nec interpretando sibi
quisque jus jurandum et leges aptas faciebat,
sed suos potius mores ad ea adconimodabat.
Igitur tribuni, ut impediendae rei nulla spes
erat, de proferendo exercitu agere; eo ma-
gis, quod, et augures jussos adesse ad Regillum
lacum, fama exierat, locumque inaugurarri, ubi
auspicato cum populo agi posset; ut, quidquid
Romae vi tribunicia rogatum esset, id comitiis
ibi abrogaretur. Omnes id jussuros, quod con-
sules vellent. Neque enim provocationem esse
longius ab Urbe mille passuum: et tribunos, si
eo adveniant, in alia turba Quiritium subjectos
fore consulari imperio. Terrebant haec: sed
ille maximus terror animos agitabat, quod
saepius Quinctius dictabat, Se consulm co-
nitia non habiturum. Non ita civitatem ae-
gram esse, ut consuetis remedii possit. Di-
cattore opus esse rei publicae, ut, qui se move-
rit ad sollicitandum statum civitatis, sentiat,
sine provocacione dictaturam esse.

XXI. Senatus in Capitolio erat. Eo tri-
 buni cum perturbata plebe veniunt. Multitu-
 do clamore ingenti, nunc consulm, nunc
 Patrum, fidem implorant. Nec ante move-
 runt de sententia consulem, quain tribuni, se
 in auctoritate Patrum futuros esse, polliciti
 sunt. Tunc, referente consule de tribunorum
 et plebis postulatis, senatus consulta sicut
Neque tribuni legem eo anno ferrent, neque
consules ab urbe exercitum educereunt. In reli-
quum magistratus continuari, et eosdem tribunos
 do

refici, judicare senatum contra rem publicam esse. Consules fuere in Patrum potestate. tribuni, reclamantibus consulibus, refecti. Patres quoque, ne quid cederent plebi, et ipsi L. Quinctium consulem reficiebant. Nulla toto anno vehementior actio consulis fuit. Mirer, inquit, si vana vestra, Patres conscripti, auctoritas ad plebem est? Vos elevatis eam. Quippe, quia plebs senatus consultum in continuandis magistratibus solvit, ipsi quoque solutum vultis, ne temeritati multitudinis cedatis: tamquam id sit plus posse in civitate, plus levitatis ac licentiae habere. Levius enim vaniusque profecto est, sua decreta et consulta tolle-re, quam aliorum. Imitamini, Patres conscripti, turbam inconsultam: et, qui exemplo aliis esse debit is, aliorum exemplo peccetis potius, quam alii vestro recte faciant; dum ego ne imiter tribunos, nec me contra senatus consultum consulem renuntiari patiar. Te vero, C. Claudi, adhortor, ut et ipse populum Romanum hac licentia arceas: et de me hoc tibi persuadeas, me ita adcepturnum, ut non honorem meum a te impeditum, sed gloriam spreti honoris auctam, invidiamque, quae ex continuato eo impenderet, levatam putem. Communiter inde edicunt, Ne quis L. Quinctium consulem face-ret. Si quis fecisset, se id suffragium non ob-servaturos.

XXII. Consules creati Q. Fabius Vibulanus tertium et L. Cornelius Maluginensis. Census actus eo anno. Lustrum, propter Capitolium captum, consulem occisum, condi religiosum fuit. Q. Fabio, L. Cornelio consulibus, principio anni statim res turbulentae. Instigabant plebem tribuni. Bellum ingens a Volscis et Aequis Latini atque Hernici nuntiabant. Jam Antii Volscorum legiones esse:

et

et ipsam coloniam ingens metus erat defectum. Aegreque impetratum a tribunis, ut bellum praeverti sinerent. Consules inde partiti provincias. Fabio, ut Antium legiones duceret, datum: Cornelio, ut Romae praesidio esset: ne qua pars hostium, qui Aequis mos erat, ad populandum veniret. Hernici et Latini jussi milites dare ex foedere: duaeque partes sociorum in exercitu, tertia civium fuit. Postquam ad diem praestitutum venerunt socii, consul extra portam Capenam castra locat. Inde, lustrato exercitu, Antium profectus, haud procul oppido stativisque hostium confedit. Vbi quum Volsci, quia nondum ab Aequis venisset exercitus, dimicare non ausi, quemadmodum quieti vallo se tutarentur, pararent; postero die Fabius, non permixtam unam sociorum civiumque, sed trium populorum tres separatim acies circa vallum hostium instruxit. Ipse erat mediis cum legionibus Romanis. Inde signum observare jussit, ut pariter et socii rem inciperent, referrentque pedem, si receptui cecinisset. Equites item suae cuique parti post principia conlocat. Ita trifariam adortus castra circumvenit: et, quum undique instaret, non sustinentes impetum Volscos vallo deturbat. Transgressus inde munitiones, pavidam turbam inclinatamque in partem unam castris expellit. Inde effuse fugientes eques, cui superare valium haud facile fuerat, quum ad id spectator pugnae adstitisset, libero campo adeptus, parte victoriae fruitur, territos caedendo. Magna et in castris et extra munitamenta caedes fugientium fuit: sed praeda major; quia vix arma secum efferre hostis potuit. Deletusque exercitus foret, ni fugientes silvae texissent.

—
XXIII. Dum ad Antium haec geruntur, interim Aequi, robore juventutis praemissi, arcem Tusculanam improviso nocte capiunt: reliquo exercitu haud procul moenibus Tusculi confidunt, ut distenderent hostium copias. Haec celeriter Romam, ab Roma in castra Antium perlata, movent Romanos haud securus, quam si Capitolium captum nuntiaretur. Adeo et recens erat Tusculanorum meritum, et similitudo ipsa periculi reposcere datum auxilium videbatur. Fabius, omissis omnibus, praedam ex castris raptim Antium convexit. Ibi modico praefidio relicto, citatum agmen Tusculum rapit. Nihil praeter arma, et quod cocti ad manum fuit cibi, ferre militi licuit. Commeatum ab Roma consul Cornelius subvehit. Aliquot menses Tusculi bellatum. Parte exercitus consul castra Aequorum obpugnabat: partem Tusculanis dederat ad arcem recuperandam. Vi numquam eo subiri potuit. Fames postremo inde detraxit hostem. Quo postquam ventum ad extremum est, interimes nudique omnes sub jugum ab Tusculanis missi. Hos, ignominiosa fuga domum se recipientes, Romanus consul in Algido consequistus, ad unum omnes occidit. Victor ad Columen (id loco nomen est) exercitu relicto castra locat. Et alter consul, postquam in omnibus iam Romanis, pulso hoste, periculum esse desierat, et ipse ab Roma profectus, ultra bifariam consules ingressi hostium fines, singenti certamine hinc Volscos, hinc Aequos populantur. Eodem anno descisse Antiates, apud plerosque auctores invenio. L. Cornelium consulem id bellum gessisse, oppidum que cepisse, certum adfirmare, quia nulla apud vetustiores scriptores ejus rei mentio est, non ausim.

XXIV. Hoc bello perfecto, tribunicium domi bellum Patres territat. Clamant; *fraude fieri*, quod foris teneatur exercitus: *frustrationem eam legis tolleridae esse*. Se nihilominus rem susceptam peracturos. Obtinuit tamen P. Lucretius praefectus Vrbis, ut actiones tribunicae in adventum consulum differentur. Erat et nova exorta causa motus. A. Cornelius et Q. Servilius quaestores M. Volscio, quod falsus haud dubie testis in Kaesonem extitisset, diem dixerant. Multis enim eminabant indiciis, neque fratrem Volscii, ex quo semel fuerit aeger, umquam non modo visum in publico, sed ne ad surrexisse quidem ex morbo, multorumque tabe mensum mortuum: nec his temporibus, in quae testis crimen conjectisset, Kaesonem Romae visum: adfirman-
tibus, qui una meruerant, secum eum tum frequentem ad signa sine ullo commeatu fuisse. Ni ita esset, multi privatin ferebant Volscio judices. Quum ad judicium ire non auderet, omnes eae res, in tunum congruentes, haud magis dubiam damnationem Volscii, quam Kaesonis Volseio teste fuerat, faciebant. In mora tribuni erant, qui comitia quaestores habere de reo, nisi prius habita de lege essent, passuros negabant. Ita extracta utraque res in consulni adventum est. Qui ubi triun-
phantess victore cum exercitu urbem inierunt, quia silentium de lege erat, percusso magna pars credebant tribunos. At illi, (etenim ex-
tremum anni jam erat) quartum adfectantes tribunatum, in comitiorum disceptationem ab lege certamen averterant. Et quin consules nihil minus adversus continuationem tribunatus, quam si lex minuenda suae majestatis causa promulgata ferretur, tetendissent, victoria certaminis penes tribunos fuit. Eodem
anno

anno Aequis pax est potentibus data. Census, res priore anno inchoata, perficitur: idque lustrum ab origine urbis decimum conditum. Fuerunt censa civium capita centum septemdecim: millia trecenta novemdecim. Consulū magna domi bellique eo anno gloria fuit: quod et foris pacem peperere, nec domi, etsi non concors, minus tamen, quam alias, infesta civitas fuit. exo XXV. L. Minucius inde et C. Nautius consules facti duas residuas anni prioris causas excooperunt. Eodem modo consules legem, tribuni judicium de Volscio impediebant: sed in quaestoribus novis major vis, major auctoritas erat. Cum M. Valerio, Valerii filio, Volefi nepote, quaestor erat T. Quinctius Capitolinus, qui ter consul fuerat. Is, quoniam neque Quinctiae familiae Kaeſo, neque rei publicae maximus juvēnum restitui posset, falfum testem, qui dicendae causae innoxio potestatem ademisset, justo ac pio bello persequebatur. Quum Virginius maximie et tribuni de lege agerent, duum mensium spatiū consulibus datum est ad inspiciendam legem; ut, quum edocuissent populum, quid fraudis occultae ferretur, finerent deinde subfragium anire. Hoc intervalli datum res tranquillas in Urbe fecit. Nec diutinam quietem Aequi dederunt: qui, irupto foedere, quod ictum erat priore anno cum Romanis, imperium ad Gracchum Cloelium deferunt. Is tum longe princeps in Aequis erat. Graeco duce in Lavicanum agrum, inde in Tusculanum, hostili populatione veniunt, plenique praedae in Algido castra locant. In ea castra Q. Fabius, P. Volumnius, A. Postumius, legati ab Roma, venerunt questum injurias, et ex foedere res repetitum. Eos Aequorum imperator, quae man-

*mandata habeant ab senatu Romano, ad quic-
cum jubet dicere: se alia interim acturum:
Quercus ingens arbor praetorio imminebat,
eius umbra opaca sedes erat. Tum ex lega-
tis unus abiens, et haec, inquit, *sacrata quer-
cus, et quidquid Deorum est, audiant foedus o-
vobis ruptum: nos risque et nunc querelis ad-
sunt, et mox armis; quum Deorum hominumque
simil violata jura exsequemur.* Romani ut re-
diere legati, senatus iussit, alterum consulem
contra Gracchum in Algidum exercitum du-
cere: alteri populationem finium Aequorum
provinciam dedit. Tribuni suo more impe-
dire delectum. Et forsitan ad ultimum impe-
dissent; sed novus subito additus terror est.*

XXVI. Vis Sabinorum ingens prope ad
moenia Vrbis infesta populatione veint. Foe-
dati agri, terror injectus Vrbi est. Tum plebs
benigne arma cepit. Reclamantibus frustra
tribunis, magni duo exercitus scripti. Alterum Nautius contra Sabinos duxit: castrisque
ad Eretum positis, per expeditiones parvas,
plerumque nocturnis incursionibus, tantam
valetatem in Sabino agro reddidit, ut, com-
parati ad eam, prope intacti bello fines Ro-
mani viderentur. Minucio neque fortuna nec
vis animi eadem in gerendo negotio fuit. Nam,
quum haud procul ab hoste castra posuisset,
nulla magnopere clade adcepta, castris se pa-
vidus tenebat. Quod ubi senserant hostes,
crevit ex metu alieno, ut fit, audacia: et,
nocte adorti castra, postquam parum vis aper-
ta profecerat, munitiones postero die circum-
dant. Quae prius quam, undique vallo ob-
jecto, clauderent exitus, quinque equites, in-
ter stationes hostium emissi, Romanum pertule-
re, consulem exercitumque obsideri. Nihil
nec tam inopinatum, nec tam insuperatum ad-
cide-

cidere potuit. Itaque tantus pavor, tanta trepidatio fuit, quanta, si urbem, non castra, hostes ob siderent. Nautum consulem arcessunt. In quo quum parum praesidii videtur, dictatore inque dici placeret, qui rem perculsam restitueret, L. Quinctius Cincinnatus consensu omnium dicitur. Operae pretium est audire, qui omnia prae divitiis humana spernunt, neque honori magno locum, neque virtuti putant esse, nisi ubi effuse adfluant opes. Spes unica imperii populi Romani. L. Quinctius trans Tiberim, contra eum ipsum locum, ubi nunc navalia sunt, quatuor jugerum collebat agrum, quae prata Quinctia vocantur. Ibi ab legatis, seu fossam fodiens palae innisus, seu quum araret; operi certe, id quod constat, agresti intentus; salute data in vicem redditaque, rogatus, *ut, quod bene verteret ipsi reique publicae, togatus mandata senatus audi ret*, admiratus, rogitansque, *satin' salva es sent omnia?* togam propere e tugurio proferre uxorem Raciliam jubet. Qua simul, absterso pulvere ac sudore, velatus processit, dictatorem eum legati gratulantes consalutant: in Vrbem vocant: qui terror sit in exercitu, exponunt. Navis Quinctio publice parata fuit, transvectu inque tres obvia in egressi filii excipiunt; inde alii propinquai atque amici; tum Patrum major pars. Ea frequentia stipatus, antecedentibus lictoribus, deductus est donum: et plebis concursus ingens fuit. Sed ea nequaquam tam laeta Quinctiu in vidit; et imperii iniunium, et virum in ipso imperio vehementiorem rata. Et illa quidem nocte nihil praeterquam vigilatum est in Vrbe.

XXVII. Postero die dictator, quum ante lucem in forum venisset, magistrum equitum dicit L. Tarquitium patriciae gentis, sed qui, quum

quam stipendia pedibus propter paupertatem fecisset, bello tamen prius longae Romanae juventutis habitus esset. Cum magistro equitum in concionem venit, justitium edicet, claudit tabernas tota urbe jubet, vetat quemquam privatae quidquam rei agere. Tum, quicumque aetate militari essent, armati, cum cibariis in dies quinque coctis vallisque duodenis, ante solis occasum Martio in campo adessent: quibus aetas ad militandum gravior esset, vicino mili, dum is arna pararet, vallumque peteret, cibaria coquere jussit. Sic juventus discurrit ad vallum petendum. Sumfere, unde cuique proximum fuit: prohibitus nemo est: in pigreque omnes ad edictum dictatoris praesto fuere. Inde composito agmine, non itineri magis apti, quam proelio, si res ita tulisset, legiones ipse dictator, magister equitum suos equites dicit. In utroque agmine, quas tempus ipsum poscebat, adhortationes erant: adderent gradum, maturato opus esse, ut nocte ad hostem pervenire possent. Consullem exercitumque Romanum obsideri. Tertium diem jam clausos esse: quid quaeque nox aut dies ferat, incertum esse: puncto saepe temporis maximarum rerum momenta verti. Adcelera signifer, sequere miles, inter se quoque, gratificantes dueibus, claimabant. Media nocte in Algidum perveniunt: et, ut sensere, se jam prope hostes esse, signa constituunt.

XXVIII. Ibi dictator, quantum nocte prospici poterat, equo circumvectus, contemplatusque, qui tractus castrorum, quaeque forma esset, tribunis militum imperavit, ut sarcinas in unum conjici jubeant, militem cum armis valloque redire in ordines suos. Facta, quae imperavit. Tum, quo fuerant ordine in via, exercitum omnem longo agmi-

ne circumdat hostium castris, et, ubi signum
datum sit, clamorem omnes tollere jubet.
Clamore sublato, ante se quemque ducere fos-
fam, et jacere vallum. Edito imperio, signum
sequutum est. Jussa miles exsequitur, clamor
hostes circumsonat. Superat inde castra ho-
stium, et in castra consulis venit; alibi pavo-
rem, alibi gaudium ingens facit. Romanis,
civilem esse clamorem, atque auxilium adesse,
inter se gratulantes, ultiro ex stationibus ac
vigiliis territant hostem. Consul differendum
negat: *Ilo clamore non adventum modo signi-
ficari, sed rem ab suis coeptam; mirumque esse,*
*ni jam exteriore parte casira hostium obpugnen-
tur. Itaque arma suos capere, et se subsequi*
jubet. Nocte initum proelium est a legioni-
bus: dictatori clamore significant, ab ea quo-
que parte rem in discrimine esse. Jam se ad
prohibenda circumdari opera Aequi parabant,
quum, ab interiore hoste proelio coepto, ne
per media sua castra fieret eruptio, a munien-
tibus ad pugnantes introrsum versi, vacuam
noctem operi dedere. Pugnatumque cum con-
sule ad lucem est. Luce prima jam circum-
vallati ab dictatore erant, et vix adversus
unum exercitum pugnam sustinebant. Tum a
Quinctiano exercitu, qui confessim a perfecto
opere ad arma rediit, invaditur vallum. Hic
instabat nova pugna: illa nihil remiserat prior.
Tum, aincipiti malo urgente, a proelio ad
preces versi, hinc dictatorem, hinc consulem
orare, ne in obcidione victoriam ponerent, ut
inermes se inde abire sinerent. Ab consule ad
dictatorem ire jussis ignominiam infensus ad-
didit. Gracchum Cloelium ducem principes-
que alios vincitos ad se adduci jubet, oppido
Corbione decedi; *Sanguinis se Aequorum non
egere; licere abire: sed, ut exprimatur tandem*
con-

confessio, subactam domitamque esse gentem,
sub jugum abituros. Tribus hastis jugum sit,
humi fixis duabus, superque eas transversa
una deligata. Sub hoc jugo dictator Aequos
misiit.

XXIX. Castris hostium receptis, plenis
omnium rerum, (nudos enim emiserat) praedam
omnem suo tantum militi dedit: consularē
exercitū ipsumque consulem increpans, Carebis, inquit, *praedae parte, miles,*
ex eo hoste, cui prope praedae fuisisti. Et tu,
L. Minuci, donec consularē animum incipias
habere, legatus his legionibus preeeris. Ita se
Minucius abdicat consulatu, jussusque ad exer-
citum manet. Sed adeo tum imperio meliori
animus mansuete obediens erat, ut beneficii
magis, quam ignominiae, hic exercitus me-
mor, et coronam auream dictatori libram pon-
do decreverit, et proficiscentem eum patronum
salutaverit. Romae a Q. Fabio preefe-
cto urbis senatus habitus triumphantem Quintium,
quo veniebat agmine, urbem ingredi
jussit. Ducti ante currum hostium duces: mi-
litaria signa paelata: sequutus exercitus pree-
da onustus. Epulae instructae dicuntur fuisse
ante omnium domos: epulantesque cum car-
mine triumphali et sollemnibus jocis, comis-
fantium modo, currum sequuti sunt. Eo die
L. Mamilio Tusculano, adprobantibus cun-
ctis, civitas data est. Confectim se dictator
magistratu abdicaret, ni coniitia M. Volsei
falsi testis temuissent: ea ne impedirent tribuni,
dictatoris obstitit metus. Volscius damnatus
Lanuvium in exsiliū abiit. Quintius sexto
decimo die dictatura, in sex menses accepta,
se abdicavit. Per eos dies consul Nautius ad
Eretum cum Sabinis egregie pugnat. Ad va-
statos agros ea quoque clades adcessit Sabinis.

Minucio Fabius Quintus subcessor in Algidum missus. Extremo anno agitatum de lege ab tribunis est. Sed, quia duo exercitus aberant, ne quid ferretur ad populum, Patres tenuere. Plebes vicit, ut quintum eosdem tribunos crearent. Lupos viros in Capitolio ferunt a canibus fugatos; ob id prodigium lustratum Capitolium esse. Haec eo anno gesta.

XXX. Sequuntur consules Q. Minucius, C. Horatius Pulvillus. Cujus initio anni quum foris otium esset, domi seditiones iidem tribuni, eadem lex faciebat. Ulteriusque ventum foret, (ad eo exarserant animis) ni, velut dedita opera, nocturno impetu Aequorum Corbione amissum praefidium nuntiatum esset. Senatum consules vocant. Jubentur subitum scribere exercitum, atque in Algidumducere. Inde, posito legis certamine, nova de delectu contentio orta. Vincebaturque consulare imperium tribunicio auxilio, quum alius additur terror: Sabinum exercitum praedatuni descendisse in agros Romanos, inde ad Urbem venire. Is metus perpulit, ut scribi militem tribuni sinerent; non sine pactione tamen, ut, quoniam ipsis quinquennium elusi essent, parvumque id plebi praefidium foret, decem inde tribuni plebis crearentur. Expressit hoc necessitas Patribus. Id modo excepero, ne postea eosdem tribunos juberent. Tribunicia comitia (ne id quoque post bellum, ut cetera, vacuum esset) extemplo habita. Tricesimo sexto anno a primis tribunis plebis, decem creatis sunt, bini ex singulis classibus. Itaque caustum est, ut postea crearentur. Delectu deinde habito, Minucius, contra Sabinos profectus, non invenit hostem. Horatius, quum iam Aequi, Corbione imperfecto praefidio, Ortonam etiam cepissent, in Algido pugnat.

Mul-

Multos mortales occidit: fugat hostem non ex Algido modo, sed a Corbione Ortanaque. Corbionem etiam diruit propter proditum praesidium.

XXXI. Deinde M. Valerius, Sp. Virginius consules facti. Domi forisque otium fuit. Annona propter aquarum intemperiem labratum est. De Aventino publicando lata lex est. Tribuni plebis iidem refecti sequente anno, T. Romilio, C. Veturio consulibus, legem omnibus concionibus suis celebrabant. *Pudere se numeri sui nequidquam aucti, si ea res aequae suo biennio jaceret, ac toto superiore lustro jacuisset.* Quum maxime haec agerent, trepidi nuntii ab Tusculo veniunt, Aequos in agro Tusculano esse. Fecit pudorem recens ejus populi meritum morandi auxilii: ambo consules, cum exercitu missi, hostem in sua sede in Algido inveniunt. Ibi pugnatum. Supra septem millia hostium caesa: alii fugati: praeda parta ingens. Eam propter inopiam aerarii consules vendiderunt. Invidiae tamen res ad exercitum fuit. Ea denique tribunis materiam criminandi ad plebem consules praebuit. Itaque ergo, ut magistratu abidere, Sp. Tarpejo, A. Aterio consulibus, dies dicta est Romilio ab C. Claudio Cicerone, tribuno plebis; Veturio ab L. Alienio, aedile plebis. Vterque magna Patrum indignatione damnatus, Romilius decem millibus aeris, Veturius quindecim. Nec haec priorum calamitas consulum seniores novos fecerat consules. *Et se damnari posse ajebant: et plebem, et tribunos legem ferre non posse.* Tum, abjecta lege, quae promulgata contenerat, tribuni lenius agere cum Patribus. Finem tandem certaminum facerent. Si plebeiae leges displicerent, at illi communiter legum latores, et ex plebe. et ex

*Pátribus, qui utrisque utilia ferrent, quaequo
aequandae libertatis essent, finerent creari. Rem
non adspexerantur Pátres: daturum leges ne-
minem, nisi ex Patribus, ajebant. Quim de
legibus convéniret, de latore tantum discrepa-
ret; missi legati Athenas Sp. Postumius Albus,
A. Manlius, P. Sulpicius Camerinus; jussique
inclusas leges Solonis describere, et alliarum
Graeciae civitatum instituta, mores, juraque
noscere.*

XXXII. Ab extérnis bellis quietus annus
fuit; quietior insequens, P. Curiatio et Sex.
Quinetilio consulibus, perpetuo silentio tribu-
norum: quod primo legatorum, qui Athenas
ierant, legumque peregrinarum exspectatio
praebuit; dein duo simul mala ingentia exor-
ta, faunes pestilentiaque, foeda homini, foeda
pecori. Vastati agri sunt: urbs adsiduis ex-
hausta funeribus; multae et clarae lugubres
domus. Flamen Quirinalis Ser. Cornelius
mortuus; augur C. Horatius Pulvillus: in cu-
jus locum C. Veturium eo cupidius, quia
damnatus a plebe erat; augures legere. Mor-
tuus consul Quinetilius, quatuor tribuni plé-
bis. Multiplici clade foedatus annus. Ab ho-
ste otium fuit. Inde consules C. Menenius, P.
Sestius Capitoinus. Neque eo anno quidquam
belli externi fuit. Domi motus orti. Jain re-
dierant legati cum Atticis legibus. Eo inten-
tius instabant tribuni, ut tandem scribendarum
legum initium fieret. Placet creari decemvi-
ros sine provocatione, et ne quis eo anno aliis
magistratus esset. Admiserenturne plebeji,
controversia aliquamdiu fuit. Postremo con-
cessum Patribus, modo ne lex Icilia de Aven-
tino, aliaeque sacratae leges abrogarentur.

XXXIII. Anno trecentesimo altero, quin-
condita Roma erat, iterum mutatur forma ci-
vita-

vitatis, ab consilibus ad decemviros, quemadmodum ab regibus ante ad consules venerat, translato imperio. Minus insignis, quia non diurna, mutatio fuit. Laeta enim principia magistratus ejus nimis luxuriavere. Eo citius labfa res est, repetitumque, duobus uti mandaretur consulum nomen imperiumque. Decemviri creati Ap. Claudius, T. Genucius, P. Sestius, L. Veturius, C. Julius, A. Manlius, Ser. Sulpicius, P. Curiatius, T. Romilius, Sp. Postumius. Claudio et Genucio, quia designati consules in eum annum fuerant, pro honore honos redditus: et Sestio alteri consulum prioris anni, quod eam rem collega invito ad Patres retulerat. His proximi habitu legati tres, qui Athenas ierant. Simul ut pro legatione tam longinqua praemio esset honos: simul peritos legum peregrinarum ad condenda nova jura usui fore credebant. Subplevere ceteri numerum. Graves quoque aetate electos novissimis subfragiis ferunt, quo minus ferociter aliorum scitis adversarentur. Regimen totius magistratus penes Appium erat favore plebis. Adeoque novum sibi ingenium induerat, ut plebicola repente omnisque aurae popularis captator evaderet, pro truci saevoque insestatore plebis. Decimo die jus populo singuli reddebant. Eo die penes praefectum juris fasces duodecim erant: collegis novem singuli adcessi adparebant. Et in unica concordia inter ipsos (qui consensus privatis interdum inutilis esset) summa adversus alios aequitas erat. Moderationis eorum argumentum exemplo unius rei notasse, satis erit. Quum sine provocacione creati essent, defosso cadavere, domi apud P. Sestium, patriciae gentis virum, invento, prolatoque in concionem, in re juxta manifesta atque atroci, C. Julius decemvir diem

Sestio dixit, et ad causator ad populum exstitit, cuius rei judex legitimus erat: decessitque jure suo, ut demtum de vi magistratus populi libertati adjiceret.

XXXIV. Quum promptum hoc jus velut ex oraculo inconruptum pariter ab his summi insimique ferrent, tum legibus condendis opera dabatur: ingentique hominum exspectatione propositis decem tabulis, populum ad concessionem advocaverunt: et, *quod bonum, faustum, felixque rei publicae, ipsis, liberisque eorum esset, ire, et legere leges propositas jussere.* Se, quantum decem hominum ingenii provideri potuerit, omnibus summis insimisque jura aequasse. Plus pollere multorum ingenia consiliaque. Versarent in animis secum unanimaque rem, agitarent deinde sermonibus: atque in medium, quid in quaue re plus minusve esset, conferrent. Eas leges habiturum populum Romanum, quas consensus omnium non iussisse latas magis, quam tulisse, videri posset. Quum ad rumores hominum de unoquoque legum capite edito satis correctae viderentur, centuriatis comitiis decem tabularum leges perlatae sunt: qui nunc quoque, in hoc immenso aliarum super alias acervatarum legum cumulo, fons omnis publici privatique est juris. Vulgatur deinde rumor, duas deesse tabulas; quibus adjectis, absolvi posse velut corpus omnis Romani juris. Ea exspectatio, quum dies comitorum adpropinquaret, desiderium decemviro iterum creandi fecit. Jam plebs, praeterquam quod consulum nomen, haud secus quam regum, perosa erat, ne tribunicium quidem auxilium, cedentibus in vicem adpellationi decemviris, quaerebat.

XXXV. Postquam vero comitia decemviris creandis in trinum nundinum indicta sunt;

tan-

tanta exarsit ambitio, ut primores quoque ci-
vatis (metu credo, ne tanti possestio imperii,
vacuo ab se relicto loco, haud satis dignis pa-
teret) prensarent homines; honorem, summa
ope a se inpugnatum, ab ea plebe, cum qua
contenderant, subpliciter petentes. Denissa
jam in discrimen dignitas, ea aetate, iisque
honoribus actis, stimulabat Ap. Clandium.
Nescires, utrum inter decemviros, an inter
candidatos, numerares. Propior interdum
petendo, quam gerendo, magistratui erat.
Criminari optimates, extollere candidatorum
levissimum quemque humillimumque. Ipse
medius inter tribunios Duilios Ieliosque in
foro volitare, per illos se plebi venditare: do-
nec conlegae quoque, qui unice illi dediti fue-
rant ad id tempus, conjectere in eum oculos,
mirantes quid sibi vellet. Adparere, nihil
sinceri esse; *Profecto haud gratuitam in tanta
superbia comitatem fore.* Nimium in ordinem
se ipsum cogere, et vulgari cum privatis, non
tam properantis abire magistratu, quam viam
ad continuandum magistratum quaerentis, esse.
Propalam obviam ire cupiditati parum ausi
obsecundando mollire inpetum adgrediuntur.
Comitorum illi habendorum, quando mini-
mus natu sit, munus consensu injungunt. Ars
haec erat, ne semet ipse creare posset; quod
praeter tribunos plebis (et id ipsum pessimo
exemplo,) nemo unquam fecisset. Ille enim-
vero, quod bene vertat, habiturum se comi-
tia professus, impedimentum pro occasione ad-
ripuit. Dejectisque honore per coitionem duo-
bus Quintiis, Capitolino et Cincinnato, et
patruo suo C. Claudio, constantissimo viro in
optimatum causa, et aliis ejusdem fastigii ei-
vibus, nequaquam splendore vitae pares de-
cemviros creat; se in primis, quod haud se-
cūs

cus factum improbabant boni, quam nemo facere ausurum crediderat. Creati cum eo M. Cornelius Maluginensis, M. Sergius, L. Minucius, Q. Fabius Vibulanus, Q. Poetelius, T. Antonius Merenda, K. Duilius, Sp. Oppius Cornicen, M. Rabulejus.

XXXVI. Ille finis Appio alienae personae ferendae fuit. Suo jam inde vivere ingenio coepit, novosque conlegas jam prius, quani inirent magistratum, in suos mores formare. Quotidie coibant remotis arbitris: inde inpotentibus instructi consiliis, quae secreto ab aliis coquebant, jam haud dissimilando superbiā, rari aditus, conloquentibus difficiles, ad Idus Majas rem perduxere. Idus tum Majae sollemnes ineundis magistratibus erant. Initio igitur magistratus primum honoris diem denuntiatione ingentis terroris insignē se cere. Nam quum ita priores decemviri servassent, ut unus fasces haberet, et hoc insigne regium in orbem, suam cujusque vicem, per omnes iret, subito omnes cum duodenis fascibus prodiere. Centum viginti lictores forum inpleverant, et fascibus secures inligatas praeferebant. Nec adtinuisse demi securim, quum fine provocatione creati essent, interpretabantur. Decem regum species erat, multiplicatusque terror non insimis solum, sed primoribus Patrum, ratis caedis causam ac principium quaeri; ut, si quis memorem libertatis vocem aut in senatu aut in populo misisset, statim virgae securesque etiam ad ceterorum metum expedirentur. Nam, praeterquam quod in populo nihil erat praesidii, sublata provocazione, intercessionem quoque consensu sustulerant: quum priores decemviri adpellatione conlegae corrigi redditā ab se jura tulissent; et quaedam, quae sui judicij videri possent,

sent, ad populum rejecissent. Aliquamdiu aequatus inter omnes terror fuit: paullatim totus vertere in plebem coepit. Abstinebatur a Patribus: in humiliores libidinose crudeliterque consulebatur: hominum, non causarum, toti erant: ut apud quos gratia vim aequi haberet. Judicia domi conslabant, pronuntiabant in foro. Si quis conlegam adpellasset, ab eo, ad quem venerat, ita discedebat, ut poeniteret, non prioris decreto stetisse. Opinio etiam sine auctore exierat, non in praesentis modo temporis eos injuriam conspirasse, sed foedus clandestinum inter ipsos jure jurando ictum, ne comitia haberent, perpetuoque decemviratu possessum semel obtinerent imperium.

XXXVII. Circumspectare tum patriciorum vultus plebeji, et inde libertatis captare auram, unde servitutem timendo in eum statum rem publicam adduxerant. Primiores Patrum odisse decemviro, odisse plebem: nec probare, quae fierent; et credere, haud indignis adecidere. Avide ruendo ad libertatem in servitutem elapsos juvare nolle: cumulare quoque injurias, ut taedio praesentium consules duo tandem et status pristinus reruin in desiderium veniant. Jani et processerat pars major anni, et duae tabulae legum ad prioris anni decem tabulas erant adjectae: nec quidquam jam supererat, si hae quoque leges centuriatis comitiis perlatae essent, cur eo magistratu rei publicae opus esset. Exspectabant, quam mox consulibus creandis comitia edicerentur. Id modo plebes agitabat, quoniam modo tribuniciam potestatem, munimentum libertati, rem intermissam, repararent. Quum interim mentione comitorum nulla fieri; et decemviri, qui primo tribunios homines, quia id populare

habebatur, circum se ostentaverant plebei, patriciis juvenibus se pferant latera. Eorum catervae tribunalia obfederant. Hi ferre, age-re plebem plebisque res, cum fortuna, qua, quidquid cupitum foret, potentioris esset. Et jam ne tergo quidem abstinebatur: virgis caedi, alii securi subjici; et, ne gratuita crudelitas esset, bonorum donatio sequi domini supplicium. Hac mercede juventus nobilis corrupta non modo non ire obviam injuriae, sed propalam licentiam suam malle; quam omnium libertatem.

XXXVIII. Idus Majae venere. Nullis subrogatis magistratibus, privati pro decemviris, neque animis ad imperium inhibendum imminutis, neque ad speciem honoris insignibus, prodeunt. Id vero regnum haud dubie videri. Deploratur in perpetuum libertas; nec vindex quisquam existit, aut futurus videtur. Nec ipsi solum desponderant animos, sed contemni coepti erant a finitimis populis: imperiumque ibi esse, ubi non esset libertas, indignabantur. Sabini magna manu incursio-nem in agrum Romanum fecere. Lateque popu-lati, quum hominum atque pecudum inulti praedas egissent, recepto ad Eretum, quod passim vagatum erat, agmine, castra locant, spem in discordia Romana ponentes, eam impeditum delectui fore. Non nuntii solum, sed per urbem agrestium fuga trepidationem injectit. Decemviri consultant, quid opus facto sit. Destitutis inter Patrum et plebis odio addidit terrorem insuper aliun fortuna. Aequi alia ex parte castra in Algido locant: depopulatumque inde excursionibus Tusculanum agrum legati ab Tusculo, praefidium orantes, nuntiant. Is pavor perpulit decem-viros, ut senatum simul duobus circumstan-tibus

tibus urbem bellis; consulerent. Citari jubent in curiam Patres, haud ignari, quanta invidiae innineret tempestas: omnes vastati agri periculorumque imminentium causas in se congesturos, temptationemque eam fore abolendi sibi magistratus, ni consensu resisterent, imperioque inhibendo acriter in paucos praefecrocis animi conatus aliorum comprimerent. Postquam audita vox in foro est praeconis; Patres in curiam ad decemviros vocant; *velut* nova res, quia intermisserant jamdiu morem consulendi senatus, mirabundam plebem convertit, *quidnam incidisset, cur ex tanto intervallo rem defuetam usurparent.* *Hos libus belloque gratiam habendam, quod solitum quidquam liberae civitatis fieret.* Circumspectare omnibus fori partibus senatorem, raroque usquam noscitare: curiam inde ac solitudinem circa decemviros intueri; quum et ipsi invium consensu imperium, et plebs, quia privatis jus non esset vocandi senatum, non convenire Patres interpretarentur; iam caput fieri libertatem repetentium, si se plebs comitem senatui det, et, quemadmodum Patres votati non coeant in senatum, sic plebs abnuat delectum. Haec freniunt plebes. Patrum haud fere quisquam in foro, in urbe rari erant. Indignitate rerum cesserant in agros; suarumque rerum erant, amissa publica: tantum ab injuria se abesse rati, quantum a coetu congressisque inpotentium dominorum se amovissent. Postquam citati non conveniebant, dimissi circa domos adparitores, simul ad pignera capienda, sciseitandumque, num consulto detrectarent? referunt, senatum in agris esse. Laetius id decemviris adcidit, quam si praefentes detrectare imperium referrent. Jubent adciri omnes, senatumque in diem

diem posterum edicunt; qui aliquanto spe ipsorum frequentior convenit. Quo facto proditam a Patribus plebs libertatem rata, quod iis, qui jam magistratu abissent, privatisque, si vis abesset, tamquam jure cogentibus, senatus paruisset.

XXXIX. Sed magis obedienter ventum in curiam est, quam obnexie dictas sententias adcepimus. L. Valerium Potitum, proditum memoriae est, post relationem Ap. Claudii, priusquam ordine sententiae rogarentur, postulando ut de re publica liceret dicere, prohibentibus minaciter decemviris, proditurum se ad plebem denuntiantem, tumultum excivisse. Nec minus ferociter M. Horatium Barbatum ille in certainen, *Decem Tarquinios adpellantem, adinonenenteque, Valeriis et Horatiis ducibus pulsos reges.* Nec nominis homines tum pertaesum esse; quippe quo Jovem appellari fas sit, quo Romulum conditorem urbis, deincepsque reges adpellatos, quod sacris etiam; ut sollemne, retentum fit. Superbiam violentiamque tum perosos regis. Quae si in regem tum eodem, aut in filio regis, ferenda non fuerint, quem laturum in tot privatis? Viderent, ne, vetando in curia libere homines loqui, extra curiam etiam moverent vocem. Neque se vide-re, qui sibi minus privato, ad concionem popu-lum vocare, quam illis senatum cogere, liceat. *Vbi* vellent, experientur, quanto ferocior dolor libertate sua vindicanda, quam cupiditas in-justa dominatione, esset. *De bello Sabino eos referre;* tamquam majus ullum populo Romana bellum sit, quam cum iis, qui, legum ferenda- rum causa creati, nihil juris in civitate relique- rent; qui comitia, qui annos magistratus, qui vicissitudinem imperitandi (quod unum exaequa-n- dae sit libertatis) suslulerint; qui privati fasces et

et regium imperium habeant. Fuisse, regibus exactis, patricios magistratus creatos; postea, post secessionem plebis, plebejos. Cujus illi partis essent, rogitare? Populares? quid enim eos per populum egisse? Optimates? qui anno jam prope senatum non habuerint; tunc ita habeant, ut de re publica loqui prohibeant? Ne nimium in metu alieno spei ponerent. Graviora, quae patientur, videri jam hominibus, quam quae metuant.

XL. Haec vociferante Horatio, quum decemviri nec irae nec ignoscendi modum reperrirent, nec, quo evasura res esset, cernerent; C. Claudi, qui patruus Appii decemviri erat, oratio fuit precibus, quam jurgio, similis, orantis per sui fratris parentisque ejus manes; *Vt civilis potius societatis, in qua natus esset, quam foederis, nefarie icti cum conlegis, meminisset. Multo id magis se illius causa orare, quam rei publicae. Quippe rem publicam, si a volentibus nequeat, ab invitis jus expeturam. Sed ex magno certamine magnas excitari ferme iras; earum eventum se horrere. Quum aliud, praeterquam de quo retulissent, decemviri dicere prohiberent, Claudio interpellandi verrecundia fuit. Sententiam igitur peregit, nullum placere senatus consultum fieri. Omnesque ita adcipiebant, privatos eos a Claudio judicatos: multique ex consularibus verbo ad sensi sunt. Alia sententia, asperior in speciem, vim minorem aliquanto habuit, quae patricios coire ad prodendum interregem jubebat. Cenfendo enim, quoscumque magistratus esse, qui senatum haberent, judicabat; quos privatos fecerat auctor nullius senatus consulti faciendi. Ita labante iam causa decemvirorum, L. Cornelius Malugineensis, M. Cornelii decemviri frater, quum ex consularibus ad ultimum dicens-*

cendi locum consulto servatus esset, similando curam belli, fratrem conlegasque ejus tuebatur: quonam fato incidisset, mirari se dictitans, ut decemviros, qui decemviratum petissent, aut socii; aut hi maxime obpugnarent? aut quid ita, quum per tot menses vacua civitate nemo, justine magistratus summae rerum praecessent, controversiam fecerit; nunc demum, quum hosties prope ad portas sint, civiles discordias serant: nisi quod in turbido minus perspicuum fore putent, quid agatur. Ceterum neminem, majore cura occupatis animis, verum esse, praejudicium rei tantae adferre. Sibi placere, de eo, quod Valerius Horatiusque ante Idus Ma-
jas decemviros abisse magistratu insimilent, bellis, quae iumentant, perfectis, re publica in tranquillum redacta, senatu disceptante, agi: et jam nunc ita se parare Ap. Claudium, ut comitiorum, quae decemviris creandis decemvir ipse habuerit, sciat sibi rationem reddendam esse, utrum in unum annum creati sint, an donec leges, quae deessent, perferrentur. In praesentia omnia praeter bellum omitti placere: cuius si falso famam vulgatam, vanaque non nuntios solui, sed Tusculanorum etiam legatos, adtulisse putent, speculatores mittendos censere, qui certius explorata referant. Sin fides et nuntiis et legatis habeatur, delectum primo quoque tempore haberi; decemviros, quo cuique eorum videatur, exercitus ducere; nec rem aliam praeverti.

XLI. In hanc sententiam ut discederetur, juniores Patrum evincebant. Ferociores iterum coorti Valerius Horatiusque vociferari, ut de re publica liceret dicere. Dicturos ad populum, si in senatu per factionem non liceat. Neque enim sibi privatos, aut in curia, aut in
con-

concione, posse obstat; neque se imaginariis
 fascibus eorum cessuros esse. Tum Appius, jam
 prope esse ratus, ut, ni violentiae eorum pari
 resisteretur audacia, victum imperium esset:
 Non erit melius, inquit, nisi de quo consulimus,
 vocem misisse. Et ad Valerium, negan-
 tem se privato reticere, lictorem adedere
 jussit. Jam Quiritium fidem implorante Vale-
 rio a curiae limine, L. Cornelius complexus
 Appium, non, quod similabat, consulendo,
 diremit certamen. Factaque per Cornelium
 Valerio dicendi gratia, quae vellet, quum li-
 bertas non ultra vocem excessisset, decemviri
 propositum tenuere. Consulares quoque ac
 seniores ab residuo tribuniciae potestatis odio,
 cuius desiderium plebi multo acerius, quam
 consularis imperii, rebantur esse, prope ma-
 lebant, postmodo ipsos decemviro voluntate
 abire magistratu, quam invidia eorum exfur-
 gere rursus plebem. Si leniter ducta res sine
 populari strepitum ad consules redisset, aut bel-
 lis interpositis, aut moderatione consulum in
 imperiis exercendis, posse in oblivionem tri-
 bunorum plebem adduci. Silentio Patrum
 edicitur delectus. Juniores, quum sine pro-
 vocatione imperium esset, ad nomina respon-
 dent. Legionibus scriptis, inter se decemviri
 comparabant, quos ire ad bellum, quos praee-
 ste exercitibus oporteret. Principes inter de-
 cemviro erant Q. Fabius et Ap. Claudius.
 Bellum domi majus, quam foris, adparebat.
 Appii violentiam aptiorem rati ad compri-
 mendos urbanos motus: in Fabio minus in
 bono constans, quam navum in malitia, in-
 genium esse. Hunc enim virum; egregium
 olim domi militiaeque, decemviratus conle-
 gaeque ita mutaverant, ut Appii, quam sui,
 similis mallet esse. Huic bellum in Sabinis,
 M. Ra-

M'. Rabulejo et Q. Poetelio additis conlegis, mandatum. M. Cornelius in Algidum missus cum L. Minucio et T. Antonio et K. Duilio et M. Sergio: Sp. Oppium Ap. Claudio adiutorem ad urbem tuendam, aequo omnium decemvirorum imperio, decernunt.

XLI. Nihilo militiae, quam domi, melius res publica administrata est. Illa modo in ducibus culpa, quod, ut odio essent civibus, fecerant. Alia omnis penes milites noxa erat: qui, ne quid ductu atque auspicio decemvirorum prospere usquam gereretur, vinci se per suum atque illorum dedecus patiebantur. Fusi et ab Sabinis ad Eretum, et in Alrido ab Aequis, exercitus erant. Ab Ereto per silentium noctis profugi, propius urbem, inter Fidenas Crustumeriamque, loco edito castra communierant. Persequutis hostibus nusquam se aequo certamine committentes, natura loci ac vallo, non virtute aut armis, tutabantur. Majus flagitium in Alrido, major etiam clades accepta: castra quoque amissa erant; exsuscitate omnibus utensilibus miles, Tusculum se, fide misericordiaque victurus hospitum, (quae tamen non sefellerunt) contulerat. Ronianti erant terrores adlati, ut, posito jam decemvirali odio, patres vigilias in urbe habendas censerent: omnes, qui per aetatem arma ferre possent, custodire moenia, ac pro portis stationes agere juberent: arma Tusculum ad supplementum decernerent, decemviroisque, ab arce Tusculi degressos, in castris militem habere: castra alia a Fidenis in Sabinum agrum transferri: belloque ultiro inferendo deterrei hostes a consilio urbis obpugnandae.

XLIII. Ad clades ab hostibus acceptas duo nefanda facinora decemviri belli domique adjiciunt. L. Siccius in Sabinis, per invidiam decem-

decemviralem tribunorum creandorum secessioneisque mentiones ad vulgus militum sermonibus occultis ferentem, prospeculatum ad locum castris capiendum mittunt. Datur negotium militibus, quos miserant expeditionis ejus: comites, ut eum opportuno ad orti loco interficerent. Haud inultum interfecere. Nam circa repugnantem aliquot infidiatores ceciderent, quum ipse se praevalidus, pari viribus animo, circumventus tutaretur. Nuntiant in castra ceteri, praecipitatum in infidias esse Siccum egregie pugnantem, militesque quosdam cum eo amissos. Primo fides nuntiantibus fuit. Profecta deinde cohors ad sepelendos, qui ceciderant, decenivirorum permisso, postquam nullum spoliatum ibi corpus, Sicciumque in medio jacentem armatumque, omnibus in eum versis corporibus, videre; hostium neque corpus ullum, nec vestigia abscentium; profecto ab suis interfectum memorantes, retulere corpus. Invidiaeque plena castra erant, et Romani ferri protinus Siccum placebat, nisi decenviri funus militare ei publica in pensa facere maturassent. Sepultus ingenti militum moestitia, pessima decenvirorum in vulgus fama, est.

XLIV. Sequitur aliud in urbe nefas, ab libidine ortum, haud minus foedo eventu, quam quod per stuprum eaedemque Lucretiae urbe regnoque Tarquinios expulerat: ut non finis solum idem decemviris, qui regibus, sed causa etiam eademi imperii amittendi esset. Ap. Claudium virginis plebeiae stuprandae libido cepit. Pater virginis L. Virginius honestum ordinem in Algido ducebat, vir exempli recti domi militiaeque. Perinde uxor instituta fuerat, liberique instituebantur. Desponderat filiam L. Icilio tribunicio, viro acri,

et pro causa plebis expertae virtutis. Hanc virginem adultam, forma excellentem, Appius, amore ardens, pretio ac spe perlicere adortus, postquam omnia pudore septa animadverterat, ad crudelem superbamque vim animum convertit. M. Claudio clienti negotium dedit, ut virginem in servitatem adsereret, neque cederet secundum libertatem postulantibus vindicias: quod pater puellae abefset, locum injuriae esse ratus. Virginis, venienti in forum, (ibi namque in tabernis literarum ludi erant) minister decessiviri libidinis manum injectis; serva sua natam (servamque appellans) esse. Sequique se jubebat, cunctantem vi abstracturum. Pavida puella stupente, ad clamorem nutricis, fidem Quiritium implorantis, fit concursus. Virginis patris sponsisque Icilius populare nomen celebratur. Notos gratia eorum, turbam indignitas rei virginis conciliat. Jam a vi tuta erat; quum adseritor nihil opus esse multitidine concitata ait, se jure grafiari, non vi. Vocat puellam in jus; auctoribus, qui aderant, ut sequeretur. Ad tribunal Appii perventum est. Notam judicii fabulam petitor, quippe apud ipsum auctorem argumenti, peragit; puellam, domi suae natam, furtoque inde in domum Virginis translatam, subpositam ei esse. Id se indicio compertum adferre, probaturumque vel ipso Virginio judice, ad quem major pars injuriae ejus pertineat. Interim dominum sequi ancillam, aequum esse. Advocati puellae, quum Virginium rei publicae causa dixissent abesse, biduo adfuturum; si nuntiatum ei sit; iniquum esse, absentem de liberis dimicare; postulant, ut rem integrum in patris adventum differat; lege ab ipso lata viudicias det secundum libertatem; neu patiatur, virginem adul-

adultam famae prius; quam libertatis, periculum adire.

XLV. Appius decreto praefatus, quam libertati faverit, eam ipsam legem declarare, quam Virginii amici posse ratione suac praetendant. Ceterum ita in ea firmum libertati fore praesidium, si nec causis, nec personis variet. In his enim, quae adserantur iu libertatem, quia quivis lege agere possit, id juris esse: in ea, quae in patris manu sit, neminem esse alium, cui dominus possessione cedat. Placere itaque patrem arcessi, interea juris sui jacturam adserorem non facere, quin ducat puellam sistendamque in adventum ejus, qui pater dicatur, promittat. Adversus injuriam decreti quum multi magis fremerent, quam quisquam unus reclamare auderet; P. Numitorius, puellae avunculus, et sponsus Icilius interveniunt. Dataque inter turbam via, quum multitudo Icilius maxime interventu resili posse Appio crederet, lictor decessisse ait: vociferantemque Icilius submovet. Placidum quoque iugenum tam atrox injuria adeundisset. Ferro hinc tibi submovendus sum, Appi, inquit, ut tacitum feras, quod celari vis. Virginem erga hanc sum ducturus, nuptam pudicamque habitus. Proinde omnes conlegarum quoque lictores convoca, expediri virgas et secures jube: non manebit extra domum patris sponsa Icilius. Non, si tribunicium auxilium et provocationem, plebi Romanae duas arces libertatis tuendae, ademisis, ideo in liberos quoque nostros conugesque regnum vestrae libidini datum est. Saevit in tergum et in cervices nostras; pudicitia saltem in tuto sit. Huic si vis adferetur, ego praesentium Quiritium pro sponsa, Virginius militum pro unica filia, omnes Deorum hominumque implorabimus fidem. Neque tu isiud

umquam decretum sine caede nostra referes. Poslulo, Appi, etiam atque etiam consideres, quo progrediare. Virginius viderit, de filia, ubi venerit, quid agat. Hoc tantum sciat, sibi, si hujus vindiciis cesserit, conditionem filiae quaerendam esse. Me, vindicantem sponsam in libertatem, vita citius deseret, quam fides.

XLVI. Concitata multitudo erat, certamenque instare videbatur. Lictores Icilium circumsteterant: nec ultra minas tamen processum est. Quum Appius, Non Virginiam defendi ab Icilio, sed inquietum hominem, et tribunatum etiam nunc spirantem, locum seditionis quaerere, diceret; non praebiturum se illi eo die materiam: sed ut jam sciret, non id pecculantiae suae, sed Virginio absenti et patrio nomini et libertati, datum, jus eo die se non dicturum, neque decretum interpositurum: a M. Claudio petiturum, ut decederet jure suo, vindicarique puellam in posterum diem pateretur. Quod nisi pater postero die adfuisset, denunciare se Icilio similibusque Icili, neque legi suae latorem, neque decemviro constantiam defore: nec se utique conlegarum lictores convocaturum ad coercendos seditionis auctores. Contentum se suis lictoribus fore. Quum dilatum tempus injuriae esset, secessissentque advocati puellae, placuit omnium primum, fratrem Icili filiumque Numitorii, impigros juvenes, pergere inde recta ad portam, et, quantum adcelerari posset, Virginium adcircire castris. In eo verti puellae salutem, si postero die vindex injuriae ad tempus praeferto ellet. Jussi pergunt, cattisque equis nuntium ad patrem perferunt. Quum instaret adfertor puellae, ut vindicaret, sponsoresque daret; atque id ipsum agi dicere Icilius, sedulo tempus terens, dum praeciperent iter nuntii missi in castra: manus tolere

lere undique multitudo, et se quisque paratum ad spondendum Icilio ostendere. Atque ille laetrumabundus, *Gratum est*, inquit; *crasina dies vestra opera utar*. *Sponsorum nunc satis est*. Ita vindicatur Virginia, spondentibus propinquis. Appius, paullisper moratus, ne ejus rei causa sedisse videretur, postquam, omis- sis rebus aliis prae cura unius, nemo adibat, domum se recepit; conlegisque in castra scribit, *ne Virginio commeatum dent, atque etiam in custodia habeant*. Inprobum consilium seruum, ut debuit, fuit: et jam commeatu sumto profectus Virginius prima vigilia erat, quum postero die mane de retinendo eo nequidquam literae redduntur.

XLVII. At in urbe prima luce, quum ci- vitas in foro exspectatione erecta staret, Vir- ginius sordidatus filiam suam obsoleta ueste, comitantibus aliquot matronis, cum ingenti advocatione in forum dedit. Circumire ibi et prensare homines coepit; et non orare so- lum precariam opem, sed pro debita petere, *Se pro liberis eorum ac conjugibus quotidie in acie stare: nec alium virum esse, cuius strenue ac ferociter facta in bello plura memorari pos- sent*. *Quid prodesse, si, incolumi Urbe, quae, capta, ultima timeantur, liberis suis sint pa- tienda?* Haec prope concionabundus circum- ibat homines. Similia his ab Icilio jactaban- tur. Comitus muliebris plus tacito fletu, quam ulla vox, movebat. Adversus quae omnia obstinato animo Appius (tanta vis amen- tiac verius, quam amoris, mentem turbaverat) in tribunal escendit: et, ultro querente pauca petitore, *quod jus sibi pridie per ambitionem dictum non esset*, priusquam aut ille postula- tum perageret, aut Virginio respondendi da- retur locus, Appius interfatur. Quem decre-

to sermonem praetenderit, forsitan aliquem vestrum auctores antiqui tradiditerint. Quia nusquam ullam in tanta foeditate decreti verili milem invenio; id, quod constat, nudum vindetur proponendum, decretasse vindicias secundam servitutem. Primo stupor omnes admiratione rei tam atrocis defixit. Silentium inde aliquamdiu tenuit. Dein quum M. Claudius, circumstantibus matronis, iret adprehendendam virginem, lamentabilisque eum mulierum comploratio excepisset; Virginius, intentans in Appium manus, *Icilio*, inquit, *Appi, non tibi, filiam despundi: et ad nuptias, non ad stuprum, educavi. Placet pecudum ferrarumque ritu promiscue in concubitus ruere? Passurine haec isti sint, nescio. Non spero esse passuros illos, qui arma habent.* Quum repelleretur adfertor virginis a globo mulierum circumstantiumque advercatorum, silentium factum per praecomenem.

XLVIII. Decemvir, alienatus ad libidinem animo, negat, *hespero tantum convicio Icili violentiaque Virginii, cuius testem populum Romanum habeat, sed certis quoque indicis compertum se habere, nocte tota coetus in urbe factos esse ad movendam seditionem. Itaque se, hand insecum ejus dimicationis, cum armatis descendisse; non ut quemquam quietum violaret, sed ut turbantes civitatis otium pro maiestate imperii coerceret. Proinde quiesce erit melius. I, inquit, lictor, submove turbam; et da viam domino ad prchendendum mancipium.* Quum haec intonuisse plenus irae, multitudo ipsa se sua sponte dimovit, desertaque praeda injuriae puella stabat. Tum Virginius, ubi nihil usquam auxilii vidiit, *Quae so, inquit, Appi, primum ignosce patro dolori, si quid in clementius in te sum invectus: deinde finas hic coram*

coram virgine, nutricem percontari, quid hoc rei sit; ut, si falso pater dictus sum, aequiore hinc animo discedam. Data veniam, seducit filiam ac nutricem prope Cloacinae ad tabernas, quibus nunc Novis est nomen. Atque ibi ab Ianiō custro adrepto, *Hoc te uno, quo possum, ait, modo, filia, in libertatem vindico.* Per etius deinde puellae transfigit; respectansque ad tribunal, *Te, inquit, Appi, tuumque caput sanguine hoc consecro.* Clamore ad tam atrox facinus orto excitus Appius, comprehendi Virginium jubet. Ille ferro, quaenamque ibat, viam facere: donec, multitudine etiam consequentium tuente, ad portam perrexit. Icilius Numitoriusque exsangue corpus sublatum ostentant populo: scelus Appii, puellae infeliciem formam, necessitatem patris deplorant. Sequentes clamitant matronae, *Eanun liberorum procreandorum conditionem? ea pudicitiae praemia esse?* ceteraque, quae in tali re muliebris dolor, quo est moestior imbecillo animo, eminenter magis querentibus subjicit. Mirorum et maxime Icilius vox tota tribuniciae potestatis ac provocationis ad populum ereptae publicarumque indignationum, erat.

XLIX. Concitatū multitudo partim atrocitate sceleris, partim spe per occasionem repetendae libertatis. Appius nunc vocari Iciliū, nunc retractante adripi; postremo, quām locus adeundi ad paritoribus non daretur, ipse, cum agmine patriciorum juvēnum per turbam vadens, in vincula duci jubet. Jam circa Iciliū non solam multitudo, sed duces quoque multitudinis erant L. Valerius et M. Horatius. Qui, repulso lictore, si jure ageret, vindicare se a privato Iciliū ajebant; si vim adferre conaretur, ibi quoque se haud impares fore. Hinc atrox rixa oritur. Vale-

rium Horatiumque lictor decemviri invadit. Franguntur a multitudine fasces. In concionem Appius adscendit. Sequuntur Horatius Valeriusque. Eos concio audit: decemviro obstrepitur. Jam pro imperio Valerius descendere a privato lictores jubebat: quum, fractis animis, Appius; vitae metuens, in domum se propinquam foro, inficiis adversariis, capite obvoluto, recepit. Sp. Oppius, ut auxilio conlegae esset, in forum ex altera parte intrumpit. Videt imperium vi victimi. Agitus deinde consiliis, ad quae ex omni parte adsentiendo multis auctoribus trepidaverat, senatum postremo vocari jussit. Ea res, quod magnaе parti Patrum displicere acta decemvirorum videbantur, spe per senatum finiendaе potestatis ejus multitudinem sedavit. Senatus nec plebeim irritandam censuit; et multo magis providendum, ne quid Virginii adventus in exercitu motu's ficeret.

L. Itaque missi juniores Patrum in castra, quae tum in monte Vecilio erant, nuntiant decemviris, *ut omni ope ab seditione milites continerant*: ubi Virginius majorem, quam reliquerat in urbe, motum excivit. Nam, praeterquam quod agmine prope quadringentorum hominum veniens, qui ab Urbe indignitate rei adeensi comites ei se dederant, conspectus est; strictum etiam telum, respersusque ipse cruore, tota in se castrā convertit. Et togae, multifariam in castris visae, majoris aliquanto, quam erat, speciem urbanae multitudinis fecerant. Quaerentibus, *quid rei esset*, flens diu vocem non misit: tandem, ut jam ex trepidatione concurrentium turba constituit, ac silentium fuit, ordine cuncta, ut gesta erant, exposuit. Supinas deinde tendens manus, *com militones adpellans, orabat, Ne, quod scelus*

Ap.

Ap. Claudii esset, sibi adtribuerent: nec se, ut parricidam liberum, aversarentur. Sibi vitam filiae sua cariorem fuisse, si liberae ac pudicae vivere licitum fuisset. Quum, velut servam, ad stuprum rapi videret, morte amitti melius ratum; quam contumelia, liberos, misericordia se in speciem crudelitatis labsum. Nec se superstitem filiae futurum fuisse, nisi spem ulciscendae mortis ejus in auxilio commilitonum habuisset. Illis quoque enim filias, sorores, conjugesque esse. Nec cum filia sua libidinem Ap. Claudii exsiliatam esse; sed, quo iupunitior sit, eo effrenatiorem fore. Alienam calamitate documentum datum illis cavenda similis injuriae. Quod ad se adtineat, uxorem sibi fato erceptam: filiam, quia non ultra pudica victura fuerit, miseram, sed honestam, mortem obcubuisse. Non esse jam Appii libidini locum in domo sua. Ab alia violentia ejus eodem se aninto suum corpus vindicaturum, quo vindicaverit filiae. Ceteri sibi ac liberis suis consulerent. Haec Virginiovociferanti subclamabat multitudo, nec illius dolori, nec suae libertati se defuturos. Et immixti turbae militum togati, quoniad eadem illa querendo, docendoque, quanto visa, quam auditam, indigniora potuerint videri, simal profligatam jam rem nuntiando Romae esse; insequentique, qui Appium prope interemtum in exsiliu abisse dicerent: perpulerunt, ut ad arma conclamaretur, vellerentque signa, et Romam proficiucerentur. Decemviri simul his, quae videbant, simul his, quae acta Romae audierant, perturbati, alins in aliam partem castrorum, ad sedandos motus discurrunt: et leniter agentibus responsum non redditur: imperium si quis inhiberet, et viros et armatos se esse, respondetur. Eunt agmine ad urbem, et Aventinum insidunt; ut quisque ob-

currerat, plebem ad repetendam libertatem creandosque tribunos plebis adhortantes. Alia vox nulla violenta audita est. Senatum Sp. Oppius habet: nihil placet aspere agi: quippe ab ipsis datum locum seditionis esse. Mittuntur tres legati consulares, Sp. Tarpejus, C. Julius, P. Sulpicius, qui quaererent senatus verbis, *cujus iussu castra deseruissent? aut quid sibi vellent, qui armati Aventinum obsecrissent?* belloque averso ab hostibus patriam suam cepissent? Non desuit, quid responderetur: deerat, qui daret responsum, nullò dum certo duce, nec satis audentibus singulis invidiae se offerre. Id modo a multitudine conclamatum est, ut *L. Valerium et M. Horatium ad se mitterent. His se datus responsum.*

LI. Dum illis legatis, admonet milites Virginius, *in re non maxima paullo ante trepidatum esse, quia sine capite multitudo fuerit: responsumque, quamquam non inutiliter, fortuitotamen magis consensu, quam communī consilio esse.* Placere decem creari, qui summae rei praecessent, militarique honore tribunos militum adpellari. Quum ad eum ipsum primum iis honos deferretur, *Melioribus meis vestrisque rebus reservare, inquit, ista de me iudicia.* Nec mihi filia iulta honorem ullum jucundum esse patitur; nec in perturbata re publica eos utile est praeesse vobis, qui proximi invidiae sunt. Si quis usus mei est, nihilo minor ex privato capietur. Ita decem numero tribunos militares creant. Neque in Sabiniis quievit exercitus. Ibi quoque, auctore Icilio Numitorioque, secessio ab decemviris facta est, non minore motu animorum Sicci caedis memoria revocata, quam quem nova fama de virgine adeo foede ad libidinem petita adcederat. Icilius ubi audivit, tribunos militum in Aventino creatos,

tos, ne comitiorum militarium praerogativam, urbana comitia iisdem tribunis plebis creandis sequerentur, peritus rerum popularium immensusque ei potestati, et ipse prius, quam iretur ad Vrbem, pari potestate eundem numerum ab suis creandum curat. Porta Collina urbem intravere sub signis, mediaque urbe agmine in Aventinum pergunt. Ibi, conjuncti alteri exercitui, viginti tribunis militum negotium dederunt; ut ex suo numero duos crearent, qui summae rerum praecessent. M. Oppium, Sex. Manilium creant. Patres, solliciti de summa rerum, quum senatus quotidie esset, jurgiis saepius terunt tempus, quam consiliis. Siccii caedes decemviris, et Appiana libido, et dedecora militiae objiciebantur. Placebat, Valerium Horatiumque ire in Aventinum. Illi negabant se aliter ituros, quam si decemviri deponerent insignia magistratus ejus, quo anno jam ante abissent. Decemviri, querentes se in ordinem cogi, non ante, quam perlatis legibus, quarum causa creati essent, deposituros imperium se ajebant.

LII. Per M. Duilium, qui tribunus plebis fuerat, certior facta plebs, contentionebus adsiduis nihil transigi, in Sacrum montem ex Aventino transiit; adfirmante Duilio, non prius, quam deferi Vrbem videant, curam in animas Patrum descensuram. Admoniturum Sacrum montem constantiae plebis. Scituros, quod sine restituta potestate redigi in concordiam res nequeant. Via Nomentana, cui tum Ficulensi nomen fuit, profecti, castra in monte Sacro locavere; modestiam patrum suorum nihil violando imitati. Sequuta exercitum pleb⁹, nullo, qui per aetatem ire posset, retractante. Prosequuntur conjuges liberique, cūnam se relinquerent in ea urbe, in qua nec pudicitia,

nec

nec libertas sancta esset, miserabiliter rogitan-
tēs. Quum vasta Rōmae omnia insueta soli-
tudo fecisset, in foro praeter paucos seniorum
nemo esset; vocatis utique in senatum Patri-
bus; desertum adparuisse forum; plures jam,
quam Horatius et Valerius, vociferabantur,
Quid expectabitis, Patres conscripti? Si de-
cemviri finem pertinaciae non faciunt, ruere ac
deflagrare omnia passuri estis? Quod autem
istud imperium est, decemviri; quod amplexi
tenetis? Tectis ac parietibus jura dicturi estis?
Non pudet, lictorum vestrorum maiorem prope
numerum in foro conspicī, quam togatorum alio-
rum? Quid, si hostes ad Vrbem veniant, fa-
cturi estis? quid, si plebs mox, ubi parum se-
cessione moveamur, armata veniat? Obcasione
Vrbis vultis finire imperium? Atqui aut plebs
non est habenda, aut habendi sunt tribuni ple-
bis. Nos citius cariterinus patriciis magistrati-
bus, quam illi plebejis. Novam inexpertamque
eam potestatem eripuere patribus nostris, ne
nunc, dulcedine semel capti, ferant desiderium.
Quum praesertim nec nos temperemus imperiis,
quo minus illi auxiliū egeant. Quum haec ex
omni parte jactarentur, victi consensu decem-
viri, futuros se, quando ita videatur, in po-
testate Patrum adfirmant. Id modo simul
orant ac monent, ut ipsis ab invidia cavea-
tur: nec suo sanguine ad subplicia Patrum ple-
bem adsuefaciant.

LIII. Tum Valerius Horatiusque, missi
ad plebem conditionibus, quibus videretur,
revocandam componendasque res, decemviris
quoque ab ira et inpetu multitudinis praeca-
vere jubentur. Profecti gaudio ingenti plebis
in castra adcipiuntur; quippe liberatores haud
dubie et motus initio, et exitu rei. Ob haec
advenientibus gratiae actae. Icilius pro mul-
titu-

titudine verba facit. Idem, quum de conditionibus ageretur, quaerentibus legatis, quae postulata plebis essent, composito jam ante adventum legatorum consilio, ea postulavit, ut adpareret, in aequitate rerum plus, quam in armis, reponi spei. Potestate enim tribuniciam, provocationemque repetebant, quae ante decemviros creatos auxilia plebis fuerant, et ne cui fraudi esset, concilie milites aut plebem ad repetendam per secessionem libertatem. De decemvirorum modo subplicio atrox postulatum fuit. Dedi quippe eos aequum censabant, vivosque igni concrematuros minabantur. Legati ad ea: *Quae consilii fuerunt, adeo aequa postulasiis, ut ultro vobis deferenda fuerint. Libertati enim ea praesidia petitis, non licentiae ad iugnandos alios. Irae vestrae magis ignoscendum, quam indulgendum est. Quippe qui crudelitatis odio in crudelitatem ruitis, et prius paene, quam ipsi liberi sitis, dominari jam in adversarios vultis. Numquame quiescet civitas nostra a subpliciis, aut Patrum in plebem Romanam, aut plebis in Patres. Scuto vobis magis, quam gladio, opus est. Satis superque humilis est, qui jure aequo in civitate vivit, nec inferendo injuriam, nec patiendo. Etiam, si quando metuendos vos praebituri estis, quum, recuperatis magistratus legibusque vestris, judicia penes vos erunt de capite nostro fortunisque; tunc, ut quaeque causa erit, statuetis. Nunc libertatem repeti satis est.*

LIV. Facerent, ut vellent, permittentibus canctis, mox reddituros se legati rebus perfectis adfirmant. Profecti quum mandata plebis Patribus exposuissent, alii decemviri, quandoquidem praeter spem ipsorum subplicii sui nulla mentio fieret, haud quidquam abnuere.

Ap-

Appius, truci ingenio et invidia praecipua, odium in se aliorum suo in eos metiens odio, *Haud ignaro, inquit, inminet fortuna.* *Video, donec arma adversariis tradantur, differri adversus nos certamen.* *Dandus invidiae est sanguis.* *Nihil ne ego quidem moror, quo minus decemviratu abeam.* Factum senatus consultum, *Vt decemviri se primo quoque tempore magistratu abdicarent.* *Q. Furius pontifex maximus tribunos plebis crearet.* Et ne cui fraudi esset secessio militum plebisque. His senatus consultis perfectis, dimisso senatu, decemviri prodeunt in conationem, abdicantque se magistratu, ingenti hominum laetitia. Nuntiantur haec plebi. Legatos, quidquid in Urbe hominum supererat, prosequitur. Huic multitudini laeta alia turba ex castris oboeurrat. Congratulantur libertatem concordiamque civitati restitutam. Legati pro concione: *Quod bonum, faustum, felixque sit vobis, reique publicae, redite in patriam ad penates, conjuges, liberosque vestros: sed, qua hic modestia fuisse, ubi nullius ager in tot rerum usu necessario tantae multititudini es violatus, eam modestiam ferte in Urbem.* In Aventinum ite, unde profecti es. *Ibi felici loco, ubi prima initia inchoatis libertatis vestrae, tribunos plebi creabitis.* Praefatio erit pontifex maximus, qui comitia habeat. Ingens adsensus alacritasque cuncta adprobantium fuit. Convellunt inde signa, profectique Romanum certant cum obviis gaudio. Armati per urbem silentio in Aventinum pervenient. Ibi extemplo, pontifice maximo comitia habente, tribunos plebis creaverunt, omnium primum A. Virginium, inde L. Icilium, et P. Numitoriam avunculum Virginiae, auctores secessionis. Tum C. Sicienium, progeniem ejus, quem primum tribunum

num plebis creatum in Sacro monte, proditum memoriae est; et M. Duilium, qui tribunatum insignem ante decemviros creatos gesserat, nec in deceniviralibus certaminibus plebi defuerat. Spe deinde magis, quam meritis, electi, M. Titinius, M. Pomponius, C. Apronius, P. Villius, C. Oppius. Tribunatu inito, L. Icilius extemplo plebem rogavit, et plebs scivit, ne cui fraudi esset secessio ab decemviris facta. Confestim de consulibus creandis cum provocatione M. Duillius rogationem pertulit. Ea omnia in pratis Flaminii concilio plebis acta, quem nunc circum Flaminium adpellant.

LV. Per interregem deinde consules creati, L. Valerius, M. Horatius; qui extemplo magistratum obceperunt. Quorum consulatus popularis sine ulla Patrum injuria, nec sine offenditione fuit. Quidquid enim libertati plebis cavaretur, id suis decedere opibus credebat. Omnium primum, quum veluti in controverso jure esset, tenerenturne Patres plebiscitis, legem centuriatis comitiis tulere, *Vt, quod tributim plebes jussisset, populum teneret.* Qua lege tribuniciis rogationibus telum aceratum datum est. Aliam deinde consularem legem de provocatione, unicum praesidium libertatis, decemvirali potestate eversam, non restituunt modo, sed etiam in posterum munint, fanciendo novam legem, *Ne quis ultum magistratum sine provocatione crearet. Qui creasset, eum jus fasque esset occidi: neve ea caedes capitalis noxae haberetur.* Et quoni plebem hinc provocatione, hinc tribunicio auxilio satis firmassent, ipsis quoque tribunis, ut facrosancti viderentur, (enjus rei prope jam memoria aboleverat) relatis quibusdam ex magno intervallo ceremoniis, renovarunt; et quoni

quum religione inviolatos eos, tum lege etiam fecerunt, sanciendo, *Vt, qui tribunis plebis, aedilibus, judicibus, decenviris nocuisset, ejus caput Jovi sacrum esset: familia ad aedem Cereris, Liberi, Liberaeque venum iret.* Hac lege juris interpretes negant quemquam sacrofanetum esse: sed cum, qui eorum cuiquam nocuerit, sacrum sanciri. Itaque aedilem prehendi ducique a majoribus magistratibus: quod et si non jure fiat, (noceri enim ei, cui hac lege non liceat) tamen argumentum esse, non haberi pro sacrofanco aedilem: tribunos veterem jure jurando plebis, quum primum eam potestatem creavit, sacrofancos esse. Fuere, qui interpretarentur, easdem hac Horatia lege consulibus quoque et praetoribus, quia iisdem auspiciis, quibus consules, crearentur, cautum esse; judicem enim consulem adpellari. Quae refellitur interpretatio, quod his temporibus nondum consulem judicem, sed praetorem, adpellari mos fuerit. Hae consulares leges fuere. Institutum etiam ab iisdem consulibus, ut senatus consulta in aedem Cereris ad aediles plebis deferrentur; quae antea arbitrio consulium subprimebantur vitiabanturque. M. Duilius deinde tribunus plebis plebem rogavit, plebesque scivit: *qui plebem sine tribunis reliquisset, quique magistratum sine provocacione creasset, tergo ac capite puniretur.* Haec omnia ut invitis, ita non adversantibus, patriciis transacta; quia nondum in quemquam ununi saeviebatur.

LVI. Fundata deinde et potestate tribunicia, et plebis libertate, tum tribuni adgredi singulos tutum maturumque jam rati, adcūfatorem primum Virginini et Appium reum diligunt. Qnum diem Appio Virginius dixisset, et Appius, stipatus patriciis juvenibus,

in forum descendisset; redintegrata extemplo est omnibus memoria foedissimae potestatis, quum ipsum satellitesque ejus vidissent. Tum Virginius, *Oratio*, inquit, *rebus dubiis inventa est.* Itaque neque ego accusando apud vos eum tempus teram, a cuius crudelitate vosmet ipsi armis vindicasti: nec ipsum ad cetera scele-ra impudentiam in defendendo se adjicere patiar: *Omnium igitur tibi, Ap. Claudi, quae in pie nefarieque per biennium alia super alia es ausus,* gratiam facio. *Vnius tantum criminis, ni judicem dices, te ab libertate in servitutem contra leges vindicias non dedisse, in vincula te duci jubeo.* Nec in tribunio auxilio Appius, nec in judicio populi ullam speni habebat. Attamen et tribunos adpellavit; et, nullo morante, adreptus a viatore, *Provoco*, inquit. Audita vox una vindex libertatis, ex eo missa ore, quo vindiciae nuper ab libertate dictae erant, silentium fecit. Et, dum pro se quisque, *Deos tandem esse, et non neglegere humana, fremunt, et superbiae crudelitatique, et si seras, non leves tamen venire poenas; provocare, qui provocationem sustulisset; et implorare praesidium populi, qui omnia jura populi obtrisset; rapique in vincula egentem jure libertatis, qui liberum corpus in servitutem addixisset:* iphius Appii, inter concionis murmur fidem populi Romani implorantis, vox audiebatur. Majorum merita in rem publicam domi militiaeque commemorabat: *suum infelix erga plebem Romanam studium, quod aequan-darum legum causa cum maxima offenditione Pa-trum consulatu abisset: suas leges, quibus ma-nentibus lator earum in vincula ducatur. Ce-terum sua propria bona malaque, quum cause diceidæ data facultas sit, tum se experturum.* In praesentia se communi jure civitatis civem

Romanum die dicta postulare, ut dicere liceat, ut judicium populi Romani experiri. Non ita se invidiam pertinuisse, ut nihil in aequitate et misericordia civium suorum spei habeat. Quod si indicta causa in vincula ducatur, iterum se tribunos plebei adpellare, et monere, ne imitentur, quos oderint. Quod si tribuni eodem foedere obligatos se fateantur tollendae adpellationis causa, in quam conspirasse decenviros criminati sunt; ait sc provocare ad populum: implorare leges de provocatione et consulares et tribunicias, eo ipso anno latas. Quem enim provocaturum, si hoc iudicato. indicta causa non liceat? cui plebejò et humili praefidium in legibus fore, si Ap. Claudio non sit? se documento futurum, utrum novis legibus dominatio, an libertas firmata sit: et adpellatio provocationeque adversus injuriam magistratum ostentata tantum inanibus literis, an vere data sit.

LVII. Contra ea Virginius, unum Ap. Claudium, et legum expertem et civilis et humani foederis esse, ajebat. Respicerent tribunal homines, castellum omnium scelerum: ubi decemvir ille perpetuus, bonis, tergo, sanguini civium infestus, virgas securesque omnibus minitans, Deorum hominumque contemtor; carnicibus, non licitoribus, stipatus, jam ab rapinis et caedibus animo ad libidinem verso, virginem ingenuam in oculis populi Romani, velut bello captam, ab complexu patris abreptam, ministro cubiculi sui clienti dono dederit: ubi crudeli decreto nefandisque vindiciis dexteram patris in filiam armaverit: ubi, tollentes corpus semianime virginis, sponsum avunculumque in carcrem duci jussiterit; stupro interpellato magis, quam caede, motus. Et illi carcerem aedificatum esse, quod domicilium plebis Romanae voca-

vocare sit solitus. Proinde, ut ille iterum ac saepius provocet, sic se iterum ac saepius judicem illi ferre, ni vindicias ab libertate in servitatem dederit. Si ad judicem non eat, prodamnato in vincula duci jubere. Ut haud quoniam inprobante, sic magno motu animorum, quum tanti viri suppicio suamet plebi jam nimia libertas videretur, in carcerem est conjectus. Tribunus ei diem prodixit. Inter haec ab Latinis et Hernicis legati gratulatum de concordia Patrum ac plebis Romam venerunt; donumque ob eam Jovi optimo maximo coronam auream in Capitolium tulere parvi ponderis, prout res haud opulentae erant, colebanturque religiones pie magis, quam magnifice. Iisdem auctoribus cognitum est, Aequos Volscosque summa vi bellum adparare. Itaque partiri provincias consules iussi. Horatio Sabini, Valerio Aequi Volscique evenere. Quum ad ea bella delectum edixissent, favore plebis non juniores modo, sed emeritis etiam stipendiis, pars magna voluntariorum, ad nomina danda praesto fuere. Eoque non copia modo, sed genere etiam militum, veteranis admixtis, firmior exercitus fuit. Prius quam Urbe egredierentur, leges decemvirales, quibus *tabulis duodecim* est nomen, in aes incisas in publico proposuerunt. Sunt, qui iussu tribunorum aediles funtos eo ministerio scribant.

LVIII. C. Clandius, (qui, perosus decemvirorum scelera, et ante omnes fratris filii superbiae infestus, Regillum, antiquam in patriam, se contulerat) is magno jam natu, quum ad pericula ejus deprecanda redisset, cuius vitia fugerat, sordidatus cum gentilibus elientibusque in foro prensabat singulos; orabatque, *Né Claudiæ genti eam inusiam maculam vellent, ut carcere et vinculis viderentur digni:*

virum, honoratissimae imaginis futurum ad posteros, legum latorem conditoremque Romani juris, jacere vincum inter fures nocturnos ac latrones. Averterent ab ira parumper ad cognitionem cogitationemque animos: et potius unum tot Claudiis deprecantibus condonarent, quam propter unius odium multorum preces adsperrarentur. Se quoque id genieri ac nomini dare, nec cum eo in gratiam redisse, cuius adversae fortunae velit subcursum. Virtute libertatem recuperatam esse: clementia concordiam ordinum stabiliri posse. Erant, quos moveret sua magis pietate, quam ejus, pro quo agebat, causa. Sed Virginius, sui potius ut misererentur, orabat, filiaeque: nec gentis Claudiae, regnum in plebem sortitae, sed necessariorum Virginiae et trium tribunorum preces audirent; qui, ad auxilium plebis creati, ipsi plebis fidem atque auxilium implorarent. Justiores hae lacrimae videbantur. Itaque, spe incisa, priusquam prodieta dies adesset, Appius sibi morteni conseivit. Subinde adreptus a P. Numitorio Sp. Oppius, proximus invidiae, quod in Vrbe fuerat, quum injustae vindiciae a conlega dicerentur. Plus tamen facta injuria Oppio, quam non prohibita, invidiae fecit. Testis productus, qui, septem et viginti enumeratis stipendiis, octies extra ordinem donatus, donaque ea gerens in conspectu populi, scissa veste tergum laceratum virgis ostendit, nihilum deprecans, quiu, si quam suam noxam reus dicere posset, privatus iterum in se saeuiret. Oppius quoque ductus in vincula est, et ante iudicij diem finem ibi vitac fecit. Bona Claudi Oppiique tribuni publicavere. Conlegae eorum exsiliī causa solūm verterunt. Bona publicata sunt. Et M. Cladius, adfertor Virginiae, die dieta damnatus, ipso remittente Vir-

Virginio ultimam poenam, dimissus Tibur ex-sulatum abiit: Manesque Virginiae, mortuae quam vivae felicioris, per tot domos ad petendas poenas vagati, nullo relicto fonte tandem quieverunt.

LIX. Ingens metus incesserat Patres, vultusque jam iidem tribunorum erant, qui decemvirorum fuerant, quum M. Duilius tribunus plebis, inhibito falubriter modo nimiae potestatis, *Et libertatis, inquit, nostrac et poenarum, ex inimicis satis est.* Itaque hoc anno nec diem dici cuiquam, nec in vincula duci quemquam sum passurus. Nam neque vetera peccata repeti jam obliterata placet, quum nova expiata sunt decemvirorum subpliciis; et nihil admisum iri, quod vim tribuniciam desideret, spoudet perpetua consulum amborum in libertate vestra tuenda cura. Ea primum moderatio tribuni metum Patribus demsit, eademque auxit consulum invidiam; quod adeo toti plebis fuissent, ut Patrum salutis libertatisque prior plebejo magistratu, quam patricio, cura suisset; et ante inimicos fatetas poenarum suarum cepisset, quam obviani ituros licentiae eorum consules adpareret. Multique erant, qui mollius consultum dicerent, quod legum ab iis latarum Patres auctores fuissent. Neque erat dubium, quin, turbato rei publicae statu, tempori subcubuissent.

LX. Consules, rebus urbanis compositis, fundatoque plebis statu, in provincias diversi abiere. Valerius adversus conjunctos jam in Algido exercitus Aequorum Volscorumque sustinuit consilio bellum. Quod si exemplo rem fortunae commisisset, haud scio, an (qui tum animi ab decemvirorum infelibus auspiciis Romanis hostibusque erant) magno detrimento certamen staturum fuerit. Castris, mil-

le passuum ab hoste positis, copias continebat. Hostes medium inter bina castra spatum acie instructa complebant: provocantibusque ad proelium responsum Romanus nemo reddebat. Tandem fatigati stando, ac nequidquam expectando certamen, Aequi Volscique, postquam concessum propemodum de victoria credebant, pars in Hernicos, pars in Latinos praedatum abeunt. Relinquitur magis castris praesidium, quam satis virium ad certamen. Quod ubi consul sensit, reddit inlatum anteā terrorem, instructaque acie ultiro hostem læcessit. Vbi illi, conscientia quid abesset virium, detractavere pugnam, crevit exemplo Romanis animus, et pro victis habebat paventes intrā vallum. Quā per totum diem stetissent intenti ad certamen, nocti cessere: et Romani quidem pleni spei corpora curabant. Haud quaquā pari hostes animo nuntios passim trepidi ad revocandos praedatores dimittunt. Recurritur ex proximis locis; ulteriores non inventi. Vbi inluxit, egreditur castris Romanus, vallum invasurus, ni copia pugnae fieret. Et, postquam multa jam dies erat, neque movebatur quidquam ab hoste, jubet signa inferri consul. Motaque acie, indignatio Aequos et Volscos incessit, si victores exercitus vallum potius, quam virtus et arma tegerent. Igitur et ipsi efflagitatum ab ducibus signum pugnae adcepere. Jamque pars egressa portis erat, deincepsque alii servabant ordinem, insuum quisque locum descendentes, quum consul Romanus prius, quam totis viribus fulta constaret hostium acies, intulit signa: adortusque nec omnes dum eductos, nec, qui erant, satis explicatis ordinibus, prope fluctuantem turbam trepidantium huc atque illic, circumspectantiumque se ac suos, additō tur-

turbatis mentibus clamore atque inpetu, invadit. Retinere primo pedem hostes. Deinde, quum animos conlegilleant, et undique ducēs, *victisne cessuri essent*, increparent, restituitur pugna.

LXI. Consul ex altera parte Romanos meminisse jubebat, illo die primum liberos pro libera urbe Romana pugnare. Sibimet ipsis victuros, non ut decenvirorum victores praemium essent. Non Appio duce rem geri, sed consule Valerio, a liberatoribus populi Romani orto, liberatore ipso. Ostenderentque prioribus proeliis per duces, non per milites, sicutisse, ne vincerent. Turpe esse, contra cives plus animi habuisse, quam contra hostes; et domi, quam foris, servitutem magis timuisse. Vuam Virginiam fuisse, cuius pudicitiae in pace periculum esset: unum Appium civem pericolosae libidinis. At, si fortuna belli inclinet, omnium liberis ab tot milibus hostium periculum fore. Nolle omniari, quae nec Jupiter, nec Mars pater passuri sunt iis auspiciis conditae irbi adcidere. Aventini Sacri que montis admonebat, ut, ubi libertas parta esset paucis ante mensibus, eo imperium inlibatum referrent; ostenderentque, eamdem indolem militibus Romanis post exactos decenviros esse, quae ante creatos fuerit; nec, aequatis legibus, inminutam virtutem populi Romani esse. Haec ubi inter signa peditum dicta dedit; avolat deinde ad equites, Agite, juvenes, inquit, praefstate virtute peditem, ut honore atque ordine praefatis. Primo concursit pedes movit hostem. Pulsu vos, immisis equis, exigite e campo. Non sustinebunt inpetum: et nunc cunctantur magis, quam resistunt. Concitant equos, permittuntque in hostem, pedestri jam turbatum pugna: et perruptis ordinibus elati ad novissimam aciem, pars libero

spatio circumvecti, jam fugam undique capentes plerosque a castris avertunt, praeter equitantesque absterrent. Peditum acies et consul ipse visque omnis belli fertur in castra; captisque cum ingenti caede, majore praeda potitur. Hujus pugnae fama perlata non in urbem modo, sed in Sabinos ad alterum exercitum. In urbe laetitia modo celebrata est; in castris animos militum ad aemulandum decus adcepit. Jam Horatius eos, excursionibus subficiendo, proeliisque levibus experiundo adsuefecerat sibi potius fidere, quam meminisse ignominiae decemvirorum ductu acceptae; parvaque certamina in summam totius profecerant spei. Nec cessabant Sabini, ferores ab re priore anno bene gesta, lacescere atque instare, rogitantes, *Quid latrocinii modo procurfantes pauci recurrentesque tererent tempus, et in multa proelia parvaque carperent summam unius belli? Quin illi congrederentur acie, inclinandamque semel fortunae rem darent?*

LXII. Ad id, quod sua sponte fatis collectum animorum erat, indignitate etiam Romani adcepcebantur. *Jam alterum exercitum victorem in urbem redditurum; sibi ultro per contumelias hostiem insultare.* Quando autem se, si tum non sint, pares hostibus fore? Vbi haec fremere militem in castris consul sensit, concione advocata, *Quemadmodum, inquit, in Algido res gesta sit, arbitror vos, milites, audiisse, qualem liberi populi exercitum decuit esse, talis fuit.* Consulto conlegae, virtute militum *victoria parta est.* Quod ad me adtinet, id consilii animique habiturus sum, quod vos mihi effeceritis. *Et trahi bellum salubriter, et mature perfici potest.* Si trahendum est, ego, ut in dies spes virtusque vestra crescat, eadem, qua institui, disciplina efficiam. Si jam satis ani-

animi est, decernique placet, agitedum, clamorem, qualem in acie sublaturi esis, tollite hic, indicem voluntatis virtutisque vestrae. Postquam ingenti alacritate clamor est sublatus, *Quod bene vertat, gesturum se illis morem, posteroque die in aciem deducturum, adfirmat.* Reliquum diei adparandis armis consumtum est. Postero die simul instrui Romanam aciem Sabini videre, et ipsi, jam pridem avidi certaminis, procedunt. Proelium fuit, quale inter fidentes sibimet ambo exercitus, veteris perpetuaeque alterum gloriae, alterum nuper nova victoria elatum. Consilio etiam Sabini vires adjuvere. Nam quum aequassent aciem, duo extra ordinem millia, quae in sinistrum cornu Romanorum in ipso certamine impref-
fionem facerent, tenuere. Quae ubi, iulatis ex transverso signis, degravabant prope circumventum cornu; equites duarum legionum sexcenti fere ex equis desiliunt, cedentibusque jam suis provolant in primum; simulque et hosti se obponunt, et, aequato primum periculo, pudore deinde animos peditum adcedunt. Verecundiae erat, equitem suo alieno-
que Marte pugnare: peditem ne ad pedes qui-
dem degrello equiti parem esse.

LXIII. Vadunt igitur in proelium ab sua parte omissum; et locum, ex quo cesserant, repetunt: momentoque non restituta modo pugna, sed inclinatur etiam Sabinis cornu. Eques inter ordines peditum tectus se ad equos recipit. Transvolat inde in partem alteram, suis Victoriae nuntius; simul et in hostes jam pavidos, quippe fuso suae partis validiore cor-
nu, impetum facit. Non aliorum eo proelio virtus magis enituit. Consul providere omnia, laudare fortes, increpare, sicubi segnior pugna esset. Caltigati fortium statim virorum operam

ram edebant: tantumque hos pudor, quantum
alios laudes excitabant. Redintegrato clamore,
undique omnes connisi hostem avertunt,
nec deinde Romana vis sustineri potuit. Sabini,
fusi passim per agros, castra hosti ad
praedant relinquunt. Ibi non socrorum, sicut
in Algidō, res, sed suas Romanus, populationibus agrorum amissas, recipit. Gemina
victoria duobus bifariam proeliis parta, magne senatus in unum dicem subplicationes consulū nomine decrevit. Populus injussu et
altero die frequentes iit subplicatum. Et haec
vagā popularisque subplicatio studiis prope celebrior fuit. Consules ex composito eodem
bīduo ad urbēm adcessere, senatumque in Martium campum evocavere. Vbi quum de rebus
ab fē gestis agerent, questi primores Patrum,
senatum inter milites dedita opera terroris
causa haberi. Itaque inde consules, ne cri-
minatiōni locus esset, in prata Flaminia, ubi
nunc aedes Apollinis est, (jam tum Apollina-
rem adpellabant) avocavere senatum. Vbi
quum ingenti consensu Patrum negaretur
triumphus, L. Icilius tribunus plebis tulit ad
populum de triumpho consulū, multis dis-
suasum prodennib⁹, maxime C. Claudio vo-
ciferante, *De Patribus, non de hostibus, con-
sules triumphare velle; gratianique pro privatō
merito in tribunum, non pro virtute hōiōrem,
peti.* Numquam ante de triumpho per populum
actum, semper aestimationem arbitriūmque ejus
honoris penes senatum fuisse. Ne reges quidem
majestatem suum ordinis inminuisse. Ne ita
omnia tribuni potestatis suae implerent, ut nullum
publicum consilium sinerent esse. Ita demum
liberam civitatem fore, ita aequatas leges, si
sua quisque jura ordo, suam majestatem teneat.
In eamdem sententiam multa et a ceteris se-
pion-

nioribus Patrum quum essent dicta, omnes tribus eam rogationem adceperunt. Tum primum, sine auctoritate senatus, populi iussu triunphatum est.

LXIV. Haec Victoria tribunorum plebisque prope in hand salubrem luxuriam vertit, conspiratione inter tribunos facta; ut iidem tribuni reficerentur, et, quo sua minus cupiditas emineret, consulibus quoque continuauerent magistratum. Consensum Patrum causabantur, quo per contumeliam consulim jura plebis labefacta essent. *Quid futurum; non dum firmatis legibus, si novos tribunos per factiones suas consules aborti essent? Non enim semper Valerios Horatiosque consules fore, qui libertati plebis suas opes postferrent.* Forte quadam utili ad tempus, ut comitiis praeesset, potissimum M. Duilio forte evenit, viro prudenti, et ex continuaitione magistratus invidiati inminentem cernenti. Qui quam ex veteribus tribunis negaret ullius se rationem habiturum, pugnarentque conlegae, ut liberas tribus in subfragium mitteret, aut concederet sortem comitiorum conlegis, habituris e lege potius comitia, quam ex voluitate Patrum; injecta contentione. Duilius, consules ad subfellia adeitos quum interrogasset, quid de comitiis consularibus in animo haberent, respondissentque, se novos consules creaturos, auctores populares sententiae haud popularis nactis, in concionem cum iis processit. Vbi quum consules, producti ad populum, interrogatique, si eos populus Romanus, memor libertatis per illos receptae domi; memor militiae rerumque gestarum, consules iterum faceret, quidnam facturi essent, nihil sententiae suae mutassent; coulandatis consulibus, quod perseverarent ad ultimum dissimiles decemviritum

rorum esse, comitia habuit: et, quinque tribunis plebis creatis, quum praे studijs aperte petentium novem tribunorum alii candidati tribùs non explerent, concilium dimisit; nec deinde comitiorum causa habuit. Satisfactum legi ajebat, quae, numero nusquam praesinito tribunis, modo ut relinquenterur, sauciret; et ab iis, qui creati essent, cooptari conlegas juberet. Recitabatque rogationis carmen, in quo, *Si tribunos plebei decem rogabo, si qui vos minus hodie decem tribunos plebei feceritis: hi tum uti, quos sibi conlegas cooptassint, ut illi legitimii eadem lege tribuni plebei sunt, ut illi, quos hodie tribunos plebei feceritis.* Duilius, quum ad ultimum perseverasset, negando quindecim tribunos plebei rem publicam habere posse, victa conlegarum cupiditate, pariter Patribus plebique adeptus, magistratu abiit.

LXV. Novi tribuni plebis in cooptandis conlegis Patrum voluntatem soverunt. Duos etiam patricios consularesque, Sp. Tarpejum et A. Aterium, cooptavere. Consules creati, Lar. Herminius, T. Virginius Caelimontanus, nihil magnopere ad Patrum aut plebis causam inclinati, otium domi ac foris habuere. L. Trebonius tribunus plebis, infestus Patribus, quod se ab iis in cooptandis tribunis fraude captum, proditum a conlegis, ajebat, rogationem tulit, *ut qui plebem Romanam tribunos plebi rogaret, is usque eo rogaret, dum decem tribunos plebi faceret;* infectandisque Patribus, unde Aspero etiam inditum est cognomen, tribunatum gessit. Inde M. Geganius Macrinus et C. Julius, consules facti, coitiones tribunorum, adversus nobilium juventutem ortas, sine infectatione potestatis ejus, conservata maiestate Patrum, sedavere. Plebem, decreto ad bellum Volscorum et Aequorum de-

delectu, sustinendo rem, ab seditionibus continuere; urbano quoque otio foris omnia tranquilla esse adfirmantes, per discordias civiles externos tollere animos. Cura pacis concordiae quoque intestinae causa fuit. Sed alter semper ordo gravis alterius modestiae erat. Quiescenti plebi ab junioribus Patrum injuriae fieri coepitae. Vbi tribuni auxilio humilioribus essent, in primis parum proderat: deinde ne ipsi quidem inviolati erant, utique postremis mensibus, quum et per coitiones potentiorum injuria fieret, et vis potestatis omnis aliquanto posteriore anni parte languidior ferme esset: jamque plebs ita in tribunatu ponere aliquid spei, si similes Icilio tribunos haberet: nomina tantum se biennio habuisse. Seniores contra Patrum, ut nimis feroce suos credere juvenes esse; ita malle, si modus excedendus esset, suis, quam adversariis, superesse animos. Adeo moderatio tuendae libertatis, dum aequari velle similando ita se quisque extollit, ut deprimat alium, in difficulti est: cavendoque ne metuant homines, metuendos ultiro se efficiunt: et injuriam a nobis repulsam, tamquam aut facere aut pati necesse sit, injungimus aliis.

LXVI. T. Quinctius Capitolinus quartum et Agrippa Furius, consules inde facti, nec seditionem domi, nec foris bellum, adcepérunt: sed imminebat utrumque. Jam non ultra discordia civium reprimi poterat, et tribunis et plebe incitata in Patres, quum dies alicui nobilium dicta novis semper certaminibus conciones turbaret. Ad quarum primum strepitum, velut signo adepto, arma cepere Aequi ac Volsci: simul quod persuaserant iis duces, cupidi praedarum, biennio ante deletum indictum haberi non potuisse, abnuente jam plebe imperium. *Eo adversus se non esse mis-*

missos exercitus. Disolvi licentia militandi morem. Nec pro communi jam patria Romam esse. Quidquid irarum simultatumque cum exterius fuerit, in ipsos verti. Obcaecatos lupos intestina rabie obprimeudi occasionem esse. Coniunctis exercitibus Latinum primum agrum perpopulati sunt: deinde postquam ibi nemo vindex obcurrebat, tum vero, exsultantibus belli auctoribus, ad moenia ipsa Romae populabundi regione portae Esquilinae adcessere, vastationem agrorum per contumeliam urbi ostentantes. Vnde postquam inulti, praedam pre se agentes, retro ad Corbionem agmine iere. Quintius consul ad concionem populum vocavit.

LXVII. Ibi in hanc sententiam loquutum adcipio; *Etsi mihi nullius noxae conscientius, Quirites, sum, tamen cum pudore summo in concionem vestram processi. Hoc vos scire, hoc posteris memoriae traditum iri, Aequos et Volscos, vix Hernicis modo pares, T. Quintio quartum consule, ad moenia urbis Romae impune armatos venisse. Hanc ego ignominiam, (quamquam jam diu ita vivitur, is siatus rerum est, ut nihil boni divinet animus) si huic potissimum inninere anno scissim, vel exsilio, vel morte, si alia sua honoris non esset, vitasse. Ergo, si viri arma illa habuissent, quae in portis fuere nosris, capi Roma me consule potuit? satis honorum, satis superque vitae erat: mori consulem tertium oportuit. Quem tandem ignavissimi hostium contempsere? nos consules? an vos Quirites? Si culpa in nobis est, auferte imperium indignis; et, si id parum est, insuper poenas expelite. Si in vobis, nemo Deorum uer hominum sit, qui vestra puniat peccata, Quirites; vosmet tantum eorum poeniteat. Non illi vestram ignaviam contempsere, nec suae virtuti*

cou-

confisi sunt; quippe toties fusi fugati que, castris exuti, agro multati, sub jugum missi, et se et vos novere. Discordia ordinum est venenum urbis hujus; Patrum ac plebis certamina: dum nec nobis imperii, nec vobis libertatis est modus, dum taedet vos patriciorum, hos plebeiorum magistratum, sustulere illi animos. Pro Deum fidem, quid vobis vultis? Tribunos plebis concupisisti. Concordiae causa concessimus. Decemvirolos desiderasti. Creari passi sumus. Decemvirorum vos pertaesum est. Coegerimus abire magistratu. Manente in eosdem privatos ira vestra, mori atque exsulare nobilissimos viros honoratissimosque passi sumus. Tribunos plebis creare iterum voluisti. Creasti. Consules facere vestrarum partium, et si Patribus videbamus iniustum; patricium quoque magistratum plebi donum fieri vidimus. Auxilium tribunicium, provocationem ad populum, scita plebis iuncta Patribus, sub titulo aequan-darum legum, nostra jura obpressa tulimus et ferimus. Qui finis erit discordiarum? Ecquando unam urbem habere, ecquando communem hanc esse patriam licet? Victi nos aequiore animo quiescimus, quam vos victores. Satisne est, nobis vos metuendos esse? Adversus nos Aventinum capitur, adversus nos Sacer occupatur mons. Esquilias quidem ab hostie prope captas, et scandentem in aggerem Volscum hostem nemo submovit. In nos viri, in nos armati esisti.

LXVIII. *Agite dum, ubi hic curiam circumfederitis, et forum infestum feceritis, et carcerem iupleveritis principibus; iisdem ipsis fericibus animis egredimini extra portam Esquilinam: aut, si ne hoc quidem audetis, ex muris visite agros vestros ferro ignique vaslatos, praedam*

dam abigi, fumare incensa passim tecta. At enim communis res per haec loco est pejore: ager uritur, urbs obsidetur, belli gloria penes hostes est. Quid tandem? privatae res vestrae in quo statu sunt? Jam unicuique ex agris sua damna muntiabuntur. Quid est tandem domi, unde ea expleatis? Tribuni vobis amissa reddent ac restituent? vocis verborumque quantum votis, ingerent, et criminum in principes, et legum aliarum super alias, et concionum. Sed ex ipsis concionibus numquam vestrum quisquam re, fortuna, domum auctior rediit. Equis restulit aliquid ad conjugem ac liberos, praeter odia, offendentes, simultates publicas privatasque? a quibus semper non vestra virtute innocentiaeque, sed auxilio alieno tuti sitis. At, Hercules, quum stipendia, nobis consulibus, non tribunis ducibus, et in castris, non in foro, faciebatis, et in acie vestrum clamorem hosties, non in concione Patres Romani horrebat, praeda parta, agro ex hoste capto, pleni fortunarum gloriaeque, simul publicae, simul privatae, triumphantes domum ad Penates redibatis. Nunc oneratum vestris fortunis hostiem abire finitis. Haerete adfixi concionibus, et in foro vivite: sequitur vos necessitas militandi, quam fugitis. Grave erat in Aequos et Volscos proficisci? Ante portas est bellum. Si inde non pellitur, jam intra moenia erit, et arcem et Capitolium scandet, et in domos vestras vos persequetur. Biennio ante senatus delectum haberi, et educi exercitum in Algidum jussit. Sed enim desides domi, mulierum ritu inter nos altercantes; praesenti pace laeti, nec cernentes, ex otio illo brevi multiplex bellum redditurum. His ego gratiora dictu alia esse scio: sed me vera pro gratis loqui, et si meum ingenium non moneret, neceſ-

necessitas cogit. Vellem equidem vobis placere, Quirites; sed multo malo vos salvos esse, qualicumque erga me animo futuri esis. Natura hoc ita comparatum es, ut, qui apud multitudinem sua causa loquitur, gratior eo sit, cuius mens nihil, praeter publicum commodum, videt. Nisi forte adsentatores publicos, plebicolasistos, qui vos nec in armis nec in otio esse sinunt, vestra vos causa incitare et stimulare putatis. Concitati, aut honori, aut quaesiti illis esis: et quia in concordia ordinum nullos se usquam esse vident, malae rei se, quam nullius, turborum ac seditionum, duces esse volunt. Quarum rerum si vos taedium tandem capere potest, et patrum vestrosque antiquos mores vultis pro his novis sumere, nulla subplicia recuso; nisi paucis diebus hos populatores agrorum nostrorum fusos fugatosque castris exuero, et a portis nostris moenibusque ad illorum urbes hunc belli terrorem, quo nunc vos adtoniti esis, transtulero.

LXIX. Raro alias tribuni popularis oratio adcepitior plebi, quam tunc severissimi consulis, fuit. Juventus quoque, quae inter tales metus detrectationem militiae telum acerrium adversus Patres habere solita erat, arma et bellum spectabat: et agrestium fuga spoliatiue in agris et vulnerati, foediora iis, quae subjiciebantur oculis, nuntiantes, totam urbem ira inplevere. In senatum ubi ventum est, ibi vero in Quintium omnes versi, ut unum vindicem majestatis Romanae intueri; et primores Patrum dignam dicere concessionem imperio consulari, dignam tot consulatibus anteactis, dignam vita omni, plena honorum saepe gestorum, saepius meritorum. Alios consules aut per prodictionem dignitatis Patrum plebi

adulatos, aut acerbe tuendo jura ordinis asperiorum domando multitudinem fecisse: T. Quintum orationem memorem majestatis Patrum, concordiaeque ordinum, et temporum in primis habuisse. Orare eum conlegamque, ut capessent rem publicam: orare tribunos, ut uno animo cum consulibus bellum ab urbe ac moenibus propulsari vellent, plebemque obedientem in retam trepida Patribus praebarent: appellare tribunos communem patriam, auxiliumque eorum implorare, vastatis agris, urbe prope obpugnata. Consensu omnium delectus decernitur habeturque. Quum consules in concione pronuntiassent, Tempus non esse causas cognoscendi; omnes juniores postero die prima luce in campo Martio adessent; cognoscendis caussis eorum, qui nomina non dedissent, bello perfecto se daturos tempus; pro desertore futurum, cuius non probassent causam: omnis juventus adfuit postero die. Cohortes sibi quaeque centuriones legerunt: bini senatores singulis cohortibus praepositi. Hacc omnia adeo mature perfecta adcepimus, ut signa, eo ipso die a quaestoribus ex aerario promta delataque in canipum, quarta diei hora mota ex campo sint; exercitusque novus, paucis cohortibus veterum militum voluntate sequentibus, manferit ad decimum lapidi. Insequens dies hostem in conspectum dedit, castraque ad Corbionem castris sunt conjuncta. Tertio die, quum ira Romauos, illos, quum toties rebellassent, conscientia culpae ac desperatio irritaret, mora dinicandi nulla est facta.

* LXX. In exercitu Romano quum duo consules essent potestate pari: quod saluberissimum in administratione magnarum rerum est, summa imperii, concedente Agrippa, penes conlegam erat; et praelatus ille facilitati submitt-

mittentis se comiter respondebat, communicando consilia laudesque, et aequando inparum sibi. In acie Quintius dextrum cornu, Agrippa sinistrum tenuit: Sp. Postumio Albo legato datur media acies tuenda; legatum alterum Ser. Sulpicium equitibus praeficiunt. Pedites ab dextro cornu egregie pugnavere, haud segniter resistantibus Volscis. Ser. Sulpicius per medium hostium aciem cum equitatu perrupit. Vnde quum eadem reverti posset ad suos, priusquam hostis turbatos ordines reficeret, terga inpugnare hostium satius visum est. Momentoque temporis, in aversam incurfando aciem, ancipiti terrore dissipasset hostes, ni suo proprio eum proelio equites Volscorum et Aequorum exceptum aliquamdiu tenuissent. Ibi vero Sulpicius negare, *cunctandi tempus esse, circunventos interclusosque ab suis vociferans, ni equestre proelium connisi omni vi perficerent.* Nec fugare equitem integrum satis esse. *Conficerent equos virosque, ne quis reveheretur inde ad proelium, aut integraret pugiam.* Non posse illos resistere sibi, quibus conferta peditum acies cessisset. Haud surdis auribus dicta: in impressione una totum equitatum sudere, magnam vim ex equis precipitavere, ipsos equosque spiculis confodere. Is finis pugnae equestris fuit. Tunc, adorti peditum aciem, nuntios ad consules rei gestae mittunt, ubi jam inclinabatur hostium acies. Nuntius deinde et vincentibus Romanis animos auxit, et referentes gradum perculit Aequos. In media primum acie vinci coepti, qua permisus equitatus turbaverat ordines. Sinistrum deinde cornu ab Quintio consule pelli coeptum; in dextro plurimum laboris fuit. Ibi Agrippa, aetate viribusque ferox, quam omni parte pugnae melius res geri,

quam apud se, videret, accepta signa ab signiferis ipse inferre, quaedam jacere etiam in confertos hostes coepit. Cujus ignominiae metu concitati milites, invasere hostem. Ita aequata ex omni parte victoria est. Nuntius tunc a Quintio venit, victorem jam se inminere hostium castris: nolle intrumpere, antequam sciat debellatum et in sinistro cornu esse. Si jam fudisset hostes, conferret ad se signa, ut simul omnis exercitus praeda potiretur. Victor Agrippa cum mutua gratulatione ad victorem conlegam castraque hostium venit. Ibi paucis defendantibus, momentoque fusis, sine certamine in munitiones intrumpunt: praedaque ingenti compotem exercitum, suis etiam rebus recuperatis, quae populatione agrorum amissae erant, reducunt. Triumphum nec ipsos postulasse, nec delatum iis ab senatu, adcipio: nec traditur causa spreti aut non sperati honoris. Ego quantum in tanto intervallo temporum conjicio, quum Valerio atque Horatio consulibus, qui praeter Volscos et Aequos Sabini etiam belli perfecti gloriam pepererant, negatus ab senatu triumphus esset, verecundiae fuit pro parte dimidia rerum consulibus petere triumphum; ne etiam, si impetrassen, magis hominum ratio, quam meritorum, habita videretur.

LXXI. Viatoriam honestam, ex hostibus partain, turpe domi de finibus socrorum judicium populi deformavit. Aricini atque Ardeates de ambiguo agro quum saepe bello certassent, multis in vicem cladibus fessi, judicem populum Romanum cepere. Quum ad causam orandam venissent, concilio populi a magistratibus dato, magna contentione actum. Jamque editis testibus, quum tribus vocari, et populum inire subfragium oporteret, confusus

git P. Scaptius de plebe, magno natu: et, Si licet, inquit, *consules, de re publica dicere, errare ego populum in hac causa non patiar.* Quum, ut vanum, eum negarent consules audiendum esse, vociferantemque, *prodi publicam causam, submoveri jussissent, tribunos adpellat.* Tribuni, ut sere semper reguntur a multitudine magis, quam regunt, dedere cupidae audiendi plebi, ut, quae vellet, Scaptius diceret. Ibi insit, *Annum se tertium et octogesimum agere, et in eo agra, de quo agitur, militasse, non juvenem, vicesima jam stipendia merentem, quum ad Coriolos sit bellatum.* Eo rem se vetustate oblitterata, ceterum suae memoriae infixam, adferre: agrum, de quo ambigitur, finium Coriolanorum fuisse, captisque Coriolis, jure belli publicum populi Romani factum. Mirari se, quoniam more Ardeates Aricinique, cuius agri jus numquam usurpaverint incolumi Coriolana re, eum se a populo Romano, quem pro domino judicem fecerint, intercepturos sperent. Sibi exiguum vitae tempus superesse: non potuisse se tamen inducere in animum, quin, quem agrum miles pro parte virili manu cepisset, eum senex quoque voce, qua una posset, vindicaret. Magnopere se suadere populo, ne inutili pudore suam ipse causam dannaret.

LXXXIII. Consules quum Scaptium non silentio modo, sed cum adsensu etiam, audiri animadvertisserint, Deos hominesque testantes flagitium ingens fieri, Patrum primores accessunt. Cum his circumire tribunos, orare, *Ne pessimum facinus pejore exemplo admitterent judices, in suam rem litem vertendo, quum praesertim, etiamsi fas sit, curam emolumenti sui judici esse, nequaquam tantum agro intercipiendo adquiratur, quantum amittatur alienan-*

*dis injuria sociorum animis. Nam famae qui-
dem ac fidei damna majora esse, quam quae ae-
stimari possent. Hoc legatos referre domum:
hoc vulgari: hoc socios audire: hoc hosies.
Quo cum dolore hos? quo cum gaudio illos?
Scaptione hoc, concionali seni, adsignaturos
putarent finitimos populos? Clarium hac fore
imagine Scaptium: populum Romanum quadru-
platoris et interceptoris litis alienae personam
laturum. Quem enim hoc privatae rei judicem
fecisse, ut sibi controversias adjudicaret rem?
Scaptium ipsum id quidem, et si praemortui jam
sit pudoris, non facturum. Haec consules,
haec Patres vociferantur. Sed plus cupiditas
et auctor cupiditatis Scaptius valet. Vocatae
tribus judicaverunt, agrum publicum populi
Romani esse. Nec abnuitur ita fuisse, si ad
judices alios itum foret: nunc haud sane quid-
quam bono causae levatur dedecus judicii.
Idque non Aricinis Ardeatibusque, quam Pa-
tribus Romanis, foedius atque acerbius visum
Reliquum anni quietum ab urbanis motibus
et ab externis manxit.*

T. LIVII PATAVINI

LIBER IV.

B R E V I A R I V M.

CAP. I. *Duae rogationes promulgatae, altera a C. Canulejo trib: pl., altera a IX ejus conlegis, de connubio Patrum plebisque, et de potestate populo danda, seu de plebe, seu de Patribus velit, consules faciendi.* 2. *Orationes consulum adversus has leges.* 3—5. *Canulejus pro iis differit, similque docet, populo Rom. sumnum esse imperium et libertatem omnibus acquam.* 6. *Post multas altercationes consentiunt Patres primum, ut rogatio illa de connubio feratur, deinde, ut tribuni militum consulari potestate promiscue ex Patribus ac plebe creentur. Tribuni mil. cons. pot. tres omnesque patricii creantur.* 7. *Hi, vitio facti, honore mox abeunt, iisque subficiuntur consules. Ardeatium legatis, agrum repetentibus, respondent Patres, curae sibi fore, ne diuturna sit injuria.* 8. *Censurae initium, rei a parva origine ortae, sed magno deinde incremento auctae.* 9. *Intestinae Ardeatium turbae. Plebs Volscorum, optimates Romanorum implorant auxilium. Ardeatibus obfidentur a Volscis, et hi a Romanis circumvallantur.* 10. *Volsci, ab omni parte caesi, dedito imperatore Aequo Cloelio, sub jugum mituntur, et inermes dimissi obpriniuntur a Tusculanis.*

*lanis. Triumphus M. Gegani cos. Pax dome-
stica, auctoritate T. Quinctii Capitolini V. cos.
servata. 11. Redditur Ardeatibus ager, inter-
ceptus judicio infami, nec Romanis colonis, sed
Rutulis dividitur.*

12. *Consules creati, adversante nequidquam
Poetelio trib. pl. Fames et seditio. L. Minu-
cius praefectus annonae. 13. Sp. Maelius, eques
praedives, frumenti facit largitiones et regni
consilia agitat. Minucius rem compertam de-
fert ad seuatum, et T. Quinctius Capitolinus
VI cos. dictatorem dicit L. Quinctium Cincin-
natum. 14. C. Servilius Ahala mag. eq. in jus
vocat Maelium, eumque fugientem obtruncat.
15. Dictator caudem hanc laudat in concione
populi. 16. Diruitur domus Maelii. Minucius
frumentum ejus plebi dividit, et bove aurato
donatur. Filius dictatoris tribunus mil. conf.
pot. creatur cum Mam. Aemilio et L. Julio. 17.
Fidenates et Vejentes deficiunt a Romanis, ho-
rumque legati jussu Lartis Tolumnii, regis Ve-
jentium, interficiuntur. Victoriam non incruen-
tam refert L. Sergius Fidenas consul. Dicta-
tor dicitur Mam. Aemilius et mag. eq. L. Quin-
ctius Cincinnatus. Falisci Fidenatis auxilio
veniunt. 18. Atrox pugna. 19. A. Cornelius
Cossus, tribunus militum, Tolumnium obcidit,
et hostes fundit. 20. Dictator triumphat, et
Cossus secunda spolia opima insert templo Jovis
Feretrii: nisi eu nono denum post anno in con-
sulatu cepit, vel tertio ab consulatu anno, quo
tribunus mil. conf. pot. fuit, et alteram insignem
edidit pugnam equestrem. 21. Seditiones fru-
stra quaesitae a Sp. Maelio trib. pl. Pesuilen-
tia, crebri terrae motus et obsecratio. Fiden-
ates Vejentesque populabundi descendunt in agrum
Rom. et A. Servilius Priscus f. Structus dicta-
tor*

tor dicitur. 22. Is Etruscos fundit non procul Nomento, et Fidenas cuniculo capit. Villa publica in campo Martio a censoribus probatur, ibique primum agitur census populi. 23. Vejentes et Falisci, legatis circa XII populos missis, impetrant, ut ad Voltumnae fanum indicatur omni Etruriae concilium. M. Aemilius dictator iterum dicitur. 24. Negantur Vejentibus auxilia. Dictator, ne nequidquam creatus sit, gloriam in pace quaerit fertque legem, ne plus, quam auna ac semestris, censura sit. Hinc censores cum movent tribu octuplicatoque censu aerarium faciunt: quam ignominiam ipse ingenti animo fert, sed populus valde indignatur. 25. Pestilentia, et aedes Apollini vota. Tribuni queruntur, nondum plebejo aditum fuisse ad sumimum honorem, et tollendae ambitionis causa legem promulgant, ne cui album in vestimentum addere petitionis liceat causa.

26. Aequorum Volscorumque validi exercitus, lege sacrata conscripti, in Algidum conveniunt. T. Quinctius Cincinnatus et C. Julius Mento consules ad alia discordes in uno adversus Patrum voluntatem consentiunt, ne dicant dictatorem: sed tribuni pl., a Q. Servilio Prisco appellati, eos cogunt senatui dicto audientes esse. Quinctius A. Postumium Tubertum, socium suum, severissimi imperii virum, dictatorem dicit. 27. Ludi magni tumultus causa voti. Casira Quinctii cos. noctu obpugnata, et hostilia a M. Geganio capta. 28. Volsci, Vectio Messio duce, fortiter pugnant. 29. Castris exiuntur et venundantur. Dictator triumphans invehitur Urbem. Ab eodem filium, iussu patris pugnantem, securi percussum quidam tradunt. Karthaginenses exercitum trahiciunt in Siciliam. 30. Induciae aequis datae.

Pertinax in Volscis certamen inter pacis bellique auctores. Lex lata de multarum aestimatione. Siccitas et morbi. Sacra peregrina. Bellum Vejentibus indictum. 31. *Tribuni mil. cons. pot. quatuor creati, et tres ob discordiam ab hostibus fusi. Poscitur dictator, qui tamen non nisi ab consule dici potest. Eam religionem eximunt augures, et Mam. Aemilius ab A. Cornelio Cocco trib. mil., qui Vrbi praefest, dictator, et hic ab illo magister equitum dicitur. Fidenates Vejentibus sese coniungunt.* 32. *Dictator trepidam civitatem, ad concionem advacatam, oratione increpat castraque locat prope Fidenas.* 33. *Fidenates erumpunt facibus armati. Vejentes fusi Tiberim petiunt. Fidenates in fluvium et urbem compelluntur.* 34. *Vrbs castraque capta et direpta. Triumphus dictoris.* 35. *Induciae Vejentibus Aequisque datae. Ludi, bello voti. Conciones seditionae tribunorum pl. indignantium, plebejos non admitti ad summos honores.* 36. *Consularia habentur comitia ob metum belli cum Volscis gerendi.*

37. *Capua ab Samnitibus capta. Bellum Volscum, male gestum a C. Sempronio Atratino cos.* 38. *Pugnam restituit Sex. Tempanius, decurio equitum.* 39. *Nox eam dirimit. Vtraque castra deseruntur.* Tempanius, ab suis exclusus, tumulum occupat, noctuque degressus in castra et inde ad Vrbem pergit. 40. *Pavor ibi et mox gaudium, equitibus procul visus.* Tribunii pl. Tempanium vocari jubent. 41. *Is visa sibi que nota incomte, et multa quoque in laudem consulis, nihil vani in suam dicit. Interea consul advenit, non ab se magis enixe amovens culpam, quam Tempanium meritis laudibus ferens.* M. Postumius et T. Quintius Pennus, qui ad Vejos nuper res male gesserant, rei sunt. 42. *L. Hor-*

Hortensius trib. pl. Sempronio diem dicit; sed mitigatur, quatuor conlegis, Tempanio, Sellio, Antistio Icilioque, pro imperatore suo deprecantibus.

43. *Aequi a Fabio fusi.* Interregna certaminaque consulum et tribunorum pl., illis flagitiantibus, ut praeter duos urbanos quaestores duo sibi ad ministeria belli praessto sint; his, ut pars quaestiorum ex plebe fiat. Posiremo L. Papirius Mugillanus interrex medio consilio copulat concordiam, suadens, ut IV quaestores promiscue de plebe ac Patribus siant libero populi subfragio. 44. Quaestores crecantur omnes patricii, conutia eorum habente A. Sempronio Atratino, tribuno mil. conf. pot. Hinc ira tribunorum pl. flectitur in C. Sempronium, patruellem Atratini, qui accusatur iterum et damnatur. Postumia, virgo Vestalis, rea propter cultum amoeniorem ingeniumque liberius, quam virginem deceat. Cumae a Campanis captae.

45. *Conjuratio servorum obpressa.* Bellum cum Aequis et Lavicanis, Altercationem tribunorum mil. conf. pot., quorum nemo Vrbi praecesse vult, Q. Servilius dirimit patria maiestate. 46. Certamina ducum Rom. multo majora in castris, quam in Vrbe. Funduntur ab Aequis et postero die, castris desertis, Tusculum confugiunt. Q. Servilius Priscus a filio suo C. Servilio dictator, et hic ab eo magister equitum dicitur. 47. *Vincit Aequos et Lavicos expugnat:* quo colonia deducitur. 48. Spurii Maecilius Metiliusque tribuni pl. promulgata lege agraria turbas excitant: sed Patres, auctore Ap. Claudio, nepote decemviri, conlegas eorum ad intercessionem comparant. 49. Bolae bis capiuntur, et M. Postumius Regillensis, tribunus mil. conf. pot., exercitum praeda ei promissa fraudat. Idem, ab

con-

conlegis propter seditiones tribunicias arcessitus, in concione populi, L. Sextio trib. pl. rogationem de colonis Bolas mittendis denquo laturum se profitente: Malum quidem militibus meis, inquit, nisi quieverint. Quam siolidam inhumanique vocem acerbe increpat Sextius. 50. Inde tumultus in castris, ubi Postumius crudelibus suppliciis asperiora facit omnia, et postremo ab exercitu suo lapidibus cooperitur. Certamina in Urbe et interregnum. 51. Quaestio Postumianae caedis mandatur consulibus, qui summa moderatione per paucorum supplicium rem transigunt. Plebs tamen aegerrime fert, leges de suppliciis suis latae confestim exerceri, aliasque de commodis suis, de agro Bolano et in pr. publico dividendo, promulgatas tam diu iuritas jaceat. Ferentinum captum. 52. L. Icilius trib. pl. seditiones ciet agrariis legibus promulgandis. Pesis et inopia frugum. 52. Delectum, indicatum ob bellum Aequicum, impedit M. Maeinius trib. pl., legis agrariae lator; cui tamen IX conlegae intercedunt. C. Valerius Potitus cos. recipit Carventanam arcem, ab hostibus occupatam, praedamque sub hasta venditam in aerarium redigere quaestores jubet.

54. Tres plebeji quaestores, et tres Iciliii tribuni plebis. Fremunt Patres tenduntque ad consulum comitia. 55. Volsci et Aequi bellum reparant et Carventanam arcem obpugnant. Turbae domesticae. Patres comitia tribunis militum creandis edici patiuntur, sed ea lege, ne cuius ratio habeatur, qui eo anno tribunis plebis sit. Verrugo recepta, et praedae in Aquis Volscisque agro iungentes factae. 56. Tribuni mil. conf. pot. contra spem omnium tres patricii creantur, arte a patriciis adhibita. Bellum a Volscis Aquisisque inlatum. Discordia Patrum de

de dictatore dicendo. 57. C. Servilius Ahala tribunis mil. conf. pot. dictatorem dicit conlegam P. Cornelium Coffum, et ab eo magister equitum creatur. Volsci ad Autium caesi. Tribuni mil. conf. pot. IV creantur patricii nova Patrum arte. 58. Vejentium legatio de pace. Praefidium Verragine amissum. Superbum responsum Vejentis senatus bellumque iis indictum.

59. Volscum bellum. Anxur captum di-reptumque. Senatus decernit, ut stipendium miles de publico adcipiat. 60. Hinc multiplex plebis gaudium, et columniae tribunorum pl. Tributum indicitur, quod Patres primi confe-runt: unde certamen conferendi oritur. 61. Veji circumfessi. Victi Volsci. Artena capta dirutaque.

I. **H**os sequuti M. Genucius et C. Curtius consules. Fuit antris domi forisque infestus. Nam anni principio et de connubio Patrum et plebis C. Canulejus tribunus plebis rogationem promulgavit; qua contaminari sanguinem suum Patres, confundique jura gentium rebantur: et mentio, primo sensim inlata a tribunis, ut alterum ex plebe consulem liceret fieri, eo processit deinde, ut rogationem novem tribu-ni promulgarent, ut populo potestas esset, seu de plebe, seu de Patribus vellet, consules faciendi. Id vero si fieret, non vulgari modo cum infimis, sed prorsus auferri a priuoribus ad plebem, sumnum imperium credebant. Laeti ergo audiere Patres, Ardeatium popu-lum ob injuriam agri abjudicati deselile, et Vejentes depopulatos extrema agri Romani, et

et Volscos Aeqnosque ob communiam Verruginem tremere. Adeo vel infelix bellum ignominiosae paci praeferebant. His itaque in majus etiam adeptis, ut inter strepitum tot bellorum conticescerent actiones tribuniciae, delectus haberi, bellum armaque vi summa adparari jubent; si quo intentius possit, quam T. Quinctio consule adparatum sit. Tum C. Canulejus, pauca in senatu vociferatus, nequidquam territando consules avertere plebem a cura novarum legum; numquam eos se vivo delectum habituros, antequam ea, quae promulgata ab se conlegisque essent, plebes sciisset; confessim ad concionem advocavit.

II. Eodem tempore et consules senatum in tribunum, et tribunus populum in consules incitabat. Negabant consules, jam ultra ferri posse furores tribunios. Ventum jam ad finem esse; domi plus belli concitari, quam foris. Id adeo non plebis, quam Patrum; neque tribunorum magis, quam consulium, culpa adcidere. Cujus rei praemium sit in civitate, eam maximis semper auctibus crescere: sic pace bonos, sic bello fieri. Maximum Romae praemium seditionum esse: id et singulis universisque semper honori fuisse. Reminiscerentur, quam maiestatem senatus ipsi a patribus adcepissent, quam liberis tradituri essent, ut, quemadmodum plebs, gloriari posset, auctiorem ampliorcmque esse. Finem ergo non fieri, nec futuram, donec, quam felices seditiones, tam honorati seditionum autores essent. Quas quantasque res C. Canulejum aggressum? conluvionem gentium, perturbationem auspiciorum publicorum privatorumque adferre, ne quid sinceri, ne quid incontaminati sit: ut, discrimine omni sublato, nec se quisquam, nec suos noverit. Quam enim aliam vim connubia promiscua habere, nisi ut ferarum

prope ritu vulgentur concubitus plebis Patrumque? ut, qui natus sit, ignoret, cuius sanguinis, quorum sacrorum sit; dimidius Patrum sit, dimidius plebis, ne secum quidem ipse concors. Parum id videri, quod omnia divina humanaque turbentur: jam ad consulatum vulgi turbatores adcingi; et primo, ut alter consul ex plebe fieret, id modo sermonibus tentasse: nunc rogarri, ut, seu ex patribus, seu ex plebe velit, populus consules creet: et creaturos haud dubie ex plebe seditionissimum quemque. Canulejos igitur Iciliosque consules fore. Ne id Jupiter optimus maximus sineret, regiae majestatis imperium eō recidere: et se millies morituros potius, quam ut tantum decoloris admitti patientur. Certum habere, maiores quoque, si divinassent, concedendo omnia non mitiorem in se plebem, sed asperiorem alia ex aliis iniquiora postulando, quum prima impetrasset, futuram, primo quamlibet dimicationem subituros fuisse potius, quam eas leges sibi imponi paterentur. Quia tū concessum sit de tribunis, iterum concessum esse. Finem non fieri posse. In eadem civitate tribunos plebis et Patres esse: aut hunc ordinem, aut illum magistratum tollendum esse: potiusque sero, quam numquam obviam cundum audaciae temeritatique. Illine ut impune primo discordias ferentes concitent finitima bella, deinde adversus ea, quae concitaverint, armari civitatem defendique prohibeant? et, quum hostes tantum non arecesserint, exercitus conscribi adversus hostes non patientur? Sed audeat Canulejus in senatu proloqui, se, nisi suas leges tamquam victoris Patres adcipi sinant, delectum haberi prohibiturum. Quid esse aliud, quam minari, se proditurum patriam? obpugnari atque capi passurum? quid eam vocem animorum, non

non plebi Romanae, sed Volscis et Aequis et Vejentibus adlaturam? Nomen, Canulejo duce, se speraturos Capitolium atque arcem scandere posse, si Patribus tribuni, cum jure ac maiestate adempta; animos etiam eripuerint? Consules paratos esse duces prius adversus scelus civium, quam adversus hostium arma.

III. Quum maxime haec in senatu agerentur, Canulejus pro legibus suis et adversus consules ita disseruit: *Quantopere vos, Quirites, contemnerent Patres, quam indignos ducent, qui una secum urbe intra eadem moenia viveretis, saepe equidem et ante videor animadvertisse; immo tamen maxime, quod adeo atroces in has rogationes nostras coorti sunt. Quibus quid aliud quam admonemus, cives nos eorum esse, et, si non easdem opes habere, eamdem tamen patriam incolere? Altera connubium petimus, quod finitimus externisque dari solet. Nos quidem civitatem, quae plus quam connubium est, hostibus etiam victis dedimus. Altera nihil novi ferimus; sed id, quod populi est, repetimus atque usurpamus: ut, quibus velit, populus Romanus honores mandet. Quid taudem est, cur coelum ac terras misceant? cur in me impetus modo pacne in senatu sit factus? negent se manibus temperaturos, violaturosque denuntiant sacrosanctam potestatem? Si populo Romano liberum suffragium datur, ut, quibus velit, consulatum mandet, et non praeceditur spes plebejo quoque, si dignus summo honore erit, apiscendi summi honoris, flare urbs haec non poterit? de imperio actum est? et perinde hoc vallet, plebejusne consul fiat, tamquam servum aut libertinum aliquis consulem futurum dicat? Ecquid sentitis, in quanto contentu vivatis? Lutus vobis hujus partem, si liceat, admant. Quod spi-*

Spiratis, quod vocem mittitis, quod formas hominum habetis, indignantur. Quin etiam (si Diis placet) nefas ajunt esse, consulem plebem fieri. Obsecro vos, si non ad fastos, non ad commentarios pontificum admittimur; ne ea quidem scimus, quae omnes peregrini etiam sciunt? consules in locum regum subcessisse? nec aut juris, aut majestatis quidquam habere, quod non in regibus ante fuerit? En unquam creditis fando auditum esse, Numam Pompilium, non modo non patricium, sed ne civem quidem Romanum, ex Sabino agro adcitum, populi jussu, Patribus auctoribus, Romae regnasse? L. deinde Tarquinium, non Romanae modo, sed ne Italicae quidem gentis, Damarati Corinthii filium, incolam ab Tarquinis, vivis liberis Anzi, regem factum? Ser. Tullium post hunc, captiva Corniculana natum, patre nullo, matre serva, ingenio, virtute regnum tenuisse? Quid enim de T. Tatio Sabino dicam, quem ipse Romulus, parens urbis, in societatem regni adcepit? Ergo, dum nullum fastiditur genus, in quo eniteret virtus, crevit imperium Romanum. Poeniteat nunc vos plebeji consulis, quum maiores nostri advenas reges non fastidierint, et ne regibus quidem exactis clausa urbs fuerit peregrinae virtuti. Claudiam certe gentem post reges exactos ex Sabinis non in civitatem modo adcepimus, sed etiam in patriciorum numerum? Ex peregrinone patricius, deinde consul fiat? civis Romanus si sit ex plebe, praecisa consulatus spes crit? Vtrum tandem non credimus fieri posse, ut vir fortis ac strenuus, pace belloque bonus, ex plebe, sit Numae, L. Tarquinio, Ser. Tullio similis? An ne, si sit, quidem ad gubernacula rei publicae adcedere eum patiemur? potiusque decemviris, tetricimis mortariis?

lium, qui tamen omnes ex Patribus erant, quam optimis regum novis hominibus, similes consules sumus habituri?

IV. At enim nemo post reges exactos de plebe consul fuit. Quid possea? Nullane res nova insitui debet? et, quod nondum est factum, (multa enim nondum sunt facta in novo populo) ea, ne si utilia quidem sint, fieri oportet? Pontifices, augures, Romulo regnante, nulli erant: ab Numa Pompilio creati sunt. Census in civitate et descriptio centuriarum classiumque non erat: ab Ser. Tullio est facta. Consules numquam fuerant: regibus exactis creati sunt. Dictatoris nec imperium nec nomen fuerat: apud patres esse coepit. Tribuni plebis, aediles, quaestores, nulli erant: institutum est, ut fierent. Decenviros legibus scribendis intra decem hos annos et creavimus, et e re publica sustulimus. Quis dubitat, quin, in aeternum urbe condita, in iumentum crescente, nova imperia, sacerdotia, jura gentium hominumque insituantur? Hoc ipsum, ne connubium Patribus cum plebe esset, non decemviri tulerunt paucis his annis pessimo exemplo publico, cum summa injuria plebis? An esse ulla major aut insignior contumelia potest, quam partem civitatis, velut contaminatam, indignam connubio haberi? Quid est aliud, quam exsilio intra eadem moenia, quam relegationem pati? Ne adfuitatibus, ne propinquitatibus innisceamur, carent; ne societur sanguis. Quid? hoc si polluit nobilitatem islam vestram, quam plerique oriundi ex Albanis et Sabinis, non genere nec sanguine, sed per cooptationem in Patres habetis, aut ab regibus lecti, aut post reges exactos jussu populi: sinceram servare privatis consiliis non poteratis, nec ducendo ex plebe, neque

neque vestras filias sororesque enubere sinendo e Patribus? Nemo plebejus patriciae virginii vim adferret: patriciorum ista libido est. Nemo invitum pactionem nuptialem quemquam facere coegisset. Verum enim vero lege id prohiberi, et connubium tolli Patrum ac plebis, id demum contumeliosum plebi est. Cur enim non conferatis, ne sit connubium divitibus ac pauperibus? Quod privatorum consiliorum ubique semper fuit, ut, in quam cuique feminae convenisset domum, nuberet, ex qua pactus esset vir domo, in matrimonium duceret; id vos sub legis superbissimae vincula conjicatis, qua dirimatis societatem civilem, duasque ex una civitate faciatis. Cur non sancitis, ne vicinus patricio sit plebejus? ne eodem itinere eat? ne idem convivium ineat? ne in foro eodem confisiat? Quid enim in re est aliud, si plebejam patricius duxerit, si patriciam plebejus? quid juristandem mutatur? nempe patrem sequuntur liberi. Nec, quod nos ex connubio vestro petamus, quidquam est, praeterquam ut hominum, ut civium numero simus. Nec, vos (nisi in contumeliam ignominiamque nostram certare juvat) quod contendatis, quidquam est.

V. Denique utrum tandem populi Romani, an vestrum summum imperium est? Regibus exactis, utrum vobis dominatio, an omnibus aequa libertas parta est? Oportet licere populo Romano, si velit, iubere legem. An, ut quaeque rogatio promulgata erit, vos delectum pro poena decernetis? et simul ego tribunus vocare tribus in subfragium coepero; tu statim consul sacramento juniores adiges, et in casira educes? et minaberis plebi, minaberis tribuno? Quid, si non, quantum istae miniae adversus plebis consensum valerent, bis jam experti essetis?

scilicet, quia nobis consultum volebatis, certamine abstinuistis. An ideo non est dimicatum, quod, quae pars firmior, eadem modestior fuit? Nec nunc erit certamen, Quirites. Animos vestros illi tentabunt semper, vires non experientur. Itaque ad bella ista, seu falsa, seu vera sunt, consules, parata vobis plebes est, si, connubii redditis, unam hanc civitatem tandem facitis; si coalesce, si jungi misericorde vobis privatis necessitudinibus possunt; si spes, si aditus ad honores viris strenuis et fortibus datur; si in consortio, si in societate rei publicae esse, si, quod aequae libertatis est, in vicem annuis magistratibus parere atque imperitare licet. Si haec impedit aliquis, fert sermonibus, et multiplicate fama bella; nemo est nomen daturus, nemo arma capturus, nemo dimicaturus pro superbris dominis, cum quibus nec in re publica honorum, nec in privata connubii societas est.

VI. Quum in concionem et consules processissent, et res a perpetuis orationibus in alterationem vertisset; interroganti tribuno, *cur plebejum consulem fieri non oporteret?* ut fortasse vere, sic parum utiliter in praesens certamen respondit, *quod nemo plebejus auspicia haberet. Ideoque decemviro connubium diremisse, ne incerta prole auspicia turbarentur.* Plebes ad id maxime indignatione exarsit, quod auspicari, tanquam invisi Diis immortilibus, negarentur posse. Nec ante finis contentiouum fuit, (quum et tribunum acerri-
mum auctorem plebes nacta esset, et ipsa cum eo pertinacia certaret) quam victi tandem Patres, ut de connubio ferretur, conseisere: ita maxime rati contentionem de plebejis consulibus tribunos aut totam deposituros, aut post bellum dilaturos esse; contentamque interim

con-

connubio plebem paratam delectui fore. Quum Canulejus victoria de Patribus et plebis favore ingens esset, adcensi alii tribuni ad certamen pro rogatione sua summa vi pugnant, et, crescente in dies fama belli, delectum impediunt. Consules, quum per senatum, intercedentibus tribunis, nihil agi posset, consilia principum domi habebant. Adparebat, aut hostibus, aut civibus de victoria concedendum esse. Soli ex consularibus Valerius atque Horatius non intererant consiliis. C. Claudii sententia consules armabat in tribunos: Quintiorum Cincinnatique et Capitolini sententiae abhorreabant a caede violandisque, quos, foedere icto cum plebe, sacrosanctos adcepissent. Per haec consilia eo deducta res est, ut tribunos militum consulari potestate promiscue ex Patribus ac plebe creari sinerent; de consulibus creandis nihil mutaretur. Eoque contenti tribuni, contenta plebs fuit. Comitia tribunis consulari potestate tribus creandis indicuntur. Quibus iudicatis, exemplo, quicumque aliquid seditione dixerat aut fecerat, quam maxime tribunicii, et prensare homines, et concursare toto foro candidati coepere: ut patricios desperatio primo, irritata plebe, adipiscendi honoris, deinde indignatio, si cum his gerendus esset honos, deterreret. Postremo coacti tamen a primoribus petire, ne cessisse possessione rei publicae viderentur. Eventus eorum comitiorum docuit, alios animos in contentione libertatis dignatisque, alios, secundum deposita certamina, incorrupto judicio esse: tribunos enim omnes patricios creavit populus, contentus eo, quod ratio habita plebeorum esset. Hauc modestiam aequitatemque et altitudinem animi ubi nunc in uno inveneris, quae tum populi universi fuit?

VII. Anno trecentesimo decimo, quam urbs Roma condita erat, primum tribuni militum pro consulibus magistratum ineunt, A. Sempronius Atratinus, L. Atilius, T. Caecilius; quorum in magistratu concordia dominacem etiam foris praebuit. Sunt, qui propter adjectum Aequorum Volscorumque bello et Ardeatium defectioni Vejens bellum, quia duo consules obire tot simul bella nequirent; tribunos militum tres creatos dicant, sine mentione promulgatae legis de consulibus creandis ex plebe, et imperio et insignibus consularibus usos. Non tamen pro firmato jam stetit magistratus ejus jus; quia tertio mense, quam inierunt, augurum decreto, perinde ac *vitio* creati, honore abierte; quod C. Curtius, qui comitiis eorum praefuerat, parum recte tabernaculum cepisset. Legati ab Ardea Romam venerunt, ita de injuria querentes, ut, si demeretur ea, in foedere atque amicitia mansuros, restituto agro, adpareret. Ab senatu responsum est, *judicium populi rescindi ab senatu non posse, practerquam quod nullo nec exemplo nec jure fieret, concordiae etiam ordinum causa.* Si Ardeates sua tempora exspectare velint, arbitriumque senatui levanda*e* injuryae suae permittant, fore, ut postmodo gaudeant, se irae moderatos; sciantque, Patribus acque curae fuisse, ne qua injuria in eos oriretur, ac ne orta diuturna effet. Ita legati, quum se rem integrum relatuos dixissent, comiter dimissi. Patricii, quum sine curuli magistratu res publica esset, coiere, et interregem creavere. Contentio, consulesne, an tribuni militum crearentur, in interregno rem dies complures tenuit. Interrex ac senatus, consulum comitia; tribuni plebis et plebs, tribunorum militum ut habeantur, tendunt. Vicerunt Patres, quia et

et plebs, patriciis seu hunc seu illum delatura honorem, frustra certare supersedit: et principes plebis ea comitia malebant, quibus non haberetur ratio sui, quam quibus ut indigni praeterirentur. Tribuni quoque plebis certamen sine effectu in beneficio apud primores Patrum reliquere. T. Quinctius Barbatus interrex consules creat L. Papirium Mugillanum, L. Sempronium Atratinum. His consulibus cum Ardeatibus foedus renovatum est. Idque monimenti est, consules eos illo anno suille, qui neque in annalibus priscis, neque in libris magistratum inveniuntur. Credo, quod tribuni militum initio anni fuerunt, eo, perinde ac si totum annum in imperio fuerint, subiectis his consulibus, praetermissa nomina consulum horum. Licinius Macer auctor est, et in foedere Ardeatino, et in linteis libris ad Monetae inventa. Et foris, quum tot terrores a finitimis ostentati essent, et domi otium fuit.

VIII. Hunc annum (seu tribunos modo, seu tribunis subiectos consules quoque habuit) sequitur annus haud dubiis consulibus, M. Geganio Macerino iterum, T. Quinctio Capitolino quintum consulibus. Idem hic annus censurae initium fuit, rei a parva origine ortae: quae deinde tanto incremento aucta est, ut morum disciplinaeque Romanae penes eam regimen, senatus, equitumque centuriae, decoris dedecorisque discrimen sub ditione ejus magistratus, publicorum jus privatorumque locorum, vectigalia populi Romani sub nutu atque arbitrio essent. Ortum autem initium rei est, quod in populo, per multos annos incenso, neque differri census poterat, neque consulibus, quum tot populorum bella imminenterent, operaे erat id negotium agere. Mentionata ab senatu est, *Rem operosam ac minime*

nime consularē suo proprio magistratū egere: cui scribarum ministerium, custodiaeque et tabularum cura, cui arbitrium formulae censendi subjiceretur. Et Patres, quamquam rem parvam, tamen, quo plures patricii magistratus in re publica essent, laeti adcepere: id, quod evenit, futurum credo etiam rati, ut mox opes eorum, qui praeessent, ipsi honori jus maiestatemque adjicerent. Et tribuni, (id quod tunc erat) magis necessariam, quam speciosi ministerii procurationem intuentes, ne in parvis quoque rebus incommode adversarentur, haud sane tetendere. Quum a primioribus civitatis spretus honor esset, Papirium Semproniumque, quorum de consulatu dubitabatur, ut eo magistratu parum solidum consulatum explerent, censui agendo populus subfragiis praefecit. Censores ab re adpellati sunt.

IX. Dum haec Romae geruntur, legati ab Ardea veniunt, pro veterima societate renovatoque foedere recenti auxilium propè eversae urbi implorantes. Frui namque pace, optimo consilio cum populo Romano servata, per intestina arma non licuit; quorum causa atque initium traditur ex certamine factionum ortum: quae fuere cruntque pluribus populis magis exitio, quam bella externa, quam fames morbive, quaeque alia in Deum iras, velut ultima publicorum malorum, contundunt. Virginem plebeji generis, maxime forma notam, petiere juvenes: alter virginī genere par, tutoribus fretus, qui et ipsi ejusdem corporis erant; nobilis alter, nulla re, praeterquam forma, captus. Adjuvabant eum optimatum studia, per quae in domum quoque puellae certamen partium penetravit. Nobilis superior judicio matris esse, quae quam splendiferissimam

dissimis nuptiis jungi puellam volebat. Tutores, in ea quoque re partium memores, ad suum tendere. Quum res peragi intra parientes nequisset, ventum in jus est. Postulatum auditio matris tutorumque, magistratus secundum parentis arbitrium dant jus nuptiarum. Sed vis potentior fuit. Namque tutores, inter suae partis homines de injuria decreti palam in foro concionati, manu facta virginem ex domo matris rapiunt. Adversus quos inferior coorta optimatiun acies sequitur adensem injuria juvenem. Fit proelium atrox. Pulsa plebs, nihil Romanae plebi similis, armata ex urbe profecta, colle quodam capto, in agros optimatum cum ferro ignique excursiones facit. Urbem quoque, omnis etiam expertem ante certaminis, multitudine opificum ad spem praedae evocata, obsidere parat. Nec ulla species cladesque belli abest; velut contacta civitate rabie duorum juvenum, funestas nuptias ex occasu patriae potentium. Parum parti utrius domi armoruni bellique est visum. Optimates Romanos ad auxilium urbis obsecrare, plebs ad expugnandam secum Ardeam Volscos excivere. Piores Volsci duce Aequo Cloelio Ardeam venere, et moenibus hostium vallum objecere. Quod ubi Romanam est nunciatum, extemplo M. Geganius consul, cum exercitu profectus, tria millia passuum ab hoste locum castris cepit, praecipitique jam die curare corpora milites jubet. Quarta deinde vigilia signa profert: coeptumque opus adeo ad properatum est, ut, sole orto, Volsci firmiore se munimento ab Romanis circumvallatos, quam a se urbem, videbent. Et alia parte consul in muro Ardeae brachium injunxerat; qua ex oppido sui commicare possent.

X. Volscus imperator, qui ad eam diem; non commeatu praeparato, sed ex populatione agrorum rapto in diem frumento aluisset militem, postquam septus vallo repente inopem omnium rerum videt, ad conloquium consule evocato, *si solvendae obsidionis causa venerit Romanus, abducturum se inde Volscos, ait. Adversus ea consul, victis conditiones adcipiendas esse, non ferendas, respondit; neque, ut venerint ad obpugnandos socios populi Romani suo arbitrio, ita abitueros Volscos esse. Dedi imperatorem, arma poni, jubet, fateutes victos se esse, et imperio parere. Aliter tam abeuntibus quam manentibus se hostem infensum, victoriam potius ex Volscis, quam pacem infidam, Romanam relatum.*

Volsci exiguum spem in armis, alia undique absessa, quum tentassent, praeter cetera adversa loco quoque iniquo ad pugnam congressi, iniquiore ad fugam, quum ab omni parte caederentur, ad preces a certamine verli, dedito imperatore traditisque armis, sub jugum missi, cum singulis vestimentis ignominiae cladisque pleni dimittuntur. Et quum haud procul urbe Tusculo confidissent, vetere Tusculanorum odio inermes obpressi dederunt poenas, vix nuntiis caedis relictis. Romanus Ardeae turbatas seditiones, principibus ejus motus securi percussis, bonisque eorum in publicum Ardeatium redactis, composuit: demtamque injuriam judicij tanto beneficio populi Romani Ardeates credebant; senatui superesse aliquid ad delendum publicae avaritiae monumentum videbatur. Consul triumphans in Vrbem reddit, Cloelio duce Volscorum ante currum ducto, praelatisque spoliis, quibus dearmatum exercitum hostium sub jugum miserat. Aequavit, quod haud facile est, Quintius consul togatus armati

mati gloriam conlegae: quia concordiae pacis-
que domesticam curam, jura insimis summis-
que moderando, ita tenuit, ut eum et Patres
severum consulem, et plebs satis comitem cre-
diderint. Et adversus tribunos auctoritate plu-
ra, quam certamine, tenuit. Quinque consu-
latus, eodem tenore gesti, vitaque omnis,
consulariter acta, verendum paene ipsum ma-
gis, quam honorem, faciebant. Eo tribuno-
rum militarium nulla mentio his consuli-
bus fuit.

XI. Consules creant M. Fabium Vibulanum, Postumum Aebutium Cornicinem. Fa-
bius et Aebutius consules, quo majori gloriae
rerum, domi forisque gestarum, subcedere se-
cernebant, (maxime autem memorabilem au-
num apud finitos socios hostesque esse, quod
Ardeatibus in re praecipiti tanta foret cura
subventum) eo impensis, ut delerent prorsus
ex animis hominum infamiam judicii, sena-
tus consultum fecerunt, ut, quoniam civitas
Ardeatum intestino tumultu redacta ad pau-
cos esset, coloni eo praesidii causa adversus
Volscos scriberentur. Hoc palam relatum in
tabulas, ut plebem tribunosque falleret judi-
cii rescindendi consilium initum. Consense-
rant autem, ut, multo majore parte Rutulo-
rum colonorum, quam Romanorum, scripta,
nec ager ullus divideretur, nisi is, qui inter-
ceptus judicio infami erat; nec ulli prius Ro-
mano ibi, quam omnibus Rutulis divisus esset,
gleba ulla agri adsignaretur. Sic ager ad Ar-
deates rediit. Triumviri ad coloniam Ardeam
deducendam creati Agrippa Meuenius, T.
Cloelius Siculus, M. Aebutius Elva. Qui,
per minime populare ministerium agro ad-
signando sociis, quem populus Romanus suum
judicasset, quum plebem offendissent, ne pri-
mori-

moribus quidem Patrum satis adcepit, quod nihil gratiae cujusquam dederant; vexationes, ad populum jam die dicta ab tribunis, coloni adscripti remanendo in colonia, quam testem integritatis justitiaeque habebant, vitavere.

XII. Pax domi forisque fuit et hoc et insequente anno, C. Furio Pacilo et M. Papirio Crasso consulibus. Ludi, ab decemviris, per secessionem plebis a Patribus, ex senatus consulto voti, eo anno facti sunt. Causa seditionum nequidquam a Poetelio quaesita. Qui, tribunus plebis iterum ea ipsa denuntiando factus, neque, ut de agris dividendis plebi referrent consules ad senatum, pervincere potuit: et, quum magno certamine obtinuisse, ut consulerentur Patres, consulum an tribunorum placeret comitia haberi, consules creari jussi sunt. Ludibrioque erant minae tribuni, denuntiantis se delectum impediturum; quum, quietis finitimis, neque bello, neque belli adparatu opus esset. Sequitur hanc tranquillitatem rerum annus, Proculo Geganio Macerino, L. Menenio Lanato consulibus, multiplici clade ac periculo insignis, seditionibus, fame, regno prope per largitionis dulcedinem in cervices adcepito. Vnum asuit bellum externum: quo si adgravatae res essent, vix ope Deorum omnium resisti potuisset. Coepere a fame mala, seu adversus annus frugibus fuit, seu dulcedine concionum et Vrbis deferto agrorum cultu: nam utrumque traditur. Et Patres plebem desidem, et tribuni plebis nunc fraudem nunc neglegentiam consulum adcausabant. Postremo per pulcre plebeji, haud adversante senatu, ut L. Minucius praefectus annonae crearetur; felicior in eo magistratu ad custodiā libertatis futurus, quam ad curationem ministerii sui: quamquam postremo anno-

annonae quoque levatae, haud inmeritam et gratiam et gloriam tulit. Qui quum, multis circa finitos populos legationibus terra marique nequidquam missis, (nisi quod ex Etruria haud ita multum frumenti advectum est) nullum momentum annonae fecisset, et, revolutus ad dispensationem inopiae, profiteri cogendo frumentum et vendere, quod usum menistro supereret, fraudandoque parte diurni cibi servitia, criminando, inde et objiciendo irae populi frumentarios, acerba inquisitione aperiret magis, quam levaret, inopiam; multi ex plebe, spe amissa, potius quam ut cruciarentur trahendo animam, capitibus obvolutis se in Tiberim praecipitaverunt.

XIII. Tum Sp. Maelius ex equestri ordine, ut illis temporibus, praedives, rem utillem, pessimo exemplo, pejore consilio, est adgressus. Frumento namque ex Etruria privata pecunia per hospitum clientiumque ministeria coemto, (quae, credo, ipsa res ad levandam publica cura annonam impedimento fuerat) largitiones frumenti facere instituit plenbemque, hoc munere delenitam, quacumque incederet, conspectus elatusque supra modum hominis privati, secum trahi, haud dubium consulatum favore ac spe desponentem. Ipse, ut est humanus animus infatibilis eo, quod fortuna spondet, ad altiora et non concessa tendere. Et, quoniam consulatus quoque eripiendus invitis Patribus esset, de regno agitare: id unum dignum tanto adparatu consiliorum et certamine, quod ingens exfundandum esset, praemium fore. Jam comitia consularia instabant. Quae res eum, necdum compositis maturisve satis consiliis, obpressit. Consul sextum creatus T. Quintius Capitolinus, minime opportunus vir novanti res: conlega

lega additur ei Agrippa Menenius, cui Lanato erat cognomen. Et L. Minucius praefectus annonae, seu refectus, seu, quoad res posceret, in incertum creatus. Nihil enim constat, nisi in libros linteos utroque anno relatum inter magistratus praefecti nomen. Hic Minucius, eamdem publice curationem agens, quam Maelius privatim agendam susceperebat, quum in utraque domo genus idem hominum versaretur, rem compertam ad senatum refert, *Tela in domum Maelii conferri, cumque conciones domi habere: ac non dubia regni consilia esse.* Tempus agendae rei nondum siare; cetera jam convenisse; et tribunos mercedem emotos ad prodendam libertatem, et partita ducibus multitudinis ministeria esse. Serius se pene, quam tutum fuerit, ne cuius incerti vanique auctor esset, ea deferre. Quae postquam sunt auditæ, et undique primores Patrum et prioris anni consules increparent, quod eas largitiones coetusque plebis in privata domo passi effent fieri, et novos consules, quod exspectas- sent, donec a praefecto annonae tanta res ad senatum deferretur, quae consulem non auctorem solum desideraret, sed etiam vindicem; tum T. Quinetius, *consules in merito increpari*, ait, qui, *constricti legibus de provocatione ad dissolvendum imperium latis, nequaquam tantum virium in magistratu ad eam rem pro atrocitate vindicandam, quantum animi, haberent.* Opus esse non forti solum viro, sed etiam libero exsolutoque legum vinculis. Itaque se dictatorrem L. Quinctium dicturum. Ibi animum parentem tantæ potestati esse. Adprobantibus cunctis, primo Quinctius abnuere: et, quid sibi vellent, rogitare, qui se aetate exacta tantæ dimicationi objicerent. Dein, quum undique plus in illo senili animo non consilii modo, sed

Sed etiam virtutis esse, quam in omnibus aliis dicerent, laudibusque haud immeritis onerarent, et consul nihil remitteret; precatus tandem Deos immortales Cincinnatus, ne senectus sua in tam trepidis rebus damno dedecrive rei publicae esset, dictator a consule dicitur. Ipse deinde C. Servilium Ahalam magistrum equitum dicit.

XIV. Postero die, dispositis praesidiis, quum in forum descendisset, conversaque in eum plebs novitate rei ac miraculo esset, et Maeliani atque ipse dux eorum in se intentam vim tanti imperii cernerent; expertes consiliorum regni, qui tumultus, quod bellum repens, aut dictatoriam maiestatem, aut Quintonium post octogesimum annum rectorem rei publicae quaesisset, rogitarent; missus ab dictatore Servilius magister equitum ad Maelium, *Vocat te, inquit, dictator.* Quum pavidus ille, quid vellet, quaereret; Serviliusque causam dicendam esse proponeret, crimenque, a Minucio delatum ad senatum, dilucendum; tunc Maelius recipere se in catervam suorum, et primum circumspectans tergiversari: postremo, quum adparitor iussu magistri equitum duceret, ereptus a circumstantibus, fugiensque, fidem plebis Romanae inplorare: et obprimi se consensu Patrum dicere, quod plebi benigne fecisset: orare, ut opem sibi ultimo in discrimine ferrent, neve ante oculos suos trucidari sinerent. Haec eum vociferantem adsequutus Ahala Servilius obtruncat: respersusque cruore obtruncati, stipatus caterva patriciorum juvenum, dictatori renuntiat, vocatum ad eum Maelium, repulso adparitore congitantem multitudinem, poenam meritam habere. Tum dictator, *Macte virtute, inquit, C. Servili, esto; liberata re publica.*

XV. Tumultuantem deinde multitudinem
incerta existimatione facti ad concionem vocari jussit; et, *Maelium jure caesum* pronuntiavit, *etiam si regni criminis insons fuerit; qui vocatus a magistro equitum ad dictatorem non venisset.* Se ad causam cognoscendam confeditisse; *qua cognita, habiturum fuisse Maelium similem causae fortunam.* Vim parantem, ne judicio se committeret, vi coercitum esse. Nec cum eo, tamquam cum cive, agendum fuisse; qui natus in libero populo inter jura legesque, ex qua urbe reges exactos sciret, eodemque anno sororis filios regis et liberos consulis liberatoris patriae, propter pactionem indicatam recipiendorum in Urbe regum, a patre securi esse percusso; ex qua Collatinum Tarquinium consulem nominis odio abdicare se magistratu atque exsulare jussum; in qua de Sp. Cassio, post aliquot annos, propter consilia inita de regno subplicium sumitum; in qua imperi decemviros bonis, exilio, capite mulctatos ob superbiam regiam: in ea Sp. Maelius spem regni conceperit. Et quis homo? quamquam nullam nobilitatem, nullos honores, nulla merita cuiquam ad dominationem pandere viam; sed tamen Claudio, Cassio, consulatibus, decemviratibus, suis majorumque honoribus, splendore familiarum sustulisse animos, quo nefas fuerit: Sp. Maelium, cui tribunatus plebis magis optandus, quam sperandus, fuerit, frumentarium divitem, bilibris farris sperasse libertatem se civium suorum emisse, ciboque objiciendo ratum victorem finitimorum omnium populum in servitutem perlici posse: ut, quem senatorem concoquere civitas vix posset; regem ferret, Romuli conditoris, ab Diis orti, recepti ad Deos, insignia atque imperium habentem. Non proscelere id magis, quam pro monstrro, habendum.

Nec

Nec satis esse sanguine ejus expiatum, nisi tecta parietesque, intra quae tantum amentiae conceptum esset, dissiparentur; bonaque, contacta pretiis regni mercandi, publicarentur. Jubere itaque, quaestores vendere ea bona atque in publicum redigere.

XVI. Domum deinde, ut monumento area esset obpressae nefariae spei, dirui extemplo jussit. Id Aequimaelium adpellatum est. L. Minucius bove aurato extra portam Trigeminam est donatus, ne plebe quidem invita, quia frumentum Maelianum, assibus in modios aestimatum, plebi divisit. Hunc Minucium, apud quosdam auctores, transisse a Patribus ad plebem, undecimumque tribunum plebis cooptatum seditionem, motam ex Maeliana caede, sedasse, invenio. Ceterum vix credibile est, numerum tribunorum Patres augeri passos, idque potissimum exemplum a patricio homine introductum; nec deinde id plebem concessum semel obtinuisse, aut certe tentasse. Sed ante omnia refellit fallum imaginis titulum paucis ante annis lege caustum, ne tribunis conlegam cooptare liceret. Q. Caecilius, Q. Junius, Sext. Titinius, soli ex conlegio tribunorum neque tulerant de honoribus Minucii legem; et criminari nunc Minucium, nunc Servilium apud plebem, querique indignam necem Maelii non defiterant. Persecerunt igitur, ut tribunorum militum potius, quam consulum, comitia haberentur; haud dubii, quin sex locis (tot enim jam creari licebat) et plebeji aliqui, profitendo se ultores fore Maeliana caedis, crearentur. Plebs, quamquam agitata multis eo anno et variis motibus erat, nec plures, quam tres, tribunos consulari potestate creavit, et in iis L. Quintium Cincinnati filium: ex eujus dictatura*T* invi-

invidia tumultus quaerebatur. Praelatus subfragiis Quintio Mam. Aemilius, vir summae dignitatis. L. Julium tertium creant.

XVII. In horum magistratu Fidenae, colonia Romana, ad Lartem Tolumnium Vejentium regem ac Vejentes defecere. Majus additum defectioni scelus. C. Fulcinium, Cloelium Tullum, Sp. Antium, L. Roscius, legatos Romanos, causam novi consilii quarentes, iussu Tolumnii interfecerunt. Levant quidam regis facinus. In tesserarum profvero jactu vocem ejus ambiguam, ut occidi iussisse videretur, ab Fidenatibus exceptam, causam mortis legatis fuisse. Rem incredibilem; interventu Fidenatum, novorum sociorum, consulentium de caede ruptura jus gentium, non aversum ab intentione lusus animum: nec deinde in horrorem verbum facinus. Propius est fidem, obstringi Fidenatum populum, ne respicere spem ullam ab Romanis posset, conscientia tanti sceleris voluisse. Legatorum, qui Fidenis caesi erant, statuae publice in Rostris positae sunt. Cum Vejentibus Fidenatibusque, praeterquam finitimis populis, ab causa etiam tam nefanda bellum exorsis, atrox dimicatio instabat. Itaque ad curam summae rerum, quieta plebe tribunisque ejus, nihil controversiae fuit, quin consules crearentur M. Geganius Macerinus tertium et L. Sergius Fidenas; a bello credo, quod deinde gessit, adpellatum. Ille enim primus eis Anienem cum rege Vejentium secundo proelio conflixit, nec incruentam victoriam retulit. Major itaque ex civibus amissis dolor, quam laetitia fusis hostibus fuit. Et senatus, ut in trepidis rebus, dictatorein dici Mam. Aemilium jussit. Is magistrum equitum ex conlegio prioris anni, quo simul tribuni militum consulari potesta-

testate fuerant, L. Quinctium Cincinnatum, dignum parente juvenem, dixit. Ad delectum a consulibus habitum centuriones veteres belli periti adjecti, et numerus amissorum proxima pugna expletus. Legatos Quinctium Capitolinum et M. Fabium Vibulanum sequi se dictator jussit. Quum potestas major, tum vir quoque potestati par, hostes ex agro Romano trans Anienem submovere: collesque inter Fidenas atque Aniem ceperunt, referentes castra; nec ante in campos degressi sunt, quam legiones auxilio Faliscorum venerunt. Tum demum castra Etruscorum pro moenibus Fidenarum posita. Et dictator Romanus haud procul inde ad confluentes confedit in utriusque ripis amnis, qua sequi munimento poterat, vallo interposito. Postero die in aciem eduxit.

XVIII. Inter hostes variae fuere sententiae. Faliscus, procul ab domo militiam aegre patiens, satisque fidens sibi, poscere pugnam: Vejenti Fidenatique plus spei in trahendo bello esse. Tolumnius, quanquam suorum magis placebant consilia, ne longinquam militiam non paterentur Falisci, postero die fe pugnatrum edicit. Dictatori ac Romanis, quod detrectasset pugnam hostis, animi adcessere: posteroque die, iam militibus castra urbemque se obpugnaturos frementibus, iii copia pugnae fiat, utrinque acies inter bina castra in medium campi procedunt. Vejens, multitudine abundans, qui inter dimicationem castra Romana adgrederentur, post montes circummissit. Trium populorum exercitus ita stetit instructus, ut dextrum cornu Vejentes, sinistrum Falisci tenerent, medii Fidenates essent. Dictator dextro cornu adversus Faliscos, sinistro contra Vejentem Capitolinus Quinctius intulit signa. Ante medianam aciem cum equitatu

magister equitum processit. Parumper silentium et quies fuit, nec Etruscis, nisi cogerentur, pugnam inituris, et dictatore arcem Romanam respectante, ut ab auguribus, simul aves rite admisissent, ex composito tolleretur signum. Quod simul conspexit, primos equites clamore sublato in hostem einisit. Secuta peditum acies ingenti vi conflixit. Nulla parte legiones Etruscae sustinuerunt impetum Romanorum. Eques maxime resistebat; equitumque longe fortissimus ipse rex; ab omni parte effuse sequentibus obequitans Romanis, trahiebat certamen.

XIX. Erat tunc inter equites tribunus militum A. Cornelius Cossus, eximia pulchritudine corporis, animo ac viribus par, memorque generis, quod amplissimum adcepit, majus autiusque reliquit posteris. Is quum ad impetum Tolquinii, quacumque se intendisset, trepidantes Romanas videret turmas, insignemque eum regio habitu volitantein tota acie cognosset, *Hiccine est, inquit, ruptor foederis humani violatorque gentium juris? Jam ego hanc mactatam victimam, (si modo sancti quidquam in terris esse Dii volunt) legatorum manibus dabo.* Calcaribus subditis, infesta cuspide in unum fertur hostem. Quem quum ictum equo dejecisset, confertim et ipse hasta innitus se in pedes exceptit. Adsurgentem ibi regem umbone resupinat, repetitumque saepius cuspide ad terram adfixit. Tunc exanguui detracta spolia; caputque abscissum vincto spiculo gerens, terrore caesi regis hostes fundit. Ita equitum quoque fusa acies, quae una fecerat anceps certamen. Dictator legionibus fugatis instat, et ad castra compulos caedit. Fidenatum plurimi locorum notitia effugere in montes. Cossus, Tiberim cum equitatute trans-

transvectus, ex agro Vejentano ingentem detulit praedam ad urbem. Inter proelium et ad castra Romana pugnatum est adversus partem copiarum, ab Tolumnio, ut ante dictum est, ad castra missam. Fabius Vibulanus corona primum vallum defendit: intentos deinde hostes in vallum, egressus dextra principali, cum triariis repente invadit. Quo pavore injecto, caedes minor, quia pauciores erant; fuga non minus trepida, quam in acie, fuit.

XX. Omnibus locis re bene gesta, dictator senatus consulto jussuque populi triumphans in Vrbe rediit. Longe maximum triumphi spectaculum fuit Cossus, spolia opima regis intersecti gerens. In eum milites carmina incondita, aequantes eum Romulo, canere. Spolia in aede Jovis Feretrii prope Romuli spolia, quae, prima Opima appellata, sola ea tempestate erant, cum sollemni dedicatione dono fixit. Averteratque in se a curru dictatoris civium ora, et celebritatis ejus diei fructum prope solus tulerat. Dictator coronam auream libram pondo ex publica pecunia, populi jussu, in Capitolio Jovi donum posuit. Omnes ante me auctores fecutns, A. Cornelium Cossum tribunum militum secunda spolia opima Jovis Feretrii templo intulisse, exposui. Ceterum, praeterquam quod ea rite opima spolia habentur, quae dux duci detraxit, nec ducem novimus, nisi cuius auspicio bellum geritur; titulus ipse, spoliis inscriptus, illos meque arguit, consulem ea Cossum cepisse. Hoc ego quum Augustum Caesarem, templorum omnium conditorem aut restitutorem, ingressum aedem Feretrii Jovis, quain vetustate dilapsam refecit, se ipsum in thorace linteo scriptum legisse audilem; prope sacrilegium ratus sum, Cocco spoliorum suorum Caesarem,

ipius templi auctorem, subtrahere testem. Qui si ea in re sit error, quod tam veteres annales, quodque magistratum libri, quos linneos in aede depositos Monetae Macer Lici-nius citat idemtidem auctores, nono post de-mum anno cum T. Quintio Penno A. Cornelium Cossum consulem habeant, existimatio communis omnibus est. Nam etiam illud ad-cedit, ne tam clara pugna in eum annum trans-ferri posset, quod in belle triennium ferme pe-stilentia inopiaque frugum circa A. Cornelium consulem fuit: adeo ut quidam annales, velut funesti, nihil praeter nomina consulum subge-rant. Tertius ab consulatu Cossi annus tribu-num eum militum consulari potestate habet; eodem anno magistrum equitum: quo in imperio alteram insignem edidit pugnam eque-strem. Ea libera conjectura est. Sed, ut ego arbitror, vana versare in omnes opiniones li-cet: quum auctor pugnae, recentibus spoliis in sacra sede positis, Jovem prope ipsum, cui vota erant, Romulumque intuens, hand sper-nendos falsi tituli testes, se A. Cornelium Cossum Consulem scripserit.

XXI. M. Cornelio Maluginense, L. Pa-pirio Crasso consulibus, exercitus in agrum Vejentem ac Faliscum ducti: praedae abactae hominum pecorumque: hostis in agris nus-quam inventus, neque pugnandi copia facta. Vrbes tamen non obpugnatae, quia pestilentia populum invasit. Et seditiones domi quaesi-tae sunt, nec motae tamen, ab Sp. Maelio tribuno plebis; qui, favore nominis moturum se aliquid ratus, et Minucio diem dixerat, et ro-gationem de publicandis bonis Servilii Ahalaे tulerat: falsis criminibus a Minucio circum-ventum Maelium arguens, Servilio caedem civis indemnati objiciens. Quae vaniora ad popu-

populum ipso auctore fuere. Ceterum magis vis morbi ingravescens curae erat, terroresque ac prodigia; maxime quod crebris motibus terrae ruere in agris muntiabantur tecta. Obscuratio itaque a populo, duumviris praeeuntibus, est facta. Pestilentior inde annus, C. Julio iterum et L. Virginio consulibus, tantum metumi vastitatis in Urbe agrisque fecit, ut non modo praedandi causa quisquam ex agro Romano non exiret, bellive inferendi memoria Patribus aut plebi esset; sed ultro Fidenates, qui se primo aut oppido aut montibus aut muris tenuerant, populabundi descendederent in agrum Romanum. Deinde, Vejentium exercitu adeito, (nam Falisci perpelli ad instaurandum bellum, neque clade Romanorum, neque sociorum precibus, potuerat) duo populi transiere Aniem; atque haud procul Collina porta signa habuere. Trepidatum itaque, non in agris magis, quam in Urbe, est. Julius consul in aggere nitrisque explicat copias. A Virginio senatus in aede Quirini consulitur. Dictatorem dici Q. Servilium placet, eni Prisco alii, alii Strucio fuisse cognomen tradunt. Virginius, dum conlegam consuleret, moratus, permittente eo, nocte dictatorem dixit. Is sibi magistrum equitum Postumum Aebutium Elvam dicit.

XXII. Dictator omnes luce prima extra portam Collinam adesse jubet. Quibuscumque vires subpetebant ad arma ferenda, praefecto fuere: signa ex aerario prompta feruntur ad dictatorem. Quae quinque agerentur, hostes in loca altiora concessere. Eo dictator agmine infesto subit: nec procul Nomento signis collatis, fudit Etruscas legiones, compulit inde in urbem Fidenas, valloque circumdedit. Sed neque scalis capi poterat urbs alta et munita;

neque in obsidione vis ulla erat, quia frumentum non necessitati modo satis, sed copiae quoque, abunde ex ante convecto sufficiebat. Ita, expugnandi pariter cogendique ad ditionem spe amissa, dictator in locis, propter propinquitatem notis, ab aversa parte urbis maxime neglecta, quia suapte natura tutissima erat, agere in arcem cuniculum instituit. Ipse, diversissimis locis subeundo ad moenia quadrifariam diviso exercitu, qui alii aliis subcederent ad pugnam, continenti die ac nocte proelio ab sensu operis hostes avertebat; donec, per fosso a castris in monte, erecta in arcem via est; intentisque Etruscis ad vanas a certo periculo minas, clamor supra caput hostilis captam urbem ostendit. Eo anno C. Furius Pacilus et M. Geganius Macerinus censores villam publicam in campo Martio probaverunt; ibique primum census populi est actus.

XXIII. Eosdem consules in sequenti anno refectos, Julium tertium, Virginium iterum, apud Macrum Licinium inuenio. Valerius Antias et Q. Tubero M. Manlium et Q. Sulpicium consules in eum annum edunt. Ceterum in tam discrepante editione et Tubero et Macer libros linteos auctores profitentur: neuter, tribunos militum eo anno fuisse, traditum a scriptoribus antiquis dissimilat. Licinio libros haud dubie sequi linteos placet: et Tubero incertus veri est. Sed inter cetera, vetustate incompta, hoc quoque in incerto positum. Trepidatum in Etruria est post Fidenas captas, non Vejentibus solum exterritis metu similis excidii, sed etiam Faliscis memoria initi primo cum iis belli; quamquam rebellantibus non adfuerant. Igitur quum duae civitates, legatis circa duodecim populos missis, impetrassent, ut ad Voltumnae fanum indiceretur omni

omni Etruriae concilium: velut magno inde tumultu inminente, senatus Mam. Aemilium dictatorem iterum dici jussit. Ab eo A. Postumius Tubertus magister equitum est dictus; bellumque tanto majore, quam proximo, conatu adparatum est, quanto plus erat ab omni Etruria periculi, quam ab duobus populis fuerat.

XXIV. Ea res aliquanto exspectatione omnium tranquillior fuit. Itaque quum renuntiatum a mercatoribus esset, negata Venientibus auxilia, jussosque suo consilio bellum initum suis viribus exsequi, nec adversarum rerum quaerere socios, cum quibus spem integrum communicati non sint: tum dictator, ne nequidquam creatus esset, materia quaerendae bello gloriae admota, in pace aliquid operis edere, quod monumentum esset dictaturae, cupiens, censuram minuere parat: seu nimiam potestatem ratus, seu non tam magnitudine honoris, quam diuturnitate, obfensus. Concione itaque advocata, *rem publicam foris gerendam*, ait, *tutaque omnia praesidia, Deos immortales suscepisse: se, quod intra muros agendum esset, libertati populi Romani consulturum.* Maximam autem ejus custodiā esse, si magna imperia diuturna non essent; et temporis modus impuneretur, quibus juris imponi non posset. Alios magistratus annos esse, quinqueunalem censuram: grave esse, iisdem per tot annos magna parte vitae obnoxios vivere. Se legem laturum, ne plus, quam annua ac semestris, censura esset. Consensu ingenti populi legem postero die pertulit, et, ut re ipsa, inquit, *sciatis Quirites, quam mihi diuturna non placeant imperia, dictatura me abdico.* Deposito suo magistratu, modo aliorum magistratui inposito, fine alteri, cum gratulatione ac favore

ingenti populi domum est reductus. Censores, aegre passi, Mamercum, quod magistratum populi Romani minuisset, tribu moverunt, octuplicatoque censu aerarium fecerunt. Quam rem ipsum ingenti animo tulisse ferunt, causam potius ignominiae intuentem, quam ignominiam; primores Patrum, quamquam deminutum censurae jus noluissent, exemplo acerbitalis censoriae obseños: quippe quum se quisque diutius ac saepius subjectum censoribus fore cerneret, quam censuram gestum. Populi certe tanta indignatio coorta dicitur, ut vis a censoribus nullius auctoritate, praeterquam ipsius Mamerici, deterreri quiverit.

XXV. Tribuni plebis, adsiduis concionibus prohibendo consularia comitia, quum res prope ad interregnum perducta esset, evicere tandem, ut tribuni militum consulari potestate crearentur: victoriae praemium, quod petebatur, ut plebejus crearetur, nullum fuit. Omnes patricii creati sunt, M. Fabius Vibulanus, M. Foslius, L. Sergius Fidena. Pestilentia eo anno aliarum rerum otium praebuit. Aedis Apollini pro valetudine populi vota est. Multa duumviri ex libris, placandae Deum irae, avertendaeque a populo pestis causa, fecere: magna tamen clades in Urbe agrisque, promiscue hominum pecorumque pernicie, adcepta. Famem cultoribus agrorum timentes in Etruriam Pomptinumque agrum et Cumas, postremo in Siciliam quoque frumenti causa misere. Consularium comitorum nulla mentio habita est. Tribuni militum consulari potestate omnes patricii creati sunt, L. Pinarius Mamercinus, L. Furius Medullinus, Sp. Postumius Albus. Eo anno vis morbi levata, neque a penuria frumenti,

quia

quia ante provisum erat, periculum fuit: Consilia ad movenda bella in Volscorum Aequorumque conciliis, et in Etruria ad sanum Voltumnae, agitata. Ibi prolatae in annum res, decretoque cautum, ne quod ante concilium fieret; nequidquam Vejente populo querente, eamdem, qua Fideneae deletae sunt, imminere Vejis fortunam. Interim Romae principes plebis, jam diu nequidquam imminentes spei majoris honoris, dum foris otium esset, coetus indicere in domos tribunorum plebei, ibi secreta consilia agitare: queri, se a plebe adeo spretos, ut, cum per tot annos tribunii militum consulari potestate creentur, nulli umquam plebejo ad eum honorem aditus fuerit. Multum providisse suos majores, qui caverint, ne cui putricio plebeji magistratus patere; aut patricios habendos fuisset tribunos plebei. Adeo se suis etiam sordere, nec a plebe minus, quam a Patribus contemni. Alii purgare plebem, culpam in Patres vertere: eorum ambitione artibusque fieri, ut obseptum plebi sit ad honorem iter. Si plebi respirare ab eorum mixtis precibus minisque liceat, memorem eam suorum inituram subfragia esse, et paro auxilio imperium quoque adscituram. Placet, tollendae ambitionis causa tribunos legem promulgare, ne cui album in vestimentum addere petitionis lieceret causa. Parva nunc res, et vix serio agenda videri possit, quae tunc ingenti certamine Patres ac plebem ascendit. Vicere tamen tribuni, ut legem perferrent: adparebatque, irritatis animis, plebem ad suos studia inclinaturam. Quae ne libera essent, senatus consultum factum est, ut consularia comitia haberentur.

XXVI. Tumultus causa fuit, quem ab Aequis et Volscis Latini atque Hernici nuntiabant.

rant. T. Quinctius L. F. Cincinnatus (eidem
 et Penno cognomen additur) et C. Julius Men-
 to consules facti: nec ultra terror belli est di-
 latus. Lege sacrata, quae maxima apud eos
 vis cogendae militiae erat, delectu habito;
 utrumque validi exercitus profecti in Algidum
 convenere. Ibique seorsum Aequi, seorsum
 Volsci, castra communivere; intentiorque,
 quam umquam ante, muniti exercebantur
 militem cura ducibus erat. Eo plus nuntii
 terroris Romanam adtulere. Senatui dictatorem
 dici placuit: quia, et si saepe victi populi, ma-
 jore tamen conatu, quam alias umquam, re-
 bellarent: et aliquantum Romanae juventutis
 morbo absuntum erat. Ante omnia pravitas
 consulum discordiaque inter ipsos et certamina
 in consiliis omnibus terrebant. Sunt, qui ma-
 le pugnatum ab his consilibus in Alrido au-
 ctores sint, eamque causam dictatoris creandi
 fuisse. Illud fatis constat, ad alia discordes in-
 uno adversus Patrum voluntatem consensisse,
 ne dicerent dictatorem: donec, quum alia aliis
 terribilia adferrentur, nec in auctoritate se-
 natus consules essent, Q. Servilius Priscus,
 summis honoribus egregie usus, *Vos*, inquit,
tribuni plebis, quoniam ad extrema ventum est,
senatus appellat, ut in tanto discrimine rei pu-
 blicae dictatorem dicere consules pro potestate
vestra cogatis. Qua voce audita, occasionem
 oblatam rati tribuni augendae potestatis sece-
 dunt, proque conlegio pronuntiant, *placere*,
consules senatui dicto audientes esse; si adver-
 sus consensum amplissimi ordinis ultra tendant,
 in vincula se duci eos jussuros. Consules ab tri-
 bunis, quam ab senatu, vinci maluerunt; pro-
 ditum a Patribus summi imperii ius, datum
 que sub jugum tribuniciae potestati consulatum
 in memorantes, siquidem cogi aliquid pro pote-
 state

state ab tribuno consules, et (quo quid ulterius privato timendum foret?) in vincula etiam duci possent. Sors, ut dictatorem diceret, (nam ne id quidem inter conlegas convenerat) T. Quinetio evenit. Is A. Postumium Tubertum, sacerorum suum, severissimi imperii virum, dictatorem dixit: ab eo L. Julius magister equitum est dictus. Simul edicitur et iustitium: neque aliud tota Vrbe agi, quam bellum adparari: cognitio vacantium militiae munere post bellum differtur. Ita dubii quoque inclinant ad nomina danda. Et Hernicis Latinisque milites imperati. Vtrimeque enixe obeditum dictatori est.

XXVII. Haec omnia celeritate ingenti acta: relictoque C. Julio consule ad praesidium Vrbis, et L. Julio magistro equitum ad subita belli ministeria, ne qua res, qua eguiscent in castris, moraretur, dictator, praeeunte A. Cornelio pontifice maximo, ludos magnos tumultus causa vovit: profectusque ab Vrbe, diviso cum Quinetio consule exercitu, ad hostes pervenit. Sicut bina castra hostium, parvo inter se spatio distantia, viderant, ipsi quoque mille ferme passus ab hoste, dictator Tusculo, consul Lanuvio, propiorem locum castris ceperunt. Ita quatuor exercitus, totidem munimenta planitiem in medio, non parvis modo excursionibus ad proelia, sed vel ad explicandas utrinque acies satis patentem, habebaut. Nec, ex quo castris castra conlata sunt, cessatum a levibus proeliis est; facile patiente dictatore, conferendo vires spem universae victoriae, tentato paullatim eventu certaminum, fuos praecipere. Itaque hostes, nulla in proelio justo relicta spe, noctu adorti castra consulis, rem in cafuni alicipitis evenitus committunt. Clamor subito ortus non consulis

fulis modo vigiles, exercitum deinde omnem, sed dictatorem quoque ex somno excivit. Vbi praesenti ope res egebant, consul nec animo defecit, nec consilio: pars inilitum portarum stationes firmant: pars corona vallum cingunt. In alteris apud dictatorem castris, quo minus tumultus est, eo plus animadvertisit, quid opus facto sit. Millo extemplo ad castra subsidio, cui Sp. Postumius Albus legatus praeficitur, ipse parte copiarum parvo circuitu locum maxime secretum ab tumultu petit, unde ex nec opinato aversum hostem invadat. Q. Sulpicium legatum praeficit castris: M. Fabio legato adsignat equites. Nec ante lucem movere jubet manum, inter nocturnos tumultus moderatu difficultem. Omnia, quae vel alias imperator prudens et impiger in tali re praeciperet ageretque, precipit ordine atque agit. Illud eximium consilii animique specimen, et neutquam vulgatae laudis, quod ulti ad obpugnanda castra hostium, unde majore agmine profectos exploratum fuerat, M. Geganium cum cohortibus delectis misit. Qui, postquam intentos homines in eventum periculi alieni, pro se incautos neglectis vigiliis stationibusque, est adortus, prius pacue cepit castra, quam obpugnari hostes satis scirent. Inde, fumio, ut convenerat, datum signum ubi conspectum ab dictatore est, exclamat, capta hostium castra, nuntiarique passim jubet.

XXVIII. Et iam lucebatur, omniaque sub oculis erant: et Fabius cum equitatu inpetum dederat, et consul eruptionem e castris in trepidos jam hostes fecerat. Dictator autem, parte altera subsidia et secundam aciem adortus, circumagenti se ad dissonos clamores ac subitos tumultus hosti undique objecerat victorem peditem equitemque. Circumventi igitur jam in

in medio ad unum omnes poenas rebellionis dedissent, ni Vectius Messius ex Volscis, nobilior vir factis, quam genere, jam orbem volventes suos increpans clara voce, *Hic præbituri, inquit, vos telis hostium estis indefensi, inulti? Quid igitur arma habetis? aut quid ultra bellum intulistis; in otio tumultuosi, in bello segnes? Quid hic sicutibus spei est? an Deum aliquem protecturum vos, rapturumque hinc putatis? Ferro via facienda est. Hac, qua me prægressum videritis, agite, qui visuri domos, parentes, conjuges, liberos estis, ite mecum. Non murus, nec vallum; sed armati armatis obstant. Virtute pares, necessitate, quae ultimum ac maximum telum est, superiores estis.* Haec loquutum exsequenteque dicta redintegrato clamore sequuti, dant impressionem, qua Postumius Albus cohortes objecerat: et moverunt victorem, donec dictator, pedem jam referentibus suis, advenit: eoque omne proelium versum est. Vni viro Messio fortuna hostium immititur. Multa utrimque vulnera, multa passim caedes est. Jam ne duces quidem Romani incruenti pugnant. Vnus Postumius, ictus saxo, perfracto capite, acie excessit. Non dictatorem humerus vulneratus, non Fabium prope adfixum equo femur, non brachium abscisum consulem ex tam ancipiti proelio submovit.

XXIX. Messium impetus per stratos caede hostes cum globo fortissimorum juvenum extulit ad castra Volscorum, quae nondum capta erant. Eodem omnis acies inclinatur. Consul, effusos usque ad vallum persecutus, ipsa castra vallumque adgreditur: eodem et dictator alia parte copias admovet. Non segnior oppugnatio est, quam pugna fuerat. Consulem signum quoque intra vallum injecisse ferunt,

quo

quo milites acrius subirent; repetendoque signo primam impressionein factam. Et dictator, proruto vallo, jam in castra proelium intulerat. Tum abjici passim arma, ac dedi hostes coepti. Castrisque et his captis, hostes, praeter senatores omnes venumdati sunt. Praedae pars sua cognoscentibus Latinis atque Hernicis reddit; partem sub hasta dictator vendidit: praepositoque consule castris, ipse, triumphans in vectus Vrbem, dictatura se abdicavit. Egregiae dictatura tristem memoriam faciunt, qui filium ab A. Postumio, quod, occasione bene pugnandi captus, injussu deceperit praefidio, victorem securi percussum tradunt. Nec libet credere; et licet, in variis opinionibus. Et argumento est, quod *impèria Manliana*, non *Postumiana*, adpellata sint: quum, qui prior auctor tam saevi exempli foret, occupaturus insignem titulum crudelitatis fuerit. *Imperioso* quoque Manlio cognomen iuditum; Postumiū nulla tristi nota est insignitus. C. Julius consul aedem Apollinis, absente conlega, sine forte dedicavit: aegre id passus Quintius, quum, dimisso exercitu, in Vrbem redisset, nequidquam in senatu est conquestus. Insigni magnis rebus anno additur, nihil tum ad rem Romanam pertinere visum, quod Carthaginenses, tanti hostes futuri, tum primum per fitiones Siculorum ad partis alterius auxilium in Siciliam exercitum trajecere.

XXX. Agitatum in Vrbe ab tribunis plebis, ut tribuni militum consulari potestate crearentur; nec obtineri potuit. Consules fiunt L. Papirius Crassus, L. Julius. Aequorum legati foedus ab senatu quum petissent, et pro foedore deditio ostentaretur, inducias annorum octo inpetraverunt. Volscorum res, super adcepitam in Algido cladem, pertinaci certami-

tamine inter pacis bellique auctores in iurgia et seditiones versa. Vnde otium fuit Romanis. Legem de mulierum aestimatione per gratiam populo, quum ab tribunis parari consules unius ex conlegio proditione exceperint, ipsi praebecuperunt ferre. Consules L. Sergius Fidenas iterum, Hostus Lucretius Tricipitinus. Nihil dignum dictu actum his consulibus. Sequuti eos consules A. Cornelius Cossus, T. Quintius Pennus iterum. Vejentes in agrum Romanum excursiones fecerunt. Fama fuit, quosdam ex Fidenatum juventute participes ejus populationis fuisse: cognitioque ejus rei L. Sergio, et Q. Servilio, et Mam. Aemilio permissa. Quidam Ostiam relegati, quod, cur per eos dies a Fidenis afluissent, parum constabat. Colonorum additus numerus, agerque iis bello interemptorum adsignatus. Sic citate eo anno plurimum laboratum est: nec coelestes modo defuerunt aquae, sed terra quoque, ingenito humore egens, vix ad perennes subfecit amnes. Defectus alibi aquarum circa torridos fontes rivosque stragem siti pecorum morientium dedit; scabie alia absunta: vulgatique contactu in homines morbi, et primo in agrestes ingruerant servitiaque. Vrbs deinde inpletur. Nec corpora modo adfectabolo, sed animos quoque multiplex religio, et pleraque externa, invasit; novos ritus sacrificandi vaticinando inferentibus in domos, quibus quaestui sunt capti superstitione animi: donec publicus jam pudor ad primores civitatis pervenit, cernentes in omnibus vicis facilisque peregrina atque insolita piacula pacis Deum exposcendae. Datum inde negotium aedilibus, ut animadverterent, ne qui, nisi Romani Dii, neu quo alio more, quam patro, colerentur. Irae adversus Vejentes in

insequentem annum; C. Servilium Ahalam; L. Papirium Mugillanum consules, dilatae sunt. Tunc quoque, ne confestim bellum indiceretur, neve exercitus mitterentur, religio obstitit. Fetiales prius mittendos ad res repetendas censuere. Cum Vejentibus nuper acie dimicatum ad Nomentum et Fidenas fuerat: induciaeque inde, non pax, facta: quarum et dies exierat, et ante diem rebellaverant. Missi tamen fetiales: nec eorum, quum more patrum jurati repeterent res, verba sunt audita. Controversia inde fuit, utrum populi jussu indiceretur bellum, an satis esset senatus consultum. Pervicere tribuni, denuntiando impedituros se delectum, ut consules de bello ad populum ferrent. Omnes centuriae jussere. In eo quoque plebs superior fuit, quod tenuit, ne consules in proximum annum crearentur.

XXXI. Tribuni militum consulari potestate quatuor creati sunt, T. Quinctius Penninus ex consulatu, C. Furius, M. Postumius, A. Cornelius Cossus. Ex iis Cossus praefuit Virbi. Tres, delectu habito, profecti sunt Vejos, documentoque fuere, quam plurium imperium bello inutile esset. Tendendo ad sua quisque consilia, quum aliud alii videretur, aperuerunt ad occasionem locum hosti. Incertam namque aciem, signum aliis dari receptui, aliis cani jubentibus, invasere opportune Vejentes: castra propinqua turbatos ac terga dantes adcepere. Plus itaque ignominiae, quam cladis, est adcepsum. Moesta civitas fuit, vinciri insueta: odisse tribunos, poscere dictatorem, in eo verti spes civitatis. Et quum ibi quoque religio obstat, ne non posset nisi ab consule dici dictator, augures consulti eam religionem exemere. A. Cornelius dictatorem Mam. Aemilium dixit; et ipse ab eo magister equi-

equitum est dictus. Adeo, simul fortuna civitatis virtute vera eguit, nihil censoria animadversio effecit, quo minus regimen rerum ex notata indigne donio peteretur. Vejentes, re secunda elati, missis circum Etruriae populos legatis, jactando tres duces Romanos ab se uno proelio fusos, quum tamen nullam publici consilii societatem movissent, voluntarios undique ad spem praedae adsciverunt. Vni Fidenatum populo rebellare placuit: et, tamquam nisi ab scelere bellum ordiri nefas esset, sicut legatorum antea, ita tum novorum colonorum caede inbutis armis, Vejentibus se conjungunt. Consultare inde principes duorum populorum, Vejos an Fidenas sedem bellicaperent. Fidenae visae obportuniiores. Itaque, trajecto Tiberi, Vejentes Fidenas transstulerunt bellum. Romae terror ingens erat. Adcito exercitu ab Vejis, eoque ipso ab remale gesta perculso, castra locantur ante portam Collinam, et in muris armati dispositi, et justitium in foro, tabernaque clausae: fiuntque omnia castris, quam urbi, similiora.

XXXII. Tum trepidam civitatem, praeconibus per vicos dimissis, dictator ad concionem advocataim increpuit, *quod animos ex tam levibus fortunae momentis suspensos gererent, ut, parva jactura accepta, quae ipsa non virtute hos illum, nec ignavia Romani exercitus, sed discordia imperatorum, accepta sit, Vejentem hostem sexies victum, pertimescant, Fidenasque prope saepius captas quam obpugnatas. Eosdem et Romanos et hostes esse, qui per tot saecula fuerint: eosdem animos, easdem corporis vires, eadem arma gerere. Se quoque eumdem dictatorem Mam. Aemilium esse, qui ante Vejentium Fidenatumque, adjunctis Faliscis, ad Nomentum exercitus fuderit: et magistrum equi-*

tum A. Cornelium eundem in acie fore, qui priore bello tribunus militum, Larte Tolumnio rege Vejentium in conspectu duorum exercituum occiso, spolia opima Jovis Feretrii templo intulerit. Proin memores, secum triumphos, secum spolia, secum victoriam esse, cum hostibus scelus legatorum contra jus gentium interfectorum, caedem in pace Fidenatium colonorum, inducias ruptas, septimam infelicem defectionem, arma caperent. Simul castra casiris conjunxissent, satis confidere, nec sceleratissimis hostibus diuturnum ex ignominia exercitus Romani gaudium fore; et populum Romanum intellecturum, quanto melius de re publica meriti sunt, qui se dictatore tertium dixerint; quam eos, qui, ob erectum censurae regnum, labem secundae dictaturae suae imposuerint. Votis deinde nuncupatis profectus, mille et quingentos passus circa Fidenas castra locat: dextra montibus, laeva Tiberi amne septus. T. Quinctium Pennum legatum occupare montes jubet, obculturnque id jugum capere, quod ab tergo hostibus foret. Ipse postero die, quum Etrusci pleni animorum ab pristini diei meliore occasione, quam pugna, in aciem processissent, cunctatus parumper, dum speculatores referrent, Quinetium evasisse in jugum propinquum arcii Fidenarum, signa profert: peditumque aciem instructam pleno gradu in hostem inducit: magistro equitum praecipit, ne injussu pugnam incipiat: se, quum opus sit, equestri auxilio signum daturum. Tum ut memor regiae pugnae, memor opimi doni, Romulique ac Jovis Feretrii, rem gereret. Legiones in petu ingenti configunt. Romanus odio ad sensus, impium Fidenatem, praedonem Vejentem, ruptores inducarum, cruentos legatorum infanda caede, respersos sanguine colono-

lonorum suorum, perfidios socios, inbelles hostes compellans, factis simul dictisque odium explet.

XXXIII. Concusserat primo statim congressu hostem: quum repente, patefactis Fidenaram portis, nova erumpit acies, inaudita ante id tempus invisa tataque ignibus armata ingens multitudo, facibusque ardentibus tota conlucens, velut fanatico instincta cursu, in hostem ruit: formaque insolitae pugnae Romanos parumper exterruit. Tum dictator, magistro equitum equitibusque, tum ex montibus Quintio adito, proelium cieps, ipse in sinistrum cornu, quod, incendio similius quam proelio, territum cesserat flaminis, adcurrit: claraque voce, *Fumone victi*, inquit, *velut exanien apum loco vestro exacti, iuermi cedetis hosti? Non ferro exstinguetis ignes? non facies has ipsas pro se quisque, si igni, non tellis, pugnandum est, ereptas ultro inferetis?* *Agite, nominis Romani ac virtutis patrum vestraeque memores, vertite incendium hoc in hostium urbem; et suis flammis delete Fidenas, quas vestris beneficiis placare non potuistis. Legatorum hoc vos vestrorum colonorumque sanguis, vaslatique fines monent.* Ad imperium dietatoris mota cuncta acies: faces partim emisae excipiuntur, partim vi eripiuntur: utraque acies armatur igni. Magister equitum et ipse novat pugnam equestrem. Frenos ut detrahant equis, imperat: et ipse princeps, calcaribus subditis evectus, effreno equo in medios ignes infertur: et alii concitat equi libero cursu ferunt equitem in hostem. Pulvis elatus mixtusque fulvo lucem ex oculis virorum equorumque auffert. Ea, quae militem terruerat, species nihil terruit equos. Ruinae igitur similem stragem eques, quacunque per-

vaserat, dedit. Clamor deinde adcidit novus. Qui quum utramque mirabundam in se aciem vertisset, dictator exclamat; *Quinctium legatum et suos ab tergo hostem adortos*: ipse, redintegrato clamore, infert acrius signa. Quum duae acies, duo diversa proelia, circumventos Etruscos et a fronte et ab tergo urgenterent, neque in castra retro, neque in montes, unde se novus hostis objecerat, iter fugae esset, et equitem passim liberi frenis distulissent equi, Vejentium maxima pars Tiberim effusi petunt. Fidenatum qui supersunt, ad urbem Fidenas tendunt. Infert payidos fuga in medianam caedein: obturcantur in ripis: alios, in aquam compulso, gurgites ferunt: etiam peritos handi lassitudo et vulnera et pavor degravant; pauci ex multis tranant. Alterum agmen fertur per castra in urbem. Eadem et Romanos sequentes, impetus rapit: Quinctium maxime, et cum eo degressos modo de montibus, recentissimum ad laborem militem, quia ultimo proelio advenerat.

XXXIV. Hi, postquam mixti hostibus portam intravere, in muros evadunt; suisque capti oppidi signum ex muro tollunt. Quod ubi dictator conspexit, (jam enim et ipse in deserta hostium castra penetraverat) cupientem militem discurrere ad praedam, spe injecta majoris in urbe praedae, ad portam dicit; receptusque intra muros, in arcem, quo rure fugientium turbam videbat, pergit. Nec minor caedes in urbe, quam in proelio, fuit; donec, abjectis armis, nihil praeter vitam pententes, dictatori deduntur. Vrbs castraque diripiuntur. Postero die singulis captivis ab equite ad centurionem forte ductis, et, quorum eximia virtus fuerat, binis, aliis sub corona venumdatis, exercitum victorem opulen-

lentumque praeda triumphans dictator Romam reduxit: jussoque magistro equitum abdicare se magistratu, ipse deinde abdicat die sextodecimo, redditio in pace imperio, quod in bello trepidisque rebus adcepoperat. Clippi quoque ad Fidenas pugnatum cum Vejentibus, quidam annales retulere: rem aequa difficilem atque incredibilem; nec nunc lato satis ad hoc amne; et tum aliquanto, ut a veteribus adcepimus, aetiore: nisi in trajectu forte fluminis prohibendo, aliquarum navium concursum in majus (ut fit) celebrantes, navalis victoriae vanum titulum adpetivere.

XXXV. Insequens annus tribunos militares consulari potestate habuit, A. Sempronium Atratinum, L. Quinctium Cincinnatum, L. Furium Medullinum, L. Horatium Barbatum. Vejentibus annorum viginti induciæ datae, et Aquis triennii, quum plurimum annorum petissent. Et ab seditionibus urbanis otium fuit. Annum insequentem, neque bello foris, neque domi seditione insignem, ludi bello voti celebrem, et tribunorum militum adparatu, et finitimorum concursu, fecere. Tribuni consulari potestate erant Ap. Claudius Crassus, Sp. Nautius Rutilus, L. Sergius Fidenas, Sex. Julius Julus. Spectaculum comitate etiam hospitum, ad quod publico consensu venerant, advenis gratius fuit. Post ludos conciones seditiones tribunorum plebi fuerunt; objurgantium multitudinem, *quod, admiratione eorum, quos odisset, stupens, in aeterno se ipsa teneret servitio: et non modo ad spem consulatus in partem revocandam adspicere non auderet, sed ne in tribunis quidem militum creandis (quae communia essent comitia Patrum ac plebis) aut sui aut suorum meminisset.* Desineret ergo mirari, cur nemo de com-

modis plebis ageret: eo iupendi laborem ac periculum, unde emolumentum atque honos speratur. Nihil non adgressuros homines, si magna conatis magna praemia proponantur. Ut quidem aliquis tribunus plebis ruat caecus in certamina periculo ingenti, fructu nullo; ex quibus pro certo habeat, Patres, adversus quos tendret, bello inexpiabili se persecuturos; apud plebem, pro qua dimicaverit, nihilo se honorarium fore, neque sperandum, neque postulandum esse. Magnos animos magnis honoribus fieri. Neminem se plebejum contemturum, ubi contemni desisset. Experiendam rem denique in uno aut altero esse, sitne aliquis plebejus ferendo magno honori; au portento simile, miraculoque sit, fortem ac strenuum virum aliquem existere ortum ex plebe. Summa vi expugnatum esse, ut tribuni militum consulari potestate et ex plebe crearentur. Petisse viros domi militiaeque spectatos: primis annis fugillatos, repulso, risui Patribus fuisse: desisse postremo praebere ad contumeliam os. Nec se videre, cur non lex quoque abrogetur, qua id liceat, quod numquam futurum sit. Minorem quippe ruborem fore iuris iniuitate, quam si per indiguitatem ipsorum praetererantur.

XXXVI. Hujus generis orationes, cum adsensu auditae, incitavere quosdam ad petendum tribunatum militum, alium alia de commodis plebis laturum se in magistratu profidentem. Agri publici dividendi coloniarumque deducendarum ostentatae spes; et vectigali possessoribus agrorum inposito, in stipendum militum erogandi aeris. Captatum deinde tempus ab tribunis militum, quo per discessum hominum ab urbe, quum Patres clandestina denuntiatione revocati ad diem certam essent, senatus consultum fieret, absentibus tribunis

ple-

plebi: ut, quoniam Volscos in Hernicorum agris praedatum exisse fama esset, ad rem inspiciendam tribuni militum proficerentur; consulariaque comitia haberentur. Profecti Ap. Claudium, filium decemviri; praefectum Urbis relinquunt, in pigrum juvenem, et jam inde ab incunabulis inbutum odio tribunorum plebisque. Tribunis plebi nec cum absentibus iis, qui senatus consultum fecerant, nec cum Appio, transacta re, quod contenderent, fait.

XXXVII. Creati consules sunt C. Sempronius Atratinus, Q. Fabius Vibulanus. Peregrina res, sed memoria digna, traditur eo anno facta: Vulturum, Etruscorum urbem, quae nunc Capua est, ab Samnitibus captam; Capuainque ab duce eorum Capye, vel (quod proprius vero est) a campestri agro adpellatam. Cepere autem, prius bello fatigatis Etruscis, in societatem urbis agrorumque accepti: deinde festo die graves somno epulisque incolas veteres novi coloni nocturna caede adorti. His rebus actis, consules ii, quos diximus, Idibus Decembribus magistratum obcepere. Jam non solum, qui ad id missi erant, retrulerant, inminere Volscum bellum; sed legati quoque ab Latinis et Hernicis nuntiabant. Non ante umquam Volscos nec ducibus legendis, nec exercitui scribendo, intentiores fuisse. Vulgo fremere, aut in perpetuum arma bellumque oblivioni danda, jngumque adcipiendum; aut iis, cum quibus de imperio certetur, nec virtute, nec patientia, nec disciplina rei militaris cedendum esse. Haud vana adulere: sed nec perinde Patres moti sunt; et C. Sempronius, cui ea provincia forti evenit, tamquam constantissimae rei, fortunae fatus, quod victoris populi adversus victos dux esset, omnia temere ac neglegenter egit.

Adeo ut disciplinae Romanae plus in Volscis exercitu, quam in Romano, esset. Ergo fortuna, ut saepe alias, virtutem est sequuta. Primo proelio, quod ab Sempronio incaute inconsultaque commissum est, non subsidiis firmata acie, non equite apte locato, concursum est. Clamor indicium primum fuit, quores inclinatura esset. Excitator crebriorque ab hoste sublatus; ab Romanis disonus, inpar, segnius saepe iteratus, incerto clamore prodidit pavorem animorum. Eo ferocior iulatus hostis, urgere scutis, micare gladiis: altera ex parte nutant circumspectantibus galeae, et incerti trepidant, adplicantque se turbae. Signa nunc resistentia deseruntur ab hante signanis, nunc inter suos manipulos recipiuntur. Non dum fuga certa, nondum victoria erat. Tegi magis Romanus, quam pugnare. Volscus inferre signa, urgere aciem, plus caedis hostium videre, quam fugae.

XXXVIII. Jam omnibus locis ceditur. Nequidquam Sempronio consule objurgante atque hortante, nihil nec imperium, nec maiestas valebat: dataque mox terga hostibus forent, ni Sex. Tempanius, decurio equitum, labente jam re, praefenti animo subvenisset. Qui quum magna voce exclamasset, *ut equites, qui salvam rem publicam vellent, ex equis desilirent*; omnium turmarum equitibus, velut ad consulis imperium motis, *Nisi haec, inquit, armata cohors sis stat in petum hostium, actum de imperio est.* Sequimini pro vexillo cuspidem meam. Ostendite Romanis Volscisque, neque equitibus vobis ullos equites, nec peditibus esse pedites pares. Quum clamore comprobata adhortatio esset, vadit alte cuspidem gerens. Quacumque incedant, vi viae faciunt: eo se inferunt objectis parmis, ubi suorum plurimum

mum laborem vident. Restituitur omnibus locis pugna, in quae eos impetus tulit: nec dubium erat, quin, si tam pauci simul obire omnia possent, terga daturi hostes fuerint.

XXXIX. Et quum iam parte nulla sustinerentur, dat signum Volscus imperator, ut parvatis, novae cohorti hostium, locus detur, donec in petu inlati ab suis excludantur. Quod ubi est factum, interclusi equites: nec per rumpere eadem, qua transierant, posse; ibi maxime confertis hostibus, qua viam fecerant et consul legionesque Romanae, quum, quod tegumen modo omnis exercitus fuerat, nusquam viderent, ne tot fortissimos viros interclusos obprimeret hostis, tendunt in quemcumque casum. Diversi Volsci hinc consulem ac legiones sustinere, altera fronte instare tempanio atque equitibus. Qui quum saepe conati nequissent perrumpere ad suos, tumulo quodam occupato, in orbem se tutabantur, nequaquam inulti. Nec pugnae finis ante noctem fuit. Consul quoque, nusquam remisso certamine, dum quidquam superfuit lucis, hostem tenuit: nox incertos direxit: tantusque ab imprudentia eventus: utraque castra tenuit pavorem, ut, relictis sauciis et magna parte impedimentorum, ambo pro victis exercitus se in montes proximos reciperent. Tumulus tamen circumfessus ultra medianam noctem est. Quo quum circumfendentibus nuntiatum esset, castra deserta esse, victos rati suos, et ipsi, qua quemque in tenebris pavorem tulit, fugerunt. Tempanius metu insidiarum suos ad lucem tenuit. Degressus deinde ipse cum paucis speculatum, quum ab sauciis hostibus sciscitando comperisset, castra Volscorum deserta esse, laetus ab tumulo suos devocat, et in castra Romana penetrat. Vbi quum vasta de-

fer-

fertaque omnia, atque eamdem, quam apud hostes, foeditatem invenisset, priusquam Volscos cognitus error reduceret, quibus poterat fauciis dñeis secus, ignarus quam regionem consul petisset, ad Vrbem proximis itineribus pergit.

XL. Jam eo fama pugnae adversae castorinque desertorum perlata erat: et ante omnia deplorati erant equites, non privato magis quam publico luctu: Fabiusque consul, derrore Vibi quoque injecto, stationem ante portas agebat: quum equites, procul visi non sine terrore ab dubiis, quinam essent, mox cogniti, tantam ex metu laetitiam fecere, ut clamor Vrbem pervaderet gratulantium; sive vos victoresque redisse equites: et ex moestis paulo ante domibus, quae conclamaverant suos, procurreretur in vias; pavidaeque matres ac conjuges, oblitae præ gaudio decoris, obviam agmini obcurrerent, in suos quaeque simul corpore atque animo, vix præ gaudio compotes, effusae. Tribunis plebi, qui M. Postumio et T. Quinctio diem dixerant, quod ad Vejos eorum opera male pugnatum esset, occasio visa est per recens odium Sempronii consulis renovandæ in eos invidiae. Itaque advocata concione, quum proditam Vejis rem publicam esse ab ducibus, proditum deinde, quia illis impune fuerit, in Volseis ab consule exercitum, traditos ad caedem fortissimos equites, deserta foede castra, vociferati essent; C. Julius, unus ex tribunnis, Tempanium equitem vocari jussit: coramque eis, Sexte Tempani, inquit, quaero de te, arbitrerisne, C. Sempronium consulem aut in tempore pugnam inisse, aut firmasse subsidii aciem, aut ullo boni consulis functum officio? et, tunc ipse, victis legionibus Romanis, tuo consilio equitem ad pedes

des deduxeris restituerisque pugnam? excluso
deinde ab acie nostra tibi atque equitibus num
aut consul ipse subvenierit, aut miserit praefi-
dium? postero denique die ecquid praesidii us-
quam habueris? an tu cohorsque in castra ve-
stra virtute perruperitis? ecquem in casiris con-
sulem, ecquem exercitum inveneritis? an deser-
ta castra, relictos saucios milites? Haec pro
virtute tua fideque, qua una hoc bello res publi-
ca sietit, dicenda tibi sunt hodie. Denique,
ubi C. Sempronius, ubi legiones nostrae sunt?
desertus sis, an deserueris consulem exercitum?
victi denique simus, an vicerimus?

XLI. Aversus haec Tempanii oratio in-
comita fuisse dicitur; ceterum militariter gra-
vis, non fuis vana laudibus, non crimine alie-
ne laeta: *Quanta prudentia rei bellicae in C.*
Sempronio esset, non militis de imperatore exi-
stimationem esse, sed populi Romani fuisse,
qui cum comitiis consulem legeret. Itaque ne
ab se imperatoria consilia, neu consulares artes
exquirerent, quae penitanda quoque magnis
animis atque ingeniosis essent; sed, quod viderit,
referre posse. *Vidisse autem se prius, quam ab*
acie intercluderetur, consulem in prima acie pu-
gnantem, adhortantem, inter signa Romana
telaque hostium versantem: postea se, ab con-
spectu suorum ablatum, ex strepitu tanien et
clamore sensisse, usque ad noctem extractum
certamen: nec ad tumulum, quem ipse tenuerat,
prae multitudine hostium credere perrumpi po-
tuisse. Exercitus ubi esset, se nescire: arbitra-
ri, velut ipse in re trepidâ loci praesidio se
suosque sit tutatus, sic consulem servandi exer-
citus causa locâ tutiora casiris cepisse. Nec
Volscorum meliores res esse credere, quam po-
puli Romani. Fortunam noctemque omnia er-
roris

toris mutui inplesse. Precantemque deinde, ne se fessum labore ac vulneribus tenerent, cum ingenti laude, non virtutis magis, quam moderationis, dimissum. Quum haec agerentur, jam consul via Lavieana ad fanum Quietis erat. Eo missa plaustra jumentaque alia ab Urbe exercitum, adfectum proelio ac via nocturna, excepere. Paullo post in Urbem est ingressus consul, non ab se magis enixe amovens culpam, quam Tempanium meritis laudibus ferens. Moestae civitati ab re male gesta et iratae ducibus M. Postumius reus objectus, qui tribunus militum pro consule ad Vejos fuerat, decem millibus aeris gravis damnatur. T. Quinctium conlegam ejus, quia et in Volscis constal auspicio dictatoris Postumii Tuberti, et ad Fidenas legatus dictatoris alterius Mam. Aemilii, res prosperè gesserat, totam culpam ejus temporis in praedamnatum conlegam transferentem, omnes tribus absolverunt. Profuisse ei Cincinnati patris memoria dicitur, venerabilis viri, et exactae jam aetatis Capitolinus Quinctius, subpliciter orans, ne se, brevi reliquo vitae spatio, tam tristem nuntium ferre ad Cincinnati paterentur.

XLI. Plebs tribunos plebi absentes, Sex. Tempanium, A. Sellium, Sex. Antistium, et Sp. Icilium, fecit; quos et pro centurionibus sibi praefecerant, Tempanio auctore, equites. Senatus, quum odio Sempronii consulaire nomen offendiceret, tribunos militum consulari potestate creari jussit. Creati sunt L. Manlius Capitolinus, Q. Antonius Merenda, L. Papirius Mugillanus. Principio statim anni L. Hortensius tribunus plebis C. Sempronio consuli anni prioris diem dixit. Quem quum quatuor conlegae, inspectante populo Romano, orarent, ne imperatorem suum innoxium, in quo

quo nihil praeter fortunam reprehendi posset, vexaret: aegre Hortensius pati, temptationem credens esse perseverantiae suae; nec precebus tribunorum, quae in speciem modo jactentur, sed auxilio confidere reum. Itaque modo ad eum conversus, *Vbi illi patricii spiritus, ubi subuisus et fidens innocentiae animus esset?* quaerébat. *Sub tribunicia umbra consularē virum delituisse.* Modo ad conlegas, *Vos autem, si reum perago, quid acturi esis? an erecturi jus populo, et everfuri tribuniciam potestatem?* Quum illi, et de Sempronio et de omnibus summam populi Romani potestatem esse, dicerent, nec se judicium populi tollere aut velle aut posse; sed si preces suae pro imperatore, qui sibi parentis esset loco, non valuissent, se vestem cum eo mutaturos: tum Hortensius, *Non videbit, inquit, plebs Romana sordidatos tribunos suos.* C. Sempronium nihil moror, quando hoc est in imperio consecutus, ut tam carus esset militibus. Nec pietas quatuor tribunorum, quam Hortensi tam placabile ad justas preces ingenium, pariter plebi Patribusque gratiior fuit. Non diutius fortuna Aequis indulxit, qui ambiguam victoram Volscorum pro sua amplexi fuerant.

XLIII. Proximo anno N. Fabio Vibulano, T. Quinctio, Capitolini filio, Capitolino consulibus, ductu Fabii, cui sorte ea provincia evenerat, nihil dignum memoratu actum. Quum trepidam tantum ostendissent aciem Aequi, turpi fuga funduntur, haud magno consulis decore. Itaque triumphus negatur. Ceterum ob Sempronianae cladis levatam ignominiam, ut ovans Vrbem intraret, concilium est. Quemadmodum bellum minore, quam timuerant, dimicatione erat perfectum, sic in Vrbe ex tranquillo nec opinata moles discordia-

diarum inter plebem ac Patres exorta est,
 coepit ab duplicando quaestorum numero.
 Quam rem, (ut, praeter duos urbanos quaes-
 tores, duo consulibus ad ministeria belli prae-
 sto essent) a consulibus relatam; quum et Pa-
 tres summa ope adprobassent, consulibus tri-
 buni plebis certamen intulerunt, ut pars quaes-
 torum (nam ad id tempus patricii creati erant)
 ex plebe fieret. Adversus quam actionem pri-
 mo et consules et Patres summa ope adnisi-
 sunt: concedendo deinde, ut, quemadmodum
 in tribunis consulari potestate creandis usi sunt,
 adaeque in quaestoribus liberum esset arbitrium
 populi, quin parum proficerent, totam rem
 de augendo quaestorum numero omittunt.
 Excipiunt omillam tribuni, aliaeque subinde,
 inter quas et agrariae legis, seditiones actiones
 existunt: propter quos motus quum senatus
 consules, quam tribunos, creari mallet, ne-
 que posset per intercessiones tribunicias sena-
 tus consultum fieri; res publica a consulibus
 ad interregnum, neque id ipsum (nam coire
 patricios tribuni prohibebant) sine certamine
 iugenti, redit. Quum pars major in sequentis
 anni per novos tribunos plebi et aliquot in-
 terreges certaminibus extracta esset, modo
 prohibentibus tribunis patricios coire ad pro-
 dendum interregem, modo interregem inter-
 pellantibus, ne senatus consultum de comitiis
 consularibus faceret; postremo L. Papirius
 Mugillanus, proditus interrex, castigando nunc
 Patres, nunc tribunos plebi, *desertam omis-
 samque ab hominibus rem publicam*, *Dcorum
 providentia curaque exceptam*, memorabat *Ve-
 jentibus induciis et cunctatione Aequorum flare*.
*Vnde si quid increpet terroris, sine patricio ma-
 gistratu placere rem publicam obprimi? non
 exercitum, non ducem scribendo exercitui esse?*
 an

an bello intestino bellum externum propulsaturos? Quae si in unum conveniant, vix Deorum opibus, i quin obruatur Romana res, resisti posse. Quin illi, remittendo de summa quisque juris, mediis copularent concordiam: Patres, patiendo tribunos militum pro consulibus fieri: tribuni plebis, non intercedendo, quo minus quatuor quaestores promiscue de plebe ac Patribus libero subfragio populi fierent.

XLIV. Tribunicia primum comitia sunt habita. Creati tribuni consulari potestate omnes patricii, L. Quinctius Cincinnatus tertium, L. Furius Medullinus iterum, M. Manilius, A. Sempronius Atratinus. Hoc tribuno comitia quaestorum habente, petentibusque inter aliquot plebejos filio Antistii tribuni plebis et fratre alterius tribuni plebis Sex. Pompilii, nec potestas, nec subfragatio horum valuit, quin, quorum patres avosque consules viderant, eos nobilitate praeferrent. Furere omnes tribuni plebis, ante omnes Pompilius Antistiisque, repulsa suorum adscensi, *Quidnam id rei effet? non suis beneficiis, non Patrum injuriis, non denique usurandi libidine, quum liceat, quod ante non licuerit, si non tribunum militarem, ne quaestorem quidem quemquam ex plebe factum. Non valuisse patris pro filio, fratris pro fratre preces, tribunorum plebis, potestatis sacrosanctae, ad auxilium libertatis creatae. Fraudem profecto in re esse, et A. Sempronium comitiis plus artis adhibuisse, quam fidei. Ejus injuria queri suos honore dejectos.* Itaque quum in ipsum, et innocentia tutum et magistratu, in quo tunc erat, impetus fieri non posset, flexere iras in C. Sempronium, patruellem Atratini: eique ob ignoruiniam Volsci belli, adjutore collega M. Canulejo, diem dixerat. Subinde ab iisdem tribunis mentio

in senatu de agris dividendis inlata est, (cui actioni semper acerrime C. Sempronius restiterat) ratis, id quod erat, aut deposita causa leviorum futurum apud Patres reum, aut perseverantem sub judicij tempus plebem obfensurum. Adversae invidiae objici maluit, et suae nocere cause, quam publicae deesse; stetitque in eadem sententia, *Ne qua largitio, cef-sura in trium gratiam tribunorum, fieret. Ne o-
tum agrum plebi, sed sibi invidiam, quaeri.
Se quoque subiturum eam tempestatem forti ani-
mo. Nec senatui tanti se civem, aut quemquam
alium debere esse, ut in parcendo uni malum
publicum fiat.* Niliolo demissiore animo, quum dies venit, causa ipse pro se dicta, nequidquam omnia expertis Patribus, ut mitigarent plebem, quindecim millibus aeris damnatur. Eodem anno Postumia, virgo Vestalis, de incestu causam dixit, criminis innoxia, ab suspicione propter cultum amoeniorem ingeniumque liberius, quam virginem decet, parum abhorrens. Eam ampliatam, deinde absolutam, pro conlegii sententia pontifex maximus abstinere jocis, colique sancte potius, quam scite, jussit. Eodem anno a Campanis Cumiae, quam Graeci tum urbem tenebant, capiuntur. Insequens annus tribunos militum consulari potestate habuit, Agrippam Menenium Lanatum, P. Lucretium Tricipitimum, Sp. Nautium Rutilum.

XLV. Annus, felicitate populi Romani, periculo potius ingenti, quam clade, insignis. Servitia, Vrbem ut incenderent distantibus locis, conjurarunt; populoque ad opem passim ferendam tectis intento, ut aream Capitoliumque armati obcuparent. Avertit nefanda confilia Jupiter: indicioque duorum comprehensi fontes poenas dederunt. Indicibus dena milia

lia gravis aeris, quae tum divitiae habebantur, ex aerario numerata, et libertas praemium fuit. Bellum inde ab Aequis reparari coeptum: et, novos hostes Lavicanos consilia cum veteribus jungere, haud incertis auctoribus Romanum est adlatum. Aequorum jam velut anniversariis armis adfuerat civitas. Lavicos legati missi quum responsa iude retulissent dubia, quibus, nec tum bellum parari, nec diuturnam pacem fore, adpareret: Tusculanis negotium datum, *adverterent animos, ne quid novi tumultus Lavicis oriretur.* Ad insequentes anni tribunos militum consulari potestate, inito magistratu, legati ab Tusculo venerunt, L. Sergium Fidenatem, M. Papirium Mugilianum, C. Servilium, Prisci filium, quo dictatore Fidenae captae fuerant. Nuntiabant legati, Lavicanos arma cepisse, et cum Aequorum exercitu depopulatos agrum Tusculanum castra in Algido posuisse. Tum Lavicanis bellum indictum: factoque senatus consulto, ut duo ex tribunis ad bellum proficerentur, unus res Romae curaret, certamen subito inter tribunos exortum. Se quisque belli ducem potiorem ferre, curam Vrbis, ut ingratam ignobilemque, adspernari. Quum parum decorum inter conlegas certamen mirabundi Patres conspicerent, Q. Servilius, *Quando nec ordinis hujus ulla, inquit, nec rei publicae est verecundia, patria majestas altercationem istam dirimet.* Filius meus extra sortem Vrbi praeverit. Bellum utinam, qui appetunt, consideratius concordiusque, quam cipiunt, gerant.

XLVI. Delectum haberri non ex toto passim populo placuit. Decem tribus forte ductae sunt; ex his scriptos juniores duo tribuni ad bellum duxere. Coepit inter eos in Vrbe cer-

tamina cupiditate eadem imperii multo inpen-
sus in castris adcedendi: nihil sentire idem, pro-
fidentia pugnare: sua consilia velle, sua im-
peria sola rata esse: contemnere in vicem et
contemni. Donec, castigantibus legatis, tan-
dem ita comparatum est, ut alternis diebus
sumnam imperii haberent. Quae quum ad-
lata Romani essent, dicitur Q. Servilius, ae-
tate et usu doctus, precatus ab Diis inmorta-
libus, ne discordia tribunoruim damnosior rei
publicae esset, quam ad Vejos fuisse: et, vel-
ut haud dubia clade inminente, institisse filio,
ut milites scriberet et arma pararet. Nec fal-
sus vates fuit. Nam ductu L. Sergii, cuius
dies imperii erat, loco iniquo sub hostium
castris, quum, quia simulato metu receperat
se hostis ad vallum, spes vana expugnandi
castra eo traxisset, repentino inpetu Aequo-
rum per supinam vallem fusi sunt, multique
in ruina majore quam fuga obpressi obtrunca-
tique: castraque, eo die aegre retenta, poste-
ro die, circumfusis jam magna ex parte ho-
stibus, per aversam portam fuga turpi dese-
runtur. Duces legatique, et quod circa signa
robotis de exercitu fuit, Tuscum petiere.
Palati alii per agros passim multis itineribus,
majoris, quam adcepta erat, cladis nuntii Ro-
mam contenderunt. Minus trepidationis fuit,
quod eventus timori hominum congruens fue-
rat; et quod subsidia, quae respicerent in re
trepida, praeparata erant ab tribuno militum:
jussuque ejusdem, per minores magistratus se-
dato in Vrbe tumultu, speculatores propere
missi nuntiavere, Tusculi duces exercitumque
esse, hostem castra loco non movisse. Et, quod
plurimuni animorum fecit, dictator ex sena-
tus consulto dictus Q. Serylius Priscus; vir,
cujus providentiam in re publica quam multis
aliis

aliis tempestatibus ante experta civitas erat, tum eventu ejus belli, quod uni certamen tribunorum suspectum ante rem male gestam fuerat; magistro equitum creato, a quo ipse tribuno militum dictator erat dictus, filio suo, ut tradidere quidam, (nam alii Alialam Servilium magistrum equitum eo anno suisse scribunt) novo exercitu profectus ad bellum, additis qui Tusculi erant, duo millia passuum ab hoste locum castris cepit.

XLVII. Transierat ex re bene gesta superbia negligentiaque ad Aequos, quae in Romanis ducibus fuerat. Itaque primo statim proelio quum dictator equitatu inmisso antesignanos hostium turbasset, legionum inde signa inferri propere jussit, signiferumque ex suis unum cunctantem occidit. Tantus ardor ad dimicandum fuit, ut inpetum Aequi non tulerint: vietique acie quum suga effusa petissent castra, brevior tempore et certamine minor castrorum obpugnatio fuit, quam proelium fuerat. Captis direptisque castris, quum praedam dictator militi concessisset, sequutique fugientem ex castris hostem equites renuntiasserent, omnes Lavicaeos victos, magnam partem Aequorum Lavicos confusisse; postero die ad Lavicos ductus exercitus: oppidumque, corona circumdatum, scalis captum ac direptum est. Dictator, exercitu victore Romanam reducto, die octavo, quam creatus erat, magistratu se abdicavit; et obportune senatus, priusquam ab tribunis plebi agrariae seditiones, mentione inlata de agro Lavicano dividendo, fierent, censuit frequens, coloniam Lavicos deducendam. Coloni ab Urbe mille et quingenti missi bina jugera adcepérunt. Captis Lavicis, ac deinde tribunis militum consulari potestate, Agrippa Menenio Lanato,

et L. Servilio Structo, et P. Lucretio Tricipitino, iterum omnibus his, et Sp. Rutilio Crasso, et in sequente anno A. Sempronio Atratino tertium, et duobus iterum M. Papirio Mugillano, et Sp. Nautio Rutilo, biennium tranquillae externae res, discordia domi ex agrariis legibus fuit.

XLVIII. Turbatores vulgi erant Spurii Maecilius quartum et Metilius tertium tribuni plebis, ambo absentes creati. Et quum rogationem promulgassent, ut ager ex hostibus captus viritim divideretur, magna eque partis nobilium eo plebis cito publicarentur fortunae; (nec enim ferme quidquam agri, ut in Urbe alieno solo posita, non armis partum erat; nec, quod venisset ad signatum publice esset, praeterquam plebs habebat) atrox plebi Patribusque propositum videbatur certamen: nec tribuni militum, nunc in senatu, nunc in consiliis privatis principum cogendis, viam consilii inveniebant; quum Ap. Claudius, nepos ejus, qui de eenvir legibus scribendis fuerat, minimus natu ex Patrum concilio, dicitur dixisse, *Vetus se ac familiare consilium domo adferre. Pro avum enim suum Ap. Claudium ostendisse Patribus viam unam dissolvenda tribuniciae potestatis per conlegarum intercessionem.* Facile homines novos auctoritate principum de sententia deduci, si temporum interdum potius, quam majestatis, memor adhibeatur oratio. Pro fortuna illis animos esse. Vbi videant, conlegas principes agendae rei gratiam omnem ad plebem praebcupasse, nec locum in ea relictum sibi; haud gravate ad clinaturos se ad causam senatus, per quam universo ordini cum primis ribus se Patrum concilient. Adprobantibus cunctis, et ante omnes Q. Servilio Prisco, quod non degenerasset ab stirpe Claudiæ, conlaudante

te juvenem, negotium datur, ut, quos quisque posset ex conlegio tribunorum, ad intercessionem perlicerent. Misso senatu, prensantur ab principibus tribuni: suadendo, monendo, pollicendoque gratum id singulis privatim, gratum universo senatui fore, sex ad intercessionem comparavere. Posteroque die quum ex composito relatum ad senatum esset de seditione, quam Maecilius Metiliusque largitione pessimi exempli concirent; eae orationes a primoribus Patrum habitae sunt, ut pro se quisque jam nec consilium sibi subpetere diceret, nec se ullam opeū cernere aliam usquam, praeterquam in tribunio auxilio. In ejus potestatis fidem circumventam rem publicam, tamquam privatum inopem, confugere. Praeclarum ipsis potestatique esse, non ad vexandum senatum discordiamque ordinum mouendam plus in tribunatu virium esse, quam ad resistendum improbis conlegis. Fremitus deinde universi senatus ortus, quum ex omnibus partibus curiae tribuni adpellarentur: tum, silentio facto, iis, qui praeparati erant gratia principum, quam rogationem a conlegis promulgatam senatus censeat dissolvendae rei publicae esse, ei se intercessuros ostendunt. Gratiae intercessoribus ab senatu actae. Latores rogationis, concione advocata, proditoris plebis commodorum ac servos consularium adpellantes, aliaque truci oratione in conlegas invecti, actionem deposuere.

XLIX. Duo adsidua bella insequens annus habuisset, quo P. Cornelius Cossus, C. Valerius Potitus, Q. Quintius Cincinnatus, N. Fabius Vibulanus, tribuni militum consulari potestate fuerunt; ni Vejens bellum religio principum distulisset, quorum agros Tiberis, super ripas effusus, maxime ruinis villarum

vastavit. Simul Aequos triennio ante adcepta clades prohibuit Bolanis, suae gentis populo, praesidium ferre. Excursiones inde in confinem agrum Lavicanum factae erant; novisque colonis bellum inlatum. Quam noxam quum se consensu omnium Aequorum defensuros sperassent, deserti ab suis, ne memorabili quidem bello, per obsidionem levemque unam pugnam et oppidum et fines amisere. Tentatum ab L. Sextio tribuno plebis, ut rogationem ferret, qua Bolas quoque, sicut Lavicos, coloni mitterentur, per intercessionem conlegarum, qui nullum plebiscitum, nisi ex auctoritate senatus, passuros se perferri ostenderunt, discussum est. Bolis insequente anno receptis, Aequi coloniaque eo deducta novis viribus oppidum firmarunt, tribunis militum Romae consulari potestate Cn. Cornelio Cosso, L. Valerio Potito, Q. Fabio Vibulano iterum, M. Postumio Regillensi. Huic bellum adversus Aequos permisum est, pravae mentis homini; quam tamen victoria magis quam bellum ostendit. Nam exercitu in pigre scripto ductoque ad Bolas, quum levibus proeliis Aequorum animos fregisset, postremo in oppiduni intrupit. Deinde ab hostibus in cives certameu vertit: et, quum inter obpugnationem praedam militis fore edixisset, capto oppido, fidem mutavit. Eam magis adducor ut credam irae causam exercitui fuisse, quam quod in urbe nuper direpta coloniaque nova minus praedicatione tribuni praedae fuerit. Auxit eam iram, postquam, ab conlegis accessitus, propter seditiones tribunicias in Vrbem revertit, audita vox ejus in concione stolida ac prope vecors: qua Sextio tribuno plebis, legem agrariam ferenti, simul, Bolas quoque ut mitterentur coloni, laturum se dicenti, dignos enim

enim esse qui armis cepissent, eorum urbem agrumque Bolanum esse; *Malum quidem militibus meis*, inquit, *nisi quieverint*. Quod auditum non concionem magis, quam mox Patres, offendit. Et tribunus plebis, vir acer nec infacundiis, nactus inter adversarios superbum ingenium inmodicamque linguam, quam irritando agitandoque in eas impelleret voces, quae invidiae, non ipsi tantum, sed causae atque universo ordini, essent, ne minem ex conlegio tribunorum militum saepius, quam Postumium, in disceptationem trahebat. Tum vero secundum tam saevum atque inhumanum dictum, *Auditis*, inquit, *Quirites*, *sicut servis malum minantem militibus?* tamen *haec bellua dignior vobis tanto honore videbitur*, quam qui vos, urbe agrisque donatos, in colonias mittunt? qui sedem senectuti vestrae prospiciunt? qui pro vestris commodis adversus tam crudeles superbosque adversarios depugnant? *Incipite deinde mirari*, cur pauci jam vestram fusciant causam. *Quid ut a vobis sperent?* an honores, quos adversariis vestris potius, quam populi Romani propugnatoribus, datis? *Ingenitus modo*, voce hujus audita. *Quid id refert?* Jam, si suffragium detur, hunc, qui malum vobis minatur, iis, qui agros sedesque a fortunas stabilitate volunt, praferetis.

L. Perlata haec vox Postumii ad milites multo in castris majorem indignationem movit. *Praedaene interceptorem fraudatoremque etiam malum minari militibus?* Itaque quam fremitus aperte esset, et quaestor P. Sestius eadem violentia coerceri putaret seditionem posse, qua mota erat; misso ad vociferantem quemdam militem lictore, quum inde clamor et jurgium oriretur, saxe ictus turba excedit; insuper increpante, qui vulneraverat, *habere*

quaestorem, quod imperator esset militibus minatus. Ad hunc tumultu adeitus Postumius asperiora omnia fecit acerbis quaestionibus, crudelibus suppliciis. Postremo quum modum irae nullum faceret, ad vociferationem eorum, quos necari sub cruce jusserat, concursu facto, ipse ad interpellantes poenam vecors de tribunal decurrit. Ibi quum submoventes pa-
sim lictores centurionesque vexarent turbam, eo indignatio erupit, ut tribunus militum ab exercitu suo lapidibus cooperiretur. Quod tam atrox facinus postquam est Romam nuntiatum, tribunis militum de morte conlegae per senatum quaestiones decernentibus, tri-
buni plebis intercedebant. Sed ea contentio ex certamine alio pendebat; quod cura inces-
serat Patres, ne metu quaestionum plebs ira-
que tribunos militum ex plebe crearet: ten-
deabantque summa ope, ut consules crearen-
tur. Quum senatus consultum fieri tribuni
plebis non paterentur, iidem intercederent
consularibus comitiis, res ad interregnū re-
diit. Victoria deinde penes Patres fuit.

LI. Q. Fabio Vibulano interrege comitia
habente, consules creati sunt A. Cornelius
Cossus, L. Furius Medullinus. His consuli-
bus principio anni senatus consultum factum
est, ut de quaestione Postumianae caedis tri-
buni primo quoque tempore ad plebem fer-
rent; plebesque praeficeret quaestioni, quem
vellet. A plebe consensu populi consulibus
negotium mandatur. Qui, summa moderata-
tione ac lenitate per paucorum supplicium,
quos sibimet ipsos conseisse mortem satis cre-
ditum est, transacta re, nequivere tamen con-
sequi, ut non aegerrime id plebs ferret. Ja-
cere tamdiu inritas sanctiones, quae de suis
commodis ferrentur: quum interim de sanguine
et

et suppicio suo latam legem confestim exerceri, et tantam vim habere. Aptissimum tempus erat, vindicatis seditionibus, dieulementum animis Bolani agri divisionem objici: quo facto minuissent desiderium agrariae legis, quae possesto per injuriam agro publico Patres pellebat. Tunc haec ipsa indignitas augebat animos, non in retinendis modo publicis agris, quos vi teneret, pertinacem nobilitatem esse; sed ne vacuuni quidem agrum, nuper ex hostibus captum, plebi dividere; mox paucis, ut cetera, futurum praedae. Eodem anno adversus Volscos, populantes Hernicorum fines, legiones ductae a Furio consule, quum hostem ibi non invenissent, Ferentinum, quo magna multitudo Volscorum se contulerat, cepere. Minus praedae, quam speraverant, fuit: quod Volsci, postquam spes tuendi exigua erat, sublatis rebus, nocte oppidum reliquerunt. Postero die prope desertum capitur. Hernicis ipse ager dono datus.

LII. Annum modestia tribunorum quietum exceptit tribunus plebis L. Icilius, Q. Fabio Ambusto, C. Furio Pacilo consulibus. Is quum principio statim anni, velut pensum nominis familiaeque, seditiones agrariis legibus promulgandis cieret; pestilentia coorta, minorior tamen quam perniciosior, cogitationes hominum a foro certaniibusque publicis ad domum curamque corporum nutriendorum avertit. Minusque eam damnosani fuisse, quam seditio futura fuerit, credunt. Defuncta civitate plurimorum morbis, perpaucis funeribus, pestilentem annum inopia frugum, neglecto cultu agrorum, (ut plerumque sit) exceptit, M. Papirio Atratino, C. Nautio Rutilo consulibus. Jam fames, quam pestilentia, tristior erat; ni, dimissis circa omnes populos

Iega-

legatis, qui Etruscum mare, quique Tiberim adcolunt, ad frumentum mercandum, auno-nae foret subventum. Superbe ab Samnitibus, qui Capuam habebant Cumasque, legati prohibiti commercio sunt: contra ea benigne ab Siculorum tyraunis adjuti. Maximos com-meatus summo Etruriae studio Tiberis devexit. Solitudinem in civitate aegra experti consules sunt: quum, iu legationes non plus singulis senatoribus invenientes, coacti sunt binos equites adjicere. Praeterquam ab morbo annonaque, nihil eo biennio intestini externive in-commodi fuit. At ubi hae sollicitudines dis-cessere, omnia, quibus turbari solita erat ci-vitas, domi discordia, foris bellum exortum.

LIII. M'. Aemilio, C. Valerio Potito consulibus, bellum Aequi parabant: Velscis, quamquam non publico consilio, capeſſentibus arma, voluntariis mercede ſequutis militiam. Ad quorū famam hostium (jam enim in Latinum Hernicumque tranſcenderant agrum) delectum habentem Valerium conſulem M. Maenius tribunus plebis, legis agrariae lator, quum impeditret, auxilioque tribuni nemo in-vitus ſacramento diceret; repente nunciatur, arcem Carventanam ab hostibus occupatam eſſe. Ea ignominia adcepta quum apud Pa-tres invidiae Maenio fuit, tum ceteris tribu-nis, jam ante praeparatis intercessoribus legis agrariae, praebuit justiorem cauſam reſiftendi conlegae. Itaque quum res diu ducta per al-tercationem eſſet; consulibus Deos homines-que teſtantibus, *quidquid ab hostibus cladi ignominiaeque aut jam adcepturn eſſet aut ini-mineret, culpam penes Maenium fore, qui de-lectum impeditret;* Maenio contra vociferante, *ſi injuſti domini poſſeſſione agri publici cederent, ſe moram delectui non facere;* decreto interpo-lito,

sito, novem tribuni sustulerunt certamen; pronuntiaveruntque ex conlegii sententia, *C. Valerio consuli se, damnum aliamque coercitionem, adversus intercessionem conlegae, delectus causa detrectantibus militiam inhibenti, auxilio futuros esse.* Hoc decreto consul armatus quum paucis, adpellantibus tribunum, collum torisset, metu ceteri sacramento dixere. Ductus exercitus ad Carventanam arcem, quamquam invisus infestusque consuli erat, impigre primo statim adventu, dejectis qui in praesidio erant, arcem recipit. Praedatores, ex praesidio per neglegentiam dilabsi, occasionem aperuere ad invadendum. Praedae ex adfudis populationibus, quod omnia in locum tutum congesta erant, fuit aliquantum. Venditum sub hasta consul in aerarium redigere quaestores jussit; tum praedicans participem praedae fore exercitum, quum militiam non abnuisset. Auctae inde plebis ac militum in consulem irae. Itaque, quin ex senatus consulto Vrbem ovans introiret, alternis inconditi versus militari licentia jactati: quibus consul increpitus, Maenii celebre nomen laudibus fuit, quum ad omniem mentionem tribuni favor circumstantis populi plausuque et ad cenfu cum vocibus militum certaret. Plusque ea res, quam prope sollemnis militum lascivia in consulem, curae Patribus injecit. Et tamquam haud dubius inter tribunos militum honos Maenii, si peteret, consularibus comitiis est exclusus.

LIV. Creati consules sunt *Cn. Cornelius Cossus, L. Furius Medullinus* iterum. Non alias aegrius plebs tulit, tribunicia sibi comitia non commissa. Eum dolorem quaestoriis comitiis simul ostendit, et ulta est, tunc primum plebejis quaestoribus creatis: ita ut, in qua-

quatuor ereandis, uni patreio K. Fabio Ambusto relinqueretur locus; tres plebeji, Q. Silius, P. Aelius, P. Pupius clarissimarum familiarum juvenibus praeferrentur. Auctores fuisse tam liberi populo subfragii Icilios adcepio, ex familia infestissima Patribus tres in eum annum tribunos plebis creatos, multarum magnarumque rerum molem avidissimo adeo populo ostentantes: quum adfirmassent, nihil se moturos, si ne quaestoriis quidem comitiis, quae sola promiseua plebi Patribusque reliquisset senatus, satis animi populo esset ad id, quod tamdiu vellent; et per leges liceret. Pro ingenti itaque victoria id fuit plebi: quaesturamque eam non honoris ipsius fine aestimabant; sed patefactus ad consulatum ac triumphos locus novis hominibus videbatur. Patres contra non pro communieatis, sed pro amissis honoribus, tremere; negare, *Si ea ita sint, liberos tollendos esse: qui pulsi majorum loco, cernentesque alios in possessione dignitatis suae, Salii Flaminesque nusquam alio, quam ad sacrificandum pro populo, sine imperiis ac potestatibus relinquuntur.* Inritatis utriusque partis animis, quum et spiritus plebes suinsisset, et tres ad popularem causam celeberrimi nominis haberet duces; Patres omnia quaestoriis comitiis, ubi utrumque plebi liceret, similia fore cernentes, tendere ad consulum comitia, quae nondum promiscua essent. Iciliii contra tribunos militum creandos dicere, et tandem aliquando in partiendo plebi honores.

LV. Sed nulla erat consularis actio, quam impediendo id, quod petebant, exprimerent: quum mira obportunitate, Volscos et Aequos praedatum extra fines exisse in agrum Latinum Hernicumque, adseritur. Ad quod bellum ubi ex senatus consulto consules delectum habe-

habere obcipiunt; obstante tunc enixe tribuni, sibi plebique eam fortunam oblatam memorantes. Tres erant, et omnes accerrimi viri, generosique jam, ut inter plebejos. Duo, singuli singulos, sibi consules adservandos adfida opera defumunt: uni concionibus data nunc detinenda, nunc concienda, plebs. Nec delectum consules, nec comitia, quae petebant, tribuni expeditiebant. Inclinante deinde se fortuna ad causam plebis, nuntii veniunt, arcem Carventanam, dilabitis ad praedam militibus, qui in praesidio erant, Aequos, interfectis paucis custodibus arcis, invasisse. Alios recurrentes in arcem, alios palantes in agris caefos. Ea adversa civitati res vires tribuniciae actioni adjecit. Nequidquam enim tentati, ut dum denique desisterent impediendo bello, postquam non cessere nec publicae tempestati, nec suae invidiae, pervincunt, ut senatus consultum fiat de tribunis militum creandis: certo tamen pacto, ne cuius ratio haberetur, qui eo anno tribunus plebis esset: neve quis reficeretur in annum tribunus plebis; haud dubie Icilios denotante senatu, quos mercedem fuditiosi tribunatus petere consulatum insimilabant. Tum delectus haberi, bellumque omnium ordinum consensu adparari coepit. Consales ambo proiecti sint ad arcem Carventanam, an alter ad comitia habenda substiterit, incertum diversi auctores faciunt: illa pro certo habenda, in quibus non disentiunt, ab arce Carventana quin diu nequidquam obpugnata esset, recessum: Verrugine in Volscis eodem exercitu receptam, populationesque et praedas et in Aquis et in Volso agro ingentes factas.

LVI. Romae sicut plebis victoria fuit in eo, ut, quae malling, comitia haberent: ita

eventu comitiorum Patres vicere. Namque tribuni militum consulari potestate contra spem omnium tres patricii creati sunt, C. Julius Julius, P. Cornelius Cossus, C. Servilius Ahala. Artem adhibitam ferunt a patriciis, (cujus eos Icilii tum quoque insimilabant) quod turbam indignorum candidatorum intermiscentem dignis, taedio sordinem in quibusdam insignium, populum a plebejis avertissent. Volscos deinde et Aequos, seu Carventana arx retenta in spem, seu Verragine amissum praesidium ad iram compulisset, fama adfertur summa vi ad bellum coortos: caput rerum Antiates esse: eorum legatos utriusque gentis populos circumisse, castigantes ignayiam, quod, abditi intra muros, populabundos in agris vagari Romanos priore anno, et obprimi Verruginis praesidium, passi essent. Jam non exercitus modo armatos, sed colonias etiam, in suos fines mitti: nec ipfos modo Romanos sua diversa habere, sed Ferentinum etiam de se captum Hernieis donasse. Ad haec quum inflammarentur animi, ut ad quosque ventum erat, numerus juniorum conseribebatur. Ita omnium populorum juventus Antium contracta, ibi calbris positis hostem opperiebantur. Quae ubi tumultu majore etiam, quam res erat, inveniantur Romam, senatus extenipo (quod in rebus trepidis ultimum consilium erat) dictatorein dici jussit. Quam rem aegre passos Julium Corueliumque ferunt; magnoque certamine animorum rem actam: quum primores Patrum, nequidquam conquesti, non esse in auctoritate senatus tribunos militum, postremo etiam tribunos plebei adpellarent, et consulibus quoque ab ea potestate vim super tali re inhibitam referrent: tribuni plebei, laeti discordia Patrum, nihil esse in his auxi-

lii dicerent, qui non ciuum, non denique hominum numero essent; si quando promiscui honores, communicata res publica esset, tum se animadversuros, ne qua, superbia magistratum, irrita senatus consulta essent; interim patricii, soluti legum magistratumque verecundia, per se quoque tribuniciam potestatem agerent.

LVII. Haec contentio minime idoneo tempore, quum tantum belli in manibus esset, occupaverat cogitationes hominum donec, ubi diu alternis Julius Corneliusque, quum ad id bellum ipsi satis idonei duces essent, non esse aequum, mandatum sibi a populo eripi honorem, disseruere; tum Aliala Servilius tribunus militum, Tacuisse se tamdiu, ait, non quia incertus sententiae fuerit; (quem enim bonum civem secernere sua a publicis consilia?) sed quia maluerit, conlegas sua sponte cedere auctoritati senatus, quam tribuniciam potestatem adversus se implorari paterentur. Tum quoque, si res sueret, libenter se daturum tempus iis fuisse ad receptum nimis pertinacis sententiae. Sed, quum belli necessitates non exspectent humana consilia, potiorem sibi conlegarum gratia rem publicam fore: et, si maneat in sententia senatus, dictatorem nocte proxima dicturum: ac, si quis intercedat senatus consulto, auctoritate se fore contentum. Quo facto quum haud inmeritam laudem gratiamque apud omnes tulisset, dictatore P. Cornelio dicto, ipse ab eo magister equitum creatus exemplo fuit conlegas eumque intuentibus, quam gratia atque honos opportuniora interdum non cupientibus essent. Bellum haud memorabile fuit. Vno atque eo facili proelio caesi ad Antium hostes. Victor exercitus depopulatus Volscum agrum. Castellum ad lacum Fucinum vi expugnatum:

atque in eo tria millia hominum capta, ceteris Volscis intra moenia compulsis, nec defendantibus agros. Dictator, bello ita gesto, ut tantum non defuisse fortunae videretur, felicitate, quam gloria, major in Urbem rediit, magistratuque se abdicavit. Tribuni militum, mentione nulla comitiorum consularium habita, (credo ob iram dictatoris creati) tribunorum militum comitia edixerunt. Tum vero gravior cura Patribus incessit; quippe quum prodi causam ab suis cernerent. Itaque sicut priore anno per indignissimos ex plebejis candidatos omnium, etiam dignorum, taedium fecerant; sic tum, primoribus Patrum splendore gratiaque ad petendum praeparatis, omnia loca obtinuere; ne cui plebejo aditus esset. Quatuor creati sunt, omnes jam functi eo honore, L. Furius Medullinus, C. Varius Potitus, N. Fabius Vibulanus, C. Servilius Ahala. Hic refectus continuato honore, quum ob alias virtutes, tum ob recentem favorem unica moderatione partum.

LVIII. Eo anno, quia tempus induciarum cum Vejenti populo exierat, per legatos festialesque res repeti coepit. Quibus venientibus ad finem legatio Vejentium obviam fuit. Petiere, ne prius, quam ipsi senatum Romanum adissent, Vejos iretur. Ab senatu impetratum, quia discordia intestina laborarent Vejentes, ne res ab iis repeterentur. Tantum astitit, ut ex incommmodo alieno sua occasio peteretur. Et in Volscis adcepit clades, amillo Verragine praesidio. Vbi tantum in tempore fuit momenti, ut, quum precantibus opem militibus, qui ibi a Volscis obsidebantur, subcurri, si maturatum esset, potuisset, ad id venerit exercitus subfido missus, ut ab recenti caede palati ad praedandum hostes obpri-

obprimerentur. Tarditatis causa in senatu magis fuit, quam in tribunis: qui, quia summa vi restare nunciabantur, parum cogitaverunt, nulla virtute superari humanarum virium modum. Fortissimi milites non tamen, nec vivi, nec post mortem, inulti fuere. In sequenti anno, P. et Cn. Cornelii Cossis, N. Fabio Ambusto, L. Valerio Potito, tribunis militum consulari potestate, Vejens bellum motum ob superbum responsum Vejentis senatus; qui legatis repetentibus res, ni faceſſerent propere urbe finibusque, datus, quod Lars Tolumnius dediſſet, responderi jussit. Id Patres aegre paſſi decrevere, ut tribuni militum de bello indicendo Vejentibus primo quoque die ad populum ferrent. Quod ubi primo promulgatum est, fremere juventus, Non-dum debellatum cum Volscis esse: modo duo praefidia obcidione obciſa, et cum periculo retineri. Nullum annum esse, quo non acie dimetur: et, tamquam poeniteat laboris, novum bellum cum ſinitimo populo et potentifffimo parari, qui omnem Etruriam fit concitaturus. Haec sua ſponte agitata. Infuper tribuni plebis adcedunt: Maximum bellum Patribus cum plebe eſſe dictitant: eam de induſtria vexandam militia trucidandamque hoflibus objici: eam procul Vrbe haberi atque ablegari, ne domi per otium memor libertatis coloniarumque, aut agri publici, aut ſubfragii libere ferendi confilia agitet: prenſantesque veteranos, ſtipendia cujuſque et vulnera ac cicatrices numerabant: quid jam integri eſſe in corpore loci ad nova vulnera adcipienda? quid ſuper ſanguinis, qui dari pro re publica poſſet? rogitantes. Haec quum in ferinouibus concionibusque interdum agitantes avertiſſent plebem ab fuscipiendo bello, profertur tempus ferundae legis; quam,

si subjecta invidiae esset, antiquari adparebat.

LIX. Interim tribunos militum in Volscum agrum ducere exercitum placuit. Cn. Cornelius unus Romae relictus. Tres tribuni, postquam nullo loco castra Volscorum esse, nec commissuros se proelio adparuit, tripartito ad devastandos fines discessere. Valerius Antium petit, Cornelius Ecetras: quacumque incessere, late populati sunt tecta agrosque, ut distinerent Volscos: Fabius, quod maxime petebatur, ad Anxur obpugnandum sine ulla populatione adcessit. Anxur fuit, quae nunc Tarracinae sunt; urbs prona in paludes. Ab ea parte Fabius obpugnationem ostendit. Circummissae quatuor cohortes cum C. Servilio Ahala quum inminentem urbi collem cepissent; ex loco altiore, qua nullum erat praefidium, ingenti clamore ac tumultu moenia invasere. Ad quem tumultum obstupefacti, qui adversus Fabium urbem insimam: tuebantur, locum dedere scalas admovendi; plena- que hostium cuncta erant, et inmitis diu cædes pariter fugientium ac resistentium armatorum atque inermium fuit. Cogebantur itaque victi, quia cedentibus spei nihil erat, pugnam inire: quum pronunciatum repente, ne quis practer armatos violaretur, reliquam omnem multitudinem voluntariam exsult armis: quorum ad duo millia et quingenti vivi capiuntur. A cetera praeda Fabius militem abstinuit, donec conlegae venirent: ab illis quoque exercitibus captum Anxur dictitans esse, qui ceteros Volscos a praesidio ejus loci avertissent. Qui ubi venerunt, oppidum vetera fortuna opulentum tres exercitus diripuerere. Eaque primum benignitas imperatorum plebem Patribus conciliavit. Additum deinde

de omnium maxime tempestivo principum in multitudinem munere, ut ante mentionem ullam plebis tribunorumque decerneret senatus, ut stipendium miles de publico adcepisset, quum ante id tempus de suo quisque functus eo munere esset.

LX. Nihil adcepsum umquam a plebe tanto gaudio traditur. Concursum itaque ad curiam esse, prensatasque exentum manus, et Patres vere appellatos; effectum esse fatentibus, ut nemo pro tam munifica patria, donec quidquam virium superesset, corpori aut sanguini suo parceret. Quum comoditas juaret, rem familiarem saltem adquiescere contempore, quo corpus addictum atque operatum rei publicae esset, tum, quod ultiro sibi oblatum esset, non a tribunis plebis umquam agitatum, non suis sermonibus efflagitatum, id efficiebat multiplex gaudium cumulatoremque gratiam rei. Tribuni plebis, communis ordinum laetitiae concordiaeque soli expertes, negare, *Tam id laetum Patribus universis nec prosperum fore, quam ipsi crederent.* *Confidit specie prima melius fuisse, quam usu adparitum.* *Vnde enim eam pecuniam confici posse, nisi tributo populo indicto? ex alieno igitur aliis largitos.* Neque, id etiam si ceteri ferant, passuros eos, quibus jam emerita stipendia essent, meliore conditione alios militare, quam ipsi militassent; et eosdem in sua stipendia in pensas fecisse, et in aliorum facere. His vocibus moverunt partem plebis. Postremo, indicto jam tributo, edixerunt etiam tribuni, auxilio se futuros, si quis in militare stipendum tributum non contulisset. Patres bene coeptam rem perseveranter tueri: conferre ipsi primi: et, quia nondum argentum signatum rat, aes grave plaustris quidem ad aerarium

rium convehentes, speciosam etiam conlationem faciebant. Quum senatus summa fide ex censu contulisset, primores plebis, nobilium amici, ex composito conferre incipiunt. Quos quum et a latribus conlaudari, et a militari aestate tamquam bonos cives conspici vulgus hominum vidi, repente, spreto tribunicio auxilio, certamen conferendi est ortum. Et, lege perlata de indicendo Vejentibus bello, exercitum magna ex parte voluntarium novi tribuni militum consulari potestate Vejos duxere.

LXI. Fuere autem tribuni T. Quintius Capitolinus, Q. Quintius Cincinnatus, C. Julius Julius iterum, A. Manlius, L. Furius Medullinus tertium, M'. Aemilius Mamercinus. Ab his primum circumfessi Veji sunt; sub cuius initium obsidionis quum Etruscorum concilium ad fanum Voltumnae frequenter habitum esset, parum constitit, bellone publico gentis universae tuendi Vejentes essent. Ea obpugnatio segnior insequenti anno fuit, parte tribunorum exercitusque ad Volscum avocata bellum. Tribunos militum consulari potestate is annus habuit C. Valerium Potitum tertium, M'. Sergium Fidenatem, P. Cornelium Maluginensem, Cn. Cornelium Cossum, K. Fabium Ambustum, Sp. Nautium Rutilum iterum. Cum Volscis inter Ferentinum atque Ecetram signis conlatis dimicatum. Romanis fecunda fortuna pugnae fuit. Artena inde, Volscorum oppidum, ab tribunis obsideri coepit. Inde inter eruptionem tentatam, compulso in urbem hoste, occasio data est Romanis iirumpendi. Praeterque arcem cetera capta. In arcem munitam natura globus armatorum concessit. Infra arcem caesi captique multi mortales. Arx deinde obsidebatur: nec aut

vi capi poterat, quia pro spatio loci satis praesidii habebat; aut spem dabat deditiois, omni publico frumento, priusquam urbs caperetur, in arcem convecto. Taedioque recessum inde foret, ni servus arcem Romanis prodidisset. Ab eo milites per locum arduum adcepit cespere. A quibus quum custodes trucidarentur, cetera multitudo, repentina pavore oppressa, in ditionem venit. Diruta et arce et urbe Artena, reductae legiones ex Volscis omnisque vis Romana Vejos conversa est. Proditori, praeter libertatem, duarum familiarum bona in praemium data. Servius Romanus vocitatus. Sunty qui Artenam 'Vejentium', non Volscorum, fuisse credant. Praebet errorem, quod ejusdem nominis urbs inter Caere atque Vejos fuit: sed eam reges Romani delevere, Caeretumque, non Vejentium, fuerat. Altera haec nomine eodem in Volsco agro fuit, cuius excidium est dictum.

**T. LIVII PATAVINI
LIBER.**

B R E V I A R I V M .

CAP. I. Octo creantur tribuni mil. cons. pot., et rex a Vejentibus. His auxilium negatur ab Etruriae populis, ob odium non modo regni, et regis ipsius, hominis superbi et crudelis. 2. Hibernacula ad Vejos. Hinc tribuniciae seditiones. 3 - 6. Eas comprimit Ap. Claudius Crassus trib. mil. c. p. scita oratione. 7. Iucundum haurit opera Rom. ad Vejos. Omnes, quibus census equester est, equis se suis stipendia facturos promittunt. Quo exemplo incitata plebs operam reip. extra ordinem pollicetur. Publica laetitia. Fit S CTum, ut omnibus his publice agantur gratiae et aera procedant voluntariam extra ordinem professis militiam. Et equiti certus aeris numerus adsignatur. 8. Praesidium Anxuri obpresso. Discordia dum Rom. in castris, ad Vejos positis. Bellum austum adventu Capenatium Faliscorumque. Castra minora obpugnantur, et neque L. Virginius, qui majoribus praefest, auxilium sponte mittit M'. Sergio, ob privatum odium, neque hic opem ab inimico petit. Sergius cum multis Romam pertendit, quo et Virginius adicitur. 9. Tribuni m. c. p. ante Idus Dec. abdicare se magistratu, et alii jam Kal. Oct. cum obcipere juben-

jubentur. 10. Tributum, quod cum numero militum crescit, inviti conferunt, qui domi remanent Urbemque tinentur. Inde conciones seditionae tribunorum pl. Horum numerus comitiis exempli nequit, et cooptatione, patriciorum opibus adjuta, lex Trebonia labefactatur. 11. Inde ira plebis et Cn. Trebonii trib. pl. Ea veritetur in Sergium Virginiumque, qui adcausantur, 12. damnanturque. Bellum multiplex, ad Vejos, ad Capenam, in Faliscis et in Volscis, ubi Anxur, nequidquam obpugnatum, obsidetur. Tributum conferri vetant tribuni, et miles flagitat aera. Tandem concordia ordinum restituitur, uno ex plebe, usurpandi juris causa, P. Licinio Calvo tribuno mil. conf. pot. creato. 13. Auxilium receptum. Proximis comitiis tribunorum mil. c. p. unus ex patriciis candidatis locum tenet, et V plebejos centuriae dicunt. Triitem hiemem pestilens excipit aesias. Lectisternium primum. Auceps ad Vejos proelium, et ingens hosium caedes. 14. Ob religionem maiestatemque potentium patricii creantur tribuni mil. c. p. L. Valerius Potitus a Faleriis, et M. Furius Camillus a Capena ingentes agunt praedas. 15. Prodigia. Lacus Albanus in altitudinem insolitam crescit, et haruspex Etruscus vaticinantis in modum canit, Romanum Vejus non potiturum, nisi aqua ex lacu emissâ. 16. Tarquinenses novi hostes exorti. Multiplex bellum et certamina Patrum plebisque. Sors oraculi Delphici, congruens responso Etrusci vatis. 17. Prodigii Albani procuratio. Magistratus vitio creati honore abeunt. Interregnum. Concilia Etruriae ad Voltumnae fanum. 18. Tribunatus militum P. Licinio Calvo, exactae aetatis viro, iterum obfertur, eoque rogante, datur filio. Titinius Gemmeiusque, conlegae ejus,

a Faliscis et Capenatibus in insidias trahuntur, et hic perit. Multiplex rei fama, ingensque terror Romae et in castris ad Vejos.

19. *Ludis Latinisque instauratis, et aqua ex lacu Albano emissâ in agros, M. Furius Camillus dictator dicitur. Is Faliscos Capenatesque fundit, et cuniculum agit in arcem Vejorum.* 20. *Quum jam in manibus videt victoriam esse, per literas ex senatu quaerit, quid de praeda faciendum censeant.* 21. *Excidium Vejorum, urbis opulentissimae et X annos obfessae.* 22. *Libera corpora venduntur sub corona, eaque sola pecunia in publicum redigitur, haud sine ira plebis. Praeter alios deos Juno Regina Romanam deportatur.* 23. *Subplicationes in quadratum decretae. Splendidus dictatoris triumphus. Templum Junonis Reginae in Aventino locatum dedicatumque Matutae matris. Decuma praedae pars, a Camillo Apollini vota, in publicum deferenda censetur. Ea quoque collatio plebis animos a Camillo alienat.* 24. *Capenatibus subactis in Faliscis bellum restat, Tribuni pl. suadent, ut Vejos non tam colonia deducatur, quam pars populi aut omnes adeo transmigrent. Optimates adversantur.* 25. *Camillo pontificibusque auctoribus urbs et ager Vejentium aequaliter aequaliter, et decimae partis pretium ex aerario promendum censetur. Ob inopiam ejus matronae conferunt aurum et ornamenta sua. His inde honor habetur, ut pilento ad sacra ludosque, carpento festo profestoque die utantur. Cratera aurea donum Apollini portatur Delphos. Tribuni pl. incitant multitudinem in principes et ante alios in Camillum.*

26. *Camillus Faliscorum castra capit et ob-sidet urbem.* 27. *Principum liberis, a magistro suo in castra Rom. perductis, proditorem tradit denu-*

*denudatum simulque virgas, quibus eum Fale-
rios agant verberantes. Talis fides et iusititia
Falicorum deditio[n]em efficit.* 28. *Legati, Del-
phos cum dono missi, a piratis Liparensum ex-
cipiuntur, sed a Timasitheo, eorum principe,
cum praesidio navium Delphos indeque Romam
deducuntur. In Aequis varie pugnatur ducibus
C. Aemilio et Sp. Postumio: sed postremo ab
h[oc] exercitus hostium deletur.* 29. *L. Lucre-
tius Flavus cos. vincit Aequos, qui Vitelliam
expugnaverant. A. Virginius et Q. Pompo-
nius, tribuni pl. biennii superioris, qui, grati-
ficantes Patribus, rogationi conlegarum inter-
cesserant, rei condemnantur. Inde Camillus et
plebem increpat et consules.* 30. *Idem senatum
incitat adversus rogationem, a tribunis pl. la-
tam, ut Vejos commigraretur. Ea antiquatur
et agri Vejentani septena jugera dividuntur
plebi.* 31. *Ludi magni et dedicatio aedis Juno-
nis Reginae. Bellum cum Aequis gesum, indi-
ctumque Volsinienibus et Salpinatibus. Fames
et pestilentia. Moritur C. Julius censor, eique
subficitur M. Cornelius. Id postea religioni fuit,
quia eo lustro Roma est capta: nec deinde um-
quam in demortui locum censor subficitur.* 32.
*Volsinientium fuga et deditio. Praedae ex Sal-
pinati agro actae. Vox divinitus missa de ad-
ventu Gallorum, et a M. Caedicio, homine de
plebe, noctu audita. Camillus ab L. Apulejo
trib. pl. propter praedam Vejentanam adcausa-
tur, et in exsilio abit.*

33. *Legati Clusini Romam veniunt, auxi-
lium petentes adversus Gallos. Antiquiora Gal-
lorum bella cum Etruscis. Horum opes late
olim terra marique patent[es].* 34. *Populi Gal-
liae variis temporibus Alpes transgressi, ducibus
potissimum Belloveso 35. et Elitoviō. Senones
Clu-*

*Clusium obpugnant, et legati ad eos Romani
mittuntur, tres M. Fabii Ambusti filii.* 36.
*Praeferoceſ juvenes minis adcedunt Gallorum
animos, et mox contra jus gentium ante signa
Etruscorum pugnant. Hinc Galli Romanum mit-
tunt legatos postulatum, ut Fabii dedantur.*
*Ibi vero plus gratia atque opes valent, et, quo-
rum de poena agebatur, tribuni mil. c. p. crea-
tur.* 37. *Romani negligenter parant bellum, et
Galli, flagrantes ira, citato agnine Romanam
contendunt.* 38. *Pugna ad Alliam fl. in qua
nihil simile Romanis, non apud duces, non apud
milites est. Vincuntur a Brenno, et plurimi
Vejos perfugiunt, quorum multi caeduntur circa
ripam Tiberis et gurgitibus ejus hauriuntur.* 39.
*Senones, spoliis caeſorum lectis, inter Romani
atque Anienem confidunt. Romani in Urbe pa-
vent, et militaris juventus in Capitolium conce-
dit.* 40. *Multi Janiculum, agros et urbes fini-
timas petunt. Virgines Vesiales aliique sacer-
dotes Romam deferunt, et a L. Albinio Caere
pervehuntur.* 41. *Galli Urbem diripiunt, et se-
niiores, in medio aedium sedentes, trucidant.*
42. *Juventus Rom. adtonita in arce audit ho-
stium clamorem, mulierum puerorumque plora-
tum, ignis late vagantis sonitum et fragorem
ruentium tectorum.* 43. *Hosties, impetum in ar-
cem facientes, strage ac ruina funduntur, et
inde obsidionem parant.* Pars per finitimos
praedantur populos, et quosdam fortuna ipsa
ducit Ardeam, ubi Camillus exsulat. 44. *Is
Ardeates incitat ad obprimendos populatores
agri sui.* 45. *Strages Gallorum in Ardeati An-
tiatique, et Tuscorum in Vejenti agro.* 46. *C.
Fabius Dorso, de Capitolio per medias hostium
stationes degressus, in Quirinali colle facit sta-
tum Fabiae gentis sacrificium, et ad suos re-
dit,*

dit. Romani palantes conveniunt Vejos et arcessunt Camillum. Is, consulo ante senatu Rom. per Pontium Cominium, qui in Capitolium evaserat, dictator absens dicitur. 47. Capitolium, quod Galli noctu adscendunt, clangore auferum et virtute M. Manlii servatur. Is donatur farre vinoque; et vigiles puniuntur. 48. Fames et pestilentia. Busta Gallica. Panes de Capitolio jactati in hostium stationes. Extrema fames. Pactio Romanorum cum Gallis. 49. Dictatoris adventus, duplex in Urbe viaque Gabina victoria, et triumphus. 50. Fana restituta, terminata, expiata. Hospitium cum Caelestibus publice factum. Ludi Capitolini. Templum Aii Locutii. Aurum, quod Gallis ereptum erat, sub Jovis sella ponì jussum. Matronis auri conlati causa gratiae actae et solennis post mortem laudatio decreta. 51 — 54. Camillus dissuadet actionem tribuniciam Vejos transmigrandi. 55. Movetur plebs tum oratione Camilli, maxime ea, quae ad religiones pertinebat, tum omni vocis, emissae a centurione, qui; cohortibus ex praesidiis forum transcurribus, in comitio exclamaverat: Signifer, statue signum! hic manebimus optime. Urbs promiscue et festinanter aedificari coepit.

Pace alibi parta, Romani Vejique in armis erant tanta ira odioque, ut victis finem adesse adpareret. Comitia utriusque populi longe diversa ratione facta sunt. Romani auxere tribunorum militum consulari potestate numerum. Octo, quot numquam antea, creati, M'. Aemilius Mamercinus iterum, L. Vale-

lerius Potitus tertium, Ap. Claudius Crassus, M. Quinctilius Varus, L. Julius Julus, M. Postumius, M. Furius Camillus, M. Postumius Albinus. Vejentes contra taedio annuae ambitionis, quae interdum discordiarum causa erat, regem creavere. Obfendit ea res populorum Etruriae animos, non majore odio regni, quam ipsis regis. Gravis jam is ante genti fuerat opibus superbiaque, quia solemnia ludorum, quos intermitti nefas est, violenter diremisset: quum ob iram repulsae, quod subfragio duodecim populorum alius sacerdos ei praelatus esset, artifices, quorum magna pars ipsius servi erant, ex medio ludicro repente abduxit. Gens itaque, ante omnes alias eo magis dedita religionibus, quod excelleret arte colendi eas, auxilium Vejentibus negandum, donec sub rege essent, decrevit. Cujus decreti subpressa fama est Vejis propter metum regis; qui, a quo tale quid dictum referretur, pro feditionis eum principe, non vani sermonis auctorem, habebat. Romanis eti quietae res ex Etruria nuntiabantur, tamen, quia omnibus conciliis eam rem agitari adferrebatur, ita muniebant, ut ancipitia munimenta essent: alia in urbem et contra oppidorum eruptiones versa: aliis frons in Etruriam spectans auxiliis, si qua forte inde venirent, obstruebatur.

II. Quum spes major imperatoribus Romanis in obsidione, quam in obpugnatione, esset; hibernacula etiam, res nova militi Romano, aedificari coepit: consiliumque erat, hyemando continuare bellum. Quod postquam tribunis plebis, jam diu nullam novandi res causam invenientibus, Romam est adlatum, in concessionem profiliunt, sollicitant plebis animos, *Hoc illud esse dictitantes, quod aera militi-*

litibus sint constituta: nec se fefelleret, id domum iuimicorum veneno iulitum fore. Venisse libertatem plebis: remotam in perpetuum et allegatam ab Urbe et ab re publica juventutem, jam ne hyem quidem aut tempori anni cedere, ac domos et res invisere suas. Quam putarent continuatae militiae causam esse? nullam profecto aliam inventuros, quam ne quid per frequentiam juvenum eorum, in quibus vires omnes plebis essent, agi de commodis eorum posset. Vexari praeterea et subigi multo acrius, quam Vejentes. Quippe illos hyemem sub tectis suis agere, egregiis muris situque naturali urbem tutantes: militem Romanum in opere ac labore, nivibus pruinisque obrutum, sub pellibus dura-re, ne hyemis quidem spatio, quae omnium bellorum terra marique sit quies, arma deponen-tem. Hoc neque reges, neque ante tribuniciam potestatem creatam superbos illos consules, neque triste dictatoris imperium, neque importunos decemviro in junxisse servitutis, ut perenniem militiam facerent, quod tribuui militum in plebe Romana regnum exercerent. Quidnam illi consules dictatoresve facturi essent, qui proconsularem imaginem tam saevam ac trucem fecerint? Sed id adcidere haud in merito. Non fuisse ne in octo quidem tribunis militum locum ulli plebejo. Antea tria loca cum contentione summa patricios explere solitos: nunc jam octojuges ad imperia obtinenda ire; et ne in turba quidem haerere plebejum quemquam, qui, si nihil aliud, admoneat conlegas, liberos et cives eorum, non servos, militare, quos hyeme saltum in domos ac tecta reduci oporteat, et aliquo tempore anni parentes liberosque ac conjuges invisere, et usurpare libertatem, et creare magistratus. Haec taliaque vociferantes adverfa-rium

rium haud inparem nacti sunt Ap. Claudium, relictum a conlegis ad tribunicias seditiones comprimendas; virum inbutum jam ab juvena certaminibus plebejis: quem auctorem aliquot annis ante fuisse memoratum est, per conlegarin intercessionem, tribuniciae potestatis dissolvendae.

III. Is tum jam, non promptus ingenio tantum, sed usu etiam exercitatus, talem orationem habuit: *Si umquam dubitatum est, Quirites, utrum tribuni plebis vestra, an sua, causa seditionum semper auctores fuerint, id ego hoc anno desisse dubitari certum habeo. Et quium laetor, tandem longi erroris vobis finem factum esse, tum, quod secundis potissimum vestris rebus his error est sublatus, et vobis, et propter vos rei publicae gratulor. An est quisquam, qui dubitet, nullis injuriis vestris, si quae forte aliquando fuerunt, umquam aequa, quam munere Patrum in plebem, quium aera militantibus constituta sunt, tribunos plebis offensos ac concitatos esse? quid illos aliud aut tum timuisse creditis, aut hodie turbare velle, nisi concordiam ordinum, quam dissolvendae maxime tribuniciae potestatis renatur esse? Sic, hercule, tanquam artifices improbi, opus quaerunt; qui et semper aegri aliquid esse in re publica volunt, ut sit, ad cujus curationem a vobis adhibeantur. Vtrum enim defenditis, an impugnatis plebem? utrum militantium adversarii estis, an causam agitis? Nisi forte hoc dicitis, Quidquid Patres faciunt, displicet; sive illud pro plebe, sive contra plebem est. Et quemadmodum servis suis vetant domini quidquam rei cum alienis hominibus esse, pariterque in iis beneficio ac maleficio abstineri aequum censem: sic vos interdicitis Patribus commercio plebis; ne nos comitate ac munificentia nostra provocemus*

mus plebem, nec plebs nobis dicto audiens atque obediens sit. Quanto tandem, si quidquam in vobis, non dico civilis, sed humani esset, favere vos magis, et, quantum in vobis esset, indulgere potius comitati Patrum atque obsequio plebis oportuit? quae si perpetua concordia sit, quis non spondere ausit, maximum hoc imperium inter suuimus brevi futurum esse?

IV. Atque ego, quam hoc consilium conlegarum meorum, quo abducere infecta re a Vejjis exercitum noluerunt, non utile solum, sed etiam necessarium fuerit, possea disseram: nunc de ipsa conditione dicere militantium libet. Quam orationem, non apud vos solum, sed etiam in casiris, si habeatur, ipso exercitu susceptante, aequam arbitror videri posse. In qua si mihi ipsi nihil, quod dicerem, in mentem venire posset, adversariorum certe orationibus contentus essem. Negabaut nuper, danda esse aera militibus, quia numquam data essent. Quoniam modo igitur nunc indignari possunt, quibus aliquid novi adjectum commodi fit, eis laborem etiam novum pro portione injungi? Nusquam nec opera sine emolumento, nec emolumentum ferme sine iupensa opera est. Labor voluptasque, dissimillima natura, societate quadam inter se naturali sunt juncta. Molesie antea ferebat miles, se suo sumtu operam rei publicae praebere: gaudebat idem, partem amissi agrum suum colere; quaerere, unde domi militiaeque se ac suos tueri posset. Gaudet nunc, fructui sibi rem publicam esse, et laetus stipendium adcepit. Aequo igitur animo patiatur, se ab domo, ab re familiari, cui gravis iupensa non est, paullo diutius abesse. An, si ad calculos eum res publica vocet, non merito dicat: annua aera habes, annuam operam ede? An tu ae-

quum censes, militia semestri solidum te stipendium adipere? Invitus in hac parte orationis, Quirites, moror: sic enim agere debent, qui mercenario milite utuntur. At nos tamquam cum civibus agere volumus: agique tamquam cum patria nobiscum aequum censemus. Aut non fuscipi bellum oportuit; aut geri pro dignitate populi Romani, et perfici, quam primum oportet. Perficietur autem, si urgemos obsecros: si non ante abscedimus, quam spei nostrae finem captis Vejis in posuerimus. Si, Herculès, nullā alia causa, ipsa indignitas perseverantiam inponere debuit. Dēcem quoundam annos urbs obpugnata est ob unam mulierem ab universa Graecia: quam procul ab domo? quot terras, quot maria distans? Nos intra vicissimum lapidem, in conspectu prope urbis nostrae, annuam obpugnationem perferre piget: scilicet, quia levius causa belli est, nec satis quidquam justi doloris est, quod nos ad perseverandum stimulet: Septies rebellarunt, in pace numquam fidi fuerunt: agros nostros millies depopulati sunt: Fidenates deficere a nobis coegerunt, colonos nostros ibi interfecerunt: auctores fuere contra ius gentium caedis in piae legatorum nostrorum: Etruriam omnem adversus nos concitare voluerunt, hodieque id moluntur: res repetentes legatos nostros, haud procul afuit, quin violarent.

V. Cum his molliter et per dilationes bellum geri oportet? Si nos tam justum odium nihil movet, ne illa quidem, oro vos, movent? Operibus ingentibus septa urbs est, quibus intra muros coeretur hostiis. Agrum non coluit, et culta evasata sunt bello. Si reducimus exercitum, quis est, qui dubitet, illos, non a cupiditate solum ulciscendi, sed etiam necessitate inposita

sita ex alieno praedandi, quum sua amiserint, agrum nostrum invasuros? non differimus igitur bellum isto consilio, sed intra fines nostros adcipimus. Quid? illud, quod proprie ad milites pertinet, quibus boni tribuni plebis quum stipendium extorquere voluerint, nunc consultum repente volunt, quale est? Vallum fossamque, ingentis utramque rem operis, per tantum spatii duxerunt: castella primo pauca, postea, exercitu aucto, creberrima fecerunt: munitio-nes non in urbem modo, sed in Etruriam etiam spectantes, si qua inde auxilia veniant, obpo-suere. Quid turre, quid vineas testudinesque et alium obpugnandarum urbium adparatum lo-quar? Quum tantum laboris exhaustum sit, et ad finem iam operis tandem perventum; relin-quendane haec censem, ut ad aestatem rursus novus de integro his instituendis exsudetur labor? Quanto est minus opera tueri facta, et instare, et perseverare, defungique cura? Brevis enim profecto res est, si uno tenore peragitur, nec ipsi per intermissiones has intervallaque tentio-rem spem nostram facimus. Loquor de opere et de temporis jactura. Quid? periculi, quod differendo bello adimus, num oblivisci nos haec tam crebra Etruriae concilia de mittendis Ve-jos auxiliis patiuntur? Ut nunc res se habet, irati sunt, oderunt, negant missuros: quantum in illis est, capere Vejos licet. Quis est, qui spondeat, eundem, si differtur bellum, animum possea fore? quum, si laxamentum dederis, major frequentiorque legatio itura sit: quum id, quod nunc offendit Etruscos, rex creatus Ve-jis, spatio interposito mutari possit, vel consensu civitatis, ut eo reconcilient Etruriae animos, vel ipsius voluntate regis, qui obstare regnum suum saluti civium nolit. Videte, quot res,

quam inutiles, sequantur illam viam consilii: jactura operum tanto labore factorum, vastatio iuminens finium nostrorum, Etruscum bellum pro Vejente concitatum. Haec sunt, tribuni, consilia vestra, non, hercule, dissimilia, ac si quis aegro, qui, curari se fortiter passus, extemplo convalescere possit, cibi gratia praesentis aut potionis longinquum et forsitan insanabilem morbum efficiat.

VI. Si, me Dius fidius, ad hoc bellum nihil pertineret, ad disciplinam certe militiae plurimum intererat, insuescere militem nostrum, non solum parata victoria frui, sed, si res etiam lentior sit, pati taedium, et quamvis sera spei exitum exspectare; et, si non sit aestate perfectum bellum, hyemem opperiri, nec, sicut aestivas aves, slatim auctumno tecta ac recessum circumspicere. Obsecro vos, venandi studium ac voluptas homines per uives ac pruinas in montes sylvasque rapit; belli necessitatibus eam patientiam non adhibebimus, quam vel lufus ac voluptas elicere solet? Adeone effeminata corpora militum nostrorum esse putamus, adeo molles animos, ut hyemem iam durare in castris, abesse ab domo non possint? ut, tamquam navale bellum, tempestatibus captandis et observando tempore anni, gerant, non aesiis, non frigora pati possint? Erubescant profecto, si quis eis haec objiciat; contendantque, et animis et corporibus suis virilem patientiam inesse, et se juxta hyeme atque aestate bella gerere posse: nec se patrocinium mollitiae inertiaeque mandasse tribunis, et meminiisse, hauc ipsam potestatem non in umbra nec in tectis majores suos creasse. Haec virtute militum vestrorum, haec Romano nomine sunt digna, non Vejos tantum, nec hoc bellum intueri, quod instat; sed sumam et ad alia

alia bella et ad ceteros populos in posterum
quaerere. An mediocre discriminis opinionis se-
quunturum ex hac re putatis; utrum tandem fi-
nitimi populum Romam cum esse putent, cu-
jus si qua urbs primum illum brevissimi temporis
fusinuerit inpetum, nihil deinde timeat? an
hic sit terror nominis nostri, ut exercitum Ro-
manum non taedium longinquae obpugnationis,
non vis hyemis ab urbe circumfessa semel amo-
vere possit, nec suem illum alium belli, quam
victoriam, uoverit; nec inpetu potius bella,
quam perseverantia, gerat? Quae in omni qui-
dem genere militiae, maxime tamen in obsiden-
dis urbibus, necessaria est; quarum plerasque,
munitionibus ac naturali situ inexpugnabiles,
fame sitique tempus ipsum vincit atque ex-
pugnat: sicut Vejos expugnabit; nisi auxilio
hostibus tribuni plebis fuerint, et Romae inve-
nerint praesidia Vejentes, quae nequidquam in
Etruria quaerunt. An est quidquam, quod Ve-
jentibus optatum aequo contingere possit, quam
ut seditionibus primum urbs Romana, deinde
velut ex contagione casira inpleantur? At, her-
cule, apud hostes tanta modestia est, ut non
obsidionis taedio, non denique regni, quidquam
apud eos novatum sit; non negata auxilia ab
Etruscis iuritaverint animos. Morietur enim
extemplo, quicumque erit seditionis auctor.
Nec cuiquam dicere ea licebit, quae apud vos
impune dicuntur. Fustuarium meretur, qui signa
relinquit, aut praesidio decedit. Auctores signa
relinquendi et deserendi casira, non uni aut al-
teri militi, sed universis exercitibus, palam in
couacione audiuntur. Adeo, quidquid tribunus
plebi loquitur, et si proceduae patriae dissolven-
daeque rei publicae est, adsuetis aequi audire;
et, dulcedine potestatis ejus capti, quaelibet

*sub ea scelera latere sinitis. Reliquum est, ut,
quae hic vociferantur, eadem in castris et apud
milites agant, et exercitus corrumptant, duci-
busque parere non patientur: quoniam ea de-
mum Romae libertas est, non senatum, non ma-
gistratus, non leges, non mores majorum, non
instituta patrum, non disciplinam vereri mi-
litiae.*

VII. Par jam etiam in concionibus erat Appius tribunis plebis; quum subito, unde minime quis crederet, adepta calamitas apud Vejos et superiorem Appium in causa, et concordiam ordinum majorem ardoremque ad obsidendos pertinacius Vejos fecit. Nam quum agger promotus ad urbem vineaque tantum non jam injunctae moenibus essent, dum opera interdiu sicut intentius, quam nocte custodiuntur: patefacta repente porta, ingens multitudo, facibus maxime armata, ignes congecit; horaeque momento simul aggerem ac viueas, tam longi temporis opus, incendium hausit; multique ibi mortales, nequidquam opem ferentes, ferro ignique absunti sunt. Quod ubi Romam est nunciatum; moestitiam omnibus, senati curam metuique injecit, ne tum vero sustineri nec in urbe fuditio, nec in castris posset, et tribuni plebis velut ab se victae rei publicae insultarent: quum repente, quibus census equester erat, equi publici non erant adsignati, consilio prius inter se habito, senatum adeunt, factaque dicendi potestate, equis se suis stipendia facturos promittunt. Quibus quum amplissimis verbis gratiae ab senatu actae essent, famaque ea forum atque urbem pervallisset, subito ad curiam concursus fit plebis. Pedestris ordinis se, ajunt, nunc es-
se, operamque rei publicae extra ordinem polli-
ceri, seu Vejos, seu quo alio ducere velint. Si
Ve-

Vejos ducti sint, negant, se inde prius, quam capta urbe hosium, redituros esse. Tum vero jam superfundenti se laetitiae vix temperatum est. Non enim, sicut equites, dato magistratibus negotia, laudari jussi; neque aut in curiam vocati, quibus responsum daretur, aut limine curiae continebatur senatus: sed pro se quisque ex superiore loco ad multitudinem, in comitio stantem, voce manibusque significare publicam laetitiam. Beatam urbem Romanam et invictam et aeternam illa concordia dicere: laudare equites, laudare plebem, diem ipsum laudibus ferre: victam esse fateri comitatem benignitatemque senatus. Certatim Patribus plebique manare gaudio lacrumae; donec revocatis in curiam Patribus, senatus consultum factum est, *Vt tribuni militares, concione advocata, peditibus equitibusque gratias agerent: memorem pietatis eorum erga patriam dicherent senatum fore.* Placere autem, omnibus his voluntariam extra ordinem profectis militiam aera procedere. Et equiti certus numerus aeris est adsignatus. Tum primum equis merere equites cooperunt. Voluntarius ductus exercitus Vejos non amissa modo restituit opera, sed nova etiam instituit. Ab urbe commeatus intentiore, quam antea, subveli cura; ne quid tam bene merito exercitui ad usum deesset.

VIII. Insequens annus tribunos militum consulari potestate habuit C. Servilium Ahalam tertium, Q. Servilium, L. Virginium, Q. Sulpicium, A. Manlium iterum, M'. Sergium iterum. His tribunis, dum cura omnium in Vejens bellum intenta est, neglectum Anxuri praesidiis vacationibus militum et Volscos mercatores vulgo receptando, prolixis repente portarum custodibus, obpresso est. Minus

militum periit, quia praeter aegros lixarum in modum omnes per agros vicinasque urbes negotiabantur. Nec Vejis melius gesta res, quod tum caput omnium curarum publicarum erat. Nam et duces Romani plus inter se irarum, quam adversus hostes animi, habuerunt: et auctum est bellum adventu repentinio Capenatum atque Faliscorum. Hi duo Etruriae populi, quia proximi regione erant, de victis Vejis, bello quoque Romano se proximos fore credentes, Falisci propria etiam causa infesti, quod Fidenati bello se jam antea immiscuerant, per legatos ultiro citroque missos jure jurando inter se obligati, cum exercitibus nec opinato ad Vejos adcessere. Forte ea regione, qua M'. Sergius tribunus militum praeerat, castra adorti sunt, ingentemque terrorem iutulere; quia Etruriam omnem excitam sedibus magna mole adesse Romanii crediderant. Eadem opinio Vejentes in urbe concitavit. Ita ancipiti proelio castra Romana obpugnabantur; concursantesque, quum huc atque illuc signa transferrent, nec Vejentem satis cohibere intra munitiones, nec suis munimentis arcere vim, ac tueri se ab exteriore poterant hoste. Vna spes erat, si ex majoribus castris subveniretur, ut diversae legiones, aliae adversus Capenatem ac Faliscum, aliae contra eruptionem oppidanorum, pugnarent. Sed castris praeerat Virginius, privatim Sergio invitus infestusque. Is, quum pleraque castella obpugnata, superatas munitiones, utrumque invehi hostem nunciaretur, in armis milites tenuit: si opus foret auxilio, conlegam dictitans ad se missurum. Hujus adrogantium pertinacia alterius aequabat, qui, ne quam opem ab inimico videretur petisse, vinci ab hoste, quam vincere per civem, maluit. Diu in

in medio caesi milites; postremo, desertis munitionibus, perpauci in majora castra, pars maxima atque ipse Sergius Romani pertenderunt: Vbi quum omnem culpam in conlegam inclinaret, adeiri Virginium ex castris, interea praeesse legatos placuit. Acta deinde in senatu res est, certatumque inter conlegas maledictis. Pauci rei publicae, huic atque illi, ut quosque studium privatim aut gratia occupaverunt, adsunt.

IX. Primores Patrum, sive culpa sive infelicitate imperatorum tam ignominiosa clades adcepta esset, censuere, *Non expectandum justum tempus comitiorum, sed extemplo novos tribunos militum creandos esse, qui Kalendis Octobribus magistratum obciperent.* In quam sententiam quum pedibus iretur, ceteri tribuni militum nihil contradicere. At enimvero Sergius Virginiusque, propter quos poenitente magistratum ejus anni senatum adparrebat, primo deprecari ignominiam, deinde intercedere senatus consulto: negare, se ante Idus Decembres, sollemnem ineundis magistribus diem, honore abituros esse. Inter haec tribuni plebis, quum in concordia hominum secundisque rebus civitatis inviti silentium tenuissent, feroce repente minari tribunis militum, nisi in auctoritate senatus essent, se in vincula eos duci jussuros esse. Tum C. Servilius Ahala tribunus militum: *Quod ad vos adtinet, tribuni plebis, minasque vestras, nae ego libenter experirer, quam non plus in his juris, quam in vobis animi, esset. Sed nefas est tendere adversus auctoritatem senatus. Proinde et vos definite inter nostra certamina locum injuriae querere: et conlegae aut facient, quod censet senatus, aut, si pertinaciis tendent, dictatorem extemplo dicam, qui eos abire magi-*

stratu cogat. Quum omnium adsensu comprobata oratio esset, gauderentque Pàtres, sine tribuniciae potestatis terriculis inventam esse aliam vim majorem ad coercendos magistratus; victi consensu omnium comitia tribunorum militum habuere, qui Kalendis Octobribus magistratum obciperent: seque ante eam diem magistratu abdicavere.

X. L. Valerio Potito quartum, M. Furio Camillo iterum, M'. Aemilio Mamercino tertium, Cu. Cornuelio Collo iterum, K. Fabio Ambusto, L. Julio Julo, tribunis militum consulari potestate, multa domi militiaeque gesta. Nam et bellum multiplex fuit eodem tempore, ad Vejos et ad Capenam et ad Falerios et in Volscis, ut Anxur ab hostibus recuperaretur: et Ròmae simul delectu, simul tributo conferendo, laboratum est: et de tribunis plebei cooptandis contentio fuit: et haud parvum motum duo judicia eorum, qui paullo ante consulari potestate fuerant, excivere. Omnium primum tribunis militum fuit, delectum haberi; nec juniores modo conscripti, sed seniores etiam coacti nomina dare, ut Vrbis custodiam agerent. Quantum autem augebatur in militum numerus, tanto majore pecunia in stipendum opus erat: eaque tributo conferebatur, invitatis conferentibus, qui domi remanebant, quia tueribus Urbem opera quoque militari laborandum serviendumque rei publicae erat. Haec per se gravia, indigniora ut viderentur, tribuni plebis seditiosis concionibus faciebant, ideo aera militibus constituta esse, arguendo, ut plcbis partem militia, partem tributo conficerent. Unum bellum annum jam tertium trahi, et consulto male geri, ut diutius gerant. In quatuor deinde bella uno delectu exercitus scriptos et pueros quoque ac
funes

senes extractos. Jam non aestatis nec hyemis discriminē esse, ne ulla quies umquam miserae plebi sit: quae nunc etiam vectigalis ad ultimum facta sit; ut, quum confecta labore, vulneribus, postremo aetate corpora retulerint, incultaque omnia diutino dominorum desiderio domi invenerint, tributum ex affecta re familiari pendant; aeraque militaria, velut fenere accepta, multiplicitia rei publicae reddant. Inter delectum tributumque, et obcupatos animos majorum rerum caris, comitiis tribunorum plebis numerus expleri nequiit. Pugnatum inde, in loca vacua ut patricii cooptarentur. Postquam obtineri non poterat, tamen labe-factandae legis Treboniae causa effectum est, ut cooptarentur tribuni plebis C. Lacerius et M. Acutius, haud dubie patriciorum opibus.

XI. Fors ita tulit, ut eo anno tribunus plebis Cn. Trebonius esset, qui nomini ac familiae debitum praestare videretur Treboniae legis patrocinium. Is, quod petissent Patres quidam, primo incepto repulsi, tamen tribunos militum expugnasse, vociferans, legem Treboniam sublatam, et cooptatos tribunos plebis non subfragiis populi, sed imperio patriciorum; et eo revolvi rem, ut aut patricii, aut patriciorum ad seclae habendi tribuni plebis sint: eripi sacratas leges, extorqueri tribuniciam potestatem: id fraude patriciorum, scelere ac proditione conlegarum factum arguere. Quum arderent invidia, non Patres modo, sed etiam tribuni plebis, cooptati pariter, et qui cooptaverant; tum ex conlegio tres, P. Curiatus, M. Metilius, et M. Minucius, trepidi rerum suarum, in Sergium Virginiumque, prioris anni tribunos militares, incurruunt: in eos ab se iram plebis invidiamque, die dicta, avertunt. *Quibus delectus, quibus tributum, quibus*

bus diutina militia longinquitasque belli sit gravis, qui clade adcepta ad Vejos doleant, qui amissis liberis, fratribus, propinquis, ad simibus, lugubres domos habeant; iis publici privatique doloris exsequendi jus potestatemque ex duabus noxiis capitibus datam ab se, memorant. Omnia namque malorum in Sergio Virginioque causas esse: nec id accusatorem magis arguere, quam fateri reos; qui, noxii ambo, alter in alterum causam conferant, fugam Sergii Virginius, Sergius proditionem increpans Virginii. Quorum adeo incredibilem amittiam fuisse, ut multo verisimilius sit, compacto eam rem et communii fraude patriciorum actam. Ab his et prius datum locum Vejentibus ad incedenda opera, belli trahendi causa; et nunc proditum exercitum, tradita Faliscis Romanae castra. Omnia fieri, ut consenseret ad Vejos juventus: nec de agris, nec de aliis commodis plebis ferre ad populum tribuni, frequentiaque urbana celebrare actiones et resistere conspirationi patriciorum possunt. Praejudicium jam de reis et ab senatu, et ab populo Romano, et ab ipsorum conlegis factum esse. Nam et senatus consulto eos ab re publica remotos esse, et, recusantes abdicare se magistratu, dictatoris metu ab conlegis coercitos esse: et populum Romanum tribunos creasse, qui non Idibus Decembribus die sollemni, sed extemplo Calendis Octobribus magistratum obciperent, quia stare diutius res publica, his manentibus in magistratu, non posset. Et tamen eos, tot iudicis confosso praedamnatosque, venire ad populi judicium; et existimare, defunctos se esse, satisque poenarum dedisse, quod duabus mensibus citius privati facti sint: neque intelligere, nocendi sibi diutius tunc potestatem eruptam esse, non poenam

nam interrogatam; quippe et conlegis abrogatum imperium, qui certe nihil deliquerint. Illos repeterent animos Quirites, quos recenti clade accepta habuissent, quum fuga trepidum, plenum vulnorum ac pavore incidentem portis, exercitum viderint, non fortunam aut quemquam Deorum, sed hos duces adcausantem. Pro certo se habere, neminem in concione siare, qui illo die non caput, domum, fortunasque L. Virginii ac M'. Sergii sit exsecratus detestatusque. Minime convenire, quibus iratos quisque Deos precatus fit, in iis sua potestate, quum liceat et oporteat, non uti. Numquam Deos ipsos admovere nocentibus manus. Satis esse, si occasione ulciscendi laesos arment.

XII. His orationibus incitata plebs denis millibus aeris gravis reos condemuat, nequidquam Sergio Martem communem belli fortunamque adensante, Virginio deprecante, ne infelior domi, quam militiae, esset. In hos versa ira populi cooptationis tribunorum fraudisque, contra legem Treboniam factae, memoriam obscuram fecit. Victores tribuni, ut praesentem mercedem judicii plebes haberet, legem agrariam promulgant, tributumque conferri prohibent: quum tot exercitibus stipendio opus esset, resque militiae ita prospero gererentur, ut nullo bello veniretur ad exitum spei. Namque Vejis castra, quae amissa erant, recuperata castellis praesidiisque firmantur. Praeerant tribuni militum M'. Aemilius et K. Fabius. M. Furio in Faliscis, et Cn. Cornelio in Capenate agro hostes nulli extra moenia inventi: praedae actae, incendiisque villarum ac frugum vastati fines: oppida nec obpugnata, nec obsessa sunt. At in Volscis, depopulato agro, Anxur nequidquam obpugnatum, loco alto situm; et, postquam

quam vis inrita erat, vallo fossaque obsideri coeptum. Valerio Potito Volsci provinciae euenierat. Hoc statu militarium rerum seditio intestina majore mole coorta, quam bella tractabantur; et, quum tributum conferri per tribunos non posset, nec stipendium imperatoribus mitteretur, aeraque militaria flagitaret miles, haud procul erat, quin castra quoque urbanae seditionis contagione turbarentur. Inter has iras plebis in Patres, quum tribuni plebis nunc illud tempus esse dicerent stabiliendae libertatis, et ab Sergiis Virginiiisque ad plebejos viros fortes ac strenuos transferendi summi honoris; non tamen ultra processum est, quam ut unus ex plebe, usurpandi juris causa, P. Licinius Calvus tribunus militum consulari potestate crearetur: ceteri patricii creati P. Maenius, L. Titinius, P. Maellius, L. Furius Medullinus, L. Publilius Volscus. Ipsa plebes mirabatur, se tantam rem obtinuisse; non is modo, qui creatus erat, vir nullis ante honoribus usus, vetus tantum senator et aetate jam gravis. Nec satis constat, cur primus ac potissimum ad novum delibandum honorem sit habitus. Alii Cn. Cornelii fratri, qui tribunus militum priore anno fuerat triplexque stipendium equitibus dederat, gratia extractum ad tantum honorem credunt. Alii orationem ipsum tempestivam de concordia ordinum, Patribus plebique gratiam, habuisse. Hac victoria comitiorum exultantes tribuni plebis, quod maxime rem publicam impediebat, de tributo remiserunt. Conlatum obedienter, missumque ad exercitum est.

XIII. Anxur in Volscis brevi receptum est, neglectis die festo custodiis urbis. Insignis annus hyeme gelida ac nivosa fuit, adeo ut viae clausae, Tiberis innavigabilis fuerit.

Auno-

Annona ex ante convecta copia nihil mutavit. Et quia P. Licinius, ut ceperat haud tumultuose magistratum, majore gaudio plebis, quam indignatione Patrum, ita etiam gessit; dulcedo invasit proximis comitiis tribunorum militum plebejos creandi. Unus M. Veturius ex patriciis candidatis locum tenuit: plebejos alios tribunos militum consulari potestate omnes fere centuriae dixere, M. Pomponium, C. Duilium, Voleronem Publilium, Cn. Genu-
cium, L. Atilium. Tristem hyemem, sive ex intemperie coeli, raptini mutatione in contrarium facta, sive alia qua de causa, gravis pestilensque omnibus animalibus acias excepit. Cujus insanabili pernicie quando nec causa nec finis inveniebatur, libri Sibyllini ex senatus consulto aditi sunt. Duumviri sacris faciundis, lectisternio tunc primum in urbe Romana facto, per dies octo Apollinem, Latonamque et Dianam, Herculem, Mercurium atque Neptunum tribus, quam amplissime tum adparari poterat, stratis lectis placavere. Privatim quoque id sacrum celebratum est. Tota urbe patentibus januis, promiscuoque usu rerum omnium in proposito positio, notos ignotosque passim advenas in hospitium ductos ferunt; et cum inimicis quoque benigne ac comiter sermones habitos, jurgiis ac litibus temperatum; vincitis quoque demta in eos dies vincula; religioni deinde fuisse, quibus eam opem Dii tulissent, vinciri. Interim ad Vejos terror multiplex fuit; tribus in unum bellis conlatis. Namque codem, quo antea, modo circa munimenta, quum repente Capenates Falisciique subfido venissent, adversus tres exercitus ancipiti proelio pugnatum est. Ante omnia adjuvit memoria damnationis Sergii ac Virginii. Itaque majoribus castris, unde antea cessatum fue-

fuerat, brevi spatio circumductae copiae Capenates, in vallum Romanum versos, ab tergo adgrediuntur. Inde pugna coepit et Faliscis intulit terrorem, trepidantesque eruptio ex castris obportune facta avertit. Repulsos deinde inseguuti victores ingentem ediderunt caudem. Nec ita multo post jam palantes, veluti forte oblati, populatores Capenatis agri reliquias pugnae abfumfsero: et Vejentium refugientes in urbem multi ante portas caesi, dum prae metu, ne simul Romanus intrumperet, objectis foribus extremos suorum exclusere.

XIV. Haec eo anno acta. Et iam comitia tribunorum militum aderant, quorum prope major Patribus, quam belli, cura erat; quippe non communicatum modo cum plebe, sed prope amissum, cernuentibus summi imperium. Itaque clarissimis viris ex composito praeparatis ad petendum, quos praetereundi verecundiam crederent fore, nihilominus ipsis perinde ac si omnes candidati essent, cuncta experientes, non homines modo, sed Deos etiam, excipiebant; in religionem vertentes comitia biennio habita: priore anno intollerandam hyemem prodigiisque divinis similem coortam: proximo non prodigia, sed jam eventus, pestilentiam agris urbique inlataim haud dubia ira Deum: quos pestis ejus arcendae causa placandos esse, in libris fatalibus inventum sit. Comitiis, auspicato quae fierent, indignum Diis visum honores vulgari, discriminaque gentium confundi. Praeterquam majestate potentium, religione etiam adnoti homines patricios omnes, partem magnam honoratissimum quemque, tribunos militum consulari potestate creavere, L. Valerium Potitum quintum, M. Valerium Maximum, M. Furium Camillum tertium, L. Furium

rium Medullinum tertium, Q. Servilium Fidenatem iterum, Q. Sulpicium Camerinum iterum. His tribunis ad Vejos nihil admundum memorabile actum est. Tota vis in populationibus fuit. Duo summi imperatores, Potitus a Faleriis, Camillus a Capena, praedas ingentes egere, nulla incolumii relicta re, cui ferro aut igni noceri posset.

XV. Prodigia interim multa nuntiari; quorum pleraque, et quia singuli auctores erant, parum credita spretaque, et quia, hostibus Etruscis, per quos ea procurarent, haruspices non erant. In unum omnium curae versae sunt, quod lacus in Albano nemore sine ullis coelestibus aquis causave qua alia, quae rem miraculo exineret, in altitudinem insolitam crevit. Quidnam eo Dii portenderent prodigio, missi sciscitatum oratores ad Delphicum oraculum: sed propior interpres fatis oblatus senior quidam Vejens, qui inter cavillantes in stationibus ac custodiis milites Romanos Etruscosque, vaticinantis in modum, cecinit, *Priusquam ex lacu Albano aqua emissâ foret, numquam potiturum Vejis Romanum.* Quod primo, velut temere jactum, sperni, agitari deinde sermonibus coeptum est; donec unus ex statione Romana percunctatus proximum oppidanorum, (jam per longinquitatem belli commercio sermonum facto) quisnam is esset, qui per ambages de lacu Albano jaceret? postquam audivit haruspicem esse, vir haud intacti religione animi, causatus de privati portenti procuratione, si operae illi esset, consulere velle, ad conloquium vatem elicuit. Quumque progressi ambo a suis longius essent inermes, sine ullo metu; praevalens juvenis Romanus senem infirmum, in conspectu omnium raptum, nequidquam tumultuantis.

bus Etruscis, ad suos transtulit. Qui quum perductus ad imperatorem, inde Romam ad senatum missus esset, sciscitantibus, quidnam id esset, quod de lacu Albano docuisset, respondit: *Profecto iratos Deos Vejenti populo illo fuisse die, quo sibi eam mentem objecissent, ut excidium patriae fatale proderet.* Itaque, quae tum cecinerit divino spiritu instinctus, ea se nec, ut indicta sint, revocare posse; et tacendo forsitan, quae Dii immortales vulgari ve-
lint, haud minus, quam celanda effando, nefas contrahi. Sic igitur libris fatalibus, sic disciplina Etrusca traditum esse, ut quando aqua Albana abundasset, tum, si eam Romanus rite emisset, victoriam de Vejentibus dari. Ante-
quam id fiat, Deos moenia Vejentium desertu-
ros non esse. Exsequebatur inde, quae sol-
lemnis derivatio esset. Sed auctorem levem
nec satis fidum super tanta re Patres rati, de-
crevere, legatos fortesque oraculi Pythici ex-
spectandas.

XVI. Priusquam a Delphis oratores redi-
rent, Albanive prodigi piacula invenirentur,
novi tribuni militum consulari potestate, L.
Julius Julius, L. Furius Medullinus quartum,
L. Sergius Fidenas, A. Postumius Regillensis,
P. Cornelius Maluginensis, A. Manlius, ma-
gistratum inierunt. Eo anno Tarquinien-
ses novi hostes exorti. Quia simul multis bellis,
Volscorum ad Anxur, ubi praesidium obside-
batur, Aequorum ad Lavicos, qui Romanam
ibi coloniam obpugnabant, ad hoc Vejenti
quoque et Falisco et Capenati bello obcupatos
videbant Romanos, nec intra muros quietiora
negotia esse certaminibus Patrum ac plebis;
inter haec locum injuriae rati esse, praedatum
in agrum Romanum cohortes expeditas mit-
tunt. Aut enim passuros inultam eam inju-
riam

riam Romanos, ne novo bello se onerarent; aut exiguo, eoque parum valido, exercitu persequuturos. Romanis indignitas major, quam cura, populationis Tarquinienium fuit. Eo nec magno conatu suscepta, nec in longum dilata res est. A. Postumius et L. Julius non justo delectu, (etenim ab tribunis plebis impediebantur) sed prope voluntariorum, quos adhortando incitaverant, coacta manu, per agrum Caeretem obliquis tramiibus egressi, redeuntes a populationibus gravesque praeda Tarquinenses obpressere. Multos mortales obtruncant, omnes exuunt impedimentis; et, receptis agrorum suorum spoliis, Romam revertuntur. Biduum ad recognoscendas res datum dominis: tertio incognita (erant autem ea pleraque hostium ipsorum) sub hasta veniere; quodque inde redactum, militibus est divisum. Cetera bella, maximeque Vejens, incerti exitus erant. Jamque Romani, desperata ope humana, fata et Deos spectabant, quum legati ab Delphis venerunt, fortem oraculi adserentes, congruentem responso captivi vatis.
Romane, aquam Albanam cave lacu contineri, cave in mare manare suo flumine finas. Emifsam per agros rigabis, dissipatamque rivis exsinguies. Tum tu insiste audax hostium muris; memor, quam per tot annos obsides urbem, ex ea tibi his, quae nunc panduntur, fatis victoriā datam. Bello perfecto, donum amplum victor ad mea templa portato: sacraque patria, quorum omissa cura est, inslaurata, ut adfolet, facito.

XVII. Ingens inde haberi captivus vates coeptus, eumque adhibere tribuni militum Cornelius Postumiusque ad prodigii Albani procriptionem ac Deos rite placandos coepere. Inventumque tandem est, ubi neglectas

ceremonias intermissumve sollemne Dii arguerent; nihil profecto aliud esse, quam magistratus, vitio creatos, Latinas sacrumque in Albano monte non rite concepisse. Vnam expiationem eorum esse, ut tribuni militum abdicarent se magistratu, auspicia de integro repeterentur, et interregnū iniretur. Ea ita facta sunt ex senatus consulto. Interreges tres deinceps fuere, L. Valerius, Q. Servilius Fidenas, M. Furius Camillus. Numquam desitum interim turbari, coimitia interpellantibus tribunis plebis, donec convenisset prius, ut major pars tribunorum militum ex plebe crearetur. Quae dum aguntur, concilia Etruriae ad fanum Voltumnae habita, postulantibusque Capenatibus ac Faliscis, ut Vejos communi animo consilioque omnes Etruriae populi ex obsidione eriperent, responsum est: *antea se id Vejentibus negasse, quia, unde consilium non petissent super tanta re, auxilium petere non deberent.* Nunc jam pro se fortunam suam illis negare; maxime in ea parte Etruriae. Gentem invitatam, novos adcolas Gallos esse, cum quibus nec pax satis fida, nec bellum pro certo sit: sanguini tamen nominique et praesentibus periculis consanguineorum id dari, ut, si qui juventutis suae voluntate ad id bellum eant, non impediant. Eum magnum advenisse hostium numerum, fama Romae erat. Eoque mitescere discordiae intestinae metu communni, ut sit, coepiae.

XVIII. Haud invitis Patribus P. Licinium Calvum praerogativa tribunum militum non petentem creant, moderationis expertae iu priore magistratu virum, ceterum jam tum exactae aetatis: omnesque deinceps ex conlegio ejusdem anni refici adparebat, L. Titinius, P. Maenius, P. Maelius, Cn. Genucius,

ciūm, L. Atilium: qui priusquam renunciantur jure vocatis tribubus, permislu interregis P. Licinius Calvus ita verba fecit: *Omen concordiae, Quirites, rei maxime in hoc tempus utili, memoria nostri magistratus vos his comitiis petere in insequentem annum video. Si conlegas eosdem reficitis, etiam usu meliores factos, me jam non eundem, sed umbram nomenque P. Licinii relictum videtis. Vires corporis affectae, sensus oculorum atque aurum habebetes, memoria labat, vigor animi obtusus.* En vobis, inquit, juvenem, filium tenens, effigiem atque imaginem ejus, quem vos antea tribunum militum ex plebe primum fecistis. Hunc ego, institutum disciplina mea, vicarium pro me rei publicae do dicoque. Vosque quaeſo, Quirites, delatum mihi ultro honorem huic petenti meisque pro eo adjectis precibus mandetis. Datum id petenti patri; filiusque ejus P. Licinius tribunus militum consulari potestate cum iis, quos supra scripsimus, declaratus. Titinius Genuciusque tribuni militum, profecti adversus Faliscos Capenatesque, dum bellum maiore animo gerunt, quam confilio, praecipitavere in infidias. Genucius, morte honesta temeritatem luens, ante signa inter primores cecidit. Titinius, in editum tumultum ex multa trepidatione militibus collectis, aciem restituit; nec se tamen aequo loco hosti commisit. Plus ignominiae erat, quam cladis, adcepit; quae prope in cladem ingentem vertit: tantum inde terroris non Romae modo, quo multiplex fama pervenerat, sed in casulis quoque fuit ad Vejos. Aegre ibi miles retentus a fuga est, quum pervasisset castra rumor, ducibus exercituque caeo, vietorem Capenalem ac Faliscum Etruriaeque omnem juventutem haud procul inde abesse.

His tumultuosiora Romae, jam castra ad Vejos obpugnari, jam partem hostium tendere ad Vrbem agmine infesto, crediderant: concusunque in muros est, et matronarum, quas ex domo conciverat publicus pavor, obsecrations in templis factae: precibusque ab Diis petitum, ut exitium ab Vrbis tectis templisque ac moenibus Romanis arcerent, Vejosque eum averterent terrorem, si sacra renovata rite, si procurata prodigia essent.

XIX. Jam ludi Latinaeque instauratae erant: jam ex lacu Albano aqua emissâ in agros, Vejosque fata adpetebant. Igitur fatalis dux ad excidium illius urbis servandaeque patriae, M. Furius Camillus, dictator dictus magistrum equitum P. Cornelium Scipionem dixit. Omnia repente mutaverat imperator mutatus. Alia spes, alius animus hominum, fortuna quoque alia urbis videri. Omnium primum in eos, qui a Vejis in illo pavore fugerant, more militari animadvertisit, effecitque, ne hostis maxime timendus militi esset. Deinde, indicto delectu in diem certam, ipse interim Vejos ad confirmandos militum animos intercurrit: inde Romam ad scribendum novum exercitum redit, nullo detrectante militiam. Peregrina etiam juventus, Latini Hernicique, operam suam pollicentes ad id bellum, venere: quibus quum gratias in senatu egisset dictator, satis jam omnibus ad id bellum paratis, ludos magnos ex senatus consulo vovit Vejis captis se facturum; aedemque Matutae matris refectam dedicaturum, jam ante ab rege Ser. Tullio dedicatam. Profectus cum exercitu ab urbe exspectatione hominum majore, quam spe, in agro primum Nepesino cum Faliscis et Campanatibus signa contert. Omnia ibi summa ratione confilioque acta fortuna etiam, ut fit, sequu-

sequuta est. Non proelio tantum fudit hostes; sed castris quoque exuit, ingentique praeda est potitus; cuius pars maxima ad quaestorem redacta est: haud ita multum militi datum. Inde ad Vejos exercitus ductus, densioraque castella facta; et a procurrationibus, quae multae temere inter murum ac vallum siebant, edicto, ne quis injussu pugnaret, ad opus milites traducti. Operum fuit omnium longe maximum ac laboriosissimum, cuniculus in arcem hostium agi coepitus. Quod ne intermitteretur opus, neu tub terra continuus labor eosdem conficeret, in partes sex munitorum numerum divisit. Senae horae in orbem operi adtributae sunt: nocte ac die numquam ante omisum, quam in arcem viam facerent.

XX. Dictator quum jam in manibus vide-ret victoriam esse, urbem opulentissimam capi, tantumque praedae fore, quantum non omnibus in unum conlatis ante bellis fuisset; ne quam inde aut militum iram ex malignitate praedae partitae, aut invidiam apud Patres ex prodiga largitione caperet, literas ad senatum misit: *Deum immortalium benignitate, suis consiliis, patientia militum, Vejos jam fore in potestate populi Romani.* Quid de praeda faciendum censerent? Due senatum distinebant sententiae: una senis P. Licinii, quem primum dixisse a filio interrogatum ferunt, *edici palam placere populo, ut, qui particeps esse praedae vellet, in castra Vejos iret:* altera Ap. Clandii, qui, largitionem novam, prodigam, inaequalem, inconsultam arguens, si semel nefas ducerent, captam ex hostibus in aerario exhausto bellis pecuniam esse, au-tor erat stipendi ex ea pecunia militi numerandi, ut eo minus tributi plebes conferret: *Ejus enim doni societatem sensuras aequaliter*

* omnium domos: non avidas in direptiones manus otiosorum urbanorum praerepturas fortium bellatorum praemia esse: quum ita ferme eveniat, ut segnior sit praedator, ut quisque laboris periculique praecipuam petere partem soleat. Licinius contra, suspectam et invisam semper eam pecuniam fore, ajebat: causasque criminum ad plebem, seditionum inde ac legum novarum, praebituram. Satius igitur esse, reconciliari eo dono plebis animos: exhaustis atque exinanitis tributo tot annorum subcurri: et sentire praedae fructum ex eo bello, in quo prope consenserint. Gratius id fore laetiusque; quod quisque suam ex hostie captum domum retulerit, quam si multiplex alterius arbitrio adcipiat. Ipsum dictatorem fugere invidiam ex eo criminaque. Eo delegasse ad senatum. Senatum quoque debere rejectam rem ad se permittere plebi, ac pati habere, quod cuique fors belli dederit. Haec tutior visa sententia est, quae popularem senatum faceret. Edictum itaque est, ad praedam Vejentem, quibus videretur, in castra ad dictatorem proficiscerentur.

XXI. Ingens profecta multitudo replevit castra. Tum dictator, auspicato egressus, quum edixisset, ut arma milites caperent, *Tuo ductu*, inquit, *Pythice Apollo*, tuoque numine instinctus pergo ad delendam urbem Vejos: tibiique hinc decumam partem praedae voveo. Te simul, *Juno Regina*, quae nunc Vejos colis, precor, ut nos victores in nostram, tuamque mox futuram, urbem sequare: ubi te dignum amplitudine tua templum adcipiat. Haec precatus, superante multitudine, ab omnibus locis urbem adgreditur, quo minor ab cuniculo ingruentis periculi sensus esset. Vejentes, ignari se jam ab suis vatibus, jam ab externis oraculis proditos, jam in partem praedae suae

voca-

vocatos Deos, alios, votis ex urbe sua evocatos, hostium templa novasque sedes spectare, seque ultimum illum diem agere; nihil minus timentes, quam subrutis cuniculo moenibus arcem jam plenam hostium esse, in muros pro se quisque armati discurrunt; mirantes quidnam id esset, quod, quum tot per dies nemo se ab stationibus Romanis movisset, tuni, velut repentina icti furore, improvidi currerent ad muros. Inferitur huic loco fabula; immolante rege Vejentium, vocem haruspicis dicens, qui ejus hostiae exta prosecuisset, ei victoriam dari, exauditam in cuniculo, movisse Romanos milites, ut, adaperto cuniculo, exta raperent et ad dictatorem ferrent. Sed in rebus tam antiquis, si, quae similia veri sint, pro veris adcipiantur, fatis habeam. Haec, ad ostentationem scenae, gaudentis miraculis, aptiora, quam ad fidem, neque adfirmare, neque refellere est operae pretium. Cuniculus, delectis militibus eo tempore plenus, in aede Junonis, quae in Vejentana arce erat, armatos repente edidit. Et pars aversos in muris invadunt hostes: pars claustra portarum revellunt: pars, quum ex tectis saxa tegulaeque a mulieribus ac servitiis jacerentur, inferunt ignes. Clamor omnia variis terrentium ac paventium vocibus, mixto mulierum ac puerorum ploratu, complet. Momento temporis dejectis ex muro undique armatis, patefactisque portis, quum alii agmine inruerent, alii desertos scandenter muros, urbs hostibus inpletur, omnibus locis pugnatur. Deinde, multa jam edita caede, senescit pugna: et dictator praecones edicere jubet, ut ab inermi abstineatur. Is finis sanguinis fuit. Dedi inde inermes coepti; et ad praedam miles permisso dictatoris discurrit. Quae cum ante

oculos ejus aliquantum spe atque opinione major majorisque pretii rerum ferretur; dicitur manus ad coelum tollens precatus esse: *ut, si cui Deorum hominumque nimia sua fortuna populi Romani videretur, ut eam invidiam lenire quam minimo suo privato incommodo publicoque populo Romano liceret.* Convertentem se inter hanc venerationem, traditur memoriae, prolabsum cecidisse; idque omen pertinuisse postea eventu rem conjectantibus visum ad damnationem ipsius Camilli, captae deinde urbis Romanae, quod post paucos adcidit annos, cladem. Atque ille dies caede hostium ac direptione urbis opulentissimae est consumtus.

XXII. Postero die libera corpora dictator sub corona vendidit. Ea sola pecunia in publicum redigitur, haud sine ira plebis. Et quod retulere secum praedae, nec duci, qui ad senatum, malignitatis auctores quaerendo, rem arbitrii sui rejecisset; nec senatui, sed Liciniae familiae, ex qua filius ad senatum retrulisset, pater tam popularis sententiae auctor fuisset, adcepimus referebant. Quum jam humanae opes egestae a Vejis essent, amoliratum Deum dona ipsosque Deos, sed colentium magis, quam rapientium, modo, coepere: namque delecti ex omni exercitu juvenes, pure laitis corporibus, candida veste, quibus deportanda Romam Regina Juno designata erat, venerabundi templum iniere, primo religiose admoventes manus; quod id signum, more Etrusco, nisi certae gentis sacerdos adtrectare non esset solitus. Dein quum quidam, seu spiritu divino tactus, seu juvenali joco, *Visne Romam ire Juno?* dixisset, adnuisse ceteri Deam conclamaverunt. Inde fabulae adjectum est, vocem quoque dicentis,

Vel-

Velle, auditam. Motam certe sede sua parvi molimenti adminiculis, sequentis modo adcepimus levem ac facilem translatu fuisse: integrumque in Aventinum, aeternam sedem suam, quo vota Romani dictatoris vocaverant, perlatam; ubi templum ei postea idem, qui voverat, Camillus dedicavit. Hic Vejorum obcasus fuit, urbis opulentissimae Etrusci nominis, magnitudinem suam vel ultima clade indicantis: quod decem aëstates hiemesque continuas circumfessa, quum plus aliquanto cladium intulisset, quam adcepisset, postremo, jam fato tum denique urgente, operibus tamen, non vi, expugnata est.

XXIII. Romam ut nunciatum est, Vejos captos, quamquam et prodigia procurata fuerant, et vatum responsa et Pythicae fortes notae; et, quantum humanis adjuvari consiliis potuerat res, ducem M. Furium, maximum imperatorum omnium, legerant: tamen, quia tot annis varie ibi bellatum erat multaeque clades acceptae, velut ex insperato inmensum gaudium fuit; et, priusquam senatus decerneret, plena omnia templa Romanarum matrum, grates Diis agentium, erant. Senatus in quatriiduum, quot dierum nullo ante bello, supplicationes decernit. Adventus quoque dictatoris, omnibus ordinibus obviam effusis, celebratior, quam ullius umquam antea fuit; triumphusque omne in consuetum honorandi diei illius modum aliquantum excessit. Maxime conspectus ipse est, curru equis albis juncto Vrbem invectus: parumque id non civile modo, sed humanum etiam, visum. Jovis Solisque equis aequiparari dictatorem, in religionem etiam trahebant: triumphusque ob eam unam maxime rem clarior, quam gratior, fuit. Tum Junoni Reginae tem-

templum in Aventino locavit, dedicavitque Matutae Matri. Atque, his divinis humanisque rebus gestis, dictatura se abdicavit. Agi deinde de Apollinis dono coeptum. Cui se decumam vovisse praedae partem quum dicere Camillus, pontifices solvendum religione populum censerent; hand facile inibatur ratio jubendi referre praedam populum, ut ex ea pars debita in sacrum feceretur. Tandem eo, quod levissimum videbatur, decursum est, ut, qui se domumque religione exsolvere vellet, quum sibi met ipse praedam aestimasset suam, decumae pretium partis in publicum deferret; ut ex eo donum aureum, dignum amplitudine templi ac numine Dei, ex dignitate populi Romani fieret. Ea quoque conlato plebis animos a Camillo alienavit. Inter haec pacificatum legati a Volscis et Aquis venerunt: inpetrataque pax, magis ut fessa tam diutino bello adquiesceret civitas, quam quod digni peterent.

XXIV. Vejis captis, sex tribunos militum consulari potestate insequens annus habuit, duos P. Cornelios, Cossum et Scipionem, M. Valerium Maximum iterum, K. Fabium Ambustum tertium, L. Furium Medullinum quintum, Q. Servilium tertium. Cornelius Faliscum bellum, Valerio ac Servilio Capenas forte evenit. Ab iis non urbes vi aut operibus tentatae, sed ager est depopulatus, praedaeque rerum agrestinm actae. Nulla felix arbor, nihil frugiferum in agro relictum. Ea clades Capenatem populum subegit. Pax potentibus data. In Faliscis bellum restabat. Romae interim multiplex feditio erat: cuius leniendae causa coloniam in Volscos, quo tria millia civium Romanorum scriberentur, deducendam censuerant: triumvirique ad id crea-

ti terna jugera et septuages viritim divisorant. Ea largitio sperni coepit; quia spei majoris avertendae solatium objectum censebant. Cur enim relegari plebem in Volscos, quum pulcerrima urbs Veji agerque Vejentanus in conspectu sit, uberior ampliorque Romano agro? Vrbem quoque urbi Romae, vel situ, vel magnificentia publicorum privatorumque tectorum ac locorum, praeponebant. Quin illa quoque actio movebatur, quae post captam utique Romam a Gallis celebratior fuit, transmigrandi Vejos. Ceterum partim plebi, partim senatui destinabant habitandos Vejos; duasque urbes communis rei publicae incoli a populo Romano posse. Adversus quae quum optimates ita tenderent, ut morituros se citius dicerent in conspectu populi Romani, quam quidquam earum rerum rogaretur. Quippe nunc in una urbe tantum dissensionum esse, quid in duabus fore? Victamne ut quisquam vicitri patriae praeferret? fineretque, majorem fortunam captis esse Vejis, quam incolubus fuerit? Positremo, se relinqu a civibus in patria posse: ut relinquunt patriam atque cives, nullam vim unquam subacturam; et T. Sicium (is enim ex tribuis plebis rogationis ejus lator erat) conditorem Vejos sequantur, relicto Deo Romulo, Dei filio, parente et auctore urbis Romae.

XXV. Haec quum foedis certaminibus agerentur, (nam partem tribunorum plebis Patres in suam sententiam traxerant) nulla res alia manibus temperare plebem cogebat, quam quod, ubi rixae committendae causa clamor ortus esset, principes senatus, priimi turbae obfferentes se, peti, feriri, atque obcidi jubebant. Ab horum aetatibus dignitatibusque et honoribus violandis dum abstinebatur, et ad reliquos similes conatus verecundia irae obstat;

bat; Camillus idemtidem omnibus locis concionabatur: *Haud mirum id quidem esse, furere civitatem, quae, damnata voti, omnium rerum potiorem curam, quam religione se ex-solvendi, habeat.* Nihil de coulatione dicere, stipis verius, quam decumae; quando ea se quisque privatim obligaverit, liberatus sit populus. *Enimvero, illud se tacere, suam conscientiam non pati, quod ex ea tantum praeda, quae rerum moventium sit, decuma designetur; urbis atque agri capti, quae et ipsa voto contineatur, mentionem nullam fieri.* Quum ea disceptatio, anceps senatui visa, delegata ad pontifices esset; adhibito Camillo, visum conlegio, quod ejus ante conceptum votum Vejentium fuisse, et post votum in potestatem populi Romani venisset, ejus partem decumam Apollini sacram esse. Ita in aestimationem urbs agerque venit: pecunia ex aerario promta, et tribunis militum consularibus, ut aurum ex ea coemarent, negotium datum. Cujus quum copia non esset, matronae, coetibus ad eam rem consultandani habitis, et communi decreto pollicitae tribunis militum aurum et omnia ornamenta sua, in aerarium detulerunt. *Grata ea res, ut quae maxime senatui umquam fuit: honoremque ob eam munificentiam ferunt matronis habitum, ut pilento ad sacra ludosque, carpentis festo profestoque uterentur.* Pondere ab singulis auri adcepit aestimatoque, ut pecuniae solverentur, crateram auream fieri placuit, quae donum Apollini Delphos portaretur. Simul ab religione animos remiserunt, integrant seditionem tribuni plebis: incitatur multitudo in omnes principes; ante alios in Camillum: *eum praedam Vejentauam publicando sacrandoque ad nihilum redigisse.* Absentes ferociter increpat: praefen-

sentium, quum se ultro iratis obferrent, vercundiam habent. Simul extrahi rem ex eo anno viderunt, tribunos plebis latores legis in annum eosdem reficiunt. Et Patres hoc idem de intercessoribus legis adnisi. Ita tribuni plebis magna ex parte iidem refecti.

XXVI. Comitiis tribunorum militum Patres summa ope evicerunt, ut M. Furius Camillus crearetur. Propter bella similabant parari ducem, sed largitioni tribuniciae adversarius quaerebatur. Cum Camillo creati tribuni militum consulari potestate L. Furius Medullinus sextum, C. Aemilius, L. Valerius Publicola, Sp. Postumius, P. Cornelius iterum. Principio anni tribuni plebis nihil moverunt, donec M. Furius Camillus in Faliscos, cui id bellum mandatum erat, proficeretur. Differendo deinde elanguit res: et Camillo, quem adversarium maxime metuebant, gloria in Faliscis crevit. Nam quum primo moenibus se hostes tenerent, tutissimum id rati, populatione agrorum atque incendiis villarum coegit eos egredi urbe; sed timor longius progrederi prohibuit. Mille fere passuum ab oppido castra locant; nulla re alia fidentes ea fatis tuta esse, quam difficultate aditus, asperis confragosisque circa, et partim arctis, partim arduis viis. Ceterum Camillus, captivum indicem ex agris sequutus ducem, castris multa nocte motis, prima luce aliquanto superioribus locis se ostendit. Trifariam Romani muniebant. Alius exercitus proelio intentus stabat. Ibi impedire opus conatos hostes fundit fugatque; tantumque inde pavoris Faliscis injectum est, ut, effusa fuga castra sua, quae propiora erant, praeclati, urbem peterent. Multi caesi vulneratique, priusquam paventes portis inciderent. Castra capta; prae-

praeda ad quaestores redacta cum magna militum ira: sed, severitate imperii victi, eamdem virtutem et oderant, et mirabantur. Obsidio inde urbis et munitiones, et interdum per occasionem in petus oppidanorum in Romanas stationes proeliaque parva fieri; et ter tempus, neutro inclinata ipse; quum frumentum copiaeque aliae ex anteconvecto largius obfessis, quam obsidentibus, subpeterent. Videbaturque aequa diurnus futurus labor, ac Vejis fuisset; ni fortuna imperatori Romano simul et cognitae rebus bellicis virtutis specimen et maturam victoriam dedisset.

XXVII. Mos erat Faliscis, eodem magistro liberorum et coniite uti: simulque plures pueri, quod hodie quoque in Graecia manet, unius curae demandabantur. Principum liberos, sicut fere fit, qui scientia videbatur prae-cellere, erudiebat. Is quum in pace instituisset pueros ante urbem lusus exercendique causa producere; nihil eo more per belli tempus intermisso, tum, modo brevioribus, modo longioribus spatiis, trahendo eos a porta, lusu sermonibusque variatis, longius solito, ubi res dedit, progressus, inter stationes eos hostium castraque inde Romana in praetorium ad Camillum perduxit. Ibi scelesto facinori scelestiorem sermonem addidit: *Falerios se in manus Romanis tradidisse; quando eos pueros, quorum parentes capita ibi rerum sint, in potestatem dediderit.* Quae ubi Camillus audivit, *Non ad similem, inquit, tui nec populum, nec imperatorem, scelestus ipse cum sceleslo munere venissi.* Nobis cum Faliscis, quae pacto fit humano, societas non est. Quam ingeneravit natura, utrisque est eritque. Sunt et belli, sicut pacis, jura: jusque ea, non minus quam fortiter, didicimus gerere. Arma habemus, nou adver-

versus eam aetatem, cui etiam captis urbibus
 parcitur: sed adversus armatos et ipsos, qui,
 nec laesi, nec lacefitti a nobis, castra Romana
 ad Vejos obpugnarunt. Eos tu, quantum in te
 fuit, novo scelere vicisti: ego Romanis artibus,
 virtute, opere, armis, sicut Vejos, vincam.
 Denudatum deinde eum, manibus post ter-
 gum inligatis, reducendum Falerios pueris
 tradidit: virgasque eis, quibus proditorem
 agerent in urbem verberantes, dedit. Ad
 quod spectaculum concursu populi primum
 facto, deinde a magistratibus de re nova vo-
 cato senatu, tanta mutatio animis est injecta,
 ut, qui modo, efferati odio iraque, Vejen-
 tium exitum paene, quam Capenatum pa-
 cem, mallent, apud eos pacem universa posce-
 ret civitas. Fides Romana, justitia impera-
 toris, in foro et curia celebrantur: consensu
 que omnium legati ad Camillum in castra, at-
 que inde permisso Camilli Romam ad sena-
 tum; qui dederent Falerios, proficiscuntur.
 Introducti ad senatum ita loquuti traduntur:
Patres conscripti, victoria, cui nec Deus, nec
homo quisquam invideat, victi a vobis et impe-
ratore vestro, dedimus nos vobis; rati, quo
nihil victori pulcrius est, melius nos sub impe-
rio vestro, quam legibus nostris, victuros.
Eventu hujus belli duo salutaria exempla pro-
dicta humano generi sunt. Vos fidem in bello,
quam praesentem victoriam, maluissis: nos, fide-
provocati, victoram ultro detulimus. Sub di-
tione vestra sumus. Mittite, qui arma, qui
obsides, qui urbem patentibus portis adipiant.
Nec vos fidei nostrae, nec nos imperii vestri
poenitebit. Camillo et ab hostibus et a civibus
gratiae actae. Faliscis in stipendium militum
ejus anni, ut populus Romanus tributo vaca-

ret, pecunia imperata. Pace data, exercitus Romam reductus.

XXVIII. Camillus meliore multo laude, quam quum triumphantem albi per Vrbem vixerant equi, insignis justitia fideque, hostibus victis, quum in Vrbem redisset, tacite ejus verecundiam non tulit senatus, quin sine mora voti liberaretur: crateramque auream donum Apollini Delphos legati qui ferrent, L. Valerius, L. Sergius, A. Manlius, missi longa una nave, haud procul freto Siculo a piratis Liparensium excepti, devehuntur Liparas. Mos erat civitatis, velut publico latrociniio partam praedam dividere. Forte eo anno in summo magistratu erat Timasitheus quidam, Romanis vir similior, quam suis. Qui, legatorum nomen donumque et Deum, cui mitteretur, et doni causam veritus ipse, multitudinem quoque, quae semper ferme regenti est similis, religionis justae inplevit: adductosque in publicum hospitium legatos, cum praefidio etiam navium Delphos prosequutus, Romam inde sospites restituit. Hospitium cum eo senatus consulto est factum, donaque publice data. Eodem anno in Aequis varie bellatum: adeo ut in incerto fuerit et apud ipsos exercitus et Romae, vicissent, victine essent. Imperatores Romani fuere ex tribunis militum C. Aemilins, Sp. Postumius. Primo rem communiter gesserunt: fusis inde acie hostibus, Aemilium praefidio Verruginem obtinere placuit, Postumium fines vastare. Ibi eum, incomposito agmine negligentius ab re bene gesta euntem, adorti Aequi, terrore injecto, in proximos compulere tumulos: pavoreque inde Verruginem etiam ad praefidium alterum est perlatus. Postumius, suis in tutum receptis, quum concione advocata terorē increparet ac

ac fugam; fūsos esse ab ignavissimo et fugaciſimō hoste: conclamat universus exercitus; merito se ea audire, et fateri admissum flagitium: sed eosdem conrecturos esse, neque diuturnum id gaudium hostibus fore. Poicentes, ut confestim inde ad castra hostium duceret, (in conspectu erant posita in plano) nihil poenae recusabant, ni ea ante noctem expugnassent. Conlaudatos corpora curare paratosque esse quarta vigilia jubet. Et hostes, nocturnam fugam ex tumulo Romanorum ut ab ea via, quae ferebat Verruginem, exclidereunt, fuere obvii: proeliumque ante lucem (sed luna pernox erat) commissum est: et haud incertius diurno proelio fuit. Sed clamor Ver-ruginem perlatus, quum castra Romana crederent oppuguari, tantum injecit pavoris, ut, nequidquam retinente atque obsecrante Aemilio, Tusculum palati fūgerent. Inde fama Romam perlata est, Postumium exercitumque obcīsum. Qui, ubi prima lux metum infidiarum effuse sequentibus sustulit, quum perequitasset aciem, promissa repetens, tantum injecit ardoris, ut non ultra sustinuerint impetum Aequi. Caedes inde fugientium, qualis, ubi ira magis, quam virtute, res geritur, ad perniciem hostium facta est; tristemque ab Tusculo nuntium, nequidquam exterrita civitate, literae a Postumio laureatae sequuntur: victoriā populi Romani esse; Aequorum exercitum deletum.

XXIX. Tribunorum plebis actiones quia nondum invenerant finem, et plebs continuare latoribus legis tribunatum, et Patres reficere intercessores legis adnisi sunt. Sed plus suis comitiis plebs valuit. Quem doloreni ulti Patres sunt, senatus consulto facto, ut consules, invisus plebi magistratus, crearentur. An-

num post quintum decimum creati consules L. Lucretius Flavus, Ser. Sulpicius Camerinus. Principio hujus anni, ferociter, quia nemo ex conlegio intercessurus erat, coortis ad perferrandam legem tribunis plebis, nec segnus ob id ipsum consulibus resistentibus, omnique civitate in unam eam curam conversa, Vitelliam coloniam Romanam in suo agro Aequi expugnat. Colonorum pars maxima incoluis, quia nocte proditione oppidum captum liberam per averfa urbis fugam dederat, Romanum perfugere. L. Lucretio consuli ea provincia evenit. Is, cum exercitu profectus, acie hostes vicit; victorque Romanum ad majus aliquanto certamen redit. Dies dicta erat tribunis plebis biennii superioris; A. Virginio et Q. Pomponio; quos defendi Patrum consensu ad fidem senatus pertinebat: neque enim eos aut vitae ullo crimine alio aut gesti magistratus quisquam arguebat, praeterquam quod, gratificantes' Patribus, rogationi tribuniciae intercessissent. Vicit tanien gratiam senatus plebis ira; et pessimo exemplo innoxii denis millibus gravis aeris condemnati sunt. Id aegre passi Patres. Camillus palam sceleris plebem arguere, quae, jam in suos versa, non intelligeret, se pravo iudicio de tribunis intercessionem sustulisse; intercessione sublata, tribuniciam potestatem evertisse. Nam, quod illi speraréunt, effrenatam licentiam ejus magistratus Patres laturos, falli eos. Si tribunicia vis tribunicio auxilio repelli nequeat, aliud telum Patres inventuros esse. Consulesque increpabant, quod fide publica decipi tribunos eos taciti tulissent, qui senatus auctoritatem sequuti essent. Haec propalam concionabundus in dies magis angebat iras hominum.

XXX. Senatum vero incitare adversus legem haud desistebat: ne aliter descendere in forum, quum dies ferendae legis venisset, quam ut qui meminissent, sibi pro aris focisque et Deum templis ac solo, in quo nati essent, dimicandum fore. Nam quod ad se privatim adtineat, si suae gloriae sibi inter dimicationem patriae meminisse sit fas, sibi amplum quoque esse, urbem ab se captam frequentari, quotidie se frui monumento gloriae suae, et ante oculos habere urbem latam in triumpho suo, insistere omnes vestigiis laudum suarum. Sed nefas ducent, desertam ac relietam ab Diis immortalibus incoli urbem; et in captivo solo habitare populum Romanum, et victrice patria victam mutari. His adhortationibus principis concitati Patres, senes juvenesque, quum ferretur lex, agmine facto in forum venerunt: dissipatique per tribus, suos quisque tribules prestantes, orare cum lacrimis coopere, Ne eam patriam, pro qua fortissime felicissimeque ipsi ac patres eorum dimicassent, desererent, Capitolium, aedem Vestae, cetera circa templa Deorum ostentantes. Ne exsulem, extorrem populum Romanum ab solo patre ac Diis penatibus in hostium urbem agerent; eoque rem adducerent, ut melius fuerit, non capi Vejos, ne Roma desereretur. Quia non vi agebant, sed precibus, et inter preces multa Deorum mentio erat, religiosum parti maxima fuit. Et legem una plures tribus antiquarunt, quam jusserunt. Adeoque ea victoria laeta Patribus fuit, ut postero die, referentibus consulibus, senatus consultum fieret, ut agri Vejentani septena jugera plebi dividerentur; nec Patribus familiae tantum, sed ut omnium in domo liberorum capitum ratio haberetur; vellentesque in eam spem liberos tollere.

XXXI. Eo munere delenita plebe, nihil certatum est, quo minus consularia comitia haberentur. Creati consules L. Valerius Potitus, M. Manlius, cui Capitolino postea etiam sicut cognomen. Hi consules magnos ludos fecere, quos M. Furius dictator voverat Véjenti bello. Eodem anno aedes Junonis Regiae, ab eodem dictatore eodemque bello vota, dedicatur: celebratamque dedicationem ingenti matronarum studio tradunt. Bellum haud memorabile in Algido cum Aequis gestum est, suis hostibus prius paene, quam manus confererent. Valerio, quod perseverantior caedendis in fuga fuit, triumphus; Manlio, ut ovans ingredieretur Vrbem, decretum est. Eodem anno novum bellum cum Volsiniensibus exortum: quo propter famem pestilentiamque in agro Romano, ex siccitate caloribusque nimis ortam, exercitus duci nequivit. Ob quae Volsinieuses, Salpinatibus adjunctis superbia elati, ulti agros Romanos incurvavere. Bellum inde duobus populis indictum. C. Julius censor decepsit: in ejus locum M. Cornelius subiectus. Quae res postea religioni fuit; quia eo lustro Roma est capta. Nec deinde unquam in demortui locum censor subicitur. Consulibusque morbo implicitis placuit, per interregnum renovari auspicia. Itaque, quum ex senatus consilio consules magistratu se abdicassent, interrex creatur M. Furius Camillus; qui P. Cornelium Scipionem, sis deinde L. Valerium Potitum interregem prodidit. Ab eo creati sex tribuni militum consulari potestate; ut, etiamsi cui eorum incommoda valetudo fuisset, copia magistratuum rei publicae esset.

XXXII. Kalendis Quintilibus magistratum obcepere L. Lucretius, Ser. Sulpicius, M. Aemilius, L. Furius Medullinus septimum,

Agrip-

Agrippa Furius, C. Aemilius iterum. Ex his L. Lucretio et C. Aemilio Volsiniensis provin-
cia evenit: Salpinates Agrippae Furio et Ser.
Sulpicio. Prius cum Volsiniensibus pugnatum
est: bellum numero hostium ingens, certa-
mine haud fane asperum fuit. Fusa concursu
primo acies in fugam: millia octo armatorum
ab equitibus interclusa, positis armis, in de-
ditionem venerunt. Ejus belli fama effecit,
ne se pugnae committerent Salpinates. Moe-
nibus armati se tutabantur. Romani praedas
passim et ex Salpinati agro, et ex Volsiniensi,
nullo eam viam arcente, egerunt; donec Vol-
siniensibus fessis bello ea conditione, ut res
populo Romano redderent, stipendumque ejus
annii exercitui praestarent, in viginti annos
induciae datae. Eodem anno M. Caedicius de
plebe huntiavit tribunis, se in nova via, ubi
nunc facellum est, supra aedem Vestae, vo-
cem noctis silentio audisse clariorem humana,
quae magistratibus diei juberet, Gallos ad-
ventare. Id, ut fit, propter auctoris humili-
tatem spretum, et quod longinquus, eoque igno-
tior, gens erat. Neque Deorum modo moni-
ta, ingruente fato, spreta; sed humanam quo-
que opem, quae una erat, M. Furium ab urbe
amovere. Qui, die dicta ab L. Appulejo tri-
buno plebis propter praedam Vejentanam,
filio quoque adolescente per idem tempus or-
batus, quum, ad citis domum tribulibus clien-
tibusque, (magna pars plebis erat) pereun-
ctatus animos eorum, responsum tulisset, se
conlaturos, quanti damnatus esset, absolvere
cum non posse, in exsiliū abiit; precatus ab
Diis immortalibus, si immoxio sibi ea injuria
fieret; primo quoque tempore desiderium sui ci-
vitati ingratae facerent. Absens quindecim
millibus gravis aeris daniatur.

XXXIII. Expulso cive, quo manente, si quidquam humanorum certi est, capi Roma non potuerat; adventante fatali urbi clade, legati ab Clusinis veniunt, auxilium aduersus Gallos petentes. Eam gentem traditur fama, dulcedine frugum maximeque vini, nova tuni voluptate, captam, Alpes transisse, agrosque ab Etruscis ante cultos posse disse: et invexisse in Galliam vinum iniciendae gentis causa Arunte Clusinum, ira corruptae uxoris ab Lucumone, cui tutor is fuerat ipse, praepotente juvene, et a quo expeti poenae, nisi externa vis quaesita esset, nequirent. Hunc transeunribus Alpes ducem, auctore inque Clusium obpugnandi fuisse. Evidem haud abnuerim, Clusium Gallos ab Arunte, seu quo alio Clusino, adductos: sed eos, qui obpugnaverint Clusium, non fuisse, qui primi Alpes transierint, fatis constat. Ducentis quippe annis ante, quam Clusium obpugnarent, urbemque Romanam eaperent, in Italiam Galli transcenderunt: nec cum his primum Etruscorum, sed multo ante cum iis, qui inter Apenninum Alpesque incolebant, saepe exercitus Gallici pugnavere. Tuscorum ante Romanum imperium late terra marique opes patuerent. Mari supero inferoque, quibus Italia insulae modo cingitur, quantum potuerint, nomina sunt argumento; quod alterum Tuscum communi vocabulo gentis, alterum Hadriaticum mare, ab Hadria Tuscorum colonia, vocare Italicae gentes. Graeci eadem Tyrrhenum atque Hadriaticum vocant. Ii in utrumque mare vergentes incoluere urbibus duodenis terras: prius cis Apenninum ad inferum mare, postea trans Apenninum, totidem, quot capita originis erant, coloniis missis: quae trans Padum omnia loca, excepto Venetorum angu-

angulo, qui finum circumcolunt maris, usque ad Alpes tenuere. Alpinis quoque ea gentibus haud dubie origo est, maxime Raetis: quos loca ipsa efferarunt, ne quid ex antiquo, praeter sonum linguae, nec eum inconcavum, retinerent.

XXXIV. De transitu in Italiam Gallorum haec adcepimus: Prisco Tarquinio Romae regnante, Celtarum, quae pars Galliae tertia est, penes Bituriges summa imperii fuit. Ii regem Celto dabant. Ambigatus is fuit, virtute fortunaque quam sua, tum publica, praepollens, quod imperio ejus Gallia adeo frugum hominumque fertilis fuit, ut abundans multitudo vix regi videretur posse. Hic magno natu ipse jam, exonerare praegravante turba regnum cupiens, Bellovesum ac Sigovesum, fororis filios, in pigros juvenes, missurum se esse, in quas Dii dedissent auguriis sedes, ostendit. Quantum ipsi vellent numerum hominum, excirent, ne qua gens arcere advenientes posset. Tum Sigoveso fortibus dati Hercynii saltus: Belloveso haud paullo laetiorem in Italiam viam Dii dabant. Is, quod ejus ex populis abundabat, Bituriges, Arvernos, Sequones, Aeduos, Ambarros, Carnutes, Auvercos, excivit. Profectus ingentibus peditum equitumque copiis, in Tricastinos venit. Alpes inde opositae erant; quas inexsuperabiles visas haud equidem miror, nulla dum via (quod quidem continens memoria sit; nisi de Hercule fabulis credere libet) superatas. Ibi quum velut septos montium altitudo teneret Gallos, circumspectarentque, quanam per juncta coelo juga in alium orbem terrarum transirent, religio etiam tenuit, quod adlatum est, advenas quaerentes agrum ab Salyum gente obpugnari. Massilienses erant hi, navibus a

Phocaea profecti. Id Galli fortunae suae omen rati adjuvare, ut, quem primum in terram egressi obcepaverant, locum patentibus silvis communiirent. Ipsi per Taurinos saltusque invios Alpes transcederunt: fusisque acie Tuscis haud procul Ticino flumine, quum, in quo confederant, agrum Insubrium adpellari audissent, cognomine Insubribus pago Aeduorum; ibi, omen sequentes loci, condidere urbem: Mediolanum adpellarunt.

XXXV. Alia subinde manus Cenomanorum, Elitovio duce vestigia priorum sequuta, eodem saltu, favente Belloveso, quum transcedisset Alpes, ubi nunc Brixia ac Verona urbes sunt, (locos tenuere Libui) confidunt. Post hos Salluvii, prope antiquam gentem Laevos Ligures, incolentes circa Ticinum amnem. Penino deinde Boji Lingonesque transgressi, quum jam inter Padum atque Alpes omnia tenerentur, Pado ratibus trajecto, non Etruscos modo, sed etiam Vmbros, agro pellunt: intra Apenninum tamen se se tenuere. Tum Senones, recentissimi advenarunt, ab Utente flumine usque ad Aesim fines habuere. Hanc gentem Clusium, Romamque inde, venisse comperio. Id parum certum est, solumne, an ab omnibus Cisalpinorum Gallicorum populis adjutam. Clusini, novo bello exterriti, quam multitudinem, quum fornias hominum visitatas cernerent et genus armorum, audirentque, saepe ab iis, cis Padum ultraque, legiones Etruscorum fudas; quamquam adversus Romanos nullum eis jus societatis amicitiae erat, nisi quod Vejentes consanguineos aduersus populum Romanum non defendissent, legatos Romanos, qui auxilium ab senatu peterent, misere. De auxilio nihil inpetratum. Legati tres M. Fabii Amulisti filii

filii missi, qui senatus populi Romani nomine agerent cum Gallis, ne, a quibus nullam injuriam adcepissent, socios populi Romanorum atque amicos obpugnarent: Romanis eos bello quoque si res cogat, tuendos esse: sed melius visum, bellum ipsum amoveri, si posset; et Gallos, novam gentem, pacem potius cognosci, quam armis.

XXXVI. Mitis legatio, ni praeferoce^s legatos Gallisque magis quam Romanis similes habuisset. Quibus, postquam mandata ediderunt in concilio Gallorum, datur responsum: *Etsi novum uomen audiant Romanorum, tamen credere viros fortis esse, quorum auxilium a Clusiniis in re trepida sit imploratum: et, quoniam legatione adversus se malnerint, quam armis, tueri socios, ne se quidem pacem, quam illi adferant, adsperniari, si Gallis, e gentibus agro, quem latius possideant, quam colant, Clusini, partem finium concedant: aliter pacem impetrari non posse, et responsum coram Romanis adipere velle: et, si negetur ager, coram iisdem Romanis dimicatores, ut nunciare dominum possent, quantum Galli virtute ceteros mortales praestarent. Quodnam id jus effet, agrum a possessoribus petere, aut minari arma? Romanis quaerentibus, et, quid in Etruria rei Gallis effet? quum illi, se in armis jus ferre, et omnia fortium virorum esse, terociter dicere, ad censis utrumque animis ad arma discurritur, et proelium conseritur. Ibi, jam urguntibus Romanam urbem satis, legati contra jus gentium arma capiant. Nec id clani esse potuit, quum ante signa Etruscorum tres nobilissimi fortissimique Romanae juventutis pugnarent. Tantum eminebat peregrina virtus. Quin etiam Q. Fabius, evectus extra aciem equo, ducem Gallorum, ferociter in ipsa*

ipsa signa Etruscorum incurvantem, per latus transfixum hasta, obcidit; spoliaque ejus legentem Galli adnovere, perque totam aciem, Romanum legatum esse, signum datum est. Omissa inde in Clusinos ira, receptui canunt, minantes Romanis. Erant, qui extemplo Romanam eundum censerent. Vicere seniores, ut legati prius mitterentur questum injurias postulatumque, ut pro jure gentium violato Fabii dederentur. Legati Gallorum quum ea, sicut erant mandata, exposuissent, senatui nec factum placebat Fabiorum; et jus postulare barbari videbantur. Sed, ne id, quod placebat, decerneret in tantae nobilitatis viris, ambitione obstabat Itaque, ne penes ipsos culpa esset cladis forte Gallico bello acceptae, cognitionem de postulatis Gallorum ad populum rejiciunt. Vbi tanto plus gratia atque opes valuere, ut, quorum de poena agebatur, tribuni militum consulari potestate in subsequentem annum crearentur. Quo facto, haud securus quam dignum erat, infensi Galli bellum propalam minantes, ad suos redeunt. Tribuni militum cum tribus Fabiis creati. Q. Sulpicius Longus, Q. Servilius quartum, Ser. Cornelius Maluginensis.

XXXVII. Quum tanta moles mali instaret, (adeo obcaecat animos fortuna, ubi vim suam ingruentem refringi non vult) civitas, quae adversus Fidenatem ac Vejentem hostem aliosque finitimos populos, ultima experiens auxilia, dictatorem multis tempestatibus dixisset, ea tunc, invisitato atque inaudito hoste ab Oceano terrarumque ultimis oris bellum ciente, nihil extraordinarii imperii aut auxiliique quæsivit. Tribuni, quorum temeritate bellum contractum erat, summae rerum præerant; delectumque nihil adecuratiorem, quam ad

ad media bella haberri solitus erat, (extenuantes etiam famam belli) habebant. Interim Galli, postquam adcepere, ultiro honorem habitum violatoribus juris humani, elusamque legationem suam esse; flagrantes ira, cuius impatiens est gens, confestim signis convulsis, citato agmine iter ingrediuntur. Ad quorum praetereruentium raptim tumultum quum exterritae urbes ad arma concurrerent, fuga que agrestium fieret, Romam se ire, magno clamore significabant; quaecumque ibant, equis virisque longe ac late fuso agmine immensuni obtinentes loci. Sed, antecedente fama nunciisque Clusinorum, deinceps inde aliorum populorum, plurimum terroris Romanam celeritas hostium tulit: quippe quibus, velut tumultuario exercitu raptim ducto, aegre ad undicimum lapidem obcursum est, qua flumen Allia, Crustuminiis montibus praevalto defluens alveo, haud multum infra viam Tiberino amni miscetur. Jam omnia contra circaque hostium plena erant, et nata in vanos tumultus gens, truci cantu clamoribusque variis, horrendo cuncta compleverant sono.

XXXVIII. Ibi tribuni militum, non loco castris ante capto, non praemunito vallo, quo receptus esset, non Deorum saltem, si non hominum, memores, nec auspicato, nec lito, instruunt aciem deductam in cornua, ne circumveniri multitudine hostium possent. Nec tamen aquari frontes poterant, quum extenuando infirmam et vix cohaerentem medium aciem haberent. Paullum erat ab dextera editi loci, quem subsidiariis repleri placuit; eaque res, ut initium pavoris ac fugae, sic una salus fugientibus fuit. Nam Breuuus, regulus Gallorum, in paucitate hostium artem maxime timens, ratus ad id captum superiorem locum,

cum, ut, ubi Galli cum acie legionum recta fronte concucurrisse, subsidia in aversos transversosque impetum darent, ad subsidiarios signa convertit: si eos loco depulisset, haud dubius, facilem in aequo campi tantum superanti multitudini victoriam fore. Adeo non fortuna modo, sed ratio etiam, cum barbaris stabat. In altera acie nihil simile Romanis, non apud duces, non apud milites, erat. Pavor fugaque obcupaverat animos, et tanta hominum oblivio, ut multo major pars Vejos, in hostium urbem, quum Tiberis arceret, quam recto itinere Romam ad conjuges ac liberos fugerent. Parumper subsidiarios tutatus est locus. In reliqua acie simul est clamor, proximis ab latere, ultimis ab tergo, auditus, ignotum hostem prius paene quam viderent, non modo non tentato certamine, sed ne clamore quidem redditio, integri intactique fugerunt. Nec ulla caedes pugnantium fuit. Terga caesa suomet ipsorum certamine in turba impedientium fugam. Circa ripam Tiberis, quo armis abjectis totum finistrum cornu defugit, magna strages facta est: multosque, imperitos nandi aut invalidos, graves loricis aliisque tegminibus, haufere gurgites. Maxima tamen pars incolumis Vejos perfugit; unde non modo praefidii quidquam, sed ne nuntius quidem cladis, Romam est missus. Ab dextro cornu, quod procul a flumine et magis sub monte steterat, Romam omnes petiere, et, ne clausis quidem portis urbis, in arcem confugerunt.

XXXIX. Gallos quoque velut obstupefactos miraculum victoriae tam repentinae tenuit. Et ipsi pavore desixi primum steterunt, velut ignari, quid adcidisset. Deinde infidias vereri; postremo caesorum spolia legere, armo-

morumque cumulos, ut mos eis est, coacer-
 vare. Tum demum, postquam nihil usquam
 hostile cernebatur, viam ingressi, haud multo
 ante solis obcasum ad urbem Romam perve-
 niunt. Vbi quum praegressi equites, non por-
 tas clausas, non stationem pro portis excuba-
 re, non armatos esse in muris, retulissent:
 aliud priori simile miraculum eos sustinuit;
 noctemque veriti et ignotae situm urbis, inter
 Romam atque Anienem confedere, explorato-
 ribus missis circa moenia aliasque portas,
 quaenam hostibus in perdita re consilia essent.
 Romani, quum pars major ex acie Vejos pe-
 tisset, nemo supereisse quemquam praeter eos,
 qui Romam refugerant, crederet, complorati
 omnes, pariter vivi mortuique, totam prope
 urbem lamentis, inpleverunt. Privatos de-
 inde luctus stupefecit publicus pavor, post-
 quam hostes adeisse nuntiatum est. Mox ulula-
 tus cantusque dissonos, vagantibus circa moe-
 nia turmatim barbaris, audiebant. Omne in-
 de tempus suspensos ita tenuit animos usque
 ad lucem alteram, ut idemtide jam in urbem
 futurus videretur in petus primo adventu, quo
 adeesserant ad urbem. Mansuros enim ad Alliam
 fuisse, nisi hoc consilii foret. Deinde sub
 obcasum solis, quia haud multum diei super-
 erat, ante noctem rati se invasuros; tum in
 noctem dilatum consilium esse, quo plus pavo-
 ris inferrent. Postremo lux adpropinquans
 exanimare: timorique perpetuo ipsum malum
 continens fuit, quum signa infesta portis sunt
 inlata. Nequaquam tamen ea nocte, neque
 in sequenti die similis illi, quae ad Alliam tam
 pavide fugerat, civitas fuit. Nam quum de-
 fendi urbem posse, tam parva relicta manu,
 spes nulla esset, placuit, cum conjugibus ac
 liberis juventutem militarem senatusque

bur

bur in arcem Capitoliumque concedere; armisque et frumento conlatis, ex loco inde munito Deos hominesque et Romanum nomen defendere: Flaminem sacerdotesque Vestales, sacra publica, a caede, ab incendiis procul auferre; nec ante deserunt cultum eorum, quani non supereffent, qui colerent. Si arx Capitoliumque, sedes Deorum, si senatus, caput publici consilii, si militaris juventus superfuerit imminentि ruinae urbis, facilem jacturam esse seniorum, relictae in urbe utique periturae turbae. Et, quo id aequiore animo de plebe multitudo ferret, senes triumphales consularesque simul se cum illis palam dicere obituros; nec his corporibus, quibus non arma ferre, non tueri patriam possent, eneraturos inopia armatorum.

XL. Haec inter seniores morti destinatos jactata solatia. Versae inde adhortationes ad agmen juvenum, quos in Capitolium atque in arcem prosequebantur, commendantes virtuti eorum juventaeque urbis per trecentos sexaginta annos omnibus bellis vetricis, quaecumque reliqua esset, fortunam. Digredientibus, qui spem omnem atque opem secum ferebant, ab iis, qui captiae urbis non superesse statuerant exitio; quum ipsa res speciesque miserabilis erat, tum muliebris fletus et concursatio incerta, nunc hos nunc illos sequentium, rogitantiumque viros natosque, cui se fato darent, nihil, quod humanis supereffet malis, relinquebant. Magna pars tamen earum in arcem suos prosecutae sunt, nec prohibente ullo, nec vocante; quia, quod utile obseffis ad minuendam inbellem multitudinem, id parum humanum erat. Alia, maxime plebis, turba, quam nec capere tam exiguis collis, nec alere in tanta inopia frument-

menti poterat, ex urbe effusa velut agmine
jam uno petiit Janiculum. Inde pars per agros
dilabbi, pars urbes petunt fuitimās, sine ullo
duce aut consensti, suam quisque spem, sua
confilia, communibus deploratis, exsequentes.
Flamen interim Quirinalis virginēsque Vesta-
les, omissa rerum suarū cura, quae sacro-
rum secum ferenda, quae (quia vires ad omnia
ferenda deerant) relinquenda essent, cōsul-
tantēs, quisve ea locus fideli adservaturus cu-
stodia esset; optimū ducunt, condita in do-
tiolis facello proximō aedibus flaminis Qui-
rinalis, ubi nunc despūi religio est, defodere:
cetera inter se onere partito ferunt via, quae
fūlīciō ponte dicit ad Janiculum. In eo cli-
vo eas quum L. Albinius, de plebe Romana
homo, conspexisset, planstro conjugem ac li-
beros vehens inter ceteram turbam, quae in-
utilis bello urbe excedebat: salvo etiam tum
discrimine divinarum humanaarumque rerum,
in religiosum ratus, sacerdotes publicos sacra-
que populi Romani pedibus ire, ferrique, se
ae fuos in vehiculo conspici; descendere uxo-
rem ac pueros jussit, virgines sacraque in plau-
strum inposuit, et Caere, quo iter sacerdoti-
bus erat, pervexit.

XLI. Romiae interim, satis jam omnibus,
ut in tali re, ad tuendam arcem compositis,
turba seniorum, domos regressa, adventum
hostium obstinato ad mortem animo exspecta-
bat. Qui eorum curules gesserant magistratus,
ut in fortunae pristinae honorumque aut vir-
tutis insigibus morerentur, quae augustissima
vestis sit tensas ducentibus triumphibusve,
ea vestiti medio aedium eburneis sellis sedere.
Sunt, qui, M. Fabio pontifice maximo pre-
fante carmen, devovisse eos se pro patria Qui-
ritibusque Romanis, tradant. Galli, et quia-

interposita nocte a contentione pugnae remiserant animos, et quod nec in acie ancipiitusquam certaverant proelio, nec tum inpetu aut vi capiebant urbem, sine ira, sine ardore animorum ingressi postero die urbem patente Collina porta, in forum pervenient, circumferentes oculos ad templa Deum arcemque, solam belli speciem tenentem. Inde, modico relieto praetidio, (ne quis in dissipatos ex arce aut Capitolio inpetus fieret) dilabsi ad prae-dam vacuis obcursu hominum viis, pars in proxima quaeque tectorum agmine ruunt; pars ultima, velut ea demum intacta et referta praeda, petunt. Iude rursus ipsa solitudine absterriti, ne qua fraus hostilis vagos exciperet, in forum ac propinqua foro loca congregati redibant: ubi eos, plebis aedificiis obse-ratis, patentibus atriis principum, major pro-pe cunctatio tenebat aperta, quam clausa, invadendi. Adeo hand secus quam venerabundi intuebantur in aedium vestibulis sedentes vi-ros, praeter ornatum habitumque humano augustiorem, maiestate etiam, quam vultus gravitasque oris pree se ferebat, simillimos Diis. Ad eos, velut simulacra, versi quum starent, M. Papirius, unus ex his, dicitur Gallo, barbam suam, ut tum omnibus promissa erat, perimulcenti, scipione eburneo in caput incusso iram movisse; atque ab eo initium caedis ortum, ceteros in sedibus suis trucidatos. Post principum caedem nulli deinde mortalium parci, diripi tecta, exhaustis injici ignes.

XLI. Ceterum, seu non omnibus dele-dae urbis libido erat, seu ita placuerat prin-cipibus Gallorum, et ostentari quaedam incendia terroris causa, si compelli ad deditio-nem caritate sedium suarum obfessi possent;

et non omnia concremari tecta, ut, quodcumque superesset urbis, id pignus ad flectendos hostium animos haberent; nequaquam perinde atque in capta urbe prima die aut passim aut late vagatus est ignis. Romani, ex aree plenam hostium urbem cernentes, vagosque per vias omnes cursus, quum alia atque alia parte nova aliqua clades oriretur, non mentibus solum concipere, sed ne auribus quidem atque oculis tatis constare poterant. Quocumque clamor hostium, mulierum puerorumque ploratus, sonitus flammæ et fragor ruentium tectorum advertisset, paventes ad omnia, animos oraque et oculos flectebant, velut ad spectaculum a fortuna positi obcidens patriæ, nec ullius rerum suarum relieti, praeterquam corporum, vindices: tanto ante alias miserandi magis, qui umquam obfessi sunt, quod intercluli a patria obsidebantur, omnia sua cernentes in hostium potestate. Nec tranquillior nox diem tam foede actum exceptit: lux deinde noctem inquietam insequuta est. Nec ullum erat tempus, quod a novae semper cladis alicujus spectaculo cessaret. Nihil tamen, tot onerati atque obruti malis, flexerunt animos, quin, et si ominia flammis ac ruinis aequata vidissent, quamvis inopem parvumque, quem tenebant, collem, libertati relictum, virtute defenderent; et jam, quum eadem quotidie adciderent, velut adsueti malis, abalienaverant ab sensu rerum suarum animos; arma tantum ferrumque in dextris, velut folias reliquias spei suae, intuentes.

XLIII. Galli quoque, per aliquot dies in tecta modo urbis nequidquam bello gesto, quum inter incendia ac ruinas captae urbis nihil superesse, praeter armatos hostes, viderent, nequidquam tot cladibus territos, nec flexuros

ad ditionem animos, ni vis adhiberetur; experiri ultima, et inpetum facere in arcem statuunt. Prima luce, signo dato, multitudo omnis in foro instruitur: inde, clamore sublato ac testudine facta, subeunnt. Adversus quos Romani nihil temere nec trepide, ad omnes aditus stationibus firmatis, qua signa ferri videbant, ea robore virorum obposito scandere hostem sintuit: quo subcesserit magis in arduum, eo pelli posse per proclive facilius rati. Medio sere clivo restitere: atque inde ex loco superiore, qui prope sua sponte in hostem inferebat, inpetu facto, strage ac ruina sudere Gallos: ut numquam postea nec pars, nec universi tentaverint tale pugnae genus. Omessa itaque spe per viam atque arma subeundi, oblidionem parant: cuius ad id tempus inmemores, et, quod in urbe fuerat, frumentum incendiis urbis absumperant, et ex agris per ipsos dies raptum omne Vejos erat. Igitur, exercitu diviso, partim per finitimos populos praedari placuit, partim obsideri arcem; ut obsidentibus frumentum populatores agrorum praeberent. Proficiscentes Gallos ab Urbe ad Romanam experiendam virtutem fortunia ipsa Ardeam, ibi Camillus exsulabat, duxit: qui moestior ibi fortuna publica, quam sua, quum Diis hominibusque adcusanis senesceret, indignando mirandoque ubi illi viri essent, qui secum Vejos Faleriosque cepissent, qui alia bella fortius semper, quam felicius, gessissent; repente audit, Gallorum exercitum adventare, atque de eo payidos Ardeates consultare. Nec secus quam divino spiritu tactus, quum se in medium concionem intulisset, abstinerere fuctus ante talibus conciliis.

XLIV. Ardeates, inquit. veteres amici, novi etiam cives mei, quando et vestrum beneficium

cium ita tulit, et fortuna hoc egit mea, nemo
vestrum conditionis meae oblitum me huic pro-
cessisse putet; sed res ac periculum commune co-
git, quod quisque possit in re trepida praesidii,
in medium conferre. Et quando ego vobis pro-
tantis vestris in me meritis gratiam referam, si
nunc cessavero? aut ubi usus erit mei vobis, si
in bello non fuerit? Hac arte in patria steti;
et, invictus bello, in pace ab ingratis civibus
pulsus sum. Vobis autem, Ardeates, fortuna
oblata est, et protantis pristinis populi Romani
beneficiis, quanta ipsi meministis, (nec enim
exprobranda apud memores sunt) gratiae refe-
rendae, et huic urbi decus ingens belli ex hostie
communi pariendi. Quae effuso agmine adven-
ta, gens est, cui natura corpora animosque
magma magis, quam firma, dederit. Eo in-
certamen omne plus terroris, quam virium, fe-
runt. Argumento sit clades Romana. Paten-
tem cepere urbem; ex arce Capitolioque his exi-
guia resistitur manu. Jam obsidionis taedio vi-
cti abscedunt, vagique per agros palantur. Ci-
bo vinoque raptim hanclo repleti, ubi nox ad-
petit, prope rivos aquarum, sine munimento,
sine stationibus ac custodiis, passim ferarum ritu
sternuntur, nunc ab secundis rebus magis etiam
solito incauti. Si vobis in animo est, tueri moe-
nia vestra, nec pati haec omnia Galliam fieri,
prima vigilia capite arma frequentes: me sequi-
mini ad caudem, non ad pugnam. Nisi vinctos
sumo, velut pecudes, trucidandos tradidero,
non recuso eumdem Ardeae rerum mearum exi-
tum, quem Romae habui.

- 310 - XLV. Aequis iniquisque persuasum erat,
tantum bello virum neminem usquam ea tem-
pestate esse. Concione dimissa, corpora cu-
rant, intenti, quam mox lignum daretur.

Quo dato, primae silentio noctis ad portas Camillo praesto fuere. Egressi, haud procul urbe, sicut praedictum erat, castra Fallorum, intuta neglectaque ab omni parte nacti, clamore invadunt. Nusquam proelium; omnibus locis caedes est: nuda corpora et soluta somno trucidantur. Extremos tamen pavor cubilibus suis excitos, quae aut unde vis esset, ignaros, in fugam, et quosdam in hostem ipsum improvidos tulit. Magna pars in agrum Antiatem delati, incursione ab oppidanis in palatos facta, circumveniuntur. Similis in agro Vejenti Tuscorum facta strages est: qui urbis, jam quadringentesimum annum vicinae, obpressae ab hoste invisitato inauditique, adeo nihil miseriti sunt, ut in agrum Romanum eo tempore incursions facerent, plenique praedae Vejos etiam, praesidiumque et spem ultimam Romani nominis, in animo habuerint obpugnare. Viderant eos milites Romani, vagantes per agros et congregatos agmine, praedam p[re]se agentes, et castra cernebant haud procul Vejis posita. Inde primum miseratio sui, deinde indignitas, atque ex ea ira animos cepit, *Etruscisne etiam, a quibus bellum Gallicum in se avertissent, ludibrio esse clades suas?* Vix temperavere animis, quin exemplo impetum facerent: compressisque à Caedicio centurione, quem sibimet ipsi praefecerant, rem in noctem sustinuere. Tantum par Camillo defuit auctor: cetera eodem ordine eodemque fortunae eventu gesta. Quin etiam, ducibus captivis, qui caedi nocturnae superfuerant, ad aliam manum Tuscorum ad Salinas profecti, nocte insequenti ex improviso majorem caedem edidere, duplice victoria ovantes Vejos redeunt.

XLVI. Romae interim plerumque obsidio
segnis et utrinque silentium esse, ad id tan-
tum intentis Gallis, ne quis hostium evadere
inter stationes posset: quum repente juvenis
Romanus admiratione in se cives hostesque
convertit. Saeculum erat statum in Quiri-
nali colle genti Fabiae. Ad id faciendum C.
Fabius Dorso, Gabino cinctu, sacra manibus
gerens, quum de Capitolio descendisset, per
medias hostium stationes egressus, nihil ad vo-
cem cujusquam terroremve motus, in Quiri-
nalem collem pervenit. Ibique omnibus sol-
lemniter peractis, eadem revertens similiter
constanti vultu graduque, fatis sperans propi-
tios esse Deos, quorum cultum ne mortis qui-
dem metu prohibitus deseruisset, in Capito-
lium ad suos rediit, seu ad tonitis Gallis mira-
culo audaciae, seu religione etiam motis, cu-
jus haudquaquam negligens est gens. Vejis
interim non animi tantum in dies, sed etiam
vires, crescebant; nec Romanis solum eo con-
venientibus ex agris, qui a proelio adverso
aut clade captae urbis palati fuerant, sed etiam
ex Latio voluntariis confluentibus, ut in parte
praedae essent. Maturum jam videbatur, re-
peti patriam eripique ex hostium manibus:
sed corpori valido caput deerat. Locus ipse
admonebat Camilli, et magna pars militum
erat, qui ductu auspicioque ejus res prospere
gesserant; et Caedicius negare, se commissu-
rum, cur sibi aut Deorum aut hominum quis-
quam imperium finiret potius, quam ipse me-
mor ordinis sui posceret imperatorem. Con-
fensu omnium placuit, ab Ardea Camillum
adciri; sed antea consulto senatu, qui Romae
esset. Adeo regebat omnia pudor, discrimi-
naque rerum prope perditis rebus servabant.
Ingenti periculo transeunduni per hostium cu-

stodias erat. Ad eam rem Pontius Cominius, impiger juvenis, operam pollicitus, incubans cortici, secundo Tiberi ad Vrbem defertur. Inde, qua proximum fuit a ripa, per prae-ruptum, eoque neglectum hostium custodiae, faxum in Capitolium evadit; et, ad magistratus ductus, mandata exercitus edit. Adcepito inde senatus decreto, ut et, comitiis curiatis revocatus de exilio, iussu populi Camillus dictator extemplo diceretur, militesque haberent imperatorem, quem vellent, eadem degressus nuntius Vejos contendit: missique Ardeam legati ad Camillum, Vejos eum perduxere; seu quod magis credere libet, non prius profectum ab Ardea, quam comperit legem satam; quod nec injussu populi mutari finibus posset, nec, nisi dictator dictus, auspicia in exercitu habere) lex curiata lata est, dictatorque absens dictus.

XLVII. Dum haec Vejis agebantur, interim arx Romae Capitoliumque in ingenti periculo fuit. Namque Galli, seu veltigio notato humano, qua nuntius a Vejis pervenerat, seu sua sponte animadverso ad Carmentis faxo adscensu aequo, nocte sublustrī, quum primo inermem, qui tentaret viam, praemissent, tradentes inde arma, ubi quid iniqui esset, alterni innisi, sublevantesque in vicem et trahentes alii alios, prout postularet locus; tanto silentio in sumnum evalere, ut non custodes solum fallerent, sed ne canes quidem, sollicitum animal ad nocturnos strepitus, excitarent. Anseres non fefellerent, quibus sacris Junoni in summa inopia cibi tamen abstinebatur. Quae res saluti fuit. Namque clangore eorum alarumque crepitu excitus M. Manlius, qui triennio ante consul fuerat, vir bello egregius, armis adreptis, simul ad arma cete-

ceteros ciens, vadit; et, dum ceteri trepidant, Gallum, qui jam in summo consisterat, umbone ictum deturbat. Cujus casus prolabi quum proximos sternet, trepidantes alios, armisque omissis faxa, quibus adhaerebant, manibus amplexos, trucidat. Janique et alii congregati telis missilibusque faxis proturbare hostes, ruinaque tota prolabsa acies in praeceps deferri. Sedato deinde tumultu, reliquum noctis (quantum in turbatis mentibus poterat, quum praeteritum quoque periculum sollicitaret) quieti datum est. Luce orta, vocatis classico ad concilium militibus ad tribunos, quum et recte et perpetram facto pretium deberetur; Manlius primum ob virtutem laudatus donatusque, non ab tribunis solum militum, sed consensu etiam militari; cui universi felibras farris et quartarios vini ad aedes ejus, quae in arce erant, contulerunt. Rem dictu parvam. Ceterum inopia fecerat eam argumentum ingens caritatis, quum, se quisque victu suo fraudans, detractum corpori atque usibus necessariis ad honorem unius viri conferret. Tum vigiles ejus loci, qua se fellerat ascendens hostis, citati: et quum in omnes more militari se animadversurum Q. Sulpicius tribunus militum pronunciasset; consentiente claniore militum, in unum vigilem conjicientium culpam, deterritus, a ceteris abstinuit: reum haud dubium ejus noxae, adprobantibus cunctis, de faxo dejecit. Inde intentiores utrumque custodiae esse; et apud Gallos, quia vulgatum erat, inter Vejos Romamque nuntios commeare; et apud Romanos, ab nocturni periculi memoria.

XLVIII. Sed ante omnia obsidionis bellique mala fames utrumque exercitum urgebat: Gallos pestilentia etiam, quum loco ja-

cente inter tumulos castra habentes, tum ab incendiis torrido et vaporis pleno, cineremque, non pulverem modo, ferente, quum quid venti motum esset. Quorum intolerantissima gens humorique ac frigori adsueta quum, aestu et angore vexata, vulgatis velut in pecua morbis moreretur, jam pigritia singulos sepeliendi promiscue acervatos cumulos hominum urebant: bustorumque inde Gallicorum nomine insignem locum fecere. Induciae deinde cum Romanis factae, et couloquia permissu imperatorum habita: in quibus quum idem tidem Galli famem objicerent, eaque necessitate ad deditio[n]em vocarent, dicitur avertendae ejus opinionis causa multis locis panis de Capitolio jactatus esse in hostium stationes. Sed jam neque disinilari, neque ferri ultra fames poterat. Itaque, dum dictator delectum per se Ardeae habet, magistrum equitum L. Valerini a Vejis abducere exercitum jubet, parat instruitque, quibus haud inpar adoriantur hostes: interim Capitolinus exercitus, stationibus vigiliisque sessus, superatis tamen humanis omnibus malis, quum famem unam natura vinci non sineret, diem de die prospectans, ecquod auxilium ab dictatore adpareret; postremo spe quoque jam, noui soliū cibo, deficiente, et, quum stationes procederent, prope obruentibus infirmum corpus armis, vel dedi, vel redimi se, quacumque pactione possent, jussit; jactantibus non obscure Gallis, haud magna mercede se abduci posse, ut obsidionem relinquant. Tum senatus habitus, tribunisque militum negotium datum, ut pacifcerentur. Inde inter Q. Sulpicium tribunum militum et Brennum regulum Gallorum conloquio transacta res est, et mille pondo auri pretium populi gentibus mox impera-

peraturi factum. Rei, foedissimae per se, adjecta indignitas est. Pondera ab Gallis adlata iniqua, et, tribuno recusante, additus ab insolente Gallo ponderi gladius; auditaque intoleranda Romanis vox, *Vae victis esse.*

XLIX. Sed Diique et homines prohibuerent redemptos vivere Romanos. Nam forte quadam, prius quam infanda merces perficeretur, per altercationem nondum omni auro adpenso, dictator intervenit; auferrique aurum de medio, et Gallos submoveri jubet. Quum illi renitentes pactos diccerent se se, negat eam pactionem ratam esse, quae, postquam ipse dictator creatus esset, injussu suo ab inferioris juris magistratu facta esset; denunciatque Gallis, ut se ad proelium expediant. Suos in acervum conjicere sarcinas, et arma aptare, ferroque, non auro, recuperare patriam jubet; in conspectu habentes fana Deum et conjuges et liberos, et solum patriae deforme belli malis, et omnia, quae defendi repetique et ulcisci fas sit. Instruit deinde aciem, ut loci natura patiebatur, in semiirutae solo urbis et natura inaequali; et omnia, quae arte belli secunda suis eligi praepararive poterant, providit. Galli, nova re trepidi, arina capiunt, iraque magis, quam consilio, in Romanos incurront. Jam verterat fortuna; jam Deorum opes humanaque consilia rem Romanam adjuvabant. Igitur primo concursu haud majore momento fusi Galli sunt, quam ad Alliam vicerant. Justiore altero deinde proelio ad octavum lapidem Gabina via, quo se ex fuga contulerant, ejusdem ductu auspicioque Camilli vincuntur. Ibi caedes ommia obtinuit. Castra capiuntur, et ne nuntius quidem cladis relatus. Dictator, recuperata ex hostibus patria, triumphans in Vrbem redit: interque jocos mili-

militares, quos inconditos jaciunt, Romulus ac parens patriae conditorque alter Vrbis haud vanis laudibus appellatur. Servatam deinde bello patriam iterum in pace haud dubie servavit, quum prohibuit migrari Vejos, et tribunis rem intentius agentibus post incensam urbem, et per se inclinata magis plebe ad id consilium. Eaque causa fuit non abdicandae post triumphum dictatura, senatu obsecrante, ne rem publicam in incerto relinquere statu.

L. Omnia primum, ut erat diligentissimus religionum cultor, quae ad Deos immortales pertinebant, retulit; et senatus consulatum facit, *Fana omnia, quod ea hostis posse-disset, restituuerentur, terminarentur, expiarenturque, expiatioque corum in libris per duum viros quaereretur: cum Caeretibus hospitium publice fieret, quod sacra populi Romani ac sacerdotes receperissent, beneficioque ejus populi non intermissus honos Deum immortalium esset: ludi Capitolini fierent, quod Jupiter optimus maximus suam sedem atque arcem populi Romani in re trepida tutatus esset: collegiumque ad eam rem M. Furius dictator constitueret ex iis, qui in Capitolio atque arce habitarent.* Expiandae etiam vocis nocturnae, quae nuntia cladi ante bellum Gallicum audita neglectaque esset, mentio inlata, jussumque templi in Noya via Ajo Locutio fieri. Aurum, quod Gallis erexitum erat, quodque ex aliis templis inter trepidationem in Jovis cellam contatum, quum, in quae referri oporteret, confusa memoria esset, sacrum omne judicatum, et sub Jovis sella ponni jussum. Jam ante in eo religio civitatis adparuerat, quod, quum in publico deesset aurum, ex quo summa patetiae mercedis Gallis consieret, a matronis contatum adceperant; ut sacro auro abstineretur.

Ma-

Matronis gratiae actae, honosque additus, ut earum, sicut virorum, post mortem sollemnis laudatio esset. Iis peractis, quae ad Deos pertinebant, quaeque per senatum agi poterant; tum demum, agitantibus tribunis plebem addiduis concionibus, ut, relictis ruinis, in urbem paratam Vejos transmigrarent, in concionem, uniuerso senatu prosequente, escendit, atque ita verba fecit:

LI. Adeo mihi acerbae sunt, Quirites, contentiones cum tribunis plebis, ut nec tristissimi ex filii solarium aliud habuerim, quoad Ardeae vixi, quam quod procul ab his certaminibus eram: et ob eadem haec, non, nisi me senatus consulto populi jussu revocaretis, rediturus amquam fuerim. Nec nunc me, ut redirem, mea voluntas mutata, sed vestra fortuna perpulit. Quippe, ut in sua sede maneret patria, id agebatur; non ut ego utique in patria essem. Et nunc quiescerem ac tacerem libenter, nisi haec quoque pro patria dimicatio esset; cui deesse, quoad vita subpetat, aliis turpe, Camillo etiam nefas est. Quid enim repetimus? quid obfessam ex hostium manibus eripiimus, si recuperatam ipsi deserimus? et quoniam, victoribus Gallis, capta tota urbe, Capitolium tamen atque arcam Diisque et homines Romani tenuerint, habitaverint; victoribus Romanis, recuperata urbe, arx quoque et Capitolium deseretur? et plus vastitatis huic urbi secunda nostra fortuna faciet, quam adversa fecit? Evidem, si nobis cum urbe simul positae traditaeque per manus religiones nullae essent, tamen tam evidens numen hac tempestate rebus adfuit Romanis, ut omnem negligentiam divini cultus exemtam hominibus putem. Intuemini enim horum deinceps annorum vel secundas res, vel adversas: invenietis omnia prospera evenisse sequentibus Deos, adver-

versa spernentibus. Jam omnium primum Ve-
jens bellum (per quot annos, quanto labore ge-
stum!) non ante cepit finem, quam monitu Deo-
rūm aqua ex lacu Albano emissā est. Quid haec
tandem urbis nostrae clades nova num ante ex-
orta est, quam spreta vox coelo emissā de ad-
ventu Gallorum? quam gentium jus ab legatis
nostris violatum? quam a nobis, quum vindicari
deberet, eadem negligentia Deorum pater-
termissem? Igitur victi captique ac redeniti
tantum poenarum Diis hominibusque dedimus,
ut terrarum orbi documento effemus. Adversae
deinde res admonuerunt religionum. Confugi-
mus in Capitolium ad Deos, ad sedem Jovis
optimi maximi; sacra in ruina rerum nostrarum
alia terrae celavimus, alia, avecta in finitimas
urbes, amovimus ab hostium oculis. Deorum
cultum, deserti ab Diis hominibusque, tamen
non intermisimus. Reddidere igitur patriam,
et victoriam, et antiquum belli decus amissum:
et in hostes, qui caeci avaritia in pondere auri
foedus ac fidem se fellerunt, verterunt terrorem
fugamque et caedem.

LII. *Haec culti neglectique numinis tanta*
monimenta in rebus humanis cernentes, ecquid
sentitis, Quirites, quantum vixdum e naufra-
giis prioris culpae cladiisque emergentes paremus
nefas? Urbem auspicato inaugurateque condi-
tam habemus; nullus locus in ea non religionum
Deorumque est plenus: sacrificiis sollemnibus
non dies magis stati, quam loca sunt, in quibus
fiant. Hos omnes Deos, publicos privatosque,
Quirites, deserturi esitis? Quam par vestrum
factum est, quod in obsidione nuper in egregio
adolescente C. Fabio, non minore hostium admir-
atione, quam vestra, conspectum est; quum in-
ter Gallica tela degressus ex arce sollempne Fa-
biae

biae gentis in colle Quirinali obiit? An gentilicia sacra ne in bello quidem intermitti, publica sacra et Romanos Deos etiam in pace deseriri placet? et pontifices flaminesque negligentiores publicarum religionum esse, quam privatus in sollemni gentis fuerit? Forsitan aliquis dicat, aut Vejis ea nos facturos, aut huc inde missus sacerdotes nos siros, qui faciant: quorum neutrum fieri salvis ceremoniis potest. Et ne omnia generatim sacra omnesque percensem Deos; in Jovis epulo num alibi, quam in Capitolio, pulvinar fuscipi potest? Quid de aeternis Vesiae ignibus signoque, quod imperii pignus custodia ejus templi tenetur, loquar? quid de ancilibus vestris, Mars Gradive, tuque, Quirine pater? haec omnia in profano deseriri placet sacra, aequalia urbi, quaedam vetustiora origine urbis? Et videte, quid inter nos ac majores intersit. Illi sacra quaedam in monte Albano Lavinioque nobis facienda tradiderunt. An ex hostium urbibus Romam ad nos transferri sacra religiosum fuit: hiuc sine piaculo in hostium urbem Vejos transferemus? Recordamini, agitedum, quoties sacra inslaurentur, quia aliquid ex patrio ritu negligentia casive praetermissum est. Modo quae res, post prodigium Albani lacus, nisi inslauratio sacrorum auspiciorumque renovatio, affectae Vejenti bello rei publicae remedio fuit? At etiam, tamquam veterum religionum memoris, et peregrinos Deos transtulimus Romam, et insituimus novos. Juno Regina, transvecta a Vejis, nuper in Aventino quam insigni ob excellens matronarum studium celebrique dedicata est die? Ajo Locutio templum, propter coelestem vocem exauditem in Nova via, iussimus fieri: Capitolinios ludos sollemnibus aliis addidimus; conlegiumque ad id novum, auctore senatu,

natu. condidimus. Quid horum opus fuit suscipi, si una cum Gallis urbem Romanam relicturi fuimus? si non voluntate mansimus in Capitolio per tot menses obsidionis? si ab hostibus metu retenti sumus? De sacris loquimur et de templis: quid tandem de sacerdotibus? Nonne in mentem venit, quantum piaculi committatur? Vestalibus nempe una illa sedes est, ex qua eas nihil unquam, praeterquam urbs capta, movit. Flamini Diali noctem unam manere extra urbem nefas est. Hos Vejentes pro Romanis facturi estis sacerdotes, et Vestales tuae te deserent, Vesla? et flamen peregre habitando in singulas noctes tantum sibi reique publicae piaculi contrahet? Quid alia, quae auspicato agimus omnia fere intra pomoerium, cui oblivioni, aut cui negligentiae damus? Comitia curiata, quae rem militarem continent; comitia centuriata, quibus consules tribunosque militares creatis, ubi auspicato, nisi ubi adsolent, fieri possunt? Vejosne haec transferemus? an comitorum causa populus tanto incommodo in desertam hanc ab Diis hominibusque urbem conveniet?

LIII.. Sed res ipsa cogit, vastam incendiis ruinisque relinquere urbem, et ad integra omnia Vejos migrare, nec hic aedificando iuopem plenam vexare. Hanc autem jactari magis causam, quam veram esse, ut ego non dicam; adparere vobis, Quirites, puto; qui meministis, ante Gallorum adventum, salvis tectis publicis privatisque, stante incolumi urbe, hanc eamdem rem actam esse, ut Vejos transmigraremus. Et videte, quantum inter meam sententiam vesiramque intersit, tribuni. Vos, etiam si tunc faciendum non fuerit, nunc utique faciendum putatis: ego contra, (nec id mirati sitis prius, quam, quale sit, audieritis) etiam si tunc mi-

gran-

grandum fuisset, incolumi tota urbe, nunc has ruinas relinquendas non censerem. Quippe tum causa nobis in urbem captam migrandi victoria esset, gloriosa nobis ac posteris nostris; nunc haec migratio nobis misera ac turpis, Gallis gloriosa est. Non enim reliquisse victores, sed amisisse victi, patriam videbimus: hoc ad Alliam fuga, hoc capta urbs, hoc circumfessum Capitolium necessitatis inposuisse, ut desereremus penates nostros, exsiliūque ac fugam nobis ex eo loco consiceremus, quem tueri non possemus. Et Galli evertere potuerunt Romam, quam Romani restituere non videbuntur potuisse? Quid restat, nisi ut, si jam novis copiis veniant, (consiat enim vix credibilem multitudinem esse) et habitare in capta ab se, deserta a vobis, hac urbe velint, sinatis? Quid? si non Galli hoc, sed veteres hostes vestiri, Aequi Volscive, faciant, ut commigrent Romam, velitisne illos Romanos, vos Vejentes esse? an malitis hanc solitudinem vestram, quam urbem hostium, esse? non equidem video, quid magis nefas sit. Haec scelera, quia piget aedificare, haec dedecorapatii parati esis? Si tota urbe nullum melius ampliusve tectum fieri possit, quam casa illa conditoris est nostri, non in casis, ritu pastorum agresliumque, habitare est satius inter sacra penatesque vestros, quam exsulatum publice ire? Majores nostri, convenae pastoresque, quum in his locis nihil, praeter silvas paludesque, esset, novam urbem tam brevi aedificarunt: nos, Capitolio, arce incolumi,stantibus templis Deorum, aedificare incensa piget? et, quod singuli facturi fuimus, si aedes nostrae deslagrassent, hoc in publico incendio universi recusamus facere?

LIV. Quid tandem? si fraude, si casu Vejis incendium ortum sit, ventoque (ut fieri po-

test) diffusa flamma magnam partem urbis absumat; Fidenas inde, aut Gabios, aliamve quam urbem quae fituri sumus, quo transmigremus? Adeo nihil tenet solum patriae, nec haec terra, quam matrem appellamus; sed in superficie tignisque caritas nobis patriae pendet? Evidem, fatebor vobis, et si minus injuriae vestrae, quam meae calamitatis, meminisse juvat, quum abessem, quotiescumque patria in mentem veniret, haec omnia obcurrerant, colles, campique, et Tiberis, et ad sueta oculis regio, et hoc coelum, sub quo natus educatusque essem. Quae vos, Quirites, nunc moveant potius caritate sua, ut maneatis in sede vestra, quam postea, quum reliqueritis ea, macerent desiderio. Non sine causa Dii hominesque hunc urbi condenda locum elegerunt, saluberrimos colles, flumen obportunum, quo ex mediterraneis locis fruges devehantur, quo maritimi commeatus adcipiantur; mare vicinum ad commoditates, nec expositum nimia propinquitate ad pericula clasium externarum, regionum Italiae medium, ad incrementum urbis natum unice locum. Argumento est ipsa magnitudo tam novae urbis. Trecentesimus sexagesimus quintus annus Urbis, Quirites, agitur: inter tot veterrimos populos tamdiu bella geritis; quum interca, ne singulas loquar urbes, non conjuncti cum Aequis Volsci, tot tam valida oppida, non universa Etruria, tautum terra marique pollens, atque inter duo maria latitudinem obtineus Italiae, bello vobis par est. Quod quum ita sit, quae, malum! ratio est, expertis alia experiri, quum jam, ut virtus vestra transire alio possit, fortuna certe loci hujus transferri non possit? Hic Capitolium est, ubi quondam capite humano invento responsum est, eo loco caput rerum summumque impe-

rii fore. Hic, quum augurato liberaretur Capitolum, Juventas Terminusque maximo gaudio patrum nostrorum moveri se non passi. Hic Vestae ignes, hic ancilia coelo demissa, hic omnes propitii manentibus vobis Dii.

LV. Movisse eos Camillus quum alia oratione, tum ea, quae ad religiones pertinebat, maxime dicitur. Sed rem dubiam decrevit vox obportuna emissa: quod, quum senatus post paullo de his rebus in curia Hostilia haberetur, cohortesque, ex praesidiis revertentes, forte agmine forum transirent, centurio in comitio exclamavit: *Signifer, statue signum! hic manebimus optime!* Qua voce audita, et senatus, *adcipere se omen*, ex curia egressus, conclamavit, et plebs circumfusa adprobavit. Antiquata deinde lege, promiscue Vrbs aedificari coepit. Tegula publice praebita est: faxi materiaeque caedendae, unde quisque vellet, ius factum; praedibus acceptis, eo anno aedificia perfecturos. Festinatio curam exemit vicos dirigendi, dum, omisso sui alienique discrimine, in vacuo aedificant. Ea est causa, ut veteres cloacae, primo per publicum ductae, nunc privata passim subeant, tecta, formaque Vrbis sit occupatae magis, quam divisae, similis.

T. LIVII PATAVINI
LIBER VI.

BREVIA RIVM.

CAP. I. Res ante incensam Urbem gestae a Romanis obscurae; clariores deinceps certioresque. Q. Fabius, qui legatus aduersus Gallos pugnauerat, accusatur et obportune moritur. Interregnum et comitia. Foedera ac leges conquiruntur. Dies religiosi, XV Kal. Sext. (clade ad Cremeram Alliamque insignis) postridie Idus, Kalendae ac Nonae. 2. Bella cum Volscis, Etruscis, Latinis, Hernicis Aquisque gerenda. Camillus, dictator III dictus, Volcos ac deinde Aequos vineit, 3. et Sutrium, Tuscis traditum, sociis reddit, q victoribus oppressi 4. Tum triumphat. Nova iurbs stat intra annum crescitque frequentia civium. Oppida Etruscorum Cortuosa et Contenebra vi capta. Capitolium saxo quadrato substructum. 5. Leges agrariae, et Pomptinus ager in spem ostentatus. Auspiciorum renovatio et interregnun. Numerum XXV tribuum explent quatuor ex novis civibus additae, Stellatina, Tromentina, Sabatina, Arniensis. 6. Antiates et Latini in armis sunt. Camillo coilegae V. regimen omnium rerum permittunt. 7. Is cum P. Valerio ad Satricum proficiscitur, et milites, ob multitudinem hostium trepidos, casligat. 8. Vincit Volscis,

scis, et Satricum scalis capit. 9. Tum recipit Sutrium; 10. et Nepete, oppida socia, ab Etruscis capta. Ab Latinis Hernicisque, qui adjuverant Volscos nec militem Romanis dederant, res repetitae,

11. M. Manlius Capitolinus, homo superbus et Camillo invidens, primus ex Patribus fit popularis et patronus nexorum. Hinc potissimum dictator creatur A. Cornelius Cossus, et si in speciem causae Volscum bellum jactatur. 12. 13. Dictator vincit Volscos sociosque eorum. 14. Tum adicitur Romam, ubi Manlius debitores a crudelitate feneratorum tuetur, fundum in Vejenti subjicit praetoni, et thesauros Gallici auri a Patribus obcultari jacit. 15. Manlius, iussu dictatoris vocatus, agmine ingenti venit ad tribunal ejus et causam dicit. 16. In carcerem ducitur; et magna plebis pars vesiem mutat. Jam haud procul seditione res est; cuius leniendae causa senatus Satricum coloniam deduci jubet, 17. Ea gliscente ex SCto Manlius vinculis liberatur. 18. Tum ille, plenior aliquanto animi iraeque, seditionis concionibus jam per se ad censam plebem incitat, et cum principibus interdiu noctuque agitat consilia rerum novandarum. 19. Senatus decernit, ut videant magistratus, ne quid resp. detrimenti capiat: et ipsi quoque tribuni plebis, quia eundem et suae potestatis, quem libertatis omnium, finem cernunt, Patrum auctoritati se dedunt. Ex his duo, M. Maenius et Q. Publilius, Manlio diem dicere statuunt. 20. Quo facto commovetur plebs, utique postquam solum reum, et ne fratres quidem proximosque sordidatos vident: et damnandi mora iis non in causa est, sed in loca, ex quo Capitolium a Manlio servatum conspicui potest. Quo mutato condemnatur et de saxo

Tarpejo dejicitur. Lex simul fertur, ne quis patricius in arce habitet, et gentis Manliae decreto. cavitur, ne quis deinde M. Manlius vocetur.

21. *Pestilentia, Fames et multiplex bellum. Novi hostes Lauuvini et Praenestini. Quinqueviri Pomptino agro dividendo, et triumviri coloniae Nepete deducendae creati.* 22. *Veliterni victi et bellum Praenestinis indictum. Volscum bellum M. Furio Camillo, exactae jam aetatis, sed vegeti adhuc ingenii animique viro, extra ordinem decretum, et adjutor ex tribunis mil. c. p. sorte L. Furius datus.* 23. *Ardor pugnandi idem est Volscis et L. Furio, cui conlega cedit.* 24. *Acies Rom. jam inclinata restituitur a Camillo, et hostes funduntur.* 25. *Quia inter captivos Tusculani aliquot noscitantur, bellum his sociis indicitur mandaturque Camillo, qui contra spem omnium adjutorem optat eundem L. Furium. Tusculani vim Rom. arcant pace constanti.* 26. *Eam et a senatu Rom. impetrant, et mox civitatem.*

27. *Censores creantur, ut censu instituto summa aeris alieni et facultates civium cognoscantur. Sed unus eorum moritur, et alii, vitio creati, non gerunt magistratum: tertios vero subfici, religio est. Eam esse ludificationem plebis tribuni dicunt, et ad Praenestini famam belli edictum impediunt delectum: neque aliud ad seditionem extinguendam, quam prope inlatum Vrbi bellum, valet.* 28. *Dictator dicitur T. Quinctius Cincinnatus, et confessim hostes a moenibus recedunt.* 29. *Praenestini ad Alliam vincuntur, capiunturque eorum IX oppida. Dictator triumphat signumque Jovis Imperatoris, Praeneste devectum, in Capitolium fert.* 30. *Tres tribuni mil. c. p. ex Patribus et totidem*

ex plebe creantur. Volsci provincia sine sorte et comparatione, extra ordinem, datur P. et C. Manliis: resque ibi, temeritate et inscitia dum proditae, militum virtute restituuntur. 31. Aes alienum materia et causa seditionis. Agri Volscorum vastantur. 32. Novum fenus contrahitur tributo in murum saxo quadrato facendum, et optatur frustra, ut jus de pecunia credita dicatur. Latini Volscique funduntur ad Satricum et Antium. 33. Antiates societatem cum Latinis dissolvunt et Romanis dcdunt urbem agrosque. Latini Satricum concremant igni, et Tusculum capiunt praeter arcem: sed mox a Romanis caeduntur ad unum omnes.

34. In Urbe crescit in dies vis Patrum miseriaque plebis, fama et corpore creditoribus satisfacientis: sed parva res ingentem molundi causa fit. Fabia minor, M. Fabii Ambusti filia, maerore adfligitur, quod ipsa C. Licinio Stoloni, viro plebejo, soror autem Ser. Sulpicio, patricio et trib. mil. c. p. nupta est. Pater filiam consolatur consiliaque init cum genero et L. Sextio. 35. Hi creantur tribuni plebis et promulgant leges de aere alieno, de modo agrorum, ne quis plus D jugera agri possideret, et de comitiis, ne tribunorum militum comitia fiant, confulumque utique alter ex plebe creetur. Patres adversus tribunicias rogationes comparant collegas: et Licinius Sextiusque, tribuni plebis saepius refecti, per quinquennium nullos curules magistratus creari patiuntur. 36. Octavum tribuni pl. reficiuntur latores legum, et simul tribunus mil. c. p. creator M. Fabius Ambustus, auctor earumdem legum et iam suasor. 37. Tribunorum pl. orationes, et nova rogatio: ut pro duumviris sacris faciundis decemviri creentur et pars ex plebe, pars ex Patribus fiat.

33. Patres trepidi ad duo ultima auxilia, summum imperium ac civem, decurrunt. Dictator IV dicitur M. Furius Camillus, qui minis plebi incutit terrorem, sed ducibus ejus animos potius ascendit, et, re neutro inclinata, magistratu se abdicat, putans forte, se vitio creatum esse. Ei sufficitur extemplo P. Manlius. 39. Is C. Licinium, qui tribunus mil. c. p. fuerat, primum magistrum equitum de plebe dicit, et se apud Patres excusat propinqua cognatione. Rogationes de feuere et agro jubentur a plebe, de plebejo consulatu antiquatur. Sextius Lici-niusque sibi honorem continuari nolunt, nisi conjunctim ferantur ab se promulgatae leges. 40. 41. Adversus eos orationem habet Ap. Claudius Crassus, nepos decemviri. 42. Quae modo vallet ad proferendum tempus rogationum jubar-darum. Refecti decimum iidem tribuni, Sextius et Licinius, legem perferunt de decemviris sa-crorum ex parte de plebe creandis. Fama belli Gallici adlata, Camillus dictator V dicitur, et in Albano agro multa caeduntur Gallorum millia. Comitiis consularibus L. Sextius de plebe primus consul creatur. Patres, auctore Camillo, ea lege auctores fiunt, ut concedatur a plebe nobilitati de praetore uno, qui jus in Urbe dicat, ex Patribus creando. Ordinibus ita ab diutina ira in concordiam redactis, senatus de-cernit, ut ludi maximi fiant et dies unus ad tri-duum adjiciatur. Recusantibus id munus aedi-libus plebis, recipitur a patriciis juvenibus ea conditione, ut aediles fiant.

I. **Q**uae ab condita urbe Roma ad captam eamdem urbem Romani sub regibus primi, consulibus deinde ac dictoribus, decemvirisque

que ac tribunis consularibus gessere, foris bella, domi seditiones, quinque libris exposui; res quum velutitate nimia obscuras, velut quae magno ex intervallo loci viꝝ cernuntur, tum quod parvae et rarae per eadem tempora literae fuere, una custodia fidelis memoriae rerum gestarum, et quod, etiam si quae in commentariis pontificum aliisque publicis privatisque erant monumentis, incensa Vrbe pleiaeque interiere. Clariora deinceps certioraque ab secunda origine, velut ab stirpibus laetius feraciusque renatae Vrbis, gesta domi militiaeque exponentur. Ceterum quo primo adminiculo erecta erat, eodem innisa M. Furius principe stetit. Neque eum abdicare se dictatura, nisi anno circumacto, passi sunt. Comitia in insequente annum tribunos habere, quorum iii magistratu capta Vrbs esset, non placuit: res ad interregnum rediit. Quum civitas in opere ac labore adsiduo reficienda Vrbis teneretur, interim Q. Fabio, simul primum magistratu abiit, ab C. Marcio tribuno plebis dicta dies est, quod legatus in Gallos, ad quos missus erat orator, contra ius gentium pugnasset. Cui judicio eum inors, adeo obportuna, ut voluntariam magna pars crederet, subtraxit. Interregnum iniit tum P. Cornelius Scipio interrex, et post eum M. Furius Camillus. Iterum is tribunos militum consulari potestate creat, L. Valerium Publicolam iterum, P. Virginium, P. Cornelium, A. Manlium, L. Aemilium, L. Postumium. Hi ex interregno quum extemplo magistratum inissent, nulla de re prius, quam de religionibus, senatum consuluere. In primis foedera ac leges (erant autem eae duodecim tabulae et quedam regiae leges) conqueriri, quae comparerent, jusserunt. Alia ex eis edita etiam in vulgus:

quae autem ad sacra pertinebant, a pontificibus maxime; ut religione obstrictos haberent multitudinis animos, subpressa. Tum de diebus religiosis agitari coeptum, diemque ante diem xv Calendas Sextiles, dupli clade insignem, (quo die ad Cremeram Fabii caesi, quo deinde ad Alliam cum exitio Vrbis foede pugnatum) a posteriore clade Alliensem appellarunt, insignemque rei nulli publice privatimque agendae fecerunt. Quidam, quod postridie Idus Quinctiles non litasset Sulpicius tribunus militum, neque inventa pace Deum post diem tertium objectus hosti exercitus Romanus esset, etiam postridie Idus rebus divinis superfederi iussum: inde, ut postridie Calendas quoque ac Nonas eadem religio esset, traditum putant.

II. Nec diu licuit quietis consilia erigendae ex tam gravi casu rei publicae secum agitare. Hinc Volsci, veteres hostes, ad extingendum nomen Romanum arma ceperant, hinc Etruriae principum ex omnibus populis coniurationem de bello, ad fanum Voltumnae factam, mercatores adferebant. Novus quoque terror adcesserat defectione Latinorum Hernicorumque, qui, post pugnam ad lacum Regillum factam, per annos prope centum numquam ambigua fide in amicitiam populi Romani fuerant. Itaque quum tanti undique terrores circumstarent, adpareretque omnibus, non odio solum apud hostes, sed contemtu etiam inter socios nomen Romanum laborare; placuit eisdem auspiciis defendi rem publicam, quibus recuperata esset, dictatoremque dici M. Furium Cainillum. Is dictator C. Servilium Ahalam magistrum equitum dixit: justitioque indicto, delectum juniorum habuit, ita ut seniores quoque, quibus aliquid roboris superesset,

esset, in verba sua juratos centuriaret. Exercitum conscriptum armatumque trifariam divisit. Partem unam in agro Vejente Etruriae obposuit: alteram ante Vrbem castra locare jussit. Tribunus militum his A. Manlius, illicis, qui aduersus Etruscos mittebantur, L. Aemilius praepositus: tertiam partem ipse ad Volscos duxit, nec procul ab Lanuvio (*ad Maccium* is locus dicitur) castra obpugnare est adortus. Quibus, ab contemtu (quod prope omnem deletam a Gallis Romanam juventutem crederent) ad bellum profectis, tantum Camillus auditus imperator terroris intulerat, ut vallo se ipsi, vallum congestis arboribus sepirent, ne qua intrare ad munimenta hostis posset. Quod ubi animadvertis Camillus, ignem in objectam sepem coujici jussit. Et forte erat vis magna venti versa in hostem. Itaque non aperuit solum incendio viam, sed, flammis in castra tendentibus, vapore etiani ac fumo crepitique viridis materiae flagrantis, ita consternavit hostes, ut minor moles superantibus vallum in castra Volscorum Romanis fuerit, quam transcendentibus sepem incendio absuntam fuerat. Fusis hostibus cassisque, quum castra in petu cepisset dictator, praedam militi dedit, quo minus speratam, minime largitore dnce, eo militi gratiorem. Persequutus deinde fugientes, quum omnem Volscum agrum depopulatus esset, ad deditiōnem Volscos septuagesimo demum anno subegit. Victor ex Volscis in Aequos transiit, et ipsos bellum molientes: exercitum eorum ad Bolas obpressit; nec castra modo, sed urbem etiam adgressus, in petu primo cepit.

III. Quum in ea parte, in qua caput rei Romanae Camillus erat, ea fortuna esset, aliam in partem terror ingens ingruerat. Etruria pro-

propé omnis armata Sutrium, socios populi Romani, obsidebat: quorum legati, opem rebus affectis orantes, quum senatum adissent, decretum tulere, ut dictator primo quoque tempore auxilium Sutrinis ferret. Cujus spei moram quum pati fortuna obsessorum non potuissest, confectaque paucitas oppidanorum, opere, vigiliis, vulneribus, quae semper eosdem urguebant, per pactionem urbe hostibus tradita, inermes cum singulis emissi vestimentis, miserabili agmine penates relinquenter; eo forte tempore Camillus cum exercitu Romano intervenit. Cui quum se moesta turba ad pedes provolvisset, principumque orationem, necessitate ultima expressam, fletus mulierum ac puerorum, qui exsiliis comites trahabantur, excepsisset; parcere lamentis Sutrinos jussit: Etruscis se luctum lacrumasque ferre. Sarcuas inde deponi, Sutrinosque ibi considere, modico praefidio relicto, arma secum militem ferre jubet. Ita expedito exercitu profectus ad Sutrium, id quod rebatur, soluta omnia rebus (ut fit) secundis invenit; nullam stationem ante moenia, patentes portas, victoreni vagum praedam ex hostium tectis egerentem. Iterum igitur eodem die Sutrium capitum: victores Etrusci passim trucidantur ab novo hoste, neque se congregandi coeundiique in unum, aut arma capiendi datur spatium. Quum pro se quisque tenderent ad portas, si qua forte se in agros ejicere possent, clausas (id enim primum dictator imperaverat) portas inveniunt. Iude alii arma capere, alii, quos forte armatos tumultus occupaverat, convocare suos, ut proelium inirent. Quod ad censum ab desperatione hostium fuisset, ni praecones, per urbem dimissi, poni arma et parci inermi jussissent, nec praeter armatos quem-

quemquam violari. Tum etiam, quibus animis in spe ultimam obstinati ad decertandum fuerant, postquam data spes vitae est, jactare passim arma, inermesque, quod tutius fortuna fecerat, se hosti offerre. Magna multitudo in custodias divisa: oppidum ante noctem redditum Sutrinis inviolatum integrumque ab omni clade belli, quia non vi captum, sed traditum per conditiones fuerat.

IV. Camillus in Urbem triumphans redit, trium simul bellorum victor. Longe plurimos captivos ex Etruscis ante currum duxit. Quibus sub hasta venundatis, tantum aeris redactum est, ut, pretio pro auro matronis persoluta, ex eo, quod supererat, tres paterae aureae factae sint: quas, cum titulo nominis Camilli, ante Capitolium incensum in Jovis cella constat ante pedes Junonis positas fuisse. Eo anno in civitatem adcepit, qui Vejentium Capenatumque ac Faliscorum per ea bella transfugerant ad Romanos, agerque iis novis civibus adsignatus. Revocati quoque in Urbem sentitus consulto a Vejis, qui aedificandi Romae pigritia, obcupatis ibi vacuis tectis, Vejos se contulerant. Et primo fremitus fuit adspersantium imperium: dies deinde praestituta capitalisque poena, qui non remigraffet Romam, ex ferocibus universis sanguinos, metu suo quemque, obedientes fecit. Et Roma quum frequentia crescere, tum tota sinu ex surgere aedificiis, et re publica inpenas adjuvante, et aedilibus velut publicum exigentibus opus, et ipsis privatis (admonebat enim desiderium usus) festinantibus ad effectum operis, intraque annum nova urbs stetit. Exitu anni comitia tribunorum militum consulari potestate habita. Creati T. Quintius Cincinnatus, Q. Servilius Fidenas quintum,

tum, L. Julius Julus, L. Aquilius Corvus, L. Lucretius Tricipitinus, Ser. Sulpicius Rufus. Exercitum alterum in Aequos, non ad bellum, (victos namque se fatebantur) sed ab odio ad per vastandos fines, ne quid ad nova confilia relinquenter virium, duxere: alterum in agrum Tarquiniensem. Ibi oppida Etruscorum, Cortuosa et Contenebra, vi capta dirutaque. Ad Cortuosam nihil certaminis fuit. Improviso adorti, primo clamore atque impetu cepere: direptum oppidum atque incensum est. Contenebra paucos dies ob pugnationem sustinuit; laborque continuus, non die non nocte remissus, subegit eos. Quum in sex partes divisus exercitus Romanus senis horis in urbem sub ederet proelio, oppidanos eosdem integro semper certaminis pauca fessos objiceret; cessere tandem, locusque invadendi urbem Romanis datus est. Publicari praedam tribunis placebat: sed imperium, quam consilium, segnius fuit. Dum cunctantur, jam militum praeda erat; nec, nisi per invidiam, adimi poterat. Eodem anno, ne privatis tantum operibus cresceret Vrbs, Capitolium quoque saxo quadrato substructum est: opus vel in hac magnificentia urbis conspicendum.

V. Jam et tribuni plebis, civitate aedificando obcupata, conciones suas frequentare legibus agrariis conabantur. Ostentabatur in spem Pomptinus ager, tum primum, post adcasas a Camillo Volscorum res, possessionis haud ambiguae. Criminabantur, multo cum infesiore agrum ab nobilitate esse, quam a Volscis fuerit; ab illis enim tantum, quoad vires et arma habuerint, incursiones eo factas. Nobiles homines in possessionem agri publici grassari: nec, nisi, antequam omnia praecipient, divisus sit, locum ibi plebi fore. Haud magno.

magnō opere plebēm moverant, et infrequentē in foro propter aedificandi curam, et eodem exhaustam impensis; eoque agri immemorem, ad quem instruendum vires non essent. In civitate plena religionum, tum etiam ab recenti clade superstitionis principibus, ut renovarentur auspicia, rēs ad interregnum rediit. Interreges deinceps M. Manlius Capitolinus, Ser. Sulpicius Camerinus, L. Valerius Potitus. Hic demum tribunorum militum consulari potestate comitia habuit. L. Papirium, C. Cornelium, C. Sergium, L. Aemilium iterum, L. Menenium, L. Valerium Publicolam tertium creat. Hi ex interregno magistratum obcepere. Eo anno aedes Martis, Gallico bello vota, dedicata est a T. Quinctio duumviro faeris faciundis. Tribus quatuor ex novis civibus additae, Stellatina, Tromentina, Sabatina, Arniensis: eaeque viginti quinque triuum numerum explevere.

VI. De agro Pomptino ab L. Sicinio tribuno plebis actum ad frequentiorem jam populū, mobiliorēque ad cupiditatem agri, quam fuerat. Et de Latino Hernicoque bello mentio facta in senatu, majoris belli cura, quod Etruria in armis erat, dilata est. Res ad Camillum tribunum militum consulari potestate rediit. Conlegae additi quinque, Ser. Cornelius Maluginensis; Q. Servilius Fidenas sextum, L. Quinctius Cincinnatus, L. Horatius Pulvillus, P. Valerius. Principio anni aversae curae hominum sunt a bello Etrusco, quod fugientium ex agro Pomptino agmen repente inlatum in Vrbem adtulit, Antiates in armis esse, Latinorumque populos juventutem submisisse ad id bellum; eo abnuentes, publicum fuisse consilium, quod non prohibitos tantummodo voluntarios dicerent militare, ubi vel-

vellent. Desierant jam ulla contemni bella; Itaque senatus Diis agere gratias, quod Camillus in magistratu esset: dictatorem quippe di- cendum eum fuisse, si privatus esset. Et con- legae fateri, *regimen omnium rerum*, ubi quid bellici terroris ingravat, in viro uno esse: sibique destinatum in animo esse, Camillo submittere imperium: nec quidquam de majestate sua de- tractum credere, quod majestati ejus viri con- cessissent. Conlaudatis ab senatu tribunis, et ipse Camillus, confusus animo, gratias egit. Ingens, inde ait, *onus a populo Romano sibi,* qui se dictatorem jam quartum creasset, magnum a senatu talibus de se judiciis ejus ordinis, ma- ximum tam honoratorum conlegarum obsequio injungi. Itaque si quid laboris vigiliarumque adjici possit, certantem secum ipsum adnistrum, ut tanto de se consensu civitatis opinionem, quae maxima sit, etiam constantem efficiat. Quod ad bellum atque Antiates adtineat, plus ibi minarum, quam periculi, esse. Se tamen, ut nihil timeudi, sic nihil contemendi auctorem esse. Circunsederi urbem Romanam ab invidia et odio finitimorum: itaque et ducibus pluribus et exercitibus administrandam rem publicam esse. Te, inquit, P. Valeri, socium imperii consilii- que, legiones mecum adversus Antiatem hostem ducere placet: te, Q. Servili, altero exercitu instructo paratoque, in urbe castra habere; in- tentum five Etruria se interim, ut nuper, five nova haec cura, Latini atque Hernici, move- rint. Pro certo habeo, ita rem gesturum, ut patre, avo, teque ipso ac sex tribunatibus dignum est. Tertius exercitus ex causariis se- nioribusque a L. Quintio scribatur, qui Vrbi moenibusque praesidio fit. L. Horatius arma, tela, frumentum, quaeque belli alia tempora poscent, provideat. Te, Ser. Corneli, praesi- dem

dem hujus publici consilii, custodem religionum, comitiorum, legum, rerum omium urbanarum, collegae facimus. Cunctis in partes muneric sui benigne pollicentibus operam, Valerius, socius imperii lectus, adjecit; *M. Furium sibi pro dictatore, seque ei pro magistro equitum futurum.* Proutde, quam opinionem de unico imperatore, eam spem de bello haberent. Se vero bene sperare, Patres, et de bello, et de pace universaque re publica, erecti gaudio, frement: nec dictatore umquam opus fore rei publicae, si tales viros in magistratu habeat, tam concordibus junctos animis, parere atque imperare juxta paratos, laudemque conferentes potius in medium, quam ex communi ad se trahentes.

VII. Justitio indicto delectuque habito, Furius ac Valerius ad Satricum profecti: quo non Volscorum modo juventutem Antiates ex nova subole lectam, sed ingentem Latinorum Hernicorumque conciverant **ex integerrimis diutina pace populis.** Itaque novus hostis veteri adjunctus commovit animos militis Romani. Quod ubi aciem jam instruenti Camillo centuriones renuntiaverunt, turbatas militum mentes esse, scgniter arma capta, cunctabundosque et resistentes egressos casiris esse; quin voces quoque auditas, cum centenis hostibus singulos pugnaturos; et aegre inermem tantam multitudinem, nedum armatam, sustineri posse; in equum insilit, et, ante signa adversus in aciem, ordines interequitans, *Quae tristitia, milites, haec, quae insolita cunctatio est? Hossem, an me, an vos ignoratis? Hoslis est quid alind, quam perpetua materia virtutis gloriaeque vestrae? Vos contra, me duce, (ut Falerios Vejosque captos, et in capta patria Gallorum legiones caesas taceam) modo*

*trigeminæ victoriae triplicem triumphum ex his
ipsis Volscis et Aequis et ex Etruria egistis. An
me, quod non dictator vobis, sed tribunus,
signum dedi, non ad nos citis ducem? Neque ego
maxima imperia in vos desidero: et vos in me
nihil, præter me ipsum, intueri decet. Neque
enim dictatura mihi umquam animos fecit, ut
ne exsilio quidem ademit. Idem igitur omnes
sumus; et, quum eadem omnia in hoc bellum
adferamus, quae in priora adulimus, eundem
eventum belli exspectemus. Simul concurreritis,
quod quisque didicit ac consuevit, faciet. Vos
vincetis, illi fugient.*

VIII. Dato deinde signo, ex equo desilit, et proximum signiferum, manu adreptum, secum in hostem rapit; *infer, miles, clamitans, signum.* Quod ubi videre ipsum Camillum, jam ad munera corporis senecta invalidum, vadentem in hostes, procurrunt pariter omnes, clamore sublato, *Sequere imperatorem,* pro se quisque clamantes. Emissum etiam signum Camilli jussu in hostium aciem ferunt; itaque ut repeteretur, concitatos antesignanos. Ibi primum pulsum Autiatem, terroremque non in primam tantum aciem, sed etiam ad subsidiarios perlatum. Nec vis tantum militum movebat, excitata praesentia ducis, sed quod Volseorum animis nihil terribilis erat, quam ipsius Cainilli forte oblata species. Ita, quo cumque se intulisset, victoriam secum haud dubiam trahebat. Maxime id evidens fuit, quum, in laevum cornu, prope jam pulsum, adrepto repente equo cum leuto pedestri, advectus, conspectu suo proelium restituit, ostentans vincentem ceteram aciem. Jam inclinata res erat, sed turba hostium et fuga impediabatur, et longa caede conficienda multitudo tanta fesso militi erat; quum repente ingenti- bus

bus procellis fusus imber certam magis victoriā, quam proelium, direnit. Signo deinde receptui dato, nox insequuta, quietis Romanis, perfecit bellum. Latini namque et Hernici, relictis Volscis, domos profecti sunt, malis consiliis pares adepti eventus. Volsci, ubi se desertos ab eis videre, quorum fiducia rebellaverant, relictis castris, moenibus Satrici se includunt. Quos primo Camillus vallo circumdare, et aggere atque operibus oppugnare est adortus. Quae postquam nulla eruptione impediri videt; minus esse animi ratus in hoste, quam ut in eo tam lentae spei victoriam exspectaret, cohortatus milites, ne, tamquam Vejos obpugnantes, in opere longinquo sese tererent, victoriam in manibus esse; ingenti militum alacritate moenia undique adgressus, scalis oppidum cepit. Volsci abjectis armis sese dediderunt.

IX. Ceterum animus ducis rei majori, Antio, imminebat. Id caput Volscorum, eam fuisse originem proximi belli. Sed quia nisi magno adparatu, tormentis machinisque, tam valida urbs capi non poterat; relicto ad exercitum conlega, Romam est profectus, ut senatum ad excidendum Antium hortaretur. Inter sermonem ejus (credo, rem Antiatem diuturnioremanere, Diis cordi fuisse) legati ab Nepete ac Sutrio, auxilium adversus Etruscos petentes, veniunt, brevem occasionem esse ferendi auxilii memorantes. Eo vim Camilli ab Antio fortuna avertit. Namque quum ea loca obposita Etruriae, et velut claustra inde portaeque essent; et illis obcupandi ea, quum quid novi molirentur, et Romanis recuperandi tuendique cura erat. Igitur senatui cum Camillo agi placuit, ut, omisso Antio, bellum Etruscum susciperet. Legiones urbanae, qui-

bus Quinctius praefuerat, ei decernuntur. Quamquam expertum exercitum adsuetumque imperio, qui in Volscis erat, mallet; nihil recusavit: Valerium tantummodo imperii socium deposevit. Quinctius Horatiusque subcessores Valerio in Volscis missi. Profecti ab Urbe Sutrium Furius et Valerius partem oppidi jam captam ab Etruscis invenere; ex parte altera, inter septis itineribus, aegre oppidanos vim hostium ab se arcentes. Quum Romani auxilii adventus, tum Camilli nomen celeberrimum apud hostes sociosque, et in praesentia rem inclinatam sustinuit, et spatium ad opem ferendam dedit. Itaque diviso exercitu, Camillus conlegam, eam in partem circumductis copiis, quam hostes tenebant, moenia adgredi jubet, non tanta spe, scalis capi urbem posse, quam ut, aversis eo hostibus et oppidanis iam pugnando fessis, laxaretur labor, et ipse spatium intrandi sine certamine moenia haberet. Quod quum simul utrumque factum esset, ancepsque terror Etruscos circumstaret, et moenia summa vi obpugnari, et intra moenia esse hostem viderent; porta se, quae una forte non obsidebatur, trepidi uno agmine ejective. Magna caedes fugientium et in urbe et per agros est facta. Plures a Furianis intra moenia caesi: Valeriani expeditiores ad persequendos fuere; nec ante noctem, quae conspectum ademit, finem caedendi fecere. Sutrio recepto restitutoque sociis, Nepete exercitus ductus, quod per deditio adcepsum jam totum Etrusci habebant.

X. Videbatur plus in ea turbe recipienda laboris fore; non in eo solum, quod tota hostium erat, sed etiam quod, parte Nepesinorum prudente civitatem, facta erat deditio. Mitti tamen ad principes eorum placuit, ut fecer-

fecernerent se ab Etruscis, fidemque, quam implorassent ab Romanis, ipsi praestarent. Vnde quum responsum adlatum esset, *nihil suae potestatis esse, Etruscos moenia custodiasque portarum tenere;* primo populationibus agri terror est oppidanis admotus: deinde, postquam deditio*n*is, quam societatis, fides sanctior erat, fascibus farmentorū ex agro conlatis, ductus ad moenia exercitus, completisque fossis scalae admota*e*, et clamore primo impetu*que* oppidum capit*ur*. Nepefinis inde edictum, ut arma ponant; parcique iussum inermi. Etrusci pariter armati atque inerimes caesi. Nepefinorum quoque auctores deditio*n*is securi percussi: innoxiae multitudini redditae res, oppidumque cum praesidio relictum. Ita, duabus sociis urbibus ex hoste receptis, victorem exercitum tribuni cum magna gloria Romam reduxerunt. Eodem anno ab Latinis Hernicisque res repetitae, quaestumque, cur per eos annos militem ex instituto non dedillent? Responsum frequenti utriusque gentis concilio est, *nec culpam in eo publicam, nec consilium fuisse, quod suae juventutis aliqui apud Volscos militaverint.* Eos tamen ipso*s* pravi consili*i* poenam habere, nec quemquam ex his reducem esse. Militis autem non dati causam terrorem adsiduum a Volscis fuisse, quam pestem adhaerentem lateri suo tot super alia aliis bellis exhausti nequisse. Quae relata Patribus magis tempus, quam causam, non visa belli habere.

XI. Insequenti anno, A. Manlio, P. Cornelio, T. et L. Quintiis Capitolinis, L. Papirio Cursore iterum, C. Sergio iterum tribunis consulari potestate, grave bellum foris, gravior domi seditio exorta: bellum a Volscis, adjuncta Latinorum atque Hernicorum dete-

ctione; seditio, unde minime timeri potuit, a patriciae gentis viro et inclutae famae, M. Manlio Capitolino: qui nimius animi, quum alios principes sperneret, uni invideret, eximio simul honoribus atque virtutibus, M. Furio, aegre serebat, *solum eum in magistratibus, solum apud exercitus esse; tantum jam eminere, ut iisdem auspiciis creatos non pro collegis, sed pro ministris habeat; quum interim, si quis vere aestimare velit, a M. Furio recuperari patria ex obsidione hostium non potuerit, nisi a se prius Capitolium atque arx servata esset: et ille, inter aurum adcipiendum et spem pacis solutis animis, Gallos adgessus sit; ipse armatos capientesque arcem depulerit: illius gloriae pars virilis apud omnes milites sit, qui simul vicerint; suae victoriae neminem omnium mortalium socium esse.* His opinionibus inflato animo, ad hoc vitio quoque ingenii vehemens et impotens, postquam inter Patres nou, quantum aequum censebat, excellere suas opes animadvertisit; primum omnium ex Patribus popularis factus, cum plebejis magistratibus consilia communicare; criminando Patres, adliciendo ad se plebem, jam aura, non consilio, ferri, famaque magna malle, quam bonae esse: et, non contentus agrariis legibus, quae materia semper tribunis plebi seditionum suisset, fidem moliri coepit: *acriores quippe aeris alieni stimulos esse, qui non egesiatem modo atque ignominiam minentur, sed nervo ac vinculis corpus liberum territent.* Et erat aeris alieni magna vis, re daninofissima etiam divitibus, aedificando contracta. Bellum itaque Volscum, grave per se, oneratum Latinorum atque Hernicorum defectione, in speciem causae jactatum, ut major potestas quaereretur. Sed nova consilia Manlii magis compulere senatum ad

ad dictatorem creandum. Creatus **A Cornelius Cossus** magistrum equitum dixit T. Quintium Capitolinum.

XII. Dictator, et si maiorem dimicationem propositam domi, quam foris, cernebat; tamen, seu quia celeritate ad bellum opus erat, seu Victoria triumphoque dictatura*e *ipsi vires se additum ratus, delectu habitu in agrum Pomptinum, quo a Volscis exercitum indictum audierat, pergit. Non dubito, praeter satietatem, tot jam libris adsidua bella cum Volscis gesta legentibus illud quoque subeurrurum, (quod milii percensenti propiores temporibus harum rerum auctores miraculo fuit) unde toties victis Volscis et Aquis subfecerint milites. Quod quum ab antiquis tacitum praetermisumque sit; cuius tandem ego rei praeter opinionem, quae sua cuique conjectanti esse potest, auctor sim? Simile veri est, aut intervallis bellorum, sicut nunc in delectibus fit Romanis, alia atque alia subole juniorum ad bella instauranda toties usos esse: aut non ex iisdem semper populis exercitus scriptos, quamquam eadem semper gens bellum intulerit: aut innumerabilem multitudinem liberorum capitum in eis fuisse locis, quae nunc, vix seminario exiguo militum relieto, servitia Romana ab solitudine vindicant. Ingens certe, (quod inter omnes auctores convenit) quamquam nuper Camilli ductu atque auspicio ad慈ae res erant, Volscorum exercitus fuit. Ad hoc Latini Hernicique adcesserant, et Circejensiū quidam, et coloni etiam a Velitris Romani. Dictator, castris eo die positis, postero quinque auspicio prodisset, holtiaque causa pacem Deum adorasset, lactus ad milites, jam arma ad propositum pugnae signum, sicut edictum erat, luce prima capientes, processit:**

*Nostra victoria est, milites, inquit, si quid
Dii vatesque eorum in futurum vident. Ita-
que, ut decet certae spei plenos et cum inparibus
manus conferturos, pilis ante pedes positis, gla-
diis tautum dextras armemus: ne procurri qui-
dem ab acie velim, sed obnifos vos stabili gra-
du in petum hostium excipere. Vbi illi vana in-
jecerint missilia, et effusi stantibus vobis se in-
tulerint, tum micent gladii, et veniat in mentem
unicuique, Deos esse, qui Romanum adjuvent;
Deos, qui secundis avibus in proelium miserint.
Tu, T. Quincti, equitem intentus ad primum
initium moti certanis teneas: ubi haerere jam
aciem coulato pede videris, tum terrorem eque-
strem occupatis alio pavore infer; in vectusque
ordines pugnantium dissipa. Sic eques, sic pe-
des, ut praeceperat, pugnant: nec dux legio-
nes, nec fortuna se felliit duces.*

XIII. Multitudo hostium, nulli rei, praeterquam numero, freta, et oculis utramque metiens aciem, temere proelium iniit, temere omisit: clamore tantum missilibusque telis et primo pugnae in petu ferox, gladiis et conlatum pedem et vultum hostis, ardore animi micantem, ferre non potuit. In pulsa frons prima, et trepidatio subsidiis inlata, et suum terrorem intulit eques: rupti inde multis locis ordines, motaque omnia, et fluctuant similis acies erat. Deinde, postquam, cadentibus primis, jam ad se quisque per venturam caedem cernebat, terga vertunt. Instare Romanus, et, donec armati confertique abibant, peditum labor in persequendo fuit. Postquam jactari arma passim, fugaque per agros spargi aciem hostium animadversum est; tum equitum turmae emissae, dato signo, ne, in singulorum morando caede, spatium ad evadendum interim multitudini darent: satis esse, missilibus ac

ac terrore impediri cursum, obequitandoque agmen teneri, dum adsequi pedes et justa caede conficere hostem posset. Fugae sequendique non ante noctem finis fuit: capta quoque ac direpta eodem die castra Volscorum, praedaque omnis, praeter libera corpora, militi concessa est. Pars maxima captivorum ex Latinis atque Hernicis fuit: nec hominum de plebe, ut credi posset mercede militasse, sed principes quidam juventutis inventi; manifesta fides, publica ope Volscos hostes adjutos. Circejensium quoque quidam cogniti, et coloni a Velitris: Romamque omnes missi percunctantibus primoribus Patrum eadem, quae dictatori, defectionem sui quisque populi, haud perplexe indicavere.

XIV. Dictator exercitum in stativis tenebat, minime dubius, bellum cum his populis Patres jussuros; quum major domi exorta molles coegit adcirci Romam eum, gliscente iu dies seditione, quam solito magis metuendam auctor faciebat. Non enim jam orationes modo M. Manlii, sed facta, popularia in speciem, tumultuosa eadem, qua mente fierent, intuenda erant. Centurionem, nobilem militaribus factis, judicatum pecuniae quin duci vidisset, medio foro cum caterva sua adcurrit, et manum injecit: vociferatusque de superbia Patrum ac crudelitate feneratorum et miseriis plebis, virtutibus ejus viri fortunaque; *Tum vero ego, inquit, nequidquam hac dextra Capitolium arcemque servaverim, si civem commilitonemque meum, tamquam Gallis victoribus captum, in servitutem ac vincula duci videam.* Inde rem creditori palam populo solvit, libraque et aere liberatum emittit, Deos atque homines obtestantem, *ut M. Manlio, liberatori suo, parenti plebis Romanae, gratiam referant,*

Adeceptus extemplo in tumultuofam turbam et ipse tumultum angebat, cicatrices adcepitas Vejenti, Gallico aliisque deinceps bellis ostentans. Se militantem, se restituentem eversos penates, multiplici jam sorte exsoluta, mergentibus semper sortem usuris, obrutum fenere esse: videre lucem, forum, civium ora, M. Manlii opera: omnia parentum beneficia ab illo se habere: illi devovere corporis vitaeque ac sanguinis quod superfit. Quodcumque sibi cum patria, penatibus publicis ac privatis juris fuerit, id cum uno homine esse. His vocibus instineta plebes quum jam unius hominis esset, addita alia commotioris ad omnia turbanda consilii res. Fundum in Vejenti, caput patrimonii, subjecit praeconi: Ne quem vesirum, inquit, Quirites, donec quidquam in re mea supererit, judicatum addictumve duci patiar. Id vero ita accedit animos, ut per omne fas ac nefas sequuntur viudicem libertatis viderentur. Ad hoc domi, concionantis in modum, sermones pleni criminum in Patres: inter quos, quum omisso discrimine vera an vana jaceret, thesauros Galici auri obcultari a Patribus jecit: nec jam possidendis publicis agris contentos esse, nisi pecuniam quoque publicam avertant: ea res si palam fiat, exsolvi plebem aere alieno posse. Quae ubi objecta spes est, enimvero indignum facinus videri, quum conferendum ad redimendam civitatem a Gallis aurum fuerit, tributo conlationem factam: idem aurum, ex hostibus captum, in paucorum praedam celsisse. Itaque exsequebantur quaerendo, ubi tantae rei furtum obcultaretur; differenteque, et tempore suo se indicaturum dicente, ceteris omissis, eo versac erant omnium curae: adparebatque, nec veri indicii gratiam medium, nec falsi obfensionem fore,

XV. Ita suspensis rebus dictator, aditus ab exercitu, in Vrbem venit. Postero die senatu habito, quum, satis periclitatus voluntates hominum, discedere senatum ab se vetusset, stipatus ea multitudine, sella in comitio posita, viatorem ad M. Manlium misit: qui, dictatoris jussu vocatus, quum signum suis dedisset, adelle certamen, agmine ingenti ad tribunal venit. Hinc senatus, hinc plebs, suum quisque intuentes ducem, velut in acie constiterant. Tum dictator, silentio facto, *Vtinam,* inquit, *mihi Patribusque Romanis ita de ceteris rebus cum plebe conveniat, quemadmodum, quod ad te adtinet eamque rem, quam de te sum quaesiturus, conventurum satis confido.* Spem factam a te civitati video, fide iuolumi, ex thesauris Gallicis, quos primores Patrum obcultent, creditum solvi posse. Cui ego rei tantum abesi ut iupedimento sim, ut contra te, M. Manli, adhorter, liberes fenere plebem Romanam; et istos, incubantes publicis thesauris, ex praeda clandestina evolvas. Quod nisi facis, sive quod et ipse in parte praedae sis, sive quia vanum indicium es, in vincula te duci jubebo, nec diutius patiar, a te multitudinem fallaci spe concitari. Ad ea Manlius, nec se fefellisse, ait, non adversus Volscos toties hosties, quoties Patribus expediatur, nec adversus Latinos Hernicosque, quos falsis criminibus in arma agant, sed adversus se ac plebem Romanam, dictatorem creatum esse. Jam, omisso bello, quod similitum sit, in se iupetum fieri: jam dictatorem profiteri patrocinium feneratorum adversus plebem: jam sibi ex favore multitudinis crimen et perniciem quaeri. Obfendit, inquit, te, A. Cornelii, vosque, Patres conscripti, circumfusa turba lateri meo? Quin eam diducitis a me siuguli vestris beneficiis, intercedendo, eximendo de u-

*vo cives vestros, prohibendo iudicatos addictos
quile duci, ex eo, quod adfluit opibus vestris,
sustinendo necessitates aliorum? Sed quid ego
vos, de vestro impendatis, hortor? Sortem ali-
quam ferte, de capite deducite, quod usuris
pernumeratum est: jam nihilo mea turba, quam
ullius, conspectior erit. At enim, quid ita so-
lus ego civium curam ago? Nihilo magis, quod
respondeam, habeo, quam si quaeras, quid ita
solus Capitolium arcemque servaverim. Et tum
universis, quam potui, opem tuli, et nunc sin-
gulis feram. Nam quod ad thesauros Gallicos
adtinet, rem, suapte natura facilem, difficilem
interrogatio facit. Cur enim quaeritis, quod
scitis? cur, quod in sinu vestro est, excuti ju-
betis potius, quam ponatis, nisi aliqua fraus
subest? Quo magis argui praesiigias jubetis ve-
stras, eo plus vereor, ne abstuleritis observan-
tibus etiam oculos. Itaque non ego, vobis ut
indicem praedas vestras, sed vos id cogendi esatis,
ut in medium proferatis.*

XVI. Quum mittere ambages dictator ju-
beret, et aut peragere verum indicium coge-
ret, aut fateri facinus insimilati falso crimine
senatus oblataeque vani furti invidiae; negan-
tem, arbitrio inimicorum se loquunturum, in
vincula duci jussit. Adreptus a viatore, Jupi-
ter, inquit, *optime maxime, Junoque Regina
ac Minerva, ceterique Dii Deaeque, qui Capi-
tolium arcemque incolitis, siccine vestrum mili-
tem ac praesidem finitis vexari ab inimicis?*
*Haec dextra, qua Gallos fudi a delubris vestris,
jam in vinculis et catenis erit? Nullius nec ocu-
li nec aures indignitatem ferebant: sed invi-
cta sibi quaedam patientissima justi imperii ci-
vitas fecerat. Nec adversus dictatoriam vim
aut tribuni plebis, aut ipsa plebs, ad tollere
oculos aut hiscere audebant. Conjecto in car-*
cerem.

cerem Manlio, satis constat, magnam partem plebis vestem mutasse, multos mortales capillum ac barbam promisisse, obversatamque vestibulo carceris moestam turbam. Dictator de Volscis triumphavit: invidiaeque magis triumphus, quam gloriae, fuit. Quippe domi, non militiae, partum eum; actumque de cive, non de hoste, fremebant: unum defuisse tantum superbiae, quod non M. Manlius ante currum sit ductus. Jamque haud procul seditione res erat: cuius leniendae causa, postulante nullo, largitor voluntarius repente senatus factus, Satricum coloniam duo millia civium Romanorum deduci jussit. Bina jugera et semisses agri adsignati. Quod quum et parvum et paucis datum, et mercedem esse prodendi M. Manlii interpretarentur; remedio irritatur sedatio. Et jam magis insignis et sordibus et facie reorum turba Manliana erat, amotusque post triumphum abdicatione dictaturaे terror et linguam et animos liberaverat hominum.

XVII. Audiebantur itaque propalam voces exprobrantium multitudini, quod defensores suos semper in praecipitem locum favore tollat, deinde in ipso discrimine periculi desiitiat. Sic Sp. Cassium, in agros plebem vocantem, sic Sp. Maelium, ab ore civium famem suis impensis propulsantem, obpresso; sic M. Manlium, mercenariam et obrutam senore partem civitatis in libertatem ac lucem extrahentem, proditum inimicis. Saginare plebem populares suos, ut jugulentur. Hoccine patiendum fuisse, si ad nutum dictatoris non responderit vir consularis? Fingere mentitum ante, atque ideo non habuisse, quod tum responderet: cui servo umquam niendacii poenam vincula fuisse? Non observatam esse memoriam noctis illius, quae paue ultima atque aeterna nomini Romano fuerit? non speciem agmi-

agninis Gallorum, per Tarpejam rupem scandentis? non ipsius M. Manlii, qualcm eum armatum, plenum sudoris ac sanguinis, ipso pae- ne Jove crepto ex hostium manibus, vidissent? Selbrisne farris gratiam servatori patriae relata? et quem prope coelestem, cognomine certe Capitolino Jovi parem, fecerint, eum pati vin- cillum in carcere, in tenebris, obnoxiam carnisti- cis arbitrio ducere animam? Adeo in uno omni- bus satis auxilii fuisse, nullam opem in tam mul- tis esse? Jam ne nocte quidem turba ex eo lo- co dilabebatur, refracturosque carcerem mi- nabantur; quin remisso, id quod erepturi erant, ex senatus consulto Manlius vinculis liberatur. Quo facto non seditio finita, sed dux seditioni datus est. Per eosdem dies La- tinis et Hernicis, simul colonis Circensisibus et a Velitris, purgantibus se Volsci criminibus belli captivosque repetentibus, ut suis legibus in eos animadverterent, tristia responsa red- dita; tristiora colonis, quod cives Romani pa- triae obpugnaudae nefanda consilia iniissent: Non negatum itaque tantum de captivis; sed, in quo ab sociis tamen temperaverant, denun- tiatum senatus verbis, facesserent propere ex Urbe, ab ore atque oculis populi Romani, ne nihil eos legationis jus, externo non civi com- paratum, tegeret.

XVIII. Recrudescente Manliana seditione, sub exitu anni comitia habita, creatique tribu- ni militum consulari potestate ex Patribus Ser. Cornelius Maluginensis tertium, P. Valerius Potitus iterum, M. Furius Camillus, Ser. Sul- picius Rufus iterum, C. Papirius Crassus, T. Quintius Cincinnatus secundum. Cujus prin- cipio anni et Patribus et plebi perobportune externa pax data: plebi, quod non avocata delectu spem cepit, dum tam potenter habe- ret

ret dueem, fenoris expugnandi; Patribus, ne quo externo terrore avocarentur animi ab sanguinis domesticis malis. Igitur, quum pars utraque acrior aliquanto coorta esset, in propinquum certamen aderat et Manlius. Advocata dominii plebe, cum principibus novarum rerum interdum noctuque consilia agitat, plenior aliquanto animorum irarumque, quam antea fuerat. Iram adcedenderat ignominia rececens in animo ad contumeliam inexperto: spiritus dabat, quod nec ausus esset idem in se dictator, quod in Sp. Maelio Cincinnatus Quintius fecisset; et vinculorum suorum invidiam non dictator modo abdicando dictaturam fugisset, sed ne senatus quidem sustinere potuisset. His sinu inflatus exacerbatusque jam per se adcessos incitabat plebis animos: *Quousque tandem ignorabitis vires vestras, quas natura ne belluas quidem ignorare voluit? numerate saltem, quot ipsi sitis, quot adversarios habeatis.* Si singuli singulos aggressuri essetis, tamen aerius crederem vos pro libertate, quam illos pro dominatione, certatuos... Quot enim clientes circa singulos fuistis patronos, tot nunc adversus unum hostem eritis. Ostendite modo bellum; pacem habebitis. Videant vos paratos ad vim; jus ipsi remittent. Audendum est aliquid universis, aut omnia singulis patienda. Quousque me circumspectabitis? Ego quidem nulli vestrum deero. Ne fortuna mea desit, videte. Ipse vindex vestier, ubi visum inimicis est, nullus repente fui: et vidistis in vincula duci universi eum, qui a singulis vobis vincula depuleram. Quid sperem, si plus in me audirent inimici? an exitum Cassii Maelisque expectem? Bene facitis, quod abominamini: Dii prohibebunt haec: sed numquam propter me de celo descendent. Vobis dent mentem, oportet,

ut

ut prohibeatis; sicut mihi dederunt armato to-
gatoque, ut vos a barbaris hostibus, a superbis
defenderem civibus. Tam parvus animus tanti
populi est, ut semper vobis auxilium adversus
inimicos satis sit? nec ullum, nisi quatenus im-
perari vobis suatis, certamen adversus Patres
noritis? Nec hoc natura insitum vobis est, sed
usu possidemini. Cur enim adversus externos
tantum animorum geritis, ut imperare illis ae-
quum censeatis? quia consuestis cum eis pro im-
perio certare, adversus hos tentare magis, quam
tueri, libertatem. Tamen qualescumque duces
habuistis, qualescumque ipsi fuistis, omnia ad-
huc, quantacumque petistis, obtinuistis seu vi,
seu fortuna vestra. Tempus est, etiam majora
conari. Experimini modo et vestram felicita-
tem, et me (ut spero) feliciter expertum:
minore negotio, qui imperet Patribus, inponetis,
quam, qui resisterent imperantibus, inposuistis.
Sed aequandae sunt dictaturaे consulatusque,
ut caput ad tollere Romana plebes possit. Pro-
inde adest, prohibete jus de pecuniis dici. Ego
ime patrum profiteor plebis, quod mihi cura
mea et fides nomen induit. Vos si quo insigni
magis imperii honorisve nomine vestrum adpel-
labitis ducem, eo utemini potentiore ad obtainen-
da ea, quae vultis. Inde de regno agendi or-
tum initium dicitur; sed nec cum quibus, nec
quem ad finem consilia pervenerint, sat plā-
num traditur.

XIX. At in parte altera senatus de seces-
sione in domum privatam plebis, forte etiam
in arce positam, et imminentis mole libertati
agitat. Magna pars vociferantur, *Servilio Aha-*
la opus esse, qui non in vincula duci jubendo
inriet publicum hostem, sed unius jactura civis
fuiat intestinum bellum. Decurritur ad lenio-
rem verbis sententiam, vim tamen eamdem
haben-

habentem, *Vt videant magistratus, ne quid ex pernicioſis consiliis M. Manlii res publica detrimenti capiat.* Tum tribuni consulari potestate tribunique plebi, (nam et, quia eumdem et suae potestatis, quem libertatis omnium, finem cernebant, Patrum auctoritate se dediderant) hi tum omnes, quid opus facto sit, consultant. Quum praeter vim et caedem nihil cuiquam obcurreret, eam autem ingentis dimicationis fore adpareret; tum M. Maenius et Q. Publius tribuni plebis, *Quid Patrum et plebis certamen facimus, quod civitatis esse adversus unum pestiferum civem debet?* *Quid cum plebe adgredimur eum, quem per ipsam plebem tutius adgredi est, ut suis ipse oneratus viribus ruat?* *Diem dicere ei nobis in animo est.* Nihil minus populare quam regnum est. Simul multitudo illa non secum certari viderint, et ex advocatis judices facti erunt, et accusatores de plebe, patricium reum intuebuntur, et regni crimem in medio; nulli magis, quam libertati favebunt suae.

XX. Adprobantibus cunctis, diem Manlio dicunt. Quod ubi est factum, primo commota plebs est, utique postquam sordidatum reum viderunt, nec cum eo non modo Patrum quemquam, sed ne cognatos quidem aut affines, postremo ne fratres quidem A. et T. Manlios: quod ad eum diem numquam usu venisset, ut in tanto discrimine non et proximi vestem mutarent. Ap. Claudio in vincula ducto, C. Claudium inimicum Claudiamque omnem gentem sordidatam fuisse. Consensu obprimi popularem virum, quod primus a Patribus ad plebem defecisset. Quum dies venit, quae, praeter coetus multitudinis seditionasque voces et largitionem et fallax indicium, pertinentia proprie ad regni crimen ab

ad accusatoribus objecta: sint reo, apud neminem auctorem invenio. Nec dubito haud parva fuisse, quum damnandi mōra plebi non in causa; sed in loco, fuerit. Illud notandum videtur, ut sciant homines, quae et quanta decora foeda cupiditas regni non ingrata solum, sed invisa etiam, reddiderit. Homines prope quadringentos produxisse dicitur, quibus sine fenore expensas pecunias tulisset, quorum bona venire, quos duei addictos prohibuisset. Ad haec, decora quoque belli non commemorasse tantum, sed protulisse etiam conspicienda; spolia hostium caesorum ad triginta, dona imperatorum ad quadraginta: in quibus insignes duas murales coronas, civicas octo. Ad haec servatos ex hostibus cives produxisse; inter quos C. Servilium magistrum equitum absentem nominatum. Et quum ea quoque, quae bello gesta essent, pro fastigio rerum oratione etiam magnifica, facta dictis aequando, memorasset; in dasse peetus insigne cieatribus bello acceptis; et idemtidem, Capitolium spectans, Jovem Deosque alios devocasse ad auxilium fortunarum suarum, precatusque esse, ut, quam mentem sibi, Capitolinam arcem protegenti, ad salutem populi Romani desissent, eam populo Romano in suo discrimine darent; et orasse singulos universosque, ut Capitolium atque arcem intuentes, ut ad Deos innmortales versi, de se judicarent. In Campo Martio quum centuriatim populus citaretur, et rens, ad Capitolium manus tendens, ab hominibus ad Deos preces avertisset, adparuit tribunis, nisi oculos quoque hominum liberassem ab tanti memoria decoris, numquam fore in praecupatis beneficio animis vero criminis locum. Ita predicta die, in Poetelinum lumen extra portam Nomentanam, unde con-

spe-

spectus in Capitolium non esset, concilium populi indictum est. Ibi crimen valuit, et obstinatis animis triste judicium invictumque etiam judicibus factum. Sunt qui per duumviros, qui de perdaellione anquirerent, creatos, autores sint daminatum. Tribuni de faxo Tarpejo dejecerunt: locusque idem in uno homine et eximiae gloriae monumentum et poenae ultimae fuit. Adjectae mortuo notae sunt: publica una; quod, quum domus ejus fuisset, ubi nunc aedes atque officina Monetae est, latum ad populum est, ne quis patricius in arce aut Capitolio habitaret: gentilicia altera; quod genit Manliae decreto cautum est, ne quis deinde M. Manlius vocaretur. Hunc exitum habuit vir, nisi in libera civitate natus esset, memorabilis. Populum brevi, postquam periculum ab eo nullum erat, per se ipsas recordantem virtutes, desiderium ejus tenuit. Pestilentia etiam brevi consequuta, nullis obcurrentibus tantae cladis causis, ex Mauliano supplicio magnae parti videri orta: violatum Capitolium esse sanguine servatoris: nec Diis cordi fuisse poenam ejus oblatam prope oculis suis, a quo sua templa erepta e maibus hostium essent.

XXI. Pestilentiam inopia frugum et vulgataam utriusque mali famam anno insequente multiplex bellum exceptit, L. Valerio quartum, A. Manlio tertium, Ser. Sulpicio tertium, L. Lucretio, L. Aemilio tertium, M. Trebonio, tribunis militum consulari potestate. Hostes novi, praeter Volscos, velut forte quadam prope in aeternum exercendo Romano militi datos, Circeiosque et Velitras colonias jam diu molientes defectionem, et suspectum Latium, Lanuvini etiam, quae fidelissima urbs fuerat, subito exorti. Id Pa-

tres rati contemtu accidere, quod Veliternis civibus suis tam diu iunpunita defectio esset, decreverunt, ut primo quoque tempore ad populum ferretur de bello eis indicendo. Ad quam militiam quo paratior plebes esset, quinqueviros Pomptino agro dividendo et triumviros Nepete coloniae deducendae creaverunt. Tum, ut bellum juberent, latum ad populum est: et, nequidquam disuadentibus tribunis plebis, omnes tribus bellum jusserunt. Adparatum eo anno bellum est; exercitus propter pestilentiam non eductus. Eaque cunctatio colonizationis spatium dederat deprecandi senatum; et magna hominum pars eo, ut legatio subplex Romam mitteretur, inclinabat, ni privato (ut sit) periculo publicum implicitum esset, auctoresque defectionis ab Romanis, metu ne, soli crimini subjecti, piacula irae Romanorum derentur, avertissent colonias a consiliis pacis. Neque in senatu solum per ebs legatio impedita est, sed magna pars plebis incitata, ut praedatum in agrum Romanum exirent. Haec nova injuria exturbavit omnem spem pacis. De Praenestinorum quoque defectione eo anno primum fama exorta: arguentibusque eos Tusculanis et Gabinis et Lavicanis, quorum in fines incursum erat, ita placide ab senatu responsuni est, ut minus credi de criminibus, quia nollent ea vera esse, adpareret.

XXII. In sequenti anno Sp. et L. Papirii, novi tribuni militum consulari potestate, Velitras legiones duxere, quatuor conlegis, Ser. Cornelio Maluginense quartum, Q. Servilio, Ser. Sulpicio, L. Aemilio quartum, tribunis ad praefidium Vrbis, et si qui ex Etruria novi motus nuntiarentur, (omnia enim inde suspecta erant) relictis. Ad Velitras adversus majora paene auxilia Praenestinorum, quam ipsam

sam colonorum multitudinem, secundo proelio pugnatum est; ita ut propinquitas urbis hosti et causa matuoris fugae, et unum ex fuga receptaculum esset. Oppidi obpugnatione tribuni abstinuerent, quia et anceps erat, nec in perniciem coloniae pugnandum censebant. Literae Romam ad senatum cum victoriae nuntiis, acriores in Praenestinum, quam in Veliternum hostem, missae. Itaque ex senatus consulo populique iussu bellum Praenestinis indictum; qui, conjuncti Volscis, anno inseguente Satricum, coloniam populi Romani pertinaciter a colonis defensam, vi expugnabant, foedeque in captis exercuere victoriam. Eam rem aegre passi Romani, M. Furium Camillum septimum tribunum militum creavere. Additi conlegae A. et L. Postumii Regillenses ac L. Furius cum L. Lucretio et M. Fabio Ambusto. Volscum bellum M. Furio extra ordinem decretum. Adjutor ex tribunis forte L. Furius datur; non tam e re publica, quam ut conlegae materia ad omnem laudem esset; et publice, quod rem temeritate ejus prolabram restituit; et privatim, quod ex errore gratiam potius ejus libi, quam suam gloriam, petiit. Exactae jam aetatis Camillus erat, comitiisque jurare parato in verba excusandae valetudini solita consensus populi restiterat: sed vegetum ingenium in vivido pectore vigebat, virebatque integris sensibus, et civiles jam res haud magnopere obeuntem bella excitabant. Quatuor legionibus quaternum milium scriptis, exercitu indicto ad portam Esquilinam in posterum diem, ad Satricum profectus. Ibi eum expugnatores coloniae haud quaquam perculsi, fidentes militum numero, quo aliquantum praefabant, obperiebantur. Postquam adpropinquare Romanos senserunt,

extempo in aciem procedunt, nihil dilaturi, quin periculum summae rerum facerent: ita paucitati hostium nihil artes imperatoris unici, quibus solis considerent, profuturas esse.

XXIII. Idem ardor et in Romano exercitu erat, et in altero duce: nec praesentis dimicationis fortunam ulla res, praeterquam unius viri consilium atque imperium, morabatur: qui occasionem juvandarum ratione vi- rium trahendo bello quaerebat. Eo magis hostis instare; nec jam pro castris tantum suis explicare aciem, sed procedere in medium campi, et, vallo prope hostium signa inferendo, superbam fiduciam virium ostentare. Id aegre patiebatur Romanus miles; multo aegrius alter ex tribunis militum L. Furius, ferox quum aetate et ingenio, tum multitudinis, ex incertissimo sumentis animos, spe inflatus. Hic per se jam milites incitatos insuper instigabat elevando, qua una poterat, aetate auctoritatem conlegae. *Juvenibus bella data, dictitans, et cum corporibus vigere, et deflorescere animos; cunctatorem ex acerrimo bellatore factum; et, qui adveniens castra urbesque primo inpetu rapere sit solitus, eum residem intravallum tempus terere: quid adcessurum suis, decessurumve hostium viribus sperantem? quam occasionem, quod tempus, quem insidiis instruendis locum? frigere ac torpere senis consilia.* Sed Camillo quum vitae satis, tum gloriae esse. Quid adtinere, cum mortali corpore uno, civitatis, quam immortalem esse deceat, pati consenescere vircs? His sermonibus tota inse averterat castra. Et, quum omnibus locis posceretur pugna, Sustinere, inquit, M. Furi, non possumus inpetum militum: et hostis, cuius animos cunctando auximus, jam minime toleranda superbia insultat. Cede unus omni- bus,

bus, et patere te vinci consilio, ut maturius bello vincas. Ad ea Camillus: *Quae bella suo unius auspicio gesta ad eam diem essent, negare in eis neque se, neque populum Romanum, aut consilii sui, aut fortunae poenituisse: nunc sci- re, se conlegam habere jure imperioque parem, vigore actatis praesstantem.* Itaque se, quod ad exercitum adtineat, regere consuesse, non regi. *Conlegac imperium se non posse impedire.* Diis bene juvantibus ageret, quod e re publica duceret. Aetati suae se veniam etiam petere, ne in prima acie esset. *Quae sensis munia in bello sint, iis se non defuturum.* Id a Diis immortalibus precari, ne qui casus suum consilium laudabile efficiat. Nec ab hominibus salutaris sententia, nec a Diis tam piae preces auditae sunt. Primam aciem auctor pugnae instruit, subsidia Camillus firmat, validamque stationem pro castris obponit. Ipse edito loco spectator intentus in eventu alieni consilii constituit.

XXIV. Simul primo concursu concrepuere arma, hostis dolo, non metu, pedem retulit. Lenis ab tergo clivus erat inter aciem et castra, et, quod multitudo subpeditabat, aliquot validas cohortes in castris armatas instructasque reliquerant, quae inter commissum jam certamen, ubi vallo adpropinquasset hostis, erumperent. Romanus, cedentem hostem effuse sequendo in locum iniquum pertractus, opportunus hinc eruptioni fuit. Versus itaque in victorem terror et novo hoste, et supina valle, Romanam inclinavit aciem. Instant Volsci recentes, qui e castris impetum fecerant; integrant et illi pugnam, qui similitata cesserant fuga. Jam non recipiebat se Romanus miles; sed, immemor recentis ferociae veterisque decoris, terga passim dabat atque effuso cursu castra repetebat: quum Camillus,

subjectus a circumstantibus in equum, et rap-
tim subsidiis obpositis, *Haec est*, inquit, mil-
ites, *pugna*, quam poposcistis? *Quis homo*, quis
Déus est, quem aduersare possitis? *Vestra illa*
temeritas, *vestra ignavia* haec est. *Sequuti alium*
dūcim, *sequimini nunc Camillum*, et, quod du-
ctu meo soletis, *vincite*. *Quid vallum et castra*
spectatis? *neminem vestrum illa*, nisi victorem,
receptura sunt. Pudor primo tenuit effusos:
inde, ut circumagi signa obvertique aciem vi-
derunt in hostem, et dux, praeterquam quod
tot insignis triumphis, etiam aetate venera-
bilis, inter prima signa (ubi plurimus labor
periculumque erat) se obferebat, increpare
singuli se quisque et alios, et adhortatio in vi-
cēm totam alaci clamore pervaſit aciem. Ne-
que alter tribunus rei defuit; sed, missus a
conlega restituente peditum aciem ad equites,
non castigando, (ad quam rem leviorem au-
ctorem eum culpae societas fecerat) sed ab im-
perio totus ad preces versus, orare singulos
universosque, ut se, *reuin fortunae ejus diei*,
crimine eximerent. Abiuite ac prohibente con-
lega, temeritatis me omnium potius socium,
quam unius prudentiae, dedi. *Camillus in utra-*
que vestra fortuna suam gloriam videt: *Ego*,
ni restituitur pugna, (quod miserrimum est) *for-*
tunam cum omnibus, infamiam solus sentiam.
Optimum visum est, in fluctuantem aciem tra-
di equos, et pedestri invadere hostem. Eunt
insignes armis animisque, qua premi parte
maxime peditum copias vident. Nihil, ne-
que apud duces, neque apud milites, remittitur
a summo certamine animi. Sensit ergo
eventus virtutis enisae opem; et Volsci, qua
modo similato metu cesserant, ea in veram fu-
gam effusi. Magna pars et in ipso certamine,
et post in fuga caesi: ceteri in castris, quae
capta

capta eodem in petu sunt, plures tamen capti, quam obeisi.

XXV. Vbi in recensendis captivis quum Tusculani aliquot nescitarentur, secreti ab aliis ad tribunos adducuntur, percunctantibusque fassū, publico consilio se militasse. Cujus tam vicini belli metu Camillus motus, *extemplo se Romam captivos ducturum*, ait, *ne Patres ignari sint, Tusculanos ab societate desciffe*. *Castris exercituique interim, si videatur, praesit collega*. Documento unus dies fuerat; ne sua confilia melioribus praeserret. Nec tamen aut ipsi, aut in exercitu cuiquam satis placato animo Camillus latratus culpam ejus videbatur, qua data in tam praecepitem casum res publica esset; et quum in exercitu, tum Romae constans omnium fama erat, quum varia fortuna in Volscis gesta res esset, adversae pugnae fugaeque in L. Furio culpam, secundae decus omne penes M. Furium esse. Introductis in senatum captivis, quum bello persequendos Tusculanos Patres censuissent, Camilloque id bellum mandassent; adjutorem sibi ad eam rem unum petit: permissoque, ut ex conlegis optaret, quem vellet, contra spem omnium L. Furium optavit. Quia moderatione animi quum conlegae levavit infamiam, tum sibi gloriam ingentem peperit. Nec fuit cum Tusculanis bellum: pace constanti vini Romanam arcuerunt, quam armis non poterant. Intrantibus fines Romanis, non demigratum ex propinquis itineris locis, non cultus agrorum intermissus: patentibus portis urbis togati obviam frequentes imperatoribus processere: commieatus exercitui comiter in castra ex urbe et ex agris devehitur. Camillus, castris ante portas positis, eademne forma pacis, quae in agris ostentaretur, etiam intra moenia esset, scire

cupiens; ingressus urbem, ubi patentes januas et tabernis apertis proposita omnia in medio vidiit, intentosque opifices suo quemque operi, et ludos literarum strepere dissentium vocibus, ac repletas semitas, inter vulgus aliud, puerorum et mulierum huc atque illuc euntium, qua quemque suorum usuum causae ferrent, nihil usquam, non pavidis modo, sed ne mirantibus quidem simile, circumspiciebat omnia, inquirens oculis, ubinam bellum fuisset. Adeo nec amotae rei usquam, nec oblatae ad tempus vestigium ullum erat: sed ita omnia constanti tranquilla pace, ut eo vix fama belli perlata videri posset.

XXVI. Victus igitur patientia hostium, senatum eorum vocari jussit. Soli adhuc, inquit, *Tusculani*, vera arma verasque vires, quibus ab ira Romanorum vestra tutaremini, inventisis. *Ite Romam ad senatum*. Aestimabunt *Patres*, utrum plus ante poenae, an nunc veniae meriti sitis. Non praecipiam gratiam publici beneficii. Deprecandi potestatem a me habueritis; precibus eventum vestris senatus, quem videbitur, dabit. Postquam Romam Tusculani venerunt, senatusque paullo ante fidelium sociorum moestus in vestibulo curiae est conspectus, moti extemplo *Patres*, vocari eos jam tum hospitaliter magis, quam hostiliter, jussere. Dictator *Tusculanus* ita verba fecit: *Quibus bellum indixisis intulisisque, Patres conscripti, sicut nunc videtis nos stantes in vestibulo curiae vestrae, ita armati paratique obviam imperatoribus legionibusque vestris processimus. Hic nosier, hic plebis nostrae habitus fuit, eritque semper, nisi si quando a vobis, proque vobis, arma adcepemus. Gratias agimus et ducibus vestris et exercitibus, quod oculis magis, quam auribus, crediderunt, et, ubi nihil*

*nihil hostile erat, ne ipsi quidem fecerunt. Pa-
cem, quam nos praeslitimus, eam a vobis peti-
nitis: bellum eo, sicubi esit, avertatis, preca-
musr. In nos quid arma polleant vestra, si pa-
tiendo experiendum est, inermes experiemur.
Haec mens nostra esit; Dii immortales faciant,
tam felix, quam pia. Quod ad crimina adtinet,
quibus moti bellum indixisti: et si revicta
rebus verbis confutare nihil adtinet; tamen,
etiam si vera sint, vel fateri nobis ea, quum tam
evidenter poenituerit, tutum censemus. Peccet-
tur in vos, dum digni sitis, quibus ita satis-
fiat. Tantum fere verborum ab Tusculanis
factum. Pacem in praesentia, nec ita multo
post civitatem etiam, inpetraverunt. Ab Tu-
sculo legiones reductae.*

XXVII. Camillus consilio et virtute in
Volso bello, felicitate in Tusculana expedi-
tione, utroque singulari adversus conlegam
patientia et moderatione insignis, magistratu
abiit; creatis tribunis militaribus in insequen-
tein annum, L. et P. Valeriis, Lucio quin-
tum, Publio tertium, et C. Sergio tertium,
L. Menenio secundum, Sp. Papirio, Ser. Cor-
nelio Maluginense. Censoribus quoque eguit
annus, maxime propter incertam famam ae-
ris alieni; adgravantibus suminam etiam in-
vidiae ejus tribunis plebis, quum ab iis eleva-
retur, quibus fide magis, quam fortuna, de-
bentium laborare creditum videri expediebat.
Creati censores C. Sulpicius Cainerinus, Sp.
Postumius Regillensis. Coepitque jam res
morte Postumii, quia conlegam subfici censori
religio erat, interpellata est. Igitur quum
Sulpicius abdicasset se magistratu, censores
alii, vitio creati, non gesserunt magistratum.
Tertios creari (velut Diis non adcipientibus
in eum annum censuram) religiosum fuit.

Eam

Eam vero iudificationem plebis tribuni feren-
dam negabant. *Fugere seūatum testes, tabulas
publicas, census cuiusque, quia nolint conspici
summam aeris alieni, quae indicatura sit, de-
mersam partem a parte civitatis: quum interim
obaeratam plebem objectari aliis atque aliis ho-
stibus.* Passim jam sine ullo discrimine bella
quaeri. Ab Antio Satricum, ab Satrico Veli-
tras, inde Tusculum legiones ductas. Latinis,
Hernicis, Praenestinis jam intentari arma, ci-
vium magis quam hostium odio; ut in armis te-
rant plebem, nec respirare in Urbe, aut per
otium libertatis meminisse sinant, aut consistere
in concione, ubi aliquando audiant vocem tri-
buniciam, de levando fenere et fine aliarum ini-
juriarum agentem. Quod si sit animus plebi
niemor patrum libertatis, se nec addici quem-
quam civem Romanum ob creditam pecuniam
passuros, neque delectum haberi; donec, inspe-
cto aere alieno, initaque ratione minuendi ejus,
sciat unusquisque, quid sui, quid alieni sit; su-
perfit sibi liberum corpus, an id quoque nervo
debeatur. Merces seditionis proposita confe-
stim seditionem excitavit. Nam et addicehan-
tur multi, et ad Praenestini famam belli no-
vas legiones scribendas Patres censuerant.
Quae utraque simul auxilio tribunicio et con-
fensu plebis impediri coepit. Nam neque du-
ci addictos tribuni sinebant, neque juniores
nomina dabant. Quum Patribus minor praef-
sens cura creditae pecuniae juris exsequendi,
quam delectus, esset; quippe jam a Praeneste
profectos hostes in agro Gabino confediti inun-
tiabatur: interim tribunos plebis fama ea ipsa
inritaverat magis ad susceptum certamen, quam
deterruerat. Neque aliud ad seditionem ex-
tinguendam in Urbe, quam prope iulatum
moenibus ipsis bellum, valuit.

XXVIII. Nam quum esset Praenestini nuntiatum, nullum exercitum conscriptum Romae, nullum ducem certum esse, Patres ac plebem in semet ipsos versos: occasionem rati duces eorum, raptim agmine acto, pervaletatis protinus agris, ad portam Collinam signa intulere. Ingens in Urbe trepidatio fuit. Conclamatum *ad arma*, concursumque in muros atque portas est: tandemque, ab seditione ad bellum versi, dictatorem T. Quintium Cincinnati creavere. Is magistrum equitum A. Sempronium Atratinum dixit. Quod ubi auditum est, (tantus ejus magistratus terror erat) simul hostes a moenibus recessere, et juniores Romani ad edictum sine retractatione convenere. Dum conscribitur Romae exercitus, castra interim hostium haud procul Allia flumine posita: inde agrum late populantes, *fatalem se urbi Romanae locum cepisse*, inter se jactabant: *similem pavorem inde ac fugam fore, ac bello Gallico fuerit*. Etenim, si diem, contactum religione insigneque nomine ejus loci, timeant Romani, quanto magis Alliensi die Aliam ipsam, monumentum tantae cladis, reformidaturos? Species profecto his ibi truces Gallorum sonumque vocis in oculis atque in auribus fore. Has inanum rerum inanes ipsas volentes cogitationes, fortunae loci delegaverant spes suas. Romani contra, *Vbicunque esset Latinus hostis, satis scire, eum esse, quem, ad Regillum lacum devictum, centum annorum pace obnoxia tenuerint*. Locum, insignem memoria cladis, irritaturum se potius ad delendam memoriam dedecoris, quam ut timorem faciat, ne qua terra sit nefasia victoriae sua. Quin ipsi sibi Galli si obferantur illo loco, se ita pugnaturos, ut Romae pugnaverint in repetenda patria, ut postero die ad Gabios; tunc, quum effe-

effecerint, ne quis hostis, qui moenia Romana intrasset, nuntium secundas adversaeque fortunae domum perferret.

XXIX. His utrimque animis ad Alliam ventum est. Dictator Romanus, postquam in conspectu hostes erant instructi intentique, *Videsne tu, inquit, A. Semproni, loci fortuna illos fretos ad Alliam constitisse? nec illis Dii immortales certioris quidquam fiduciae, majorisve quod sit auxilii, dederint.. At tu, fretus armis animisque, concitatis equis invadet median aciem: ego cum legionibus in turbatos trepidantesque inferam signa. Adeste, Dii testes foederis, et expetite poenas, debitas simul vobis violatis, nobisque per vestrum numen deceptis.* Non equitem, non peditem sustinuere Praenestini. Primo inpetu ac clamore dissipati ordines sunt. Dein, postquam nullo loco constabat acies, terga vertunt; consternati que et praeter castra etiam sua pavore praclati, non prius se ab effuso cursu fistunt, quam in conspectu Praeneste fuit. Ibi ex fuga dissipati, locum, quem tumultuario opere communirent, capiunt; ne, si intra moenia se recepissent, extemplo ureretur ager, depopulatisque omnibus obsidio urbi inferretur. Sed postquam, direptis ad Alliani castris, victor Romanus aderat, id quoque munimentum relictum: et, vix moenia tuta rati, oppido se Praeneste includunt. Octo praeterea oppida erant sub ditione Praenestinorum. Ad ea circumlatum bellum: deincepsque, haud magno certamine captis, Velitras exercitus ductus. Eae quoque expugnatae. Tum ad caput belli Praeneste ventum. Id non vi, sed per dedicationem, receptum est. T. Quinctius, semel acie victor, binis castris hostium, novem oppidis vi captis, Praeneste in dedicationem accepto,

cepto, Romam revertit: triumphansque signum, Praeneste devectum, Jovis Imperatoris in Capitolium tulit. Dedicatum est inter cellam Jovis ac Minervae; tabulaque sub eo fixa, monumentum rerum gestarum, his ferme incisa literis fuit: *Jupiter atque Divi omnes hoc dederunt, ut T. Quinctius dictator oppida novem caperet.* Die vicesimo, quam creatus erat, dictatura se abdicavit.

XXX. Comitia inde habita tribunorum militum consulari potestate; quibus aequatus patriciorum plebejorumque numerus. Ex Patribus creati P. et C. Manlii, cum L. Julio: plebes C. Sextilium, M. Albinum, L. Antistium dedit. Manliis, quod genere plebejos, gratia Julium anteibant, Volsci proviucia, sine forte, sine comparatione, extra ordinem data: cuius et ipsos postmodo et Patres, qui dederant, poenituit. Inexplorato pabulatum cohortes misere. Quibus velut circumventis, quum id falso nuntiatum esset, dum, praesidio ut essent, citati feruntur, ne auctore quidem adservato, qui eos, hostis Latinus pro milite Romano, frustratus erat, ipsi in insidias praecipitavere. Ibi dum iniquo loco sola virtute militum restantes caeduntur caeduntque, castra interim Romana, jacentia in campo, ab altera parte hostes invasere. Ab ducibus utrobique proditae temeritate atque infacia res. Quidquid superfuit fortunae populi Romani, id militum etiam sine rectore stabilis virtus tutata est. Quae ubi Romam sunt relata, primum dictatorem dici placebat: deinde, postquam quietae res ex Volscis adferebantur, et adparuit, nescire eos victoria et tempore uti, revocati etiam inde exercitus ad duces: otiumque inde, quantum a Volscis, fuit. Id modo extremo anno tumultuatum,

quod

quod Praenestini concitatis Latinorum populis rebellarunt. Eodem anno Setiam, iplis querentibus penuriam hominum, novi coloni adscripti. Rebusque haud prosperis bello, domestica quies, quam tribunorum militum ex plebe gratia majestasque inter suos obtinuit, solatum fuit.

XXXI. In sequentis anni principia statim seditione ingenti arsere, tribunis militum consulari potestate Sp. Furio, Q. Servilio secundum, C. Licinio, P. Cloelio, M. Horatio, L. Geganio. Erat autem et materia et causa seditionis aes alienum: cuius noscendi gratia Sp. Servilius Priscus, Q. Cloelius Siculus censores facti, ne rem agerent, bello impediti sunt. Namque trepidi nuntii primo, fuga deinde ex agris, legiones Volscorum ingressas fines popularique passim Romanum agrum, adtulere. In qua trepidatione tantum afuit, ut civilia certamina terror exterius cohiberet, aut contra eo violentior potestas tribunicia impediendo delectui esset; donec conditiones inpositae Patribus, ne quis, quoad bellatum esset, tributum daret, aut jus de pecunia credita diceret. Eo laxamento plebi sumto, mora delectui non est facta. Legionibus novis scriptis, placuit, duos exercitus in agrum Volscum legionibus divisis duci. Sp. Furius, M. Horatius dextrorsus maritimam oram atque Antium, Q. Servilius et L. Geganius laeva ad montes Ecetram pergunt. Neutra parte hostis obvius fuit. Populatio itaque non illi vagae similis, quam Volscus latrocinii more, discordia hostium fretus et virtutem metuens, per trepidationem raptum fecerat; sed ab justo exercitu justa ira facta, spatio quoque temporis gravior. Quippe a Volscis, timentibus, ne interim exercitus ab Roma exiret, incurssiones

siones in extrema finium factae erant: Romano contra etiam in hostico morandi causa erat, ut hostem ad certamen eliceret. Itaque, omnibus passim tectis agrorum vicisque etiam quibusdam exustis, non arbore frugifera, non satis in spem frugum relictis, omni, quae extra moenia fuit, hominum pecudumque praeda abacta, Romam utrinque exercitus reducti.

XXXII. Parvo intervallo ad respiciendum debitoribus dato, postquam quietae res ab hostibus erant, celebrari de integro juris dictio; et tantum abesse spes veteris levandi feneris, ut tributo novum fensis contraheretur in numerum, à censoribus locatum faxo quadrato faciundum. Cui subcumbere oneri coacta plebes; quia, quem delectum impedit, non habebant tribuni plebis. Tribunos etiam militares patricios omnes, coacta principum opibus, fecit, L. Aemilium, P. Valerium quartum, C. Veturium, Ser. Sulpicium, L. et C. Quintios Cincinnatos. Iisdem opibus obtinuere, ut adversus Latinos Volscosque, qui conjunctis legionibus ad Satricum castra habebant, nullo impediente omnibus junioribus sacramento adactis, tres exercitus scriberent: unum ad praesidium Vrbis; alterum, qui, si qui alibi motus existisset, ad subita belli mitti posset; tertium, longe validissimum, P. Valerius et L. Aemilius ad Satricum duxere. Vbi quum aciem instructam hostium loco aequo invenissent, extemplo pugnatum; et, ut nondum fatis claram victoriam, sic prosperae spei pugnam imber ingentibus procellis fusus direxit. Postero die iterata pugna: et aliquan- diu aequa virtute fortunaque Latinae maxime legiones, longa societate militiam Romanam edoctae, restabant. Eques immisus ordines turbavit; turbatis signa peditum inlata: quan-

tumque Romana se invexit acies, tantum hostes gradu demoti. Et ut semel inclinavit pugna, jam intolerabilis Romana vis erat. Fusi hostes quum Satricum, quod duo millia inde aberat, non castra, peterent; ab equitatu maxime caesi. Castra capta direptaque. Ab Satrico nocte, quae proelio proxima fuit, fugae simili agmine petunt Antium: et quum Romanus exercitus prope vestigiis sequeretur, plus tamen timor, quam ira, celeritatis habuit. Prius itaque moenia intravere hostes, quam Romanus extrema agminis carpere aut morari posset. Inde aliquot dies vastando agro absunti, nec Romanis satis instructis adparatu bellico ad moenia adgredienda, nec illis ad subeundum pugnae casum.

XXXIII. Seditio tum inter Antiates Latinosque coorta, quum Antiates, victi malis subactique bello, in quo et nati erant, et confuerant, deditioinem spectarent; Latinos ex diutina pace nova defectio recentibus adhuc animis ferociores ad perseverandum in bello faceret. Finis certaminis fuit, postquam utrisque adparuit, nihil per alteros stare, quo minus incepta persequerentur. Latini profecti a societate pacis, ut rebantur, inhonestac se se vindicaverunt. Antiates, incommidis arbitris salutarium consiliorum remotis, urbem agrosque Romanis dedunt. Ira et rabies Latinorum, quia nec Romanos bello laedere, nec Volscos in armis retinere potuerant, eo erupit, ut Satricum urbem, quae receptaculum primum eis adversae pugnae fuerat, igni concremarent: nec aliud tectum ejus superfuit urbis, (quum faces pariter sacris profanisque injicerent) quam matris Matutae templum. Inde eos nec sua religio, nec verecundia Deum arcuisse dicitur, sed vox horrenda, edita tem-

plo

plo cum tristibus minis, ni nefandos ignes procul delubris amovissent. Incensos ea rabie impetus Tusculum tulit, ob iram, quod, deserto, communi concilio Latinorum, non in societatem modo Romanam, sed etiam in civitatem, se dedissent. Patentibus portis quum improviso incidissent, primore clamore oppidum praeter arcem captum est. In arcem oppidanis refugere cum conjugibus ac liberis, nuntiosque Romanam, qui certiorem de suo casu senatum facerent, misere. Haud segnius, quam fide populi Romani dignum fuit, exercitus Tusculum ductus. L. Quinctius et Ser. Sulpicius tribuni militum duxere. Clavas portas Tusculi, Latinosque simul obsidentium atque obfessorum animo hinc moenia Tusculi tueri vident, illine arcem obpugnare; terrere una ac pavere. Adventus Romanorum mutaverat utriusque partis animos. Tusculanos ex ingenti metu in sumمام alacritatem, Latinos ex prope certa fiducia mox capienda arcis, quoniam oppido potirentur, in exiguum de se ipsis spem verterat. Tollitur ex arce clamor ab Tusculanis: excipitur aliquanto majore ab exercitu Romano. Vtrimeque urguntur Latini: nec impetus Tusculanorum, decurrentium ex superiore loco, sustinent; nec Romanos, subeuntes moenia molientesque obices portarum, arcere possunt. Scalis prius moenia capta; inde effracta claustra portarum. Et quum anceps hostis et a fronte et a tergo urgueret, nec ad pugnam ulla vis, nec ad fugam loci quidquam supereffet; in medio caeli ad unum omnes. Recuperato ab hostibus Tusculo, exercitus Romanus est reductus.

XXXIV. Quanto magis prosperis eo anno bellis tranquilla omnia foris erant, tanto in Urbe vis Patrum in dies miseriaeque plebis

crescebant, quum eo ipso, quod necesse erat solvi, facultas solvendi impeditur. Itaque, quum jam ex re nihil dari posset, fama et corpore, judicati atque addicti, creditoribus fatis faciebant, poenaque in vicem fidei cesserat. Adeo ergo obnoxios submiserant animos non infimi solum, sed principes etiam plebis, ut nou modo ad tribunatum militum inter patricios petendum, quod tanta vi, ut liceret, tetenderant, sed ne ad plebejos quidem magistratus capessendos petendosque ulli viro acri experientique animus esset; possessionemque honoris, usurpati modo a plebe per paucos annos, recuperasse in perpetuum Patres videbantur. Ne id nimis laetum parti alteri esset, parva (ut plerumque solet) rem ingentem molliundi causa intervenit: M. Fabii Ambusti, potentis viri, quum inter sui corporis homines, tum etiam ad plebem, quod haudquam inter id genus contemtor ejus habebatur, filiae duae nuptae, Ser. Sulpicio major, minor C. Licinio Stoloni erat, inlustri quidem, viro tamen plebejo: eaque ipsa adfinitas haud spreta gratiam Fabio ad vulgum quaefierat. Forte ita incidit, ut, in Ser. Sulpicii tribuni militum domo sorores Fabiae quum inter se (ut sit) sermonibus tempus tererent, lictor Sulpicii, quum is de foro se domum recipere, forem (ut mos est) virga percuteret. Quum ad id, moris ejus insueta, expavisset minor Fabia, risui sorori suit, miranti ignorare id sororem. Ceterum is risus stimulos parvis mobili rebus animo muliebri subdidit: frequentia quoque prosequentium rogantiumque, *num quid vellet?* credo fortunatum matrimonium ei sororis visum; siue ipsam malo arbitrio, quo a proximis quisque minimi anteiri vult, poenituisse. Confusam eam

ex recenti morsu animi quum pater forte vi-disset, percunctatus, *satin salvae?* avertentem causam doloris (quippe nec satis piam adver-sus fororem, nec admodum in virum honori-ficam) elicuit comiter sciscitando, ut fatere-tur, eam esse causam doloris, quod juncta in-pari esset, nupta in domo, quam nec honos nec gratia intrare posset. Consolans inde filiam Ambustus bonum animum habere jussit: eosdem prope diem domi visuram honores, quos apud fororem videat. Inde consilia inire cum genero coepit, adhibito L. Sextio, strenuo adolescente, et cuius spei nihil praeter genus patricium deesset.

XXXV. Occasio videbatur rerum novan-darum propter ingentem vim aeris alieni; cuius levamen malii plebes, nisi suis in summo imperio locatis, nullum speraret. Adeingen-dum ad eam cogitationem esse. Conando agen-doque jam eo gradum fecisse plebejos, unde, si porro admittantur, pervenire ad summam, et Patribus aequari, tam honore, quam virtute, possent. In praesentia tribunos plebis fieri placuit, quo in magistratu sibimet ipsi viam ad ceteros honores aperirent. Creatique tri-buni C. Licinius et L. Sextius promulgavere leges omnes adversus opes patriciorum, et pro commodis plebis: unam de aere alieno, ut, deducto eo de capite, quod usuris pernume-ratum esset, id, quod superesset, triennio ae-quis portionibus persolveretur: alteram de modo agrorum, ne quis plus quingenta jugera agri possideret: tertiam, ne tribunorum mili-tum comitia fierent, consulunque utique alter ex plebe crearetur. Cuncta ingentia, et quae sine certamine maximo obtincri non possent. Omnim igitur simul rerum, quarum immo-dica cupido inter mortales est, agri, pecuniae,

honorum, discrimine proposito, conterriti Patres, quum trepidassent, publicis privatisque consiliis nullo remedio alio, praeter expertam multis jam ante certaminibus intercessionem, invento, conlegas adversus tribunicias rogationes comparaverunt. Qui, ubi tribus ad subfragium ineundum citari a Licinio Sextio que viderunt, stipati Patrum praefidiis, nec recitari rogationes, nec sollemne quidquam aliud ad sciscendum plebi fieri passi sunt. Jamque frustra saepe concilio advocato, quum pro antiquatis rogationes essent; *Bene habet*, inquit Sextius, *quandoquidem tantum intercessionem pollere placet, isto ipso telo tutabimur plebem.* *Agitedum, comitia indicite, Patres, tribuuis militum creandis.* *Faxo, ne juvet vox istia VETO, qua nunc concinenteis conlegas nos siros tam laeti auditis.* Haud inritae cecidere minae: comitia, praeter aedilium tribunorumque plebis, nulla sunt habita. Licinius Sextiusque, tribuni plebis refecti, nullos curules magistratus creari passi sunt. Eaque solitudo magistratum, et plebe reficiente duos tribunos, et his eomitia tribunorum militum tollentibus, per quinquennium Vrbem tenuit.

XXXVI. Alia bella obportune quievere: Veliterni coloni, gestientes otio, quod nullus exercitus Romanus esset, et agrum Romanum aliquoties incurfavere, et Tusculum obpugnare adorti sunt. Eaque res, Tusculanis veteribus sociis, novis civibus, opem orantibus, verecundia maxime non Patres modo, sed etiam plebem, movit. Remittentibus tribunis plebis, comitia per interregem sunt habita; creatureque tribuni militum L. Furius, A. Manlius, Ser. Sulpicius, Ser. Cornelius, P. et C. Valerii, haudquaquam tam obedientem in delectu, quam in comitiis, plebem habuere: ingenti-
que

que contentione exercitu scripto profecti, non ab Tusculo modo submoveare hostem, sed intra suam ipsum moenia compulere. Obsidebanturque haud paullo vi majore Velitrae, quam Tusculum obfessum fuerat; nec tamen ab eis, a quibus obsideri coeptae erant, expugnari potuere. Ante novi creati sunt tribuni militum, Q. Servilius, C. Veturius, A. et M. Cornelii, Q. Quintius, M. Fabius. Nihil ne ab his quidem tribunis ad Velitras memorabile factum. In majore discrimine domi res vertebantur: nam praeter Sextium Liciniumque latores legum, jam octavum tribunos plebis refectos, Fabius quoquo tribunus militum, Stolonis ficer, quarum legum auctor fuerat, earum suaforem se hanc dubium ferebat. Et, quum octo ex conlegio tribunorum plebis primo intercessores legum fuissent, quinque soli erant: et (ut ferme solent, qui a suis desciscunt) capti et stupentes animi vocibus alienis id modo, quod domi praecepsum erat, intercessioni suae praetendebant: *Velitris in exercitu plebis magnam partem abesse: in adventum militum comitia differri debere, ut universa plebes de suis commodis subfragium ferret.* Sextius Liciniusque, cum parte conlegarum et uno ex tribunis militum Fabio, artifices jam tot annorum usu tractandi animos plebis, primores Patrum productos interrogando de singulis, quae serebantur ad populum, fatigabant: *Auderentue postulare, ut, quum bina jugera agri plebi dividerentur, ipsis plus quingenta jugera habere licaret?* *Vt singuli prope trecentorum civium possiderent agros, plebejo homini vix ad tectum necessarium, aut locum sepulturae, suus pateret ager?* *An placeret, senere circumventam plebem potius, quam forte creditum solvat, corpus in nervum ac supplicia*

*dare: et gregatim quotidie de foro addictos
duci, et repleti vinctis nobiles domos? et, ubi-
cumque patricius habitet, ibi carcerem priva-
tum esse?*

XXXVII. Haec indigna miserandaque au-
ditu quum apud timentes fibimet ipsos, majo-
re audientium indignatione, quam sua, incre-
puissent: *atqui nec agros obcupandi modum,
nec fenere trucidandi plebem alium Patribus
unquam fore, adfirmabant, nisi alterum ex
plebe consulem, custodem suae libertatis, plebes
fecisset. Contemni jam tribunos plebis, quippe
quae potestas jam suam ipsa vim frangat inter-
cedendo. Non posse aequo jure agi, ubi impe-
rium penes illos, penes se auxilium tantum sit.
Nisi imperio communicato, numquam plebem in
parts pari rei publicae fore: nec esse, quod quis-
quam satis putet, si plebejorum ratio comitiis
consularibus habeatur: nisi alterum consulem
utique ex plebe fieri necesse sit, neminem fore:
An jam memoria exisse, quum tribunos militum
idecirco potius, quam consules, creari placuisse,
ut et plebejis pateret summus honos, quatuor et
quadraginta annis neminem ex plebe tribunum
militum creatum esse? Qui crederent, duobusne
in locis sua voluntate in partituros plebi hono-
rem, qui octona loca tribunis militum creandis
obcupare soliti sint? et ad consulatum viam fie-
ri passuros, qui tribunatum septum tam diu ha-
buerint? Lege obtainendum esse, quod comitiis
per gratiam nequeat; et seponendum extra cer-
tamen alterum consulatum, ad quem plebi fit
aditus, quoniam in certamine relictus praemium
semper potentioris futurus sit. Nec jam posse
dici id, quod autea jactare soliti sint, non esse
in plebejis idoneos viros ad curules magistratus.
Numquid enim socordius aut segnius rem publi-
cam*

cam administrari post P. Licinii Calvi tribunatum, qui primus ex plebe creatus fit; quam per eos annos gesta fit, quibus praeter patricios nemo tribunus militum fuerit? Quin contra patricios aliquot dannatos post tribunatum, neminem plebejum. Quaeores quoque, sicut tribunos militum, paucis ante annis ex plebe coeptos creari: nec ullius eorum populum Romanum pœnituisse. Consulatum superesse plebejis: eam esse arcem libertatis, id columen. Si eo per ventum sit, tum populum Romanum vere exactos ex Urbe reges, et stabilem libertatem suam existimaturum. Quippe ex illa die in plebem ventura omnia, quibus patricii excellant, imperium atque honorem, gloriam belli, genus, nobilitatem, magna ipsis fruenda, majora liberis relinquenda. Hujus generis orationes ubi adcipi videre; novam rogationem promulgant, ut pro duumviris sacris faciundis decemviri creentur, ita ut pars ex plebe, pars ex Patribus fiat: omniumque earum rogationum comitia in adventam ejus exercitus differunt, qui Vellitas obsidebat.

XXXVIII. Prius circumactus est annus, quam a Vellitis reducerentur legiones. Ita suspensa de legibus res ad novos tribunos militum dilata. Nam plebis tribunos eosdem, duos utique, quia legum latores erant, plebes reficiebat. Tribuni militum creati T. Quintius, Ser. Cornelius, Ser. Sulpicius, Sp. Servilius, L. Papirius, L. Veturius. Principio statim anni ad ultimam dimicationem de legibus ventum: et, quum tribus vocarentur, nec intercessio conlegarum latoribus obstaret, trepidi Patres ad duo ultima auxilia, sumnum imperium sumnumque ad civem, decurrunt. Dictatorem dici placet. Dicitur M. Furius Camillus, qui magistrum equitum L. Aemilius

lium cooptat. Legum quoque latores adversus tantum adparatum adversariorum et ipsi causam plebis ingentibus animis armant: concilioque plebis indicto, tribus ad subfragium vocant. Quum dictator, stipatus agmine patriciorum, plenus irae minarumque consedisset, atque ageretur res solito primum certamine inter se tribunorum plebi, ferentium legem intercedentiumque, et, quanto jure potentior intercessio erat, tantum vinceretur favore legum ipsarum latorumque, et, *Vti rogas*, primae tribus dicerent: tum Camillus, *Quandoquidem*, inquit, *Quirites, jam vos tribunicia libido, non potestas, regit, et intercessionem, secessione quondam plebis partam, vobis eadem vi facitis inritam, qua peperisisti; non rei publicae magis universae, quam vestra causa, dictator intercessioni adero, eversumque vestrum auxilium imperio tutabor.* Itaque, si C. Licinius et L. Sextius intercessioni conlegarum cedunt; nihil patricium magistratum inse-ram concilio plebis. Si adversus intercessionem, tamquam captae civitati leges imponere tendent, vim tribuniciam a se ipsa dissolvi non patiar. Adversus ea quum contemptim tribuni plebis rem nihilo segnus peragerent, tum percitus ira Camillus lictores, qui de medio plebem emoverent, misit. Et addidit minas, si pergerent, sacramento omnes juniores adacturum, exercitumque extemplo ex Vrbe educturum. Terrorem ingentem incusserat plebi; dueibus plebis adcedidit magis certamine animos, quam minuit. Sed, re neutro inclinata, magistratu se abdicavit; seu quia vitio creatus erat, ut scripsere quidam, seu quia tribuni plebis tulerunt ad plebem, idque plebs scivit, ut, si M. Furius pro dictatore quid-eisset, quingen-
tum millium ei mulcta esset. Sed auspiciis magis,

magis, quam novi exempli rogatione, determinatum ut potius credam, quum ipsius viri facit ingenium, tum quod ei subfectus est ex templo P. Manlius dictator. Quem quid creari adtinebat ad id certamen, quo M. Furius victus esset? et quod eundem M. Furium dictatorem insequens annus habuit, haud sine pudore certe fractum priore anno in se imperium repetiturum: simul quod eo tempore, quo promulgatum de mulcta ejus traditur, aut et huic rogationi, qua se in ordinem cogi videbat, oblistere potuit; aut ne illas quidem, propter quas et haec lata erat, impedire: et, quoad usque ad memoriam nostram tribuniciis consularibusque certatum viribus est, dictature semper altius fastigium suit.

XXXIX. Inter priorem dictaturam abdicatam novamque a Manlio initam, ab tribunis velut per interregnum concilio plebis habito, adparuit, quae ex promulgatis plebi, quae latoribus gratiora essent. Nam de senere atque agro rogationes jubebant, de plebeo consulatu antiquabant. Et perfecta utraque res esset, ni tribuni se in omnia simul consulere plebem dixissent. P. Manlius deinde dictator rem in causam plebis inclinavit, C. Licinio, qui tribunus militum fuerat, magistro equitum de plebe dicto. Id aegre Patres passos adcepio; dictatorem propinqua cognatione Licinii se apud Patres excusare solitum, simul negantem, magistri equitum majus, quam tribuni consularis, imperium esse. Licinius Sextiusque, quum tribunorum plebi creandorum indicta comitia essent, ita se gerere, ut, negando jam sibi velle continuari honorem, acerrime adcederent ad id, quod dissimilando petebant, plebem. *Nonum se annum jam velut in aciem adversus optimates mo-*

*ximo privatim periculo, nullo publice emolumen-
toflare. Consenuisse jam secum et rogationes
promulgatas, et vim omnem tribuniciae potestia-
tis Primo intercessione conlegarum in leges
suas pugnatum esse; deinde allegatione juven-
tutis ad Veliternum bellum: postremo dictato-
rium fulmen in se intentatum. Jam nec conle-
gas, nec bellum, nec dictatorem obstare; quip-
pe qui etiam omen plebejo consuli, magistro equi-
tum ex plebe dicendo, dederit. Se ipsam ple-
bem et commoda morari sua. Liberam urbem
ac forum a creditoribus, liberos agros ab inju-
stis possessoribus extemplo, si velit, habere posse.
Quae munera quando tandem satis grato animo
aestimatueros, si, inter adcipiendas de suis com-
modis rogationes, spem honoris latoribus earum
incident? Non esse modestiae populi Romani id
postulare, ut ipse fenerc levetur, et in agrum
injuria possessum a potentibus inducatur; per
quos ea consequitus sit, senes tribunicos non
sine honore tantum, sed etiam sine spe honoris,
relinquat. Proinde ipsi primum statuerent apud
animos, quid vellent: deinde comitis tribuni-
ciis declararent voluntatem. Si conjunctim fer-
ri ab se promulgatas rogationes vellent, esse,
quod eosdem reficerent tribunos plebis: perlatu-
ros enim, quae promulgaverint. Sin, quod cui-
que privatim opus sit, id modo adcipi velint;
opus esse nihil invidiosa continuatione honoris;
nec se tribunatum, nec illos ea, quae promulga-
ta sunt, habituros.*

XL. Adversus tam obstinatam orationem
tribunorum quini, praे indignitate rerum,
stupor silentiumque inde ceteros Patrum des-
xisset; Ap. Claudius Crassus, nepos decem-
viri, dicitur odio magis iraque, quam spe,
ad disuadendum processisse, et loquuntus in
hanc fere sententiam esse: *Neque novum, ne-
que*

que inopinatum mihi sit, Quirites, si, quod unum familiae nostrae semper objectum est ab seditionis tribunis, id nunc ego quoque audiam: Claudio genti jam inde ab initio nil antiquius in re publica Patrum maiestate fuisse; semper plebis commodis adversatos esse. Quorum alterum neque nego, neque infitias eo, nos, ex quo adsciti sumus simul in civitatem et Patres, emixe operam dedisse, ut per nos aucta potius, quam iniminita, maiestas earum gentium, inter quas nos esse voluistis, dici vere posset. Illud alterum pro me majoribusque meis contendere ausim, Quirites, (nisi, quae pro universa re publica fiant, ea plebi, tamquam aliam incolenti urbem, adversa quis putet) nihil nos, neque privatos, neque in magistratibus, quod incommodum plebi esset, scientes fecisse: nec ullum factum dictumve nostrum contra utilitatem vestram (etsi quaedam contra voluntatem fuerint) vere referri posse. An hoc, si Claudio familiae non sim, nec ex patricio sanguine ortus, sed unus Quiritium quilibet, qui modo mendicibus ingenuis ortum, et vivere in libera civitate sciam; reticere possim? L. illum Sextium et C. Licinium, perpetuos (si Diis placet) tribunos, tantum licentiae novem annis, quibus regnant, sumfisse, ut vobis negent potestatem liberam subfragii, non in comitiis, non in legibus juberdis, se permisuros esse? Sub conditione, inquit, nos reficietis decimum tribunos. Quid est aliud dicere, quod petunt alii, nos adeo fastidimus, ut sine mercede magna non adipiciamus. Sed quae tandem ista merces est, quia vos semper tribunos plebis habeanus? ut rogationes, inquit, nostras, seu placent, seu displicant, seu utiles, seu inutiles sunt, omnes coniunctim adipiciatis. Obsecro vos, Tarquinii tri-

tribuni plebis, putate me ex media concione
 unum civem subclamare: Bona venia vestra li-
 ceat ex his rogationibus legere, quas salubres
 nobis censemus esse; antiquare alias. Non, in-
 quit, licebit. Tu de fenere atque agris, quod
 ad vos omnes pertinet, jubeas; et hoc portenti
 non fiat in urbe Romana, uti L. Sextium at-
 que huic C. Licinium consules, quod indignaris,
 quod aboniaris, videas? Aut omnia adcipe:
 aut nihil fero. Ut si quis ei, quem urgeat fa-
 mes, venenum ponat cum cibo, et aut abstinere
 eo, quod vitale sit, jubeat, aut mortiferum vi-
 tali admisceat. Ergo, si esset libera haec civi-
 tas, non tibi frequentes subclamassent? Ab hinc
 cum tribunatibus ac rogationibus iuis. Quid?
 si tu non tuleris, quod commodum est populo
 adcipere, nemo erit, qui ferat illud? Si quis
 patricius, si quis (quod illi volunt invidiosius
 esse) Claudius diceret, Aut omnia adcipte, aut
 nihil fero; quis vestrum, Quirites, ferret?
 Numquamine vos res potius, quam auctores,
 spectabitis? sed omnia semper, quae magistra-
 tus ille dicet, secundis auribus, quae ab nostrum
 quo dicentur, adversis adciptetis? At hercule
 sermo est minime civilis. Quid? Rogatio qua-
 lis est, quam a vobis antiquatam iudignatur?
 Sermoni, Quirites, simillima: Consules, in-
 quit, rogo, ne vobis, quos velitis, facere li-
 ceat. Au aliter rogat, qui utique alterum ex
 plebe fieri consulem jubet, nec duos patricios
 creandi potestatem vobis perniitit? Si hodie
 bella sint, quale Etruscum fuit, quum Porsecu
 Janiculum insedit; quale Gallicum modo, quum
 praeter Capitolium atque arcem omnia haec ho-
 stium erant, et consulatum cum hoc M. Furio
 et quolibet alio ex Patribus L. ille Sextius pe-
 teret: possetisne ferre, Sextium haud pro du-
 bio

bio consulem esse, Camillum de repulsa dimicare? Hoc sine est in commune honores vocare, ut duos plebejos fieri consules licet, duos patricios non licet? et alterum ex plebe creari necesse sit, utrumque ex Patribus praeterire licet? Quae-nam ista societas, quaenam consortio est? Par-rum est, si, cujus pars tua nulla adhuc fuit, in partem ejus venis, nisi partem petendo totum traxeris? Timeo, inquit, ne, si duos licebit creari patricios, neminem creetis plebejum. Quid est dicere aliud, quia indignos vestra voluntate creaturi non esis, necessitatem vobis creandi, quos non vultis, impouam? Quid sequitur, nisi ut ne beneficium quidem debeat populo, si cum duobus patriciis unus petierit plebejus, et lege se, non subfragio, creatum dicat?

XLI. Quomodo extorqueant, non quomodo petant honores, quaerunt; et ita maxima sunt adepturi, ut nihil ne pro minimis quidem debeant: et occasionibus potius, quam virtute, petere honores malunt. Est aliquis, qui se inspici, aestimari fastidiat; qui certos sibi uni honores inter dimicantes competitores aequum censem atque effe; qui se arbitrio vestro eximat; qui vestra necessaria subfragia pro voluntariis, et serva pro liberis faciat. Omitto Licinium Sextiumque, quorum annos in perpetua potestate, tamquam regum in Capitolio, numeratis: quis est hodie in civitate tam humilis, cui non via ad consulatum facilior per istius legis occasionem, quam nobis ac liberis nostris, fiat? si quidem nos, ne quum volueritis quidem, creare interdum poteritis; istos, etiam si nolueritis, necesse sit. De indignitate satis dictum est: (etenim dignitas ad homines pertinet) quid de religionibus atque auspiciis, quae propria Deorum immortalium contemtio atque injuria est, loquar?

*Auspiciis hanc urbem conditam esse, auspiciis
bello ac pace, domi militiaeque, omnia geri,
quis est, qui ignoret? Penes quos igitur sunt
auspicia more majorum? nempe, penes Patres.
Nam plebejus quidem magistratus nullus auspicato
creatur. Nobis adeo propria sunt auspicia,
ut non solum, quo's populus creat patricios ma-
gistratus, non aliter, quam auspicato, creet;
sed nos quoque ipsi sine subfrägio populi auspicato
inter regem prodamus, et privatim auspicia
habeamus, quae isti ne in magistratibus quidem
habent. Quid igitur aliud, quam tollit ex ci-
vitate auspicia, qui, plebejos consules creando,
a Patribus, qui soli ea habere possunt, aufer?
Eludent nunc licet religiones. Quid enim est,
si nulli non pascuntur? si ex cavea tardius exie-
rint? si obcinuerit avis? Parva sunt haec: sed
parva ista non contemnendo majores nosiri ma-
ximam hanc rem fecerunt. Nunc nos, tamquam
jam nihil pace Deorum opus sit, omnes ceremo-
nias polluimus. Vulgo ergo pontifices, augures,
sacrificuli reges creentur: cuilibet apicem dialem,
dummodo homo sit, imponamus: tradamus an-
cilia, penetralia, Deos, Deorumque curam,
quibus nefas est. Non leges auspicato ferantur;
non magistratus creentur; nec centuriatis nec
curiatis comitiis Patres auctores fiant. Sextius
et Licinius, tamquam Romulus ac Tatius, in
urbe Romana reguent, quia pecunias alienas,
quia agros dono dant. Tanta dulcedo est ex
alienis fortunis praedandi: nec in mentem venit,
altera lege solitudines vastas in agris fieri pel-
lendo finibus dominos: altera fidem abrogari,
cum qua omnis humana societas tollitur. Om-
nium rerum causa vobis antiquandas censio-
istas rogationes. Quod faxitis, Deos velim
fortunare.*

XLII. Oratio Appii ad id modo valuit, ut tempus rogationum jubendarum proferetur. Refecti decimum iidem tribuni, Sextius et Licinius, de decemviris sacrorum ex parte de plebe creandis legem pertulere. Creati quinque Patrum, quinque plebis: graduque eo iam via facta ad consulatum videbatur. Hac victoria contenta piebes cessit Patribus, ut, in praesentia consulium mentione omissa, tribuni militum crearentur. Creati A. et M. Cornelii iterum, M. Geganius, P. Manlius, L. Veturius, P. Valerius sextum. Quum praeter Veltiarum obsidionem, tardi magis rem exitus, quam dubii, quietae exteruae res Romanis essent; fama repens belli Gallici adlata perpulit civitatem, ut M. Furius dictator quintum diceretur. Is T. Quinctium Pennum magistrum equitum dixit. Bellatum cum Gallis eo anno circa Anienem flumen, auctor est Claudius; inclutamque in ponte pugnam, qua T. Manlius Gallum, cum quo provocatus manus conseruit, in conspectu duorum exercituum caesum torque spoliavit, tum pugnatani. Pluribus auctoribus magis adducor, ut credam, decem haud minus post annos ea acta: hoc autem anno in Albano agro cum Gallis, dictatore M. Furio, signa conlata. Nec dubia, nec difficilis Romanis (quamquam ingentem Galli terrorem memoria pristinae cladis adulterant) victoria fuit. Multa millia barbarorum in acie, multa captis castris caesa: palati alii, Apuliam maxime petentes, quum fuga se longinqua, tum quod passim eos simul pavor terrorque distulerant, ab hoste sese tutati sunt. Dictatori, consensu Patrum plebisque, triumphus decretus. Vix:um perfunctum eum bello atrocior domi seditio exceptit: et per ingentia certamina dictator senatusque victus,

ut rogationes tribuniciae adciperentur; et comitia consulum adversa nobilitate habita; quibus L. Sextius de plebe primus consul factus. Et ne is quidem finis certaminum fuit. Quia patricii se auctores futuros negabant, prope secessionem plebis res terribilesque alias minas civitum certaminum venit: quum tamen per dictatorem conditionibus sedatae discordiae sunt, concessumque ab nobilitate plebi de consule plebejo, a plebe nobilitati de praetore uno, qui jus in Urbe diceret, ex Patribus creando. Ita ab diutina ira tandem in concordiam redactis ordinibus, quum dignam eam rem senatus conferret esse, meritoque id, si quando umquam alias, Deum immortalium causa libenter facturos fore, ut ludi maximi fierent et dies unius ad triduum adjiceretur; recusantibus id munus aedilibus plebis, conclamatum a patriciis est juvenibus, se id honoris Deum immortalium causa libenter actueros, ut aediles fierent. Quibus quium ab universis gratiae actae essent, factum senatus consultum, ut duo viros aediles ex Patribus dictator populum rogaret: Patres auctores omnibus ejus anni comitiis fierent.

T. LIVII PATAVINI
LIBER VII.

B R E V I A R I V M .

CAP. I. *Annus ab V. c. 389 insignis novi hominis consulatu, novisque duobus magistratibus, practura urbana et curuli aedilitate Convenit mox, ut duo aediles curules alternis annis ex plebe fiant: quod postea promiscuum fuit. Per silentia ingens. Mors Camilli.* 2. *Ludi scenici inter alia coelestis irae placamina insituti. Ludiones ex Etruria ad citi et his triones dicti. Fescennini versus. Inpletæ modis saturæ. Livius Andronicus, ab his argumento fabulam serere ausus. Ad manum cantari his trionibus coeptum. Diverbia tautum voci eorum relicta. Exodia. Atellanas.* 3. *L. Manlius Imperiosus dictator clavi (qui index olim numeri annorum fuit) figendi causa dicitur. Idem, bellum Hernicum affectans, delectu acerbo juventutem agitat, sed tandem, omnibus in eum tribunis pl. coortis, dictatura abit.* 4. *Diem ei dicit M. Pomponius trib. pl. et praeter acerbitudinem in delectu criminis dat saevitiam in filium, quem pater vere imperiosus, ob tarditatem ingenii, extorrem Urbe in opus servile dederit.* 5. *Sed filius tribuum jurare cogit, se incepto destitutum; et eodem anno, quo non amplius omnes tribuni militum ad legiones ab imperatore, (qui*

Rufuli postea dicti) sed sex a populo creari coepere, secundum in VI locis tenet. 6. *Vorago immensa in foro non prius expleri potest, quam M. Curtius armatus et equo insidens se in eam iunxit: unde plerique adpellatum putant lacum Curtium.* L. Genucius, primus consulum de plebe, qui bellum gerit, ab Hernicis in insidias tractus obciditur. *Hinc frement Patres, et Ap. Claudius Crassus dictator dicitur.* 7. *Ambigua pugna et acies Hernicorum restituta ab octo cohortibus quadringenariis.* 8. *Victoria Romanorum haud incruenta.*

9. *Ferentium in Hernicis capitul vi, et bellum Tiburtibus indicitur.* T. Quinctius Peninus dictator proficiscitur adversus Gallos, qui in Salaria via ad Auienem casira habent, et barbarus eximia corporis magnitudine jubet magna voce ad pugnam procedere, quem Roma virum fortissimum habeat. 10. *In hoc certamen permissu dictatoris descendit T. Manlius, qui patrem a vexatione tribunicia vindicaverat.* Is Gallum stolidae laetum prosternit, et jacentis collum torque spoliat, quem collo circumdat suo: unde ei posuerisque Torquati cognomen datum. 11. *Tum Galli noctu, relictis trepide casiris, in Tiburtem agrum, et inde, commeatu a Tiburtibus adjuti, in Campaniam transeunt.* Sed mox redeunt ad auxilium sociorum, quibus bellum indictum; et a Q. Servilio Ahala dictatore hand procul porta Collina funduntur, magna utrimque edita cacte. *Tiburtes victi,* 12. *et mox iterum ante moenia Romae.* Bellum Hernicis Tarquinienibusque indictum. Latini pacem petunt et foedere renovato magnam dant militum vim. C. Sulpicius dictator adversus Gallos, circa Pedum confidentes, exercitum dicit, trahitque bellum invitis militibus. 13. *Ho-*
rum

rum nomine Sex. Tullius, qui septimum ducebat primum pilum, orat, ut pugnae fiat copia. 14. Dictator concitatae cedit multitudini, et agasones armatos mulisque inpositos nocte super castra in montes, adversus quos consistunt hostes, evadere jubet. 15. Pugna atrox et diu anceps, donec Galli, novo clamore eorum, qui in monte sunt, territi, fugiunt et caeduntur. C. Plautius cos. devicit Hernicos. Sed Tarquinenses cladem inferunt exercitui C. Fabii, conlegae ejus, et CCCVII milites Rom. captos immolant. Privernates agrum Rom. vasant, et mox Veliterui. Duae tribus, Pomptina et Publilia, adduntur. Lex de ambitu fertur ab C. Poetelio trib. pl. 16. Privernates, virtute potissimum Sex. Tullii, funduntur deduntque urbem. Rogatio de unciario fenere a M. Duillio et L. Mannio trib. pl., ac lex de vicefima manumissorum a Cu. Manlio cos. novo exemplo ad Sutrium in castris perfertur: unde tribuni pl. capite sanciunt, ne quis postea populum sevocet.

17. Falisci Tarquinensesque primum fundunt Romanos, territos maxime incessu furiali sacerdotum, faces ardentes auguesque praefrentium; sed mox vincuntur. Omne nomen Etruscum concitatur; et C. Martius Rutilus primus de plebe dicitur dictator. Is profligat Etruscos, et sine auctoritate Patrum, populi iussu, triumphat. 18. Ambo cos. patricii, Empulum ex Tiburtibus captum. Consulum certamen cum plebe ac tribunis. 19. Tiburtes, Sasula expugnata, se dedunt Romanis. Captivi Tarquinenses trucidantur omnes. Foedus cum Samnitibus junctum. Inopes nexum ineunt. Caerites cum Tarquinensibus arma jungunt. T. Manlius Torquatus dictator et A. Cornelius Cos. sus mag. eq. dicitur. 20. Caerites erroris veniam

petunt induciasque in petrant in C. annos. Faliscorum fines populati.

21. *Tribuni comitia consularia non nisi secundum Liciniam legem haberi patiuntur. Tandem C. Marcius Rutilus e plebe conlega datur P. Valerio Publicolae. Hi solutionem aeris alieni in publicam curam vertunt, creatis quinque viris meusariis; et tarda nomina aut aerarium dissolvit, aut liberat aestimatio bonorum. Ob terrorem belli Etrusci, qui tamen vanus est, C. Julius dictator in castris dicitur.* 22. *Induciae XL annorum cum Tarquiniiensibus Faliscisque, Dominiis multarum rerum solutione aeris alieni mutatis, censum agi placet, et C. Marcius Rutilus primus de plebe censor creatur.* 23. 24. *M. Popillius Laenas cos. plebejus superat Gallos acerrime pugnantes haud procul Albanis montibus.* 25. *Galli ex his montibus per campos maritimaque loca vagi populantur. Mare infestum classibus Graecorum. Latini deficiunt a Romanis. Hi X legiones scribunt. Bellum Gallicum mandatum L. Furio Camillo cos. Ap. Claudio Crasso conlega mortuo.* 26. *Gallum, magnitudine armisque insignem, qui provocaverat unum ex Romanis, superat obtruncatque M. Valerius trib. mil. adjutus a corvo, qui os oculosque hostis rostro et unguibus adpetuisse dicitur: unde illi cognomen Corvi datur. Camillus vincit Gallos, sed adversus Graecos, qui Siciliae tyranni fuisse videntur, nullam memorabilem gerit rem.* 27. *Pestilentia et lectisernium. Foe dus cum Carthaginiensibus ictum. Semincarium ex unciario fenus factum, et solutio aeris alieni in pensiones aequas triennii, ita ut quar ta praesens effet, dispensata. Antiates aliisque Vol-*

*Volsci a M. Valerio Corvo II cos. victi Satri-
cumque dirutum. 28. Cum Auruncis debellatum
a L. Furio Camillo dictatore. Templum Juno-
ni Monetae ab eo votum exstructumque in area
aedium M. Mailii Capitolini. Sora ex Vol-
scis capta. Prodigiorum feriarumque consti-
tuendarum causa dictator dictus P. Valerius
Publicola. Subplicationes tribuum fuitimorum-
que populorum. Judicia populi tristia in fenc-
ratores facta.*

*29. Belli Samnitici, diu aincipiti Marte ge-
sti, origo. Samnites Sidicinis et deinde Cam-
panis, horum sociis, injuria inferunt arma. 30.
Campani a senatu Rom. auxilium petunt. 31.
Eo negato se suaque omnia dedunt Romanis.
Hi legatos mittunt ad Samnites, qui ferociter
iis respondent. 32. M. Valerius Corvus cos.
ad Gaurum montem in Campania, A. Cornelius
Cossus ad Saticulam in Samnio castra ponit.
Ille milites suos adhortatur. 33. Valerii inge-
nium. Pugna ejus atrox cum Samnitibus et vi-
ctoria. 34. Discrimen Cornelii cos. propulsat-
um virtute P. Decii trib. mil. 34—36. Is
capto colle spatium consuli dat ad subducen-
dum agmen in aequiore locum, et noctu per ca-
stra hostium incolumis ad suos revertitur. Tum
palati passim Samnites obprimuntur, multisque
millibus caesis diripiuntur casira. 37. Decius
ejusque milites donati bubus, tunicis, frumento
et coronis. Samnites a Valerio ad Sueffulam,
et deinde ad Capuam victi.*

*38. Falisci foedus petunt, et Carthaginien-
ses legatos gratulatum mittunt Romam cum co-
ronae aureae dono. Consules de Samnitibus
triumphant sequente Decio. Romani milites,
Capuae in praesidio relict i, urbis hujus obcu-
pandae consilia ineunt. 39. C. Marcius Ruti-*

lus eos exercitum purgat missionibus turbulentorum hominum et aliis alio missis per speciem militarium usuum. Horum vero mox valida manus, timens, consilia sua emanasse et supplicia singulis inminere, ad Albam Longam confluit, et T. Quinctium, ruri agentem in Tusculano, arcessit, ut eos ad Vrbem ducat. 40. M. Valerius Corvus dictator, obviam iis missus, et T. Quinctius seditiones milites ad pacem hortantur. 41. Conjuratio obprimitur, ferturque lex sacra militaris, ne cuius militis scripti uomen, nisi ipso volente, deleatur, nec, qui tribunus militum fuisset, postea ordinum ductor sit. Id propter P. Salonium a conjuratis posulatum. 42. Hujus defectionis militum narratio variat in annalibus. Rogatio a L. Genucio trib. pl. lata, ne fenerare liceat, aliaque plebiscita.

I. **A**nnus hic erit insignis novi hominis consulatu, insignis novis duobus magistratibus, praetura et curuli aedilitate. Hos sibi patricii quaesivere honores pro concessu plebi altero consulatu. Plebes consulatum L. Sextio, cuius lege partus erat, dedit: Patres praeturam Sp. Furio M. filio Camillo; aedilitatem Cn. Quinctio Capitolino et P. Cornelio Scipioni, suarum gentium viris, gratia campestri ceperunt. L. Sextio conlega ex Patribus datus L. Aemilius Mamercinus. Principio anni et de Gallis, quos prius palatos per Apuliam congregari jam fama erat, et de Hernicorum defectione agitata mentio. Quum de industria omnia, ne quid per plebejum consulem ageretur, proferrentur; silentium omnium rerum

rum ac justitio simile otium fuit; nisi quod, non patientibus tacitum tribunis, quod pro consule uno plebejo tres patricios magistratus, curulibus sellis praetextatos tamquam conules sedentes, nobilitas sibi sumisset, praetoren quidem etiam jura reddentem, et conlegam consulibus atque iisdem auspiciis creatum, verecundia inde inposita est senatui ex Patribus jubendi aediles curules creari. Primo, ut alternis annis ex plebe fierent, convenerat: postea promiscuum fuit. Inde, L. Genucio et Q. Servilio consulibus, et ab seditione et a bello quietis rebus, ne quando a metu ac periculis vacarent, pestilentia ingens orta. Centorem, aedilem curulem, tres tribunos plebis mortuos ferunt, pro portione et ex multitudine alia multa funera fuille. Maximeque eam pestilentiam insignem mors quam matura, tam acerba, M. Furii fecit. Fuit enim vere vir unicus in omni fortuna: princeps pace belloque prius, quam exsulatum iret; clarior in exilio vel desiderio civitatis, quae capta absentis imploravit opem, vel felicitate, qua restitutus in patriam secum patriam ipsam restituit. Par deinde per quinque et viginti annos (tot enim postea vixit) titulo tanta gloriae fuit, dignusque habitus, quem secundum a Romulo conditorem urbis Romanae ferrent.

II. Et hoc et in sequenti anno, C. Sulpicio Petico, C. Licinio Stolone, consulibus, pestilentia fuit. Eo nihil dignum memoria actum, nisi quod pacis Deum exposcendae causa tertio tum post conditam Vrbem lectisternium fuit. Et quum vis morbi nec humanis consiliis nec ope divina levaretur, victis superstitione animis, ludi quoque scenici, nova res bellico populo, (nam circi modo spectaculum fuerat) inter alia coelestis irae placamina

instituti dicuntur. Ceterum parva quoque (ut ferme principia omnia) et ea ipsa peregrina res fuit. Sine carmine ullo, sine imitandorum carminum actu, ludiones ex Etruria adieci, ad tibicinis modos saltantes, haud indecoros motus more Tusco dabant. Imitari deinde eos juventus, simul inconditis inter se jocularia fudentes versibus, coepere: nec absonia voce motus erant. Adcepta itaque res saepiusque usurpando excitata. Vernaculis artificibus, quia hister Tusco verbo ludio vocabatur, nomen histrionibus inditum: qui non sicut ante Fescennino versu similem incompositum temere ac rudem alternis jaciebant; sed inpletas modis saturas, descripto jam ad tibicinem cantu, motuque congruenti peragebant. Livius post aliquot annos, qui ab faturis ausus est primus argumento fabulam serere, (id est scilicet, id quod omnes tum erant, suorum carminum actor) dicitur, quum saepius revocatus vocem obtudisset, venia petita puerum ad canendum ante tibicinem quum statuisset, canticum egisse aliquanto magis vigente motu, quia nihil vocis usus impeditiebat. Inde ad manum cantari histrionibus coeptum, diverbiaque tantum ipsorum voci reicta. Postquam lege hac fabularum ab risu ad soluto joco res avocabatur, et ludus in artem paullatim verterat; juventus, histrionibus fabellarum actu relicto, ipsa inter se more antiquo ridicula intexta versibus jactitare coepit: quae inde exodia postea adpellata, consertaque fabellis potissimum Atellanis sunt. Quod genus ludo rum ab Oseis adcepsum tenuit juventus, ne ab histrionibus pollui passa est. Eo institutum manet, ut actores Atellanarum nec tribu moveantur, et stipendia, tamquam expertes artis ludicrae, faciant. Inter aliarum parva prin-

principia rerum ludorum quoque prima origo
ponenda visa est, ut adpareret, quan ab sano
initio res in hanc vix opulentis regnis tolera-
bilem insaniam venerit.

III. Nec tamen ludorum primum initium,
procuringandis religionibus datum, aut religione
animos, aut corpora morbis levavit. Quin
etiam, quum medios forte ludos circus Tibéri
superfuso irrigatus impedisset, id vero, velut
aversis jam Diis adspersantibusque placamina
irae, terrorem ingentem fecit. Itaque Cn.
Gemilio, L. Aemilio Mainercino secundum
consulibus, quin piaculorum magis conquisi-
tio animos, quam corpora morbi, adficerent,
repetitum ex seniorum memoria dieitur, pe-
stilentiam quandam clavo ab dictatore fixo se-
datam. Ea religione adductus senatus dicta-
torem clavi figendi causa dici jussit. Dictus L.
Manlius Imperiosus, L. Piuarium magistrum
equitum dixit. Lex vetusta est, prisca literis
verbisque scripta, ut, qui praetor maximus
sit, Idibus Septembribus clavum pangat. Fi-
xa fuit dextro lateri aedis Jovis optimi maxi-
mi, ex qua parte Minervae templum est. Eum
clavum, quia rarae per ea tempora literae
erant, notam numeri annorum fuisse ferunt;
eoque Minervae templo dicatam legem, quia
nuinerus Minervae inventum sit. Volsiniis
quoque clavos, indices numeri annorum, fi-
xos in templo Nortiae, Etruseac Deae, com-
parere, diligens talium monumentorum auctor
Cincius adfirmat. M. Horatius consul ex lege
templum Jovis optimi maximi dedicavit anno
post reges exactos: a consulibus postea ad di-
ctatores, quia majus imperium erat, sollemne
clavi figendi translatum est. Intermisso deinde
more, digna etiam per se visa res, propter
quam dictator crearetur. Qua de causa crea-
tus

tus L. Manlius, perinde ac rei publicae gerendae, ac non solvendae religione, gratia creatus esset, bellum Hernicum adfectans, delectu acerbo juventutem agitavit; tandemque omnibus in eum tribunis plebis coortis, seu vi, seu verecundia victus, dictatura abiit.

IV. Neque eo minus principio insequentis anni, Q. Servilio Ahala, L. Genucio consilibus, dies Manlio dicitur a M. Pomponio tribuno plebis. Acerbitas in delectu, non damno modo civium, sed etiam laceratione corporum lata, partim virgis caesis, qui ad nomina non respondissent, partim in vincula ductis, invisa erat: et ante omnia invisum ipsum ingenium atrox, cognomenque Imperiosi grave liberae civitati, ab ostentatione saevitiae adscitum; quam non magis in alienis, quam in proximis, ac sanguine ipse suo exerceceret. Criminique ei tribunus inter cetera dabat, quod filium juvenem, nullius probri compertum, extorrem urbe, domo, penatibus, foro, luce, congressu aequalium prohibitum, in opus servile, prope in carcerem atque in ergastulum, dederit: ubi summo loco natus dictatorius juvenis quotidiana miseria disceret, vere imperioso patre senatum esse. At quam ob noxam? quia infacundior sit et lingua impromitus. Quod naturae damnum utrum nutritudum patri, (si quidquam in eo humani esset) an castigandum ac vexatione insigne faciendum fuisse? ne mutas quidem bestias minus alere ac foovere, si quid ex progenie sua parum prosperum sit. At, Hercule, L. Manlium malum malo augere filii, et tarditatem ingenii insuper premere; et, si quid in eo exiguum naturalis vigoris sit, id extinguere vita agresti et rustico cultu, inter pecudes habendo.

V. Omnium potius his criminacionibus, quam ipsius juvenis, irritatus est animus; quin con-

contra, se quoque parenti causam invidiae atque criminum esse, aegre passus, (ut omnes Dii hominesque scirent, se parenti opem latam, quam inimicis ejus, malle) capit consilium, rudis quidem atque agrestis animi, et quamquam non civilis exempli, tamen pietate laudabile. Inseientibus cunctis, cultro subiectus, mane in Vrbem, atque a porta domum confestim ad M. Pomponium tribunum pergit: janitori, *opus esse sibi domino ejus convento extemplo*, ait. *Nunciaret, T. Manlium L. filium esse.* Mox introductus, (etenim percitum ira in patrem spes erat aut criminis aliquid novi, aut consilii ad rem agendam, deferre) salute accepta redditaque, *esse* ait, *quae cum eo agere arbitris remotis velit.* Procul inde omnibus abire jussis, cultrum stringit, et, super lectum stans ferro intento, nisi, in quae ipse conceperisset verba, juraret, *se patris ejus accusandi causa concilium plebis numquam habiturum*, se eum extemplo transfixurum minatur. Pavidus tribunus (quippe qui ferrum ante oculos micare, se solum, inermiem; illum praevalidum juvenem, et, quod haud minus timendum erat, stolidi ferocem viribus suis cerneret) adjurat, in quae adactus est verba; et prae se deinde tulit, ea vi subactum se incepto destitisse. Nec perinde, ut maluisset plebes, sibi subfragii ferendi de tam crudeli et superbo reo potestatem fieri, ita aegre habuit, filium id pro parente ausum. Eoque id laudabilius erat, quod animum ejus tanta acerbitas patria nihil a pietate avertisset. Itaque non patri modo remissa causae dictio est, sed ipsi etiam adolescenti ea res honori fuit. Et quum eo anno primum placuisse, tribunos militum ad legiones subfragio fieri, (nam et antea, sicut nunc, quos Rufulos vocant, imperatores ipsi faciebant)

bant) secundum in sex loeis tenuit, nullis domi militiaeque ad conciliandam gratiam meritis, ut qui rure et procul coetu hominum juventam egisset.

VI. Eodem anno, seu motu terrae, seu qua vi alia, forum medium ferme specu vasto conlabsum in immensam altitudinem dicitur; neque eam voraginem conjectu terrae, quam pro se quisque gereret, expleri potuisse prius, quam Deum monitu quaeri coepit, quo plurimum populus Romanus posset? Id enim illi loco dicandum, vates canebant, si rem publicam Romanam perpetuam esse vellent. Tum M. Curtium, juvenem bello egregium, castigasse ferunt dubitantes, an ullum magis Romanum bonum, quam arma virtusque, esset. Silentio facto, tempa Deorum immortalium, quae foro inminent, Capitoliumque intuentem, et manus nunc in coelum, nunc in patentes terrae hiatus ad Deos Manes porrigentem, se devovisse: equo deinde, quam poterat, maxime exornato insidentem, armatum se in specum immisisse, donaque ac fruges super eum a multitudine virorum ac mulierum congestas; lacumque Curtium, non ab antiquo illo T. Tatii milite Curtio Metto, sed ab hoc appellatum. Cura non deesset, si qua ad verum via inquirentem ferret: nunc fama rerum standum est, ubi certam derogat vetustas fidem, et laetus nomen ab hac recentiore insignitus fabula est. Post tanti prodigiis procurationem, eodem anno de Hernicis consultus senatus, quum fetiales ad res repetendas nequidquam misisset, primo quoque die ferendum ad populum de bello indicendo Hernicis censuit; populusque id bellum frequens jussit. L. Gennacio consuli ea provincia forte evenit. In expectatione civitas erat, quod primus ille de ple-

plebe consul bellum suis auspiciis gesturus es-
set; perinde ut eveniret res, ita communica-
tos honores pro bene aut secus consulo habi-
tura. Forte ita tulit casus, ut Genucius, ad
hostes magno conatu profectus, in insidias
praecipitaret; legionibus nec opinato pavore
fusis, consul circumventus ab insciis, quem
intersecissent, obcideretur. Quod ubi est Ro-
mam nuntiatum, nequaquam tantum publica
calamitate moesti Patres, quantum feroes in-
felici consulis plebeji ducti, fremunt omnibus
locis: *Irent, crearent consules ex plebe, trans-
ferrent auspicia, quo nefas esset. Potuisse Pa-
tres plebis scito pelli honoribus suis: num etiam
in Deos immortales inauspicatam legem valuisse?
Vindicasse ipsos suum numen, sua auspicia.
Quae ut primum contacta sint ab eo, a quo nec
jus nec fas fuerit: deletum cum duce exercitum
documento fuisse, ne deinde, turbato gentium
jure, comitia haberentur.* His vocibus curia
et forum personat. Ap. Claudium, quia dis-
suaserat legem, majore nunc auctoritate even-
tum reprehensi ab se consilii incusantem, di-
ctatorem consensu patriciorum Servilius con-
sul dicit, delectusque et justitium indictum.

VII. Priusquam dictator legionesque no-
vae in Hernicos venirent, ductu C. Sulpicii
legati res per occasionem gesta egregie est. In
Hernicos, morte consulis conteintim ad castra
Romana cum haud dubia expugnandi spe sub-
cedentes, hortante legato, et plenis irae atque
indignitatis militum animis, eruptio est facta.
Multum ab spe adeundi valli res Hernicis
afuit; adeo turbatis inde ordinibus abscessere.
Dictatoris deinde adventu novus veteri exer-
citus jungitur, et copiae duplicantur: et pro
concione dictator laudibus legati militumque,
quorum virtute castra defensa erant, simul
au-

audientibus laudes meritas, tollit animos; simul ceteros ad aemulandas virtutes acuit. Neque segnius ad hostes bellum adparatur, qui, et parti ante decoris memores, neque ignari auctarum virium hostis, suas quoque vires augent. Omne Hernicum nomen, omnis militaris aetas excitur. Quadringenariae octo cohortes, lecta robora virorum, scribuntur. Hunc eximum florem juventutis eo etiam, quod, ut duplex adciperent stipendium, decreverant, spei animorumque inplevere. Immunes quoque operum militarium erant, ut, in unum pugnae laborem reservati, plus sibi, quam pro virili parte, admittendum seirent. Extra ordinem etiam in acie locati, quo conspectior virtus esset. Duum millium planicies castra Romana ab Hernicis dirimebat: ibi pari ferme utrimque spatio in medio pugnatum est. Primo stetit ambigua spe pugna; nequidquam saepe conatis equitibus Romanis impetu turbare hostium aciem. Postquam equestris pugna effectu, quam conatibus, vanior erat; consulo prius dictatore equites, permisso deinde ejus, relictis equis, clamore ingenti provolant ante signa, et novam integrant pugnam. Neque sustineri poterant, ni extraordinariae cohortes pari corporuni animorumque robore se objecissent.

VIII. Tunc inter primores duorum populorum res geritur. Quidquid hinc aut illinc communis Mars belli aufert, multiplex, quam pro numero, damnum est: vulgus aliud armatorum, velut delegata primoribus pugna, eventum suum in virtute aliena ponit. Multi utrimque cadunt, plures vulnera adcipiunt. Tandem equites alius alium increpantes, *quid deinde resflaret, quaerendo, si neque ex equis pepulissent hostem, neque pedites quidquam mou-*

menti facerent? quam tertiam exspectarent pugnam? quid ante signa feroce*s* profiliuissent, et alieno pugnarent loco? His inter se vocibus concitati, clamore renovato, inferunt pedem: et primum gradu moverunt hostem, deinde perplerunt; postremo jam haud dubie avertant. Neque, tam vires pares quae superaverit res, facile dictu est, nisi quod perpetua fortuna utriusque populi et extollere animos et minuere potuit. Usque ad castra fugientes Hernicos Romanus sequitur: castrorum oppugnatione, quia serum erat diei, abstinuere. Diu non perlitatum tenuerat dictatorem, ne ante meridiem signum dare posset: eo in noctem tractum erat certamen. Postero die deserta fuga castra Hernicorum, et saucii relict quidam inventi; agmenque fugientium ab signis, quum praeter moenia eorum infrequenta conspecta signa essent, fusum ac per agros trepida fuga palatum est. Nec Romanis incruenta victoria fuit. Quarta pars militum amissa, et, ubi haud minus jacturae fuit, aliquot equites Romani cecidere.

IX. Insequenti anno, quum C. Sulpicius et C. Licinius Calvus consules in Hernicos exercitum duxissent, neque inventis in agro hostibus, Ferentinum urbem eorum vi cepissent, revertentibus inde eis Tibartes portas clausere. Ea ultima fuit causa, quum multae antea querimoniae ultiro citroque jactatae essent, cur, per fetiales rebus repetitis, bellum Tiburti populo indiceretur. Dictatorem T. Quintium Pennum eo anno fuisse, satis constat, et magistrum equitum Ser. Cornelium Maluginensem. Macer Licinius comitiorum habendorum causa et ab Licinio consule dictum scribit, quia, conlega comitia bello praeferre festinante, ut continuaret consulatum, obviam

eundum pravae cupiditati fuerit. Quae sita ea propriae familiae laus leviorem auctorem Licinium facit. Num mentionem ejus rei in vetustioribus annalibus nullam inveniam, magis, ut belli Gallici causa dictatoremi creatum arbitrer, inclinat animus. Eo certe anno Galli ad tertium lapidem Salaria via trans pontem Anienis castra habuere. Dictator, quum tumultus Gallici causa justitium edixisset, omnes juniores sacramento adegit, ingentique exercitu ab Urbe profectus, in citeriore ripa Anienis castra posuit. Pons in medio erat, neutris eum rumpentibus, ne timoris indicium esset. Proelia de obcupando ponte crebra erant; nec, qui potirentur, incertis viribus, satis discerni poterat. Tum eximia corporis magnitudine in vacuum pontem Gallus processit, et, quantum maximia voce potuit, *Quem nunc, inquit, Roma virum fortissimum habet, procedat, agendum, ad pugnam, ut noster duorum eventus ostendat, utra gens bello sit melior.*

X. Diu inter primores juvēnum Romanorum silentium fuit, quum et abnuere certamen vererentur, et praecipuam sortem periculi petere nollent. Tum T. Manlius, L. filius, qui patrem a vexatione tribunicia vindicaverat, ex statione ad dictatoreni pergit: *Injussu tuo, inquit, imperator, extra ordinem numquam pugnaverim, non si certam victoriam videam. Si tu permittis, volo ego illi belluae ostendere, quando adeo ferox praesulat hostium signis, me ex en familia ortum, quae Gallorum agmen ex rupe Tarpeja dejicit.* Tum dictator, *Macte virtute, inquit, ac pietate in patrem patriamque, T. Manli, esio Perge, et nomine Romanum invictum, juvantibus Diis, praesia. Armant inde juvenem aequales. Pedestre Icu-*

tum capit, Hispano cingitur gladio, ad propiorem habili pugnain. Armatum adornatumque adversus Gallum stolidi lactum, et quoniam id quoque memoria dignum antiquis visum est) linguam etiam ab inrisu exserentem, producunt. Recipiunt inde se ad stationem: et duo in medio armati, spectaculi magis more, quam lege belli, destituantur, nequaquam visu ac specie aestimantibus pares. Corpus alteri magnitudine eximium, versicolori veste pictisque et auro caelatis resfulgens armis: media in altero militaris statuta, modicaque in armis habilibus magis quam decoris species. Non cantus, non exultatio armorumque agitatio vana, sed pectus, animorum iraeque tacitae plenum, omnem ferociam in discrimen ipsum cartaminis distulerat. Vbi constitere inter duas acies, tot circa mortalium animis spe metuque pendentibus, Gallus, velut moles superne iuminens, projecto laeva scuto, in advenientis arma hostis vanum caesim cum ingenti sonitu ensim dejecit. Romanus, mucrone subrecto, quum scuto scutum imuni perculisset, totoque corpore interior periculo vulneris factus, insinuasset se inter corpus armaque, uno alteroque subinde ictu ventrem atque inguina haufit, et in spatium ingens ruentem porrexit hostem. Jacentis inde corpus, ab omni alia vexatione intactum, uno torque spoliavit: quem respersum cruento collo circumdedit suo. Defixerat pavor cum admiratione Gallos. Romani, alacres ab statione obviam militi suo progressi, gratulantes laudantesque ad dictatorem perducunt. Inter carminum prope modum incondita quaedam militariter joculantes, Torquati cognomen auditum; celebratum deinde posteris etiam familiaeque honori fuit. Dictator coronam au-

ream addidit donum, mirisque pro concione
eam pugiam laudibus tulit.

XI. Et, Hercule, tanti ea ad universi bel-
li eventum momenti dimicatio fuit, ut Gallo-
rum exercitus proxima nocte, relictis trepide
castris, in Tiburtem agrum, atque inde, so-
ciate belli facta, coniunctaque benigne ab
Tiburtibus adjutus, mox in Campaniam transie-
rit. Ea fuit causa, cur proximo anno C. Poe-
telius Balbus consul, quum conlegae ejus M.
Fabio Ambusto Hernici provincia evenisset,
adversus Tiburtes jussu populi exercitum du-
ceret. Ad quorum auxilium quum Galli ex
Campania redissent, foedae populationes in
Lavicano Tusculanoque et Albano agro, haud
dubie Tiburtibus ducibus, sunt factae. Et,
quum adversus Tiburtem hostem duce consule
contenta res publica esset, Gallicus tumultus
dictatorem creari coegit. Creatus Q. Servilius
Ahala T. Quinetium magistrum equitum dixit,
et ex auctoritate Patrum, si prospere id bel-
lum evenisset, ludos magnos vovit. Dictator,
ad continendos proprio bello Tiburtes consu-
lari exercitu jullo manere, omnes juniores,
nullo detrectante militiam, sacramento ad-
egit. Pugnatum haud procul porta Collina est
totius viribus Vrbis, in conspectu parentum
conjugumque ac liberorum. Quae magna,
etiam absentibus, hortamenta animi, tum sub-
jecta oculis, simul verecundia misericordiaque
inilitem adcendebant. Magna utriunque edita
caede, avertitur tandem acies Gallorum. Fu-
ga Tibur, sicut arcem belli Gallici, petunt:
palati a consule Poetelio haud procul Tibure
excepti, egressis ad openi ferendam Tiburti-
bus, simul cum his intra portas compelluntur.
Egregie quum ab dictatore, tum ab consule
res gesta est. Et consul alter Fabius proeliis
pri-

primum parvis, postremo una insigni pugna, quum hostes totis adorti copiis essent, Hernicos devincit. Dictator, consulibus in senatu et apud populum magnifice conlaudatis, et suarum quoque rerum illis remisso honore, dietatura se abdicavit. Poetelius de Gallis Tiburtibusque geminum triumphum egit. Fabio satis visum, ut ovans Vrbem iniret. Inridere Poetelij triumphum Tiburtes; *Vbi enim eum secum acie conflixisse? Spectatores paucos fugae trepidationisque Gallorum, extra portas egressos, posquam in se quoque fieri impetum viderint, et sine discrimine obvios caedi, receperisse se intra urbem. Eam rem triumpho dignam viam Romanis? Ne nimis mirum magnumque censerent, tumultum exciere in hostium portis, majorem ipsos trepidationem ante moenia sua visuros.*

XII. Itaque insequenti anno, M. Popillio Laenate, Cn. Manlio consulibus, primo silentio noctis ab Tibure agmine infesto prosecti, ad urbem Romam venerunt. Terrorem repente ex sommo excitatis subita res et nocturnus pavor praebuit: ad hoc multorum infiditia, qui, aut unde, hostes advenissent. Conclamatum tamen celeriter ad arma est, et portae stationibus murique praesidiis firmati: et ubi prima lux mediocrem multitudinem ante moenia, neque alium, quam Tiburtem, hostem ostendit, duabus portis egressi consules utrimque aciem subeuntium jam muros aggrediuntur: adparuitque, occasione magis, quam virtute, fretos venisse. Adeo vix primum impetum Romanorum sustinuere. Quin etiam bono fuisse Romanis adventum eorum constabat, orientemque jam seditionem inter Patres et plebem metu tam propinquai belli compressam. Alius adventus hostium fuit pro-

ximo bello, agris, quam Vrbi, terribilior. Populabundi Tarquinienenses fines Romanos, maxime qua ex parte Etruriam adjacent, peragravere: rebusque nequidquam repetitis, novi consules C. Fabius et C. Plautius jussu populi bellum indixere; Fabioque ea provincia, Plautio Hernici evenere. Gallici quoque belli fama increbrescebat. Sed inter multos terrores solatio fuit pax Latinis petentibus data, et magna vis militum ab iis ex foedere vetusto, quod multis intermisserant annis, accepta. Quo praesidio quum fulta res Romana esset, levius fuit, quod Gallos mox Praeneste venisse, atque inde circa Pedum confessisse, auditum est. Dictatorem dici C. Sulpicium placuit. Consul ad id adicitus C. Plautius dixit. Magister equitum dictatori additus M. Valerius. Hi robora militum, ex duobus consularibus exercitibus electa, adversus Gallos duxerunt. Lentius id aliquanto bellum, quam parti utrique placebat, fuit. Quum primo Galli tantum avidi certaminis fuissent, deinde Romanus miles, ruendo in arma ac dimicationem, aliquantum Gallicam ferociam vinceret: dictatori neutiquam placebat, quando nulla cogeret res, fortunae se committere adversus hostem, quem tempus deteriorem in dies et locus alienus faceret, sine praeparato commeatu, sine firme munimento morantem; ad hoc iis animis corporibusque, quorum omnis in impetu vis esset, parva eadem langesceret mora. His consiliis dictator bellum trahebat, gravemque edixerat poenam, si quis injussu in hostem pugnasset. Milites, aegre id patientes, primo in stationibus vigiliisque inter se dictatorem sermonibus carpere; interdum Patres communiter increpare, quod non jussissent per consules geri bellum. *Electum effo*

esse eximium imperatorem, unicum ducem, qui nihil agenti sibi de coelo devolaturam in suum victoriam censeat. Eadem deinde haec interdiu propalam ac ferociora his jactare; *se injussu imperatoris aut dimicatuos, aut agmine Romam ituros.* Inmiserique militibus centuriones: nec in circulis modo fremere, sed jam in principiis ac praetorio in unum sermones confundi, atque in concionis magnitudinem crescere turba, et vociferari ex omnibus locis, *ut extemplo ad dictatorem iretur: verba pro exercitu faceret Sex. Tullius, ut virtute ejus dignum esset.*

XIII. Septimum primum pilum jam Tullius ducebat; neque erat in exercitu, qui quidem pedestria stipendia fecisset, vir factis nobilior. Is, praecedens militum agmen, ad tribunal pergit; mirantique Sulpicio non turbam magis, quam turbae principem Tullium, imperiis obedientissimum militem, *Scilicet, dictator, inquit, condemnatum se universus exercitus a te ignaviae ratus, et prope ignominiae causa destitutum sine armis, oravit me, ut suam causam apud te agerem.* Evidem, sicubi loco cessum, si terga data hosti, si signa foede amissa objici nobis possent, tamen hoc a te impetrari aequum censerem, ut nos virtute culpam nostram courgere, et abolere flagitii memoriam nova gloria patere is. Etiam ad Allium fusac legione eamdem, quam per pavorem amiserant, patriam; prefectae postea ab Vejis, virtute recuperavere. Nobis, *Deum benignitate, felicitate tua populique Romani, et res et gloria est integra.* Quamquam de gloria vix dicere ausim, si nos et hosties haud secus, quam feminas, abditos intra vallum omnibus contumeliis elidunt; et tu, *imperator noster, quod aegrius patimur, exercitum tuum sine animis, sine armis,*

*mis, sine manibus judicas esse; et prius, quam expertus nos essemus, de nobis ita desperasti, ut te manorum ac debilium ducem judicares esse. Quid enim aliud esse causae credemus, cur veteranus dux, fortissimus bello, compressis, quod ajunt, manibus sedas? Vt cumque enim se habet res, te de nostra virtute dubitasse videri, quam nos de tua, verius est. Sin autem non tuum istuc, sed publicum est consilium, et consensus aliquis Patrum, non Gallicum bellum, nos ab urbe, a penatibus nostris ablegatos tenet: quae-
so, ut ea, quae dicam, non a militibus imperatori dicta censeas, sed a plebe Patribus; quae, sicut vos vestra habeatis consilia, sic se sua habituram dicat. Quis tandem subcensem sit, milites nos esse, non servos vestros? ad bellum, non in exsiliū, missos? si quis det signum, in aciem educat, ut viris ac Romanis dignum sit, pugnatores? si nihil armis opus sit, otium Romae potius, quam in castris, acturos? Haec dicta sunt Patribus. Te, imperator, milites tui oramus, ut nobis pugnandi copiam facias. Quin vicere cupimus, tum de duce vincere; tibi lau-
ream insignem deferre; tecum triumphantes Urbem inire; tuum sequentes currum Jovis optimi maximi templum gratantes ovantesque adire. Orationem Tullii exceperunt preces multitudinis: et undique, ut signum daret, ut capere arma juheret, clamabant.*

XIV. Dictator, quamquam rem bonam exemplo haud probabili actam cernebat, tamen facturum, quod milites vellent, se, recepit; Tulliumque secreto, quaenam haec res sit, aut quo acta more, percunctatur. Tullius magnopere a dictatore petere, ne se oblitum disciplinae militaris, ne sui, neve imperatoriae maiestatis, crederet: multitudini concitatae, quae ferme auctoribus similis esset, non sub-

*subtraxisse se ducem; ne quis alius, quales mota
creare multitudo soleret, exsisteret. Nam sc
quidem nihil non arbitrio imperatoris acturum.
Illi quoque tamen videndum magnopere esse, ut
exercitum in potestate haberet. Differri non
posse adeo concitatos animos. Ipsos sibi locum
ac tempus pugnandi sumturos, si ab imperatore
non detur. Dum haec loquuntur, jumenta
forte paſcentia extra vallum Gallo abigenti
duo milites Romani ademerunt. In eos faxa
conjecta a Gallis: deinde ab Romana statione
clamor ortus, ac procursum utrimque est.
Jamque haud procul justo proelio res erant,
ni celeriter diremtum certamen per centurio-
nes esset. Adfirmata certe eo casu Tullii apud
dictatorem fides est. Nec recipiente jam dila-
tionem re, in posterum diem edicitur, acie
pugnatores. Dictator tamen, ut qui magis
animis, quam viribus, fretus ad certamen de-
scenderet, omnia circumspicere atque agitare
coepit, ut arte aliqua terrorem hostibus incu-
teret. Solerti animo rem novam ex cogitat,
qua deinde multi nostri atque externi impera-
tores, nostra quoque quidam aetate, usi sunt.
Mulis strata detrahi jubet; binisque tantum
centunculis relictis, agafones, partim capti-
vis, partim aegrorum armis ornatos, inponit.
His fere mille effectis centum admisceret equi-
tes. Et nocte super castra in montes evadere,
ac silvis se obcultare jubet; neque inde ante
moveri, quam ab se adciperent signum. Ipse,
ubi inluxit, in radicibus montium extendere
aciem coepit sedulo, ut adversus montes con-
sisteret hostis. Instructo vani terroris adpara-
tu; qui quidem terror plus paene veris viri-
bus profuit; primo credere duces Gallorum,
non descensuros in aequum Romanos: deinde,
ubi degressos repente viderunt, et ipsi avidi*

certaminis in proelium ruunt; priusque pugna coepit, quam signum ab ducibus daretur.

XV. Acrius invasere Galli dextrum cornu: neque sustineri potuissent, ni forte eo loco dictator fuisset, Sex. Tullium nomine increpans rogitansque: *Siccine pugnaturos milites spopondisset? ubi illi clamores sunt arma poscentium? ubi minae, injussu imperatoris proelium inituros?* En ipsum imperatorem clara voce vocare ad proelium, et ire armatum ante prima signa. Equis sequeretur eorum, qui modo ducturi fuerint; in casiris feroces, in acie pavidi? Vera audiebant. Itaque tantos pudor stimulos admovit, ut ruerent in hostium tela, alienatis a memoria periculi animis. Hic primo impetus prope vecors turbavit hostes: eques deinde emissus turbatos avertit. Ipse dictator, postquam labantem una parte vidi aciem, signa in laevum cornu consert, quo turbam hostium congregari cernebat; et iis, qui in monte erant, signum, quod convenerat, dedit. Vbi inde quoque novus clamor ortus, et tendere oblique monte ad castra Gallorum visi sunt; tum metu, ne excluderentur, omissa pugna est, cursuque effuso ad castra ferebantur. Vbi quum obcurrisset eis M. Valerius, magister equitum, (qui, proligato dextro cornu, obequitabat hostium munimentis) ad montes silvasque vertuit fugam; plurimique ibi a fallaci equitum specie agasonibusque excepti sunt: et eorum, quos pavor pertulerat in silvas, atrox caedes post sedatum proelium fuit. Nec aliis post M. Furium, quam C. Sulpicius, justiorem de Gallicis egit triumphum. Auri quoque ex Gallicis spoliis fatis magnum pondus, laxe quadrato septum, in Capitolio sacravit. Eodem anno et a consulibus vario eventu bellatum. Nam Hernici a C. Plautio devicti subactique sunt.

Fabius conlega ejus incaute atque inconsulte adversus Tarquinenses pugnavit: nec in acie tantum ibi cladis adcepit, quam quod trecentos septem milites Romanos captos Tarquinenses immolarunt. Qua foeditate subplacii aliquanto ignominia populi Romani insignitor fuit. Adecessit ad eam cladem et vastatio Romani agri, quam Privernates, Veliterni deinde, incursione repentina fecerunt. Eodem anno duae tribus, Pomptina et Publilia, additae. Ludi votivi, quos M. Furius dictator voverat, facti: et de ambitu ab C. Poetelio tribuno plebis, auctoribus Patribus, tum primum ad populum latum est: eaque rogatione novorum maxime hominum ambitionem, qui nundinas et conciliabula obire soliti erant, compressam credebant.

XVI. Haud aeque laeta Patribus insequenti anno, C. Marcio, Cn. Manlio consulibus, de unciario fenere a M. Duilio, L. Maenio tribunis plebis rogatio est perlata: et plebs aliquanto eam cupidius scivit adcepitque. Ad bella nova, priore anno destinata, Falisci quoque hostes exorti, duplii criminis; quod et cum Tarquinensibus juventus eorum militaverat, et eos, qui Falerios perfugerant, quum male pugnatum est, repetentibus fetialibus Romanis non reddiderant. Ea provincia Cn. Manlio obvenit. Marcius exercitum in agrum Privernatem, integrum pace longinquā, induxit; militemque praeda inplevit. Ad copiam rerum addidit munificentiam, quod, nihil in publicum secernendo, angenti rem privatam militi favit. Privernates quum ante moenia sua castris permunitis confessissent; vocatis ad concessionem militibus, *Castra nunc, inquit, vobis hostium urbemque praedae do, si mihi pollicemini, vos fortiter in acie operam nava-*

navaturos, nec praedae magis, quam pugnae, paratos esse. Signum poscunt ingenti clamore: celsique et spe haud dubia feroce*s* in proelium vadunt. Ibi ante signa Sex, Tullius, de quo ante dictum est, exclamat: *Adspice, imperator, inquit, quemadmodum exercitus tuus tibi promissa praestet:* piloque positio, stricto gladio in hostem inpetum facit. Sequuntur Tullium antesignani omnes, primoque inpetu avertere hostem: fusum inde ad oppidum persequuti, quum jam scalas moenibus admove-rent, in ditionem urbem adcepérunt. Triumphus de Privernatibus actus. Ab altero con-fuse nihil memorabile gestum; nisi quod legem novo exemplo ad Sutrium in castris tributim de vicefina eorum, qui manumitterentur, tulit. Patres, quia ea lege haud parvum vectigal inopi aerario additum esset, auctores fuerunt. Ceterum tribuni plebis, non tam lege, quam exemplo, moti, ne quis postea populum sevocaret, capite sanxerunt. Nihil enim non per milites, juratos in consulis verba, quamvis perniciosem populo, si id liceret, ferri posse. Eodem anno C. Licinius Stolo a M. Popillio Laenate sua lege decem millibus aeris est damuatus, quod mille jugerum agri cum filio possideret, emancipandoque filium fraudem legi fecisset.

XVII. Novi consules inde, M. Fabius Ambustus secundum et M. Popilius Laenas secundum, duo bella habuerō. Facile alterum cum Tiburtibus, quod Laenas gessit; qui, hoste in urbem compulso, agros vastavit. Fa-lisci Tarquinienensesque alterum consulem prima pugna fuderunt. Inde terror maximus sicut, quod sacerdotes eorum, facibus ardentibus anguisque praelatis, incessu furiali militem Romanum insueta turbaverunt specie: et

et tunc quidem velut lymphati et adtoniti munimentis suis trepido agmine inciderunt; deinde, ubi consul legatique ac tribuni puerorum ritu vana miracula paventes inridebant inciperabantque, vertit animos repente pudor, et in ea ipsa, quae fugerant, velut caeci ruerant. Discusso itaque vano adparatu hostium, quum in ipsos armatos se intulissent, avertierunt totam aciem: castrisque etiam eo die portati, praeda ingenti parta, victores reverterunt, militaribus jocis quum adparatum hostium, tum suum increpantes pavorem. Conicitatur deinde omne nomen Etruscum, et, Tarquinienibus Faliscisque ducibus, ad Salinas perveniunt. Adversus eum terrorem dictator C. Marcius Rutilus primus de plebe dictus, magistrum equitum item de plebe C. Plautium dixit. Id vero Patribus indignum videri, etiam dicturam jam in promiscuo esse; omnique ope impeditiebant, ne quid dictatori ad id bellum decerneretur parareturve. Eo promptius cuncta, ferente dictatore, populus jussit. Profectus ab Urbe, utraque parte Tiberis, ratibus exercitu, quocumque fama hostium ducebat, trajecto, multos populatores agrorum vagos palantes obpressit. Castra quoque, nec opinato adgressus, cepit: et, octo millibus hostium captis, ceteris aut caelis, aut ex agro Romano fugatis, sine auctoritate Patrum, populi jussu, triumphavit. Quia nec per dictatorem plebejum, nec per consulem, comitia consularia haberi volebant, et alter consul Fabius bello retinebatur, res ad interregnum redit. Interreges deinceps Q. Servilius Alala, M. Fabius, Cn. Manlius, C. Fabius, C. Sulpicius, L. Aemilius, Q. Servilius, M. Fabius Ambustus. In secundo interregno orta contentio est, quod duo patricii con-

consules creabantur: intercedentibusque tribunis, interrex Fabius ajebat, *in duodecim tabulis legem esse*, ut, *quodcumque postremum populus jussisset, id jus ratumque esset; jussum populi et subfragia esse.* Quam intercedendo tribuni nihil aliud, quam ut different comitia, valuerint; duo patricii consules creati sunt, C. Sulpicius Peticus tertium, M. Valerius Publicola: eodemque die magistratum inierunt.

XVIII. Quadragegesimo anno, quam urbs Romana condita erat, quinto tricelimo, quam a Gallis reciperata, ablato post undecimum annum a plebe consulatu, patricii consules ambo ex interregno magistratum iniere, C. Sulpicius Peticus tertium, M. Valerius Publicola. Empulum eo anno ex Tiburtibus haud memorando certamine captum; five duorum consulum auspicio bellum ibi gestum est, ut scripsere quidam; seu per idem tempus Tarquiniensium quoque sunt vastati agri ab Sulpicio consule, quo Valerius aduersus Tiburtes legiones duxit. Domi majus certamen consulibus cum plebe ac tribunis erat. Fidei jam suae, non solum virtutis, ducebant esse, ut adcepissent duo patricii consulatum, ita ambobus patriciis mandare. Quin aut toto cedendum esse, si plebejus jam magistratus consulatus fiat, aut totum possidendum, quam possessionem integrum a patribus adcepissent. Plebes contra fremit: *Quid se vivere, quid in parte civium censeri, si, quod duorum hominum virtute, L. Sextii ac C. Licinii, partum sit, id obtinere universi non possint?* Vel reges, vel decemviro, vel, si quod trifilius sit imperii nomen, patiendum esse potius, quam ambos patricios consules videant, nec in vicem pareatur atque imperetur; sed pars altera, *in aeterno imperio locata, plebem nusquam alio natam, quam ad*

ad serviendum, putet. Non defunt tribuni
auctiores turbarum; sed inter concitatos per se
omnes vix duces eminent. Aliquoties frustra
in campum descentum quum esset, multique
per seditiones acti comitiales dies; postremo
victae perseverantia consulum plebis eo dolor
erupit, ut tribunos, *actum esse de libertate*
vociferantes, relinquendumque non campum jam
solum, sed etiam urbem captam atque obpresso
regno patriciorum, moesta plebs sequeretur.
Consules, relieti a parte populi, per infre-
quentiam comitia nihilo legnius perficiunt.
Creati consules ambo patricii, M. Fabius Am-
bustus tertium, T. Quinctius. In quibusdam
annualibus pro T. Quinctio M. Popillium con-
sulem invenio.

XIX. Duo bella eo anno prospere gesta;
cum Tiburtibusque ad deditioinem pugnatum.
Sassula ex his urbs capta: ceteraque oppida
eamdem fortunam habuissent, ni universa gens,
positis armis, in fidem consulis venisset. Trium-
phantum de Tiburtibus: alioquin mitis victo-
ria fuit. In Tarquinenses acerbe saevitum,
multis mortalibus in acie caesis. Ex ingenti
captivorum numero trecenti quinquaginta octo
delecti, nobilissimus quisque, qui Romam mit-
terentur: vulgus aliud trucidatum. Nec po-
pulus in eos, qui missi Romam erant, mitior
fuit. Medio in foro omnes virgis caesi ac se-
curi percussi. Id pro immolatis in foro Tar-
quinensium Romanis poenae hostibus reddi-
tum. Res bello bene gestae, ut Samnites quo-
que amicitiam peterent, effecerunt. Legatis
eorum comiter ab senatu responsum: foedere
in societatem accepti. Non eadem domini, quae
militiae, fortuna erat plebi Romanae. Nam
etsi, nunciario senere facto, levata usura erat,
forte ipsa obruebantur inopes nexumque ini-
bant.

bant. Eo nec patricios ambo consules, neque comitiorum curam, publicave studia prae privatiss incommodis plebs ad animum admittebat. Consulatus utorque apud patricios manet. Consules creati C. Sulpicius Petictus quartum, M. Valerius Publicola iterum. In bellum Etruscum intentam civitatem, quia Caeritem populum misericordia consanguinitatis Tarquinienibus adjunctum fama ferebat, legati Latini ad Volscos convertere, nunciantes, exercitum conscriptum armatumque jam suis finibus imminere: inde populabundos in agrum Romanum venturos esse. Censuit igitur senatus, neutram negligendam rem esse: utroque legiones scribi, consulesque fortiri provincias jussit. Inclinavit deinde pars major curae in Etruscum bellum; postquam literis Sulpicii consulis, cui Tarquinii provincia evenerat, cognitum est, depopulatum agrum circa Romanas salinas, praedaeque partem in Caeritum fines avectam, et haud dubie juventutem ejus populi inter praedatores fuisse. Itaque Valerium consulem, Volscis obpositum, castaque ad finem Tusculatum habentem, revocatum inde senatus dictatorem dicere jussit. T. Manlium L. filium dixit. Is, quem sibi magistrum equitum A. Cornelium Cossum dixisset, consulari exercitu contentus, ex auctoritate Patrum ac populi jussu Caeritibus bello indixit.

XX. Tum primum Caerites, tamquam in verbis hostium vis major ad bellum significandum, quam in suis factis, qui per populationem Romanos lacefierant, esset, verus belli terror invalidus; et, quam non suarum virium ea dimicatio esset, cernebant. Poenitebatque populationis, et Tarquinienes exsecrabantur defectionis auctores. Nec arma, aut bellum quis-

quisquam adparare, sed pro se quisque legatos mitti jubebat ad petendam erroris veniam. Legati senatum quum adissent, ab senatu rejecti ad populum, Deos rogaverunt, quorum sacra, bello Gallico adcepta rite procurassent, ut Romanos florentes ea sui misericordia caperet, quae se febus affectis quondam populi Romani cepisset; converisque ad delubra Vestiae, hospitium flaminum Vestaliumque ab se caste ac religiose cultum invocabant. *Eane meritos, crederet quisquam, hosties repente sine causa factos? aut, si quid hostiliter fecissent, consilio id magis, quam furore labios, fecisse, ut sua vetera beneficia, locata praesertim apud tam gratos, novis conrumperent maleficiis? florarentque populum Romauum ac felicissimum bello sibi desumerent hostem, cuius adflicti amicitiam cepissent?* Ne appellarent consilium, quae vis ac necessitas appellanda esset. Transeuntes agmine, infesto per agrum suum Tarquinieuses, quum praeter viam nihil petissent, traxisse quosdam agrestium, populationis ejus, quae sibi criminis detur, comites. Eos, seu dedi placeat, dedere se paratos esse; seu supplicii adfici, daturos poenas. Caere, sacrarium populi Romani, deversorium sacerdotum, ac receptaculum Romanorum sacerorum, intactum inviolatumque criminis belli, hospitio Vestalium cultisque Diis darent. Movit populum non tam causa praesens, quam vetus meritum, ut maleficii, quam beneficii, potius inmemores essent. Itaque pax populo Caeriti data, induciasque in centum annos factas in senatus consultum referri placuit. In Faliscos, eodem noxios crimine, vis belli conversa est: sed hostes nusquam inventi. Quum populatione peragradi fines essent, ab obpugnatione urbium temperatum: legionibusque Romam reductis, reliquum an-

ni muris turribusque reficiendis consumptum,
et aedes Apollinis dedicata est.

XXI. Extremo anno comitia consularia certamen Patrum ac plebis diremit, tribunis negantibus passuros comitia haberi, ni secundum Liciniam legem haberentur; dictatore obstinato tollere potius totum e re publica consulatum, quam promiscuum Patribus ac plebi facere. Prolatandis igitur comitiis, quum dictator magistratus abisset, res ad interregnum rediit. Infestam inde Patribus plebem interreges quum adecepissent, ad undecimum interregem seditionibus certatum est. Legis Liciniae patrocinium tribuni jaetabant. Propior dolor plebi feneris ingravescentis erat: curaeque privatae in certaminibus publicis erumpabant. Quorum taedio Patres L. Cornelium Scipionem interregem concordiae causa observare legem Liciniam comitiis consularibus jussere. P. Valerio Publicolae datus e plebe conlega C. Marcius Rutulus. Inclinatis feme in concordiam animis, novi consules, senebrem quoque rem, quae distinere unanimos videbatur, levare ad gressi, solutionem alieni aeris in publicam curram verterunt; quinqueviris creatis, quos mensarios ab dispensatione pecuniae adpellarunt. Meriti aequitate curaque sunt, ut per omnium annalium monimenta celebres nominibus essent. Fuere autem C. Duilius, P. Decius Mus, M. Papirius, Q. Publilius, et T. Aemilius; qui rem, difficilimam tractatu et plerumque parti utrique, semper certe alteri, gravem, quum alia moderatione, tum impendio magis publico, quam jactura, sustinuerunt. Tarda enim nomina et impeditiora inertia debitorum, quam facultatibus, aut aerarium, mensis cum aere in foro positis, dissolvit, ut populo prius cavetur,

tur, aut aestimatio aequis rerum pretiis liberavit; ut non modo sine injuria, sed etiam sine querimoniis partis utriusque, exhausta vis ingens aeris alieni sit. Terror inde vanus belli Etrusci, quum conjurasse duodecimi populos fama esset, dictatorem dici coegit. Dictus in castris (eo eni ad consules missum senatus consultum est) C. Julius, cui magister equitum adiectus L. Aemilius. Ceterum foris tranquilla omnia fuere.

XXII. Tentatum domi per dictatorem, ut ambo patricii consules crearentur, rem ad interregnum perduxit. Duo interreges C. Sulpicius et M. Fabius interpositi obtinuere, quod dictator frustra tetenderat, mitiore jam plebe ob recens meritum levati aeris alieni, ut ambo patricii consules crearentur. Creati ipse C. Sulpicius Peticus, qui prior interregno abiit, et T. Quinctius Pennus. Quidam Kaeſonem, alii Cajum nomen Quinctio adjiciunt. Ad bellum ambo profecti, Faliscum Quinctius, Sulpicius Tarquiniente, nusquam acie congresso hoste, cum agris magis, quam cum hominibus, urendo populandoque gesserunt bella: cuius leutae velut tabis senio victa utriusque pertinacia populi est, ut primum a consulibus, dein permissu eorum ab senatu inducias peterent. In quadraginta annos impetraverunt. Ita, posita duorum bellorum, quae inminebant, cura, dum aliqua ab armis quies esset, quia solutio aeris alieni multarum rerum mutaverat dominos, censum agi placuit. Ceterum quum censoribus creandis indicta comitia essent, professus censuram se petere C. Marcius Rutilus, qui primus dictator de plebe fuerat, concordiam ordinum turbavit. Quod videbatur quidem tempore alieno fecisse; quia ambo tum forte patricii consules erant, qui

rationem ejus se habituros negabant. Sed et ipse constantia incepsum obtinuit, et tribuni, omni vi recuperando jus consularibus comitiis amissum, adjuverunt; et quum ipsius viri maiestas nullius honoris fastigium non aequabat, tum per eundem, qui ad dictaturam aperuisset viam, censuram quoque in partem vocari plebes volebat. Nec variatum comitiis est, quin cum Manlio Cnaeo censor Marcius crearetur. Dictatoremi quoque hic annus habuit M. Fabium, nullo terrore belli, sed ne Licia lex comitiis consularibus observaretur. Magister equitum dictatori additus Q. Servilius. Nec tamen dictatura potentiorem eum consensum Patrum consularibus comitiis fecit, quam censoriis fuerat.

XXIII. M. Popillius Laenas a plebe consul, a Patribus L. Cornelius Scipio datus. Fortuna quoque inlustriorem plebejum consulem fecit. Nam quum ingentem Gallorum exercitum in agro Latino castra posuisse nuntiatum esset; Scipione gravi morbo implicito, Gallicum bellum Popillio extra ordinem datum. Is, impigre exercitu scripto, quum omnes extra portam Capenam ad Martis aedem convenire armatos juniores jussisset, signaque eodem quaestores ex aerario deferre, quatuor expletis legionibus, quod superfuit militum, P. Valerio Publicolae praetori tradidit; auctor Patribus scribendi alterius exercitus, quod ad incertos belli eventus subsidium rei publicae esset. Ipse, jam satis omnibus instructis comparatisque, ad hostem pergit. Cujus ut prius nosceret vires, quam periculo ultimo tentaret; in tumulo, quem proximum castris Gallorum capere potuit, vallum ducere coepit. Gens ferox et ingenii avidi ad pugnam, quum, procul vils Romanorum signis,

ex-

extemplo proelium initura, explicuisset aciem; postquam neque invaequum demitti agmen vidit, et quum loci altitudine, tum vallo etiam integi Romanos, percusso pavore rata, simul obportuniiores, quod intenti tum maxime operi essent, truci clamore adgreditur. Ab Romanis nec opus intermissum, (triarii erant, qui muniebant) et ab hastatis principibusque, qui pro munitoribus intenti armatique steterant, proelium initum. Praeter virtutem locus quoque superior adjuvit, ut pila omnia hastaeque non, tamquam ex aequo missa, vacua (quod plerumque fit) caderent, sed omnia librata ponderibus figerentur; oneratique tellis Galli, quibus aut corpora transfixa aut praegravata inhaerentibus gerebant scuta, quum cursu paene in adversum subfleuit, primo incerti restitere: dein, quum ipsa cunctatio et his animos minuisset, et auxisset hosti, impulsi retro rucre alii super alios, stragemque inter se caede ipsa foediorem dare. Adeo praecepiti turba obtuti plures, quam ferro necati.

XXIV. Necdum certa Romanis Victoria erat. Alia in campum degressis supererat miles. Namque multitudo Gallorum, sensum omnem talis damni exsuperans, velut nova rursus exoriente acie, integrum militem adversus victorem hostem ciebat. Stetitque subpresso impetu Romanus, et quia iterum sessis subeunda dimicatio erat, et quod consul, dum inter primores incautus agitat, laevo humero matari prope trajecto, cesserat parumper ex acie. Jamque omissa cunctando Victoria erat, quum consul, vulnere adligato, revectus ad prima signa, *Quid sis, miles?* inquit. Non cum Latino Sabinoque hoste res est, quem vicum armis socium ex hoste facias. In belluas sirinximus ferrum. Hauriendus, aut dandus

*est sanguis. Propulsiis a castris, supina valle
praecipites egisis, stratis corporibus hostium su-
perstatis. Complete eadem strage campos, qua-
moutes replessiis. Nolite exspectare, dum stan-
tes vos fugiant. Inferenda sunt signa, et va-
dendum in hosiem.* His adhortationibus iterum
coorti pellunt loco primos manipulos Gallo-
rum; cuneis deinde in medium agmen per-
rumpunt. Inde barbari dissipati, quibus nec
certa imperia, nec duces essent, vertunt in-
petum in suos; fusique per campos, et praeter
castra etiam sua fuga praelati, quod editissimi
nisi inter aequales tumulos obcurrerbat oculis,
arcem Albanam petunt. Consul, non
ultra castra insequutus, (quia et vulnus degra-
vabat, et subjicere exercitum pugna fessum
tumulis ab hoste obcupatis nolebat) praeda omni
castrorum militi data, victorem exercitum opu-
lentumque Gallicis spoliis Roman Reduxit.
Moram triumpho vulnus consulis aduluit. Ea-
demque causa dictatoris desiderium senatui fe-
cit, ut esset, qui aegris consulibus comitia ha-
beret. Dictator L. Furius Camillus dictus,
addito magistro equitum P. Cornelio Scipione,
reddidit Patribus possessionem pristinam con-
sulatus. Ipse ob id meritum ingenti Patrum
studio creatus consul, conlegam Ap. Claudium
Crassum dixit.

XXV. Prius quam inirent novi consules
magistratum, triumphus a Popillio de Gallis
actus magno favore plebis: mussantesque in-
ter se rogitabant, *num quem plebeji consulis
poeniteret?* Simul dictatorem increpabant, qui
legis Liciniae spretae mercedem consulatum,
privata cupiditate, quam publica injuria, foe-
diorem, cepisset, ut se ipse consulem dictator
crearet. Annus multis variisque motibus fuit
insignis. Galli ex Albanis montibus, quia
hye-

hyemis vim pati nequiverant, per campos maritimaque loca vagi populabantur. Mare infestum classibus Graecorum erat oraque litoris Antiatis Laurensque tractus et Tiberis ostia; ut praedones maritimi, cum terrestribus congressi, ancipiti semel proelio decertarint, dubique discesserint in castra Galli, Gracci retro ad naves, victos se, an victores, putarent. Inter hos longe maximum exstigit terror, concilia populorum Latinorum ad lucum Feren-tinae habita: responsumque haud ambiguum imperantibus milites Romanis datum, *absisterent imperare iis, quorum auxilio egerent.* *Latinos pro sua libertate potius, quam pro alieno imperio, laturos arma.* Inter duo simul bella externa, defectione etiam sociorum senatus auxius, quum cerneret metu tenendos, quos fides non tenuisset, extendere omnes imperii vires consules delectu habendo jussit. Civili quippe standum exercitu esse, quando socialis coetus desereret. Vndeque, non urbana tan-tum, sed etiam agresti juventute, decem legiones scriptae dicuntur quaternum millium et ducentorum peditum equitumque trecentorum. Quem nunc novum exercitum, si qua externa vis ingruat, hae vires populi Ro-mani, quas vix terrarum capit orbis, contractae in unum haud facile efficiant: adeo, in quae laboramus sola, crevimus, divitias luxuriāmque. Inter cetera tristia ejus anni, consul alter Ap. Claudius in ipso belli adparatu moritur: redierantque res ad Canillum; qui unico consuli, vel ob aliam dignationem haud subjiciendam dictature, vel ob omen faustum ad Gallicum tumultum cognominis, dictato-rem adrogari haud satis decorum visum est Patribus. Consul, duabus legionibus Vrbi praepositis, octo cum L. Pinario praetore divisis,

memor paternae virtutis, Gallicum sibi bellum extra fortem sumit: practorem maritimam oram tutari Graecosque arcere litoribus jussit; et, quum in agerim Pomptinum descendisset, (quia neque in campis congregari nulla cogente re veliebat, et prohibendo populacionibus, quos rapto vivere necessitas eogeret, fatis domari credebat hostem, locum idoneum stativis delegit.

XXVI. Vbi quum stationibus quieti tempus tererent, Gallus processit, magnitudine atque armis insignis; quatiensque scutum hasta, quum silentium fecisset, provocat per interpretem unum ex Romanis, qui secum ferro decernat. M. erat Valerius tribunus militum, adolescens, qui haud indignorem eo decore se, quam T. Manlium, ratus, prius sciscitus consulis voluntatem, in medium armatus processit. Minus insigne certamen humanum numine interposito Deorum factum. Namque conserenti iam manum Romano corvus repente in galea confedit, in hostem versus: quod primo; ut augurium coelo missum, laetus adcepit tribunus. Precatus deinde, *Si di-
vus, si diva esset, qui sibi praepetem misisset,
volens propitius aedisset.* Dictu mirabile, tenuit non solum ales captam semel sedem, sed, quotiescumque certamen initum est, levans se alis, os oculosque hostis rostro et unguibus adpetiit; donec territum prodigii talis visu, oculisque simul ac mente turbatum, Valerius obtruncat. Corvus e conspectu elatus orientem petit. Hactenus quietae utrinque stationes fuere. Postquam spoliare corpus caesi hostis tribunus coepit, nec Galli se statione tenerunt, et Romanorum cursus ad victorem etiam ocior fuit. Ibi, circa jacentis Galli corpus contracto certamine, pugna atrox concitatur.

tatur. Jam non manipulis proximarum stationum, sed legionibus utrumque effusis res geritur. Camillus laetum militem victoria tribuni, laetum tam praesentibus ac secundis Diis, ire in proelium jubet: ostentansque insignem spoliis tribunum, *Hunc imitare, miles, ajebat, et circa jacentem ducem sterne Gallorum catarvas.* Dii hominesque illi adfuerere pugnae; depugnatumque haudquaquam certamine ambiguo cum Gallis est: adeo duorum militum eventum, inter quos pugnatum erat, utraque acies animis perceperat. Inter primos, quorum concursus alios exciverat, atrox proelium fuit: alia multitudo, priusquam ad conjectum teli veniret, terga vertit. Primo per Volscos Falernumque agrum dissipati sunt: inde Apuliam ac mare inferum petierunt. Consul, concione advocata, laudatum tribunum decem bubus aureaque corona donat. Ipse, jussus ab senatu bellum maritimum curare, cum praetore junxit castra. Ibi, quia res trahi segnitia Graecorum non committentium se in aciem videbantur, dictatorem coimitorum causa T. Manlium Torquatum ex auctoritate senatus dixit. Dictator, magistro equitum A. Cornelio Cocco dicto, comitia consularia habuit, aemulumque decoris sui absentem M. Valerium Corvum, (id enim illi deinde cognominis fuit) summo favore populi, tres et viginti natumi annos, consulē renuntiavit. Conlega Corvo de plebe M. Popillius Laenas quartum consul futurus datus est. Cum Graecis a Camillo nulla memorabilis gesta res: nec illi terra, nec Romanus mari bellator erat. Postremo, quum litoribus arcerentur, aqua etiam praeter cetera necessaria usui deficiente, Italiam reliquere. Cujus populi ea cujusque gentis classis fuerit, nihil certi est. Maxime Siciliae suis-

fuisse tyrannos crediderim. Nam ulterior Graecia, ea tempestate intestino fessa bello, jam Macedonum opes horrebat.

XXVII. Exercitibus dimissis, quum et foris pax et domi concordia ordinum otium effet, ne nimis laetae res essent, pestilentia civitatem adorta coegit senatum imperare decemviris, ut libros Sibyllinos inspicerent; corumque monitu lectisternium fuit. Eodem anno Satricum ab Antiatibus colonia deducta, restitutaque urbs, quam Latini diruerant. Et cum Carthaginensibus legatis Romae foedus ictum, quum amicitiam ac societatem petentes venissent. Idem otium domi forisque manfit T. Manlio Torquato, C. Plautio consulibus: semunciarium tantum ex unciario fenus factum, et in pensiones aequas triennii, ita ut quarta praefens effet, solutio aeris alieni dispensata est. Et sic quoque parte plebis adfecta, fides tamen publica privatis difficultatibus potior ad curam senati fuit. Levatae maxime res, quia tributo ac delectu supercessum. Tertio anno post Satricum restitutum a Volscis M. Valerius Corvus, secundum consul cum C. Poetelio factus, quum ex Latio nuntiatum esset, legatos ab Antio circumire populos Latinorum, ad concitandum bellum; priusquam plus hostium fieret, Volscis arma inferre jussus, ad Satricum exercitu infesto pergit. Quo quum Antiates aliique Volsci praeparatis iam ante, si quid ab Roma moveretur, copiis obcurrissent, nulla mora inter infenos diutino odio dimicandi facta est. Volsci, ferocior ad rebellandum, quam ad bellandum, gens, certamine victi, fuga effusa Satrici moenia petunt; et, ne in muris quidem satis firma spe, quum corona militum cincta jam scalis caperetur urbs, ad quatuor milia

lia militum, praeter multitudinem inbellem, se se dedidere. Oppidum dirutum atque incensum: ab aede tantum Matris Matutae abstinuere ignem. Praeda omnis militi data. Extra praedam quatuor millia deditorum habita. Eos vincitos consul ante currum triumphans egit: venditis deinde magnam pecuniam in aerarium redegit. Sunt, qui hanc multitudinem captivam servorum fuisse scribant: idque magis verisimile est, quam deditos veniisse.

XXVIII. Hos consules sequuti sunt M. Fabius Dorso, Ser. Sulpicius Camerinus. Auruncum inde bellum ab repentina populatione coeptum. Metuque, ne id factum populi unius, consilium omnis nominis Latini esset, dictator velut adversus armatum iam Latum L. Furius creatus, magistrum equitum Cu. Manlium Capitolium dixit. Et quum, (quod per magnos tumultus fieri solitum erat) iustitio indicto, delectus sine vacationibus habitus esset; legiones, quantum maturari potuit, in Auruncos ductae. Ibi praedonum magis, quam hostium, animi inventi. Prima itaque acie debellatum est. Dictator tamen, quia et ultiro bellum intulerant, et sine detractione se certamini obferebant, Deorum quoque opes adhibendas ratus, inter ipsam dinicacionem aedem Junoni Monetae vovit: cuius damnatus voti quum vicit Roman revertisset, dictatura se abdicavit. Senatus duumviro ad eam aedem pro amplitudine populi Romani faciendam creari jussit. Locus in arce destinatus, quae area aedium M. Manlii Capitolini fuerat. Consules, dictatoris exercitu ad bellum Volscum usi, Soram ex hostibus, incantos adorti, ceperunt. Anno post, quam vota erat, aedes Monetae dedicatur, C. Marcio Rutilo tertium, T. Manlio Torquato secundum consuli-

fulibus. Prodigium extempo dedicationem sequuntum, simile vetusto montis Albani prodigo. Namque et lapidibus pluit, et nox interdiu visa intendi: librisque inspectis, quum plena religione civitas esset, senatui placuit, dictatorem feriarum constituendarum causa dici. Dicitus P. Valerius Publicola. Magister equitum ei Q. Fabius Ambustus datus est. Non tribus tantum subplicatum ire placuit, sed finitimos etiam populos; ordoque iis, quo quisque die subplicarent, statutus. Judicia eo anno populi tristia in feneratores facta, quibus ab aedilibus dicta dies esset, traduntur. Et res, haud ulla insigni ad memoriam causa, ad interregnum rediit. Ex interregno, ut id actum videri posset, ambo patricii consules creati sunt, M. Valerius Corvus tertium, A. Cornelius Cossus.

XXIX. Majora jam hinc bella, et viribus hostium, et longinquitate vel regionum, vel temporum spatio, quibus bellatum est, dicentur. Namque eo anno adversus Samnites, gentem opibus armisque validam, mota arma. Sannitium bellum, ancipiti Marte gestum, Pyrrhus hostis, Pyrrhum Poeni sequuti. Quanta rerum moles? quoties in extrema periculorum ventum, ut in hanc magnitudinem, quae vix sustinetur, erigi imperium posset? Belli autem causa cum Samnitibus, Romanis quum societate amicitiae juncti essent, extrinsecus venit; non orta inter ipsos est. Samnites Sidicinis injusta arma, quia viribus plus poterant, quum intulissent, coacti inopes ad opulentiorum auxilium confugere, Campanis se se conjungunt. Campani magis nomen ad praesidium sociorum, quam vires, quum adulissent, fluentes luxu ab duratis usu armorum in Sidicino pulsi agro, in se deinde mollem

lēm omnem belli verterunt. Namque Samnites, omissis Sidicinis, ipsam arcem sūnitimorum Campanos adorti, unde aequē facilis victoria, praedae atque gloriae plus esset, Tifata, innīnentes Capuae colles, quum praeſidio ſirmo obcuparent, descendunt inde quadrato agmine in planitiam, quae Capuam Tifataque interjacet. Ibi rursus acie dimicatum; adverſoque proelio Campani intra moenia compulsi, quum, robore juventutis ſuæ adciſo, nulla propinqua ſpes eſſet, coacti ſunt ab Romanis petere auxilium.

XXX. Legati, introducti in ſenatum ma-
xime in hanc ſententiam loquuti ſunt: *Popu-
lus nos Campanus legatos ad vos, Patres con-
ſcripti, misit; amicitiam in perpetuum, auxi-
lium praeſens a vobis petitum. Quam si ſecun-
dis rebus noſtris petiſſemus, ſicut coepta cele-
rius, ita infirmiore vinculo contracta eſſet. Tunc
enim, ut qui ex aequo nos veniſſe in amicitiam
meminiſſemus, amici forſitan pariter ac nunc,
ſubjecti atque obnoxii vobis minus eſſemus.
Nunc, miſericordia veſtra conciliati, auxilioque
in dubiis rebus defenſi, beneficium quoque ad-
ceptum colamus, oportet; ne ingrati atque omni
ope diuina humanaque indigui videamur. Ne-
que, Hercule, quod Samnites priores amici fo-
ciique vobis facti ſunt, ad id valcre arbitror,
ne nos in amicitiam adcipiamur: ſed ut vetu-
ſtate et gradu honoris nos praeſent. Neque
enim foedere Samnitium, ne qua nova jungere-
tis foedera, cautum eſt. Fuit quidem apud vos
ſemper ſatis iuſia cauſa amicitiae, velle eum
vobis amicum eſſe, qui vos adpeteret. Campa-
ni, etſi fortuna praeſens magnifice loqui prohi-
bet, non urbis amplitudine, non agri ubertate,
ulli populo praeterquam vobis cedentes, haud
parva (ut arbitror) adceſſio bonis rebus veſtriſ
in*

in amicitiam venimus vestram. Aequis Volscisque, aeternis hostibus hujus urbis, quandocumque se moverint, ab tergo erimus; et, quod vos pro salute nostra priores feceritis, id nos pro imperio vestro et gloria semper faciemus. Subactis iis gentibus, quae inter nos vosque sunt, quid propediem futurum spoudet et virtus et fortuna vestra, continens imperium usque ad nos habebitis. Acerbum ac miserum est, quod fati nos fortuna nostra cogit. Eo ventum est, Patres conscripti, ut aut amicorum, aut inimicorum Campani simus. Si defenditis; vestri: si deseritis, Samnitium erimus. Capuam ergo et Campaniam omnem vestris an Samnitium viribus adcedere malitis, deliberate. Omnibus quidem, Romani, vestram misericordiam vestrumque auxilium aequum est patere; iis tamen maxime, qui, eam implorantibus aliis auxilium dum supra vires suas praefiant, omnes ipsi in hanc necessitatem venerunt. Quamquam pugnavimus verbo pro Sidiciniis, re pro nobis, quem viderenius, finitimum populum nefario latrocino Samnitium peti, et, ubi conflagrassent Sidicini, ad nos trajecturum illud incendium esse. Nec enim nunc, quia dolent injuriam adcepit Samnites, sed quia gaudent oblatam sibi esse causam, oppugnatum nos veniunt. An, si ultio irae haec, et non occasio cupiditatis explendae esset, parum fuit, quod semel in Sidicino agro, iterum in Campania ipsa legiones nostras cedere? Quae est ista tam infesta ira, quam per duas acies fusus sanguis explere non potuerit? Adde hoc populationem agrorum, praedas hominum atque pecudum actas, incendia villarum ac ruinas, omnia ferro ignique vasata. Hiscine ira expleri non potuit? Sed cupiditas explenda est. Ea ad oppugnandam Capuam ruit.

pit. Aut delere urbem pulcerrimam, aut ipsi possidere volunt. Sed vos potius, Romani, beneficio vestro obcupate eam, quam illos habere per maleficium sinatis. Non loquor apud recusantem justa bella populum; sed tamen, si ostenderitis auxilia vestra, ne bello quidem arbitror vobis opus fore. Usque ad nos contemtus Samnitium pervenit, supra non escendit. Itaque umbra vestri auxilii, Romani, tegi possunus; quidquid deinde habuerimus, quidquid ipsi fuerimus, vestrum id omne exsilitaturi. Vobis arbitur ager Campanus, vobis Capua urbs frequentabitur. Conditorum, parentum, Deorum immortalium numero nobis eritis. Nulla colonia vestra erit, quae nos obsequio erga vos fideque superet. Adiuite, Patres conscripti, nutum numenque vestrum invictum Campanis, et jubete sperare, incolumem Capuam futuram. Qua frequentia omnium generum multitudinis prosequente creditis nos illinc profectos? quam omnia votorum lacrumarumque plena reliquisse? in qua nunc exspectatione senatum populumque Campanum, conjuges liberosque nostros esse? Stare omnem multitudinem ad portas, viam hinc ferentem prospectantes, certum habeo, quid illis nos, Patres conscripti, sollicitis ac pendentibus animi reuertiare jubeatis. Alterum responsum salutem, victoriam, lucem ac libertatem; alterum ominari horreo, quae ferat. Proinde ut aut de vestris futuris sociis atque amicis, aut nusquam illis futuris nobis, consulite.

XXXI. Subnotis deinde legatis, quum consultus senatus esset, et si magnae parti urbs maxima opulentissimaque Italiae, uberrimus ager marique propriuquis ad varietates annuae horreum populi Romani fore videbatur; tamen tanta utilitate fides antiquior fuit, responditque ita ex auctoritate senatus consul:

Auxilio vos, Campani, dignos censem senatus: sed ita vobiscum amicitiam insitui par est, ne qua vetustior amicitia ac societas violetur. Samnites nobiscum foeders juncti sunt. Itaque arma, Deos prius, quam homines, violatura, adverfus Samnites vobis negamus. Legatos, sicut fas jusque est, ad socios atque amicos precatum mittemus, ne qua vobis vis fiat. Ad ea princeps legationis, (sic enim domo mandatum adtulerant) Quandoquidem, inquit, nostra tueri adversus vim atque injuriam justa vi non vultis, vestra certe defendetis. Itaque populum Campanum, urbemque Capuam, agros, delubra Deum, divina humanaque omnia in vestram, Patres conscripti, populique Romani ditionem dedimus; quidquid deinde patiemur, dediticii vestiri passuri. Sub haec dicta omnes, manus ad consules tendentes, pleni lacrumarum in vestibulo curiae procubuerunt. Commoti Patres vice fortunarum humanarum, si ille praepotens opibus populus, luxuria superbiaque clarus, a quo paullo ante auxilium finitimi petissent, adeo infractos gereret animos, ut se ipse suaque omnia potestatis alienae faceret. Tum jam fides agi visa, deditos non prodi; nec facturum aequa Samnitium populum censem, si agruni urbemque, per ditionem factum populi Romani, obpugnarent. Legatos itaque extemplo mitti ad Samnites placuit. Data mandata, ut preces Campanorum, responsum senatus amicitiae Samnitium memor, ditionem postremo factam, Samnitibus exponerent. Peterent pro societate amicitiaeque, ut dediticiis suis parcerent: neque in eum agrum, qui populi Romani factus esset, hostilia arma inferrent. Si leniter agendo parum proficerent, denuntiarent Samnitibus populi Romani senatusque verbis, ut Capua urbe Campanoque agro absti-

abstinerent. Haec legatis agentibus in concilio Samnitium adeo est ferociter responsum, ut non solum gesturos se esse dicerent id bellum, sed magistratus eorum e curia egressi, statibus legatis, praefectos cohortium vocarent; iisque clara voce imperarent, ut prae datum in agrum Campanum extemplo profici serentur.

XXXII. Hac legatione Romani relata, positis omnium aliarum rerum curis, Patres, fetialibus ad res repetendas missis, belloque, quia non redderentur, sollemni more indicto, decreverunt, ut primo quoque tempore de ea re ad populum ferretur: iusque populi consules ambo cum duobus ab Urbe exercitibus profecti, Valerius in Campaniam, Cornelius in Samnum, ille ad montem Gaurum, hic ad Saticulam castra ponunt. Priori Valerio Samnitium legiones (eo namque omnem bellum molem inclinaturam censebant) obcurrunt. Simul in Campanos stimulabat ira, tam promptos nunc ad ferenda, nunc ad arcessenda adversus se auxilia. Ut vero castra Romana viderunt, ferociter pro se quisque signum duces poscere, adfirmare, eadem fortuna Romanum Campano Iaturni opem, qua Campanus Sidicino tulerit. Valerius, levibus certaminibus, tentandi hostis causa, haud ita multos moratus dies, signum pugnae proposuit, paucis suos adhortatus: *Ne novum bellum eos novusque hostis terroreret.* Quidquid ab Urbe longius proferrent arma, magis magisque in inbelles gentes eos prodire. *Ne Sidicinorum Campanorumque cladibus Samnitium aesiimarent virtutem.* Qualescumque inter se certaverint, necesse fuisse, alteram partem vinci. Campanos quidem haud dubie magis nimio luxu fluentibus rebus mollitiaque sua, quam vi hosium;

victos esse. Quid autem esse duo prospera in tot saeculis bella Samnitium adversus tot decoras populi Romani, qui triumphos paene plures, quam annos ab urbe condita, numeret? qui omnia circa se, Sabinos, Etruriam, Latinos, Hernicos, Aequos, Volscos, Auruncos, domita armis habeat? qui Gallos, tot proeliis caesos, postremo in mare ac naves fuga compulerit? Quum gloria belli ac virtute sua quemque fretos ire in aciem debere, tum etiam intueri, cuius ductu auspicioque ineunda pugna sit. Vtrum qui audiendus dumtaxat magnificus adhortator sit, verbis tantum ferox, operum militarium expers; an qui et ipse tela tractare, procedere ante signa, versari media in mole pugnae sciatur? Facta mea, non dicta, vos, milites, inquit, sequi volo; nec disciplinam modo, sed exemplum etiam, a me petere. Non factionibus modo nec per coitiones usitatas nobilibus, sed hac dextra, mihi tres consulatus summamque laudem peperi. Fuit, quum hoc dici poterat: Patricius enim eras, et a liberatoribus patriae ortus; et, eodem anno familia ista consulatum, quo urbs haec consulem, habuit. Nunc jam nobis Patribus vobisque plebejis promiscuus consulatus patet; nec generis, ut ante, sed virtutis est praemium. Proinde sumnum quodque spectate, milites, decus. Non, si mihi novum hoc Corvi cognomen Diis auctoribus homines dedisis, Publicarum vetustum familiae nostrae cognomen memoria excessit. Semper ego plebem Romanam militiae domique, privatus, in magistratis parvis magnisque, aeque tribunus ac consul, eodem tenore per omnes deinceps consulatus, colo atque colui. Nunc, quod instat, Diis bene juvantibus, novum atque integrum de Samnitibus triumphum mecum petite.

XXXIII. Non alias militi familiarior dux fuit, omnia inter infimos militum haud gravata munia obceundo. In ludo praeterea militari, quum velocitatis viriumque inter se aequales certamina ineunt, comiter facilis vincere acuvinci i vultu eodem; nec quenquam adspernari parem, qui se offerret; factis benignus pro re, i dictis haud minus libertatis alienae, quam suae dignitatis, memor: et, quo nihil popularitis est, quibus artibus petierat magistratus, iisdem gerebat. Itaque universus exercitus, incredibili alacritate adhortationem prosequutus ducis, castris egreditur. Proelium, ut quod maxime unquam, pari spe, utrinque aequis viribus, cum fiducia sui, sine contemptu hostium, commissum est. Samnitibus ferociam augebant novae res gestae et paucos ante dies geminata victoria; Romanis contra quadringentorum annorum decora et conditae urbi aequalis victoria: utrisque tamen novus hostis curam addebat. Pugna indicio fuit, quos gelleriunt animos. Namque ita conflixerunt, ut aliquamdiu in neutram partem inclinarent acies. Tum consul, trepidationem injiciendam ratus, quando vi pelli non poterant, equitibus inmissis turbare prima signa hostium conatur. Quos ubi nequidquam tumultuantes in spatio exiguo volvere turmas vidiit, nec posse aperire in hostes viam, revectus ad antesignanos legionum, quum desiluisse ex equo, *Nostrum*, inquit, *peditum illud, milites, est opus.* Agitedum, ut me videatis, quacumque incessero in aciem hostium, ferro viam facientem, sic pro se quisque obvios siernite. Illa omnia, qua nunc erectae micant hastae, patefacta strage vasta cernetis. Haec dicta dederat, quum equites consulis jussu discurrent in cornua, legionibus in medium aciem

aperiunt viam. Primus omnium consul invadit hostem, et, cum quo forte contulit gradum, obtruncat. Hoc spectaculo ad sensi dextra laevaque, ante se quisque, memorandum proelium ciebat. Stant obnisi Samnites, quamquam plura adcipiunt, quam inferunt, vulnera. Aliquamdiu jam pugnatum erat: atrox caedes circa signa Samnitium, fuga ab nulla dum parte erat. Adeo morte sola vinci destinaverant animis. Itaque Romani, quum et fluere jam lassitudine vires sentirent, et diei haud multum superesset, ad sensi ira concitant se in hostem. Tum primum referri pedem atque inclinari rem in fugam adparuit; tum capi, obcidi Samnis. Nec superfluisse multi, ni nox victoriam magis, quam proelium, diremisset. Et Romani fatebantur, numquam cum pertinaciore hoste conflictum: et Samnites, quum quaereretur, quaenam prima causa tam obstinatos movisset in fugam? oculos sibi Romanorum ardere visos, ajebant, vescinosque vultus et furentia ora: inde plus, quam ex alia ulla re, terroris ortum. Quem terrem non pugnae solum eventu, sed nocturna profectio, confessi sunt. Postero die vacuis hostium castris Romanus potitur: quo se omnis Campanorum multitudo gratulabunda effudit.

XXXIV. Ceterum hoc gaudium magna prope clade in Samnio foedatum est. Nam ab Saticula profectus Cornelius consul exercitum incaute in saltum, cava valle pervium circaque infessum ab hoste, induxit: nec prius, quam recipi tuto signa non poterant, imminentem capiti hostem vidit. Dum id morae Samnitibus est, quoad totum in vallem infimam demitteret agmen; P. Decius tribunus militum conspicit unum editum in saltu collem, imminentem hostium castris, aditu arduum,

duum impedito agmini, expeditis haud difficultem. Itaque consuli territo animi, *Videsne tu*, inquit, *A. Cornelii*, cacumen illud supra hostem? *Arx illa est spei salutisque nostrae, si eam, quam caeci reliquere Samnites, in pigre capimus.* Ne tu mihi plus, quam unius legionis principes hastatosque, dederis. Cum quibus ubi evasero in summum, perge hinc omni liber metu, teque et exercitum serva. Neque enim moveri hostis, subjectus nobis ad omnes ictus, sine sua pernicie poterit. Nos deinde aut fortuna populi Romani, aut nostra virtus expediet. Conlaudatus ab consule, adcepito praesidio, vadit obcultus per saltum; nec prius ab hoste est visus, quam loco, quem petebat, adpropinquavit. Inde admiratione paventibus cunctis, quum omnium in se vertisset oculos; et spatium consuli dedit ad subducendum agmen in aequiorem locum, et ipse in summo constituit vertice. Samnites, dum huc illuc signa vertunt, utriusque rei amissa occasione, neque insequi consulem, nisi per eamdem vallem, in qua paullo ante subjectum eum telis suis habuerant, possunt; nec erigere agmen in captum super se ab Decio tumulum. Sed quum ira in hos magis, qui fortunam gerendae rei eripuerant, tum propinquitas loci atque ipsa paucitas incitat; et nunc circumdare undique collem armatis volunt, ut a consule Decium intercludant; nunc viam patefacere, ut degressos in vallem adoriantur. Incertos, quid agerent, nox obpressit. Decium primum spes tenuit, cum subeuntibus in adversum collum ex superiore loco se pugnaturum: deinde admiratio incessit, quod nec pugnam inirent, nec, si ab eo consilio iniuitate loci deterrentur, opere se valloque circumdarent. Tum centurionibus ad se vocatis, *Quænam illa in-*

scitia belli ac pigritia est? aut quonam modo isti ex Sidicinis Campanisque victoriam perpetraverunt? Huc atque illuc signa moveri, ac modo in unum conferri, modo educi videtis. Opus quidem incipit nemo; quum jam circumdati vallo potuerimus esse. Tum vero nos similes istorum simus, si diutius hic moremuri, quam commodum sit. Agitedum, ite mecum, ut dum lucis aliquid supereft, quibus locis praesidia ponant, qua pateat hinc exitus, exploremus. Haec omnia sagulo gregali amictus, centurionibus item manipularium militum habitu ductis, ne ducem circumire hostes notarent, perlustravit.

XXXV. Vigiliis deinde dispositis, ceteris omnibus tesseram dari jubet: ubi secundae vigiliae buccina datum signum effet, armati cum silentio ad se convenirent. Quo ubi, sicut editum erat, taciti convenerunt, *Hoc silentium, milites, inquit, omisso militari adsensu, in me audiendo servauduni est. Vbi sententiam meam vobis peregero, tum, quibus eadem placebunt, in dextram partem taciti transibitis: quae pars major erit, eo stabitur consilio. Nunc, quae mente agitem; audite. Non fuga delatos, nec inertia relictos hic vos circumvenit hostis. Virtute cepitis locum; virtute hinc, oportet, evadatis. Veniendo huc exercitum egregium populi Romani servatis; erumpendo hinc vosmet ipsos servate. Digni estis, qui pauci pluribus opem tuleritis, ipsi nullius auxilio egueritis. Cum eo hostie res est, qui hesterno die delendi omnis exercitus fortuna per socordiam usus non sit; hunc tam obportunum collem imminentem capiti suo non ante viderit, quam captum a nobis; nos tam paucos tot ipsi millibus hominum nec adscensu arcuerint, nec tenentes locum, quum diei tantum supereffet, vallo circumdederint. Quem videntem ac vigilantem sic eluseritis, sospitum,*

pitum, oportet, fallatis; immo necesse est. In eo enim loco res sunt nosira, ut vobis eo magis necessitatis vestrae index, quam consilii auctor, sim. Neque enim, maneatis, an abeat hinc, deliberari potest; quum, praeter arma et animos armorum memores, nihil vobis fortuna reliqui fecerit, fameque et siti moriendum sit, si plus, quam viros ac Romanos decet, ferrum timeamus. Ergo una est salus erumpere hinc atque abire. Id aut interdum aut nocte faciamus, oportet. Ecce autem aliud minus dubium. Quippe si lux expectetur, quae spes est, non vallo perpetuo fossaque nos septurum hostem? qui nunc corporibus suis subjectis undique cinxerit, ut videtis, collem. Atqui, si nox obportuna est eruptioni, sicut est, haec profecto noctis aptissima hora est. Signo secundae vigiliae convenitis, quod tempus mortales somno altissimo premit. Per corpora sopita vadetis; vel silentio incautos fallentes, vel sentientibus clamore subito pavorem injecturi. Me modo sequimini, quem sequuti esis. Ego eamdem, quae duxit huc, sequar fortunam. Quibus haec salvatoria videntur, agitedum, in dextram partem pedibus transite.

XXXVI. Omnes transierunt, vadenteque per intermissa custodiis loca Decium sequuti sunt. Jam evalerant media castra, quum super scandens vigilum strata sonno corpora miles offendit scuto praebuit sonitum. Quo excitatus vigil quum proximum movisset, ceterique alios concitarent, ignari cives an hostes essent, praesidium erumperet, an consul castra cepisset: Decius, quum non fallerent, clamorem tollere jussis militibus, torpidos somno insuper pavore exanimat; quo praepestiti, nec arma impigre capere, nec obsistere, nec insequi poterant. Inter trepidationem tu-

multumque Samnitium, praesidium Romani, obviis custodibus caelis; ad castra consulis pervadit. Aliquantum supererat noctis, jamque in tuto videbantur esse; quum Decius, *Macti virtute*, inquit, *milites Romani*, *estis. Vesirum iter ac redditum omnia saecula laudibus ferent. Sed ad conspiciendam tantam virtutem luce ac die opus est. Nec vos digni estis, quos cum tanta gloria in castra reduces silentium ac nox tegat. Hic lucem quieti opperiamur.* Dictis obtemperatum: atque ubi primum influxit, praemissio nuntio ad consulem in castra, ingenti gaudio concitantur; et, tessera data, incolumes reverti, qui sua corpora pro salute omnium haud dubio periculo objecissent, profe quisque obviam effusi laudant, gratulantur, singulos universosque servatores suos vocant: Diis laudes gratesque agunt, Decium in coelum ferunt. Hic Decii castrensis triumphus fuit, incedentis per media castra cum armato praesidio, conjectis in eum omnium oculis, et omni honore tribunum consuli aequantibus. Vbi ad praetorium ventum est, consul classico ad concionem convocat: orsusque meritas Decii laudes, interfante ipso Decio, distulit concionem: qui auctor omnia posthabendi, dum occasio in manibus esset, perpulit consulem, ut hostes, et nocturno pavore adtonitos, et circa collem castellatim dissipatos, adgredetur. Credere etiam aliquos, ad se sequendum emissos, per saltum vagari. Jussae legiones arma capere: egressaeque castris, quum per exploratores notior jam saltus esset, via patentiore ad hostem ducuntur. Quem incautum improviso adortae, quum palati passim Samnitium milites, plerique inermes, nec coire in unum, nec arma capere, nec recipere intra vallum se possent, paventem primum in castra

stra compellunt: deinde castra ipsa, turbatis stationibus, capiunt. Perfertur circa collum clamor: fugatque ex suis quenque praefidiis. Ita magna pars absenti hosti cessit. Quos intra vallum egerat pavor, (fuere autem ad triginta millia) omnes caesi; castra direpta.

XXXVII. Ita rebus gestis, consul, advocata concione, P. Decii non coeptas foluni ante, sed cumulatas nova virtute laudes peragit; et praeter militaria alia dona, aurea corona eum et centum bubus, eximioque uno albo opimo auratis cornibus, donat. Milites, qui in praefidio simul fuerant, duplice frumento in perpetuum, in praesentia singulis bubus binisque privis tunicis donati. Secundum consulis donationem legiones gramineam coronam obfidionalem, clamore donum adprobantes, Decio inponunt. Altera corona, ejusdeni honoris index, a praefidio suo inposita est. His decoratus insignibus bovem eximum Marti immolavit; centum boves militibus dono dedit, qui secum in expeditione fuerant. Iisdem militibus legiones libras farris et sextarios vini contulerunt: omnianque ea ingenti alacritate per clamorem militarem, indicem omnium adsensus, gerebantur. Tertia pugna ad Suessulam commissa est; qua fugatus a M. Valerio Samnitium exercitus, omni robore juvenutis domo adicto, certamine ultimo fortunam experiri statuit. Ab Suessula nuntii trepidi Capuam, inde equites citati ad Valerium consulem, opem oratum, veniunt. Confestim signa mota; relictisque impedimentis castorum valido praefidijo, raptim agitur agmen: nec procul ab hoste locum per exiguum (ut quibus, praeter equos, ceterorum jumentorum calonumque turba abesset) castris cepit. Sa-

mnitium exercitus, velut haud ulla mora pugnae futura esset, aeiem instruit: deinde, postquam neino obvius ibat, infestis signis ad castra hostium subcedit. Ibi ut militem in vallo vidit, inissique ab omni parte exploratum, quam in exiguum orbem contracta castra essent, paucitatem inde hostium conligentes, retulerunt; fremere omnis acies, complendas esse fossas scindendumque vallum, et in castra inrumpendum. Transactumque ea temeritate bellum foret, ni duces continuissent inpetum militum. Ceterum, quia multitudo sua comeatibus gravis, et prius sedendo ad Suessulam, et tum certaminis mora, haud procul ab rerum omnium inopia esset; placuit, dum inclusus paveret hostis, frumentatum per agros militem daci. Interim et Romano, qui expeditus, quantum humeris inter arma geri posset frumenti, secum adulisset, defutura omnia. Consul palatos per agros quum vidisset hostes, stationes infrequentes relictas; paucis milites adhortatus, ad castra obpugnanda ducit. Quae quum primo clamore atque inpetu cepisset, pluribus hostium in tentoriis suis, quam in portis valloque, caefis; signa captiva in unum locum conserri jussit: relictisque duabus legionibus custodiae et praefidii causa, gravi edicto monitis, ut, donec ipse revertisset, praeda abstinerent; prefectus agmine instructo, quum praemissus eques velut iudagine dissipatos Samnites ageret, caedem ingentem fecit. Nam neque quo signo coirent inter se, neque, utrum castra peterent, an longiorem intenderent fugam, territis constare poterat. Tantumque fugae ac formidinis fuit, ut ad quadraginta millia centorum, nequaquam tot caefis, et signa militaria cum iis, quae in castris capta erant, ad centum septuaginta ad consulem defer-

ferrentur. Tum in castra hostium redditum: ibique omnis praeda militi data.

XXXVIII. Hujus certaminis fortuna et Faliscos, quin in induciis essent, foedus petere ab senatu coegit; et Latinos, iam exercitibus comparatis, ab Romano in Pelignum vertit bellum. Neque ita rei gestae fama Italiae se finibus tenuit: sed Carthaginenses quoque legatos gratulatum Romam misere cum corona aureae dono, quae in Capitolio in Jovis cella poneretur. Fuit pondo viginti quinque. Consules ambo de Samnitibus triumpharunt, sequente Decio insigni cum laude donisque: quum incondito militari joco haud minus tribuni celebre nomen, quam consulum, esset. Campanorum deinde Suessanorumque auditae legationes: precantibusque datum, ut praesidium eo in hiberna mitteretur, quo Samnitium excusione arcerentur. Jam tum minime falubris militari disciplinae Capua instrumento omnium voluptatium delectitos militum animos avertit a memoria patriae; inibanturque consilia in hibernis eodem scelere adimendae Campanis Capuae, per quod illi eam antiquis cultoribus ademiscent: neque numerito suum ipsorum exemplum in eos versurum. Cur autem potius Campani agrum Italiae uberrimum, dignam agro urbem, qui nec se nec sua tutari possint, quam victor exercitus haberet, qui suo sudore ac sanguine inde Samnites depulisset? An aequum esse. deditios suos illa fertilitate atque amoenitate perfrui; se, militando fessos, in pestilente atque arido circa Vrbem solo luctari, aut in urbe insidentem tabem crescentis in dies feneris pati? Haec agitata obcultis conjurationibus, necdum vulgata in omnes consilia, invenit novus consul C. Marcius Rutilus, cui Campania forte pro-

vicia evenerat, Q. Servilio conlega ad Vrbem relicto. Itaque quum omnia ea, sicut gesta erant, per tribunos comperta haberet, et aetate et usu doctus, (quippe qui jam quartum consul esset, dictatorque et censor fuisset) optimum ratus, differendo speim, quandocumque vellent, consilii exsequendi, militarem inpetum frustrari; rumorem dissipat, in iisdem oppidis et anno post praesidia hibernatura. Divisa enim erant per Campaniae urbes, manaverantque a Capua consilia in exercitum omnem. Eo laxamento cogitationibus dato, quievit in praesentia seditio.

XXXIX. Consul, educto in aestiva milite, dum quietos Samnites habebat, exercitum purgare missionibus turbulentorum hominum instituit, aliis emerita dicendo stipendia esse, alios graves jam aetate aut viribus parum validos. Quidam in commeatus mittebantur, singuli primo, deinde et cohortes quaedam, quia procul ab domo ac rebus suis hibernarent. Per speciem etiam militarium usuum, quum alii alio mitterentur, magna pars ablegati. Quam multitudinem consul alter Romae praetorque, alias ex aliis fingendo moras, retinebat. Et primo quidem, ignari ludificationis, minime inviti domos revisebant. Postquam neque reverti ad signa primos, nec ferme alium, quam qui in Campania hibernarent, praecipueque ex iis seditionis auctores mitti viderunt; primum admiratio, deinde haud dubius timor incessit animos, consilia sua emanasse: *jam quaestiones, jam indicia, jam occulta singulorum supplicia, impotensque et crudelis consulum ac Patrum in se regnum passuros.* Haec, qui in castris erant, occultis sermonibus ferunt, nervos conjurationis ejectos arte consulis cernentes. Cohors una, quum haud pro-

procul Anxure esset, et Lautulas saltu angusto inter mare ac montes consedit, ad excipiendos, quos consul aliis atque aliis (ut ante dictum est) causis mittebat. Jam valida admodum numero manus erat; nec quidquam ad justi exercitus formam, praeter ducem, deerat. Incompositi itaque praedantes in agrum Albanum pervenient, et sub jugo Albae Longae castra vallo cingunt. Perfecto inde operae, reliquum diei de imperatore sumendo sententiis decertant, nulli ex praesentibus fatis fidentes. *Quem autem ab Roma posse exciri? quem Patrum aut plebis esse, qui aut se tanto periculo sciens obferat, aut cui ex injuria insipientis exercitus causa recte committatur?* Postero die, quum eadem deliberatio teneret, ex praedatoribus vagis quidam competitum adulterunt, T. Quinctium in Tusculano agrum colere, Vrbis honorumque inmemorem. Patriae hic vir gentis erat: cui quum militiae magna cum gloria actae, finem pes alter ex vulnere claudus fecisset, ruri agere vitam procul ambitione ac foro constituit. Nominis auditio, extemplo adnovere virum: et, quod bene verteret, adcirci jusserunt. Sed parum spei erat, voluntate quidquam facturum. Vim adhiberi ac metum placuit. Itaque silentio noctis quum tectum villae, qui ad id missi erant, intrassent; somno gravem Quinctium obpressum, nihil medium, aut imperium atque honorem, aut, ubi restitaret, mortem, nisi sequeretur, denuntiantes, in castra pertraxerunt. Imperator extemplo adveniens appellatus; insigniaque honoris exterrito subita rei miraculo deferunt, et ad Vrbem ducre jubent. Suo magis inde inpetu, quam consilio ducis, convallis signis, infesto agmine ad lapidem octavum viae, quae nunc Appia est,

per-

pervenient: issentque confessim ad Vrbem, ni
venire contra exercitum dictatoremque adver-
sus se M. Valerium Corvum dictum audissent,
et magistrum equitum L. Aemilium Mamer-
cinum.

XL. Vbi primum in conspectum ventum
est, arma signaque adnovere; extemplo omni-
bus memoria patriae iras permulxit. Nondum
erant tam fortes ad sanguinem civilem, nec
praeter externa, noverant bella: ultimaque
rabies secessio ab suis habebatur. Ita jam du-
ces, jam milites utrimque, congressus quaer-
rere ad conloquia. Quintius, quem armo-
rum etiam pro patria satielas teneret, nedum
adversus patriam; Corvus, omnes caritate ci-
vies, praecipue milites, et ante alios suum
exercitum, complexus, ad conloquium pro-
cessit. Cognito ei extemplo laud minor ab
adversariis verecundia, quam ab suis silen-
tium, datum: Deos, inquit, iumortales, mili-
tes, vestros publicos meosque, ab Urbe profi-
ciscens, ita adoravi, veniamque subplex po-
posci, ut mihi de vobis concordiae partae glo-
riam, non victoram, darent. Satis fuit erit-
que, unde belli decus pariatur: hinc pax pe-ten-
da est. Quod Deos iumortales inter nuncupanda
vota expoposci, ejus me compotem voti vos fa-
cere potestis; si meminisse vultis, non vos in
Samnio, nec in Volscis, sed in Romano solo
casira habere: si illos colles, quos cernitis, pa-
triae vestrae esse, si hunc exercitum civium ve-
strorum: si me consulem vestrum, cuius ductu-
auspicioque priore anno bis legiones Samnitium
fudisis, bis casira vi cepisis. Ego sum M.
Valerius Corvus, milites, cuius vos nobilitatem
beneficiis erga vos, non injuriis, sensisis; nullius
superbae in vos legis, nullius crudelis sena-
tus consulti auctor; in omnibus meis imperiis in
me

me severior, quam in vos. Ac si cui genus, si cui sua virtus, si cui etiam maiestas, si cui honores subdere spiritus potuerunt; itis eram natus, id specimen mei dederam, ea aetate consulatum adeptus eram, ut potuerim, tres et viginti annos natus, consul Patribus quoque ferox esse, non solum plebi. Quod meum factum dictumve consulis gravius, quam tribuni, auditis? eodem tenore duo insequentes consulatus gessi; eodem haec imperiosa dictatura geretur, ut neque in hos meos et patriae meae milites milior, quam in vos, horreo dicere, hostes. Ergo vos prius in me strinxeritis ferrum, quam in vos ego. Iste signa canent, istinc clamor prius incipiet atque impetus, si dimicandum est. Inducite in animum, quod non induxerunt patres avique vestri; non illi, qui in Sacrum montem secesserunt; non hi, qui postea Aventium insederunt. Exspectate, dum vobis singulis, ut olim Coriolano, matres conjugesque crinibus passis obviae ab Urbe veniant. Tum Volscorum legiones, quia Romanum habebant ducem, quieverunt; vos, Romanus exercitus, ne desliteritis in ipso bello? T. Quincti, quocumque istic loco, seu volens, seu invitatus, conslitissi, si dimicandum erit, tum tu in novissimos te recipito: fugeris etiam honestius, tergumque civi dederis, quam pugnaveris contra patriam. Nunc ad pacificandum bene atque honeste inter primos slabis, et conloquii hujus salutaris interpres fueris. Postulate aequa, et ferte: quamquam vel iniquis slandum est potius, quam inpias inter nos conferamus manus. T. Quinctius plenus lacrumin, ad suos versus, Me quoque, inquit, milites, si quis usus mei est, meliorem pacis, quam belli, habetis ducem. Non enim illa modo Volscus aut Samnis, sed Romanus, verba fecit;

*vester consul, vester imperator, milites: cuius
auspicia pro vobis experti nolite adversus vos
velle experiri. Qui pugnarent vobiscum infe-
stius, et alios duces senatus habuit: qui maxi-
me vobis, suis militibus, parceret, cui pluri-
mum vos imperatori vestro crederetis, eum ele-
git. Pacem, etiam qui vincere possunt, volunt.
Quid nos velle oportet? Quin, omisis ira et spe,
fallacibus auctoribus, nos ipsos nostraque omnia
cognitae permittimus fidei.*

XLI. Adprobantibus clamore cunctis, T. Quinctius, ante signa progressus, in potestate dictatoris milites fore dixit: oravit, ut cau-
sam miserorum civium fusciperet, suscep-
tamque eadem fide, qua rem publicam admini-
strare solitus esset, tueretur. *Sibi se privatim
nihil cavere: nolle alibi, quam in innocentia,
spem habere. Militibus cavendum, quod apud
Patres semel plebi, iterum legionibus cautum sit,
ne fraudi secessio esset.* Quinctio conlaudato,
ceteris bonum animum habere jussis, dicta-
tor, equo citato ad Vrbem revectus, aucto-
ribus Patribus, tulit ad populum in luce Pe-
telino, ne cui militum fraudi secessio esset.
Oravit etiam bona venia Quirites, ne quis eam
rem joco feriove cuiquam exprobraret. Lex
quoque sacrata militaris lata est, ne cuius mi-
litis scripti nomen, nisi ipso volente, delere-
tur, additumque legi, ne quis, ubi tribunus
militum fuisset, postea ordinum duxor esset.
Id propter P. Salonium postulatum est ab con-
juratis; qui alternis prope annis et tribunus
militum, et primus centurio erat, quem nunc
primi pili adpellant. Huic infeusi milites
erant, quod semper adversatus novis consiliis
fuisset, et particeps eorum esset, qui ab Lau-
tulis fugillent. Itaque quum hoc unum pro-
pter Salonium ab senatu non impetraretur;
tum

tum Saloniūs, obtestatus Patres conscriptos, ne suum honorem pluris, quam concordiam civitatis, aestimarent, perpulit, ut id quoquē ferretur. Aeque inpotens postulatum fuit, ut de stipendio equitum (merebant autem triplex ea tempestate) aera demerentur, quod adversati conjurationi fuissent.

XLII. Praeter haec invenio apud quosdam, L. Genucium, tribunum plebis, tulisse ad populum, ne fenerare liceret: item aliis plebis scitis cautum, ne quis eundem magistratum intra decem annos caperet; neu duos magistratus uno anno gereret; utique liceret consules ambos plebejos creari. Quae si omnia concessa sunt plebi, adparet, haud parvas vires defectionem habuisse. Aliis annalibus proditum est, neque dictatorem Valerium dictum, sed per consules omnem rem actam; neque, antequam Romam veniretur, sed Romæ, eam multitudinem conjuratorum ad arma consternatam esse; nec in T. Quintii villam, sed in aedes C. Manlii, nocte in petum factum, eumque a conjuratis comprehensum, ut dux fieret; inde ad quartum lapidem prefectos loco munito confeditse nec ab ducibus mentionem concordiae ortam; sed repente, quum in aciem armati exercitus processissent, salutationem factam; et permixtos dextras jungere, ac complecti inter se lacrumentes milites coepisse, coactosque consules, quum viderent aversos a dimicazione militum animos, retulisse ad Patres de concordia reconcilianda. Adeo nihil, praeterquam seditionem fuisse, eamque compositam, inter antiquos rerum auctores constat. Et hujus fama seditionis, et suscepitum cum Samnitibus grave bellum, aliquot populos ab Romana sociate avertit: et, praeter Latinorum infidum

jam diu foedus, Privernates etiam Norbam
atque Setiam, finitimas colonias Romanas,
incursione subita depopulati sunt.

T. LIVII PATAVINI L I B E R . V I I I .

B R E V I A R I V M .

CAP. I. C. Plautius cos. devincit Privernates,
sed cum Antiatibus dubio Marte confligit, ar-
maque, ex hostibus capta, dat Luae matri.
Conilega ejus, L. Aemilius Mamercinus vassat
agros Samnitium, et hi legatos Romanos mit-
tunt. 2. Foedere cum Romanis icto Samnites
bellum inferunt Sidicijis. Hi vero, adjuti a
Latinis Campanisque, agros illorum populan-
tur. Id queruntur Samnites apud senatum Rom.
qui anceps illis dat responsum. 3. Latini Cam-
panique obculte bellum parant adversus Roma-
nos: sed indicia conjurationis Romanam emanauit,
quo X principes Latinorum evocantur, nomina-
timque L. Annius Setinus et L. Numisius Cir-
ceiensis, praetores Latii. 4. Annii oratio in
conclito Latinorum, 5. et in senatu Rom. ha-
bita, in qua has pacis conditiones fert, ut alter
ab Latinis consul et aequa senatus pars detur,
et utraque gens unus fiat populus, qui omnes
Romani vocentur. T. Manlius cos. iratus re-
spon-

spendet. 6. Annius, per gradus Capitolii labi-
sus, exanimatur. Bellum Latinum, severissimo
imperio administratur ad Capuam. Nocturna
species, utrique visa consuli, haruspicesque vi-
etoriam ei portendunt exercitui, cuius impera-
tor legiones hosium et super eas se devovisset.
7. Geminus Metius, qui Tusculanis equitibus
praefest, ad singulare certamen provocat T.
Manili Torquati consulis filium. Is victor
redit ad patrem; sed hujus jussu securi percus-
titur. 8. Forma aciei Rom. Duo exercitus con-
sulares. 9. Pugna atrox cum Latinis. P. De-
cius Mus cos., qui minus egregie, quam conlega,
litaverat, Diis Manibus se devovet, trepidan-
tibus Romanis, et in medios hostes ricens telis
obruitur. 10. Victoria Romanorum. Devo-
tionis ritus. 11. Latini tumultuarium undique
exercitum conscribunt, sed iterum a Manlio vi-
cti se dedunt omnes una cum Campanis. Latini-
nus, Privernas et Falernus ager plebi Rom. di-
viditur. Cum Laurentibus renovatur foedus,
et civitas datur Campanis equitibus, quia non
desciverant. 12. Antiatium Latinorumque re-
bellio. Adversus illos dictator dicitur L. Papi-
rius Crassus, adversus hos Q. Publilius Philo
cos., qui tres leges fert, ut plebiscita omnes
Quirites teneant; ut legum ante initum subfra-
gium Patres fiant auctores; utque alter utique
ex plebe censor creetur. 13. Latium, quod ne-
que bellum neque pacem pati potest, omne sub-
igitur: et de eo L. Furius Camillus cos. ad se-
natum refert. 14. Latinorum populi vel in ci-
vitatem adcepiti, vel agris mulctati. Veliter-
norum nubi deiecti et senatores Romam abducti
jussique trans Tiberim habitare. Antiatium na-
ves abductae et rostris earum subgestus in foro
adornatus.

15. *Aurunci, a Sidicinis pulsi, Sueffam commigrant, auxiliumque petunt ab Romanis.* Minucia Vestalis mundioris justo cultus et deinde incesti adscusat ac viva defoditur. Q. Publilius Philo primus de plebe praetor fit. 16. *M. Valerius Corvus cos. capit Cales, Ausonum opp. quo colonia deducitur.* 17. *M. Papirius Crassus, ob falsam Gallici belli famam dictator dictus, agrum Sidicinum vassat.* Samnites et Lucani ab Alexandro Epirensi funduntur. Novae tribus Maecia et Scaptia. Acerrani facti Romani.

18. *Veneficia matronarum.* Multae epotis medicamentis suis intereunt et ad CLXX damnantur. Dictator dicitur clavi figendi causa. 19. *Privernates et Fundani duce Vitruvio Vacco bellum inferunt Romanis et vincuntur.* Deditio Fundanorum. 20. *Carceres in circo pri-
mum statuti.* Falsa tumultus Gallici fama. Privernum vi captum Vitriniusque ab suis traditus. Aedes ejus in Palatio dirutae et bona Semoni Sanco consecrata. Senatus Privernas trans Tiberim habitare jussus. 21. *Senatus Rom.* Privernatibus civitatem dat motus feroci respon-
so unius ex legatis eorum.

22. *Colonia Fregellas deducta.* Visceratio data populo a M. Flavio in funere matris. Palaepolitani, finitimi Neapolitanis et, ut hi, Cumis oriundi, multa hostilia adversus Romanos, agrum Campanum Falernumque incolentes, faciunt, Samnitium societate freti. 23. Legatis Rom. ferox ab Samnitibus redditur responsum. Q. Publilius Philo cos., inter Palaepolim Neapolimque loco obportune capto, utrumque premit oppidum, et proximo anno rem gerit pro consule. 24. *Alexander, Epiri rex, bel-
lum gerit in Italia, et, ab exsule Lucano inter-
fectus,*

fectus, sortes Dodonaei Jovis eventu adfirmat.
25. Lectisernum quintum. Lucani Apulique foedere in amicitiam Rom. accepti. Res prospere in Samnio gestae. Deditio Palaepolitanorum. 26. Fuga Nolanorum Samnitiumque, qui Palaepoli fuerant. Publilio primum et prorogatum imperium et triumphus finito consulatu decretus.

27. Bellum exoritur cum Tarentinis, qui Lucanos etiam arte inpellunt ad abolendam societatem Rom. 28. L. Papirius fenerator C. Publilium, qui ob aes alienum paternum se ei nexum dederat, minis verberibusque ad foedam libidinem perlicere conatur. Haec causa tumultus legisque, qua cautum, ut pecuniae creditae non corpus, sed bona debitoris obnoxia essent, nec quisquam necteretur, nisi qui noxam meruisset. Ita nexi solvuntur. 29. Veslini Samnitibus sese conjungunt: eorumque tum agri a Jun. Bruto Scaeva cos. vassitantur, tum expugnantur oppida. Adversus Samnites L. Papirius Cursor dictator, et ab hoc Q. Fabius Maximus Rullianus magister equitum dicitur. 30. Papirius ad auspicia repetenda e Samnio Romam revertitur. et Fabius contra edictum ejus secundoque cum hostie proelio confligit. Hinc dictator plenus minarum iraque proficiscitur in castra. 31. Fabius milites obtestatur, ut se ab inpotenti crudelitate dictatoris tutentur. 32. Hic virgas et secures expediri jubet; ille ad milites, tumultum jam miscentes, se recipit. 33. Fabius, postero die iterum adesse jussus, clam ex castris Romam profugit, et Papirius eum confessum sequitur. Universo senatu frustra deprecanti, Fabii pater, qui dictator et ter consul fuerat, tribunos pl. appellat concionemque habet ad populum. 34. Oratio dictatoris.

35. *Ira ejus sedatur precibus et obtestatione populi Rom., tribunorum Fabiorumque. Indignatio exercitus ob irritas preces suas.* 36. *L. Papirius Crassus magister equitum dicitur; et legiones Rom. de industria impediunt victoriam. Itaque dictator comitatem miscet severitati, moxque Samnites magna clade et populatione agrorum ad pacem petendam compellit.* 37. *Nova Samnitium defectio bellumque Apulum. Agri utriusque populi evasati. Nocturna et inanis trepidatio in Urbe. Legem, a M. Flavio trib. pl. latam, ut in Tusculanos animadverteretur, tribus omnes, praeter Polliam, antiuant. Hinc numquam fere Papiria tribus, in qua Tusculani erant, candidato cuiquam ex Pollia subfragium dedit* 38. *A. Cornelius Arvina dictator in Sanvio castra incuriose posita noctu relinquit, et posiero die conserit pugnam, quae diu anceps est.* 39. *Tandem vincuntur Samnites, et praeter res Brutulum quoque Papium, auctorem belli, Romanis dedi decernunt.* 40. *Hoc bellum a consulibus gesum, quidam auctores sunt, et, aegrotante L. Plautio praetore, A. Cornelium dictatorem dictum, ut in ludis Rom. signum mittendis quadrigis daret. Historia vitiata falsis imaginum titulis laudationibusque funebribus.*

Jam consules erant C. Plautius secundum, L. Aemilius Mamercinus; quum Setini Norbanique Romam, nuntii detectionis Privernatium, cum querimoniis adceptae cladis venerunt. Volscorum item exercitum, duce Antati populo, confedisse ad Satricum, adlatum est.

est. Vtrumque bellum Plautio sorte evenit. Prius ad Privernum profectus extemplo acie conflixit. Haud magno certamine devicti hostes: oppidum captum redditumque Privernatibus, praesidio valido inposito: agri partes duae adenitae. Inde victor exercitus Satricum contra Antiates ductus. Ibi magna utrumque caede atrox proelium fuit: et quum tempestas eos, neutro inclinata spe, dimicantes diremisset, Romani, nihil eo certamine tam ambiguo fessi, in posterum diem proelium parant. Volscis, recensentibus quos viros in acie amisissent, haudquaquam idem animus ad iterandum periculum fuit. Nocte pro victis Antium agmine trepido, sauciis ac parte impedimentorum reicta, abierunt. Armorum magna vis tum inter caesa corpora hostium, tum in castris inventa est. Ea *Luae matri dare se*, consul dixit: finesque hostium usque ad oram maritimam est depopulatus. Alteri consuli Aemilio, ingresso Sabellum agrum, non castra Samnitium, non legiones usquam obpositae. Ferro ignique vastaitem agros legati Samnitium pacem orantes adeunt, a quo rejecti ad senatum, potestate facta dicendi, positis ferocibus animis, pacem sibi ab Romanis bellique jus adversus Sidicinos petierunt. *Quae se eo justius petere, quod et in amicitiam populi Romani secundis suis rebus, non adversis, ut Campani, venissent; et aduersus Sidicinos sumerent arma, suos semper hostes, populi Romani numquam amicos, qui nec, ut Samnites, in pace amicitiam, nec, ut Campani, auxilium in bello petissent, nec in fide populi Romani, nec in ditione essent.*

II. Quum de postulatis Samnitium Ti. Aemilius praetor senatum consuluisset, reddendumque his foedus Patres censuissent, praes-

tor Samnitibus respondit: *Nec quo minus perpetua cum eis amicitia esset, per populum Romanum sletisse: nec contradici, quin, quoniam ipsos belli culpa sua contracti taedium cuperit, amicitia de integro reconcilietur.* Quod ad Sidicinos adtineat, nihil intercedi, quo minus Samniti populo pacis bellique liberum arbitrium sit. Foedere icto, quum domum revertissent, extemplo inde exercitus Romanus deductus, annuo stipendio et trium mensium frumento adcepito; quod pepigerat consul, ut tempus induciis daret, quo ad legati redissent. Samnites, copiis iisdem, quibus usi adversus Romanum bellum fuerant, contra Sidicinos profecti, haud in dubia spe erant mature urbis hostium potiundae. Tum ab Sidicinis deditio prius ad Romanos coepit fieri est: dein, postquam Patres ut feram eam ultimaque tamen necessitate expressam adspernabantur, ad Latinos jam sua sponte in arma motos facta est. Ne Campani quidem (adeo injuriae Samnitium, quam beneficij Romanorum, memoria praesentior erat) his se armis abstinuere. Ex his tot populis unus ingens exercitus, duce Latino fines Samnitium ingressus, plus populationibus, quam proeliis, cladium fecit. Et, quamquam superiores certaminibus Latini erant, haud inviti, ne saepius dimicandum foret, agro hostium excessere. Id spatium Samnitibus datum est Romam legatos mitterendi. Qui quum adissent senatum, conquesti eadem se foederatos pati, quae hostes essent passi, precibus infimis petiere, ut satis ducent Romani victoriam, quam Samnitibus ex Campano Sidicinoque hoste eripuissent: ne vinci etiam se ab ignavissimis populis finerent. Latinos Campanosque, si sub ditione populi Romani essent, pro imperio arcerent Samniti agro; sui

si imperium abnuerent, armis coercent. Adversus haec responsum anceps datum, quia fateri pigebat, in potestate sua Latinos jam non esse, timebantque, ne arguendo abalienarent: *Campanorum aliam conditionem esse, qui non foedere, sed per deditioem, in fidem venissent: itaque Campanos, seu velint, seu nolint, quieturos. In foedere Latino nihil esse, quo bellare, cum quibus ipsi velint, prohibeantur.*

III. Quod responsum sicut dubios Samnites, quidnam facturum Romanum censerent, dimisit, ita Campanos metu abalienavit; Latinos, velut nihil jam non concedentibus Romanis, ferociores fecit. Itaque, per speciem adversus Samnites belli parandi crebra concilia indicentes, omnibus consultationibus inter se principes obcule Romanum coquebant bellum. Huic quoque adversus servatores suos bellum Campanus aderat. Sed quamquam omnia de industria celabantur, priusque, quam moverentur Romani, tolli ab tergo Samnitem hostem volebant; tamen per quosdam, privatis hospitiis necessitudinibusque conjunctos, indicia conjurationis ejus Romam emanarunt. Jussisque ante tempus consulibus abdicare se magistratu, quo maturius novi consules adversus tantam molem belli crearentur, religio incessit, ab eis, quorum imminentum imperium esset, comitia haberi. Itaque interregnum initum. Duo interreges fuerunt M. Valerius ac M. Fabius. Creati consules T. Manlius Torquatus tertium, P. Decius Mus. Eo anno Alexandrum, Epiri regem, in Italiam classem ad pulisse constitut. Quod bellum, si prima satis prospera fuissent, haud dubie ad Romanos pervenisset. Eadem aetas rerum Magni Alexandri est: quem, forore hujus ortum, in alio tractu orbis, invictum bellis ju-

venem, fortuna morbo extinxit. Ceterum Romani, etsi defectio sociorum nominisque Latini haud dubia erat, tamen, tamquam de Samnitibus, non de se, curam agerent, decem principes Latinorum Romani evocaverunt, quibus imperarent, quae vellent. Praetores tum duos Latium habebat, L. Annium Setinum et L. Numisium Circenensem, ambo ex coloniis Romanis: per quos, praeter Signiam Velitrasque, et ipsas colonias Romanas, Volsci etiam exciti ad arma erant. Eos nominatim evocari placuit. Haud cuiquam dubium erat, super qua re adcirentur. Itaque, concilio prius habito, praetores, quam Romani proficiscerentur, evocatos se ab senatu docent Romano, et, quae actum iri secum credant, quidnam ad ea responderi placeat, referunt.

IV. Quum aliud alii censerent, tum Annius: *Quamquam ipse ego retuli, quid responderi placeret, tamen magis ad summam rerum nostrarum pertinere arbitror, quid agendum nobis, quam quid loquendum sit. Facile erit, explicatis consiliis, accommodare rebus verba. Nam, si etiam nunc, sub umbra foederis, aequi servitutem pati possumus, quid abesi, quin, proditis Sidicinis, non Romanorum solum, sed Samnitium quoque dicto pareamus, respondeamusque Romanis, nos, ubi inuenient, posituros arma? Sin autem tandem libertatis desiderium remordet animos, si foedus est, si societas aequatio juris est, si consanguineos nos Romanorum esse, quod olim pudebat, nunc gloriari licet, si socialis illis exercitus is est, quo adjuncto duplicant vires suas, quem secernere ab se consules bellis propriis ponendis sumendisque nolint; cur non omnia aequalantur? cur non alter ab Latinis consul datur? Vbi pars virium, ibi et imperii pars est? Est quidem nobis hoc per se haud*

haud nimis amplum, quippe concedentibus, Romam caput Latium esse. Sed, ut amplum videri posset, diuturna patientia fecimus. Atqui, si quando umquam consociandi imperii, usurpandae libertatis tempus optassemus, en hoc tempore adessemus, et virtute vestra, et Deum benignitate vobis datum. Tentassemus patientiam negando militem. Quis dubitat exarsisse eos, quum plus ducentorum amorum morem solveremus? pertulerunt tamen hunc dolorem. Bellum nosiro nomine cum Pelignis gessimus. Qui ne nosrorum quidem finium nobis per nos tueendorum jus ante dabant, nihil intercesserunt. Sidicinos in fidem receptos, Campanos ab se ad nos desceisse, exercitus non parare adversus Samnites foederatos suos audierunt, nec moverunt se ab urbe. Unde haec illis tanta modestia, nisi a conscientia virium et nostrarum et suarum? Idoneos auctores habeo, querentibus de nobis Samnitibus ita responsum ab senatu Romano esse, ut facile adpareret, ne ipsos quidem jam posuillare, ut Latium sub Romano imperio sit. Usurpate modo posuillando eo, quod illi vobis taciti concedunt. Si quem hoc metus dicere prohibet, en ego ipse, audiente non populo Romano modo senatuque, sed Jove ipso, qui Capitolium incolit, profiteor me dicturum; ut, si nos in foedere ac societate esse velint, consulem alterum ab nobis senatusque partem adcipiant. Haec ferociter non suadenti solum, sed pollicenti, clamore et adsensu omnes permiserunt, ut ageret diceretque, quae e re publica nominis Latini fideque sua viderentur.

V. Vbi est Romam ventum, in Capitolio eis senatus datus est. Ibi quum T. Manlius consul egisset cum eis ex auctoritate Patrum, ne Samnitibus foederatis bellum inferrent; Annus, tamquam victor armis Capitolium cepi-

cepisset, non legatus, jure gentium tutus, loqueretur, *Tempis erat*, inquit, *T. Manli*, vosque, *Patres conscripti*, tandem jam vos nobiscum nihil pro imperio agere, quum florentissimum Deum benignitate nunc *Latium* armis virisque, *Samnitibus* bello victis, *Sidicinis Campanisque* sociis, nunc etiam *Volscis* adjunctis, videretis; colonias quoque vestras *Latinum Romano* praetulisse imperium. Sed quoniam vos, regno impotenti finem ut impontatis, non inducitis in animum: nos, quamquam armis possumus adserere *Latinum* in libertatem, consanguinitatem tamen hoc dabimus, ut conditiones pacis feramus aequas utrisque, quoniam vires quoque aequari Diis immortalibus placuit. Consulem alterum *Roma*, alterum ex *Latio* creari oportet: senatus partem aequam ex utraque gente esse: unum populum, unam rem publicam fieri: et, ut imperii eadem sedes sit, idemque omnibus nomen, quoniam ab alterutra parte concedi necesse est, quod utrisque bene vertat, sit haec sane patria potior, et *Romani* omnes vocemur. Forte ita adcidit, ut parem ferociae hujus et *Romani* consulem *T. Manlium* haberent: qui adeo non tenuit iram, ut, si tanta dementia *Patres conscriptos* cepisset, ut ab Setino homine leges adceperent, gladio cinctum in senatum venturum se esse, palam diceret, et, quemcumque in curia *Latinum* vidisset, sua manu interemtum. Et, conversus ad simulacrum Jovis, *Audi*, *Jupiter*, haec scelera, inquit, audite, *Jus Fasque Peregrinos consules et peregrinum senatum in tuo, Jupiter, augrato templo, captus atque ipse obpresso, visurus es? Haecine foedera Tullus Romanus rex cum Albanis, patribus vestris, Latini, haec L. Tarquinius vobiscum posiea fecit? Non venit in meutem pugna apud Regillum lacum?* adeo et

*et clodium veterum vestrarum et beneficiorum
nostrorum erga vos oblii estis?*

VI. Quum consulis vocem subsequuta Pa-
trum indignatio esset, proditur memoriae,
adversus crebram implorationem Deum, quos
testes foederum saepius invocabant consules,
vocem Annii, spernentis numina Jovis Ro-
mani, auditam. Certe, quum commotus ira
se ab vestibulo templi citato gradu proriperet,
labrus per gradus, capite graviter obfuso,
impactus imo ita est falso, ut sopiretur. Ex-
animatum auctores quoniam non omnes sunt,
mihi quoque in incerto relictum sit: sicut in-
ter foederum ruptorum testationem iugenti fra-
gore coeli procellam effusam. Nam et vera
esse, et apte ad repraesentandam iram Deum
facta possunt. Torquatus, missus ab senatu ad
dimittendos legatos, quum jacentem Annium
vidisset, exclamat, ita ut populo Patribusque
audita vox pariter sit, *Bene habet... Dii pium
movere bellum. Est coeleste numen! es, magne
Jupiter! haud frustra te patrem Deum homi-
numque hac sede sacravimus. Quid cessatis,*
*Quirites, vosque, Patres conscripti, arma ca-
pere Diis ducibus? Sic fratras legiones Latino-
rum dabo, quemadmodum legatum jaceutem
videtis.* Ad sensu populi excepta vox consulis
tantum ardoris animis fecit, ut legatos profi-
ciscentes cura magistratum magis, qui jussu
consul's prosequabantur, quam jus gentium,
ab ira inpetuque hominum tegeret. Consensit
et senatus bellum: consulesque, duobus scrip-
tis exercitibus per Marsos Pelignosque pro-
feeti, adjuncto Samnitium exerceitu, ad Ca-
puam, quo jam Latini sociique convenerant,
castra locant: Ibi in quiete utriusque consuli ea-
dem dicitur visa species viri majoris, quam
pro humano habitu, augustiorisque, dicentis:

Ex

Ex una acie imperatorem, ex altera exercitum Diis Manibus matrique Terrae deberi; utrius exercitus imperator legiones hostium, superque eas se devovisset, ejus populi partisque victoriā fore. Hos ubi nocturnos visus inter se consules contulerunt, placuit averruncandae Deūm irae victimas caedi; simul ut, si extis eadē, quae somno visa fuerant, portenderentur, alteruter consulū fata inpleret. Vbi responsa aruspicum insidenti jam animo tacitae religioni congruerunt; tum, adhibitis legatis tribunisque et imperiis Deum propalam expositis, ne mors voluntaria cōsulis exercitum in acie terneret, comparant inter se, ut, ab ultra parte eedere Romanus exercitus coepisset, inde se consul devoveret pro populo Romano Quirītibusque. Agitatum etiam in consilio est, ut, si quando umquam severo ullum imperio bellum administratum esset, tunc uti disciplina militaris ad priscos redigeretur mores. Curam acuebat, quod adversus Latinos bellandum erat, lingua, moribus, armorum genere, institutionis ante omnia militaribus congruentes: milites militibus, centurionibus centuriones, tribuni tribunis compares conlegaeque, iisdem praefidiis, saepe iisdem manipulis permixti fuerant. Per haec ne quo errore milites caperentur, edicunt consules, ne quis extra ordinem in hostem pugnaret.

VIII. Forte inter ceteros turmarum praefectos, qui exploratum in omnes partes dimissi erant, T. Manlius consulis filius super castra hostium cum suis turmalibus evasit, ita ut vix teli jactu ab statione proxima abesset. Ibi Tusculani erant equites. Praeerat Geminus Metius, vir tum genere inter suos, tum factis, clarus. Is ubi Romanos equites, insigniemque inter eos praecedentem consulis filium,

filium, (nam omnes inter se, utique inlustres
 viri, noti erant) cognovit, *Vnane*, ait, *turma
 Romani cum Latinis sociisque bellum gesturi
 eslis?* quid interea consules, quid duo exercitus
 consulares agent? Aderunt in tempore, Manlius
 inquit, et cum illis aderit Jupiter ipse, foede-
 rum a vobis violatorum testis, qui plus potest
 polletque. Si ad Regillum lacum ad sanctitatem
 vestram pugnavimus, hic quoque efficiemus pro-
 fecto, ne nimis acies vobis et coulata signa no-
 biscum cordi sunt. Ad ea Geminus, paullulum
 ab suis equo provectus, *Visne* igitur, dum dies
 ista venit, qua magno conatu exercitus movea-
 tis, interea tu ipse congregidi mecum, ut nosiro
 duorum jam hunc eventu cernatur, quantum
 eques Latinus Romano praefiet? Moyet sero-
 cem animum juvenis seu ira, seu detrectandi
 certaminis pudor, seu inexsuperabilis vis fati.
 Oblitus itaque imperii patrii consulunque edi-
 citi, praeceps ad id certamen agitur, quo, vin-
 ceret, an vinceretur, haud multum interesset.
 Equitibus ceteris velut ad spectaculum submo-
 tis, spatio, quod vacui interlacebat campi,
 adversos concitant equos: et, quum infelix
 cuspidibus concurrissent, Manlii cuspis super
 galeam hostis, Metii trans cervicem equi elab-
 fa est. Circumactis deinde equis, quum prior
 ad iterandum iectum Manlius confurrexisset;
 spiculum inter aures equi fixit. Ad cujus vul-
 neris sensum quum equus, prioribus pedibus
 erectis, magna vi caput quateret, excusit equi-
 tem: quem cuspide parmaque innisum, adtol-
 lentem se ab gravi casu, Manlius ab jugulo,
 ita ut per costas ferrum emineret, terrae ad-
 fixit. Spoliisque lectis ad suos revectus, cum
 ovaute gaudio turma in castra, atque inde ad
 praetorium ad patrem, tendit, ignarus facti
 futurique, laus an poena merita esset, *Vt me
 omnes,*

omnes, inquit, pater, tuo sanguine ortum vere
ferrent, provocatus equestria haec spolia captar
ex hostie caeso porto. Quod ubi audivit consul,
extemplo, filium aversatus, concessionem classi-
co advocari jussit. Quae ubi frequens conve-
nit, Quandoque, inquit, tu, T. Manli, neque
imperium consulaire, neque majestatem patriam
veritus, adversus edictum nostrum extra ordi-
nem in hoslem pugnasti, et, quantum in te fuit,
disciplinam militarem, qua sietit ad hanc diem
Romana res, solvisti, meque in eam necessitatem
adduxisti, ut aut rei publicae mihi, aut mei
meorumque obliviscendum sit; nos potius nostro
delicto plectemur, quam res publica tanto suo
damno nostra peccata luat. Trifile exemplum,
sed in posterum salubre juventuti, erimus. Me-
quidem quum ingenita caritas liberum, tum spe-
cimen istud virtutis, deceptum vana imagine de-
coris, in te movet. Sed quum aut morte tua
sancienda sint consulm imperia, aut in punitate
in perpetuum abroganda; ne te quidem, si quid
in te nostri sanguinis est, recusare censeam, quin
disciplinam militarem, culpa tua prolabam,
poena restituas. I, lictor, deliga ad palum.
Exanimati omnes tam atroci imperio, nec
aliter quam in se quisque destrictam cernentes;
securim, metu magis, quam modestia, quie-
vere. Itaque, velut emerso ab admiratione
animo, quum silentio defixi stetissent, repen-
te, postquam cervice caesa fusus est crux,
tum libero conquestu coortae voces sunt, ut
neque lamentis, neque execrationibus parce-
retur; spoliisque contectum juvenis corpus,
quantum militaribus studiis funus ullum con-
celebrari potest, structo extra vallum rogo-
cremaretur; Manlianaque imperia non in praes-
entia modo horrenda, sed exempli etiam tri-
stis in posterum essent.

VIII. Fecit tamen atrocitas poenae obediens
tiorem duci militem: et, praete, quam quod
custodiae vigiliaeque et ordo stationum inten-
tioris ubique curae erant, in ultimo etiam cer-
tamine, quum descensum in aciem est, ea se-
veritas profuit. Fuit autem civili maxime
bello pugna similis. Adeo nihil apud Latinos
disponum ab Romana re, praeter animos,
erat. Clipeis antea Romani usi sunt: deinde,
postquam stipendiarii facti sunt, scuta pro cli-
peis fecere: et, quod antea phalanges similes
Macedonicis, hoc postea manipulatum structa
acies coepit esse: postremo in plures ordines
instruebantur. Ordo sexagenos milites duos,
centurionem et vexillarium unum habebat.
Prima acies hastati erant, manipuli quindecim,
distantes inter se modicum spatum: ma-
nipulus leyes vicenos milites, aliam turbam
scutatorum habebat; leves autem, qui hastam
tantum gaesaque gererent, vocabantur. Haec
prima frons in acie florem juveni puer-
centium ad militiam habebat. Robustior inde
aetas totidem manipulorum, quibus principi-
bus est noinen, hos sequebantur, scutati om-
nes, insignibus maxime armis. Hoc triginta
manipulorum agmen antepilanos adpellabant,
quia sub signis jam alii quindecim ordines lo-
cabantur: ex quibus ordo unusquisque tres
partes habebat. Earum primam quinque pri-
mum pilum vocabant. Tribus ex vexillis
constabat: [vexillum] centum octoginta sex
homines erant. Primum vexillum triarios
ducebat, veteranum militem spectatae virtu-
tis: secundum rorarios, minus roboris aetate
factisque: tertium adcensos, minimae fiduciae
manum. Eo et in postremam aciem rejicie-
bantur. Vbi his ordinibus exercitus instructus
esset, hastati omnium primi pugnam inibant.

Si hastati profligare hostem non possent, pede presso eos retrocedentes in intervalla ordinum principes recipiebant. Tum principum pugna erat; hastati sequebantur. Triarii sub vexillis considebant, sinistro crure porrecto, scuta iu-nisa humeris, hastas subrecta cuspide in terra fixas, haud secus quam vallò septa inhorreret acies, teneentes. Si apud principes quoque haud satis prospere esset pugnatum, a prima acie ad triarios sensim referebantur. Inde *rem ad triarios redisse*, quum laboratur, proverbio increbruit. Triarii consurgentes, ubi in intervalla ordinum suorum principes et hastatos receperissent, extemplo compressis ordinibus velut claudabant vias; unoque continent agmine, jam nulla spe post relictā, in hostem in-cidebant. Id erat formidolosissimum hosti, quum, velut victos insequuti, novam repente aciem exsurgentem auctam numero cernebant. Scribebantur autem quatuor fere legiones qui-nis millibus peditum, equitibus in singulas le-giones treceuis. Alterum tantum ex Latino delectu adjiciebatur, qui ea tempestate hostes erant Romanis, eodemque ordine instruxerant aciem: nec vexilla cum vexillis tantum, uni-versi hastati cum hastatis, principes cum prin-cipibus; sed centurio quoque cum centurione, si ordines turbati non essent, concurrendum sibi esse sciebant. Duo primipili ex utraque acie inter triarios erant: Romanus corpore handquam satis validus, ceterum strenuus vir peritusque militiae: Latinus viribus ingens bellatorque primus; notissimi inter se, quia pares semper ordines duxerant. Romano, haud satis fidenti viribus, jam Romae permis-sum erat ab consulibus, ut subcenturionem si-bi, quem vellet, legeret, qui tutaretur eum ab uno destinato hoste. Isque juvenis, in acie obla-

oblatus, ex centurione Latino victoriam tulit. Pugnatum est haud procul radicibus Vesuvii montis, qua via ad Veserim ferebat.

IX. Romani consules prius, quam educe-rent in aciem, immolaverunt. Decio caput jocinoris a familiari parte caesum aruspex dic-titur ostendisse; alioqui acceptam Diis hostiam esse: Manlium egregie litaſſe. *Atqui bene habet*, inquit Decius, *si ab conlega litatum est*. Instructis, sicut ante dictum est, ordinibus, processere in aciem. Manlius dextro, Decius laevo cornu praeerat. Primo utrumque aequis viribus, eodem ardore animorum gerebatur res: deinde ab laevo cornu hastati Romani, non ferentes impressionem Latinorum, se ad principes recepero. In hac trepidatione Decius consul M. Valerium magna voce inclamat: *Deorum, inquit, ope, Valeri, opus est*. *Agedum, pontifex publicus populi Romani, praei verba, quibus me pro legionibus devoveam*. Pontifex eum togam praetextam sumere jussit, et, velato capite, manu subter togam ad mentem exserta, super telum subjectum pedibus stantem sic dicere: *Jane; Jupiter, Mars pater, Quirine, Bellona, Lares, Divi Novenfiles, Dii Indigetes, Divi, quorum est potestas nostrorum hosiumque, Diique Manes, vos precor, veneror, veniam peto feroque, uti populo Romano Quiritium vim victoriamque prosperetis, hosiesque populi Romani Quiritium terrore, formidine morteque adficiatis*. Sicut verbis nuncupavi, ita pro re publica Quiritium, exercitu, legionibus, auxiliis populi Romani Quiritium, legiones auxiliaque hosium mecum Diis Manibus Tellurique devoveo. Haec ita precatus, lictores ire ad T. Manlium jubet, matureque conlegae se devotum pro exercitu nuntiare. Ipse, incinctus cinctu Gabino, armatus in

equum insiluit, ac se in medios hostes inimisit. Conspectus ab utraque acie aliquanto augustinor humano visu, sicut coelo missus piaculum omnis Deorum i[n]ae, qui pestem ab suis aver-sam in hostes ferret. Ita ominus terror pavore que cum illo latus signa primo Latinorum turbavit; deinde in totam penitus aciem perva-sit. Evidentissimum id fuit, quod, quacumque equo invectus est, ibi, haud fecus quam pestifero fidere icti, pavebant: ubi vero con-ruit obrutus telis, inde jam haud dubie con-sternatae cohortes Latinorum fugam ac vasti-tatem late fecerunt. Simul et Romani, ex-solutis religione animis; velut tum primum signo dato coorti, pugnam integrum edide-runt. Nam et rorarii procturrebant inter an-tepilanos, addiderantque vires hastatis ac prin-cipibus; et triarii, genu dextro innisi, nutum consulis ad confurgendum exspectabant.

X. Procedente deinde certamine, quum aliis partibus multitudo superaret Latinorum, Manlius consul, auditu eventu conlegae, quum ut jus fasque erat, lacrumis non minus quam laudibus debitiss prosequutus tam memorabi-lem mortem esset; paullisper addubitatavit, an confurgendi jam triarii tempus esset: deinde, melius ratus integros eos ad ultimum discri-men servari, ad censos ab novissima acie ante signa procedere jubet. Qui tibi subiere, ex-templo Latini, tamquam idem adversarii fe-cissent, triarios suos excitaverunt: qui ali-quamdiu pugna atroci quum et semet ipsi fatigassent, et hastas aut praefregissent, aut lie-betassent, pellerent vi tamen hostem, debellatum jam rati, per ventumque ad extremam aciem; tum consul triariis, *Confurgite nunc,* inquit, *integri adversis fessos, memores pa-triae parentumque et conjugum ac liberorum;*

memores consulis pro vestra victoria morte obcumbentis. Vbi triarii consurrexerunt integri, resfulgentibus armis, nova ex improviso exorta aries, receptis in intervalla ordinum antepilanis, clamore sublato principia Latinorum perturbant. Hastisque ora fodientes, primo robore virorum caelo, per alios manipulos, velut inermes, prope intacti evasere; tautaque caede perrupere cuneos, ut vix quartam partem relinquerent hostium. Samnites quoque, sub radicibus inontis procul instructi, praebuere terrorem Latinis. Ceterum inter omnes cives sociosque praecipua laus ejus belli penes consules fuit: quorum alter omnes minas periculaque ab Diis superis inferisque in se unum vertit; alter ea virtute coque consilio in proelio fuit, ut facile convenerit inter Romanos Latinosque, qui ejus pugnae memoriam posteris tradiderunt, utrius partis T. Manlius dux fuisset, ejus futuram haud dubie fuisse victoriam. Latini ex fuga se Minturnas contulerunt. Castra secundum proelium capta, multique mortales ibi vivi obpressi, maxime Campani. Decii corpus ne eo die inventiretur, nox quaerentes obpressit. Postero die inventum inter maximam hostium stragem, coopertum telis; sumusque ei par morti, celebrante conlega, factum est. Illud adjicendum videtur, licere consuli dictatorique et praetori, quum legiones hostium devoveat, non utique se, sed quem velit ex legione Romana scripta civem, devovere. Si is homo, qui devotus est, moritur, probe factum videbit: ni moritur, tum signum septem pedes altum, aut majus, in terram defodi, et piaculum hostiam caedi. Vbi illud signum defossum erit, eo magistratum Romanum escendere fas non esse. Sin autem sese devovere volet, si-

cuti Decius devovit; ni moritur, neque suum; neque publicum divinum pure faciet, qui se se deoverit. Vulcano arma sive cui alii Divo fore volet, sive hostia sive quo alio volet; jus est. Telo, super quod stans consul precatus est, hostem potiri, fas non est: si potiatur, Marti suovetaurilibus piaculum fieri.

XI. Haec, (etsi omnis divini humanique moris memoria abolevit, nova peregrinaque omnia priscis ac patriis praferendo) haud ab re duxi, verbis quoque ipsis, ut tradita nuncupataque sunt, referre. Romanis post proelium demum factum Samnites venisse subsidio, exspectato eventu pugnae, apud quosdam autores invenio. Latinis quoque ab Lavinio auxilium, dum deliberando terunt tempus, victis demum ferri coeptum. Et, quum iam portis prima signa et pars agminis esset egressa, nuntio adlato de clade Latinorum, quum conversis signis retro in urbem rediretur, praetorem eorum nomine Milionium dixisse ferunt, *pro paullula via magnam mercedem Romanis esse solvendam*. Qui Latinorum pugnae superfuerant, multis itineribus dissipati, quum se in unum conglobassent, Vescia urbs eis receptaculum fuit. Ibi in consiliis Numisius imperator eorum, adsfirmando, *communem vere Martem belli utramque ariem pari caede prostravisse, victoriaeque nomen tantum penes Romanos esse, ceteram pro victis fortunam et illos gerere: funesia duo consulum praetoria, alterum parricidio filii, alterum consulis devoti caede; trucidatum exercitum omnem; caefos hastatos principesque; stragem et ante signa et posci signa factam; triarios postremo rem restituuisse*. Latinorum etsi pariter ad cisae copiae sunt, tamen subplemento vel Latium proprius esse, vel Volscos, quam Romam. Itaque, si videa-

videatur eis, se, ex Latinis et ex Volscis populis juventute propere excita, redditum infestu exercitu Capuam esse; Romanosque, nihil tum minus quam proelium expectantes, nec opinato adventu percusurum. Fallacibus literis circa Latium nomenque Volscum missis, quia, qui non interfuerant pugnae, ad credendum temere faciliores erant, tumultuarius undique exercitus raptimi conscriptus convenit. Huic agminis Torquatus consul ad Trifanum (inter Sinueslam Minturnasque is locus est) obcurrit. Prius, quam castris locus caperetur, sarcinis utrumque in acervum conjectis, pugnatum debellatumque est. Adeo enim adcisae res sunt, ut consuli, victorem exercitum ad depopulandos agros eorum ducenti, dederent se omnes Latini, ditionemque eam Campani sequerentur. Latinum Capuaque agro mulctati. Latinus ager, Privernati addito agro, et Falernus, qui populi Campani fuerat, usque ad Vulturnum flumen, plebi Romanae dividitur. Bina in Latino jugera, ita ut dodrantem ex Privernati compleverent, data; terna in Falerno, quadrantibus etiam pro longinquitate adjectis. Extra poenam fuere Latinorum Laurentes Campanorumque equites, quia non desciverant. Cum Laurentibus renovari foedus iussum. Renovaturque ex eo quotannis post diem decimum Latinarum. Equitibus Campanis civitas data: monimentoque ut esset, aeneam tabulam in aede Castoris Romae fixerunt. Vinctigal quoque eis Campanus populus jussus pendere in singulos quotannis (fuere autem mille et sexcenti) denarios nummos quadringenos quinquagenos.

XII. Ita bello gesto, praemiis poenaque pro cuiusque merito persolutis, T. Manlius Romanum rediit: cui venienti seniores tantum

obviam exisse constat; juventutem, et tunc, et omni vita deinde, aversatam eum exsecretamque. Antiates in agrum Ostiensem, Ardeatem, Solonium incursiones fecerunt. Manilius consul, quia ipse per valetudinem id bellum exsequi nequierat, dictatorem L. Papirium Craffum, qui tuin forte erat praetor, dixit: ab eo magister equitum L. Papirius Curfor dictus. Nihil memorabile adversus Antiates ab dictatore gestum est, quum aliquot menses stativa in agro Antiatii habuisset. Anno insigni victoria de tot ac tam potentibus populis, ad hoc consulum alterius nobili morte, alterius sicut truci, ita claro ad memoriam, imperio, subcessere consules Ti. Aemilius Mamercinus et Q. Publilius Philo; neque in similem materia in rerum, et ipsi aut suarum rerum, aut partium in re publica magis, quam patriae, memores. Latinos, ob iram agri amissi rebellantes, in campis Fennetanis fuderunt castrisque exuerunt. Ibi Publilio, cuius ductu auspicioque res gestae erant, in ditionem adcipiente Latinos populos, quorum ibi juventus caesa erat, Aemilius ad Pedum exercitum duxit. Pedanos tuebatur Tiburs, Praenestinus Veliternusque populus: venerant et ab Launio Antioque auxilia. Vbi quum proeliis quidem superior Romanus esset, ad urbem ipsam Pedum castraque sociorum populorum, quae urbi adjuncta erant, integer labor restaret; bello infecto repente omisso, consul, quia conlegae decretum triumphum audivit, ipse quoque triumphi ante victoriam flagitator Romam rediit. Qua cupiditate obfensis Patribus, negantibusque, nisi Pedo capto aut dedito, triumphum, hinc alienatus ab senatu Aemilius seditionis tribunatus similem deinde consulatum gesst. Nam ne-

neque, quoad fuit consul, criminari apud populum Patres destitit; collega haudquaquam adversante, quia et ipse de plebe erat: (matrem autem praebebat criminibus ager in Latino Falernoque agro maligne plebei divisus) et, postquam senatus, finire imperium consulibus cupiens, dictatorem aduersus rebellantes Latinos dici jussit, Aemilius, cuius tum fasces erant, collegam dictatorem dixit: ab eo magister equitum Junius Brutus dictus. Dictatura popularis et orationibus in Patres criminosis fuit, et quod tres leges secundissimas plebei, adversas nobilitati, tulit: unam, ut plebiscita omnes Quirites tenerent: alteram, ut legum, quae comitiis centuriatis fermentur, ante initum subfragium Patres auctores fierent: tertiam, ut alter utique ex plebe, quum eo ventum sit, ut utrumque plebejum consulem fieri liceret, censor crearetur. Plus eo anno domi adcepit clavis ab consulibus ac dictatore, quam ex victoria eorum bellicissime rebus foris auctum imperium, Patres credebant.

XIII. Anno insequenti, L. Furio Camillo, C. Maenio consulibus, quo insignitus omisfa res Aemilio, superioris anni consuli, exprobraretur, Pedum armis virisque et omni vi expugnandum ac delendum senatus fremit; coactique novi consules, omnibus eam rem praeverti, proficiscuntur. Jam Latios status erat rerum, ut neque bellum neque pacem pati possent. Ad bellum opes deerant: pacem ob agri ademti dolorem adspexerantur. Mediis consiliis standum videbatur, ut oppidis se tenerent; ne lacestitus Romanus causam belli haberet; et, si cuius oppidi obsidio iniiciata esset, undique ex omnibus populis auxilium obsecratur. Neque tamen, nisi admis-

dum a paucis populis, Pedani adjuti sunt. Tiburtes Praenestinique, quorum ager propior erat, Pedum pervenere. Aricinos Lau-niosque et Veliternos, Antiatibus Volscis se conjungentes, ad Asturae flumen Maenius, improviso adortus, fudit. Camillus ad Pedum cum Tiburtibus, maxime valido exercitu, ma-jore mole, quamquam aequo prospero even-tu, pugnat. Tumultum maxime repentina inter proelium eruptio oppidanorum fecit: in quos parte exercitus conversa, Camillus non compulit solum eos intra moenia, sed eodem etiam die, quum ipsos auxiliaque eorum perculisset, oppidum scalis cepit. Placuit inde, jam majore conatu animoque ab unius expugnatione urbis ad perdomandum Latium victorem circumducere exercitum. Nec quie vere ante, quam, expugnando aut in deditio nem adcipiendo singulas urbes, Latium omne subegere. Praefidiis inde dispositis per recepta oppida, Romani ad destinatum omnium consensu triumphum decessere. Additus triumpho honos, ut statuae equestres eis, rara illa aetate res, in foro ponerentur. Prius, quam comitiis in insequente annum consules ro garent, Camillus de Latinis populis ad senatum retulit, atque ita disseruit: *Patres con scripti, quod bello armisque in Latio agendum fuit, id jam Deum benignitate ac virtute militum ad finem venit. Caesi ad Peduni Asturam que sunt exercitus hostium; oppida Latina omnia, et Autium ex Volscis, aut vi capta, aut recepta in deditio nem, praefidiis tenentur vestris. Reliqua consultatio est, quoniam rebel lando saepius nos sollicitant, quoniam modo per petua pace quietos obtineamus. Dii iuniores ita vos potentes hujus consilii fecerunt, ut, sit Latium deinde, an non sit, in vestra manu pa-*

sue-

suerint. Itaque pacem vobis, quod ad Latinos adtinet, parare in perpetuum, vel saeviendo, vel ignoscendo, potestis. Vultis crudeliter consulere in deditos victosque? licet delere omne Latium, vastas inde solitudines facere, unde sociali egregio exercitu per multa bella magna que saepe nisi estis. Vultis exemplo majorum angere rem Romanam, victos in civitatem adcipiendo? materia crescendi per summam gloriam subpeditat. Certe id firmissimum longe imperium est, quo obedientes gaudent. Sed maturato opus est, quidquid statuere placet. Tot populos inter spem metumque suspensos animi habetis: et vestram itaque de eis curam quam primum absolvi, et illorum animos, dum expectatione stupent, seu poena, seu beneficio, praeoccupari oportet. Nostrum fuit efficere, ut omnium rerum vobis ad consulendum potestias esset: vestrum est decernere, quod optimum vobis reique publicae sit.

XIV. Principes senatus relationem consulis de summa rerum laudare; sed, quum aliorum causa alia esset, ita expediri posse consilium, dicere, ut pro merito cuiusque statueretur, si de singulis nominatim referrent populis. Relatum igitur de singulis decretumque Lanuviniis civitas data sacraque sua reddita cum eo, ut aedes lucusque Sospitae Junonis communis Lanuviniis municipibus cum populo Romano esset. Aricini Nomentanique et Pedani codem jure, quo Lanuvini, in civitatem adcepit. Tusculanis servata civitas, quam habebant; crimenque rebellionis a publica fraude in paucos auctores versum. In Veliternos, veteres cives Romanos, quod toties rebellassent, graviter saevitum: et muri dejecti, et senatus inde abductus, iussique trans Tiberim habitare: ut ejus, qui cis Tiberim

berim deprehensus esset, usque ad mille pondō clarigatio esset, nec prius, quam aere persoluto, is, qui cepisset, extra vincula captum haberet. In agrum senatorum coloni missi: quibus adscriptis, speciem antiquae frequentiae Velitrae receperunt. Et Antium nova colonia missa cum eo, ut Antiatibus permittere-
tur, si et ipsi adscribi coloni vellent. Naves inde longae abactae, interdictumque mari Antiati populo est, et civitas data. Tiburtes Praenestinique agro muletati, neque ob recens tantum rebellionis, communie cum aliis Latinis, crimen, sed quod, taedio imperii Romani, cum Gallis, gente efferata, arma quoniam consociassent. Ceteris Latinis populis connubia commerciaque et concilia inter se ademerunt. Campanis, equitum honoris ea-
fa, quia cum Latinis rebellare noluissent, Fundanisque et Formianis, quod per fines eorum tuta pacataque semper fuisset via, civitas sine subfragio data. Cumanos Sueffulanosque ejusdem juris conditionisque, cuius Capuam, esse placuit. Naves Antiatium partim in navalia Romae subductae, partim incensae, rostris que earum subgestum, in foro exstructum, adornari placuit: Rostraque id templum appellatum.

XV. C. Sulpicio Longo, P. Aelio Paeto consulibus, quum omnia non opes magis Romanae, quam beneficiis parta gratia bona pace obtineret, inter Sidicinos Auruncosque bellum ortum. Aurunei, a T. Manlio consule in ditionem accepti, nihil deinde moverant: eo petendi auxilii ab Romanis causa justior fuit. Sed prius, quam consules ab Urbe (jusserat enim senatus defendi Auruncos) exercitum educerent, fama adseritur, Auruncos metu oppidum deseruisse, profugosque cum con-
jugi-

jugibus ac liberis Sueffam communisse, quae nunc Aurunca adpellata; moenia antiqua eorum urbemque ab Sidicinis deletam. Ob ea infensus consulibus senatus, quoru[m] cunctatione proditi socii essent, dictatorem dici jussit. Dictus C. Claudius Regillensis, magistrum equitum C. Claudium Hortatorem dixit. Religio inde injecta de dictatore; et, quum augures vitio creatum videri dixissent, dictator magisterque equitum se magistratu abdicarunt. Eo anno Minucia Vestalis, suspecta primo propter mundiorem justo cultum, insimilata deinde apud pontifices ab indice servo, quum decreto eorum iussa esset sacris abstinere, familiamque in potestate habere; facto judicio, viva sub terram ad portam Collinam dextra via strata defolla Scelerato campo. Credo, ab incesto id ei loco nomen factum. Eodem anno Q. Publilius Philo praetor primum de plebe, adversante Sulpicio consule, qui negabat, rationem ejus se habiturum, est factus; senatu, quum in summis imperiis id non obtinuisse, minus in praetura tendente.

XVI. Insequens annus, L. Papirio Crasso, K. Duilio consulibus, Ausonum magis novo, quam magno bello fuit insignis. Ea gens Calles urbem incolebat. Sidicinis finitimis arma conjunxerat; unoque proelio haud sane memorabili duorum populorum exercitus fusus, propinquitate urbium et ad fugam pronior, et in fuga ipsa tutior fuit. Nec tamen omissa ejus belli cura Patribus, quia toties jam Sidicini aut ipsi moverant bellum, aut moventibus auxilium tulerant, aut causa armorum fuerant. Itaque omni ope adnisi sunt, ut maximum ea tempestate imperatorem M. Varerium Corvum consulem quartum facerent. Conlega additus Corvo M. Atilius Regulus: et,

et, ne forte casu erraretur, petitum ab consulibus, ut extra fortem Corvi ea provincia esset. Exercitu victore a superioribus consulibus adcepito, ad Cales, unde bellum ortum erat, proiectus, quum hostes, ab superioris etiam certaminis memoria pavidos, clamore atque impetu primo fudisset; moenia ipsa obpugnare est adgressus. Et militum quidem is erat ardor, ut jam inde cum scalis subcedere ad muros vellent evasurosque contenderent. Corvus, quia id arduum factu erat, labore militum potius, quam periculo, peragere inceptum voluit. Itaque aggerem et vineas egit, turresque muro admovit: quarum usum forte oblata obportunitas praevertit. Namque M. Fabius, captivus Romanus, quum, per negligentiam custodum festo die vinculis ruptis, per murum inter opera Romanorum, religata ad pinnam muri resti suspensus, manibus se demississet; per pulit imperatorem, ut vino epulisque sopitos hostes adgrederetur. Nec majore certamine capti cum urbe Aufones sunt, quam acie fusi erant. Praeda capti ingens est: praesidioque inposito Calibus reductae Romam legiones. Consul ex senatus consulo triumphavit; et, ne Atilius expers gloriae esset, jussi ambo consules adversus Sidicinos ducere exercitum. Dictatorem ante ex senatus consulo comitiorum habendorum causa dixerunt L. Aemilium Mamecinum. Is magistrum equitum Q. Publilium Philomen dixit. Dictatore comitia habente, consules creati sunt T. Veturius, Sp. Postumius. Etsi belli pars cum Sidicinis restabat; tamen, ut beneficio praevenirent desiderium plebis, de colonia deducenda Cales retulerunt: factoque senatus consulo, ut duo millia quingenti homines eo scriberentur, trium viros coloniae dedu-

deducenda agroque dividundo creaverunt K.
 Duilium, T. Quinctium, M. Fabium.
 XVII. Novi deinde consules, a veteribus
 exercitu adcepto, ingressi hostium fines, po-
 pulando usque ad moenia atque urbem perve-
 nerunt. Ibi quia, ingenti exercitu comparato,
 Sidicini et ipsi pro extrema spe dimicaturi eni-
 se videbantur, et Samnium fama erat conciri
 ad bellum: dictator ab consulibus ex auctoriti-
 tate senatus dictus P. Cornelius Rufinus; ma-
 gister equitum M. Antonius. Religio deinde
 incessit, vitio eos creatos; magistratuque se
 abdicaverunt: et, quia pestilentia insequuta
 est, velut omnibus eo vitio contactis auspiciis,
 res ad interregnum rediit. Ab interregno ini-
 to per quintum demum interregem M. Vale-
 rium Corvum creati consules A. Cornelius
 iterum et Cn. Domitius. Tranquillis rebus,
 fama Gallici belli pro tumultu valuit, ut di-
 ctatorem dici placeret. Dictus M. Papirius
 Crassus, et magister equitum P. Valerius
 Publicola. A quibus quum delectus intentius,
 quam adversus finitima bella, haberetur; ex-
 ploratores missi adulterunt, quieta omnia apud
 Gallos esse. Samnium quoque jam alterum
 annum turbari novis consiliis suspectum erat.
 Eo ex agro Sidicino exercitus Romanus non
 est deductus. Ceterum Samnites bellum Ale-
 xandri Epirensis in Lucanos traxit. Qui duo
 populi adversus regem, exscensionem a Pae-
 sto facientem, signis conlatis pugnaverunt. Eo
 certamine superior Alexander, incertum qua
 fide culturus, si perinde cetera processissent,
 pacem cum Romanis fecit. Eodem anno cen-
 sus actus, novique cives censi. Tribus propter
 eos additae Maecia et Scaptia: censores addi-
 derunt Q. Publilius Philo, Sp. Postumius.
 Romani facti Acerrani, lege ab L. Papirio
 prae-

praetore lata, qua civitas sine subfrágio data.
Haec eo anno domi militiaeque gesta.

XVIII. Foedus insequens annus seu intemperie coeli, seu humana fraude fuit, M. Claudio Marcello, C. Valerio consulibus. Flaccum Potitumque varie in annalibus cognomen consulis invenio: ceterum, in eo, parvi refert, quid veri sit. Illud per velim, (nec omnes auctores sunt) proditum falso esse, venenis absuntos, quorum mors infamem annum pestilentia fecerit. Sicut proditur tamen res; ne cui auctorum fidem abrogaverim, exponna est. Quum primores civitatis similibus morbis eodemque ferme oinnes eventu morentur; ancilla quaedam ad Q. Fabium Maximum aedilem curulem, indicaturam se causam publicae pestis, professa est, si ab eo fides sibi data esset, haud futurum noxae indicium. Fabius confessim rem ad consules, consules ad senatum referunt: consensuque ordinis fides indici data. Tum patefactum, muliebri fraude civitatem premi, matronasque ea venena coquere; et, si sequi extemplo velint, manifesto deprehendi posse. Sequuntur indicem, et coquentes quasdam medicamenta, et recondita alia, invenerunt. Quibus in forum de latis, et ad viginti matronis, apud quas deprehensa erant, per viatorem ad citis: duae ex eis, Cornelia ac Sergia, patriciae utraque gentis, quum ea medicamenta salubria esse contenderent, ab confutante indice bibere iusfae, ut se falsum commentari arguerent; spatio ad conloquendum sumto, quum, submoto populo, in conspectu omnium rem ad ceteras retulissent; haud abnuentibus et illis bibere, epoto medicamento, suamet ipsae fraude omnes interierunt. Comprehensae exten plo earum comites magnum numerum matronarum

narum indicaverunt: ex quibus ad centum septuaginta damnatae. Neque de beneficiis ante eam diem Romae quae situm est. Prodigii ea res loco habita, captisque magis mentibus, quam conseleratis, similis visa. Itaque memoria ex annalibus repetita, in secessionibus quondam plebis clavum ab dictatore fixum, alienatasque discordia mentes hominum eo piaculo compotes sui fecisse, dictatorem clavi figendi causa creari placuit. Creatus Cn. Quinctilius magistrum equitum L. Valerium dixit: qui, fixo clavo, magistratus se abdicaverunt.

XIX. Creati consules L. Papirius Crassus iterum, L. Plautius Venno. Cujus principio anni legati ex Volscis Fabraterni et Lucani Romam venerunt, orantes, ut in fidem recipierentur. Si a Samnitium armis defensi essent, se sub imperio populi Romani fideliter atque obedienter futuros. Missi tum ab senatu legati, denuntiatumque Samnitibus, ut eorum populorum finibus vim abstinerent. Valuitque ea legatio, non tam quia pacem volebant Samnites, quam quia nondum parati erant ad bellum. Eodem anno Privernas bellum initum: ejus socii Fundani, dux etiam fuit Fundanus, Vitruvius Vaccus; vir non domi solum, sed etiam Romae, clarus. Aedes fuere in Palatio ejus, quae Vacci prata, diruto aedificio publicatoque solo, appellata. Adversus hunc, vastantem effuse Setinum Norbanumque et Coranum agrum, L. Papirius profectus, haud procul castris ejus confedit. Vitruvio nec, ut vallo se teneret adversus validiorem hostem, sana constare mens, nec, ut longius a castris dimicaret, animus subpetere. Vix tota extra portam castrorum explicata acie, fugam magis retro, quam proce-

lum aut hostem, spectante milite, sine consilio, sine audacia depugnat: et ut leyi momento nec ambigue est victus; ita, brevitate ipsa loci facilique receptu in tam propinqua castra, haud aegre militem a multa caede est tutatus: nec fere quisquam in ipso certamine, pauci in turba fugae extremae, quum in castra ruerent, caeli; primisque tenebris Privernum inde petitum agmine trepido, ut muris potius, quam vallo, fese tutarentur. A Priverno Plautius alter consul, pervastatis passim agris praedaque abacta, in agrum Fundanum exercitum inducit. Ingredienti fines senatus Fundanorum obcurrit: *negant, se pro Vitruvio sectamque ejus sequutis precatum venisse; sed pro Fundano populo; quem extra culpam belli esse, ipsum Vitruvium judicasse, quum receptaculum fugae Privernum habuerit, non patriam Fundos.* Priverni igitur hosiles populi Romani quaereudos persequendosque esse, qui simul a Fundanis ac Romanis, utriusque patriae iuniores, defecrint. Fundanis pacem esse, et animos Romanos, et gratam memoriam acceptae civitatis. Orare se consulem, ut bellum ab innoxio populo abstineat: agros, urbem, corpora ipsorum conjugumque ac liberorum suorum, in potestate populi Romani esse futuraque. Conlaudatis Fundanis, consul, literisque Romanis missis, in officio Fundanos esse, ad Privernum flexit iter. Prius animadversum in eos, qui capita conjurationis fuerant, a consule scribit Claudius: ad trecentos quinquaginta ex conjuratis vinctos Roniam missos; eaque ditionem ab senatu non adcepit, quod egentium atque humilium poena defungi velle Fundanum populum censuerint.

XX. Privernum duobus consularibus exercitibus quum obsideretur, alter consul comi-

tiorum causa Romam revocatus. Carceres eo anno in circo primum statuti. Nondum perfundatos cura Privernatis belli tumultus Gallici fama atrox invasit, haud ferme umquam neglecta Patribus. Extemplo igitur consules novi, L. Aemilius Mamercinus et C. Plautius, eo ipso die, Kalendis Quintilibus, quo magistratum inierunt, comparare inter se provincias jussi; et Mamercinus, cui Gallicum bellum evenerat, scribere exercitum sine ulla vacationis venia. Quin opificum quoque vulgus et sellularii, minime militiae idoneum genus, exciti dicuntur; Vejosque ingens exercitus contractus, ut inde obviam Gallis iretur. Longius discedi, ne alio itinere hostis falleret ad Urbe incedens, non placuit. Paucos deinde post dies, fatis explorata temporis ejus quiete, a Gallis Privernum omnis converta vis. Duplex inde fama est: alii vi captam urbem, Vitruviumque vivum in potestate invenisse: alii, priusquam ultima adliberetur vis, ipsos se in ditionem consulis, caducèum praferentes, permisisse, auctores sunt, Vitruviumque ab suis traditum. Senatus, de Vitruvio Privernatibusque consultus, consulem Plantium, dirutis Prverni muris praefidioque valido inposito, ad triumphum arcessit; Vitruvium in carcerem adservari jussit, quoad consul redisset; tum verberatum necari. Aedes ejus, quae essent in Palatio, diruendas, bona Seimoni Sanco censuerunt consecranda: quodque aeris ex eis redactum est, ex eo aenei orbes facti, positi in facello Sanci versus aedem Quirini. De senatu Prvernate ita decretum, ut, qui senator Prverni post defectionem ab Romanis mansisset, trans Tiberim lege eadem, qua Veliterni, habitaret. His ita decretis, usque ad triumphum Plautii silen-

tium de Privernatibus fuit: post triumphum consul, necato Vitruvio sociisque ejus noxae, apud fatiatos jam suppliciis nocentium tutam mentionem de Privernatibus ratus; *Quoniam auctores defectionis*, inquit, *meritas poenas et ab Diis immortalibus et a vobis habent*, *Patres conscripti*, *quid placet de iunoxia multitudine fieri?* *Evidem*, *et si meae partes exquirendae magis sententiae, quam dandae sunt, tamen, quum videam, Privernates vicinos Samnitibus esse, unde nunc nobis incertissima pax est; quam minimum irarum inter nos illosque relinqu velim.*

XXI. Quum ipsa per se res anceps esset, prout cujusque ingenium erat, atrocius mitiusve suadentibus; tum incertiora omnia unus ex Privernatibus legatis fecit, magis conditionis, in qua natus esset, quam praesentis necessitatis, memor: qui, interrogatus a quodam tristioris sententiae auctore, *quam poenam meritos Privernates censeret? eam*, inquit, *quam merentur, qui se libertate dignos censem*. Cujus quum feroci responso infestiores factos videret consul eos, qui ante Privernatum causam inpugnabant; ut ipse benigna interrogacione nihius responsum eliceret, *Quid, si poenam, inquit, remittimus vobis, qualem nos pacem vobiscum habituros speremus? Si bonam dederitis, inquit, et fidam et perpetuam: si malam, haud diuturnam.* Tum vero minari, *nec id ambigue, Privernatem quidam, et illis vocibus ad rebellandum incitari pacatos populos*: pars melior senatus ad meliora responsum trahere et dicere, *Viri et liberi vocem auditam. An credi posse, ullum populum aut hominem denique, in ea conditione, cuius eum poeniteat, diutius, quam neceesse sit, mansurum? Ibi pacem esse fidam, ubi voluntarii pacati sint: neque eo loco, ubi servitutem esse velint, fidem spe-*

sperandam esse. In hanc sententiam maxime consul ipse inclinavit animos, idemtidem ad principes sententiарum consulares, uti exaudiiri posset a pluribus, dicendo, *Eos demum, qui nihil, praeterquam de libertate, cogitent, dignos esse, qui Romani fiant.* Itaque et in senatu causam obtinuere, et ex auctoritate Patrum latum ad populum est, ut Privernatis civitas daretur. Eodem anno Anxur trecenti in coloniam missi sunt: bina jugera agri adceperunt.

XXII. Sequutus est annus nulla re belli domive insignis, P. Plautio Proculo, P. Cornelio Scapula consulibus; praeterquam quod Fregellas (Sidicinorum is ager, deinde Volscorum fuerat) colonia deducta; et populo visceratio data a M. Flavio in funere matris. Erant, qui, per speciem honorandae parentis, meritam mercedem populo solutam interpretarentur; quod eum, die dicta ab aedilibus, crimine stupratae matris familiae absolvisset. Data visceratio in praeteritam judicij gratiam honoris etiam ei causa fuit: tribunatumque plebei, proximis comitiis, absens potentibus praefertur. Palaepolis fuit haud procul inde, ubi nunc Neapolis sita est. Duabus urbibus populus idem habitabat. Cumis erant oriundi. Cumani ab Chalcide Euboica originem trahunt. Classe, qua advecti ab domo fuerant, multum in ora maris ejus, quod adcolunt, potuere. Primo in insulas Aenariam et Pithecas egressi, deinde in continentem ausi sedes transferre. Haec civitas, quin suis viribus, tum Samnitium infida adversus Romanos societate freta, sive pestilentiae, quae Romanam urbem adorta nuntiabatur, fidens, multa hostilia adversus Romanos, agrum Campanum Falernumque incolentes, fecit. Igitur, L. Cornelio

nelio Lentulo, Q. Publilio Philone iterum consulibus, fetialibus Palaepolim ad re's repentina's missis, quum relatum esset a Graecis, gente lingua magis strenua quam factis, ferox responsum; ex auctoritate Patrum populus Palaepolitanis bellum fieri jussit. Inter consules provinciis comparatis, bello Graeci persequendi Publilio evenerunt; Cornelius altero exercitu Samnitibus, si qua se moverent, obpositus. Fama autem erat, defectioni Campanorum iuminentes admoturos castra. Ibi optimum visum Cornelio stativa habere. Ab utroque consule, exiguum spem pacis cum Samnitibus esse, certior sit senatus.

XXIII. Publilius, duo millia Nolanorum militum et quatuor Samnitium, magis Nolanis cogentibus, quam voluntate Graecorum, recepta Palaepolim, miserat: Cornelius, delectum indictum a magistratibus, universum Samnium erectum, ac vicinos populos, Primernatem Fundanumque et Forinianum, haud ambigue sollicitari. Ob haec quum legatos mitti placuisse prius ad Samnites, quam bellum fieret; responsum redditur ab Samnitibus ferox. Vltro iucusabant injurias Romanorum: neque eo negligentius ea, quae ipsis objicerentur, purgabant. *Haud ullo publico consilio auxiliove juvari Graecos: nec Fundanum Forinianumve a se sollicitatos.* Quippe minime poenitere se virium suarum, si bellum placeat. Ceterum non posse dissimilare, aegre pati civitatem Samnitium, quod Fregellas, ex Volscis captas dirutasque ab se, restituerit Romanus populus, coloniamque in Samnitium agro impo-
suerit, quam coloni eorum Fregellas adpellent. Eam se contumeliam injuriamque, ni sibi ab iis, qui fecerint, dematur, ipsos omni vi depulsi-
tos esse. Quum Romanus legatus ad disceptan-
dum

dum eos ad communes socios atque amicos vocaret: *Quid perplexe agimus?* inquit. *Nos* *sira certamina, Romani, non verba legatorum,* *nec hominum quisquam disceptator, sed cam-*
pus Campanus, in quo concurrendum est, et
arma et communis Mars belli decernet. *Pro-*
inde inter Capuam Sueffulamque castra castris
conferamus; et, Samnis Romanusne imperio
Italiam regat, decernamus. Legati Romanorum quum se, non quo hostis vocasset, sed quo imperatores sui duxissent, ituros esse respondissent; jam Publilius, inter Palaepolim Neapolimque loco obportune capto, diremicerat hostibus societatem auxilii mutui, qua, ut quisque locus premeretur, inter se usi fuerant. Itaque quum et comitiorum dies instaret, et, Publilium, imminentem hostium muris, avocari ab spe capienda in dies urbis, haud e re publica esset; actum cum tribunis est, ad populum ferrent, ut, quum Publilius Philo consulatu abisset, pro consule rem gereret, quoad debellatum cum Graecis esset. L. Cornelio (quia ne eum quidem in Samnium jam ingressum revocari ab inpetu belli placebat) literae missae, ut dictatorem comitiorum causa diceret. Dixit M. Claudio Marcellum. Ab eo magister equitum dictus Sp. Postumius. Nec tamen ab dictatore comitia sunt habita, quia, vitione creatus esset, in disquisitionem venit. Consulti augures, vitiosum videri dictatorem, pronuntiaverunt. Eam rem tribuni suspectam infamemque criminando fecerunt. *Nam neque facile fuisse id vitium nosci,* *quum consul oriens nocte silentio diceret dictato-*
rem: neque ab consule cuiquam publice priva-
tive de ea re scriptum esse: nec quemquam mor-
talium existare, qui se vidisse aut audisse quid
dicat, quod auspicium dirimeret: neque augu-

res divinare Romae sedentes potuisse, quid in castris consuli vitii obvenisset. Cui non adparere, quod plebejus dictator sit, id vitium auguribus visum? Haec aliaque ab tribunis nequidquam jactata. Tamen ad interregnum res reddit: dilatisque alia atque alia de causa comitiis, quartusdecimus demum interrex L. Aemilius consules creat C. Poetelium, L. Papirium Mugillanum. Cursum in aliis annalibus invenio.

XXIV. Eodem anno Alexandriam in Aegypto proditum conditam; Alexandrumque, Epiri regem, ab exsule Lucano interfectum, fortes Dodonaei Jovis eventu adfirmasse. Adcito ab Tarentinis in Italiam data dictio erat, *caveret Acherusiam aquam Pandosiamque urbem: ibi fatis ejus terminum dari.* Eoque oeius transmisit in Italiam, ut quam maxime procul abesset urbe Pandosia in Epiro et Acherronte amni, quem ex Molosside fluentem in stagna inferna adcepit Thesprotius sinus. Centerum (ut ferme fugiendo in media fata ruitur) quum saepe Bruttias Lucanasque legiones sudisset; Heracleam Tarentinorum coloniam, Consentiam ex Lucanis, Sipontumque, Bruttorum Terinam, alias inde Messapiorum ac Lucanorum cepisset urbes, et trecentas familiias inlustres in Epirum, quas obsidum numero haberet, misisset: haud procul Pandosia urbe inminente Lucanis ac Bruttiis finibus tristumulos, aliquantum inter se distantes, infedit; ex quibus incursionses in omnem partem agri hostilis faceret. Et ducentos ferme Lucanorum exsules circa se pro fidis habebat, ut pleraque ejus generis ingenia sunt, cum fortuna mutabilem gerentes fidem. Imbres continui, campis omnibus inundantes, quum interclusissent trifariam exercitum a mutuo interfe-

se auxilio, duo praefidia, quae sine rege erant, improviso hostium adventu obprimuntur: deletisque eis, ad ipsius obsidionem omnes conversi. Inde ab Lucanis exsulibus ad suos nuntii missi sunt: pactoque reditu promissum est, regem, aut vivum, aut mortuum, in potestatem datus. Ceterum cum delectis ipse, egregium facinus ausus, per medios erumpit hostes, et ducem Lucanorum cominus congressum obtruncat: contrahensque suos ex fuga palatos, pervenit ad amnem, ruinis recentibus pontis, quem vis aquae abstulerat, indicantem iter. Quem quum incerto vado transiret agmen, fessus metu ac labore miles, increpans nomen abominandum fluminis, *Jure Acheros vocaris*, inquit. Quod ubi ad aures adecit regis; adjecit extemplo animum fatis suis; substitique dubius, an transiret. Tum Sotimus minister ex regiis pueris, *quid in tanto discrimine periculi cunctaretur* interrogans, indicat, Lucanos insidiis quaerere locum. Quos ubi respexit rex procul grege facto venientes, stringit gladium, et per medium amnem transmittit equum. Jamque in vadum egressum eminus veruto Lucanus exsul transfigit. Labsum inde cum inhaerente telo corpus exanime detulit amnis in hostium praefidia. Ibi foeda laceratio corporis facta. Namque, praeciso medio, partem Consentiam misere: pars ipsis retenta ad ludibrium. Quae quum jaculis faxisque procul incelleretur, mulier una, ultra humanarum irarum fidem saevienti turbæ inmixta, ut parumper sustinherent precata, flens ait, *virum sibi liberosque captos apud hostes esse; sperare, corpore regio utcumque nulcato se suos redemturam*. Is finis lacerationi fuit. Sepultumque Consentiae, quod membrorum reliquum fuit, cura mulieris

unius: offaque Metapontum ad hostes remissa; inde Epirum devecta ad Cleopatram uxorem sororemque Olympiadem: quarum mater Magni Alexandri altera, foror altera fuit. Haec de Alexandri Epirensis tristi eventu, quamquam Romano bello fortuna cum abstinuit, tamen, quia in Italia bella gessit, paucis dixisse satiis fit.

XXV. Eodem anno lectisternium Romae, quinto post conditam urbem, iisdem, quibus ante, placandis habitum est Diis. Novi deinde consules iussu populi quum misissent, qui indicerent Samnitibus bellum; et ipsi maiore conatu, quam adversus Graecos, cuncta parabant; et alia nova nihil tum animo tale agitantibus adcesserunt auxilia. Lucani atque Apuli, quibus gentibus nihil ad eam diem cum Romano populo fuerat, in fidem venerunt, arma virosque ad bellum pollicentes. Foedere ergo in amicitiam accepti. Eodem tempore etiam in Samnio res prospere gesta. Tria oppida in potestatem venerunt, Allifae, Califae, Russium: aliusque ager primo adventu consulum longe lateque est per vastatus. Hoc bello tam prospere commisso, alteri quoque bello, quo Graeci obsidebantur, jani finis aderat. Nam, praeterquam quod, inter septis munimentis hostium, pars parti abscissa erat, foediora aliquanto intra muros iis, quibus hostis territabat, patiebantur; et velut capti a suis metipsis praesidiis, indigna jam liberis quoque ac conjugibus, et quae captarum urbium extrema sunt, patiebantur. Itaque quum, et a Tarento et a Samnitibus, fama esset, nova auxilia ventura, Samnium plus, quam vellet, intra moenia esse rebantur: Tarentinorum juventutem, Graeci Gracos, haud minus per quos Samniti Nolanoque, quam ut

Re-

Romanis hostibus resisterent, exspectabant. Postremo levissimum malorum deditio ad Romanos visa. Charilaus et Nymphius, principes civitatis, communicato inter se consilio, partes ad rem agendam divisere, ut alter ad imperatorem Romanorum transfugeret, alter sublisteret ad praebendam obportunam consilio urbem. Charilaus fuit, qui ad Publilium Philonem venit; et, *quod bonum, faustum, felix Palaepolitanis populoque Romano esset, tradere se*, ait, *moenia statuisse*. *Eo facto utrum ab se prodita, an servata, patria videatur, in fide Romana positum esse*. Sibi privatim nec pacisci quidquam, nec petere: publice petere, quam pacisci, magis, ut, si subcessisset inceptum, cogitaret populus Romanus, potius cum quanto studio periculoque redditum in amicitiam suam esset, quam qua stultitia et temeritate de officio decessum. Conlausatus ab imperatore tria millia militum ad obcupandam eam partem urbis, quam Samnites insidebant, adcepit: praesidio ei L. Quinctius tribunus militum praepositus.

XXVI. Eodem tempore et Nymphius praetorem Samnitium arte adgressus perpulerat, ut, quoniam omnis Romanus exercitus aut circa Palaepolim aut in Samnio esset, sineret se classe circumvehi ad Romanum agrum, non oram modo maris, sed ipsi urbi propinqua loca depopulaturum. Sed, ut falleret, nocte proficiscendum esse, extemploque naves deducendas. Quod quo maturius fieret, omnis juventus Samnitium, praeter necessarium urbis praesidium, ad litus missa. Vbi dum Nymphius in tenebris et multitudine semet ipsa impidente, sedulo aliis alia imperia turbans, terit tempus; Charilaus, ex composito ab sociis in urbem receptus, quum summa urbis

Ro-

Romano milite inpleisset, tolli clamorem jussit: ad quem Graeci, signo adcepto a principibus, quievere. Nolani per aversam partem urbis via Nolam ferente effugient. Samnitibus exclusis ab urbe, ut expeditior in praesentia fuga, ita foedior, postquam periculo evaferunt, visa, quippe qui inermes, nulla rerum suarum non relicta inter hostes, luctibrium non externis modo, sed etiam popularibus, spoliati atque egentes domos rediere. Haud ignarus opinionis alteries, qua haec proditio ab Samnitibus facta traditur, quum auctoribus hoc dedi, quibus dignius credi est; tum foedus Neapolitanum (eo enim deinde summa rei Graecorum venit) similius vero facit, ipfos in auxilium redisse. Publilio triumphus decretus; quod satis credebatur, oblatione domitos hostes in fidem venisse. Duo singularia haec ei viro primum contigere; prorogatio imperii non ante in ullo facta, et acto honore triumphus.

XXVII. Aliud subinde bellum cum alterius orae Graecis exortum. Namque Tarentini, quum rem Palaopolitanam vana spe auxilii aliquamdiu sustinuissent, postquam Romanos urbe potitos adcepere, velut destituti, ac non qui ipsi destituissent, increpare Palaeopolitanos: ita atque invidia in Romanos furere; eo etiam, quod Lucanos et Apulos (nam utraque eo anno societas copta est) in fidem populi Romani venisse adlatum est. Quippe propemodum per ventum ad se esse, jamque in eo rem fore, ut Romani aut hosties, aut domini habeundi sint. Discrimen profecto rerum suarum in bello Samnitium eventuque ejus verti. Eam solam gentem restare, nec eam ipsam satis validam, quando Lucanus defecerit. Quem revocari adhuc impellique ad abolendam societatem

tem Romanam posse, si qua ars serendis discor- diis adhibeatur. Haec consilia quum apud cu- pidos rerum novandarum valuerint; ex ju- ventute quidam Lucanorum pretio adsciti, clari magis inter populares, quam honesti, in- ter se mulcati ipsi virgis, quum corpora nuda intulissent in civium coetum, vociferati sunt, se, quod castra Romana ingredi ausi essent, a consule virgis caesos ac prope securi percusso^s esse. Deformis suapte natura res quum spe- ciem injuriae magis, quam doli, p^rae se fer- ret, concitati homines cogunt clamore suo magistratus senatum vocare: et alii, circum- stantes concilium, bellum in Romanos poscunt: alii ad concitandam in arma multitudinem agrestium discurrunt: tumultuque etiam sanos confernante animos, decernitur, ut societas cum Samnitibus renovaretur; legatique ad eam rem mittuntur. Repentina res quia quam cau- sam nullam, tam ne fidem quidem habebat, coacti a Samnitibus et obsides dare, et praesi- dia in loca munita adcipere, caeci fraude et ira nihil recusarunt. Dilucere deinde brevi fraus coepit, postquam criminum falorum au- ctores Tarentum commigravere: sed, amissa omni de se potestate, nihil ultra, quam ut poe- niteret frustra, restabat.

XXVIII. Eo anno plebi Romanae velut aliud initium libertatis factum est, quod neci desierunt: mutatum autem jus ob unius fene- ratoris simul libidinem, simul crudelitatem in- signem. L. Papirius is fuit: cui quum se C. Publilius ob aes alienum paternum nexum dedisset; quae aetas formaque misericordiam elicere poterat, ad libidinem et contumeliam animum adcederunt: et, florem aetatis ejus fructum adventicium crediti ratus, primo per- licere adolescentem sermonе incesto est cona- tus;

tus: dein, postquam adspernabantur flagitium aures, minis territare atque idem tidei admonere fortunae: postremo, quum ingenuitatis magis, quam praesentis conditionis, memorem videret, nudari jubet, verberaque adferri. Quibus laceratus juvenis, quum se in publicum proripuisse, libidinem crudelitatemque conquerens feneratoris; ingens vis hominum, quum aetatis miseratione atque indignitate injuriae adcaesa, tum suae conditionis liberumque suorum respectu, in forum atque inde, agmine facto, ad curiam concurrit: et quum consules, tumultu repentino coacti, senatum vocarent; introeuntibus in curiam Patribus laceratum juvenis tergum procumbentes ad singulorum pedes ostentabant. Victum eo die ob impotentem injuriam unius ingenis vinculum fidei: jussique consules ferre ad populum, ne quis, nisi qui noxam meruisset, donec poenam lueret, in compedibus aut in nervo teneretur: pecuniae creditae bona debitoris, non corpus obnoxium esset. Ita nubi soluti; cautumque in posterum, ne necerentur.

XXIX. Eodem anno, quum satis per se ipsum Samnitium bellum et defectio repens Lucanorum autoresque defectionis Tarentini follicitos haberent Patres, adcessit, ut et Vestinus populus Samnitibus fese conjungeret. Quae res sicut eo anno sermonibus magis passim hominum jactata, quam in publico ullo concilio est; ita in sequentis anni consulibus, L. Furio Camillo iterum, Junio Bruto Scaevae, nulla prior potiorque visa est, de qua ad senatum referrent. Et quamquam nova res erat, tamen tanta cura Patres incessit, ut pariter eam suscep tam neglectamque timerent; ne aut impunitas eorum lascivia superbiaque, aut

aut bello poenae expeditiae metu propinquo atque ira concirent finitimos populos. Et erat genus omnem abunde bello Samnitibus par, Marsi Pelignique et Marrucini: quos, si Vestinus adtingeretur, omnes habendos hostes. Vicit tamen pars, quae in praesentia videri potuit majoris animi, quam consilii: sed evenus docuit, fortis Fortunam juvare. Bellum ex auctoritate Patrum populū adversus Vestinos jussit. Provincia ea Bruto, Samnium Camillo forte evenit. Exercitus utroque duci et cura tuendorum finium hostes prohibiti conjungere arma. Ceterum alterum consulem L. Furium, cui major moles rerum imposita erat, morbo gravi iuplicitum fortuna bello subtraxit: jussusque dictatorem dicere rei gerendae causa, longe clarissimum bello ea tempestate dixit L. Papirium Cursorem; a quo Q. Fabius Maximus Rullianus magister equitum est dictus: par nobile rebus in eo magistratu gestis, discordia tamen, qua prope ad ultimum dimicationis ventum est, nobilis. Ab altero consule in Vestinis multiplex bellum, nec usquam vario eventu, gestum est. Nam et per vastavit agros, et, populando atque urendo tecta hostium fataque, in aciem invitatos extraxit: et ita proelio uno adcidit Venerorum res, haudquaquam tamen incruento milite suo, ut non in castra solum refugerent hostes, sed, jam ne vallo quidem ac fossis fretri, dilaberentur in oppida, situ urbium moenibusque se defensuri. Postremo oppida quoque vi expugnare adortus, primo Cutinam ingenti ardore militum aut vulnerum ira, quod haud tere quisquam integer proelio excesserat, scalis cepit: deinde Cingiliam. Vtriusque urbis praedam militibus, quod eos neque portae, neque muri hostium arcuerant, concessit.

XXX. In Saninium incertis itum auspicis est: cuius rei vitium non in belli even-
tum, quod prospere gestum est, sed in rabiem
atque iras imperatorum verit. Namque Pa-
pilius dictator, a pullario monitus, quum ad
auspicium repetendum Romanum proficiscere-
tur, magistro equitum denuntiavit, ut sese loco
teneret, neu, absente se, cum hoste manum
consereret. Fabius quum post profectionem
dictatoris per exploratores comperisset, per-
inde omnia soluta apud hostes, ac si nemo Ro-
manus in Samnio esset; seu ferox adolescens
indignitate adeensus, quod omnia in dictatore
viderentur reposita esse, seu occasione bene
gerendae rei inductus, exercitu instructo pa-
ratoque profectus ad Imbrinium, (ita vocant
locum) acie cum Samnitibus conflixit. Ea
fortuna pugnae fuit, ut nihil relictum sit, quo,
si adfuisset dictator, res melius geri potuerit:
non dux militi, non miles duci defuit. Eques
etiam, auctore L. Cominio tribuno militum,
qui aliquoties in petu capto perrumpere non
poterat hostium agmen, detraxit frenos equis;
atque ita concitatos calcaribus permisit, ut
fustinere eos nulla vis posset. Per arma, per
viros late stragem dedere. Sequutus pedes
in petu equitum, turbatis hostibus intulit signa.
Viginti millia hostium caesa eo die traduntur.
Auctores habeo, bis cum hoste signa conlata,
dictatore absente, his rem egregie gestam.
Apud antiquissimos scriptores una haec pugna
invenitur: in quibusdam annalibus tota res
praetermissa est. Magister equitum, ut ex
tanta caede, multis potitus spoliis, congesta
in ingentem acervum hostilia arma subdito
igne concremavit: seu votum id Deorum cui-
piam fuit; seu credere libet Fabio auctori, eo
factum, ne suae gloriae fructum dictator ca-
peret,

peret, nomenque ibi scriberet, aut spolia in triumpho ferret. Literae quoque de re prospera gesta ad senatum, non ad dictatorem, missae, argumentum fuere minime cuin eo communicantis laudes. Ita certe dictator id factum adcepit, ut, laetis aliis victoria parta, prae se ferret iram & tristitiamque. Misso itaque repente senatu, se ex curia proripuit: tum vero, non Samnitium magis legiones, quam majestatem dictatoriam et disciplinam militarem, a magistro equitum victimam ei ever-sam dictitans, si illi impune spretum imperium fuisse. Itaque plenus minarum iraeque profectus in castra, quum maximis itineribus if-set, non tamen praevenire famam adventus sui potuit. Praecucurrerant enim ab Urbe, qui nuntiarent, dictatorem avidum poenae venire, alternis paene verbis T. Manlii factum laudante.

XXXI. Fabius, concione extemplo advocata, obtestatus milites est, *ut, qua virtute rem publicam ab infestissimis hostibus defendissent, eadem se, cuius ductu auspicioque vicissent, ab inpotenti crudelitate dictatoris tutarentur.* Venire amentem invidia, iratum virtuti alienae felicitatique; furere, quod, se absente, res publica egregie gesta esset: malle, si mutare fortunam posset, apud Samnites, quam Romanos, victoriam esse. Imperium dictitare spretum, tamquam non eadem mente pugnari vetuerit, qua pugnatum doleat: et tunc invidia impedire virtutem alienam voluisse, cupidissimisque arma ablaturum fuisse militibus, ne, se absente, moveri possent: et nunc id furere, id aegre pati, quod sine L. Papirio, non inermes, non manci milites fuerint, quod se Q. Fabius magistrum equitum duxerit, ac non ad censum dictatoris. Quid illum facturum fuisse, si, quod

belli casus ferunt Marsque communis, adversa pugna evenisset; qui sibi, devictis hostibus, re publica bene gesta, ita ut non ab illo unico duce melius geri potuerit, supplicium magistro equum minetur? Neque illum magistro equitum infestorem, quam tribunis militum, quam centuriouibus, quam militibus esse. Si possit, in omnes saevitum fuisse: quia id nequeat, in unum saevire. Etiam invidiam, tamquam ignem, summa petere; in caput consilii, in ducem incurrire. Si se simul cum gloria rei gestae exslinxisset, tunc victorem, velut in capto exercitu dominantem, quidquid licuerit in magistro equitum, in militibus ausurum. Proinde adfissent in sua causa omnium libertati. Si consensum exercitus eundem, qui in proelio fuerit, in tuenda Victoria videat, et salutem unius omnibus curae esse; inclinaturum ad clementiorem sententiam animum. Posiremo se vitam fortunasque suas illorum fidei virtutique permettere.

XXXII. Clamor e tota concione ortus, uti bonum animum haberet: neminem illivim adlaturum, salvis legionibus Romanis. Haud multo post dictator advenit: classicoque exemplo ad concessionem advocavit. Tum, silencio facto, praeco Q. Fabium magistrum equitum citavit. Qui simul ex inferiore loco ad tribunal adcessit; tum dictator, Quaero, inquit, *de te, Q. Fabi, quum summum imperium dictatoris sit, pareantque ei consules, regia potestas, praetores iisdem auspiciis, quibus consules, creati; aequum censeas necne, magistrum equitum dicto audientem esse?* Itemque illud interrogo, *quum me incertis auspiciis profectum ab domo scirem, utrum mihi turbatis religionibus res publica in discrimen committenda fuerit, an auspicia repetenda, ne quid dubius Deus agerem?*

rem? Simul illud, quae dictatori religio impedimento ad rem gerendam fuerit, num ea magister equitum solitus ac liber potuerit esse? Sed quid ego haec interrogo? quum, si ego tacitus abisse, tamen tibi ad voluntatis interpretationem meae dirigenda tua sententia fuerit. Quin tu respondes, vetuerimne, te quidquam rei, me absente, agere? vetuerimue, signa cum hostibus conferre? Quo tu imperio meo spreto, incertis auspiciis, turbatis religionibus, adversus morem militarem disciplinamque majorum et numen Deorum, ansus es cum hostie configere. Ad haec, quae interrogatus es, responde, extra ea, cave, vocem mittas. Adcede, lictor. Adversus quae singula quum respondere haud facile esset, et nunc quereretur, enimdem accusatorem capitis sui ac judicem esse, modo, vitam sibi eripi citius, quam gloriam rerum gestarum, posse, vociferaretur, purgaretque se invieem, atque ultiro adcausaret: tunc Papirius, redintegrata ira, spoliari magistrum equitum, ac virgas et secures expediri jussit. Fabius, fidem militum implorans, lacerantibus vestem lictoribus, ad triarios, tumultum jam in concione miscentes, sece recepit. Inde clamor in totam concionem est perlatus. Alibi preces, alibi minae audiebantur. Qui proximi forte tribunal steterant, quia subjecti oculis imperatoris noscitari poterant, orabant, ut parceret inagistro equitum, neu cum eo exercitum dannaret. Extrema concio et circa Fabium globus increpabant inclementem dictatorem: nec procul seditione aberant. Ne tribunal quidem satis quietum erat. Legati circumstantes sellam orabant, ut rem in posterum diem differret, et irae suae spatium et consilio tempus daret: *Satis castigatam adolescentiam Fabii esse: satis deformatam victoriā:*

riam: ne ad extremum finem subplicii tenderet: neu unico juveni, neu patri ejus, clarissimo viro, neu Fabiae genti eam injungeret ignominiam. Quum parum precibus, parum causa proficerent, *intueri saevientem concionem* jubebant. *Ita irritatis militum animis subdere ignem ac materiam seditioni, non esse aetatis, non prudentiae ejus.* Neminem id *Q. Fabio, poenam deprecanti suam, vitio versurum, sed dictatori, si obcoecatus ira infestani multitudinem in se pravo certamine movisset.* Postremo, *ne id se gratiae dare Q. Fabii crederet, se jus jurandum dare paratos esse, non videri e re publica, in Q. Fabium eo tempore animadvertisse.*

XXXIII His vocibus quum in se magis incitarent dictatorem, quam in magistrum equitum placarent; jussi de tribunal i descendere legati: et silentio nequidquam per praeconem tentato, quum, prae strepitu ac tumultu, nec ipsius dictatoris, nec adparitorum ejus vox audiretur; nox, velut in proelio, certamini finem fecit. Magister equitum, jussus postero die adesse, quum omnes adfirmarent, infestius Papirium exarsurum, agitatum contentione ipsa exacerbatumque, clam ex castris Romam profugit: et, patre auctore M. Fabio, qui ter iam consul dictatorque fuerat, vocato exemplo senatu, quum maxime conquereretur apud Patres vim atque injuriam dictatoris, repente strepitus ante curiam lictorum submoventium auditur: et ipse infensus aderat, postquam comperit profectum ex castris, cum expedito equitatu sequutus. Iterata deinde contentio; et preendi Fabium Papirius jussit. Vbi quum, deprecantibus primoribus Patrum atque universo senatu, persistaret in incepto immensis animus; tum pater **M. Fabius, Quandoquidem, inquit, apud te nec**

nec auctoritas senatus, nec aetas mea, cui orbitatem paras, nec virtus nobilitasque magistri equitum, a te ipso nominati, valet, nec preces, quae saepe hosiem mitigavere, quae Deorum iras placant; tribunos plebis adpello et provoco ad populum; eumque tibi, fugienti exercitus tui, fugienti senatus judicium, judicem fero, qui certe unus plus, quam tua dictatura, potest polletque. Videro, cessurusne provocacionis sis, cui Rex Romanus Tullus Hostilius cessit. Ex curia in concionem itur. Quo cum paucis dictator, cum omni agmine principum magister equitum quum escendisset; deduci eum de rostris Papirius in partem inferiorem jussit. Sequutus pater, *Bene agis, inquit, quum eos nos deduci jussisti, unde et privati vocem mittere possemus.* Ibi primo non tam perpetuae orationes, quam altercatio, exaudiebantur. Vicit deinde strepitum vox et indignatio Fabii senis, increpantis superbiam crudelitatemque Papirii: *Se quoque dictatorem Romae fuisse, nec a se quemquam, ne plebis quidem hominem, non centurionem, non militem, violatum; Papirium, tamquam ex hostium ducibus, sic ex Romano imperatore victoriam et triumphum petere.* Quantum interesset inter moderationem antiquorum et novam superbiam crudelitatemque. Dictatorem Quiuctium Cincinnatum in L. Minucium consulem, ex obsidione a se ereptum, non ultra saevisse, quam ut legatum eum ad exercitum pro consule reliqueret. M. Furium Camillum in L. Furio, qui, contenta sua senectute et auctoritate, foedissimo cum eventu pugnasset, non solum in praesentia modcratum irae esse, ne quid de conlega secus populo aut senatu scriberet; sed, quum revertisset, potissimum ex tribunis consularibus habuisse, quem ex conlegis, optione ab senatu data, socium sibi

imperii delegerit. Nam populi quidem, penes quem potestas omnium rerum esset, ne iram quidem umquam atrociorē fuisse in eos, qui temeritate atque inscitia exercitus amisissent, quam ut pecunia eos multaret. Capite anquisitum ob rem bello male gesiam de imperatore nullo ad eam diem esse. Nunc ducibus populi Romani, quae ne victis quidem bello fas fuerit, virgas et secures victoribus et justissimos meritis triumphos intentari. Quid enim tandem passum fuisse filium suum, si exercitum amisisset: si fusus, fugatus, castris exutus fuisse? Quo ultra iram violentiamque ejus excessuram fuisse, quam ut verberaret necaretque? Quam conueniens esse, propter Q. Fabium civitatem in laetitia, victoria, supplicationibus ac gratulationibus esse: eum, propter quem Deum delubrat pateant, arae sacrificiis fument, honore, donis cumulentur, nudatum virginis lacerari in conspectu populi Romani; intuentem Capitolium atque arcem Deosque, ab se duobus proeliis haud frustra advocatos? Quo id animo exercitum, qui ejus ductu auspiciisque vicisset, laturum? quem luctum in castris Romanis, quam laetiam inter hosiles fore? Haec, simil jurgans, quereus, Deum hominumque fidem obtestans, et complexus filium, plurimis cum lacruminis agebat.

XXXIV. Stabat cum eo senatus majestas, favor populi, tribunicium auxilium, memoria absentis exercitus. Ex parte altera *imperium invictum populi Romani, et disciplina rei militaris, et dictatoris edictum pro numine semper observatum, et Manliana imperia, et posthabita filii caritas publicae utilitati, jactabantur. Hoc etiam L. Brutum, conditorem Romanæ libertatis, antea in duobus liberis fecisse.*

Nunc

Nunc patres comes et senes faciles de alieno imperio spreto, tamquam rei parvae, disciplinae militaris eversae juventuti gratiam facere. Se tamen perstaturum in incepto; nec ei, qui aduersus dictum suum, turbatis religionibus ac dubiis auspiciis, pugnasset, quidquam ex justa poena remissurum. Majestas imperii perpetua ne esset, non esse in sua potestate. L. Papirium nihil de ejus jure deminuturum. Optare, ne potestas tribunicia, inviolata ipsa, violet intercessione sua Romauum imperium, neu populus in se potissimum dictatorem et ius dictature exsinguat. Quod si fecisset, non L. Papirium, sed tribunos; sed pravum populi judicium, nequidquam posteros accusaturos: quum, polluta semel militari disciplina, non miles centurionis, non centurio tribuni, non tribunus legati, non legatus consulis, non magister equitum dictatoris pareat imperio; nemo hominum, nemo Deorum verecundiam habeat; non edicta imperatorum, non auspicia obseruentur; sine commeatu vagi milites in pacato, in hostico errent, inumerores sacramenti, licentia sola se, ubi volint, exauctorent; infrequenia deserantur signa; neque conveniatur ad edictum, nec discernatur, interdiu, nocte, aequo, iniquo loco, jussu, injussu imperatoris pugnent; et non signa, non ordines servent; latrocinii modo caeca et fortuita, pro sollempni et sacrata militia sit. Horum criminum vos reos in omnia fascula obferte, tribuni plebi: vestra obnoxia capita pro licentia Q. Fabii objicite.

XXXV. Stupentes tribunos et suam jam vicem magis anxios, quam ejus, cui auxilium ab se petebatur, liberavit onere consensus populi Romani, ad preces et obtestationem versus, ut sibi poenam magistri equitum dictator remitteret. Tribuni quoque, inclinatam rem

in preces subsequuti, orare dictatorem insitunt, ut veniam errori humano, veniam adolescentiae Q. Fabii daret: satis eum poenarum dedisse. Jam ipse adolescentis, jam pater M. Fabius contentionis obliti, procumbere ad genua et iram deprecari dictatoris. Tum dictator, silentio facto, *Bene habet*, inquit, *Quirites. Vicit disciplina militaris, vicit imperii maiestas, quae in discrimine fuerunt, an ulla post hanc diem essent. Non noxae eximitur Q. Fabius, qui contra edictum imperatoris pugnavit; sed, noxae damnatus, donatur populo Romano; donatur tribuniciae potestati, precarium non justum auxilium ferenti. Vive, Q. Fabi, felicior hoc consensu civitatis ad tuendum te, quam, qua paulo ante exultabas, victoria. Vive, id facinus ausus, cuius tibi ne parens quidem, si eodem loco fuisset, quo fuit L. Papirius, veniam dedisset. Mecum, ut volles, reverteris in gratiam: populo Romano, cui vitam debes, nihil majus praesliteris, quam si hic tibi dies satis documenti dederit, ut bello ac pace pati legitima imperia possis.* Quum se nihil morari magistrum equitum pronuntiasset, degressum cum templo laetus senatus, laetior populus, circumfuli ac gratulantes hinc magistro equitum, hinc dictatori, prosequunti sunt: firmatumque imperium militare haud minus periculo Q. Fabii, quam subplicio miserabili adolescentis Manlii, videbatur. Forte ita eo anno evenit, ut, quotiescumque dictator ab exercitu recessit, hostes in Samnio moverentur. Ceterum in oculis exemplum erat Q. Fabius M. Valerio legato, qui castris praeerat, ne quam vim hostium magis, quam trucem dictatoris iram, timeret. Itaque frumentatores quum, circumventi ex infidiis, caesi loco iniquo essent; creditum vulgo est, subveniri eis

eis ab legato potuisse, ni tristia edicta exhortuisset. Ea quoque ira alienavit a dictatore militum animos, jam ante infensos, quod in placabilis Q. Fabio fuisse, et, quod suis precibus negasset, ejus populo Romano veniam dedisset.

XXXVI. Postquam dictator, praeposito in Vrbe L. Papirio Crasso magistro equitum, Q. Fabio vetito quidquam pro magistratu agere, in castra rediit; neque civibus satis laetus adventus ejus fuit, nec hostibus quidquam aduluit terroris. Namque postero die, seu ignari venisse dictatorem, seu, adesset an abesset, parvi facientes, instructa acie ad castra adcesserunt. Ceterum tantum momenti in uno viro L. Papirio fuit, ut, si ducis consilia favor subsequutus militum foret, debellari eo die cum Samnitibus potuisse, pro haud dubio habitum sit: ita instruxit aciem loco ac subsidiis, ita omni arte bellica firmavit. Cessatuin a milite, ac de industria, ut obtrectaretur laudibus ducis, impedita victoria est. Plures Samnitium cecidere: plures Romani vulnerati sunt. Sensit peritus dux, quae res victoriae obstaret: temperandum ingenium suum esse, et severitatem miscendam comitati. Itaque, adhibitis legatis, ipse circum saucios milites inferens in tentoria caput, singulos, ut sese haberent, rogitans, curam eorum nominatim legatis tribunisque et praefectis demandabat: rem per se popularem ita dexter egit, ut, medendis corporibus, animi multo prius militum imperatori reconciliarentur, nec quidquam ad salubritatem efficacius fuerit, quam quod grato animo ea cura accepta est. Refecto exercitu, cum hoste congressus haud dubia spe sua militumque, ita fudit fugavitque Samnites, ut ille ultimus eis dies conferendi signa cum dictatore

fuerit. Incessit deinde, quā duxit prae~~da~~^{spes}, victor exercitus, perlustravitque hostium agros, nulla arma, nullam vim, nec apertam, nec insidiis, expertus. Addebat alacritatem, quod dictator prae~~da~~^m omnem edixerat militibus: nec ira magis publica, quam privatum compendium, in hostem acuebat. His cladi- bus subacti Samnites pacem a dictatore petie- re: cum quo pacti, ut singula vestimenta mi- litibus et annuum stipendum darent, quum ire ad senatum iussi essent; sequuturos se di- cтatorem responderunt, unius ejus fidei virtu- tique causam suam commendantes. Ita deduc- tus ex Samnitibus exercitus.

XXXVII. Dictator triumphans Vrbem est ingressus; et, quum se dictatura abdicaret vel- let, iussu Patrum, prius quam abdicaret, con- fuses creavit C. Sulpicium Longum iterum, Q. Aemilium Cerretanum. Samnites, infe- cta pace, quia de conditionibus agebatur, inducias annuas ab Urbe retulerunt. Nec ea- runi ipsarum sancta fides fuit: adeo, postquam Papirium ab iste magistratu nuntiatum est, ad- recti ad bellandum animi sunt. C. Sulpicio, Q. Aemilio (Aulium quidam annales habent) consulibus, ad defectionem Samnitium Apul- lum novum bellum adcessit. Utroque exerci- tus missi. Sulpicio Samnites, Apuli Aemilio forte evenerunt. Sunt, qui non ipsis Apulis bellum inlatum, sed socios ejus gentis populos ab Samnitium vi atque injuriis defensos scri- bant. Ceterum fortuna Samnitium, vix a se ipsis eo tempore propulsantium bellum; pro- prius ut sit vero, facit, non Apulis ab Samni- tibus arma inlata, sed cum utraque simul gen- te bellum Romauis fuisse. Nec tamen res ul- la memorabilis acta: ager Apulus Samnium- que evastatum: hostes nec hic, nec illic in- ven-

venti. Romae nocturnus terror ita ex somno trepidam repente civitatem excivit, ut Capitolium atque arx moeniaque et portae plena armatorum fuerint. Et quum concursum conclamatumque ad arma omnibus locis esset, prima luce nec auctor, nec causa terroris comparuit. Eodem anno de Tusculanis Flavia rogatione populi suit judicium. M. Flavius tribunus plebis tulit ad populum, ut in Tusculanos animadverteretur, quorum eorum ope ac consilio Veliterni Privernatesque populo Romano bellum fecissent. Populus Tusculanus cum conjugibus ac liberis Romani venit. Ea multitudo, veste mutata et specie reorum, tribus circuit, genibus se omnium advolvens. Plus itaque misericordia ad poenae veniam inpetrandam, quam causa ad crimen purgandum valuit. Tribus omnes, praeter Polliam, antiquarunt legem. Polliae sententia fuit, puberes verberatos necari, conjuges liberosque sub corona lege belli venire. Memoriamque ejus irae Tusculanis in poenam tam atrocis auctores mansisse ad patrum aetatem constat, nec quemquam ferme ex Pollia tribu candidatum Papiriam ferre solitum.

XXXVIII. In sequenti anno, Q. Fabio, L. Fulvio consulibus, A. Cornelius Arvina dictator et M. Fabius Ambustus magister equitum, metu gravioris in Samnio belli (conducta enim pretio a finitimis juventus dicebatur) intentiore delectu habito, egregium exercitum adversus Sannites duxerunt. Castra in hostico incuriose ita posita, tamquam procul abesset hostis: quum subito advenere Samnitium legiones tanta ferocia, ut vallum usque ad stationem Romanam inferrent. Nox iam adpetebat: id prohibuit munimenta adoriri. Nec dissimilabant, orta luce postero die facturos.

ros. Dictator, ubi propiorem spe dimicacionem vidiit, ne militum virtuti damno locus esset. ignibus crebris relictis, qui conspectum hostium frustrarentur, silentio legiones educit: nec tamen fallere propter propinquitatem castrorum potuit. Eques extemplo insequutus ita institit agmini, ut, donec luce sceret, proelio abstineret. Ne pedestres quidem copiae ante lucem castris egressae. Eques, luce demum ausus incursum in hostem, earpendo novissimos premendoque iniquis ad transitum locis agmen detinuit. Interim pedes equitem adsequutus; et totis jam copiis Samnis urguebat. Tum dictator, postquam sine magno incommodo progredi non poterat, eum ipsum, in quo confiterat, locum castris dimetari jussit. Id vero, circunfuso undique equitatu, ut vallum peteretur opusque inciperet, fieri non poterat. Itaque, ubi neque eundi, neque manendi copiam esse videt, instruit aciem, inpedimentis ex agmine remotis. Instruunt contra et hostes, et animis et viribus pares. Auxerat id maxime animos; quod, ignari loco iniquo, non hosti, cessum, velut fugientes ac territos terribiles ipsi sequenti fuerant. Id aliquamdiu aquavit pugnam, jam pridem desueto Samnite clamorem Romani exercitus pati. At hercule illo die ab hora diei tertia ad octavam ita anceps dicitur certamen stetisse, ut neque clamor, ut primo semel concursu est sublatuſ, iteratus sit; neque signa promota loco, retrove recepta; neque recursum ab ultra sit parte. In suo quisque gradu obnixi, urgentes scutis, sine respiratione ac respectu pugnabant. Fremitus aequalis, tenorque idem pugnae in defatigationem ultimam aut noctem spectabat. Jam viris vires, jam ferro sua vis, jam consilia ducibus deerant: quum subito Samni-

Samnitium equites, quum, turma una longius proiecta, adcepissent, impedimenta Romano-rum procul ab armatis sine praesidio, sine munimento stare, aviditate praedae impetum faciunt. Quod ubi dictatori trepidus nuntius adtulit; *Sine modo, inquit, sese praeda praepediant.* Alii deinde super alios, diripi pas-sim ferrique fortunas militum, vociferantur. Tum magistro equitum adicto, *Vides tu,* inquit, *M. Fabi, ab hostium equite omissam pugnam? haerent impediti impedimentis nosris.* *Adgredere, quod inter praedandum omni multitudini evenit, dissipatos: raros equis insidentes, raros, quibus ferrum in manu sit, invenies: equosque dum praeda onerant, caede inermes, cruentamque illis praedam redde.* *Mihi legiones peditumque pugna curae erunt: penes te equestre fit decus.*

XXXIX. Equitum acies, qualis quae esse instructissima potest, inventa in dissipatos impeditosque hostes, caede omnia replet. Inter sarcinas omissas repente, objacentes pedibus fugientium consernatorumque equorum, neque pugnae, neque fugae fatis potentes, caeduntur. Tum, deleto prope equitatu hostium, **M. Fabius**, circumductis paullulum alis, ab tergo pedestrem aciem adoritur. Clamor inde novus adcidens et Samnitium terruit animos; et dictator, ubi respectantes hostium antisignanos turbataque signa et fluctuantem aciem vidit, tum adpellare, tum adhortari milites, tribunos principesque ordinum nominatim ad iterandam secum pugnam vocare. Novato clamore, signa inferuntur; et, quidquid progrediebantur, magis magisque turbatos hostes cernebant. Eques ipse jam primis erat in conspectu: et **Cornelius**, respiciens ad manipulos militum, quod manu, quod voce poterat,
mon-

monstrabat, vexilla se suorum parmasque cernere equitum. Quod ubi auditum simulque visum est, adeo repente laboris, per diem paene totum tolerati, vulnerumque obliiti sunt, ut haud fecus, quam si tum integri e castris signum pugnae adcepissent, concitaverint se in hostem. Nec ultra Samnis tolerare terrorrem eqnitum peditumque vim potuit: partim in medio caesi, partim in fugam dissipati sunt. Pedes restantes ac circumventos cecidit: ab equite fugientium strages est facta; inter quos et ipse imperator cecidit. Hoc demum proelium Samnitium res ita infregit, ut omnibus conciliis fremerent, minime id quidem mirum esse, si in pio bello et contra foedus suscepto, infestioribus merito Diis quam hominibus, nihil prospere agerent. Expiandum id bellum magna mercede luendumque esse. Id referre tantum, utrum subplicia noxio paucorum, an omnium innoxio praebant sanguine; audebantque jam quidam nominare autores armorum. Vnum maxime nomen per consensum clamantium Brutuli Papii exaudiebatur. Vir nobilis potensque erat, haud dubie proximarum induciarum ruptor. De eo coacti referre praetores decretum fecerunt, *Vt Brutulus Papius Romanis dederetur et cum eō praeda omnis Romana, captivique ut Romam mitterentur; quaesque res per fetiales ex foedore repetitae essent, secundum jus fasque restituerentur.* Fetiales Romam, ut censuerunt, ipissi, et corpus Brutuli exanime: ipse morte voluntaria ignominae se ac subplicio subtraxit. Placuit enim corpore bona quoque ejus dedi. Nihil tamen earum rerum, praeter captivos, ac si qua cognita ex praeda sunt, adcepsum est: celebrarum rerum irrita fuit deditio. Dictator ex senatus consulto triumphavit. Hoc bellum a

consulibus bellatum; quidam auctores sunt, eosque de Samnitibus triumphasse: Fabium etiam in Apuliam processisse, atque inde magnas praedas egisse.

XL. Nec discrepat, quin dictator eo anno A. Cornelius fuerit. Id ambigitur, bellum gerendi causa creatus sit; an ut esset, qui lundis Romanis, quia L. Plautius praetor graviorbo forte implicitus erat, signum mittendis quadrigis daret, functusque eo haud sane memorandi imperii ministerio, se dictatura abdicaret. Nec facile est, aut rem rei, aut auctorem auctori praeferre. Vitiata memoriā funebribus laudibus reor falsisque imaginum titulis, dum familia ad se quaque famam rerum gestarum honorumque fallente mendacio trahunt. Inde certe et singulorum gesta et publica monumenta rerum confusa. Nec quisquam aequalis temporibus illis scriptor exstat, quo satis certo auctore stetur.

T. LIVII PATAVINI LIBER IX.

B R E V I A R I V M.

C_{AP. I.} T. Veturio Calvino et Sp. Postumio cōff. Samnites, frustra pace petita, bellum reparant duce et insīgante C. Pontio, Pontii Heren-

Herennii, viri longe prudentissimi, filio, qui Romanorum superbiam increpat. 2. *Ejus fraude inlecti consules Furculas Caudinas, saltuum duorum prope Caudium angustias, intrant easque mox hostium armis et dejectu arborum faxorumque septas inveniunt.* 3. *Nec Romanis in tam trepidis, nec Samnitibus in tam laetis rebus consilium subpetit.* Herennius Romanos vel quam primum inviolatos dimittendos, vel ad unum omnes interficiendos censet. 4. *Durae pacis conditiones, a Pontio dictae et L. Lentulo suadente acceptae.* 5. *Caudina pax per sponsionem fit obsidibusque DC equitibus traditis Romani sub jugum mittuntur.* 6. *Traducti Capuam, ubi benigne hospitiis excipiuntur, et inde Romam, prope muti piae pudore et maestitia, profiscuntur.* 7. *Roma paene maior ipso exercitu, hujusque adventus etiam iratis miserabilis.* Dictatores primum vitio, deinde interreges et postremo consules creantur; Q. Publilius Philo et L. Papirius Cursor. 8. *Postumius in senatu verba faciens dicit, populum Rom. non teneri sponsione infami, injussu ejus facta, utque religione exsolvatur et justum priusque de integro bellum iniri possit, consules, legatos, quaesiores et tribunos, hac sponsione obstrictos, Samnitibus nudos viuctosque dedendos censet.* Intercedunt L. Livius et Q. Maelius tribuni pl., qui et ipsi sub jugum missi erant. 9. *In eos acerrime invehitur Postumius.* 10. *Sponsores pacis Samnitibus deduntur, et Postumius fetiali Rom. genu femur violenter percellit dicens, se Samnitem civem esse et Romanos, fetiali legatoque contra jus gentium violato, eo justius bellum gesturos.* 11. *Pontius non adcipit deditioinem et incusat fidem populi Rom., qui semper aliquam fraudi speciem juris inponat.*

12. Samnites Fregellas fraude capiunt et concremant victos. Papirius in Apuliam pergit ad Luceriam, ubi equites Romani, obsides ad Caudium dati, custodiebantur; Publilius in Samnio subsiit prope Caudium. 13. Samnites, a Publilio fusi, castisque exuti, Apuliam petunt et Luceriam. Papirius Arpos proficiscitur et inde Luceriam, quo et mox venit collega. 14. Legati Tarentini denuntiant Samnitibus Romanisque, ut bellum omittant: sed consules hostium castra expugnant, et vix imperio ac minnis coercent milites caedis avidos. 15. Publilius Apuliam peragrat: Papirius Luceriam caput et 7000 Samnites, interque eos Pontium, sub jugum mittit. 16. Debellantur Forentani, et Satricum, quod ad Samnites defecerat, duplice proditione capitur. Laus L. Papirii Cursoris.

17. Alexander M. comparatur ducibus Rom. 18. ejus fortuna fortunae populi Rom. 19. Macedonum Romanorumque milites, numero, armis et genere s. iudole.

20. Samnites miserrimis precibus inducias biennii, non foedus, inpetravit. Apuli Teanenses, Canusii, Teates et Forentani in deditiō nem veniunt. Nerulum in Lucania vi capitur. Novae tribus, Vfentina ac Falerina. Antiatibus dantur a senatu Rom. ad jura statuenda ipsius coloniae patroni. 21. L. Aemilius Dict. obsidet Saticulam, et Samnites, sociorum causa rebellantes iisque auxilio venientes, fundit. 22. Q. Fabius Dict. ab eo adcepit exercitum, et Q. Aulius Cerretanus mag. eq., non consulto dictatore, Samnites a castis Rom. submovet, sed perit. Saticula Romanus per deditiō nem, Plisiia per vim Samnis potitur. 23. Inde Fabius ad Soram proficiscitur, quae ad Samnites defecerat. Cum his ad Lautulas ancipiti pro-

lio dimicat; sed mox ingentem iis cladem infert;
24. *Sora capitur, obculta in arcem via a trans-fuga monstrata.*

25. *Ausona, Minturna et Vescia, Ausonum urbes, suspectae de societate clam cum Samnitibus inita, proditione in potestatem Rom. veniunt, et, quia absentibus ducibus nullus modus caedibus est, deletur Ausonum gens, vix certo defectionis criminе.* **26.** *Luceria iterum et ad Samnites deficit, et a Romanis capitur, eoque mittuntur coloni.* C. Maenius dictator dicitur quaestionibus exercendis tum de obculis principum coniurationibus Capuae, tum de nobilium coitionibus, honorum adipiscendorum causa, Romae factis.

27. Samnites a M. Poetelio et C. Sulpicio inter Caudium Capuamque vincuntur. **28.** C. Poetelius dictator vel C. Junius Bubulcus cos. Fregellas et Nolam capit. Sueßam Auruncorum, Pontias, Interamna et Casinum coloniae deducuntur.

29. Ob Etrusci belli famam dictator dicitur C. Junius Bubulcus. Ap. Claudius censor viam nunit: aquam dicit in Vrbem: libertinorum filios in senatum legit: solus censuram retinet: et sacrorum ad aram Maximam Herculis curam, quod familiare Potitiorum fuerat sacerdotium, servis publicis tradit: unde XII familiae Potitiorum intra aīnum cum stirpe extinguitur, et Appius post aliquot annos fit caecus. **30.** Senatus citatur eo ordine, qui ante censores Ap. Claudium et C. Plautium fuerat. L. Atilius et C. Marcus tribuni pl. rogationem perferunt, ut tribuni militum seni deni in IV legiones a populo creentur et M. Decius trib. pl., ut duumviro navales classis ornatae reficiendasque causa idem populū jubeat. Tibicines,

cines, prohibiti a proximis censoribus in aede Jovis vesci, Tibur abeunt, et vino sopiti plaustris Romam reportantur.

31. Cluvia et Bovianum expugnantur, et Romani, quamvis oblata pecorum praeda in saltum ingentem inlecti, vincunt Samnites. 32. Omnes Etruriae populi praeter Arretinos bellum parant et ordiuntur ab obpugnando Sutrio. Ibi Q. Aemilius Barbula cum iis conslitit aucti-piti proelio, quod nocte dirimitur. 33. Ap. Claudius censor nulla vi compelli potest, ut, circumactis XVIII mensibus, exemplo C. Plautii conlegae, magistratu se abdicet; negatque, se Aemilia lege teneri, quia optimo jure censor creatus sit. 34. Eum gravi oratione increpat P. Sempronius trib. pl. et prendi jubet: sed tribuni tres adpellanti Appio auxilio sunt, isque summa invidia omnium ordinum solus censuram gerit. 35. Etrusci iterum ad Sutrium vincuntur a Romanis duce Q. Fabio cos. et in silvam Ciminiam configiunt, quae invia est et horren-da. 36. Eam transit Fabius, speculandi causa praemisso fratre M. Fabio, et opulenta Etruriae arva vasis. 37. Hinc indignatione concientur Etruriae Umbriaeque populi, et ingens ad Sutrium venit exercitus. Fabius pugnam detrectat, sed proxima nocte, paullo ante lucem, hosties in casiris obprimit et stratos obtruncat. Tufci, pacem petentes, inducias in XXX annos impetrant. 38. Classis Rom. a P. Cornelio in Campaniam agitur, et socii inde navales agrum Nucerinum depopulantur, sed ab agrestibus compelluntur ad naves. C. Marcius Rutilus consul dimicat cum Samnitibus proelio atroci et incerto eventu. Alter consul Q. Fabius, Scto compulsus, dictatorem dicit L. Papirium Curforem, cui privatim infesius erat. Huic legem

*curiatam de imperio ferenti triste omen diem
diffindit, quod praerogativa curia est Faucia,
duabus insignis cladibus: sed postero die, repe-
titis auspiciis, legem perfert.* 39. *Papirius ad
Longulam pervenit. Vmbri funduntur, et opes
Etruscorum, qui, lege sacrata coacto exercitu,
quum vir virum legisset, maximis copiis animis-
que dimicant, ad Vadimonis lacum franguntur
ingenti clade.* 40. *Duo Samnitium exercitus,
scutis auro argentoque coelatis aliisque insigni-
bus armis fulgentes, a Papirio Dict. vincuntur.
Auratis eorum scutis ornatur forum Rom. Cam-
pani autem Samnitium ornatu gladiatores ar-
mant. Etrusci, ad Perusiam a Fabio profliga-
ti, dedunt hoc oppidum et pacem petunt.* 41.
*P. Decius bene res gerit in Etruria, et idem
Fabius III consul adversus Samnites, Marsos,
Pelignos et Vmbros.* 42. *A. L. Volumnio vin-
cuntur Sallentini, a Q. Fabio Proc. Samnites
ad Allifas;* 43. *a Q. Marcio Tremulo Hernici,
a P. Cornelio Arvina Samnites. Hernici in de-
ditionem adcipiuntur, et aliis eorum populis
suae redduntur leges et concilia connubiaque in-
ter ipsos permittuntur, aliis adimuntur. Cen-
sores vias per agros publica faciunt inpena, et
aedem salutis locant. Cum Carthaginensibus
tertio renovatur foedus.* 44. *Samnites in cam-
pum Stellatem agri Campani incursions fa-
ciunt, et obcidione obciduntur a L. Postumio
et Ti. Minucio.* 45. *Samnitibus foedus peten-
tibus redditur, daturque etiam Marrucinis, Mar-
sis, Pelignis, Frentanis. Aequorum XLI op-
pida expugnantur intra L dies, et nomen eorum
prope ad internectionem deletur.*

46. *Cn. Flavius scriba, libertino patre na-
tus, a forensi factione creatur aedilis curulis:
civile jus, repositum in penetalibus pontificum,
et*

et fastos evulgat: aedem Concordiae dedicat: ad coulegam aegrum visendi causa venit, et, quia nobiles ibi adsidentes ei non adsurgunt, curulem adferri sellam eo jubet, ut de illa inimicos spectet. Propter ejus comitia plerique nobilium annulos aureos et phaleras deponunt: et forensis factio, Ap. Claudii censura vires nacta atque per omnes tribus divisa, in foro campoque dominatur. Q. Fabius censor illam deinde in IV tribus conjicit urbanas, et Maximi inde cognomen adipicit. Ab eodem institutum dicitur, ut Equites Id. Jul ab aede Honoris in Capitolium transveharentur.

I. **S**equitur hunc annum nobilis clade Roma-
na Caudina pax, T. Veturio Calvino, Sp. Postumio consulibus. Samnites eo anno impe-
ratorem C. Pontium, Herennii filium, habue-
runt, patre longe prudentissimo natum, pri-
mum ipsum bellatorem ducemque. Is, ubi
legati, qui ad dedendas res missi erant, pace
infecta redierunt, *Ne nihil actum, inquit, hac
legatione censatis, expiatum est, quidquid ex
foedere rupto irarum in nos coelestium fuit.* Sa-
tis scio, quibuscumque Diis cordi fuit, subigit
nos ad necessitatem dedendi res, quae a nobis ex
foedere repetitae fuerant, iis non fuisse cordi
tam superbe ab Romanis foederis expiationem
spretam. Quid enim ultra fieri ad placandos
Deos mitigandosque homines potuit, quam quod
nos fecimus? Res hostium in praeda captas,
quae belli jure nostrac videbantur, remisimus:
auctores belli, quia vivos non potuimus, per-
functos jam fato dedidimus: bona eorum, ne-

quid ex contagione noxae remaneret penes nos;
Romam portavimus. Quid ultra tibi, Romane,
quid foederi, quid Diis arbitris foederis
debeo? Quem tibi tuarum irarum, quem meo-
rum subpliiorum judicem feram, neminem, ne-
que populum, neque privatum, fugio. Quod si
nihil cum potentiore juris humani relinquitur
inopi, at ego ad Deos viudices intolerandae su-
perbiae configiam, et precabor, ut iras suas
vertant in eos, quibus non suae reddiuae res,
non alienae adcumulatae satis sint; quorum sae-
vitiam non mors noxiorum, non deditio exani-
matorum corporum, nou bona sequentia domini
deditioem exfatient; placari qui nequeant, ni-
si hauriendum sanguinem laniandaque viscera no-
sitra praebuerimus. Iustum est bellum, Samni-
tes, quibus necessarium, et pia arma, quibus
nulla nisi in armis relinquitur spes. Proinde,
quum rerum humanarum maximum momentum
fit, quam propitiis rem, quam adversis agant
Diis, pro certo habete, priora bella adversus
Deos magis, quam homines, geffisse; hoc, quod
instat, ducibus ipsis Diis gesturos.

II. Haec, non laeta magis, quam vera,
 vaticinatus, exercitu educto, circa Caudium
 castra, quam potest obcultissime, locat: inde
 ad Calatiam, ubi jam consules Romanos ca-
 straque esse audiebat, milites decem pastorum
 habitu mittit; pecoraque diversos, alium ali-
 bi, haud procul Romanis pascere jubet prae-
 fidiis: ubi inciderint in praedatores, ut idem
 omnibus sermo constet, *legiones Samnitium in*
Apulia esse, Luceriam omnibus copiis circumse-
dere: nec procul abesse, quin vi capiant. Jam
 is etiam rumor, ante de industria vulgatus,
 venerat ad Romanos: sed fidem auxere capti-
 vi, eo maxime, quod sermo inter omnes con-
 gruebat. Haud erat dubium, quin Lucerinis
 opem

opem Romanus ferret, bonis ac fidelibus sociis; simul ne Apulia omnis ad praesentem terrorem deficeret. Ea modo, qua irent, consultatio fuit. Duae ad Luceriam ferebant viae; altera praeter oram superi maris patens aperataque, sed, quanto tutior, tanto fere longior; altera per Furculas Caudinas brevior. Sed ita natus locus est. Saltus duo alti angusti silvosique sunt, montibus circa perpetuis inter se juncti. Jacet inter eos satis patens, clausus in medio, campus, herbidus aquosusque, per quem medium iter est. Sed ante, quam venias ad eum, intrandae primae angustiae sunt, et aut eadem, qua te insinuaveris, retro via repetenda; aut, si ire porro pergas, per alium saltum arctiorem inpedioremque evadendum. In eum campum via alia per cavam rupem, Romani, demisso agmine, quum ad alias angustias protenus pergerent, septas dejectu arborum faxorumque ingentium obiacentem molem invenere. Quum fraus hostilis adparuisse, praesidium etiam in summo saltu conspicitur. Citati inde retro, qua venerant, pergunt repete viam. Eam quoque clausam sua obice armisque inveniunt. Sunt inde gradum sine ullius imperio; stuporque omnium animos, ac velut torpor quidam insolitus membra tenet: intuentesque alii alios (quum alterum quisque compotem magis mentis ac consilii ducerent) diu immobiles silent. Deinde ubi praetoria consulum erigi videre, et expedire quosdam utilia operi, quamquam ludibrio sore munitentes, perditis rebus ac spe omni ademta, cernebant; tanien, ne culpam malis adderent, pro se quisque, nec hortanteullo nec imperante, ad muniendum versi, castra propter aquam vallo circumdant; sua ipsi opera labore inquitum (praeterquam quod

hostes superbe increpabant) cum miserabili confessione eludentes. Ad consules moestos, ne advocantes quidem in consilium, (quando nec consilio nec auxilio locus eslet) sua sponte legati ac tribuni conveniunt: militesque ad praetorium versi, opem, quam vix Dii inmortales ferre poterant, ab ducibus exposeunt.

III. Querentes magis, quam consultantes, nox obpresso, quum pro ingenio quisque fremerent: alius, *per obices viarum*; alius, *per adversa montium*, *per silvas*, *qua ferri arma* poterunt, *eamus*. Modo ad hostem pervenire liceat, quem per annos jam prope triginta vincimus; omnia aequa et plana erunt Romano, in perfidum Samnitem pugnanti. Alius, Quo, aut *qua eamus*? Num montes moliri sede sua paramus? Dum haec inminebunt juga, *qua tu ad hostem venies*? Armati, inermes, fortes, ignavi, pariter omnes capti atque victi sumus. Ne ferrumi quidem ad bene moriendum oblaturus est hostis: sedens bellum conficies. His in vicem sermonibus, *qua cibi*, *qua quietis* immemor, nox traducta est. Ne Samnitibus quidem consilium in tam laetis subpetebat rebus. Itaque universi Herennium Pontium, patrem imperatoris, per literas consulendum censem. Jam is gravis annis non militaribus solum, sed civilibus quoque, abscesserat innumeribus: in corpore tamen adfecto vigebat vis animi consiliique. Is, ubi adcepit, ad Furculas Caudinas inter duos saltus clausos esse exercitus Romanos, consultus ab nuntio filii, censuit, omnes inde quam primum inviolatos dimittendos. Quae ubi spreta sententia est, iterumque, eodem remeante nuntio, consulebatur, censuit, ad unum omnes interficiendos. Quae ubi tam discordia inter se, velut ex anticipi oraculo, responsa data sunt: quamquam filius

filius ipse in primis jam animum quoque patris consenuisse in affecto corpore rebatur; tamen consensu omnium victus est, ut ipsum in consilium adciret. Nec gravatus senex plaustro in castra dicitur advectus, vocatusque in consilium ita ferme loquutus esse, ut nihil sententiae suae mutaret; causas tantum adjiceret: *Priore se consilio, quod optimum duceret, cum potentissimo populo per ingens beneficium perpetuam firmare pacem amicitiamque: altero consilio in multas aetates, quibus, amissis duobus exercitibus, haud facile receptura vires Romana res esset, bellum differre: tertium nullum consilium esse.* Quum filius aliique principes pereunctando exsequerentur, *Quid si media via consilii caperetur, ut et dimitterentur incolumes, et leges iis jure belli victis inponerentur?* *Ista quidem sententia, inquit, ea est, quae neque amicos parat, neque inimicos tollit. Servate modo, quos ignominia irritaveritis. Ea est Romana genus, quae victa quiescere nesciat. Vivet semper in pectoribus illorum, quidquid istuc praesens necessitas inuferit; neque eos ante multiplices poenias expetitas a vobis quiesceret finet.*

IV. Neutra sententia accepta, Illerenniūs domum e castris est avectus. Et in castris Romanis quum frustra multi conatus ad erumpendum capti essent, et jam omnium rerum inopia esset; victi necessitate legatos mittunt, qui primum pacem aequam peterent: si pacem non inpetrarent, uti provocarent ad pugnam. Tum Pontius, debellatum esse, respondit, *et, quoniam ne victi quidem ac capti fortunam sa-teri scirent, inermes cum singulis vestimentis sub jugum missurum: alias conditiones pacis aequas victis ac victoribus fore; si agro Samnitium de- cederetur, coloniae abducerentur, suis deinde*

legibus Romanum ac Samnitem aequo foedere
 victurum. His conditionibus paratum se esse
 foedus cum consulibus ferire: si quid eorum
 displicat, legatos redire ad se vetuit. Haec
 quum legatio renuntiaretur, tantus gemitus
 omnium subito exortus est, tantaque moestitia
 incessit, ut non gravius adepturi viderentur,
 si nuntiaretur, omnibus eo loco mortem ob-
 petendam esse. Quum diu silentium fuisse,
 nec consules aut pro foedere tam turpi, aut
 contra foedus tam necessarium hiscere possent;
 tum L. Lentulus, qui tum princeps legato-
 rum virtute atque honoribus erat, Patrem
 meum, inquit, consules, saepe audivi memoran-
 tem, se in Capitolio unum non fuisse auctorem
 senatui redimenda auro a Gallis civitatis, quan-
 do nec fossa valloque ab ignavissimo ad opera
 ac munieundum hostie clausi essent, et erumpere si
 non sine periculo magno, tamen sine certa per-
 nicio possent. Quod si, ut illis decurrere ex
 Capitolio armatis in hostiem licuit, (quo saepe
 modo obsessi in obsidentes eruperunt) ita nobis
 aequo aut iniquo loco dimicandi tantummodo
 cum hostie copia esset, non mihi paterni animi
 indoles in consilio dando decesset. Evidem mor-
 tem pro patria praeclaram esse fateor: et me
 vel devovere pro populo Romano legionibusque,
 vel in medios me inmittere hostes paratus sum.
 Sed hic patriam video; hic quidquid Romanarum
 legionum est. Quae, nisi pro se ipsis ad
 mortem ruere volunt, quid habent, quod morte
 sua servent? Tecta Vrbis, dicat aliquis, et moe-
 nia, et eam turbam, a qua Vrbs incolitur.
 Immo hercule produntur ea omnia, deleto hoc
 exercitu, non servantur. Quis enim ea tuebi-
 tur? Inbellis videlicet atque iuermis multitudo?
 tam, hercule, quam a Gallorum impetu defen-
 dit, An a Vejis exercitum Camillumque ducem
 inple-

inplorabunt? Hic omnes spes opesque sunt, quas servando patriam servamus: dedendo ad necem patriam deserimus ac prodimus. At foeda atque ignominiosa deditio est. Sed ea caritas patriae est, ut tam ignominia eam, quam morte nostra, si opus sit, servemus. Subeatitur ergo ista, quantacumque est, indignitas; et pareatur necessitati, quam ne Dii quidem superant. Ite, consules, redimite armis civitatem, quam auro maiores vestri redemerunt.

V. Consules profecti ad Pontium in colloquium, quum de foedere victor agitaret, negarunt, injussu populi foedus fieri posse, nec sine fetialibus ceremoniaque alia sollempni. Itaque non, ut vulgo credunt, Claudioisque etiam scribit, foedere pax Caudina, sed per sponsonem, facta est. Quid enim aut sponsoribus in foedere opus esset aut obsidibus, ubi precatione res transigitur? *per quem populum fiat, quo minus legibus dictis sicutur, ut eum ita Jupiter feriat, quemadmodum a fetialibus porcus feriatur.* Spoponderunt consules, legati, quaestores, tribuni militum; nominaque omnium, qui spoponderunt, exstant: ubi, si ex foedere acta res esset, praeterquam duorum fetialium, non exstarent; et propter necessariam foederis dilationem obsides etiam sexcenti equites imperati, qui capite luerent, si pacto non staretur. Tempus inde statutum tradendis obsidibus exercituque inermi mittendo. Redintegravit luctum in castris consulium adventus, ut vix ab iis abstinerent manus, quorum temeritate in eum locum deducti essent; quorum ignavia foedius inde, quam venissent, abituri. *Illis non ducem locorum, non exploratorem fuisse, belluarum modo caecos in foveam missos.* Alii alios intueri, contemplari arma mox tradenda, et inermes futuras dextras;

tras, obnoxiaque corpora hosti. Proponere sibi met ipsi ante oculos jugum hostile, et ludibria victoris, et vultus superbos, et per armatos inermium iter. Inde foedi agminis miserabilem viam, per sociorum urbes reditum in patriam ac parentes, quo saepe ipsi maioresque eorum triumphantes venissent. *Se solos sine vulnere, sine ferro, sine acie victos: sibi non siringere licuisse gladios, non manum cum hostie conferre: sibi nequidquam arma, nequidquam vires, nequidquam animos. datos.* Haec frementibus hora fatalis ignominiae advenit, omnia tristiora experiundo factura, quam quae praeceperant animis. Jam primum cum singulis vestimentis inermes extra vallum exire jussi, et primi traditi obsides atque in custodiam abducti. Tum a consulibus abire lictores jussi paludamentaque detracta: tantam inter ipsos, qui, paullo ante eos execrantes, dedendos lacerandosque censuerant, miserationem fecit, ut, suae quisque conditionis oblitus, ab illa deformatione tantae maiestatis, velut ab nefando spectaculo, averteret oculos.

VI. Primi consules prope seminudi sub jugum missi: tum, ut quisque gradu proximus erat, ita ignominiae objectus: tum deinceps singulae legiones. Circumstabant armati hostes, exprobrantes eludentesque: gladii etiam plerisque intentati: et vulnerati quidam necatique, si vultus eorum indignitate rerum acrior victorem offendisset. Ita traducti sub jugum, et, quod paene gravius erat, per hostium oculos. Quum e saltu evasissent, etsi, velut ab inferis extracti, tum primum lucem adspicere visi sunt, tamen ipsa lux ita deforme intuentibus agmen omni morte tristior fuit. Itaque, quum ante noctem Capuam peryenire posset;

sent; incerti de fide sociorum, et quod pudor
praepediebat, circa viam haud procul Capua
omnium egeni corpora humi prostraverunt.
Quod ubi est Capuam nuntiatum, evicit mi-
seratio justa sociorum superbiam ingeuitam
Campanis. Confestim insignia sua consulibus,
fasces, lictores, arma, equos, vestimenta,
commeatus militibus benigne mittunt: et ve-
nientibus Capuam cunctus senatus populisque
obviam egressi, justis omnibus hospitalibus
privatisque et publicis funguntur officiis: ne-
que illis sociorum comitas vultusqne benigni
et adloquia non modo sermonem elicere, sed
ne, ut oculos quidem adtollerent, aut confo-
lantes amicos contra intuerentur, efficere po-
terant. Adeo super moerorem pudor quidam
fugere conloquia et coetus hominum cogebat.
Postero die quin juvenes nobiles, missi a Ca-
puia, ut proficiscentes ad finem Campanum
prosequerentur, revertissent, vocatique in cu-
riam percunctantibus majoribus natu, *multo*
sibi moestiores et abjectionis animi visos, refer-
rent; adeo silens, ac prope mutum agmen *in-*
cessisse: tacere indolem illam Romanam, abla-
tosque cum armis animos. Non reddere salu-
tem, non salutantibus dare responsum, non
hiscere quemquam praec metu potuisse, tamquam
ferentibus adhuc cervicibus jugum, sub quo emis-
si essent. Habere Sammites victoriam, non praec-
claram solum, sed etiam perpetuam. Cepisse
enim eos non Romanam, sicut ante Gallos, sed,
quod multo bellicosius fuerit, Romanam virtu-
tem ferociamque.

VII. Quum haec dicerentur audirentur-
que, et deploratum paene Romanum nomen
in concilio sociorum fidelium esset; dicitur
Oflius Calavius, Ovii filius, clarus genere
factisque, tum etiam aetate verendus, longe
ali-

aliter se habere rem dixisse: *Silentium illud obsinatum, fixosque in terram oculos, et surdas ad omnia solatia aures, et pudorem intuendae lucis, ingentem molem irarum ex alto animi scientis iudicia esse: aut Romana se ignorare ingenia, aut silentium illud Samnitibus flebiles brevi clamores gemitusque excitaturum; Caudinaeque pacis aliquanto Samnitibus, quam Romanis, tristiorum memoriam fore. Quippe suos quemque eorum animos habiturum, ubicumque congressuri sunt: saltus Caudinos non ubique Samnitibus fore.* Jam Romae etiam sua infamis clades erat. Obsessos primum audierunt: tristior deinde ignominiosae pacis magis, quam periculi, nuntius fuit. Ad famam obsidionis delectus haberri coepitus erat: diniussus deinde auxiliorum adparatus, postquam ditionem tam foede factam adceperunt; extemploque sine ulla publica auctoritate consensum in omnem formam luctus est. Tabernae circa forum clausae, justitiumque in foro sua sponte coeptum prius, quam indictum: lati clavi, annuli aurei positi; paene moestior exercitu ipso civitas esse: nec ducibus solum atque auctoribus sponsoribusque pacis irasci, sed innoxios etiam milites odisse, et negare Vrbe teatisve adciendos. Quam concitationem animorum fregit adventus exercitus, etiam iratis miserabilis. Non enim tamquam in patriam revertentes ex insperato incolumes, sed captorum habitu vultuque ingressi fero in Vrbem, ita se in suis quisque tectis abdiderunt, ut posterio atque insequentibus diebus nemo eorum forum aut publicum adspicere vellet. Consules, in privato abditi, nihil pro magistratu agere, nisi quod expressum senatus consulto est, ut dictatorein dicere comitorum causa. Q. Fabium Ambustum dixerunt, et P. Aelium Pae-

Paetum magistrum equitum. Quibus vitio creatis, subfecti M. Aemilius Papus dictator, L. Valerius Flaccus magister equitum. Nec per eos comitia habita: et, quia taedebat populum omnium magistratum ejus anni, res ad interregnum rediit. Interreges Q. Fabius Maximus, M. Valerius Corvus. Is consules creavit Q. Publilium Philonem et L. Papirium Curforem iterum, haud dubio consensu civitatis, quod nulli ea tempestate duces clariores essent.

VIII. Quo creati sunt die, eo (sic enim placuerat Patribus) magistratum inierunt, sollempnibusque senatus consultis perfectis, de pace Caudina retulerunt. Et Publilius, penes quem fasces erant, *Dic Sp. Postumi*, inquit. Qui ubi surrexit, eodem illo vultu, quo sub jugum missus erat, *Haud sum ignarus*, inquit, *consules, ignominiae, non honoris causa me pri-
num excitatum jussumque dicere, non tamquam
senatorem, sed tamquam reum qua infelicitis bel-
li, qua ignominiosae pacis. Ego tamen, quan-
do neque de noxa nostra neque de poena retuli-
sis, omissa defensione, quae non difficillima es-
set apud haud ignaros fortunarum humanarum
necessitatumque, sententiam de eo, de quo retu-
listis, paucis peragam. Quae sententia testis
erit, mihine, an legionibus vestris peperceterim,
quum me seu turpi seu necessaria sponsione ob-
strinxi. Qua tamen, quando injussu populi fa-
cta est, non tenetur populus Romanus; nec quid-
quam ex ea, praeterquam corpora nostra, de-
bentur Samnitibus. Dedamur per fetiales nudi-
vinctique: exsolvanus religione populum, si qua
obligavimus; ne quid divini humanive obfiet,
quo mihius justum piumque de integro ineatur
bellum. Interea consules exercitum scribere, ar-
mare, educere placet; nec prius ingredi hostium
fines,*

fines, quam omnia justa in deditio[n]em nostram perfecta erunt. Vos, Dii immortales, precor quae[re]oque, si vobis non fuit cordi, Sp. Postumium, T. Veturiu[m] consules cum Samnitibus prospere bellum gerere, at vos satis habeatis, vidisse nos sub jugum missos, vidisse sponsione infami obligatos, videre nudos viu[t]osque hostibus deditos, omnem iram hostium nostris capitibus excipientes. Novos consules legionesque Romanas ita cum Samnite gerere bellum velitis, ut omnia ante nos consules bella gesta sunt.

Quae ubi dixit, tanta simul admiratio miseratione[re] viri incessit omnes, ut modo vix crederent, illum eundem esse Sp. Postumium, qui auctor tam foedae pacis fuisset: modo miserantur, quod vir talis etiam praecipuum apud hostes subplicium passurus esset ob iram dirematae pacis. Quum omnes, laudibus modo prosequentes virum, in sententiam ejus pedibus irent; tentata paullisper intercessio est ab L. Livio et Q. Maelio, tribunis plebis, qui, neque exsolvi religione populum, ajebant, *deditio[n]e sua, nisi omnia Samnitibus, qualia apud Caudium fuissent, restituerentur; neque se pro eo, quod, spoudendo pacem, servassent exercitum populi Romani, poenam ullam meritos esse; neque ad extremum, quum sacrosancti essent, dedi hostibus violarive posse.*

IX. Tum Postumius, *Interea dedito, inquit, profanos nos, quos salva religione potestis: dedetis deinde et istos sacrosanctos, quum primum magistratu abierint; sed, si me audiat, prius, quam dedantur, hic in comitio virgis caesos, hanc jam ut intercalatae poenae usuram habeant. Nam quod deditio[n]e nostra negant exsolvi religione populum, id istos magis, ne dedantur, quam quia ita se res habeat, dicere, quis adeo juris fetialium expers est, qui igno-*

ignoret? Neque ego infitias eo, Patres conscripti, tam sponsiones quam foedera sancta esse apud eos homines, apud quos juxta divinas religiones fides humana colitur: sed injussu populi nego quidquam sancti posse, quod populum teneat. An, si eadem superbia, qua sponzionem istam expresserunt nobis Samnites, coegerint nos verba legitima deditum urbem nuncupare, deditum populum Romanum vos tribuni diceretis, et hanc urbem, templa, delubra, fines, aquas, Samnitium esse? Omitto dditionem, quoniam de sponziona agitur. Quid tandem, si sponzio diffensus, urbem hanc relictum populum Romanum? si incensurum? si magistratus, si senatum, si leges non habiturum? si sub regibus futurum? Dii meliora! inquis. Atqui non indig-
nitas rerum sponzionis vinculum levat. Si quid est, in quod obligari populus possit, in omnia potest. Et ne illud quidem, quod quosdam for-
sitan moveat, refert, consul, an dictator, an praetor sponzonderit. Et hoc ipsi etiam Samni-
tes judicaverunt, quibus non fuit satis consules spondere, sed legatos, quaestores, tribunos mil-
litum spondere coegerunt. Nec a me nunc quis-
quam quaesiverit, quid ita sponzonderim? quum id nec consulis jus esset; nec illis spondere pa-
cem, quae mei non erat arbitrii, nec pro vobis,
qui nihil mandaveratis, possem. Nihil ad Cau-
dium, Patres conscripti, humanis consiliis ge-
stum est. Dii immortales et vestris et hostium imperatoribus mentem ademerunt. Nec nos in bello satis cavimus; et illi male partam victori-
am male perdidierunt, dum vix locis, quibus vi-
cerant, credunt, dum quacunque conditione arma viris in arma natis auferre festinant. An,
si sana mens fuisset, difficile illis fuit, dum se-
nes ab domo ad consultandum arecessunt, mittere

Romam legatos? cum senatu, cum populo, de pace ac foedere agere? Tridui iter expeditis erat. Interea in induciis res fuisset; donec ab Roma legati aut victoriam illis certam, aut pacem adferrent. Ea demum sponsio esset, quam populi jussu spopondissimus. Sed neque vos tulissetis, nec nos spopondissimus: nec fas fuit alium rerum exitum esse, quam ut illi, velut somnio laetiore, quam quod mentes eorum capere possent, nequidquam eluderentur; et nostrum exercitum eadem, quae inpedierat, fortuna expediret: vanam victoriam vanior irritam faceret pax; sponsio interponeretur, quae neminem, praeter sponsorem, obligaret. Quid enim vobiscum, Patres conscripti, quid cum populo Romano actum est? Quis vos adpellare potest? quis se a vobis dicere deceptum? hostis? an civis? Hosli nihil spopondistis: civem neminem spondere pro vobis jussistis. Nihil ergo vobis nec nobiscum est, quibus nihil mandatis; nec cum Samnitibus, cum quibus nihil egistis. Samnitibus sponsores nos sumus, rei satis locupletes. In id, quod nostrum est; in id, quod praestare possumus, corpora nostra et animos; in haec jaeviant, in haec ferrum, in haec iras acuant. Quod ad tribunos adtinet, consulite, utrum praesens deditio eorum fieri possit, an in diem differatur. Nos interim, T. Veturi, vosque ceteri, vilia haec capita luedae sponsionis feramus, et nostro subplicio libremus Romana arma.

X. Movit Patres conscriptos tum causa, tum auctor; nec ceteros solum, sed tribunos etiam plebei, ut se in senatus dicerent fore potestate. Magistratu inde se extemplo abdicaverunt, traditique fetialibus cum ceteris Caudium ducendi. Hoc facto senatus consulto, lux quaedam adfulsisse civitati visa est.

Postu-

Postumius in ore erat; cum laudibus ad coelum ferebant: devotioni P. Decii consulis, aliis claris facinoribus aequabant. *Emerisse civitatem ex obnoxia pace illius consilio et opera: ipsum se cruciatibus et hostium irae offerre, piaculaque pro populo Romano dare.* Arma cuncti spectant et bellum. *En unquam futurum, ut congregandi armatis cum Samnite liceat?* In civitate, ira odioque ardente, delectus prope omnium voluntariorum fuit. Rescriptae ex eodem milite novae legiones, ductusque ad Caudiu[m] exercitus. Praegressi fetiales, ubi ad portam venere, vestem detrahi pacis sponsoribus jubent, manus post tergum vinciri. Quin adparitor verecundia majestatis Postumium laxe vinciret, *Quin tu, inquit, adducis lorum, ut justa fiat deditio?* Tum, ubi in coetum Samnitium et ad tribunal ventum Pontii est, A. Cornelius Arvina fetialis ita verba fecit: *Quandoque hinc homines injussu populi Romani Quiritium foedus ictum iri spoponderunt, atque ob eam rem noxam nocuerunt; ob eam rem, quo populus Romanus scelere inpio sit solutus, hosce homines vobis dedo.* Haec dicenti fetiali Postumius genu femur, quanta maxime poterat vi, perculit, et clara voce ait, *se Samnitem civem esse, illum legatum; fetiali a se contra jus gentium violatum; eo iustius bellum gesturos.*

XI. Tum Pontius, *Nec ego istam deditiolum adcipiam, inquit, nec Samnites ratam habebunt.* *Quin tu, Sp. Postumi, si Deos esse censes, aut omnia inrita facis, aut pacto stas?* Samniti populo omnes, quos in potestate habuit, aut pro eis pax debetur. Sed quid ego te adpello, qui te captum victori, cum quia potes fide, restituis? Populum Romanum adpello; quem si sponsionis ad Furculas Caudinas

nas factae pocuitet, restituat legiones intra sal-
 tum, quo septae fuerunt. Nemo quemquam de-
 cuperit: omnia pro insecto sunt; recipiant ar-
 ma, quae per pactionem tradiderunt, redeant
 in casula sua. Quidquid pridie habuerunt, quam
 in conloquium est ventum, habeant. Tum bel-
 lum et sortia consilia placeant, tunc sponsio et
 pax repudetur. Ea fortuna, iis locis, quae
 ante pacis mentionem habuimus, geramus bel-
 lum: nec populus Romanus consulum sponsio-
 nem, nec nos fidem populi Romani invenimus.
 Numquamne causa defiet, cur victi pacto non
 stetis? Obsides Porcius dediisse; furto eos sub-
 duxisse: auro civitatem a Gallis redemissis; in-
 ter adcipiendum autrum caesi sunt: pacem no-
 biscum pepigisti, ut legiones vobis captas resti-
 tueremus; eam pacem iuritam facitis, et semper
 aliquam fraudi speciem juris imponitis. Non
 probat populus Romanus ignorinosa pace le-
 giones servatas? Paccur sibi habeat, legiones
 captas victori restituat: hoc fide, hoc foederi-
 bus, hoc fetiilibus ceremoniis dignum erat. Ut
 tu quidem, quod petisti, per pactionem habeas,
 tot cives incolumes; ego pacem, quam hosti ti-
 bi remittendo pactus sum, non habeam; hoc tu,
 A. Corneli, hoc vos, fetiales, juris gentibus
 dicitis? Ego vero istos, quos dedi similatis, nec
 adcipio. nec dedi arbitror; nec moror, quo mi-
 nus in civitatem obligatam sponsione commissa,
 iratis omnibus Diis, quorum eluditur numen,
 redeant. Gerite bellum, quando Sp. Postumius
 modo legatum fetiale genu perculit. Ita Dii
 credent, Samitem civem Postumium, non ci-
 vem Romanum esse, et a Samnite legatum Ro-
 manum violatum. Eo vobis juslum in nos fa-
 ctum esse bellum. Haec ludibria religionum non
 pudere in lucem proferre? et vix pueris dignas
 amba-

ambages senes ac consulares fallendae fidei exquirere? I, lictor, deme vincla Romanis: nioratus sit nemo, quo minus, ubi visum fuerit, abeant. Et illi quidem, forsitan et publica, suta certe liberata fide, ab Caudio in castra Rómiana inviolati redierunt.

XII. Samnitibus, pro superba pace infestissimum cernentibus renatum bellum, omnia, quiae deinde venerunt, non in animis solum, sed prope in oculis esse: et sero ac nequidquam laudare senis Pontii utraque consilia; inter quae se media labios victoriae possessionem pace incerta mutasse, et, beneficij et maleficij occasione amissa, pugnaturos cum eis, quos potuerint in perpetuum vel inimicos tollere, vel amicos facere. Adeoque, nullo dum certamine inclinatis viribus, post Caudinam pacem animi mutaverant, ut clariorem inter Romanos deditio Postumium, quam Pontium incruenta Victoria inter Samnites, faceret: et geri posse bellum Romani pro victoria certa haberent, Samnites simul rebellasse et vicisse crederent Romanum. Inter haec Satricani ad Samnites defecerunt, et Fregellae colonia nec opinato adventu Sannitium (fuisse et Satricanos cum iis fatis constat) nocte obcepata est. Timor inde mutuus utrosque usque ad lucem quietos tenuit: lux pugnae initium fuit; quam aliquamdiu aequam, et quia pro aris ac focis dimicabatur, et quia ex tectis adjuvabat inbellis multitudo, tamen Fregellani sustinuerunt. Fraus deinde rem inclinavit, quod vocem audiendi praeconis passi fuit, *Incolumem abiturum, qui arma posuisset.* Ea spes remisit a certaine animos, et passim arma jactari coepit. Pertinacior pars armata per aversam portam erupit; tutiorque eis audacia fuit, quam incautus ad credendum ceteris pavore: quos

circumdatos igni, nequidquam Deos fidemque invocantes, Samnites concremaverunt. Consules, inter se partiti provincias, Papirius in Apuliam ad Luceriam pergit, ubi equites Romani obfides ad Caudium dati custodiebantur: Publilius in Samnio substitut adversus Caedinas legiones. Distendit ea res Samnitium animos; quod nec ad Luceriam ire, ne ab tergo instaret hostis, nec manere, ne Luceria interim amitteretur, fatis audebant. Optimum visum est committere rem fortunae, et transigere cum Publilio certamen. Itaque in aciem copias educunt.

XIII. Adversus quos Publilius consul quum dimicaturus esset, prius adloquendos milites ratus, concionem advocari jussit. Ceterum sicut ingenti alacritate ad praetorium concursum est, ita piae clamore poscentium pugnam nulla adhortatio imperatoris audita est. Suus cuique animus memor ignominiae adhortator aderat. Vadunt igitur in proelium urguentes signiferos: et, ne mora in concursu pilis emitendis stringendisque inde gladiis esset, pila, velut dato ad id signo, abjiciunt, strictisque gladiis cursu in hostem feruntur. Nihil illic imperatoriae artis ordinibus aut subsidiis locandis fuit: omnia ira militaris prope vesano in petu egit. Itaque non fusi modo hostes sunt; sed, ne castris quidem suis fogam impedire ausi, Apuliam dissipati petiere: Luceriam tamen, coacto rursus in unum agmine, est perventum. Romanos ira eadem, quae per medium aciem hostium tulerat, et in castra pertulit. Ibi plus, quam in acie, sanguinis ac caedis factum, praedaeque pars major ira corrupta. Exercitus alter cum Papirio consule locis maritimis pervenerat Arpos per omnia pacata, Samnitium magis injuriis et odio, quam benefi-

neficio ullo populi Romani. Nam Samnites, ea tempestate in montibus vicatim habitantes, campestria et maritima loca, contemto cultorum molliore atque, ut evenit fere, locis simili genere, ipsi montani atque agrestes de-populabantur. Quae regio si sida Samnitibus fuisset, aut pervenire Arpos exercitus Romanus nequisset, aut interjecta inter Romam et Arpos, penuria rerum omnium, exclusos a commeatibus absumisset. Tum quoque prefectos inde ad Luceriam, juxta obsidentes obfessosque, inopia vexavit. Omnia ab Arpis Romanis subpeditabantur; certum adeo exigue, ut militi, obcupato stationibus vigiliisque et opere, eques folliculis in castra ab Arpis frumentum veheret; interdum obcursu hostium cogeretur, abjecto ex equo frumento, pugnare. Et obfessis prius, quam alter consul victore exercitu advenit, et commeatus ex montibus Samnitium inventi erant, et auxilia intromissa. Arctiora omnia adventus Publilii fecit; qui, obfitione delegata in curam conlegae, vacuus per agros cuncta infesta commeatibus hostium fecerat. Itaque quum spes nulla esset, diutius obfessos inopiam laturos, coacti Samnites, qui ad Luceriam castra habebant, undique contractis viribus, signa cum Papirio conferre.

XIV. Per id tempus, parantibus utrisque se ad proelium, legati Tarentini interveniunt, denuntiantes Samnitibus Romanisque, ut bellum omitterent. Per utros stetisset, quo minus discederetur ab armis, adversus eos se pro alteris pugnaturos. Ea legatione Papirius audita, perinde ac motus dictis eorum, cum conlega se communicaturum respondit: adictoque eo, quum tempus omne in adparatu pugnae consumisset, conloquutus de re haud

dubia, signum pugnae proposuit. Agentibus divina humanaque, quae adsolent, quum acie dimicandum est, consulibus, Tarentini legati obcurfare, responsum exspectantes, quibus Papirius ait: *Auspicia secunda esse, Tarentini, pullarius nuntiat; litatum praeterea est egregie. Auctoribus Diis, ut videtis, ad rem gerendam proficisci mus*. Signa inde ferri iussit, et copias eduxit, vanissimam increpans gentem, quae, suarum inpotens rerum prae domesticis seditionibus discordiisque, aliis modum pacis ac belli facere aequum censeret. Samnites ex parte altera, quini omnem curam belli remisissent, quia aut pacem vere cupiebant, aut expediebat similare, ut Tarentinos sibi conciliarent, quum instructos repente ad pugnam Romanos conspexissent, vociferari, *se in auctoritate Tarentinorum manere, nec descendere in aciem, nec extra vallum arma ferre. Deceptos potius, quodcumque casus ferat, passuros, quam ut sprevisse pacis auctores Tarentinos videantur. Adcipere se omen, consules ajunt, et eam precari mentem hostibus, ut ne vallum quidem defendant*. Ipsi, inter se partitis copiis, subcedunt hostium munimentis, et, simul undique adorti, quum pars fossas explerent, pars vellerent vallum atque in fossas proruerent, nec virtus modo insita, sed ira etiam, exulceratos ignominia stimularet animos, castra invadere: et pro se quisque, *non haec furculas, nec Caudium, nec saltus invios esse, ubi errorem frons superbe vicisset; sed Romanam virtutem, quam nec vallum, nec fossae arcerent, memorantes, caedunt pariter resistentes fusosque, inermes atque armatos, servos, liberos, puberes, inpuberes, homines, jumentaque. Nec ullum superfluisse animal, cui consules receptui signum dedissent, avidos-* que

que caedis milites e castris hostium imperio ac minis expulissent. Itaque apud infensos ob interpellatam dulcedinem irae confessim oratio habita est, ut doceretur miles, *minime cuiquam militum consules odio in hosties cessisse, aut cessuros: quin duces, sicut belli, ita insatiabilis subplicii, futuros fuisse, ni respectus equitum sexcentorum, qui Luceriae obfides tenerentur, praepedisset animos; ne desperata venia hostes caecos in subplicia eorum ageret, perdere prius, quam perire, optantes.* Laudare ea milites, laetarique obviam itum irae suae esse, ac fati- ri, omnia patienda potius, quam proderetur salus tot principum Romanae juventutis.

XV. Dimissa concione, consilium habi- tum, omnibusne copiis Luceriam premerent, an altero exercitu et duce Apuli circa, gens dubiae ad id voluntatis, tentarentur. Publi- lius consul, ad peragrandam profectus Apu- liam, aliquot expeditione una populos aut vi subegit, aut conditionibus in societatem ad- cepit. Papirio quoque, qui obfessor Luceriae restiterat, brevi ad spem eventus respondit. Nam, infessis omnibus viis, per quas com- meatus ex Samnio subvehabantur, fame do- miti Samnites, qui Luceriae in praefidio erant, legatos misere ad consulem Romanum, ut, re- ceptis equitibus, qui causa belli essent, absi- steret obfidione. His Papirius ita respoudit: *Debuisse eos Pontium, Herennii filium, quo auctore Romanos sub jugum mississent, consulere, quid victis patiendum censeret.* Ceterum, quo- niam ab hostibus in se aequa statui, quam in se ipsi ferre, maluerint, nuntiare Luceriam jussit, arma, sarcinas, jumenta, multitudinem omnem inbellem intra moenia relinquenter; militem se- cum singulis vestimentis sub jugum missurum, ulciscentem inlatam, non novam inferentem igno- miniam.

miniam. Nihil recusatum. Septem millia militum sub jugum missa, praedaque ingens Luceriae capta, receptis omnibus signis armisque, quae ad Caudium amiserant; et, quod omnia superabat gaudia, equitibus recuperatis, quos pignora pacis custodiendos Luceriani Samuites dederant. Haud ferme alia mutatione subita rerum clarior Victoria populi Romani est: siquidem etiam (quod quibusdam in annalibus invenio) Pontius, Herennii filius, Samnitum imperator, ut expiaret consulum ignominiam, sub jugum cum ceteris est missus. Ceterum id minus miror, obscurum esse de hostium duce dedito missaque sub jugum: id magis mirabile est, ambigi, Luciusne Cornelius dictator cum L. Papirio Curfore, magistro equitum, eas res ad Caudium atque inde Luceriam gesserit, ultiorque unicus Romanae ignominiae, haud sciam an justissimo triumpho ad eam aetatem secundum Furium Camillum, triumphaverit, an consulum Papirium praecipuum id decus sit. Sequitur hunc errorrem alius error, Curforne Papirius proximis comitiis cum Q. Aulio Cerretano iterum, ob rem bene gestam Luceriae continuato magistratu, consul tertium creatus sit, an L. Papirius Mugillanus, et in cognomine erratum sit.

XVI. Convenit, jam inde per consules reliqua belli perfecta. Aulus cum Ferentinis uno secundo proelio debellavit; urbemque ipsam, quo se fusa contulerat acies, obsidibus imperatis, in ditionem adcepit. Parri fortuna consulum alter cum Satricanis, qui cives Romani post Caudinam cladem ad Samuites defecerant, praefidiumque eorum in urbem adceperant, rem gescit. Nam quum ad moenia Satrici admotus esset exercitus, legatisque, missis ad pacem cum precibus petendam, tri-

ste responsum ab consule redditum esset, nisi praefidio Samnitium imperfecto aut tradito, ne ad se remearent: plus ea voce, quam armis inlatis, terroris colonis injectum. Itaque subinde exsequentes quaerendo a consule legati, quoniam se pacto paucos et infirmos crederet praefidio tam valido et armato vim adlaturos, ab iisdem consilium petere jussi, quibus auctoribus praefidium in urbem adcepissent, discedunt: aegreque impetrato, ut de ea re consuli senatum responsaque ad se referri sineret, ad suos redeunt. Duae factiones senatum distinebant; una, cujus principes erant defectio-
nis a populo Romano auctores; altera, fidelium civium. Certatum ab utrisque tamen est, ut ad reconciliandam pacem consuli opera navaretur. Pars altera (quum praefidium Samnitium, quia nihil satis praeparati erat ad obsidionem tolerandam, excessurum proxima nocte esset) enuntiare consuli satis habuit, qua noctis hora, quaque porta, et quam in viam egressurus hostis foret. Altera, quibus invitis descitum ad Samnites erat, eadem nocte portam etiam consuli aperuerunt, armatosque clam hostes in urbem adceperunt. Ita dupli-
cione et praefidium Samnitium, infessis circa viam silvestribus locis, nec opinato ob-
pressum est, et ab urbe plena hostium clamor sublatus; momentoque unius horae caelus Samnis, Satricanus captus, et omnia in potestate consulis erant. Qui, quaestione habita,
quorum opera defectio esset facta, quos fontes comperit, virgis caefos securi percussit: praefidioque valido inposito, arma Satricanis ade-
mit. Inde ad triumphum decessisse Romanum Papirium Cursorem scribunt, qui eo duce Lu-
ceriam receptam Samnitesque sub jugum mil-
los auctores sunt. Et fuit vir haud dubie dig-
nus

nus omni bellica laude, non animi solum vi-
gore, sed etiam corporis viribus excellens.
Praecipua pedum pernicietas inerat, quae
cognouem etiam dedit. victoremque cursu
omnium aetatis suae fuisse ferunt, et, seu vi-
rium vi, seu exercitatione multa, cibi vini-
que enidem capacissimum: nec cum ullo aspe-
riorem (quia ipse invicti ad laborem corporis
esset) fuisse militiam pediti pariter equitique.
Equites etiam aliquando ausos ab eo petere,
ut sibi pro re bene gesta laxaret aliquid labo-
ris: quibus ille, *Ne nihil remissum dicatis, re-
mitto, inquit, ne utique dorsum demulceatis,
quum ex equis descendetis.* Et vis erat in eo
viro imperii ingens pariter in socios civesque.
Praeneftinus praetor per timorem segnius ex
subsidiis suis duxerat in primam aciem. Quem
quum inambulans ante tabernaculum vocari
jussisset, lictorem expedire securim jussit. Ad
quam vocem exanimi stante Praeneftino, *Age-
dum, lictor, excide radicem hanc*, inquit, *in-
commodam ambulantibus:* perfusumque ultimi
subplicii metu, muleta dicta, dimisit. Haud
dubie illa aetate, qua nulla virtutum feracior
fuit, nemo unus erat vir, quo magis innisa-
res Romana staret. Quin eum parem desti-
nant animis Magno Alexandro ducem, si ar-
ma, Asia perdonita, in Europam vertisset.

XVII. Nihil minus quaesitum a principio
hujus operis videri potest, quam ut plus justo
ab rerum ordine declinarem, varietatibusque
distinguendo opere, et legentibus velut dever-
ticula amoena, et requiem animo meo quae-
rerem: tamen tanti regis ac ducis mutatio, qui-
bus saepc tacitis cogitationibus volutavit ani-
mum, eas evocat in medium; ut quaerere li-
beat, quinam eventus Romanis rebus; si cum
Alexandro foret bellatum, futurus fuerit.

Plurimum in bello pollere videntur militum copia et virtus, ingenia imperatorum, fortuna per omnia humana, maxime in res bellicas, potens. Ea, et singula intuenti et universa, sicut ab aliis regibus gentibusque, ita ab hoc quoque, facile praestant invictum Romanum imperium. Jam primum, ut ordinar ab ducibus comparandis, haud equidem ab uno, egregium ducem fuisse Alexandrum; sed clarior tamen cum facit, quod unus fuit. quod adolescens, in incremento rerum, non dum alteram fortunam expertus, decessit. Ut alios reges claros ducesque omissam, magna exempla casuum humorum; Cyrum, quem maxime Graeci laudibus celebrant, quid, nisi longa vita, sicut Magnum modo Pompejum, vertenti praebuit fortunae? Recenseam duces Romanos, nec omnes omnium aetatum, sed ipsos eos, cum quibus consulibus aut dictatoribus Alexandro fuit bellandum; M. Valerium Coryum, C. Marcum Rutilum, C. Sulpicium, T. Manlium Torquatum, Q. Publiliun Philonem, L. Papirium Cursolem, Q. Fabium Maximum, duos Decios, L. Volviniun, M'. Curiun. Deinceps ingentes sequuntur viri, si Punicum Romano praevertisset bellum, seniorque in Italiam trajecisset. Horum in quolibet tum indoles eadem, quae in Alexandro erat, animi ingenique; tum disciplina militaris, jam inde ab initiis Urbis tradita per manus, in artis perpetuis praeceps ordinatae modum venerat. Ita reges gesserant bella; ita deinde exactores regum Junii Valeriique; ita deinceps Fabii, Quintii, Cornelii; ita Furius Camillus, quem juvenes ii, quibus cum Alexandro dimicandum erat, senem viderant. Militaria opera pugnando obeunti Alexandro (nam ea quoque

hand minus clarum eum faciunt) cessisset videlicet in acie oblatus par Manlius Torquatus, aut Valerius Corvus, insignes ante milites, quam duces: cessissent Decii, devotis corporibus in hostem ruentes: cessisset Papirius Cursor, illo corporis robore, illo animi: vixus esset consiliis juvenis unius, ne singulos nominem, senatus ille, quem qui *ex regibus constare* dixit, unus veram speciem Romani senatus cepit: Id vero erat periculum, ne solerti, quani quilibet unus ex iis, quos nominavi, castris locum caperet, commeatus expediret, ab insidiis praecaveret, tempus pugnae deligeret, aciem instrueret, subfidiis firmaret. Non cum Dario rem esse dixisset; quem, mulierum ac spadonum agmen trahentem, inter purpuram atque aurum, oneratum fortunae adparatibus suae, praedam verius, quam hostem, nihil aliud quam bene ausus vanâ contemnere, ineruentus devicit. Longe alias Italiae, quam Indiae, per quam temulento agmine conuillabundus incessit, visus illi habitus esset, saltus Apuliae ac montes Lucanos cernenti et vestigia recentia domesticae cladis, ubi avunculus ejus nuper Epiri rex Alexander absimus erat.

XVIII. Et loquimur de Alexandro nondum mero secundis rebus, quarum nemo intolerantior fuit. Qui, si ex habitu novae fortunae novique, ut ita dicam, ingenii, quod sibi vixor induerat, spectetur; Dario magis similis, quam Alexandro, in Italiam venisset, et exercitum Macedoniae oblitum degenerans, temque iam in Persarum mores adduxisset. Referre in tanto rege piget superbam mutationem vestis et defideratas humi jacentium adulaciones, etiam victis Macedonibus graves, nedium victoribus; et foeda supplicia, et inter vinum

vinum et epulas caedes amicorum, et vanitatem ementienda stirpis. Quid, si vini amor in dies fieret acrior? quid, si trux ac praeservida ira? (nec quidquam dubium inter scriptores refero) nullane haec damna imperatoriis virtutibus ducimus? Id vero periculum erat, quod levissimi ex Graecis, qui Parthorum quoque contra nomen Romanum gloriae favent, dictitare solent, ne majestatem nominis Alexandri (quem ne fama quidem illis nostrum arbitror fuisse) sustinere non potuerit populus Romanus, et, adversus quem Athenis, in civitate fracta Macedonum armis, cernente tum maxime prope fumantes Thebarum ruinas, concionari libere ansi sint homines, (id quod ex monumentis orationum patet) adversus eum nemo ex tot proceribus Romanis vocem liberam missurus fuerit. Quantalibet magnitudo hominis concipiatur animo, unius tamen ea magnitudo hominis erit, conlecta paullo plus decem annorum felicitate: quam qui eo extollunt, quod populus Romanus, et si nullo bello, multis tamen proeliis victus sit, Alexandro nullius pugnae non secunda fortuna fuerit, non intelligunt, se hominis res gestas et ejus juvenis cum populi iam octingentesimum bellantis annum rebus conferre. Mirerur, si, quum ex hac parte saecula plura numerentur, quam ex illa anni, plus in tam longo spatio, quam in aetate tredecim annorum, fortuna variaverit? Quin tu hominis cum homine; et ducis cum duce, fortunam cum fortuna confers? Quot Romanos duces nominem, quibus numquam adversa fortuna pugnae fuit? Paginas in annualibus magistratum fastisque percurrere licet, consulum, dictatorumque, quorum nec virtutis, nec fortunae ullo die populum Romanum poenituit. Et,

Et, quo sint mirabiliores, quam Alexander aut quisquam rex, denos vicenosque dies quidam dictatoram, nemo plus quam annum consulatum gessit: ab tribunis plebis delectus impediti sunt: post tempus ad bella ierunt: ante tempus comitiorum causa revocati sunt: in ipse conatu rerum circumegit se annus: conlegae nunc temeritas, nunc pravitas, impedimento aut damno fuit: male gestis rebus alterius subcessum est: tironem aut mala disciplina institutum exercitum adeperunt. At, Hercule, reges, non liberi solum impedimentis omnibus, sed domini rerum temporumque, trahunt consiliis cuncta, non sequuntur. Invictus ergo Alexander cum invictis ducibus bella gessisset, et eadem fortunae pignera in discrimen detulisset... Immo etiam eo plus periculi subisset, quod Macedones unum Alexandrum habuissent, multis casibus non solum obnoxium, sed etiam obferentem se: Romanis multi fuissent, Alexandro, vel gloria, vel rerum magnitudine, pares; quorum suo quisque fato, sine publico discriminine, viveret morereturque.

XIX. Restat, ut copiae copiis comparentur vel numero, vel militum genere, vel multitudine auxiliorum. Censebantur ejus aetas lustris ducena quinquagena millia capitum. Itaque, in omni defectione sociorum Latini nominis, urbano prope delectu decem scriebabantur legiones. Quaterni quinique exercitus saepe per eos annos in Etruria, in Vmbria, Gallis hostibus adjunctis, in Samnio, in Lucanis gerebant bellum. Latium deinde omne cum Sabinis et Volscis et Aequis et omni Campania et parte Vmbriae Etruriaeque et Picentibus et Marsis Pelignisque, ac Vestinis atque Apulis, adjunctaque omni ora Graecorum inferi maris a Thuriis, Neapolim et Cumas, et inde

inde Antio atque Ostiis tenus Samnites, aut socios validos Romanis, aut fractos bello invenisset hostes. Ipse trajecisset mare cum veteranis Macedonibus, non plus triginta milibus hominum et quatuor millibus equitum, maxime Thessalorum: hoc enim roboris erat. Persas, Indos, aliasque si adjunxisset gentes, impedimentum majus, quam auxilium, trahebat. Adde, quod Romanis ad manum domi supplementum esset: Alexandro, (quod postea Hannibali adcidit) alieno in agro bellanti, exercitus consenuisset. Arma, clypeus farisaeque illis; Romano scutum, majus corpori tegumentum, et pilum, haud paullo, quam hasta, vehementius ictu missuque telum. Statarius uterque miles, ordines servans: sed illa phalanx immobilis et unius generis: Romana acies distinctior, ex pluribus partibus constans; facilis partienti, quacumque opus esset, facilis jungenti. Jam in opere quis par Romano miles? quis ad tolerandum laborem melior? Vno proelio victus Alexander bello victus esset. Romanum, quem Caudium, quem Cannae non fregerunt, quae fregisset acies? Nae ille saepe; etiamsi prima prospere evenissent, Persas et Indos et inbellem Asiam quaevisset, et cum feminis sibi bellum fuisse dixisset: quod Epiri regem Alexandrum, mortifero vulnere ictum, dixisse ferunt, sortem bellorum in Asia gestorum ab hoc ipso juvenerunt sua conferentem. Evidem, quum per annos quatuor et viginti primo Punico bello classibus certatum cum Poenis recordor, vix aetatem Alexandri subfecturani fuisse reor ad unum bellum. Et forsitan, quum et foederibus vetustis juncta Punica res Romanae esset, et timor par adversus communem hostem duas potentissimas armis virisque urbes armaret,

simul Punico Romanoque obrutus bello esset. Non quidem Alexandro duce, nec integris Macedonum rebus, sed experti tamen sunt Romani Macedonem hostem adversus Antiochum, Philippum, Persen, non modo cum clade ulla, sed ne cum periculo quidein suo. Absit invidia verbo, et civilia bella sileant, numquam ab equite hoste, numquam a pedite, numquam aperta acie, numquam aequis, utique numquam nostris locis laboravimus. Equitem, sagittas, saltus impeditos, avia commeatibus loca gravis armis timere potest. Mille acies, graviores quam Macedonum atque Alexandri, avertit avertetque; modo sit perpetuus hujus, qua vivimus, pacis amor et civilis cura concordiae.

XX. M. Foslius Flaccinator inde et L. Plautius Venno consules facti. Eo anno ab frequentibus Samnitium populis de foedere renovando legati, quum senatum humi strati movissent, rejecti ad populum haudquaquam tam efficaces habebant preces. Itaque, foedere negato, induciae biennii, quum per aliquot dies fatigassent singulos precibus, impetratae. Et ex Apulia Teanenses Canusinique populationibus fessi, oblidibus L. Plautio consuli datis, in ditionem venerunt. Eodem anno primum praefecti Capuae creari coepti, legibus ab L. Furio praetore datis: quum utrumque ipsis pro remedio aegris rebus discordia intestina petissent. Et duae Romae additae tribus, Vlentina ac Falerina. Inclinitis semel in Apulia rebus, Teates quoque Apuli ad novos consules, C. Juuium Bubulcum, Q. Aemilium Barbularum, foedus petitum venerunt, pacis per omnem Apuliam praestan-
dae populo Romano auctores. Id audacter spondendo impetravere, ut foedus daretur: neque

neque ut aequo tamen foedere, sed ut in distinctione populi Romani essent. Apulia perdonata, (nam Forento quoque valido oppido Junius potitus erat) in Lucanos perrectum. Inde repentina adventu Aemilii consulis Nervulum vi captum. Et postquam res Capuae stabilitas Romana disciplina fama per socios vulgavit; Antiatibus quoque, qui se sine legibus certis, sine magistratibus agere querebantur, dati ab senatu ad jura statuenda ipsius coloniae patroni: nec arma modo, sed jura etiam Romana late pollebant.

XXI. C. Junius Barbula consules exitu anni non consulibus ab se creatis, Sp. Nautio et M. Popillio, ceterum dictatori L. Aemilio legiones tradiderunt. Is, cum L. Fulvio magistro equitum Satriculam obpugnare adortus, rebellandi causam Samnitibus dedit. Duplex inde terror inlatus Romanis. Hinc Samnis, magno exercitu coacto ad eximendos obsidione socios, haud procul castris Romanorum castra posuit: hinc Satriculani magno cum tumultu, patefactis repte portis, in stationes hostium incurserunt. Inde pars utraque, spe alieni magis auxilii, quam viribus freta suis, justo mox proelio inito Romanos urgunt. Et, quamquam an- ceps dimicatio erat, tamen utrinque tutam aciem dietator habuit; quia et locum haud facilem ad circumveniendum cepit, et diversa statuit signa. Infestior tamen in crumpentes incessit: nec magno certamine intra moenia compulit. Tum totam aciem in Samnites obvertit. Ibi plus certaminis fuit. Victoria sicut fera, ita nec dubia, nec varia fuit. Fusi in castra Samnites, extinctis nocte ignibus, tacito agmine abeunt: et, spe abjecta Satriculae tuendae, Plisiā ipsi, socios Romanorum,

ut parem dolorem hosti redderent, circumfidunt.

XXII. Anno circumacto, bellum deinceps ab dictatore Q. Fabio gestum est. Consules novi; sicut superiores, Romae manserunt: Fabius, ad adcipiendum ab Aemilio exercitum, ad Saticulam cum subplemento venit. Neque enim Samnites ad Plisiā manserant: sed, ad citis ab domo novis militibus, multitudine freti, castra eodem, quo antea, loco posuerunt: iaceentesque proelio Romanos avertere ab obsidione conabantur. Eo intentius dictator in moenia hostium versus, id bellum tantum ducere, quod urbem obpugnabat: securior ab Samnitibus agere, stationibus modo obpositis, ne qua in castra vis fieret. Eo ferocius adequitare Samnites vallo, neque otium pati. Et quum jam prope in portis castrorum esset hostis, nihil consulto dictatore, magister equitum Q. Auli Cretetus, magno tumultu cum omnibus turmis equitum eventus, submovit hostem. Tum in minime pertinaci genere pugnae sic fortuna exercuit opes, ut insignes utrinque clades et clara ipsorum ducum ederet funera. Prior Samnitium imperator, aegre patiens, quo tam ferociter adequitasset, inde se fundi fugarique, orando hortandoque equites proelium integravit. In quem, insignem inter suos cinctem pugnam, magister equitum Romanus infesta cuspide ita perimit equum, ut uno ictu exanimem equum praecipitaret: nec, ut sit, ad ducis easum percussa magis, quam irritata, est multitudo. Omnes, qui circa erant, in Aulium, temere invectum per hostium turmas, tela congecerunt. Fratri praecipuum dectus ulti Samnitium imperatoris dederunt. Is victorem detractum ex equo magistrum equitum, plenus moe-

moeroris atque irae, trucidavit: nec multum afuit, quin corpore etiam, quia inter hostiles ceciderat turmas, Samnites potirentur. Sed exemplum ad pedes descensum ab Romanis est, coactique idem Samnites facere. Et repentina acies circa corpora ducum pedestre proelium iniit, quo haud dubie superat Romanus: recuperatumque Aulii corpus, mixta cum dolore laetitia, victores in castra referunt. Samnites, duce amissio, et per equestre certamen tenacis viribus, omissa Saticula, quam nequidquam defendi rebantur, ad Pliftiae obsidionem redeun̄t; intraque paucos dies Saticula Romanus per ditionem, Pliftia per vim Samnis potitur.

XXIII. Mutata inde belli sedes est. Ad Soram ex Samnio Apuliaque traductae legiones. Sora ad Samnites defecerat, interfectis colonis Romanorum. Quo quum prior Romanus exercitus, ad ulciscendam civium necem recuperandam coloniam, magnis itineribus praevenisset, et sparsi per vias speculatores, sequi legiones Samnitium, nec jam procul abesse, alii super alios, nuntiarent; obviam itum hosti, atque ad Lautulas anticipiti proelio dimicatum est. Non caedes, non fuga alterius partis, sed nox incertos, victi victoresne essent, diremit. Invenio apud quosdam, adversam eam pugnam Romanis fuisse, atque in ea cecidisse Q. Aulum, magistrum equitum. Subiectus in locum Aulii C. Fabius magister equitum cum exercitu novo ab Roma advenit; et, per praemissos nuntios consulto dictatore, ubi sublisteret, quove tempore, et qua ex parte hostem adgrederetur, substitit obclutus, ad omnia satis exploratis consiliis. Dictator, quum per aliquot dies post pugnam continuisset suos intra vallum, obfessi magis

quam obſidentis modo, ſignum repente pugnae proposuit; et, efficacius ratus ad adcen-dendos virorum fortium animos, nullam ali-bi, quam in ſemet ipſo, cuiquam relictam ſpem, de magiſtro equitum novoque exercitu militem celavit: et, tamquam nulla, niſi in eruptione, ſpes eſſet, *Locus*, inquit, *angulis*, *milites*, *deprehenſi*, niſi quam *victoria pateſecerimus*, *viam nullam habemus*. *Stativa noſtra munimento ſatis tuta ſunt*; ſed *iuopia eadem infēſta*. *Nam et circa omnia defecerunt*, unde *subvehi commeatus poterant*; et, ſi homines ju-vare velint, *iniqua loca ſunt*. *Itaque non fruſtrabor ego vos, caſtra hic relinquendo, in quae, infecta victoria, ſicut priſino die, vos recipiatis*. *Armis munimenta, non munimentis armata tuta eſſe debent*. *Caſtra habeant repetantque, quibus opera eſt trahere bellum: nos omnium rerum respectum, praeterquam victoriae, nobis abſciendamus*. *Ferte signa in hōſtem: ubi extra vallum agmen exceſſerit, caſtra, quibus imperatum eſt, incendant: damna veſtra, milites, omnium circa, qui defecerunt, populorum praeda ſarcientur*. Et oratione dictatoris, quae ne-cessitatis ultimae index erat, milites adcenſi vadunt in hōſtem, et respectus ipſe ardentium caſtrorum, quamquam proximis tantum (ita enim jufferat dictator) ignis eſt ſubditus, haud parvum fuit irritamentum. Itaque, velut ve-cordes inlati, signa primo in petu hōſtium tur-bant; et in tempore, postquam ardentia pro-cul vidit caſtra magiſtro equitum, (id conve-nierat ſignum) hōſtium terga invadit. Ita circumventi Samnites, qua potest quisque, fu-gam per diversa petunt. Ingens multitudo, in unum metu conglobata, ac ſemet ipsam turba impediens, in medio caſta. Capta hōſtium caſtra direptaque; quorum praeda onustum mi-litera

litem in Romana castra dictator reducit, hand-
quaquam tam victoria laetum, quam quod,
præter exiguum deformatam incendio partem,
celera contra spem salva invenit.

XXIV. Ad Soram inde redditum; novi-
que consules M. Poetelius, C. Sulpicius exer-
citum ab dictatore Fabio adcipiunt, magna
parte veterum militum dimissa, novisque co-
hortibus in supplementum adductis. Cete-
rū, quum propter difficultem urbis situm nec
oppugnandi satis certa ratio iniretur, et aut
tempore longinqua, aut praeceps periculo vi-
ctoria esset; Soranus transfuga, clam ex op-
pido protectus, quum ad vigiles Romanos pe-
netrasset, duci se extemplo ad consules jubet,
deductusque traditurum urbem promittit. Vi-
sus inde (quum, quoniam modo id praestatu-
rus esset, percunctantes doceret) haud vana
adferre, perpulit, prope adjuncta mœnibus
Romana castra ut sex millia ab oppido remo-
verentur: fore, ut minus intentae in custodiam
urbis diurnae stationes ac nocturnae vigiliae
essent. Ipse infrequenti nocte, sub oppido syl-
vestribus locis cohortibus insidere jussis, de-
cem milites delectos secum per ardua ac pro-
pe invia in arcem ducit; pluribus, quam pro
numero virorum, missilibus telis eo conlatis.
Ad haec faxa erant, et temere jacentia (ut sit)
in aspretis, et de industria etiam, quo locus
tutior esset, ab oppidanis congesta. Vbi quin
constituisset Romanos, semitamque angustam
et arduam, erectam ex oppido in arcem,
ostendisset; *Hoc quidem adscensu, inquit, vel*
tres armati quamlibet multitudinem arcuerint:
vos et decem numero, et, quod plus est, Ro-
mani, Romanorumque fortissimi viri estis, et
locus pro vobis, et nox erit, quae omnia ex in-
certo majora territis ostentat. Ego jam terrore

omnia inplebo: vos arcem intenti tenete. De-
 currit inde, quanto maxime poterat cum tu-
 multu, *ad arma*, et *pro vestram fidem, cives!*
clamitans, arx ab hostibus capta est; defendite.
 Haec incidens principum foribus, haec obviis,
 haec excurrentibus in publicum pavidis incre-
 pat. Adcepsum ab uno pavorem plures per
 urbem ferunt. Trepidus magistratus, missis ad
 arcem exploratoribus, quum tela et armatos
 tenere arcem multiplicato numero audirent,
 avertunt animos a spe recuperandae arcis. Fu-
 ga cuncta complentur, portaeque ab semi-
 somnis ac maxima parte inermibus refringuntur:
quarum per unam praesidium Romanum
clamore excitatum intrumpit, et concursantes
per viam pavidos caedit. Jam Sora capta
 erat, quum consules primia luce advenere; et,
 quos reliquos fortuna ex nocturna caede ac
 fuga fecerat, in ditionem adcipiunt. Ex
 his ducentos viginti quinque, qui omnium con-
 sensu destinabantur et infandae colonorum cae-
 dis et defectionis auctores, vinctos Romam
 deducunt. Ceteram multitudinem incolumem,
 praesidio inposito, Sorae relinquunt. Omnes,
 qui Romam deducti erant, virgis in foro caesi
 ac securi percussi summo gaudio plebis; cuius
 maxime intererat, tutam ubique, quae passim
 in colonias mitteretur, multitudinem esse.

XXV. Consules, ab Sora profecti, in
 agros atque urbes Ausonum bellum intulerunt.
 Mota namque omnia adventu Samnitium, quum
 apud Lautulas dimicatum est, fuerant, con-
 jurationesque circa Campaniam passim factae.
 Nec Capua ipsa criminis caruit. Quin Romani
 quoque et ad principum quosdam inquirendo
 ventum est. Ceterum Ausonum gens prodi-
 tione urbium, sicut Sora, in potestatem venit.
Ausona et Minturnae et Vescia urbes erant:

ex quibus principes juventutis duodecim numero, in proditionem urbium suarum conjurati, ad consules veniunt: docent, suos, jam pridem exoptantes Samnitium adventum, simul ad Lautulas pugnatum audierunt, pro victis Romanos habuisse, juventute, armis Samnites juuisse. Fugatis inde Samnitibus; incerta pace agere, nec claudentes portas Romanis, ne arcessant bellum; et obsinatos claudere, si exercitus admoveatur. In ea fluctuatione animorum obprimi incautos posse. His auctoribus mota propius castra: missique eodem tempore circa tria oppida milites, partim armati, qui occulti propinqua moenibus insiderent loca; partim togati, tectis veste gladiis, qui sub lucem apertis portis urbes ingrederentur. Ab his simul custodes trucidari coepti, simul datum signum armatis, ut ex insidiis concurrerent. Ita portae obcupatae, triaque oppida eadem hora eodemque confilio capta. Sed, quia absentibus ducibus inpetus est factus, nullus modus caedibus fuit; deletaque Aufonum gens, vix certo defectionis crimine, perinde ac si internecivo bello certasset.

XXVI. Eodem anno, prodiit hostibus Romano praesidio, Luceria Samnitium facta. Nec diu proditoribus inpunita res fuit. Haud procul inde exercitus Romanus erat: cuius primo inpetu urbs, sita in plano, capitur. Lucerini ac Samnites ad internacionem caesi. Eoque ira processit, ut Romae quoque, quum de colonis mittendis Luceriam consuleretur senatus, multi delendam urbem censerent. Praeter odium, quod execrabilis in bis captos erat, longinquitas quoque abhorrente a relegandis tam procul ab domo civibus inter tam infestas gentes cogebat. Vicit tamen sententia, ut mitterentur coloni. Duo millia et

quingenti missi. Eodem anno, quum omnia infida Romanis essent, Capuae quoque obcultae principum coniurationes factae. De quibus quum ad senatum relatum esset, haudquaquam neglecta res est. Quaestiones decretae, dictatoremque quaestionibus exercendis dici placuit. C. Maenius dictus. Is M. Foslium magistrum equitum dixit. Ingens erat magistratus ejus terror. Itaque sive timore ejus, seu conscientia, Calavios, Ovium Noviumque, (ea capita coniurationis fuerant) priusquam nominarentur apud dictatorem, mors haud dubie ab ipsis consita judicio subtraxit. Deinde, ut quaestioni Campanae materia defecit, versa Romam interpretando res: non nominatim, qui Capuae, sed in universum, qui usquam coissent conjurassentve adversus rem publicam, quaeri senatum jussisse: et coitiones, honorum adipiscendorum causa factas, adversus rem publicam esse: latiorque et re et personis quaestio fieri; haud abniente dictatore, sine fine ulla quaestionis suae jus esse. Postulabantur ergo nobiles homines: adpellantibusque tribunos nemo erat auxilio, quin nomina reciperentur. Inde nobilitas, nec hī modo, in quos crimen intendebarūt, sed universi simul, negare, nobilium id crimen esse, quibus, si nulla obstetur fraude, pateat via ad honorem, sed hominum novorum. Ipsos adeo dictatorem magistrumque equitum reos magis, quam quaestores idoneos ejus criminis esse: intellecturosque ita id esse; simul magistratu abissent. Tum enimvero Maenius, iam famae magis, quam imperii, memor, progressus in concionem ita verba fecit: *Et omnes autactae vitae vos consciōs habeo, Quirites, et hic ipse honor, delatus ad me, testis est innocentiae meae. Neque enim, quod saepe alias,*
quia

quia ita tempora postulabant rei publicae, qui bello clarissimus esset, sed qui maxime procul ab his coitionibus vitam egisset, dictator diligendus exercendis quæsitionibus fuit. Sed quoniam quidam nobiles homines (qua de causa vos existimare, quam me pro magistratu quidquam incomptum dicere; melius est) primum ipsas expugnare quæsitiones omni ope adnisi sunt; dein, postquam ad id parum potentes erant, ne causam dicerent, iu præsidia adversariorum, appellationem et tribunicium auxilium, patricii confugerunt; postremo repulsi inde (adeo omnia tutiora, quam ut innocentiam suam purgarent, visa) in nos intruerunt, et privatis dictatorem poscere reum verecundiae non fuit: ut omnes Dii hominesque sciant, ab illis, etiam quæ non possint, tentari, ne rationem vitae reddant; me obviam ire criminis, et obferre me inimicis reum, dictatura me abdico. Vos quaeso, consules, si vobis datum ab senatu negotium fuerit, in me primum et hinc M. Foslium quæsitiones exerceatis; ut adpareat, innocentia nostra nos, non maiestate honoris, tutos a criminationibus istis esse. Abdiçat inde se dictatura, et post eum confestim Foslius magisterio equitum: primique apud consules (iis enim ab senatu mandata res est) rei facti, adversus nobilium testimonia egregie absolvuntur. Publilius etiam Philo, multiplicatis summis honoribus, post res tot domi belloque gestas, ceterum invitus nobilitati, causam dixit, absolutusque est. Nec diutius, ut sit, quam tum recens erat, quæstio per clara nomina reorum viguit. Inde labi coepit ad viliora capita, donec coitionibus factionibusque, adversus quas comparata erat, obpressa est.

XXVII. Earum fama rerum, magis tamen spes Campanæ defectionis, in quam

conjuratum erat, Samnites, in Apuliam versos, rursus ad Caudium revocavit: ut inde ex propinquo, si qui motus occasionem aperiret, Capuam Romanis eriperent. Eo consules cum valido exercitu venerunt. Et primo circa saltus, quum utrimque ad hostem iniqua via esset, cunctati sunt: deinde Samnites per aperta loca brevi circuitu in loca plana, Campanos campos, agmen demittunt, ibique primum castra in conspectu hostibus data: deinde levibus proeliis, equitum saepius, quam peditum, utrimque periculum factum: nec ant eventus eorum Romanum, aut morae, qua trahebant bellum, poenitebat. Samnitium contra ducibus, et carpi parvis quotidie dannis, et senescere dilatione belli vires suae videbantur. Itaque in aciem procedunt, equitibus in cornua divisisi: quibus praeceptum erat, intentiores ad respectum castrorum, ne qua eo vis fieret, quam ad proelium, starent: aciem pediti tutam fore. Consulum Sulpicius in dextro, Poetelius in laeve cornu consistunt. Dextra pars, qua et Samnites rarissimis ordinibus, aut ad circumeundos hostes, aut ne ipsi circumirentur, constiterant, latius patefacta stetit. Sinistris, praeterquam quod confertiores steterant, repentino consilio Poetelii consulis additae vires: qui subsidiarias cohortes, quae integræ ad longioris pugnae casus reservabantur, in primani aciem extenipo emisit, universisque hostem primo impetu viribus impulit. Commota pedestri acie Samnitium, eques in pugnare subcedit. In hunc, transverso agmine inter duas acies se inferentem, Romanus equitatus concitat equos; signaque et ordines peditum atque equitum confundit, donec universam ab ea parte avertit aciem. In eo cornu non Poetelius solus, sed Sulpicius etiam,

etiam, hortator adfuerat, a vectus ab suis nondum conserentibus manus ad clamorem, ab sinistra parte prius exortum. Vnde, haud dubiam victoriam cernens, quum ad suum cornu tenderet cum mille ducentis viris, dissimilem ibi fortunam invenit: Romanos loco pulsos, victorem hostem signa in perculfos inferentem. Ceterum omnia mutavit repente consulis adventus. Nam et conspectu ducis refectus militum est animus: et, majus quam pro numero auxilium, advenerant fortes viri: et partis alterius Victoria audita, mox visa etiam, proelium restituit. Tota deinde jam vincere acie Romanus, et, omisso certamine, caedi capique Samnites; nisi qui Maleventum, cui nunc urbi Beneventum nomen est, perfugerunt. Ad triginta millia caesa aut capta Samnitium, proditum memoriae est.

XXVIII. Consules, egregia victoria parta, protinus inde ad Bovianum obpugnandum legiones ducunt: ibique hiberna egerunt, donec ab novis consulibus L. Papirio Curfore quintum, C. Junio Bubulco iterum, nominatus dictator C. Poetelius cum M. Foslio magistro equitum exercitum adcepit. Is, quum audisset arcem Fregellanam ab Samnitibus captam, omisso Boviano ad Fregellas pergit. Vnde, nocturna Samnitium fuga sine certamine receptis Fregellis praesidioque valido inposito, in Campaniam redditum maxime ad Nolam armis repetendam. Eo fe intra moenia, sub adventum dictatoris, et Samnitium omnis multitudo et Nolani agrestes contulerant. Dictator, urbis situ circumspecto, quo apertior aditus ad moenia esset, omnia aedificia (et frequenter ibi habitabatur) circumjecta muris incendit. Nec ita multo post, sive a Poetelio dictatore, sive ab C. Junio consule,

(nam)

(nam utrumque traditur) Nola est capta. Qui captae decus Nolae ad consulem trahunt, adjiciunt, Atinam et Calatiam ab eodem captas; Poetelium autem, pestilentia orta, clavis iugendi causa dictatorem dictum. Suessa et Pontiae eodem anno coloniae deductae sunt. Suessa Auruncorum fuerat: Volsci Pontias, insulam sitam in conspectu litoris sui, incoluerant. Et, Interamna et Casinum ut deducerentur coloniae, senatus consultum factum est. Sed trium viros creavere, ac misere colonorum quatuor millia insequentes consules M. Valerius, P. Decius.

XXIX. Profligato fere Samnitium bello, priusquam ea cura decederet Patribus Romanis, Etrusci belli fama exorta est. Nec erat ea tempestate gens alia, cuius secundum Gallicos tumultus arma terribilia essent, quum propinquitate agri, tum multitudine hominum. Itaque, altero consulum in Samnio reliquias belli persequente, P. Decius, qui graviter aeger Romae restiterat, auctore senatu dictatorem C. Junium Bubulecum dixit. Is, prout rei magnitudo postulabat, omnes juniores sacramento adigit: arma, quaeque alia res poscit, summa industria parat: nec tantis apparatus elatus de inferendo bello agitat, quieturus haud dubie, nisi ultro arma Etrusci inferrent. Eadem in comparando colibendo que bello consilia et apud Etruscos fuere. Neutri finibus egressi. Et censura clara eo anno Ap. Claudii, et C. Plautii fuit; memoriae tamen felicioris ad posteros nomen Appii, quod viam muniuit, et aquam in Vrbem duxit, eaque unns perfecit; quia, ob infamem atque invidiosam senatus lectionem verecundia vicitus, conlega magistratu se abdicaverat. Appius, jam inde antiquitus insitam pertinaciam fami-

familiae gerendo, solus censuram obtinuit. Eodem Appio auctore, Potitii, gens, cuius ad aram Maximam Herculis familiare sacerdotium fuerat, servos publicos, ministerii delegandi causa, sollennia ejus sacri docuerat. Traditur inde dictu mirabile, et quod dimovendis statu suo sacris religionem facere posset, quum duodecim familiae ea tempestate Potitiorum essent, puberes ad triginta, omnes intra annum cum stirpe exstinctos: nec nomen tantum Potitiorum interisse, sed censorem etiam Appium, memori Deum ira, post aliquot annos luminibus captum.

XXX. Itaque consules, qui eum annum sequunti sunt, C. Junius Bubulcus tertium et Q. Aemilius Barbula iterum, initio anni questi apud populum, deformatum ordinem prava lectione senatus, qua potiores aliquot lectis praeteriti essent negaverunt, eam lectionem se, quae sine recti pravique discrimine ad gratiam ac libidinem facta esset, observatores; et senatum extemplo citaverunt eo ordine, qui ante censores Ap. Claudium et C. Plautium fuerat. Et duo imperia eo anno dari copta per populum, utraque pertinentia ad rem militarem: unum, ut tribuni militum seni deni in quatuor legiones a populo crearentur; quae antea, perquam paucis subfragio populi relictis locis, dictatorum et consulum ferme fuerant beneficia. Tulere eam rogationem tribuni plebei L. Atilius, C. Marcius. Alterum, ut duuniviros navales classis ornanda reficiendaque causa idem populus juberet. Lator hujus plebis fuit M. Decius tribunus plebis. Ejusdem anni rem dictu parvam praeterirem, ni ad religionem visa esset pertinere. Tibicines, quia prohibiti a proximis censoribus erant in aede Jovis vesci, quod

quod traditum antiquitus erat, aegre passi, Tibur uno agmine abierunt: adeo ut nemo in Urbe esset, qui sacrificiis praecineret. Ejus rei religio tenuit senatum; legatosque Tibur miserunt, ut darent operam, ut hi homines Romanis restituerentur. Tiburtini, benigne polliciti, primum ad citos eos in curiam hortati sunt, uti reverterentur Romam: postquam per pelli nequibant, consilio, hand abhorrente ab ingeniis hominum, eos adgrediuntur. Die festo alii alios per speciem celebrandarum cantu epularum causa invitant, et vino, cuius avidum ferme genus est, oneratos sopiunt: atque ita in plaustra somno vincitos conjiciunt, ac Romam deportant. Nec prius sensere, quam, plaustris in foro relictis, plenos crapulae eos lux obpressit. Tunc concursus populi factus, impetratoque, ut manerent, datum, ut triduum quotannis ornati, cum cantu atque hac, quae nunc sollemnis est, licentia per Urbem vagarentur: restitutumque in aede vescendi jus iis, qui facris praecinerent. Haec inter duorum ingentium bellorum curam gerabantur.

XXXI. Consules inter se provincias partiti; Junio Samnites, Aemilio novum bellum Etruria forte obvenit. In Samnio Cluviam, praesidium Romanum, quia nequiverat vi capi, obfessum fame in ditionem adcepérant Samnites, verberibusque foedum in modum laceratos obciderant deditos. Huic infensus crudelitati Junius, nihil antiquius obpugnatione Cluviana ratus, quo die adgressus est moenia, vi cepit, atque omnes puberes interfecit. Inde victor exercitus Bovianum ductus. Caput hoc erat Pentrorum Samnitium, longe ditissimum atque opulentissimum armis virisque. Ibi quia haud tantum irarum erat, spe praec-

praedae milites ad sensi, oppido potiuntur. Minus itaque saevitum in hostes est: praedae plus paene, quam ex omni Samnio unquam, egestum, benigneque omnis militi concessa. Et postquam praepotentem armis Romanum nec acies subfistere ullae, nec castra, nec urbes poterant; omnium principum in Samnio eo curae sunt intentae, ut infidiis quaereretur locus, si qua licentia populando effusus exercitus excipi ac circumveniri posset. Transfugae agrestes et captivi quidam, pars forte, pars consilio oblati, congruentia ad consulem adferentes, quae et vera erant, pecoris vim ingentem in saltum avium compulsam esse, perpulerunt, ut praedatum eo expeditae ducentur legiones. Ibi ingens hostium exercitus itinera obcultus infederat, et, postquam intrasse Romanos vidi saltum, repente exortus cum clamore ac tumultu incautos invadit. Et primo nova res trepidationem fecit, dum arma capiunt, sarcinas congerunt in medium: dein, postquam, ut quisque liberaverat se onere aptaveratque armis, ad signa undique coibant, et, notis ordinibus in vetere disciplina militiae, jam sine pracepto ullius sua sponte struebatur acies, consul, ad ancipitem maxime pugnam advectus, desilit ex equo, et Jovem Martemque atque alios testatur Deos, se nullam suam gloriam inde, sed praedam militi querentem, in eum locum devenisse; neque in se aliud, quam nimiam ditandi ex hostie militis curram, reprehendi posse: ab eo se dedecore nullam rem aliam, quam virtutem militum, vindicaturam. Conmiserentur modo uno animo omnes invadere hostem, victum acie, castris exutum, nudatum urbibus, ultimam spem furto insidiarum tentantem, et loco, non armis, freatum. Sed quem esse jam virtuti Romanae in-

expugnabilem locum? Fregellana arx Soranaque, et ubicumque iniquo subcessum erat loco, memorabantur. His ad census miles, omnium innemor difficultatum, vadit adversus imminentem hostium aciem. Ibi paullum laboris fuit, dum in adversum clivum erigitur agmen ceterum, postquam prima signa planiciem summam ceperunt, sensique acies aequo se jam institisse loco, versus extemplo est terror in insidiatores, easdemque latebras, quibus se paullo ante texerant, palati atque inerines fuga repetebant: sed loca difficilia, hosti quaesita, ipsos tum sua fraude impeditabant. Itaque ergo per paucis effugium patuit: caesa ad viginti millia hominum, victorque Romanus ad oblatam ultro ab hoste praedam pecorum discurrit.

XXXII. Dum haec geruntur in Samnio, jam omnes Etruriae populi praeter Arretinos ad arma ierant, ab obpugnando Sutrio, quae urbs, socia Romanis, velut claustra Etruriae erat, ingens orsi bellum. Eo alter consulum Aenilius cum exercitu ad liberandos obsidione socios venit. Advenientibus Romanis Sutriini commeatus benigne in castra ante urbem posita advexere. Etrusci diem primum consultando, maturarent, traherentne bellum, traduxerunt. Postero die, ubi celeriora, quam tertia, consilia magis placuere ducibus, sole orto signum pugnae propositum est, armati que in aciem procedunt. Quod postquam consuli nuntiatum est, extemplo tesserae dari jubet, ut prandeat miles firmatisque cibo viribus arnia capiat. Dicto paretur. Consul, ubi armatos paratosque vidit, signa extra vallum proferri jussit, et haud procul hoste instruxit aciem. Aliquamdiu intenti utrumque stetebant, exspectantes ut ab adversariis clamor et pugna

pugna inciperet. Et prius sol meridie se inclinavit, quam telum hinc aut illinc emissum est. Inde, ne infecta re abiatur, clamor ab Etruscis oritur, concinuntque tubae, et signa inferuntur. Nec segnissus ab Romanis pugna initur. Concurrunt infensis animis. Numero hostis, virtute Romanus superat. Anceps proelium multos utrimque et fortissimum quinque absunit: nec prius inclinata res est, quam secunda acies Romana ad prima signa, integri fessis, subcesserunt. Etrusci, quia nullis recentibus subsidiis fulta prima acies fuit, ante ligna circaque omnes ceciderunt. Nullo umquam proelio fugae minus, nec plus caedis fuisset, ni obstinatos mori Tuscos nox texisset; ita ut victores prius, quam victi, pugnandi fine facerent. Post obcasum solis signum receptui datum est: nocte ab utroque in castra reditum. Nec deinde quidquam eo anno rei memoria dignae apud Sutrium gestum est; quia et ex hostium exercitu prima tota acies deleta uno proelio fuerat, subsidiariis modo relicta, vix quod satis esset ad castrorum praesidium; et apud Romanos tantum vulnerum fuit, ut plures post proelium faucii deceperint, quam ceciderant in acie.

XXXIII. Q. Fabius, in sequentis anni consul, bellum ad Sutrium exceptit. Conlega Fabio C. Marcius Rutilus datus est. Ceterum et Fabius subplementum ab Roma adduxit, et novus exercitus domo aditus Etruscis venit. Permulti anni jam erant, quum inter patricios magistratus tribunosque nulla certamina fuerant; quum ex ea familia, quae velut fatalis tum tribunis ac plebi erat, certamen oritur. Ap. Claudio censor, circumactis decem et octo mensibus, quod Aemilia lege finitum censurae spatium temporis erat, quum C. Plau-

tius conlega ejus magistratu se abdicasset, nulla vi compelli, ut abdicaret, potuit. P. Sempronius erat tribunus plebis; qui finienda censurae intra legitimū tempus actionem susceperebat; non popularē magis, quam justam, nec in vulgus, quam optimo cuique, gratorem. Is, quin idemtidem legem Aemiliam recitaret auctoremque ejus Mam. Aemilium dictatorem laudibus ferret, qui quinquennalem ante censuram et longinquitate potestatem dominantem intra sex mensium et anni coegisset spatium: *Dic, agedum, inquit, Ap. Claudi, quidnam facturus fueris, si eo tempore, quo C. Furius et M. Geganius censores fuerunt, censor fuisses.* Negare Appius, interrogacionem tribuni magnō opere ad causam pertinere suam. Nam et si tenuerit lex Aemilia eos censores, quorum in magistratu lata esset, quia post illos censores creatos eam legem populus jussisset, quodque postremum jussisset, id jus ratumque esset; non tamen aut sē, aut eorum quenquam, qui post eam legem latam creati censores essent, teneri ea lege potuisse,

XXXIV. Haec sine ullius ad sensu cavillante Appio, En, inquit, Quirites, illius Appii progenies, qui, decemvir in annum creatus, altero anno sē ipse creavit; tertio, nec ab sē, nec ab ullo creatus, privatus fasces et imperium obtinuit; nec ante continuando abslitit magistratu, quam obruerent euni male parta, male gesta, male retenta imperia. Haec est eadem familia, Quirites, cujus vi atque injuriis compulsi, extorres patria, Sacrum montem cepistis: haec, adversus quam tribunicium auxiliū vobis comparastis: haec, propter quam duo exercitus Aventinum insedistis: haec, quae fenebres leges: haec, quae agrarias semper impugnavit: haec connubia Patrum et plebis inter-

terrupit: haec plebi ad curules magistratus iter obsepsit. Hoc est nomen multo, quam Tarquiniorum, infestius vestrae libertati. Itane tandem, Ap. Claudi, quum centesimus jam annus sit ab Mam. Aemilio dictatore, tot censores fuerint, nobilissimi fortissimique viri, nemo eorum duodecim tabulas legit? nemo id jus esse, quod postremo populus jussisset, scivit? Immo vero omnes sciverunt; et ideo Aemiliae potius legi paruerunt, quam illi antiquae, qua primum censores creati erant, quia hanc posiremam jussicerat populus: et quia, ubi duae contrariae leges sunt, semper antiquae obrogat nova. An hoc dicas, Appi, non teneri Aemilia lege populum? an populum teneri, te unum exlegem esse? Tenuit Aemilia lex violentos illos censores, C. Furium et M. Geganium, qui, quid iste magistratus in re publica mali facere posset, indicarunt, quum, ira fuitae potestatis, Mam. Aemilium, principem aetatis suac belli domique, aerarium fecerunt: tenuit deinceps omnes censores intra centum annorum spatium: tenet C. Plautium collegam tuum, iisdem auspiciis, eodem jure creatum. An hunc non, ut qui optimo jure censor creatus esset, populus creavit? tu unus eximius es, in quo hoc praecipuum ac singulare valeat? Quem tu regem sacrificiorum crees, amplexus regni nomen, ut qui optimo jure rex Romae creatus sit, creatum se dicet? quem semestri dictatura, quem interregno quinque dierum contentum fore putas? quem clavi figendi, aut ludorum causa dictatorrem audacter crees? Quam isti stolidos ac sordides videri creditis eos, qui intra vicesimum diem, ingentibus rebus gestis, dictatura se abdicaverunt, aut qui vitio creati abierunt magistratu? Quid ego antiqua repetam? Nuper in-

tra decem annos C. Maenius dictator, quia, quum quaestiones severius, quam quibusdam potentibus tutum erat, exerceret, contagio ejus, quod quaerebat ipse, criminis objectata ab inimicis est, ut privatus obviam iret criminis, dictatura se abdicavit. Nolo ego istam in te modestiam: ne degeneraveris a familia imperiosissima et superbissima: non die, non hora citius, quam necesse est, magistratu abieris; modo ne excedas finitum tempus. Satis est, aut diem, aut mensem censurae adjicere? Triennium, inquit, et sex menses ultra, quam licet Aemilia lege, censuram geram, et solus geram. Hoc quidem jam regno simile est. An conlegam subrogabis, quem ne in demortui quidem locum subrogari fas est? Poenitet enim, quod antiquissimum sollempnem et solum ab ipso, cui fit, institutum Deo ab nobilissimis antistitibus ejus sacri ad servorum ministerium religiosus censor deduxisti; gens antiquior originibus urbis hujus, hospitio Deorum immortalium sancta, propter te ac tuam censuram intra annum ab stirpe extincta est: nisi universam rem publicam eo nefario obstrinxeris, quod ominari etiam reformidat animus. Vrbs eo lustro capta est, quo, demortuo conlega C. Julio censore, L. Papirius Cursor, ne abiret magistratu, M. Cornelium Maluginensem conlegam subrogavit. Et quanto modestior illius cupiditas fuit, quam tua, Appi? Nec solus, nec ultra finitum lege tempus L. Papirius censuram gessit: tamen neminem invenit, qui se posse auctorem sequeretur. Omnes deinceps censores post mortem conlegae se magistratu abdicarunt. Te, nec quod dics exit censurae, nec quod conlega magistratu abiit, nec lex, nec pudor coereat: virtutem in superbia, in audacia, in contemtu Deorum hominumque ponis. Ego te,

te, Ap. Claudi, pro istius magistratus maiestate ac verecundia, quem gessisti, non modo manu violatum, sed ne verbo quidem inclemiori a me appellatum vellem: sed et haec, quae adhuc egi, pervicacia tua et superbia cogit me loqui; et, nisi Aemiliae legi parueris, in vincula duci jubebo; nec, quum ita comparatum a majoribus sit, ut, comitiis censoriis nisi duo confererint legitima subfragia, non renuntiato altero comitia differantur, ego te, qui solus censor creari non possis, solum censuram gerere patiar. Haec taliaque quum dixisset, preendi censorem et in vincula duci jussit. Adprobantibus sex tribunis actionem conlegae, tres appellanti Appio auxilio fuerunt; summaque invidia omnium ordinum solus censuram gessit.

XXXV. Nam ea Romae geruntur, jam Sutrium ab Etruscis obsidebatur; consulique Fabio, imis montibus ducenti ad ferendam opem sociis tentandasque munitiones, si qua posset, aries hostium instructa obcurrit. Quorum ingentem multitudinem quum ostenderet subjecta late planicies: consul, ut loco paucitatem suorum adjuvaret, slectit paullulum in clivos agmen; (aspreta erant strata faxis) inde signa in hostem obvertit. Etrusci, omnium, praeterquam multitudinis suae, qua sola freti erant, inmemores, proelium ineunt adeo raptim et avide, ut, abjectis missilibus, quo celerius manus consererent, stringerent gladios, vadentes in hostem. Romanus contra nunc tela, nunc saxa, quibus eos adfatis locus ipse armabat, ingerere. Igitur scuta galiaeque ictae quum etiam, quos non vulneraverant, turbarent, (neque subire erat facile ad propriorem pugnare, neque missilia habebant, quibus eminus rem gererent) stantes et expositos ad ictus quum jam satis nihil tege-

ret, quosdam etiam pèdem referentes, fluctuantemque et instabilem aciem, redintegrato clamore, strictis gladiis hastati et principes invadunt. Eum inpetum non tulerunt Etrusci, versisque signis, fuga effusa castra repetunt. Sed equites Romani, praevecti per obliqua campi, quumi se fugientibus obtulissent, omisso ad castra itinere, montes petunt. Inde inermi paene agmine ac vexato vulneribus in sylvam Ciminiam penetratum. Romanus, multis milibus Etruscorum caesis, duodequādraginta signis militaribus captis, castris etiam hostium cum praeda ingenti potitur. Tum de perseguendo hoste agitari coeptum.

XXXVI. Sylva erat Ciminia magis tum invia atque horrenda, quam nuper fuere Germanici saltus; nulli ad eam diem ne mercatorum quidem adita. Eam intrare haud fere quisquam, praeter ducem ipsum, audebat. Aliis omnibus cladis Caudinae nondum memoria aboleverat. Tum ex iis, qui aderant, (consulis fratrem M. Fabium, Kaelonem alii, C. Claudium quidam matre eadem, quā consulem, genitum tradunt) speculatum se iturum professus, brevique omnia certa adlaturum. Caere educatus apud hospites, Etruscis inde literis eruditus erat, linguaunque Etruscam probe noverat. Habeo auctores, vulgo tum Romanos pueros, sicut nunc Graecis, ita Etruscis literis erudiri solitos. Sed proprius est vero, praecipuum aliquid fuisse in eo, qui se tam audaci similatione hostibus inmiscuerit. Servus ei dicitur comes unus fuisse, nutritus una, eoque haud ignarus linguae ejusdem: nec quidquam aliud proficiscentes, quam summatim regionis, quae intranda erat, naturam ac nomina principum in populis adcepere; ne qua inter conloquia insigni nota laesitantes depre-

deprehendi possent. Iere pastorali habitu, agrestibus telis, falcibus gaeisque binis armati. Sed neque commercium linguae, nec vestis armorumve habitus sic eos texit, quam quod abhorrebat ab fide, quemquam exterritum Ciminios saltus intraturum. Usque ad Camertes Vmbros penetrasse dicuntur. Ibi, qui essent, sateri Romanum ausum: introductumque in senatum consulis verbis egisse de societate amicitiaque: atque inde conii hospitio adcepimus, nuntiare Romanis iussum, commatum exercitui dierum triginta praestō fore, si ea loca intrasset; juventutemque Camertium Vmbrorum in armis paratam imperio futuram. Haec quum relata consuli essent, impedimentis prima vigilia praemissis, legionibus post impedimenta ire jussis, ipse substitit cum equitatu: et, luce orta, postero die obequitavit stationibus hostium, quae extra saltum dispositae erant: et, quum satis diu tenuisset hostem, in castra sese recepit; portaque altera egressus, ante noctem agmen adsequitur. Postero die, luce prima, juga Cimini montis tenebat. Inde, contemplatus opulenta Etruriae arva, milites emittit. Ingenti jam abacta praeda, tumultuariae agrestium Etruscorum cohortes, repente a principibus regionis ejus concitatae, Romanis obcurrunt, adeo incompatitae, ut vindices praedarum prope ipsi praedae fuerint. Caesis fugatisque iis, late depopulato agro, victor Romanus opulentusque rerum omnium copia in castra rediit. Eo forte quinque legati cum duobus tribunis plebis venerant, denuntiatum Fabio senatus verbis, ne saltum Ciminum transiret. Laetati serius se, quam ut impedire bellum possent, venisse, nuntii Victoriae Romam revertuntur.

XXXVII. Hac expeditione consulis motum latius erat, quam profligatum, bellum. Vastationem namque sub Ciminii montis radibus jacens ora senserat, conciveratque indignatione non Etruriae modo populos, sed Umbriae finitima. Itaque, quantus non umquam antea, exercitus ad Sutrium venit; neque e sylvis tantummodo promota castra, sed etiam aviditate dimieandi quam primum in campos delata acies: deinde instructa primo suo fitare loco, relicto hostibus ad instruendum contra spatio: dein, postquam detrectare hostem sensere pugnam, ad vallum subeunt. Vbi postquam stationes quoque receptas intra munimenta sensere, clamor repente circa duces ortus, ut *eo sibi e castris cibaria ejus diei deferrri* juberent; manfuros se sub armis, et aut nocte, aut certe luce prima castra hostium invasuros. Nihilo quietior Romanus exercitus imperio ducis continetur. Decima erat fere diei hora, quum cibum capere consul milites jubet; praecipit, ut in armis sint, quacunque diei noctisve hora signum dederit. Paucis milites adloquitur, Samnitium bella extollit, elevat Etruscos: *nec hosiem hosti, nec multitudinem multitudini comparandam ait esse. Praeterea telum aliud obcultum scituros in tempore: iuterea taceri opus esse.* His ambagibus prodii similabat hostes, quo animus militum multitudine territus restitueretur: et, quod sine munimento confederant, verisimilius erat, quod similabatur. Curati cibo corpora quieti dant, et quarta fere vigilia sine tumultu excitati arma capiunt. Dolabrae caloniibus dividuntur ad vallum proruendum fossasque inplendas. Intra munimenta instruitur acies: delectae cohortes ad portarum exitus conlocantur. Dato deinde signo paullo ante lucem, quod aestivis

vis noctibus sopitae maxime quietis tempus est, proruto vallo erupit acies: stratos passim invadit hostes: alios immobiles, alios semi-somnos in cubilibus suis, maximam partem ad arma trepidantes, caedes obpresso. Paucis armandi se datum spatium est. Eos ipsos, non signum certum, non ducem sequentes, fundit Romanus, fugatos eques persequitur. Ad castra, ad sylvas diversi tendebant. Sylvae tutius dedere refugium. Nam castra in campis sita eodem die capiuntur. Aurum argentumque jussum referri ad consulem: cetera praeda militis fuit. Caesa aut capta eo die hostium millia ad sexaginta. Eam tam claram pugnam trans Ciminiam sylvam ad Perusiam pugnatam, quidam auctores sunt; metuque in magno civitatem fuisse, ne interclusus exercitus tam infesto saltu, coortis undique Tuscis Vmbbrisque, obprimeretur. Sed, ubicumque pugnatum est, res Romana superior fuit. Itaque a Perusia, et Cortona, et Arretio, quae ferme capita Etruriae populorum ea tempestate erant, legati, pacem foedusque ab Romanis petentes, inducias in triginta annos impetraverunt.

XXXVIII. Dum haec in Etruria geruntur, consul alter C. Marcius Rutilus Allifas de Samnitibus vi cepit. Multa alia castella vici-que, aut deleta hostiliter, aut integra in potestatem venere. Per idem tempus et classis Romana a P. Cornelio, quem senatus maritiae orae praefecerat, in Campaniam acta, quum ad pulsa Pompejos esset; socii inde navales ad depopulandum agrum Nucerinum profecti, proximis raptim vastatis, unde redditus tutus ad naves esset, dulcedine (ut fit) praedae longius progressi, excivere hostes. Palavis per agros nemo obvius fuit, quum obedi-

dione obcidi possent: redeuntes agmine incauto haud procul navibus adsequunti agrestes exuerunt praeda, partem etiam obciderunt: quae superfuit caedi, trepida multitudo ad naves compulsa est. Profectio Q. Fabii trans Ciminiam sylvam quantum Romae terrorem fecerat, tam laetam famam in Samnum ad hostes tulerat: *interclusum Romanum exercitum obsideri, cladisque imaginem Furculas Caudinas memorabant; eadem temeritate avidam ultiorum semper gentem in saltus invios deductam, septam non hostium magis armis, quam locorum iniquitatibus esse.* Jam gaudium invidia quadam miscebatur, quod belli Romani decus ab Samnitibus fortuna ad Etruscos avertisset. Itaque armis virisque ad obterendum C. Marcium consulem concurrunt; protenus inde Etruriam per Marsos ac Sabinos petituri, si Marcius dimicandi potestatem non faciat. Obvius iis consul fuit. Diunicatum proelio utrumque atroci, atque incerto eventu est. Et quum anceps caedes fuisset, adversae tamen rei fama in Romanos vertit, ob amissos quosdam equestris ordinis tribunosque militum atque unum legatum, et (quod insigne maxime fuit) consulis iphius vulnus. Ob haec etiam aucta fama (ut solet) ingens terror Patres invasit, dictator remque dici placebat: nec, quin Cursor Papirius diceretur, in quo tum summa rei bellicae ponebatur, dubium cuiquam erat: sed nec in Samnum nuntium perferri, omnibus infestis, tuto posse; nec vivere Marcium consulem sat fidebant. Alter consul Fabius infestus privatim Papirio erat. Quac ne ira obstaret bone publico, legatos ex consularium numero mittendos ad eum senatus censuit; qui sua quoque eum, non publica solum, auctoritate movebant, ut memoriam simlatium patriae remitt-

mitteret. Profecti legati ad Fabium quum senatus consultum tradidissent, adjecillentque orationem convenientem mandatis, consul demissis in terram oculis, tacitus ab incertis, quidnam acturus esset, legatis recessit: nocte deinde silentio (ut mos est) L. Papirium dictatorem dixit. Cui quin ob animum egregie victum legati gratias agerent, obstinatum silentium obtinuit, ac sine responso ac mentione facti sui legatos dimisit, ut adpareret, insignem dolorem ingenti comprimi animo. Papirius C. Junium Bubulcum magistrum equitum dixit: atque ei, legem curiatam de imperio ferenti, triste omen diem diffidit; quod Faucia curia fuit principium, duabus insignis cladiis, captae Vrbis et Caudinae pacis: quod utroque anno eademi curia fuerat principium. Macer Licinius tertia etiam clade, quae ad Cremeram adcepit, abominandam eam curiam facit.

XXXIX. Dictator postero die, auspiciis repetitis, pertulit legem; et proiectus cum legionibus, ad terrorem traducti sylvam Ciminiam exercitus nuper scriptis, ad Longulam pervenit: adcepitque a Marcio consule veteribus militibus, in aciem copias eduxit. Nec hostes detrectare visi pugnam. Instructos deinde armatosque (quim ab neutrīs proelium inciperet) nox obpressit. Quieti aliquamdiu, uēc suis dissidentes viribus, nec hostem spernentes, stativa in propinquō habuere. Interea res iu Etruria gestae. Nam et cum Umbrorum exercitu acie depugnatū est; (fusi tam magis, quam caesi, hostes, quia coeptam acriter non tolerarunt pugnam) et ad Vadimonis lacum Etrusci, lege sacrata coacto exercitu, quā vir virum legisset, quantis numquam alias antea simul copiis, simul animis,

dimicarunt: tantoque irarum certamine gesta res est, ut ab neutra parte emissâ sint tela. Gladiis pugna coepit, et, acerrime commissa, apso certamine, quod aliquamdiu anceps fuit, ad censa est; ut non cum Etruscis toties viciis, sed cum aliqua nova gente, videretur dimicatio esse. Nihil ab ulla parte moyetur fugae: cadunt antesignani; et, ne nudentur propugnatoribus signa, sit ex secunda prima acies. Ab ultimis deinde subsidiis cietur miles: adeoque ad ultimum laboris ac periculi ventum est, ut equites Romani, omissis equis, ad primos ordines peditum per arma, per corpora evaserint. Ea velut nova inter fessos exorta acies turbavit signa Etruscorum. Sequuta deinde inpetum eorum, utcumque affecta erat, cetera multitudo tandem perrumpit ordines hostium. Tunc vinci pertinacia coepit, et averti manipuli quidam; et, ut semel dedere terga, etiam certiorum capessere fugam. Ille primum dies fortuna veteri abundantes Etruscorum fregit opes. Caesum in acie, quod roboris fuit; castra eo in petu capta diu septaque.

XL. Pari subinde periculo gloriaeque evenitu bellum in Samnitibus erat; qui, praeter ceteros belli adparatus, ut acies sua fulgeret novis armorum insignibus, fecerunt. Duo exercitus erant: scuta alterius auro, alterius argento caclaverunt. Forma erat scuti: sumum latius, qua pectus atque humeri teguntur, fastigio aequali; ad imum cuneatior, mobilitatis causa. Spongia pectori tegumentum: et sinistrum crus ocrea tectum. Galeae cristatae, quae speciem magnitudini corporum adderent. Tunicae auratis militibus versicolores, argentatis linteae candidae. His dextrum cornu datum: illi in sinistro consistunt. Notus jam Romanis adparatus insignium armorum

rum fuerat; doctique a ducibus erant, horri-
 dum militem esse debere: non caelatum auro et
 argento, sed ferro et animis fretum. Quippe
 illa praedam verius, quam arma, esse; intentia
 ante rem, deformia inter sanguinem et vulnera.
 Virtutem esse militis decus, et omnia illa victo-
 riam sequi; et ditem hostem quamvis pauperis
 victoris praemium esse. His Cursor vocibus in-
 stinctos milites in proelium dicit. Dextro
 ipse cornu consistit; sinistro praefecit magi-
 strum equitum. Simul est concursus, ingens
 fuit cum hoste certamen; non segnius inter
 dictatorem et magistrum equitum, ab ultra
 parte Victoria inciperet. Prior forte Junius
 commovit hostem, laevo dextrum cornu, sa-
 cratos more Samnitium milites, eoque can-
 dida veste et paribus candore armis insignes.
 Eos se Orco mactare Junius dictitans, quum
 intulisset signa, turbavit ordines, et haud du-
 bie inpulit aciem. Quod ubi sensit dictator,
Ab laevone cornu victoria incipiet? inquit, *et*
dextrum cornu, dictatoris acies, alienam pugnam
sequetur, non partem maximam victoriae tra-
het? Concitat milites. Nec peditum virtuti
 equites, aut legatorum studia ducibus cedunt.
 M. Valerius a dextro; P. Decius ab laevo cor-
 nu, ambo consulares ad equites in cornibus
 positos evehuntur: adhortatique eos, ut par-
 tem secum capellerent decoris, in transversa
 latera hostium incurruunt. Is novus additus
 terror quin ex parte utraque circumvalisset
 aciem, et ad terrorem hostium legiones Ro-
 manae, redintegrato clamore, intulissent gra-
 dum, tum fuga ab Samnitibus coepit. Jam
 strage hominum armorumque insignium campi
 repleri; ac primo pavidos Samnites castra sua
 adcepere: deinde ne ea quidem retenta. Cap-
 tis direptisque ante noctem injectus ignis:
Diz

Dictator ex senatus consulo triumphavit. Cujus triumpho longe maximam speciem captiva arma praebuere. Tantum magnificentiae visum in iis, ut aurata scuta dominis argentariarum ad forum ornandum dividerentur. Inde natum initium dicitur fori ornandi ab aedilibus, quin tensae ducerentur. Et Romani quidem ad honorem Deum insignibus armis hostium usi sunt: Campani, ab superbia et odio Samnitium, gla iatores (quod spectaculum inter epulas erat) eo ornatu armarunt, Samniumque nomen compellarunt. Eodem anno cum reliquis Etruscorum ad Perusiam, quae et ipsa induciarum fidem ruperat, Fabius consul nec dubia nec difficili victoria dimicat. Ipsum oppidum (nam ad moenia victor adcessit) cepisset, ni legati dedentes urbem exissent. Praesidio Perusiae inposito, legationibus Etruriae amicitiam potentibus pree se Romam ad senatum missis, consul, praestantiore etiam, quam dictator, victoria triumphans, Vrbem est invictus. Quin etiam devictorum Samnium decus magna ex parte ad legatos, P. Decium et M. Valerium, est verum: quos populus proximis comitiis ingenti consensu consulem alterum, alterum praetorem declaravit.

XLI. Fabio ob egregie perdomitam Etruriam continuatur consulatus: Decius collegatur. Valerius praetor quartum creatus. Consules partiti provincias. Etruria Decio, Samnium Fabio evenit. Is profectus ad Nuceriam Alsaternam, tum pacem petentes, quod uti ea, quum daretur, noluissent, adspersatus, obpugnando ad ditionem subegit. Cum Samnitibus acie dimicatum. Haud magno certamine hostes victi: neque ejus pugnae memoria tradita foret, ni Marci eo primum proelio cum Romanis bellaissent. Sequuti Marforum

defe-

defectionem Peligni eamdem fortunam habuerunt. Decio quoque alteri consuli secunda belli fortuna erat. Tarquinensem metu subeggerat frumentum exercitui praebere, atque inducias in quadraginta annos petere. Volsiniensium castella aliquot vi cepit: quaedam ex iis diruit, ne receptaculo hostibus essent: circumferendoque passim bello, tantum terrorem sui fecit, ut nomen omne Etruscum foedus ab consule peteret. Ac de eo quidem nihil impetratum. Induciae annuae datae. Stipendum exercitui Romano ab hoste in eum annum pensum, et binae tunicae in militem exactae. Ea merces induciarum fuit. Tranquillas res jam Etruscis turbavit repentina defectio Vmbrorum, gentis integrae a cladibus belli, nisi quod transitum exercitus ager senserat. Ii, concitata omni juventute sua, et magna parte Etruscorum ad rebellionem compulsa, tantum exercitum fecerant, ut, relicto post se in Etruria Decio, ad obpugnandam inde Romanitulos, magnifice de se ac contemtim de Romanis loquentes, jactarent. Quod incepsum eorum ubi ad Decium consulem perlatum est, ad Vrbem ex Etruria magnis itineribus pergit, et in agro Pupinienii ad famam intentus hostium confedit. Nec Romiae spernebatur Vmbrorum bellum: et ipsae minae metum fecerant expertis a Gallica clade, quam intutam urbem incolerent. Itaque legati ad Fabium consulem missi sunt, ut, si quid laxamenti a bello Samnitium esset, in Vmbriam propere exercitum duceret. Dicto paruit consul, magnisque itineribus ad Mevaniam, ubi tum copiae Vmbrorum erant, perrexit. Repons adventus consulis, quem procul Vmbria in Samnio bello alio occupatum crediderant, ita exterruit Vmbros, ut alii recedendum ad

urbes munitas, quidam omittendum bellum censerent. Plaga una (Materinam ipsi adpellant) non continuuit modo ceteros in armis, sed confestim ad certamen egit. Castra valiantem Fabium adorti sunt. Quos ubi effusos ruere in munimenta consul vidit, revocatos milites ab opere, prout loci natura tempusque patiebatur, ita instruxit: cohortatusque praedicatione vera qua in Tuscis, qua in Sannio partorum decorum, exiguam adpendicem Etrusci belli consicere jubet: et vocis impiae poenas expetere, qua se urbem Romanam obpugnaturos minati sint. Haec tanta sunt alacritate militum audita, ut clamor, sua sponte ortus, loquentem interpellaverit ducem. Ante imperium deinde concentu tubarum ac cornuum cursu effuso in hostem ferruntur. Non tamquam in viros aut armatos incurront: (mirabilia dictu!) signa primo eripi copta signiferis; deinde ipsi signiferi trahi ad consulem, armatique milites ex acie in aciem transferri, et, sicubi est certamen, scutis magis, quam gladiis, geritur res. Vmbo-nibus incussaqueala sternuntur hostes. Plus capitur hominum, quam caeditur: atque una vox ponere arma jubentium per totam fertur aciem. Itaque inter ipsum certamen facta deditio est a primis auctoribus belli. Postero insequentibusque diebus et ceteri Vmbrorum populi deduntur. Orciculani sponfione in amicitiam adcepti.

XLI. Fabius, alienae fortis victor belli, in suam provinciam exercitum reduxit. Itaque ei, ob res tam feliciter gestas, sicut priore anno populus continuaverat consulatum, ita senatus in insequentem annum, quo Ap. Claudius, L. Volumnius consules fuerunt, prorogavit, maxime Appio adversante, imperium.

Ap-

Appium censorēm petisse consulatum comitiaque ejus ab L. Furio tribuno plebis interpellata, donec se censura abdicavit, in quibusdam annalibus inventio. Creatus consul, quum conlegae novum bellum, Sallentini hostes decernerentur, Romae mansit, ut urbanis artibus opes augeret, quando belli decus penes alios esset. Voluminum provinciae haud poenituit. Multa secunda proelia fecit: aliquot urbes hostium vi cepit. Praedae erat largitor, et benignitatem per se gratam comitate adjuvabat: militemque iis artibus fecerat et periculi et laboris avidum. Q. Fabius proconsul ad urbem Allifas cum Samnitium exercitu signis conlatis confligit. Minime ambigua res fuit. Fuli hostes, atque in castra compulsi. Nec castra forent retenta, ni exiguum superfluisset diei: ante noctem tamen sunt circumfessa, et nocte custodita, ne quis elabi posset. Postero die, vixdum luce certa, deditio fieri coepit: et pacti, qui Samnitium forent, ut cum singulis vestimentis emitterentur. Hi omnes sub jugum missi. Sociis Samnitium nihil cautum. Ad septem millia sub corona venire. Qui se civem Hernicum dixerat, seorsum in custodia habitus. Eos omnes Fabius Romam ad senatum misit: et, quum quaestum esset, delectu, an voluntarii pro Samnitibus adversus Romanos bellassent, per Latinos populos custodiendi dantur. Jussique eam integrum rem novi consules, P. Cornelius Arvina, Q. Marcius Tremulus, (ii enim jam creati erant) ad senatum referre. Id aegre passi Hernici. Concilium populorum omnium habentibus Anagninis in circu, quem Maritimum vocant, praeter Alatrinatem Ferentina temque et Verulanum, omnes Hernici nominis populo Romano bellum indixerunt.

XLIII. In Samnio quoque, quia deceperat inde Fabius, novi motus exorti. Calatia et Sora praefidiaque, quae in iis Romana erant, expugnata: et in captivorum corpora militum foede saevitum. Itaque eo P. Cornelius cum exercitu missus. Marcio novi hostes (jam enim Anagninis Hernicisque aliis bellum jussum erat) decernuntur. Primo ita omnia opportuna loca hostes inter consulum castra interceperunt, ut pervadere expeditus nuntius non posset, et per aliquot dies incerti rerum omnium, suspensique de statu alterius, uterque consul ageret, Romamque is metus manaret; adeo ut omnes juniores sacramento adigerentur, atque ad subita rerum duo justi scriberentur exercitus. Ceterum Hernicum bellum nequam pro praefenti terrore ac vetustate gentis gloriae fuit. Nihil usquam dictu dignum ausi, trinis castris intra paucos dies exfuti, triginta dierum inducias, ita ut ad senatum Romanum legatos mitterent, pacti sunt bimestri stipendio frumentoque et singulis in militem tunicis. Ab senatu ad Marcium rejecti, cui senatus consulto permisum de Hernicis erat: isque eam gentem in ditionem adcepit. Et in Samnio alter consul superior viribus, locis impeditior erat. Omnia itinera obseperant hostes, fatisque pervios ceperant, ne qua subvehi commeatus possent: neque eos, quum quotidie signa in acieni consul proferret, elicere ad certamen poterat; satisque adparebat, neque Samnitem certamen praefens, nec Romanum dilationem belli laturum. Adventus Marcii, qui, Hernicis subactis, maturavit conlegae venire auxilio, moram certaminis hosti exemit. Nam, ut qui ne alteri quidem exercitui se ad certamen credidissent pares, conjungi utique passi duos consularēs exercitus nihil cre-

crederent superesse spei, advenientem incomposito agmine Marciū adgrediuntur. Raptim conflatae sarcinæ in medium, et, prout tempus patiebatur, instructa acies. Clamor primum in stativa perlatus, dein conspectus procul pulvis tumultum apud alterum consulem in castris fecit. Isque, confestim arma capere jussis, raptimque eductis in aciem militibus, transversam hostium aciem atque alio certamine obcupatam invadit; clamitans, *sumnum flagitium fore, si alterum exercitum utriusque victoriae compotem sinerent fieri, nec ad se sui belli vindicarent decus.* Qua impetum dederat, perrumpit; aciemque per medium in castra hostium tendit, et vacua defensoribus capit atque incendit. Quae ubi flagrantia Marciānus miles conspexit, et hostes respexere, tum passim fuga coepit Samnitium fieri. Sed omnia obtinet caedes, nec in ullam partem tum perfugium est. Jam, triginta millibus hostium cæsis, signum réceptui consules dederant, conligebantque in unum copias, in vicem inter se gratantes; quum repente visae procul hostium novae cohortes, quae in supplementum scriptae fuerant, integraverēt cædem. In quas, nec iussu consulū, nec signo accepto, victores vadunt, *malo tirocinio imbūendum Samnitēm,* clamitantes. Indulgent consules legionum ardori, ut qui probe scirent, novum militem hostium inter percusso fuga veteranos ne tentando quidem fatis certamini fore. Nec eos opinio sefellit. Omnes Samnitium copiae, veteres novaeque, montes proximos fuga capiunt. Eo et Romana erigitur acies: nec quidquam fatis tuti loci victis est, et de jugis, quae ceperant, funduntur; jamque una voce omnes pacem petebant. Tum, trium mensium frumento imperato et annuo

stipendio ac singulis in militem tunicis, ad senatum pacis oratores misi. Cornelius in Samnio relictus. Marcius de Hernicis triumphans in Urbem reliit; statuaque equestris in foro decreta est, quae ante templum Castoris posita est. Hernicorum tribus populis, Alatrinati, Verulano, Ferentinati, quia maluerunt, quam civitatem, suae leges redditae; connubiumque inter ipsos, quod aliquamdiu soli Hernicorum habuerunt, permisum. Anagninis, quique arma Romanis intulerant, civitas sine subfragii latione data: concilia conubiisque ademta: et magistratibus, praeter quam sacrorum curatione, interdictum. Eodem anno aedes Salutis a C. Junio Bubulco censore locata est, quam consul bello Samnitium voverat. Ab eodem conlegaque ejus M. Valerio Maximo viae per agros publica inpenfa factae. Et cum Cartaginiensibus eodem anno foedus tertio renovatum: legatisque eorum, qui ad id venerant, comiter munera missa.

XLIV. Dictatorem idem annus habuit P. Cornelium Scipionem, cum magistro equum P. Decio Mur. Ab iis, propter quae creati erant, comitia consularia habita, quia neuter consulum potuerat bello abesse. Creati consules L. Postumius, Ti. Minucius. Hos consules Piso Q. Fabio et P. Decio subgerit, biennio exempto, quo Claudium Volumniumque, et Cornelium cum Marcio consules factos tradidimus. Menioriane fugerit in annalibus dirigendis, an consulto binos consules falsos ratus, transcenderit, incertum est. Eodem anno in campum Stellatem agri Campani Samnitium incursions factae. Itaque ambo consules, in Samnium missi, quum diversas regiones, Tifernum Postumius, Bovianum Mi-

Minucius, petissent; Postumii prīus ductū ad Tifernum pugnatū. Alii haud dubie Samnitēs vicos ac viginti millia hominū capta tradūnt: alii Marte aequo discessum, et Postumium, metum similantem nocturno itinere, clam in montes copias abduxisse; hostes sequutos duo millia inde locis munitis et ipsos confedisse. Consul, ut stativa tuta copiosaque (et ita erant) petisse videretur, postquam et mūnimentis castra firmavit, et omni adparatu rerum utilium instruxit, relieto firmo praefidio, de vigilia tertia, qua duci proxime potest, expeditas legiones ad conlegam, et ipsum adversus alios sedentem, ducit. Ibi, auctore Postumio, Minucius cum hostibus signa confert; et, quum anceps proclīum in multum diei processisset, tum Postumius integris legionibus defessam jam aciem hostium improviso invadit. Itaque, quam lassitudo ac vulniera fūgam quoque praepedilent, obcidione obcesi hostes, signa unum et viginti capta: atque inde ad castra Postumii perrectum. Ibi duo victores exercitus percussum jam fama hostem adorti fundunt fugantque: signa militaria sex et viginti capta, et imperator Samnitium Statius Gellius multique alii mortales et castra ultraque capta: et Bovianum, ubi postero die coeptum obpugnari, brevi capit. Magnaque gloria rerum gestarum consules triumpharunt. Minucium consulem, cum vulnere gravi relatum in castra, mortuum, quidam auctores sunt, et M. Fulvium in locum ejus consulem subfectum: et ab eo, quum ad exercitum Minucii missus esset, Bovianum captum. Eodem anno Sora, Arpinum, Censennia, recepta ab Samnitibus. Herculis magnum simulacrum in Capitolio positum dedicatumque.

XLV. P. Sulpicio Saverrione, P. Sempronio Sopho consulibus, Samnites, seu finem, seu dilationem belli quaerentes, legatos de pace Romam misere. Quibus subupliciter agitibus responsum est, *nisi saepe bellum parantes pacem petissent Samnites, oratione ultro citroque habita, de pace transigi potuisse. Nunc, quando verba vana ad id locorum fuerint, rebus standum esse.* P. Sempronium consulem cum exercitu brevi in Samnio fore: eum, ad bellum pacemne inclinent animi, falli non posse: comperta omnia senatui relaturum: decedentem ex Samnio consulem legati sequerentur. Eo anno quum pacatum Samnium exercitus Romanus, benigne praebito commeatu, peragrasset, foedus antiquum Samnitibus redditum. Ad Aequos inde veteres hostes, ceterum per multos annos sub specie infidae pacis quietos, versa arma Romana: quod, incolumi Hernico nomine, missitaverant simul cum iis Samniti auxilia, et, post Hernicos subactos, universa prope gens, sine disimilatione consilii publici, ad hostes desciverat; et postquam, icto Romae cum Samnitibus foedere, fetiales venerant res repetitum, *tentationem ajebant esse, ut, terrore incusso belli, Romanos se fieri paterentur: quod quantopere optandum foret, Hernicos docuisse: quum, quibus licuerit, suas leges Romanae civitati praeoptaverint: quibus legendi, quid malling, copia non fuerit, pro poena necessariam civitatem fore.* Ob haec vulgo in conciliis jactata, populus Romanus bellum fieri Aquis jussit: consulesque ambo, ad novum profecti bellum, quatuor millia a castris hostium confederunt. Aequorum exercitus, (ut qui suo nomine permultos annos inbellis egissent) tumultuario similis, sine ducibus certis, sine imperio, trepidare. Alii exeundum in aciem,

aciem, alii castra tuenda censem: movet plerosque vastatio futura agrorum ac deinceps cum levibus praesidiis urbium relictarum excidia. Itaque postquam inter multas sententias una, quae, omista cura communium, ad respectum suarum quemque rerum vertisset, audita, ut prima vigilia diversi e castris ad deportanda omnia tuendaque moenibus in urbes abirent; cuncti eam sententiam ingenti adfensu adcepere. Palatis hostibus per agros, prima luce Romani, signis prolatis, in acie consistunt, et, ubi nemo obvius ibat, pleno gradu ad castra hostium tendunt. Ceterum, postquam ibi neque stationes pro portis, nec quemquam in vallo, nec fremitum consuetum castrorum animadverterunt; insolito silentio moti, metu insidiarum subsistunt. Transgressi deinde vallum, quum deserta omnia invenissent, pergunt hostem vestigiis sequi. Sed vestigia, in omnes aequa ferentia partes, ut in dilabitis passim, primo errorem faciebant: post, per exploratores compertis hostium consiliis, ad singulas urbes circumferendo bello, unum et quadraginta oppida intra dies quinquaginta omnia obpugnando ceperunt; quorum pleraque diruta atque incensa, nomenque Aequorum prope ad internectionem deletum. De Aquis triumphatum; exemploque eorum clades fuit, ut Marrucini, Marsi, Peligni, Frentani mitterent Romam oratores pacis petendae amicitiaeque. Iis populis foedus potentibus datum.

XLVI. Eodem anno Cn. Flavius Cn. filius scriba, patre libertino, humili fortuna ortus, ceterum callidus vir et facundus, aedilis curulis fuit. Invenio in quibusdam annalibus, quum adpareret aedilibus, fierique se pro tribu aedilem videret, neque adcipi nomen, quia

scriptum faceret; tabulam posuisse, et jurasse, se scriptum non facturum. Quem aliquanto ante desisse scriptum facere, arguit Maeer Licinius, tribunatu ante gesto triumviratibusque, nocturno altero, altero coloniae deducendae. Ceterum (id quod haud discrepat) contumacia adversus contemnentes humilitatem suam nobiles certavit: civile jus, repositum in penetralibus pontificum, evulgavit, fastosque circa forum in albo proposuit, ut, quando lege agi posset, sciretur: aedem Concordiae in area Vulcani summa invidia nobilium dedicavit; coactusque consensu populi Cornelius Barbatuſ pontifex maximus verba praeire, quum more majorum negaret, nisi consulem aut imperatorem, posse templum dedicare. Itaque ex auctoritate senatus latum ad populum est, ne quis templum aramve injusu senatus aut tribunorum plebei partis majoris dedicaret. Hand memorabilem rem per se, nisi documentum sit adversus superbiam nobilium plebeiae libertatis, referam. Ad conlegam aegrum vifendi caufa Flavius quum venisset, consensuque nobilium adolescentium, qui ibi adsidebant, adsurrectum ei non esset, curulem adferri sellam eo iussit, ac sede honoris sui anxios invidia inimicos spectavit. Ceterum Flavium dixerat aedilem forensis factio, Ap. Claudii censura vires nacta, qui senatum primus libertinorum filiis lectis inquinaverat. Et postquam eam lectionem nemo ratam habuit, nec in curia adeptus erat, quas petierat, opes urbanas; humilibus per omnes tribus divilis, forum et campum conrupit. Tantumque Flavii comitia indignitatis habuerunt, ut plerique nobilium annulos aureos et phaleras deponerent. Ex eo tempore in duas partes discessit civitas. Aliud integer populus,

Ius, sautor et cultor bonorum, aliud forensis factio tenebat; donec Q. Fabius et P. Decius censores facti: et Fabius, simul concordiae causa, simul ne humillimorum in manu co-mitia essent, omne in forensem turbam exercetani in quatuor tribus conjecit, urbanasque eas adpellavit. Adeoque eam rem adceptam gratis animis ferunt, ut Maximi cognomen, quod tot victoriis non penererat, hac ordinum temperatione pareret. Ab eodem institutum dicitur, ut equites Idibus Quinctilibus transveherentur.

T. LIVII PATAVINI LIBER X.

B R E V I A R I V M.

CAP. I. Soram et Albam coloniae deducuntur. Arpinatis Trebulanisque datur civitas. Fru-sinates tertia parte agri damnantur. Parva ex-peditio in Umbriam facta et 2000 latrones in spelunca obpressi. Aequi subiguntur a C. Junio Bubulco Dict. 2. Cleonymus dux Lacedaemo-niorum Thurias in Sallentinis capit pervenitque penitus ad litora Venetorum; sed ab his victus, vix quinta parte navium incolumi, discedit. 3. Foedus cum Vestinis ictum. Rebellio Etruriae, et Marforum ob coloniam Carseolos deductam.

M. Va-

M. Valerius Maximus Dict. fundit Marsos: at M. Aemilius Paullus mag. eq. ab Etruscis fugatur. 4. Etrusci insidias quoque parant Cu. Fulvio legato, sed frustra, 5. et a Valerio de- victi inducias biennii impetrant.

6. Q. et Cu, Ogulnii tribuni pl. rogationem promulgant, ut, quum IV augures et IV pontifices sint, IV pontifices et V augures, de plebe omnes, adlegendantur. 7. 8. Eam dissuadet maxime Ap. Claudius, et suadet P. Decius Mus. 9. Tum ingenti consensu populi adcipitur. Eodem anno a M. Valerio Maximo cos. diligenter sancitur lex de provocatione, tertia post reges exactos lata a familia eadem. Idem Valerius vincit Aequos, et Q. Appulejus alter consul Nequinum Umbriae opp. circumcidet. Q. Fabium, consulatu repudiato, aedilem curulem factum quidam tradunt. Lustrum conditum; tribusque additae duae, Auiensis ac Terentina. 10. Nequinum ope transfugarum capitur et colonia mittitur eo, Narnia a Nare fl. appellata. Etruscis bellum adversus Romanos molientibus, fines eorum ingrediuntur Galli, qui pecunia ingenti accepta recedunt quidem, sed societatem belli abnuunt, nisi pars agri detur. 11. T. Manlius cos. in Etruria equo effusus moritur, et M. Valerius Max. ei subiectus vastandis agris urens disque tectis non ad certamen hostes elicere potest. Caritas ammonae, quam Q. Fabius Max. aed. cur. sublevat praeparando ac convehendo frumento. Rebellio Samnitium, Lucanorum fines depopulantium.

12. Foedus cum Lucanis fit, et fetiales, sed frustra, mittuntur, qui Samnitem decedere agro sociorum jubeant. Hostes a consilibus vin- cuntur, Etrusci a L. Cornelio Scipione ad Vo- laterras cruento in proelio, et Samnites a Cu. Ful-

Fulvio ad Bovianum. 13. *Fama exoritur, Etruscos Saminitesque ingentes conscribere exercitus, et hujus terroris causa Q. Fabius Maximus invitus quartum eoque subfragante P. Decius Mus tertium consules creantur.* Multis nimium agri possidentibus dies ab aedilibus dicitur. 14. *Etruria ad pacem petendam inclinante, ambo Coss. in Samnium legiones ducunt, ubi Fabius hostem fortiter pugnantem ad Tifernum profligat.* 15. *Decius fundit Apulos, et duo consulares exercitus in Samnio omnia evasiant.* Fabius, comitorum causa Romam profectus, consulatum denio sibi oblatum recusat, et L. Volumnius de plebe cum Ap. Claudio iterum fit consul. 16. *Fabio et Decio in sex menses prorogatur imperium in Samnio.* Hostes inde pulsi Etruriam petunt, eamque mixtis terrore precibus ad bellum trahere conantur. 17. *Interea in Samnio capiuntur diripiunturque Murgantia, Romulea et Ferentinum.*

18. *Auctore Gellio Egnatio, duce Samnium, huic populo se conjungunt non modo Tusci fere omnes, sed et Umbri Gallique mercede jollicitati.* Hinc Volumnius in Samnium proficiscitur, et Appius in Etruriam. Is nec scite nec fortunate quidquam gerit, et Volumnius cum suis copiis ad illum pergit ad catus literis, quas tamen hic a se scriptas esse negat. 19. *Alte catio consulum, quorum alter orator, alter imperator est melior.* Volumnius jam abiturus retinetur precibus Appiani exercitus. Victoria Romanorum. 20. *Volumnius in Samnium redit et in Campano agro caedit Samnites praeda onustos.* 21. *Romae trepidationem mox perlaeta excipit supplicatio, placetque ut duae coloniae circa Vesuvium Falernumque agrum, ab Samnitibus depopulatum, praefidii loco deducantur,* Min-

Minturnae et Sinueffa. Interim Etrusci, Samnites, Vimbrì Gallique arma conferunt in Etruria. 22. Q. Fabius Max. consensu victus consul creatur cum P. Decio, quem iterum conlegam poposcerat: et L. Volumnio in annum prorogatur imperium.

23. *Prodigia; supplicationes; Pudicitia patricia et plebeja, earumque facella et arae. Feneratores et pecuarii bouis multantur.* 24. *Inter consules, qui duobus jam consulatibus censuraque concordes fuerant conlegae, contentio oriatur de provinciis, patriciis tendentibus, ut Fabius Etruriam extra ordinem vel sine forte obtineat: quae etiam provincia illi decernitur populi consensu.* 25. *Fabius, scriptis dumtaxat quatuor millibus peditum et 600 equitibus, ad castra Appii praetoris proficiscitur; sed mox Romanus redit ad consultandum de bello Etrusco, cuius terrorem auxerat Ap. Claudius.* 26. *Ibi petit, ut sibi adjutor detur Decius, isque non recusat societatem imperii. Legio Rom., ab Vimbris, vel, quod probabilius est, Gallis circumventa, deletur.* 27. *Atrox pugna consulum cum Samnitibus et Gallis in agro Sentinati.* 28. *Romanis in laevo cornu fugientibus, Decius exemplo patris se devovet.* 29. *Pugna cum Gallis in sinistro cornu restituitur; in dextro Samnitibus a Fabio vincuntur.* Galli testudine facta soli resistunt, sed tandem circumventi ab tergo et ipsis caeduntur. 30. *In Etruria Cn. Fulvius propraetor res ex sententia gerit: et Samnitibus novae clades inferuntur tum a Pelignis in horum agro, tum a Volumnio ad Tifernum montem. Triumphus Fabii et praemia militum.* 31. *Etrusci a Fabio, et Samnitibus in campo Stellati ab Appio Volumnioque funduntur. Pestilentia prodigiaque. Q. Fabius Gurses, consulis*

lis filius, aliquot matronas stupri damnatas pecunia mulcat. Diuturnitas belli Samnitici.

32. *Samnites castra M. Atilii Reguli cos. obpugnant. 33. Romani eos expellunt, sed persequi non ausi retro in Soranum agrum eunt. L. Postumius Megellus cos. conlegae se conjungit. 34. Postumius Milioniam et Ferentinum expugnat, aliisque desertis oppidis Samnii potitur. 35. Atilii proelium anceps et varium ad Luceriam. Postero die Samnites, castra Rom. sine certamine praeterire cupientes, praebent speciem recta tendentium ad ea obpugnanda. Hinc nova pugna, ad quam conserendam neutrīs animus est. 36. Romani fugiunt primum, mox vincent: nec ita multo post in agro Interamnati caedunt alias Samnitium copias praeda impeditas. 37. Postumius e Samnio transit in Etruriam eamque pervasiat. Idem auxilio triborum pl. trium, sine auctoritate Patrum, triumphat.*

38. *Lege sacrata delectus habetur per omne Samnium Legio linteata sacramento adacta horrendo ritu et aureis argenteisque armis ornata, aliisque exercitus, ei corporum specie et adparatu non dispar, ad Aquiloniam confidunt. 39. Consules Samnium depopulantur. Sp. Carvilius Amiternum vi capit et obsidet Cominium. L. Papirius Cursor Duroniam expugnat pervenitque ad Aquiloniam, ubi hostes insignibus armis fulgentes ab eo, ut olim a patre ejus, obcidione obciduntur. 40. Acies utrimque insiruitur, et pullarius, qui faustissimum auspicium, tripudium solisimum, mentitus erat, inter prima signa constitutus cadit primus, pilo temere emisso ictus. Augurium corvi. 41. Proelium atrox. Sp. Nautius densiore pulvere procul exercitato praebet speciem advenientis exercitus Carviliani. Hostes jurati injuratique passim sternuntur.*

muntur, et pars in castra ad Aquiloniam posita, pars Bovianum perfugiunt. *L. Volumnius* castra capit, et *L. Scipio* penetrat in interiora urbis. 42. Nocte deseritur ab hostibus oppidum, in quod et consul signa intulerat. Non ferme alius dux laetior in acie visus, et ab eodem in illa non templum, sed pocillum mulsi votum Jo-*vi Victorii*. 43. Cominium a Carvilio captum. Hostes in fuga imperfecti. 44. Consules conjungunt castra et suos pro cuiusque merito laudant donantque. Iude ad oppida Samnii obpugnanda ducunt legiones. 45. Faliscorum aliorumque Etruriae populorum rebellio. *Carvilius, Palumbino, Volana et Herculaneo* captis, ex Samnio in Etruriam transit. *Papirius Saepinum* expugnat. 46. Idem triumphat et eximiis ho-*stium spoliis* exornat aedem Quirini, forum et finitimas quoque colonias. *Carvilius in Etru-*
ria Troilium et quinque castella vi capit, an-
uuasque inducias dat Faliscis pacem petentibus.
Triumphus ejus. Aedes Fortis Fortunae de ma-
nubibus facta. Praedae pars data militibus. Ad-
cusatio L. Postumii haud peracta. 47. Lustrum
XIX conditur. Romani primum coronati, ob
res bello bene gestas, ludos spectant, et victori-
bus dant palmas. Pecuarii aliquot damnantur.
Pestilentia Vrbem agrosque urit, et in libris Si-
byllinis invenitur, Aesculapii signum ab Epidau-
ro Ronam arcessendum.

I. *L.* Genucio, Ser. Cornelio consulibus, ab externis ferme bellis otium fuit. Soram atque Albam coloniae deductae. Albam in Ae-
 quos sex millia colonorum scripta. Sora agri
 Vol-

Volsei fuerat; sed possederant Samnites. Eo
quatuor millia hominum missa. Eodem anno
Arpinatis Trebulanisque civitas data. Fru-
sinates tertia parte agri damnati, quod Herni-
cos ab eis sollicitatos compertum: capitaque
conjunctionis ejus, quaestione ab consulibus
ex senatus consulo habita, virgis caesi ac se-
curi percussi. Tamen, ne prorsus inbellem
agerent annum, parva expeditio in Umbria
facta est; quod nuntiabatur, ex spelunca qua-
dam excursiones armatorum in agros fieri.
In eam speluncam penetratum cum signis est:
et ex eo loco obscuro multa vulnera accepta,
maximeque lapidum ictu; donec, altero spe-
cus ejus ore (nam pervius erat) invento, utrae-
que fauces congestis lignis adcensae: ita intus
fumo ac vapore ad duo millia armatorum,
ruentia novissime in ipsas flamas, dum eva-
dere tendunt, absunta. Marcis Livio Dentre
et Aemilio consulibus, redintegratum Aequi-
cum bellum. Coloniam, aegre patientes vel-
ut arcem suis finibus inpositam, summa vi ex-
pugnare adorti, ab ipsis colonis pelluntur.
Ceterum tantum Romae terror em fecere, quia
vix credibile erat, tam adfectis rebus solos per
se Aequos ad bellum coortos, ut tumultus ejus
causa dictator diceretur C. Junius Bubulcus.
Is, cum M. Titinio magistro equitum profe-
ctus, primo congressu Aequos subegit, ac, die
octavo, triumphans in Urbem quum redisset,
aadem Salutis, quam consul voverat, censor
locaverat, dictator dedicavit.

II. Eodem anno classis Graecorum, Cleo-
nymo duce Lacedaemonio, ad Italiae litora
ad pulsa, Thurias urbem in Sallentinis cepit.
Adversus hunc hostem consul Aemilius missus
praelio uno fugatum compulit in naves. Thu-
riae redditae veteri cultori: Sallentinoque

agro pax parta. Junium Bubulcum dictatorem missum in Sallentinos, in quibusdam annalibus invenio: et Cleonymum prius, quam configendum esset cum Romanis, Italia excessisse. Circumvectus inde Brundisi promontorium, medioque sinu Hadriatico ventis latutus, quum laeva importuosa Italiae litora, dextra Illyrii Liburnique et Istri gentes ferae, et magna ex parte latrociniis maritimis infames, terrirent, penitus ad litora Venetorum per venit. Ibi expositis paucis, qui loca explorarent, quum audisset, tenue praetentum litus esse, quod transgressis stagna ab tergo sint, intrigua aestibus maritimis; agros haud procul proximos campestres cerni; ulteriora colles; inde esse ostium fluminis praealti, quo circumagi naves in stationem tutam vidisse: (Meduacus amnis erat) eo in vectam classem subire flumine adverso jussit. Gravissimas navium non pertulit alveus fluminis. In leviora navigia transgressa multitudo armatorum ad frequentes agros, tribus maritimis Patavinorum vicis coletibus eam oram, pervenit. Ibi egredi, levi praesidio navibus relicto, vicos expugnant, inflammant tecta, hominum pecudumque praedas agunt, et dulcedine praedandi longius usque a navibus procedunt. Haec ubi Patavium sunt nuntiata, (semper autem eos in armis adcolae Galli habebant) in duas partes juventutem dividunt. Altera in regionem, qua effusa populatio nuntiabatur; altera, ne cui praedonum obvia fieret, altero itinere ad stationem navium (millia autem quatuordecim ab oppido aberat) ducta. In naves parvas, custodibus intereintis, impetus factus; terraque nautae coguntur naves in alteram ripam amnis transjicere. Et in terra prosperrum aequae in palatos praedatores proelium fue-

fuerat; refugientibusque ad stationem Graecis Veneti obfistunt. Ita in medio ci: cumventi hostes caeliique; pars capti classem indicant regenique Cleonymum tria millia abesse. Inde; captivis proximo vico in custodiam datis, pars fluviales naves, ad superanda vada stagnorum apte planis alveis fabricatas, pars captiva navigia armatis compleunt. Profectique ad classem, immobiles naves et loca ignota plus, quam hostem, timentes circumvadunt: fugientesque in altum acrius, quam repugnantes, usque ad ostium amnis persequuti, captis quibusdam incensisque navibus hostium, quas trepidatio in vada intulerat, victores revertuntur. Cleonymus, vix quinta parte navium incolumi, nulla regione maris Hadriatici prospere adita, discessit. Rostra navium Ipoliaque Laconum, in aede Junonis veteri fixa, multi supersunt, qui viderunt. Patavii monimentum navalis pugnae eo die, quo pugnatum est, quotannis sollemni certamine navium in flumine oppidi medio exercetur.

III. Eodem anno Romae cum Vestinis; potentibus amicitiam, ictum est foedus. Multiplex deinde exortus terror. Etruriam rebellare, ab Arretinorum seditionibus motu orto; runtiabatur; ubi Cilnium genus praepotens, divitarum invidia, pelli armis coepit; simul Marsos agrum vi tueri, in quem colonia Carfeoli deducta erat, quatuor milibus hominum scriptis. Itaque propter eos tumultus dictus M. Valerius Maximus dictator, magistrum equitum sibi legit M. Aemilium Paullum. Id magis credo, quam Q. Fabium ea aetate atque eis honoribus Valerio subiectum. Ceterum ex Maximi cognomine ortum errorem hand abnuerim. Profectus dictator cum exercitu proelio uno Marsos fun-

dit. Compulsis deinde in urbes munitas, Milioniam, Plestinam, Fresiliam, intra dies paucos cepit: et parte agri multatis Marsis foedus restituit. Tuni in Etruscos versum bellum; et, quum dictator auspiciorum repetendorum causa profectus Romam esset, magister equitum, pabulatum egressus, ex insidiis circumvenitur; signisque aliquot amissis, foeda militum caede ac fuga in castra est compulsus. Qui terror non eo tantum a Fabio abhorret, quod si qua alia arte cognomen suum aequavit, tum maxime bellicis laudibus; sed etiam, quod, memor Papirianae saevitiae, numquam, ut dictatoris injusu dimicaret, adduci potuisset.

IV. Nuntiata ea clades Romam majorem, quam res erat, terrorem excivit. Nam, ut exercitu deleto, ita justitium indictum; custodiae in portis, vigiliae vicatim exactae; arma, tela in muros congesta. Omnibus junioribus sacramento adactis, dictator, ad exercitum missus, omnia spe tranquilliora et composita magistri equitum cura, castra in tutiorem locum redacta, cohortes, quae signa amiserant, extra vallum sine tentoriis destitutas invenit; exercitum avidum pugnac, quo maturius ignominia aboleretur. Itaque confestim castra inde in agrum Rusellatum promovit. Eo et hostes sequuti: et quamquam ex bene gesta recessum et in aperto certamine virium spem habebant; tamen insidiis quoque, quas feliciter experti erant, hostem tentant. Tecta semiruta vici, per vastationem agrorum deusti, hand procul castris Romanorum aberant. Ibi abditis armatis, pecus in conspectu praefidii Romani, cui praeerat Cn. Fulvius legatus, propulsum. Ad quam inlecebram quum moveretur nemo ab Romana statione, pastorum unius, progressus sub ipsas munitiones, inclamat

mat alios, cunctanter ab ruinis vici pecus propellentes, quid cessarent, quum per media castra Romana tuto agere possent? Haec quum legato Caerites quidam interpretarentur, et per omnes manipulos militum indignatio ingens esset, nec tamen injussu movere auderent; jubet peritos linguae adtendere animum, pastorum sermo agresti, an urbano, propior esset. Quum referrent, sonum linguae et corporum habituni et nitorem cultiora, quam pastoralia, esse; ite igitur, dicite, inquit, detectant nequidquam conditas infidias: omnia scire Romanum; nec magis jam dolo capi, quam armis vinci, posse. Haec ubi audita sunt, et ad eos, qui considerant in infidiis, perlata, confurrectum repente ex latebris est, et in paten-tem ad conspectum undique campum proleta signa. Visa legato major acies, quam quae ab suo praesidio sustineri posset. Itaque propere ad dictatorem auxilia adeitum mittit: interea ipse inpetus hostium sustinet.

V. Nuntio adlato, dictator signa ferri, ac sequi armatos jubet. Sed celeriora prope omnia imperio erant. Rapta extemplo signa armaque; et vix ab inpetu et cursu tenebantur. Quum ira ab accepta nuper clade stimulabat, tum concitator adcidens clamor ab increcente certamine. Vrguent itaque alii alios, hortanturque signiferos, ut ocios eant. Quo magis festinantes videt dictator, eo impennis retentat agmen, ac sensim incedere jubet. Etrusci contra, principio exciti pugnae, omnibus copiis aderant. Et super alios alii numtant dictatori, omnes legiones Etruscorum capefuisse pugnam; nec jam ab suis resisti posse: et ipse cernit ex superiore loco, in quanto discrimine praefidium esset. Ceterum satis fatus, esse etiam nunc tolerando certaminis

legatum, nec se procul abesse periculi vindictam, quam maxime vult fatigari hostem, ut integris adoriatur viribus fellos. Quamquam lente procedunt, jam tamen ad inpetum capiendum; equiti utique, modicum erat spatiuum. Prima incedebant signa legionum, ne quid occultum aut repentinum hostis timeret: sed reliquerat intervalla inter ordines peditum, qua satis laxo spatio equi permitti possent. Pariter sustulit clamoreni acies; et emissus eques libero cursu in hostem invehitur, incompositisque adversus equestrem procellam subitum pavorem obfundit. Itaque, ut propè serum auxilium jam paene circumventis, ita universa requies data est. Integri adcepere pugnam: nec ea ipsa longa, aut anceps fuit. Fusi hostes castra repetunt, inferentibusque jam signa Romanis cedunt, et in ultimam castrorum partem congregantur. Haerent fugientes in angustiis portarum: pars magna aggerem vallumque condescendunt, si aut ex superiore loco tueri se, aut superare aliqua et evadere possent. Forte quodam loco male densatus agger pondere superstantium in fossam procubuit: atque ea quum Deos pandere viam fugae conclamassent, plures inermes, quam armati, evadunt. Hoc proelio fractae iterum Etruscorum vires; et, pacto annuo stipendio et duum mensium frumento, permisum ab dictatore, ut de pace legatos mitterent Romanum. Pax negata: induciae biennii datae. Dictator triumphans in Vrbem rediit. Haheo auctores, sine ullo memorabili proelio pacatam ab dictatore Etruriam esse, seditionibus tantum Arretinorum compositis, et Cilnio genere cum plebe in gratiam reducto. Consul ex dictatura factus M. Valerius. Non petentem, atque adeo etiam absentem, creatum credidere quidam;

et

et per interregem ea comitia facta. Id unum non ambigitur, consulatum cum Appulejo Panfa gesisse.

VI. M. Valerio et Q. Appulejo consulisbus, satis pacatae foris res fuere. Etruscum adversa belli res et induciae quietum tenebant: Samnitem, multorum annorum cladibus dominum, haud dum foederis novi poenitebat. Romae quoque plebem quietam et exoneratam deducta in colonias multitudo praestabat. Tamen, ne undique tranquillae res essent, certamen injectum inter primores civitatis, patricios plebejosque, ab tribunis plebis Q. et Cn. Ogulniis. Qui, undique criminandorum Patrum apud plebem occasionibus quaesitis, postquam alia frustra tentata erant, eam actionem suscepserunt, qua non insimiam plebem adcederent, sed ipsa capita plebis, consulares triumphalesque plebejos; quorum honoribus nihil, praeter sacerdotia, quae nondum promisca erant, deesset. Rogationem ergo promulgarunt, ut, quum quatuor augures, quatuor pontifices ea tempestate essent, placaretque augeri sacerdotum numerum, quatuor pontifices, quinque augures, de plebe omnes, adlegerentur. Quemadmodum ad quatuor auguriū numerum, nisi morte duorum, id redigi conlegium potuerit, non iuvenio; quum inter augures constet, inparem numerum debere esse, ut tres antiquae tribus, Ramnes, Titientes, Luceres, suum quaque augurem habeant; aut, si pluribus sit opus, pari interesse numero sacerdotes multiplicent: sicut multiplicati sunt, quum ad quatuor quinque adjecti novem numerum, ut terni in singulas essent, expleverunt. Ceterum, quia de plebe adlegebantur, juxta eam rem aegre passi Patres, quam quum consulatum vulgari vide-

rent. Similabant, ad Deos id magis, quam ad se, pertinere: ipsos visuros, ne sacra sua polluantur. Id se optare tantum, ne quae in rem publicam clades veniat. Minus autem tetendere, adsueti jam tali genere certaminum vinci. Et cernebant, adversarios non id, quod olim vix speraverint, affectantes magnos honores, sed omnia jam, in quorum spem dubiam erat certatum, tamen adeptos, multiplices consulatus censurasque et triumphos.

VII. Certatum tamen suadenda dissuadendaque lege inter Ap. Claudium maxime ferunt et inter P. Decium Murem. Qui quum eadem ferme de jure Patrum ac plebis, quae pro lege Licinia quondam contraque eam dicta erant, quum plebejis consulatus rogabatur, disferuissent; retulisse dicitur Decius parentis sui speciem, quaem eum multi, qui in concione erant, viderant, incinctum Gabino cultu, super telum stantem, quo se habitu pro populo ac legionibus Romanis devovisset. Tum P. Decium consulem purum piumque Deis immortalibus visum, aequa ac si T. Manlius collega ejus devoveretur. Eundem P. Decium, qui sacra publica populi Romani faceret, legi rite non potuisse? Id esse periculum, ne suas preces minus audirent Dii, quam Ap. Claudii? Cassius eum sacra privata facere, et religiosius Deos colere, quam se? Quem poenitere votorum, quae pro re publica nuncupaverint tot consules plebeji, tot dictatores, aut ad exercitus eentes, aut inter ipsa bella? Numerarentur duces eorum annorum, quibus plebejorum ductu et auspicio res geri coepiae sunt: numerarentur triumphi. Jam ne nobilitatis quidem suae plebejos poenitere. Pro certo habere, si quod repens bellum oriatur, non plus spei fore senatui populoque Romano in patriciis, quam in plebejis

jis ducibus. Quod quum ita se habeat, cui Deorum hominumve indignum videri potest, inquit, eos viros, quos vos sellis curulibus, toga praetexta, tunica palmata et toga picta et corona triumphali laureaque honoraritis, quorum domos spoliis hostium adfixis insignes inter alias feceritis, pontificalia atque auguralia insignia adgicere? qui, Jovis optimi maximi ornatu decoratus, curru aurato per Urbem vectus in Capitolum adscenderit, si conspiciatur cum capide ac lituo, capite velato victimam caedat, auguriumve ex arce capiat? Cujus imaginis titulo consulatus censuraque et triumphus aequo animo legetur; si auguratum aut pontificatum adjeceritis, non sustinebunt legentium oculi? Equidem (pace dixerim Deum) eos nos jam populi Romani beneficio esse spero, qui sacerdotius non minus reddamus dignatione nostra honoris, quam adcepimus; et Deorum magis, quam nostra causa expetamus, ut, quos privatim colimus, publice colamus.

VIII. Quid autem ego sic adhuc egi, tamquam integra sit causa patriciorum de sacerdotiis, et non jam in possessione unius amplissimi simus sacerdotii? Decemvirolos faciundis, carmijum Sibyllae ac fatorum populi hujus interpretes, antistites eosdem Apollinaris sacri ceremoniarumque aliarum, plebejos videmus. Nec tum patriciis ulla injuria facta est, quum duumviris sacris faciundis adjectus est propter plebejos numerus; et nunc tribunus, vir fortis ac strenuus, quinque augurum loca, quatuor pontificum adjecit, in quae plebeji nominentur; non ut vos, Appi, vestro loco pellant, sed ut adjuvent vos homines plebeji diviis quoque rebus procurandis, sicut in ceteris humanis pro parte virili adjuvant. Noli erubescere, Appi,

conlegam in sacerdotio habere, quem in censurā, quem in consulatu conlegam habere potuisti: cuius tam dictatoris magister equitum, quam magistri equitum dictator esse potes. Sabinum advenam, principem nobilitatis vestræ, seu At-tum Clafsum, seu Ap. Claudium mavultis, illi antiqui patricii in suum numerum adceperunt. Ne fastidieris nos in sacerdotum numerum adci-pere. Multa nobiscum decora adferimus; im-mo omnia eadem, quae vos superbos fecerunt. L. Sextius primus de plebe consul est factus; C. Licinius Stolo primus magister equitum, C. Mar-cius Rutilus primus et dictator et censor, Q. Publilius Philo primus praetor. Semper ista audita sunt eadem, penes vos auspicia esse, vos solos gentem habere, vos solos justum imperium et auspicium domi militiaeque. Aequa adhuc prosperum plebejum ac patricium fuit, porroque erit. Enimquam fando audistis, patricios pri-mo esse factos, non de coelo demissos, sed qui patrem ciere possent, id est, nihil ultra quam ingenuos? Consulem jam patrem ciere possum, avumque jami poterit filius meus. Nihil est aliud in re, Quirites, nisi ut omnia negata adipisci-mur. Certamen tantum patricii petunt, nec curant, quem eventum certaminum habeant. Ego hanc legem, quod bonum, faustum felixque sit vobis ac rei publicae, uti rogas, jubendam censeo.

IX. Vocare tribus extemplo populus ju-bebat, adparebatque adcipi legem: ille tamen dies est intercessione sublatuſ. Postero die, deterritis tribunis, ingenti consensu adcep-ta est. Pontifices creatur suorum legis P. Decius Mus, P. Sempronius Sophus, C. Marcius Ru-tillus, M. Livius Denter. Quinque augures item de plebe, C. Genucius, P. Aelius Pa-e-tus, M. Minucius Fessus, C. Marcius, T. Pu-blus

blilius. Ita octo pontificum, novem angurum numerus factus. Eodem anno M. Valerius consul de provocatione legem tulit, diligenter sanctam. Tertio ea tum post reges exactos lata est, semper a familia eadem. Causam renovandae saepius haud aliam fuisse reor, quam quod plus paucorum opes, quam libertas plebis, poterant. Porcia tamen lex sola pro tergo civium lata videtur: quod gravi poena, si quis verberasset nec assletve civem Romanum, sanxit. Valeria lex, quum eum, qui provocasset, virgis caedi securique necari ventisset, si quis adversus ea fecisset, nihil ultra, quam inprobe factum, adjecit. Id (qui tum pudor hominum erat) visum, credo, vineum satis validum legis. Nunc vix serio ita minetur quisquam. Bellum ab eodem consule haudquaquam memorabile adversus rebellantes Aequos, quum praeter animos feroces nihil ex antiqua fortuna haberent, gestum est. Alter consul Appulejus in Vimbria Nequinum oppidum circumfedit. Locus erat arduus atque in parte una praeceps, ubi nunc Narnia sita est. Nec vi, nec munimento capi poterat. Itaque eam infectam rem M. Fulvius Paetinus, T. Manlius Torquatus, novi consules, aedeperunt. In eum annum quum Q. Fabium consulem non petentem omnes dicebant centuriae, ipsum auctorem fuisse Macer Licinius ac Tubero tradunt differendi sibi consulatus in bellicosiorem annum: eo anno majori se usui rei publicae fore, urbano gesto magistratu. Ita nec disimilantem, quid mallet, nec petentem tamen, aedilem curulem cum L. Papirio Cursore factum. Id ne pro certo ponerem, vetustior annalium auctor Piso efficit; qui eo anno aediles curules fuisse tradit C. Domitium Cn. F. Calvinum et Sp. Caevium

lium Q. F. Maximum. Id credo cognomen errorem in aedilibus fecisse; sequuntamque fabulam mixtam ex aediliciis et consularibus comitiis, convenientem errori. Et lustrum e anno conditum a P. Sempronio Sopho et P. Sulpicio Saverrione censoribus: tribusque additae duae, Aniensis ac Terentina. Haec Romae gesta.

X. Ceterum ad Nequinum oppidum quum segni obsidione tempus tereretur, duo ex oppidanis, quorum erant aedificia juncta muro, specu facto ad stationes Romanas itinere occulto perveniant: inde ad consulem deducti, praesidium armatum se intra moenia et muros adepturos confirmant. Nec adspernanda res visa, neque incaute credenda. Cum altero eorum (nam alter obfes retentus) duo exploratores per cuniculum missi: per quos satis comperta re, trecenti armati, transfuga duce in urbem ingressi, nocte portam, quae proxima erat, cepere. Qua refracta, consul exercitusque Romanus sine certamine urbem invasere. Ita Nequinum in ditionem populi Romani venit. Colonia eo adversus Vmbros missa, a flumine Narnia adpellata: exercitus cum magna praeda Romam reductus. Eodem anno ab Etruscis adversus inducias paratum bellum. Sed eos alia molientes Gallorum ingens exercitus, fines ingressus, paullisper a proposito avertit. Pecunia deinde, qua multum poterant, freti, socios ex hostibus facere Gallos conantur, ut eo adjuncto exercitu cum Romanis bellarent. De societate haud abnuunt barbari: de mercede agitur. Qua pacta acceptaque, quum parata cetera ad bellum essent sequique Etrucus juberet, infitias eunt, *mercedeni se belli Romanis inferendi pactos*. *Quidquid adceperint, adcepisse, ne agrum Etruscum vasta-*

vastarent, armisque lacefferent cultores. Mili-taturos tamen se, si utique Etrusci velint; sed nulla alia mercede, quam ut in partem agri ad-cipiatur, tandemque aliqua sede certa consi-stant. Multa de eo concilia populorum Etru-riae habita. Nec perfici quidquam potuit; non tam quia inminui agrum, quam quia adcolas sibi quisque adjungere tam efferatae gentis ho-mines horrebat. Ita dimissi Galli pecuniam ingentem sine labore ac periculo partam retu-lerunt. Romae terrorem praebuit fama Gal-lici tumultus ad bellum Etruscum adjecti: eo minus cunctanter foedus ictum cum Picenti populo est.

XI. T. Manlio consuli Etruria provincia forte evenit; qui, vixdum ingressus hostium fines, quum exerceretur inter equites, ab ra-pido cursu circumagendo equo effusus, ex-templo prope exspiravit. Tertius ab eo casu dies finis vitae consuli fuit. Quo velut omne belli adcepto, Deos pro se commisso bellum memorantes Etrusci sustulere animos. Ro-mae, tum desiderio viri, tum incommoditate temporis, tristis nuntius fuit, ut Patres ab ju-bendo dictatore consulis subrogandi comitia, ex sententia principum habita, deterruerint. M. Valerium consulem omnes sententiae centuriaeque dixerunt, quem senatus dictatorem dici iussurus fuerat. Tum extemplo in Etru-riam ad legiones proficisci jussit. Adventus ejus compressit Etruseos, adeo ut nemo extra niunimenta egredi auderet, timorque ipsorum obsidioni similis esset. Neque illos novus con-sul vastandis agris urendisque tectis, quum passim non villae solum, sed frequentes quo-que vici, incendiis sumarent, elicere ad cer-tamen potuit. Quum hoc segnus bellum opini-ione esset, alterius belli, quod multis in vi-cem

cem cladibus haud inmerito terrible erat; fama Picentium, novorum sociorum, indicio exorta est: *Samnites arma et rebellionem spectare, seque ab iis solicitatos esse.* Picentibus gratiae actae, et magna pars curae Patribus ab Etruria in Samnites versa est. Caritas etiam annoiae sollicitam civitatem habuit; ventumque ad inopiae ultimum foret, ut scripsere, quibus aedilem fuisse eo anno Fabium Maximum placet, ni ejus viri cura, qualis in bellicis rebus multis tempestatibus fuerat, talis domi tum in annonae dispensatione, praeparando ac convehendo frumento, fuisse. Eo anno (nec traditur causa) interregnum initum. Interreges fuere Ap. Claudius, dein P. Sulpicius. Is comitia consularia habuit. Creavit L. Cornelium Scipionem, Cn. Fulvium consules. Principio hujus anni oratores Lucanorum ad novos consules venerunt, quaestum, quia conditionibus perlicere se nequiverint ad societatem armorum, *Samnites infestio exercitu ingressos fines suos vastare, belloque ad bellum cogere.* Lucano populo satis superque erratum quondam: nunc ita obstinatos animos esse, ut omnia ferre ac pati tolerabilius ducent, quam ut umquam poslea nomen Romanum violent. Orare Patres, ut et Lucanos in fidem adcipiant, et vim atque injuriam ab se Samnitium arceant. Se, quamquam, bello cum Samnitibus suscepto, necessaria jam facta adversus Romanos fides sit, tamen obfides dare paratos esse.

XII. Brevis consultatio senatus fuit. Ad unum omnes jungendum foedus cum Lucanis, resque repetendas ab Samnitibus, censent. Benigne responsum Lucanis, ictumque foedus. Fetiales missi, qui Samnitem decedere agro sociorum, ac deducere exercitum finibus Lucanis juherent. Quibus obviam missi ab

ab Samnitibus, qui denuntiarent, *Si quod adissent in Samnio concilium, haud inviolatos abituros.* Haec postquam audita sunt Romae, bellum Samnitibus et Patres censuerunt, et populus iussit. Consules inter se provincias partiti sunt. Scipioni Etruria, Fulvio Samnites obvenerunt; diversique, ad suum quisque bellum, proficiscuntur. Scipioni, segne bellum et simile prioris anni militiae expectanti, hostes ad Volaterras instructo agmine obcurrerunt. Pugnatum majore parte diei, magna utrimque caede. Nox incertis, qua data victoria esset, intervenit: lux insequens victorem vietumque ostendit. Nam Etrusci silentio noctis castra reliquerunt. Romanus, egressus in aciem, ubi profectione hostium concessam victoriam videt, progressus ad castra, vacuis cum plurima praeda (nam et stativa trepide deserta fuerant) potitur. Inde in Faliscum agrum copiis reductis, quum impedimenta Faleriis cum modico praefidio reliquisset, expedito agmine ad depopulandos hostium fines incedit. Omnia ferro ignique vastantur; praedae undique actae: nec solum modo vastum hosti relictum, sed castellis etiam vicisque inlatus ignis: urbibus obpugnandis temperatum, in quas timor Etruscos compulerat. Cn. Fulvii consulis clara pugna in Samnio ad Bovianum haudquaquam ambiguæ victoriae fuit. Bovianum inde adgressus, nec ita multo post Aufidenam vi cepit.

XIII. Eodem anno Carseolos colonia in agrum Aequicolorum deducta. Fulvius consul de Samnitibus triumphavit. Quum comitia consularia instarent, fama exorta, Etruscos Samnitesque ingentes conscribere exercitus; palam omnibus conciliis vexari principes Etruscorum, quod non Gallos quacunque con-

conditione traxerint ad bellum: increpari magistratus Samnitium, quod exercitum Lucanum hostem comparatum adjecerint Romanis: itaque suis sociorumque viribus consurgere hostes ad bellum, et haudquaquam pari defungendum esse certamine. *Hic terror, quum inlustres viri consulatum peterent, omnes in Q. Fabium Maximum, primo non petentem, deinde, ut inclinata studia vidi, etiam recusantem convertit. Quid se jam senem, ac perfunctum laboribus laborumque praemiis, solliciarent? Nec corporis, nec animi vigorem remanere eumdem: et fortunam ipsam vereri, ne cui Deorum nimia jam in se et constantior, quam velint humanae res, videatur. Et se gloriae seniorum subcrevisse, et ad suam gloriam convergentes alios laetum adspicere. Nec honores magnos fortissimis viris Romae, nec honoribus deesse fortes viros. Acuebat hac moderatione tam justa studia; quae verecundia legum restinguenda ratus, legem recitari jussit, qua intra decem annos eumdem consulem refici non licet. Vix prae strepitu audita lex est: tribunique plebis, nihil id impedimenti futurum, ajebant: se ad populum laturos, uti legibus solveretur. Et ille quidem in recusando persistebat, quid ergo adtineret, leges ferri, rogatans, quibus per eosdem, qui tulissent, fraus fieret? Jam regi leges, non regere. Populus nihilominus subfragia imbat, et, ut quaeque intro vocata erat centuria, consulem haud dubie Faibium dicebat. Tum demum consensu civitatis victus: Dii adprobent, inquit, quod agitis acturique esis, Quirites. Ceterum, quoniam in me, quod vos vultis, facturi esis, in conlega sit meae apud vos gratiae locus. P. Decium, expertum mihi concordi conlegio virum, dignum vobis, dignum parente suo, quaeso, mecum consulem*

fulem faciatis. Justa subfragatio visa. Omnes, quae supererant, centuriae Q. Fabium, P. Decinum consules dixere. Eo anno plerisque dies dicta ab aedilibus, quia plus, quam quod lege finitum erat, agri possiderent. Nec quisquam ferme est purgatus: vinculumque ingens inmodicæ cupiditatis injectum est.

XIV. Consules novi, Q. Fabius Maximus quartum et P. Decius Mus tertium, quum inter se agitarent, uti alter Samnites hostes, alter Etruscos deligeret, quantaeque in hanc aut in aliam provinciam copiae satis, et uter ad utrum bellum dux idoneus magis esset; ab Sutrio et Nepete et Faleriis legati, auctores, concilia Etruriae populorum de petenda pace haberi, totam belli molem in Samnum averterunt. Profecti consules, quo expeditiores commeatus essent et incertior hostis, qua venturum bellum foret, Fabius per Soranum, Decius per Sidicinum agrum, in Samnum legiones ducunt. Vbi in hostium fines ventum est, uterque populabundus effuso agmine incedit. Explorant tanien latius, quam populantur. Igitur non sefellere ad Tifernum hostes in obculta valle instructi, quam ingressos Romanos superiore ex loco adoriri parabant. Fabius, inpedimentis in locum tutum remotis, praesidioque mbdico inposito, praemonitis militibus adesse certamen, quadrato agmine ad praedictas hostium latebras subcedit. Samnites, desperato improviso tumultu, quando in apertum semel discrimen evasura esset res, et ipsi acie justa maluerunt concurrere. Itaque et in aequum descendunt, ac fortunae se, maiore animo, quam spe, committunt. Ceterum, sive quia ex omnium Samnitium populis, quodecumque roboris fuerat, contraxerant, seu quia discrimen summae rerum augebat

animos, aliquantum aperta quoque pugna prae-
buerunt terroris. Fabius, ubi nulla ex parte
hostem loco moveri vidit, M. Fulvium et M.
Valerium, tribunos militum, cum quibus ad
primam aciem procurrérat, ire ad equites ju-
bet et adhortari, ut, si quando *uniquam equestri*
ope adjutam rem publicam meminerint, illo die
admitantur, ut *ordinis ejus gloriam invictam*
praesentent. *Peditum certamine iumobilem hostem*
restare; *omnem reliquam spem in impetu esse*
equitum. Et ipsos nominatum juvenes, pari
comitate iutrumque, nunc laudibus, nunc pro-
missis onerat. Ceterum, quando ne ea quo-
que tentata vis proficeret, consilio graßandum,
si nihil virés juarent, ratus, Scipionem le-
gatum hastatos primae legionis subtrahere ex
acie, et ad montes proximos, quam posset ob-
cultiissime, circumducere jubet; inde adscensu
abdito a conspectu erigere in montes agmen,
aversoque hosti ab tergo repente se ostendere.
Equites, ducibus tribunis, haud multo plus
hostibus, quam suis, ex improviso ante signa
ejecti, praebuerunt tumultus. Adversus in-
icitatas turmas stetit immota Samnitium acies,
nec parte ulla pelli aut perrumpi potuit. Et,
postquam inritum incepsum erat, recepti post
signa proelio excesserunt. Crevit ex eo ho-
stium animus; nec sustinere frons prima tam
longum certamen increcentemque fiducia sui
vim potuisset, ni secunda acies justu consulis
in primum subcessisset. Ibi integrae vires si-
stunt invehéntem se jam Samnitem: et tempo-
re improvisa ex montibus signa clamorque sub-
latus non vero tantum metu terruere Samni-
tium animos. Nam et Fabius Decium conle-
gain adpropinquare exclamavit, et pro se quis-
que miles, *adesse alterum consulem*, *adesse le-*
giones, gaudio alacres fremunt: errorque uti-
lis

Iis Romanis oblatus fugae formidinisque Samnites inplevit, maxime territos, ne ab altero exercitu integro intactoque fessi obprimenterentur; et, quia passim in fugam dissipati sunt, minor caedes, quam pro tanta victoria, fuit. Tria millia et quadringenti caesi, capti trecenti ferme et triginta: signa militaria capta tria et viginti.

XV. Samnitibus Apuli se ante proelium conjunxit, ni P. Decius consul iis ad Malventum castra objecisset, extractos deinde ad certamen fudisset. Ibi quoque plus fugae fuit, quam caedis. Duo millia Apulorum caesa: spredoque eo hoste, Decius in Sannium legiones duxit. Ibi duo consulares exercitus, diversis vagati partibus, omnia spatio quinque mensium evastarunt. Quadraginta et quinque loca in Samnio fuere, in quibus Decii castra fuerunt: alterius consulis sex et octoginta. Nec valli tantum ac fossarum vestigia reducta, sed multo illis insigniora monumenta vastitatis circa regionumque depopulatarum. Fabius etiam urbem Cinetram cepit. Ibi capta armatorum duo millia quadringenti: caesi ferme pugnantes ad quadringentos triginta. Inde, comitiorum causa Romam profectus, maturavit eam rem agere: Quum primo vocatae Q. Fabium consulem dicerent omnes centuriae, Ap. Claudius consularis candidatus, vir acer et ambitiosus, non sui magis honoris causa, quam ut patricii recuperarent duo consularia loca, quum suis, tum totius nobilitatis viribus, incubuit, ut se eum Q. Fabio consulem dicerent. Fabius primo, de se eadem fere, quae priore anno, dicendo, abnuere. Circumstare sellam omnis nobilitas; orare, ut ex coeno plebejo consulatum extraheret, majestatemque pristinam tum honori, tum patriciis

gentibus redderet. Fabius, silentio facto, media oratione studia hominum sedavit. *Facturum enim se fuisse* dixit, *ut duorum patriciorum nomina recipere*, si alium, quam se, consulem fieri videret: *nunc se sui rationem comitiis*, quum contra leges futurum sit, *pessimo exemplo non habiturum*. Ita L. Volumnius de plebe cum Ap. Claudio consul est factus, priore item consulatu inter se comparati. Nobilitas objectare Fabio, fugisse eum Ap. Claudium collegam, eloquentia civilibusque artibus haud dubie praestantem.

XVI. Comitiis perfectis, veteres consules jussi bellum in Samnio gerere, prorogato in sex menses imperio. Itaque in sequenti quoque anno, L. Volumnio, Ap. Claudio consilibus, P. Decius, qui consul in Samnio relatus a conlega fuerat, proconsul idem populari non destitit agros, donec Samnitium exercitum, nusquam se proelio committentem, postremo expulit finibus. Etruriam pulsi petierunt, et, quod legationibus nequidquam saepe tentaverant, id se tanto agmine armatum, mixtis terrore precibus, acturos efficacius rati, postulaverunt principum Etruriae concilium. Quo coacto, per quot annos pro libertate dimicent cum Romanis, exponunt. *Omnia expertos esse*, si suismet ipsorum viribus tolerare tantam molem belli possent: tentasse etiam magni momenti fuitimarum gentium auxilia: petisse pacem a populo Romano, quum bellum tolerare non possent: rebellasse, quod pax servientibus gravior, quam liberis bellum, esset. Vnam sibi spem reliquam in Etruscis restare. Scire, gentem Italiae opulentissimam armis, viris, pecunia, esse: habere adcolas Gallos, inter ferrum et arma natos, feroce^s quum suopte ingenio, tum adversus Romanum populum:

*lum: quem captum a se auroque redemtum, haud
varia jactantes, memorent. Nihil abesse, si sit
animus Etruscis, qui Porfeneae quondam majo-
ribusque eorum fuerit, quin Romanos, omni
agro cis Tiberim pulsos, dimicare pro salute sua,
non de intolerando Italiae regno, cogant. Sa-
mnitem illis exercitum paratum, instructum ar-
mis, stipendio, venisse: confessum sequunturos,
vel si ad ipsam Romanam urbem obpugnandam
ducant.*

XVII. Haec eos in Etruria jactantes mo-
lientesque bellum domi Romanum urebat.
Nam P. Decius, ubi comperit per explorato-
res profectum Samnitium exercitum, advocato
confilio, *Quid per agros, inquit, vagamur,
vicatim circumferentes bellum? quin urbes et
moenia adgredimur? nullus jam exercitus Sa-
mnio praefidet. Cessere finibus, ac sibimet ipsi
exsilium consivere.* Adprobantibus cunctis, ad
Murgantiam, validam urbem, obpugnandam
ducit: tantusque ardor militum fuit, et cari-
tate ducis, et spe majoris, quam ex agresti-
bus populationibus, praedae, ut uno die vi
atque armis urbem caperent. Ibi duo millia
Samnitium et centum pugnantes circumventi
captique: et alia praeda ingens capta est.
Quae ne impedimentis gravibus agmen onera-
ret, convocari milites Decius jubet. *Haccine,*
*inquit, victoria sola, aut hac praeda contenti
estis futuri? Vultis vos pro virtute spes gerere;
omnes Samnitium urbes fortunaeque in urbibus
reliciae vestrae sunt; quando legiones eorum, tot
proeliis fusas, postremo finibus expulisti. Ven-
dite ista, et inilicite lucro mercatorem, ut sequa-
tur agmen. Ego subinde subgeram, quae ven-
datis. Ad Romuleam urbem hinc eamus, ubi
vos labor haud major, praeda major manet.*
Divendita praeda, ultro adhortantes impera-

torem ad Romuleam pergunt. Ibi quoque sine opere, sine tormentis, simul admota sunt signa, nulla vi deterriti a muris, qua cuique proximum fuit, scalis raptim admotis, in moenia evasere. Captum oppidum ac direptum est. Ad duo miltia et trecenti obcisi, et lex millia hominum capta, et miles ingenti praeda potitus: quam vendere, sicut priorem, coactus, Ferentinum inde, quamquam nihil quietis dabatur, tamen summa alacritate ductus. Ceterum ibi plus laboris ac periculi fuit. Et defensa summa vi moenia sunt, et locus erat munimento naturaque tutus: sed evicit omnia adsuetus praedae miles. Ad tria millia hostium circa muros caesa: praeda militis fuit. Hujus obpugnatarum urbium decoris pars major in quibusdam annualibus ad Maximum trahitur. Murgantiam ab Decio, a Fabio Ferentinum Romuleamque obpugnatas tradunt. Sunt, qui novorum consulum hanc gloriam faciant. Quidam non amborum, sed alterius, L. Volumnii: ei Samnum provinciam evenisse.

XVIII. Dum ea in Samnio, cujuscumque ductu auspicioque, gererentur; Romanis in Etruria iterum bellum ingens multis ex gentibus concitur; cuius auctor Gellius Egnatius ex Samnitibus erat. Tusci fere omnes confeiverant bellum: traxerat contagio proximos Umbriae populos; et Gallica auxilia mercede sollicitabantur. Omnis ea multitudo ad castra Samnitium conveniebat. Qui tumultus repens postquam Romam perlatus est, quum jam L. Volumnius consul cum legionibus secunda ac tertia sociorumque millibus quindecim profectus in Samnum esset, Ap. Claudium primo quoque tempore in Etruriam ire placuit. Duæ Romanae legiones sequutae, prima et quarta, et sociorum duodecim millia. Castra haud pro-

procul ab hoste posita. Ceterum magis eo profectum est, quod mature ventum erat, ut quosdam spectantes jam arma Etruriae populos metus Romani nominis comprimeret, quoniam quod ductu consulis quidquam ibi satis sepe aut fortunate gestum sit. Multa proelia locis et temporibus iniquis commissa: spesque in dies graviorem hostem faciebat. Et jam prope erat, ut nec duci milites, nec militibus dux satis fideret. Literas ad conlegam arcessendum ex Samnio missas, in trinis annalibus invenio. Piget tamen incertum ponere, quoniam ea ipsa inter consules populi Romani, jam iterum eodem honore fungentes, discrepatio fuerit: Appio abnuente missas; Volumnio adsirmando, Appii se literis adcitum. Jam Volumnius in Samnio tria castella ceperat, iu quibus ad tria millia hostium caesa erant, dimidium fere ejus captum: et Lucanorum seditiones, a plebejis et egentibus ducibus ortas, summa optimati voluntate per Q. Fabium proconsulem, missum eo cum veteri exercitu, compresserat. Decio depopulandos hostium agros relinquit. Ipse cum suis copiis in Etruriam ad conlegam pergit: quem advenientem laeti omnes adcepere. Appium ex conscientia sua credo animum habuisse haud immerito iratum, si nihil scripserat; inliberali et ingrato animo, si eguerat ope, dissimilantem. Vix enim salute mutua reddita, quum obviam egressus esset, *Satin salvae*, inquit, *L. Volumni?* ut *sese in Samnio res habent?* *Quae te causa,* ut *provincia tua excederes, induxit?* Volumnius in Samnio res prosperas esse ait, literis ejus additum venisse. *Quae si falsae fuerint, nec usus sui sit in Etruria, exemplo conversis signisabiturum.* Tu vero abeas, inquit, neque te quisquam moratur: etenim minime consentaneum

est, quum bello tuo forsitan vix subsicias, hic te ad opem ferendam aliis gloriari venisse. Bene, Hercules, verteret, dicere Volumnius: malle frustra operam insunitam, quam quidquam incidisse, cur non satis esset Etruriae unius consularis exercitus.

XIX. Digredientes jam consules legati tribunique ex Appiano exercitu circumsistunt: pars imperatorem suum orare, ne conlegae auxilium, quod ad ciendum ultro fuerit, sua sponte oblatum sperneretur: plures abeunti Volumnio obfiltere atque obtulstari, ne pravo cum conlega certamine rem publicam prodat. Si qua clades incidisset, desertori magis, quam deserto, noxiae fore. Eo rem adductam, ut omne rei bene aut secus gestae in Etruria decus dedecusque ad L. Volumnium sit delegatum. Neminem quae siturum, quae verba Appii, sed quae fortuia exercitus fuerit. Dimitti ab Appio eum, sed a re publica et ab exercitu retinueri; experiretur modo voluntatem militum. Haec monendo obtulstandoque, prope restitantes consules in concionem pertraxerunt. Ibi orationes longiores habitae in camdem ferme sententiā, in quam inter paucos certatum verbis fuerat. Et quum Volumnius, causa superior, ne infacundus quidem adversus eximiam eloquentiam conlegae visus esset; cavillansque Appius, sibi adcepsum referre, diceret, debere, quod ex muto atque elingui faciundum etiam consulem haberent; priore consulatu, primis utique mensibus, hiscere eum nequiffe, nunc jam populares orationes ferere: Quam mallem, inquit Volumnius, tu a me strenue facere, quam ego abs te scite loqui didicissem. Postremo conditionem ferre, quae decretura sit, non orator, (neque enim id desiderare rem publicam) sed imperator uter sit melior. Etruriam et Samnium pro-

*provincias esse: utram mallet, eligeret. Suo exercitu se vel in Etruria, vel in Samnio rem gesturum. Tum militum clamor ortus, ut simul ambo bellum Etruscum susciperent. Quo animadverso consensu, Volumnius, Quoniam in conlegae voluntate interpretanda, inquit, erravi; non committam, ut, quid vos velitis, obscurum sit. Manere, an abire me velitis, clamore significate. Tum vero tantus est clamor exortus, ut hostes e castris exciret. Armis adreptis in aciem descendunt: et Volumnius signa canere, ac vexilla efferrari e castris jussit. Appiūm addubitasse ferunt, cernentem, seu pugnante, seu quieto se, fore conlegae victoriā: deinde veritum, ne suae quoque legiones Volumnium sequerentur, et ipsum flagitantibus suis signum dedisse. Ab neutra parte fatis commode instructi fuerunt. Nam et Samnitium dux Gellius Egnatius pabulatum cum cohortibus paucis ierat, suoque impetu magis milites, quam cuiusquam ductu aut imperio, pugnam capeſſebant; et Romani exercitus nec pariter ambo ducti, nec fatis temporis ad instruendum fuit. Prius concurrit Volumnius, quam Appius ad hostem perveniret. Itaque fronte inaequali concursum est; et, velut forte quadam mutante adſuetos inter se hostes, Etrusci Volumnio, Samnites, parumper cunctati, quia dux aberat, Appio obcurrere. Dicitur Appius in medio pugnae discriminē, ita ut inter prima signa manibus ad coelum sublatis conspiceretur, ita precatus esse: *Bellona, si hodie nobis victoriam dnis, aſi ego templum tibi voveo.* Haec precatus, velut instigante Dea, et ipſe conlegae et exercitus virtutem aequavit. Duces imperatoria opera exsequuntur; et milites, ne ab altera parte prius victoria incipiat, admittuntur. Ergo fun-*

dunt fugantque hostes, majorem molem haud facile sustinentes, quam cum qua manus conferere adsueti fuerant. Vrgiendo cedentes sequentioque effusos compulere ad castra. Ibi, interventu Gellii cohortiumque Sabellarum, paullisper reerudit pugna. Iis quoque mox fusis; iam a victoribus castra obpugnabantur; et, quum Volumnius ipse portae signa inferret; Appius, Bellonam victricem idem tidem celebrans, adcederet militum animos, per vallum, per fossas intruperunt. Castra capta direptaque: praeda ingens parta et milii concessa est. Septem millia ac trecenti hostium obcisi, duo millia et centum viginti capti.

XX. Dum ambo consules omnisque Romana vis in Etruscum bellum magis inclinat, in Samnio novi exercitus, exorti ad depopulandos imperii Romani fines, per Vesinos in Campaniam Falernumque agrum transcedunt, ingentesque praedas faciunt. Volumnium, magnis itineribus in Samnum redeuntem, (jam enim Fabio Decioque prorogati imperii finis aderat) fama de Samnitium exercitu populationibusque Campani agri ad tuendos socios convertit. Ut in Calenum agrum venit, et ipse cernit recentia clavis vestigia, et Caleni narrant, tantum jam praedae hostes trahere, ut vix explicare agmen possint. Itaque iam propalami duces loqui, extemplo eundum in Samnum esse, ut, relicta ibi praeda, in expeditionem redeant, nec tam oneratum agmen dimicationi committant. Ea, quamquam similia veris erant, certius tamen exploranda ratus, dimittit equites, qui vagos praedatores in agros palantes excipiunt: ex quibus inquirendo cognoscit, ad Vulturnum flumen sedere hostem; inde tertia vigilia moturum: iter in Samnum esse. His satis exploratis profectus, tanto

tanto intervallo ab hostibus confedit, ut nec adventus suus propinquitate nimia nosci posset, et egredientem e castris hostem obprimebat. Aliquanto ante lucem ad castra adcessit; gnarosque Oscae linguae, exploratum quid agatur, mittit. Intermixti hostibus (quod facile erat in nocturna trepidatione) cognoscunt, infrequentia armatis signa egrella, praedam praedaeque custodes exire, ignobile agmen, et sua quemque molientem, nullo inter alios consensu, nec satis certo imperio. Tempus adgrediendi aptissimum vixum est: et jam lux adpetebat. Itaque signa caedere jussit; agmenque hostium adgreditur. Samnites, praeda impediti, infrequentes armati, pars addere gradum, ac prae se agere praedam, pars stare, incerti utrum progredi, an regredi in castra tutius foret, inter cunctationem obprimuntur. Et Romani jam transcederant vallum, caedesque ac tumultus erat in castris. Samnitium agmen, praeterquam hostili tumulti, captivorum etiam repentina defectione turbatum erat; qui partim ipsi solni vincitos solvebant, partim arma in sarcinis deligata rapiebant, tumultumque, proelio ipso terribiliorem, intermixti agmini praebebant. Memorandum deinde edidere facinus: nam Stajum Minacium ducem, adeuntem ordines hortantemque, invadunt, dissipatis inde equitibus, qui cum eo aderant, ipsum circumfilitunt, insidentemque equo captum ad consulem Romanum rapiunt. Revocata eo tumultu prima signa Samnitium: proeliumque jam profligatum integratam est, nec diutius sustineri potuit. Caesa ad sex millia hominum: duo millia et quingenti capti: in eis tribuni militum quatuor; signa militaria triginta: et, quod lactissimum victoribus fuit, captivorum recepta septem millia et quadrin-

gen-

genti; praeda ingens sociorum: ad citique editio domini ad res suas noscendas recipiendasque. Praefituta die, quarum rerum non existit dominus, militi concessae, coactique vendere praedam, ne alibi, quam in armis, animum haberent.

XXI. Magnum ea populatio Campani agri tumultum Romae praebuerat: et per eos forte dies ex Etruria adlatum erat, post deductum inde Volumnianum exercitum Etruriam concitam in arma, et Gellium Egnatum, Samnitium ducem, et Vmbros ad defectionem vocari, et Gallos pretio ingenti sollicitari. His nuntiis senatus conterritus justitium indicet, delectum omnis generis hominum haberi jussit. Nec ingenui modo aut juniores sacramento adacti, sed seniorum etiam cohortes factae, libertinique centuriati. Et defendendae Vrbis consilia agitabantur; suminaeque rerum praetor P. Sempronius praeverat. Ceterum parte curae exonerarunt senatum L. Volumnii consulis literae, quibus caesos fusosque populatores Campaniae cognitum est. Itaque et supplicationes ob rem bene gestam consulis nomine decernunt. Justitium remittitur, quod fuerat dies decem et octo, supplicatioque perlaeta fuit. Tuin de praesidio regionis depopulatae ab Samnitibus agitari coeptum. Itaque placuit; ut duae coloniae circa Vesquinum et Falernum agrum deducerentur: una ad ostium Liris fluvii, quae Minturnae adpellata; altera in saltu Veseino, Falernum contingente agrum, ubi Sinope dicitur Graeca urbs fuisse, Sinuessa deinde ab colonis Romanis adpellata. Tribunis plebis negotium datum est, ut plebeis citio juberetur P. Sempronius praetor triumviros in ea loca colonis deducendis creare. Nec, qui nomina darent, facile inveniebantur;

tur, quia in stationem se prope perpetuam infestae regionis, non in agros, mitti rebantur. Avertit ab eis curis senatum Etruriae ingra- vescens bellum, et crebrae literae Appii, monentis, ne regionis ejus motum neglegerent: *quatuor gentes conferre arma, Etruscos, Sammites, Vimbros, Gallos.* Jam castra bifariam facta esse, quia unus locus capere tantam multitudinem non possit. Ob haec, et (jam adpe- tebat tempus) comitiorum causa L. Volumnius consul Romam revocatus: qui prius, quam ad subfragium centurias vocaret, in concessionem advocato populo, multa de magnitudine belli Etrusci disseruit. *Jam tum, quum ipse ibi cum coilega rem pariter gesserit, fuisse tantum bellum, ut nec duce uno, nec exercitu geri potuerit: adcessisse postea dici Vimbros, et ingentem exercitum Gallorum.* Adversus quatuor populos duces consules illo die deligi meminissent. Se, nisi confideret, eum consensu populi Romani consulem declaratum iri, qui haud dubie tum primius omnium duxtor habeatur, dictatorem fuisse extemplo dicturum.

XXII. Nemini dubium erat, quin Q. Fabius omnium consensu destinaretur; cuunque et praerogativae, et primo vocatae omnes centuriae consulem cum L. Volumnio dicebant. Fabii oratio fuit, qualis biennio ante: deinde, ut vincebatur consensu, versa postremo ad conlegam P. Deciuni poscendum. *Id senectuti suae adminiculum fore: censura duobusque consulibus simul gesuis expertum se, nil concordi conlegio firmius ad rem publicam tuendam esse.* Novo imperii socio vix jam adsuescere senilem aiuum posse: cum moribus notis facilius se communicaturum consilia. Subscriptit orationi ejus consul, quum meritis P. Decii laudibus, tum, quae ex concordia consulum bona, quae-

que ex discordia mala in administratione rerum militarium evenirent, meniorando, quam prope ultimum discrimen suis et conlegae certaminibus nuper ventum foret: admonendo Decium Fabiumque, ut uno animo, una mente vivereint. Esse praeterea viros natos militiae, factis magnos, ad verborum linguaeque certamina rudes: ea ingenia consularia esse. Callidos solertesque, juris atque eloquentiae consultos, qualis Ap. Claudius esset, Vrbi ac foro praefides habendos, praetoresque ad reddenda jura creandos esse. His agendis dies est consumtus. Postridie ad praescriptum consulis et consularia et praetoria comitia habita. Consules creati Q. Fabius et P. Decius: Ap. Claudius praetor; omnes absentes. Et L. Volumnio ex senatus consulto et fecito plebis prorogatum in annum imperium est.

XXIII: Eo anno prodigia multa fuerunt: quorum avefruncandorum causa supplicationes in biduum senatus decrevit. Publice vinum ac thus praebitum. Subsistit iure frequentes viri feminaeque. Insignem supplicationem fecit certamen in facello Pudicitiae patriciae, quae in foro boario est ad aedem rotundam Herculis, inter matronas ortum. Virginiam, Auli filiam, patriciam plebejo nuptam L. Volumnio consuli, matronae, quod e Patribus enupsisset, sacris arcuerant. Brevis altercatio inde ex iracundia muliebri in contentionem animorum exarsit; quum se Virginia et patriciani et pudicam in patriciae Pudicitiae templum ingressam, et uni nuptam, ad quem virgo deducta sit, nec se viri honorunive ejus ac rerum gestarum poenitere, vero gloriaretur. Facto deinde egregio magnifica verba adauxit. In vico Longo, ubi habitabat, ex parte aedium, quod satis esset loci modico facello, exclu-

exclusit; aramque ibi posuit; et, convocatis plebejis matronis, conquesta injuriā patriarum, *Hanc ego aram*, inquit, *Pudicitiae plebejae dedico: vosque hortor, ut, quod certamen virtutis viros in hac civitate tenet, hoc pudicitiae inter matronas sit; detisque operam, ut haec ara, quam illa, si quid potest, sanctius et a castioribus coli dicatur.* Eodem ferme ritu et haec ara, quo illa antiquior, culta est, ut nulla, nisi spectatae pudicitiae matrona, et quae uni viro iuxta fuisset, jus sacrificandi haberet. Vulgata dein religio a pollutis, nec matronis solum, sed omnis ordinis feminis, postremo in oblivionem venit. Eodem anno Cn. et Q. Ogulnii aediles curules aliquot feneratoribus diem dixerunt: quorum bonis multatatis, ex eo, quod in publicum redactum est, aenea in Capitolio limina, et trium mensarum argentea vase in cella Jovis, Jovemque in culmine cum quadrigis, et ad sicum Ruminalem simulacra infantium conditorum Vrbis sub ube-ribus lupae posuerunt; semitamque saxo quadrato a Capena porta ad Martis straverunt. Et ab aedilibus plebejis, L. Aelio Paeto et C. Fulvio Curvo, ex mulieraticia item pecunia, quam exegerunt pecuariis damnatis, ludi facti; pateraeque aureae ad Cereris positae.

XXIV. Q. inde Fabius quintum et P. Decius quartum consulatum ineunt, tribus consularibus censuraque conlegae; nec gloria magis rerum, quae ingens erat, quam concordia, inter se clari. Quae ne perpetua esset, ordinum magis, quam ipsorum, inter se certamen intervenisse reor: patriciis tendentibus, ut Fabius Etruriam extra ordinem provinciam haberet; plebejis auctoribus Decio, ut ad formam revocaret. Fuit certe contentio in senatu; et, postquam ibi Fabius plus poterat, revocata res

res ad populum est. In concione, ut inter militares viros, et factis potius, quam dictis, fretos, pauca verba habita. Fabius, quam arborem consernisset, sub ea legere alium fructum, indignum esse, dicere; se aperuisse Ciminiam sylvam, viamque per devios saltus Romano bello fecisse. Quid se id aetatis sollicitasset, si alio duce bellum gesuri essent? Nimurum adversarium se, non socium imperii, legisse, sensim exprobrat: et invidisse Decium concordibus conlegiis tribus. Postremo, se tendere nihil ultra, quam ut, si se dignum provincia ducerent, in eam mitterent: in senatus arbitrio se fuisse, et in potestate populi futurum. P. Decius senatus injuriam quaerebatur; quoad potuerint, Patres aduisos, ne plebejis aditus ad magnos honores esset: postquam ipsa virtus pervicerit, ne in ullo genere hominum inhonorata esset, quaeri, quemadmodum irrita sint non subfragia modo populi, sed arbitria etiam fortunae, et in paucorum potestatem vertantur. Omnes ante se consules sortitos provincias esse; nunc extra sortem Fabio senatum provinciam dare. Si honoris ejus causa; ita eum de se deque re publica meritum esse, ut faveat Q. Fabii gloriae, quae modo non sua contumelia splendeat. Cui autem dubium esse, ubi unum bellum sit asperum ac difficile, quum id alteri extra sortem mandetur, quin alter consul pro supervacaneo atque inutili habeatur? Gloriari Fabium rebus in Etruria gesiis. Velle et P. Decium gloriari, et forsitan, quem ille obrutum ignem reliquerit, ita ut toties novum ex improviso iucundium daret, eum se extinxerum. Postremo se conlegae honores praemiaque concessurum verecundia aetatis ejus majestatisque; quum periculum, quum dimicatio proposita sit, neque cedere sua sponte, neque

neque cessurum; et, si nihil aliud ex eo certamine tulerit, illud certe laturum, ut, quod populi sit, populus jubeat potius, quam patres gratificantur. Jovem optimum maximum Deosque immortales se precari, ut ita sortem aequam sibi cum conlega dent, si eamdem virtutem felicitatemque in bello. administrando daturi sunt. Certe id est natura aequum, et exemplo utile esse, et ad famam populi Romani pertinere, eos consules esse, quorum utrolibet duce bellum Etruscum geri recte possit. Fabius, nihil aliud precatus populum, quam ut prius, quam intro vocarentur ad subfragium tribus, Ap. Claudi praetoris adlatas ex Etruria literas audirent, comitio abit. Nec minore populi consensu, quam senatus, provincia Etruria extra sortem Fabio decreta est.

XXV. Concursus inde ad consulem factus omnium ferme juniorum: et pro se quisque nomina dabant. Tanta cupido erat sub eo dulce stipendia faciendi. Qua circumfusus turba, *Quatuor millia, inquit, peditum et sexcentos equites dumtaxat scribere in animo est: hodierno et crassino die qui nomina dederitis, mecum ducam. Majori mihi curae est, ut omnes locupletes reducam, quam ut multis rem geram militibus.* Profectus apto exercitu, et eo plus fiduciae ac spei gerente, quod non desiderata multitudo erat, ad oppidum Aharnam, unde haud procul hostes erant, ad castra Appii praetoris pergit. Paucis citra millibus lignatores ei cum praesidio obcurrunt; qui, ut lictores praegredi viderunt Fabiumque esse consulem adcepere, laeti atque alacres Diis populoque Romano grates agunt, quod eum sibi imperatorem misissent. Circumfusi deinde quum consulem salutarent, quaerit Fabius, quo pergerent; respondentibusque, lignatum se ire,

ain' tandem, inquit, num castra vallata non habetis? Ad hoc quum subclamatum esset, duplii quidem vallo et fossa, et tamen in ingenti metu esse: habetis igitur, inquit, ad fatim liguorum. Redite, et vellite vallum. Redeunt in castra, terroremque ibi, vellentes vallum, et iis, qui in castris remanserant, militibus, et ipsi Appio fecerunt. Tum pro se quisque alii aliis dicere, *consulis se Q. Fabii facere jussu*. Postero inde die castra mota, et Appius praetor Romam dimissus. Inde nusquam stativa Romanis fuere. Negabat utile esse, uno loco sedere exercitum: itineribus ac mutatione locorum nobiliorem ac salubriorem esse. Fiebant autem itinera, quanta fieri sinebat hyems haud dum exacta. Vere inde primo, relictâ secunda legione ad Clusium, quod Camars olim adpellabant, praepositoque castris L. Scipione pro praetore, Romam ipse ad consultandum de bello rediit; sive ipse sponte sua, quia bellum ei majus in conspectu erat, quam quantum esse famae crediderat, sive senatus consulo aicitus. Nam in utrumque auctores sunt. Ab Ap. Claudio praetore retractum quidam videri volunt; quum in senatu et apud populum (id quod per literas ad fiducie fecerat) terorem belli Etrusci augeret: *non subiectum ducem unum, nec exercitum unum, adversus quatuor populos*. Periculosem esse, sive iuncti unum premant, sive id diversi gerant bellum, ne ad omnia simul obire unius possit. Duas scibi legiones Romanas reliquise; et minus quinque millia peditum equitumque cum Fabio venisse. Sibi placere, P. Decium consulenti primo quoque tempore in Etruriam ad conlegam profici: L. Volumnio Samnium provinciam dari. Si consul malit in suam provinciam ire, Volumnium in Etruriam ad consulem cum exercitu

justo

justo consulari proficisci. Quum magnam partem moveret oratio praetoris, P. Decium censuisse feruit, ut omnia integra ac libera Q. Fabio servarentur, donec vel ipse, si per commodum rei publicae posset, Romam venisset, vel aliquem ex legatis misisset; a quo disceret senatus, quantum in Etruria belli esset, quantisque administrandum copiis, et quot per duces esset.

XXVI. Fabius, ut Romam rediit, et in senatu et productus ad populum medium orationem habuit, ut nec augere, nec minuere videretur belli famam, magisque in altero assumendo duce aliorum indulgere timori, quam suo aut rei publicae periculo consulere. Ceterum, si sibi adjutorem belli sociumque imperii darent, quoniam modo se oblivisci P. Decii consulis per tot conlegia experti posse? Neminem omnium secum conjungi malle: et copiarum sat sibi cum P. Decio, et numquam nimium hostium fore. Sin conlega quid aliud malit, at sibi L. Volumnium darent adjutorem. Ominus rerum arbitrium et a populo, et a senatu, et ab ipso conlega, Fabio permisum est: et quum P. Decius se in Samnum vel in Etruriam proficisci paratum esse ostendisset, tanta laetitia ac gratulatio fuit, ut praeciperetur victoria animis, triumphusque, non bellum, decretum consulibus videretur. Invenio apud quosdam, exemplo, consulatu inito, profectos in Etruriam Fabium Deciumque, sine ulla mentione fortis provinciarum certaminumque inter conlegas, quae exposui. Sunt, quibus ne haec quidem certamina exponere satis fuerit. Adjecerunt et Appii criminaciones de Fabio absente ad populum, et pertinaciam adversus praesentem consulem praetoris, contentionemque alias inter conlegas, tendente Decio, ut

suae quisque provinciae sortem tueretur. Constat res incipit ex eo tempore, quo profecti ambo consules ad bellum sunt. Ceterum, antequam consules in Etruriam pervenirent, Senones Galli multitudine ingenti ad Clusium venerunt, legionem Romanam castraque oppugnaturi. Scipio, qui castris praeverat, loco adjuvandam paucitatem suorum militum ratus, in collem, qui inter urbem et castra erat, aciem erexit. Sed, ut in re subita, parum explorato itinere ad jugum perrexit, quod hostes cuperant, parte alia egressi. Ita caesa ab tergo legio, atque in medio, quum hostis undique urgueret, circumventa. Deletam quoque ibi legionem, ita ut nuntius non superesset, quidam auctores sunt; nec ante ad consules, qui jam haud procul a Clusio aberant, famam ejus clavis perlatam, quam in conspectu fuere Gallorum equites, pectoribus equorum suspensa gestantes capita et lanceis infixi, ovantesque moris sui carmine. Sunt, qui Vmbros fuisse, non Gallos, tradant; nec tantum clavis acceptum: et circumventis pabulatoribus cum L. Manlio Torquato legato Scipionem propraetorem subsidium e castris tulisse, victoresque Vmbros, redintegrato proelio, victos esse, captivosque eis ac praedam ademitam. Similis vero est, a Gallo hoste, quam Vmbro, eani cladem acceptam; quod, quum saepe alias, tum eo anno, Galici tumultus praecipuis terror civitatem tenuit. Itaque praeterquam quod ambo consules profecti ad bellum erant cum quatuor legionibus et magno equitatu Romano. Campanisque mille equitibus delectis, ad id bellum missis; et sociorum noninisque Latini majore exercitu, quam Romani; alii duo exercitus haud procul Urbe Etruriae obpositi, unus in Falisco, alter in

Vati-

Vaticano agro. Cn. Fulvius et L. Postumius Megellus, praetores ambo, stativa in eis locis habere iussi.

XXVII. Consules ad hostes, transgesso Apennino, in agrum Sentinatem pervenerunt. Ibi quatuor millium ferme intervallo castra posita. Inter hostes deinde consultationes habitae; atque ita convenit, ne unis castris miscerentur omnes, neve in aciem descenderent simul. Samnitibus Galli, Etruscis Umbri adjeci. Dies indicta pugnae: Samni Gallisque delegata pugna: inter ipsum certamen Etrusci Umbrique jussi castra Romana obpugnare. Haec consilia turbarunt transfugae Clusini tres, clam nocte ad Fabium consulem transgressi. Qui, editis hostium consiliis, dimissi cum donis, ut subinde, ut quaeque res nova decreta esset, exploratam perferrent. Consules Fulvio, ut ex Falisco, Postumio, ut ex Vaticano exercitum ad Clusium admoveant, summaque vi fines hostium depopulentur, scribunt. Hujus populationis fama Etruscos ex agro Sentine ad suos fines tuendos movit. Instare inde consules, ut absentibus iis pugnaretur. Per biduum lacesti proelio hostem: biduo nihil dignum dictu actuun, pauci utrimque cecidere; magisque irritati sunt ad justum certamen animi, quam ad discriminem sumnia rerum adducta. Tertio die descensum in campum omnibus copiis est. Quum instructae acies starent, cerva fugiens lupum e montibus exacta per campos inter duas acies decurrit: inde diversae ferae, cerva ad Gallos, lupus ad Romanos cursum deflexit. Lupo data inter ordines via; cervam Galli confixere. Tum ex antisignanis Romanus miles, *Illac fuga, inquit, et caedes vertit, ubi sacram Diana feram jacentem videtis.* Hinc victor Martius lupus, in-

teger et intactus, gentis nos Martiae, et conditoris nostri admonuit. Dextro cornu Galli, sinistro Samnites constiterunt. Adversus Samnites Q. Fabius primam ac tertiam legiones pro dextro cornu; adversus Gallos pro sinistro Decius quintam et sextam instruxit. Secunda et quarta cum L. Volumnio proconsule in Samnio gerebant bellum. Primo concursu adeo aequis viribus gesta res est, ut, si adfuerint Etrusci et Vmbri, aut in acie, aut in castris, quocumque se inclinassent, adcipienda clades fuerit.

XXVIII. Ceterum, quamquam communis adhuc Mars belli erat, nec dum discriminem fortuna fecerat, qua datura vires esset, haud quaqueam similis pugna in dextro laevoque cornu erat. Romani apud Fabium arcebant magis, quam inferebant, pugnam; extrahebaturque in quam maximie serum diei certamen: quia ita persuasum erat duci, et Samnites et Gallos primo in petu feroce esse, quos sustineri satis sit; longiore certamine sensim residere Samnitium animos: Gallorum quidem etiam corpora intolerantissima laboris atque aestus fluere; primaque eorum proelia plus quam virorum, postrema minius quam feminarum esse. In id tempus igitur, quo vinci solebat hostis, quam integerrimas vires militi servabat. Ferocior Decius et aetate et vigore animi, quantumcumque virium habuit, certamine primo effudit; et, quia lentior videbatur pedestris pugna, equitatum in pugnam concitat, et ipse, fortissimae juvenum turmae inmixtus, orat proceres juventutis, in hostem ut secum in petum faciant: duplcem illorum gloriam fore, si ab laevo cornu et ab equite Victoria incipiat. Bis avertere Gallicum equitatum. Iterum longius evectos, et jam inter media

media equitum agmina proelium cientes, novum pugnae conterruit genus: effidis carrisque superstans armatus hostis ingenti sonitu equorum rotarumque advenit, et insolitos ejus tumultus Romanorum conterruit equos. Ita victorem equitatum velut lymphaticus pavor dissipat: sternit inde ruentes equos virosque improvida fuga. Turbata hinc etiam signa legiōnum; multique in petu equorum ac vehiculorum raptorum per agmen obtriti antesignani; et in sequuta, simul territos hostes vident, Gallica acies nullum spatium respirandi recipiendique se dedit. Vociferari Decius, *Quo fugerent? quamve in fuga spem haberent?* obsistere cedentibus, ac revocare fusos. Deinde, ut nulla vi percussos sustinere poterat, patrem P. Decium non sine compellans, *Quid ultra moror,* inquit, *familiare fatum?* *Datum hoc nostro generi est,* *ut luendis periculis publicis piacula simus.* *Jam ego mecum hostium legiones mactandas Telluri ac Diis Manibus dabo.* Haec loquutus M. Livium pontificem, quem, descendens in aciem, digredi vetuerat ab se, praeire jussit verba, quibus se legionesque hostium pro exercitu populi Romani Quiritium deoveret. Devotus inde eadem precatione eodemque habitu, quo pater P. Decius ad Veserim bello Latino se juss erat deoveri. Quum secundum sollemnes precationes adjecisset, *prae se agere se se formidinem ac fugam, caudemque ac cruentem, coelestium, inferorum iras;* *contacturum funebribus diris signa, tela, arma hostium;* *locumque enidem suae pestis et Gallorum ac Samnitium fore:* haec execratus in se hostesque, qua confertissimam cernebat Gallorum aciem, concitat equum: inferensque se ipse infestis telis est interfactus.

XXIX. Vix humanae inde opis videri pugna potuit. Romani, duce amissio, quae res terrori alias esse solet, sistere fugam, ac novam de integro velle instaurare pugnam. Galli et maxime globus circumstans consulis corpus, velut alienata mente, vana incassum jactare tela. Torpere quidam, et nec pugnae meminisse, nec fugae. At ex parte altera pontifex Livius, cui lictores Decius tradiderat juss eratque propraetorem esse, vociferari, *Vicisse Romanos, defunctos consulis fato. Gallos Samnitesque Telluris matris ac Deorum Menium esse. Rapere ad se ac vocare Decium devotam secum aciem; furiarumque ac formidinis plena omnia ad hosties esse.* Superveniunt deinde his restituentibus pugnam L. Cornelius Scipio et C. Marcius, cum subsidii ex novissima acie jussu Q. Fabii consulis ad praefidium conlegae missi. Ibi auditur P. Decii eventus, ingens hortamen ad omnia pro re publica audienda. Itaque quum Galli structis ante se scutis conferti starent, nec facilis pede conlato videretur pugna; jussu legatorum collecta humi pila, quae strata inter duas acies jacebant, atque in testudinem hostium conjecta. Quibus plerisque in scuta, verutis in corpora ipsa fixis, sternitur cuneus; ita ut magna pars integris corporibus adtoniti conciderent. Haec in sinistro cornu Romanorum fortuna varia verat. Fabius in dextro primo (ut ante dictum est) cunctando extraxerat diem: deinde, postquam nec clamor hostium, nec impetus, nec tela missa, eamdem vim habere visa; praefectis equitum jussis ad latus Sannitium circumducere alas, ut signo dato in transversos, quanto maximo possent in petu, incurrerent; sensim suos signa inferre jussit, et commovere hostem. Postquam non resisti vidit, et haud du-

dubiam lassitudinem esse; tum, conlectis omnibus subsidii, quae ad id tempus reservaverat, et legiones concitavit, et signum ad invadendos hostes equitibus dedit. Nec sustinuerunt Samnites inpetum; praeterque aciem ipsam Gallorum, relictis in dimicazione sociis, ad castra effuso cursu ferebantur. Galli, testudine facta, conferti stabant. Tum Fabius, auditam morte conlegae, Campanorum alam, quingentos fere equites, excedere acie jubet, et circumvectos ab tergo Gallicam invadere aciem: tertiae deinde legionis subsequi principes, et, qua turbatum agmen hostium videbant inpetu equitum, instare ac territos caedere. Ipse aedem Jovi Victor spoliaque hostium quum vovisset, ad castra Samnitium perrexit; quo multitudo omnis consternata agebatur. Sub ipso vallo, quia tantam multitudinem portae non recepere, tentata ab exclusis turba suorum pugna est. Ibi Gellius Egnatius imperator Samnitium cecidit. Compulsi deinde intra vallum Samnites, parvoque certamine capta castra, et Galli ab tergo circumventi. Caesa eo die hostium viginti quinque millia, octo capta. Nec incruenta victoria fuit. Nam ex P. Decii exercitu caesa septem millia; ex Fabii mille ac ducenti. Fabius, dimissis ad quaerendum conlegae corpus, spolia hostium conjecta in acervum Jovi Victori cremavit. Consulis corpus eo die, quia obrutum superstratis Gallorum cumulis erat, inveniri non potuit. Postero die inventum relatumque est cum multis militum lacrimis. Intermissa inde omnium aliarum rerum cura, Fabius conlegae funus omni honore laudibusque meritis celebrat.

XXX. Et in Etruria per eosdem dies ab Cn. Fulvio pro praetore res ex sententia gesta;

et, praeter ingentem inlatam populationibus agropum hosti cladem, pugnatum etiam egrae est: Perusinorumque et Clusinorum caesa amplius millia tria, et signa militaria ad viginti capta. Samnitium agmen, quum per Pelignum agrum fugeret, circumventum a Pelignis est. Ex millibus quinque ad mille caesi. Magna ejus diei, quo in Sentinati agro bellatum, fama est, etiam vero stanti. Sed superjecere quidam augendo fidem; qui in hostium exercitu peditum quadraginta millia trecentos triginta, equitum sex millia, mille carpentorum scripsere fuisse: scilicet cum Vmbris Tuscisque, quos et ipsos pugnae adfuisse. Et, ut Romanorum quoque augerent copias, L. Volumnium pro consule ducem consulibus exercitumque ejus legionibus consulum adjiciunt. In pluribus annalibus duorum ea consulum propria victoria est. Volumnius in Samnio interim res gerit, Samnitiumque exercitum, in Tifernum montem compulsum, non deteritus iniuritate loci, fundit fugatque. Q. Fabius, Deciano exercitu relicto in Etruria, suis legionibus deductis ad Vrbem, de Gallis Etruscisque ac Samnitibus triumphavit. Milites triumphantem sequuti sunt. Celebrata inconditis carminibus militaribus non magis victoria Q. Fabii, quam mors praeclara P. Decii est: excitataque memoria parentis, aequata eventu publico privatoque filii laudibus. Data ex praeda milittibus aeris octogeni bini sagaque et tunicae; praemia illa tempestate militiae haudquaquam spernenda.

XXXI. His ita rebus gestis, nec in Samnitibus adhuc, nec in Etruria pax erat. Nam et, Perusinis auctoribus, post deductum ab consule exercitum rebellatum fuerat; et Samnites praedatum in agrum Vescinum Formia-

mianumque, et parte alia in Aeserninum quaeque Vulturno adjacent fluminis, descendere. Adversus eos Ap. Claudius praetor cum exercitu Deciano milles. Fabius in Etruria rebellante denuo quatuor millia et quingentos Perusianorum obcedit: cepit ad mille septingenitos quadraginta: qui redemti singuli aeris trecentis decem. Praeda alia omnis militibus concessa. Samnitium legiones, quum partim Ap. Claudius praetor, partim L. Volumnius pro consule sequeretur, in agrum Stellatam convenerunt. Ibi et Samnitium legiones omnes confidunt, et Appius Volumniusque castra conjungunt. Pugnatum infestissimis animis, hinc ira stimulante adversus rebellantes toties, illine ab ultima jam dimicantibus spe. Caesa ergo Samnitium sexdecim millia trecenti, capta duo millia septingenti. Ex Romano exercitu cecidere duo millia septingenti. Felix annus bellieis rebus, pestilentia gravis, prodigiisque sollicitus. Nam, et terram multifariam pluisse, et in exercitu Ap. Claudii plerosque fulminibus ietos, nuntiatum est: librique ob haec aditi. Eo anno Q. Fabius Gurses, consulis filius, aliquot matronas ad populum supri damnatas pecunia mulctavit. Ex quo multatio aere Veneris aadem, quae prope Circum est, faciendam curavit. Supersunt etiam nunc Samnitium bella, quae continua per quartum jam volumen annumque sextum et quadragesimum, a M. Valerio, A. Cornelio consulibus, qui primi Samnio arma intulerunt, agimus: et ne tot annorum clades utriusque gentis laboresque actos nunc referam, quibus nequiverint tamen dura illa pectora vinci; proximo anno Samnites in Sentinati agro, Peltinis, ad Tifernum, Stellatis campis, suis ipsi legionibus, mixti alienis, ab quatuor exercitis.

citibus, quatuor ducibus Romanis caesi fuerant, imperatorem clarissimum gentis suae amiserant; socios belli, Etruscos, Vmbros, Gallos, in eadem fortuna videbant, qua ipsi erant: nec suis, nec externis viribus jam stare poterant; tamen bello non abstinebant. Adeo ne infeliciter quidem defensæ libertatis taedehat: et vinci, quam non tentare victoriā, malebant. Quinam sit ille, quem pigeat longinquitatis bellorum scribendo legendoque, quae gerentes non fatigaverunt?

XXXII. Q. Fabium, P. Decium, L. Postumius Megellus et M. Atilius Regulus consules sequuti sunt. Samnium ambobus decreta provinceia est; quia tres scriptos hostium exercitus, uno Etruriam, altero populationes Campaniae repeti, tertium tuendis parari finibus, fama erat. Postumium valetudo aduersa Romae tenuit: Atilius extemplo profectus, ut in Samnio hostes (ita enim placuerat Patribus) nondum egressos obprimeret. Velut ex composito ibi obvium habuere hostem; ubi et intrare, nedum vastare, ipsi Samnitium agrum prohiberentur, et egredi inde in pacata sociorumque populi Romani fines Samnitem prohiberent. Quum castra castris conlata essent, quod vix Romanus toties victor auderet, ausi Samnites sunt (tantum desperatio ultima temeritatis facit) castra Romana obpugnare. Et quamquam non venit ad finein tam audax incemptum, tamen haud omnino vanum fuit. Nebula erat ad multum diei densa adeo, ut lucis usum eriperet, non prospectu modo extra valium adenito, sed propinquo etiam congregidentium inter se conspectu. Hac velut latebra insidiarum freti Samnites, vixdum satis certa luce, et eam ipsam premente caligine, ad stationem Romanam in porta segniter agenter

tem vigilias pervenient. Improviso obpressis nec animi satis ad resistendum, nec virium fuit. Ab tergo castrorum decumana porta impetus factus. Itaque captum quaestorium: quaestorque ibi L. Opimius Pansa obcisis. Conclamatum inde ad arma.

XXXIII. Consul, tumultu excitus, cohortes duas sociorum, Lucanam Suesianamque, quae proximae forte erant, tueri praetorium jubet: manipulos legionum principali via inducit. Vixdum satis aptatis armis, in ordines eunt: et clamore magis, quam oculis, hostem noscunt: nec, quantus numerus sit, aestimari potest. Cedunt primo incerti fortunae suae, et hostem introrsum in media castra adcipiunt. Inde quum consul vociferaretur, *expulsine extra vallum, castra deinde sua obognaturi essent*, rogitans; clamore sublato coniisi primo resistunt: deinde inferunt pedem urguntque, et impulsos semel terrore eodem agunt, quo cooperunt. Expellunt extra portam vallumque. Inde pergere ac persequi (quia turbida lux metum circa insidiarum faciebat) non ausi, liberatis castris contenti, recuperunt se intra vallum trecentis ferme hostium obcisis. Romanorum stationis primae vigilumque et eorum, qui circa quaestorium obpressi, periere ad ducentos triginta. Animos inde Samnitibus non infelix audacia auxit; et non modo proferre inde castra Romanum, sed ne pabulari quidem per agros suos, patiebantur. Retro in pacatum Soranum agrum pabulatores ibant. Quarum rerum fama, tumultuosior etiam, quam res erant, perlata Romam, coegit L. Postumium consulem, vixdum validum, proficisci ex Urbe. Prius tamen, quam exiret, militibus edicto Soram jussis convenire, ipse aedem Victoriae, quam aedi-

aedilis curulis ex muletaticia pecunia faciéndam curaverat, dedicavit. Ita ad exercitum profectus, ab Sora in Samnium ad castra collegae perrexit. Inde postquam Samnites, diffisi dictibus exercitibus relisti posse, recesserunt; diversi consules ad vastandos agros urbesque oppugnandas discedunt.

XXIV. Postumius Milioniam oppugnare adortus, vi primo atque in petu, dein, postquam ea parum procedebant, opere ac vineis demum injunctis muro cepit. Ibi, capta jam urbe, ab hora quarta usque ad octavam fere horam omnibus partibus urbis diu incerto eventu pugnatum est. Postremo potitur oppidum Romanus. Samnitum caeli tria millia ducenti: capti quatuor millia ducenti, praeter praedam aliam. Inde Ferentinum ductae legiones: unde oppidani cum omnibus rebus suis, quae ferri agique potuerunt, nocte per averfam portam silentio excellerunt. Igitur, simul advenit consul, primo ita compositus instrutusque moenibus subcessit, tamquam idem, quod ad Milioniam fuerat, certaminis foret: deinde, ut silentium vastum in urbe, nec armia, nec viros in turribus ac niuris vidit, avidum invadendi deserta moenia militem detinet, ne quam obcultam in fraudem incautus rueret. Duas turmas sociorum Latini nominis circumequitare moenia, atque explorare omnia jubet. Equites portam unam alteramque eadem regione in propinquuo patentes conspicunt, itineribusque iis vestigia nocturnae hostium fugae. Adequitant deinde sensim portis, turbamque ex tuto rectis itineribus per viam conspicunt: ad consulem referunt, excessum urbe; solitudine haud dubia id perspicuum esse, recentibus vestigiis fugae ac strage rerum in trepidatione nocturna passim relictarum.

rum. His auditis, consul ad eam partem urbis, qua adierant equites, circumducit agmen: constitutisque haud procul porta signis; quinque equites jubet intrare urbem, et, modicum spatum progressos, tres manere eodem loco; si tuta videantur; duos explorata ad se referre. Qui ubi redierunt retuleruntque, eos se progressos, unde in omnes partes circumspectus esset, longe lateque silentium ac solitudinem vidiisse; extemplo consul cohortes expeditas in urbem induxit; ceteros interim castra communire jussit. Ingressi milites, refractis foribus, paucos graves aetate aut invalidos inventi, relictaque, quae migratu difficilia essent. Ea direpta; et cognitum ex captivis est; communi consilio aliquot circa urbes consisse fugam; suos prima vigilia profectos. Credere, eamidem in aliis urbibus solitudinem inventuros. Dictis captivorum fides exstitit: desertis oppidis consul potitur.

XXXV. Alteri consuli M. Atilio nequam tam facile bellum fuit. Quoniam ad Luce-riam duceret legiones, quam obpugnari ab Samnitibus audierat, ad fine in Lucerinum ei hostis obvius fuit. Ibi ira vires acquavit. Proelium varium et anceps fuit: tristius tamen eventu Romanis; et quia infueti erant vinci, et quia digredientes magis, quam in ipso certamine, senserunt, quantum in sua parte plus vulnerum ac caedis fuisset. Itaque is terror in castris ortus, qui si pugnantes cepisset, insignis adequa clades foret. Tum quoque sollicita nox fuit jam invasorum castra Samnitem credentibus, aut prima luce cum victoribus conferendas manus. Minus cladis, ceterum non plus animorum, ad hostes erat. Vbi primum inluxit, abire sine certamine cupiunt. Sed via una, et ea ipsa praeter hostes, erat: qua

qua ingressi, praebuere speciem rectam tendentium ad castra obpugnanda. Consul arma capere milites jubet, et sequi se extra vallum legatis, tribunis, praefectis sociorum imperat, quod apud quemque facto opus est. Omnes adfirmant, *se quidem omnia facturos, sed militum jacere animos.* Tota nocte inter vulnera et gemitus morientium vigilatum esse. Si ante lucem ad castra ventum foret, tantum pavoris fuisse, ut relicturi signa fuerint: nunc pudore a fuga contineri; alioquin pro victis esse. Quae ubi consul adcepit, sibimet ipsi circumveniendos adloquendosque milites ratus, ut ad quosque venerat, cunctantes arma capere increpabat; Quid cessarent tergiversarenturque? Hostem in castra venturum, nisi illi extra castra exissent, et pro tentoriis suis pugnaturos, si pro vallo nollent. Armatis ac dimicantibus dubiam victoriā esse. Qui nudus atque inermis hostem maneat, ei aut mortem, aut servitutem patientiam. Haec jurganti increpantique respondebant: Confectos se pugna hesterna esse: nec virium quidquam, nec sanguinis superesse. Majorem multitudinem hostium adparere, quam pridie fuerit. Inter haec adpropinquabat agmen; et, iam breviore intervallo certiora intuentes, vallum secum portare Samnitē adfirmant, nec dubium esse, quin castra circumvallatur sint. Tunc, enimvero, consul, *indignum facinus esse, vociferari, tantam contumeliam ignominiamque ab ignavissimo adcipi hostē.* Etiamne circumsedebimur, inquit, in casīris, ut fame potius per ignominiam, quam ferro, si necesse est, per virtutem, moriamur? Dū bene verterent, facerentque, quod se dignum quisque ducerent. Consullem M. Atilium vel solum, si nemo aliud sequatur, iturum adversus hostes: casurumque inter signa Sanmitium potius, quam circumvallari

casira

castra Romana videat. Dicta consulis legati tribunique et omnes turmae equitum, et centuriones primorum ordinum, adprobavere. Tum pudore victus miles segniter arma capit, segniter e castris egreditur: longo agmine, nec continenti, moestii ac prope victi procedunt adversus hostem, nec spe, nec animo certiorum. Itaque simul conspecta sunt Romana signa, extemplo a primo Samnitium agmine ad novissimum fremitus perfertur, *Exire, id quod timuerint, ad impedientum iter Romanos.* Nullam inde ne fugae quidem patere viam. *Illi loco aut cadendum esse, aut, stratis hostibus, per corpora eorum evadendum.*

XXXVI. In medio sarcinas conjiciunt; armati suis quisque ordinibus instruunt aciem. Jam exiguum inter duas acies erat spatum, et stabant exspectantes, dum ab hostibus prius impetus, prius clamor inciperet. Neutris animus est ad pugnandum. Diversique integri atque intacti abiissent, ni cedenti instaturum alterum timuisserent. Sua sponte inter invitos tergiversantesque segnis pugna, clamore incerto atque inpari, coepit: nec vestigio quam movebatur. Tum consul Romanus, ut rem excitaret, equitum paucas turmas extra ordinem immisit: quorum quin plerique delabbi ex equis essent, et alii turbati; et ab Samnitium acie ad obprimendos eos, qui ceciderant, et ad suos tuendos ab Romanis procursum est. Inde paullulum irritata pugna est; sed aliquanto et impigne magis, et plures procurrerant Samnites, et turbatus eques sua ipse subsidia territis equis proculcavit. Hinc fuga copta totam avertit aciem Romanam. Jamque in terga fugientium Samnites pugnabant, quum consul, equo praevectus ad portam castrorum, ac statione equitum ibi obpo-

sita, edictoque, ut, quicumque ad vallum teneret, sive ille Romanus, sive Samnis esset, pro hoste haberent; haec ipsa minitans, obstitit profuse tendentibus suis in castra. Quo pergis, inquit, miles? et hic arma et viros invenies; nec, vivo consule tuo, nisi victor castra intrabis. Proinde elige, cum cive, an hoste, pugnare malis. Haec dicente consule, equites infestis cuspidibus circumfunduntur, ac peditem in pugnam redire jubent. Non virtus solum consulem, sed fors etiam adjuvit; quod non institerunt Samnites, spatiumque circumagendi signa vertendique aciem a castris in hostem fuit. Tum alii alios hortari, ut reperterent pugnam: centuriones ab signiferis raptam signa inferre; et ostendere suis, paucos et ordinibus incompositis effuse venire hostes. Inter haec consul, manus ad coelum adtollens, voce clara, ita ut exaudiretur, templum Jovi Statori vovet, si constitisset a fuga Romana acies, redintegratoque proelio ecedisset vicis et que legiones Samnitium. Omnes undique adhuc ad restituendam pugnam, duces, milites, peditum equitumque vis: numen etiam Deorum respexisse nomen Romanum visum. Adeo facile inclinata res, repulsiique a castris hostes; mox etiam redacti ad eum locum, in quo commissa pugna erat. Ibi, objacente sarcinarum cumulo, quas conjecterant in medium, laesere impediti: deinde, ne diriperentur res, orbem armatorum sarcinis circumcidant. Tum vero eos a fronte urgure pedites, ab tergo circumvecti equites. Ita in medio caesi captive. Captivorum numerus fuit septem milium ac ducentorum, qui omnes nudi subjugum missi. Caefos retulere ad quatuor millia octingentos. Ne Romanis quidem laeta Victoria fuit. Recensente consule biduo adcepit
cl-

cladem, amissorum militum numerus relatus septem millium ac ducentorum. Dum haec in Apulia gerebantur, altero exercitu Samnitibus Interamnam, coloniam Romanam, quae via Latina est, occupare conati, urbem non tenuerunt: agros depopulati quum praedam aliam inde mixtam hominum atque pecudum colonosque captos agerent, in victorem incident consulem, ab Luceria redeuntem: nec praedam solum amittunt, sed ipsi longo atque impedito agmine incompositi caeduntur. Consul, Interamnam edicto dominis ad res suas noscendas recipiendasque revocatis, et exercitu ibi relicto, comitiorum causa Romam est profectus. Cui de triumpho agenti negatus honos, et ob amissa tot millia militum, et quod captivos sine pactione sub jugum misisset.

XXXVII. Consul alter Postumius, quia in Samnitibus materia belli deerat, in Etruriam traducto exercitu, primum pervastaverat Volsiniensem agrum: dein cum egressis ad tuendos fines haud procul moenibus ipsorum depugnat. Duo millia octingenti Etruscorum caesi: ceteros propinquitas urbis tutata est. In Rusellatum agrum exercitus traductus Ibi non agri tantum vastati, sed oppidum etiam expugnatum: capti amplius duo millia hominum, minus duo millia circa muros caesa. Pax tamen clarior majorque, quam bellum in Etruria eo anno fuerat, parta est. Tres validissimae urbes, Etruriae capita, Volsinii, Perusia, Arretium, pacem petiere; et, vestimentis militum frumentoque pacti cum consule, ut mitti Romam oratores liceret, inducias in quadraginta annos inpetaverunt. Mulcta praefens quingentum millium acris in singulas civitates inposita. Ob hasce res gestas consul quum triumphum ab senatu, moris magis cau-

fa, quam spe impetrandi, petisset, videretque
 alios, quod tardius ab Urbe exisset, alios,
 quod injussu senatus ex Samnio in Etruriam
 transisset, partim suos inimicos, partim con-
 legae amicos, ad solatum aequatae repulsae
 sibi quoque negare triumphum: *Non ita, in-*
quit, Patres conscripti, vestrae majestatis me-
minero, ut me consulem esse obliviscar. *Eodem*
jure imperii, quo bella gessi, bellis feliciter ge-
ssi, Samnio atque Etruria subactis, victoria et
pace parta, triumphabo. Ita senatum reliquit.
 Inde inter tribunos plebis contentio orta: pars
 intercessuros, ne novo exemplo triumpharet,
 ajebant; pars auxilio se adversus conlegas
 triumphanti futuros. Jactata res ad populum
 est: vocatusque eo consul, quem M. Horati-
 um, L. Valerium consules, C. Martium Ru-
 tilium nuper, patrem ejus, qui tunc censor es-
 set, non ex auctoritate senatus, sed iussu po-
 puli triumphasse diceret, adjiciebat, *se quoque*
laturum fuisse ad populum, ni sciret, mancipia
nobilium tribunos plebis legem impedituros: vo-
 luntatem sibi ac favorem consentientis populi
 pro omnibus iussis esse ac futura. Posteroque
 die auxilio tribunorum plebis trium, adver-
 sus intercessionem septem tribunorum et con-
 sensum senatus, celebrante populo diem, tri-
 mphavit. Et hujus anni parum constans memo-
 ria est. Postumium, auctor est Claudius, in
 Samnio captis aliquot urbibus, in Apulia fu-
 sum fugatumque, saucium ipsum cum paucis
 Luceriam compulsum: ab Atilio in Etruria
 res gestas, eumque triumphasse. Fabius, am-
 bo consules in Samnio et ad Luceriam res ges-
 sisce, scribit, traductumque in Etruriam exer-
 citum, (sed ab utro consule non adjecit) et ad
 Luceriam utrumque multos obcilos: inque ea
 pugna Jovis Statoris aedem votam, ut Romu-
 lus

lus ante voverat, sed fanum tantum, id est locus, templo effatus, sacratus fuerat. Ceterum, hoc demum anno ut aedem etiam fieri senatus juberet, bis ejusdem voti damnata re publica, in religionem venit.

XXVIII. Sequitur hunc annum et consul insignis L. Papirius Cursor, qua paterna gloria, qua sua, et bellum ingens victoriaque, quam de Samnitibus nemo ad eam diem, praeter L. Papirium patrem consulis, pepererat: et forte eodem conatu adparatuque omni opulentia insignium armorum bellum adornaverant; et Deorum etiam adhibuerant opes, ritu quodam sacramenti vetusto velut initiatis militibus, delectu per onine Samnium habitu nova lege: ut, qui juniorum non convenisset ad imperatorum edictum, quiue injussu abiisset, caput Jovi sacratum esset. Tum exercitus omnis Aquiloniam est indictus. Ad quadraginta millia militum, quod roboris in Samnio erat, convenerunt. Ibi mediis fere castris locus est conceptus cratibus pluteisque, et linteis contextus, patens ducentos maxime pedes in omnes pariter partes. Ibi ex libro vetero linteо lecto sacrificatum, sacerdote Ovio Pactio quodam, homine magno natu, qui se id sacrum petere adfirmabat ex vetusta Samnitium religione; qua quondam usi maiores eorum fuissent, quum adimendae Etruscis Capuae clandestinum cepissent consilium. Sacrificio perfecto, per viatorem imperator adcircubebat nobilissimum quemque genere factisque. Singuli introducebantur. Erat quum alius adparatus sacri, qui perfundere religione animum posset; tum in loco circa omnem contexto aerae in medio, victimaeque circa caefae, et circumstantes centuriones strictis gladiis. Admovebatur altaribus miles, magis ut

victima, quam ut sacri particeps: adigebaturque jure jurando, quae visa auditaque in eo loco essent, non enuntiaturum. Dein jurare cogebatur diro quodam carmine, in execrationem capitis familiaeque et stirpis compagno, nisi issent in proelium, quo imperatores duxissent; et si aut ipse ex acie fugisset, aut, si quem fugientem vidisset, non extemplo obcidisset. Id primo quidam abnuentes juraturos se, obtruncati circa altaria sunt: jacentes deinde inter stragem victimarum documento ceteris fuere, ne abnuerent. Primoribus Samnitium ea detestatione obstrictis, decem nominatis ab imperatore, eis dictum, ut vir virum legerent, donec sexdecim millium numerum confecissent. Ea legio linteata ab integumento concepti, quo sacrata nobilitas erat, appellata est. His arma insignia data et cristatae galeae, ut inter ceteros eminerent. Paullo plus viginti millium aliis exercitus fuit, nec corporum specie, nec gloria belli, nec adparatu linteatae legioni dispar. Hic hominum numerus, quod roboris erat, ad Aquiloniam confedit.

XXXIX. Consules profecti ab Urbe: prior Sp. Carvilius, cui veteres legiones, quas M. Atilius, superioris anni consul, in agro Interamnati reliquerat, decretae erant, cum eis in Samnium proiectus, dum hostes, operati superstitionibus, concilia secreta agunt, Amiternum oppidum de Samnitibus vi cepit. Cæsa ibi millia hominum duo ferme atque octingenti: capta quatuor millia ducenti septuaginta. Papirius novo exercitu (ita decretum erat) scripto, Duroniam urbem expugnavit. Minus, quam conlega, cepit hominum, plus aliquanto obcidit. Praeda opulenta utrobiique est parta. Inde pervagati Samnum consules, maxi-

maxime depopulato Atinate agro, Carvilius ad Cominium, Papirius ad Aquiloniam (ubi summa rei Samnitium erat) pervenit. Ibi aliquamdiu nec cessatum ab armis est, neque nauter pugnatum: lacefendo quietos, resistentibus cedendo, comminandoque magis, quam inferendo pugnam, dies absumebatur. Quod quum inciperetur remittereturque, omnium rerum etiam parvarum eventus proferebatur in dies. Altera Romana castra viginti millium spatio aberant; et absentis conlegae consilia omnibus gerendis intererant rebus: intentiorque Carvilius, quo majore discrimine res vertebatur, in Aquiloniam, quam ad Cominium, quod obsidebat, erat. L. Papirius, jam per omnia ad dimicandum satis paratus, nuntium ad conlegam mittit; *sibi in animo esse, postero die, si per auspicia liceret, configere cum hoste. Opus esse, et illum, quanta maxima vi posset, Cominium obpugnare, ne quid laxamenti sit Samnitibus ad subsidia Aquiloniam mittenda.* Diem ad proficiscendum nuntius habuit: nocte rediit, adprobare conlegam consulta referens. Papirius, nuntio misso, extemplo concessionem habuit; multa de universo genere belli, multa de praesenti hostium adparatu, vana magis specie, quam efficaci ad eventum, disseruit. *Non enim cristas vulnera facere; et per picta atque aurata scuta transire Romanum pilum; et candore tunicarum fulgentem aciem, ubi res ferro geratur, cruentari. Auream olim atque argenteam Samnitium aciem a parente suo obcidione obcism; spoliaque ea honestiora victori hosti, quam ipsis arma, fuisse. Datum hoc forsan nomini familiaeque suae, ut adversus maximos conatus Samnitium obponerentur duces; spoliaque ea referrent, quae insignia publicis etiam locis decorandis essent. Deos immortales*

adesse propter toties petita foedera, toties rupta: tum, si qua conjectura mentis divinae sit, nulli umquam exercitui fuisse infestiores, quam qui, nefando sacro mixta hominum pecudumque caede respersus, ancipiti Deum irae devotus, hinc foederum cum Romanis ictorum testes Deos, hinc juris jurandi adversus foedera suscepti execrationes horrens, invitus juraverit, oderit sacramentum, uno tempore Deos, cives, hostes metuat.

XL. Haec, comperta perfugarum indiciis, quum apud infensos jam sua sponte milites disseruisset, simul divinae humanaeque spei pleni, clamore consentienti pugnam posseunt: poenitet in posterum diem dilatum certamen; moram diei noctisque oderunt. Tertia vigilia noctis, jam relatis literis a conlega, Papirius silentio surgit, et pullarium in auspicium mittit. Nullum erat genus hominum in castris intactum cupiditate pugnae: summi infimique aequi intenti erant: dux militum, miles ducis ardorem spectabat. Is ardor omnium etiam ad eos, qui auspicio intererant, pervenit. Nam, quum pulli non pascerentur, pullarius, auspicium mentiri ausus, tripudium solistimum consuli nuntiavit. Consul laetus auspicium egregium esse, et Deis auctoribus rem gesturos, pronuntiat; signumque pugnae proponit. Exeundi jam forte in aciem nuntiat perfuga, viginti cohortes Samnitium (quadringenariae ferme erant) Cominium profectas. Quod ne ignoraret conlega, extemplo nuntium mittit: ipse signa ociosus proferri jubet, subsidiaque suis quaeque locis et praefectos subsidiis adtribuerat. Dextrò cornu L. Volumnium, sinistro L. Scipionem, equitibus legatos alios, Caios Caedicum et Trebonium, praefecit. Sp. Nautium mulos, detractis cli-

tel-

tellis, cum cohortibus alariis in tumulum conspectum propere circumducere jubet, atque inde inter ipsam dimicationem, quanto maxime posset, moto pulvere ostendere. Dum his intentus imperator erat, altercatio inter pullarios orta de auspicio ejus diei, exauditaque ab equitibus Romanis; qui, rem haud spernendam rati, Sp. Papirio fratri filio consulis, ambigi de auspicio, renuntiaverunt. Juvenis, ante doctrinam Deos spernentem natus, rem inquisitam, ne quid incompertum deferret ad consulem, detulit. Cui ille, *Tu quidem macte virtute diligentiaque esto: ceterum qui auspicio adest, si quid falsi mintiat, in semet ipsum religionem recipit.* *Mihi quidem tripudium nuntiatum populo Romano exercituique egregium auspicium est.* Centurionibus deinde imperavit, ut pullarios inter prima signa constituerent. Promovent et Samnites signa; insequitur acies ornata armataque, ut hostium quoque magnificum spectaculum esset. Priusquam clamor tolleretur concurrereturque, emisso temere pilo ictus pullarius ante signa cecidit. Quod ubi consuli nuntiatum est, *Dii in proelio sunt, inquit; habet poenam noxiū caput.* Ante consulem haec dicentem corvus voce clara obcinuit. Quo laetus augurio consul, affirmans numquam humanis rebus magis praefentes interfuisse Deos, signa canere et clamorem tolli jussit.

XLI. Proelium commissum atrox, ceterum longe disparibus animis. Romanos ira, spes, ardor certaminis, avidos hostium sanguinis in proelium rapit: Samnitium magnam partem necessitas ac religio invitox magis resistere, quam inferre pugnam, cogit. Nec sustinuissent primum clamorem atque inpetum Romanorum, per aliquot jam annos vinci ad-

fueti, ni potentior alius metus insidens pectoribus a fuga retineret. Quippe in oculis erat omnis ille obculti paratus sacri, et armati sacerdotes, et promiscua hominum pecundumque strages, et resperfae fando nefandoque sanguine aiae, et dira exfecratio, ac furiale carmen, detestandae familiae stirpique compositum. His vinculis fugae obstricti stabant, civein magis, quam hostem, timentes. Instare Romanus a cornu utroque, a media acie, et caedere Deorum hominumque adtonitos metu. Repugnatur segniter, ut ab iis, quos timor moraretur a fuga. Jam prope ad signa caedes pervenerat, quum ex transverso pulvis, velut ingentis agminis incessu motus, adparuit. Sp. Nautius (Octavium Metium quidam eum tradunt) dux alaribus cohortibus erat. Pulverem maiorem, quam pro numero, excitabant: insidentes mulis calones frondosos ramos per terram trahebant: arma signaque per turbidam lucem in primo adparebant: post altior densiorque pulvis equitum speciem cogentium agmen dabat. Fefellitque non Samnites modo, sed etiam Romanos: et consul adfirmavit errorem, clamitans inter prima signa, ita ut vox etiam ad hostes adcoideret, *captum Cominium, victorem conlegam adesse; aduiterentur vincere prius, quam gloria alterius exercitus fieret.* Haec insidens equo. Inde tribunis centurionibusque imperat, ut viam equitibus patefaciant. Ipse Trebonio Caedicioque praedixerat, ut, ubi se cuspidem erectam quatientem vidissent, quanta maxima vi possent, concitarent equites in hostem. Ad nutum omnia, ut ex ante praeparato, fiunt. Panduntur inter ordines viae: provolat eques, atque infestis cuspidibus in medium agmen hostium ruit; perrumpitque ordines, quacumque inpetum dedit.

dedit. Instant Volumnius et Scipio, et percusso sternunt. Tum, jam Deorum hominumque victa vi, funduntur linteatae cohortes: pariter jurati injuratique fugiunt, nec quemquam, praeter hostes, metunt. Pedatum agmen, quod superfuit pugnae, in castra ad Aquiloniam compulsum est. Nobilitas equitesque Bovianum perfugerunt: equites eques sequitur, peditem pedes: ac diversa cornua, dextrum ad castra Samnitium, laevum ad urbem tendit. Prior aliquanto Volumnius castra cepit: ad urbem Scipioni majore resistitur vi; non quia plus animi victis est, sed melius murri, quam vallum, armatos arcet. Inde lapidibus propulsant hostem. Scipio, nisi in primo pavore, priusquam conlegerentur animi, transacta res esset, leutiorum fore munitae urbis obpugnationem ratus, interrogat milites, *Satin' aequo animo paterentur, ab altero cornu castra capta esse: se victores pelli a portis urbis?* Reclamantibus universis, primus ipse, scuto super caput elato, pergit ad portam: sequuntur alii, testudine facta, in urbem perrumpunt: deturbatisque Samnitibus, qui circa portam erant, muros obeupavere. Penetrare in interiora urbis, quia pauci admodum erant, non audent.

XLII. Haec primo ignorare consul, et intentus recipiendo exercitui esse: jam enim praeceps in obcasum sol erat, et adpetens nox periculosa et suspecta omnia etiam victoribus faciebat. Progressus longius ab dextra castra capta videt: ab Iaeva clamorem in urbe mixtum pugnantium ac pavantium fremitu esse. Et tum forte certamen ad portam erat. Advectus deinde equo proprius, ut suos in muris videt, nec jam integri quidquam esse, quoniam temeritate paucorum magnae rei parta occa-

occasio esset, adeiri, quas receperat, copias, signaque in urbem inferri jussit. Ingressi proxima ex parte, quia nox adpropinquabat, quievere. Nocte oppidum ab hostibus defertum est. Caesa illo die ad Aquiloniam Samnitium millia triginta trecenti quadraginta: capta tria millia octingenti et septuaginta: signa militaria nonaginta septem. Ceterum illud memoriae traditur, non ferme alium ducem laetiorem in acie visum, seu suopte ingenio, seu fiducia bene gerundae rei. Ab eodem robore animi neque controverso auspicio revocari a proelio potuit; et in ipso discrimine, quo tempa Diis immortalibus voveri mos erat, voverat Jovi Victori, si legiones hostium fudisset, pocillum mulsi prius, quam temetum biberet, fese facturum. Id votum Diis cordi fuit: et auspicia in bonam verterunt.

XLIII. Eademi fortuna ab altero consule ad Cominium gesta res. Prima luce, ad moenia omnibus copiis admotis, corona cinxit urbem; subsidiaque firma, ne qua eruptio fieret, portis obposuit. Jam signum dantem eum nuntius a conlega trepidus de viginti cohortium adventu et ab impetu moratus est, et partem copiarum revocare instructam intentamque ad obpignandum coegit. D. Brutus Scaevam legatum cum legione prima et decem cohortibus alariis equitatique ire adversus subedium hostium jussit: quocumque in loco fuisset obvius, obsisteret ac moraretur; manumque, si forte ita res posceret, conferret: modo ne ad Cominium eae copiae adiuveri possent. Ipse scalas ferri ad muros ab omni parte urbis jussit, ac tenuidine ad portas subcessit. Simul et refringebantur portae, et vis undique in muros liebat. Samnites sicut, antequam in muris viderent armatos, fatis animi habue-

habuerunt ad prohibendos urbis aditu hostes; ita, postquam jam non ex intervallo nec mis-
silibus, sed cominus gerebatur res, et, qui
aegre subcesserant ex plano in muros, loco,
quem magis timuerant, victo, facile in ho-
stem inparem ex aequo pugnabant; relictis
turribus murisque, in forum omnes compulsi;
paullisper inde tentaverunt extremam pugnae
fortunam Deinde, abjectis armis, ad unde-
cim millia hominum et quadringenti in fidem
consulis venerunt. Caesa ad quatuor millia
trecenti octoginta. Sic ad Cominium, sic ad
Aquiloniam gesta res. Inde medio inter duas
urbes spatio, ubi tertia exspectata erat pugna,
hostes non inventi. Septem millia passuum
quum abessent a Cominio, revocati ab suis neu-
tri proelio obcurrerunt. Primis ferme tene-
bris quum in conspectu jam castra, jam Aqui-
loniam habuissent, clamor eos utrimque par-
adcidens sustinuit: deinde e regione castro-
rum, quae incensa ab Romanis erant, flamma
late fusa certioris cladis indicio progredi lon-
gius prohibuit. Eo ipso loco prope temere
sub armis strati passim inquietum omne tempus
noctis, exspectando timendoque lucem, egere.
Prima luce, incerti quam in partem intende-
rent iter, repente in fugam consternantur,
conspecti ab equitibus; qui, egressos nocte ab
oppido Samnites persequuti, viderant multi-
tudinem, non vallo, non stationibus firmatam.
Conspecta et ex muris Aquiloniae ea multitu-
do erat. Jamque etiam legionariae cohortes
sequebantur. Ceterum nec pedes fugientes
persequi potuit: et ab equite novissimi agmi-
nis ducenti ferme et octoginta intersecti. Ar-
ma multa pavidi ac signa militaria duodeviginti
reliquere. Alio agmine incolumi, ut ex tanta
trepidatione, Bovianum perventum est.

XLIV. Laetitiam utriusque exercitus Romani auxit et ab altera parte feliciter gesta res. Vterque ex alterius sententia consul captum oppidum diripiendum militi dedit; exhaustis deinde tectis ignem injecit: eodemque die Aquilonia et Cominium deflagravere. Et consules, cum gratulatione mutua legionum sua que, castra conjunxere. In conspectu duorum exercituum et Carvilius suos pro cujusque merito laudavit donavitque; et Papirius, apud quem multiplex in acie, circa castra, circa urbem, fuerat certamen, Sp. Nautium, Sp. Papirium, fratris filium, et quatuor centuriones, manipulumque hastatorum, armillis aureisque coronis donavit: Nautium propter expeditionem, qua magni agminis modo terruerat hostes: juvenem Papirium propter navatam cum equitatu et in proelio operam, et nocte, qua fugam infestam Samnitibus ab Aquilonia clam egressis fecit: centuriones militesque, quia primi portam murumque Aquiloniae ceperant. Equites omnes, ob insignem multis locis operari, corniculis armillisque argenteis donat. Consilium inde habitum, quum jam tempus esset deducendi ab Samnio exercitus, aut utriusque, aut certe alterius. Optimum visum, quo magis fractae res Samnium essent, eo pertinacius et infestius agere cetera et persequi; ut perdomitum Samnium insequentibus consulibus tradi posset. Quando jam nullus esset hostium exercitus, qui signis conlatis dimicaturus videretur, unum superesse belli genus, urbium obpugnationes; quarum per excidia militem locupletare praeda, et hostem pro aris ac focis dimicantem conficerre possent. Itaque, literis missis ad senatum populumque Romanum de rebus ab se gestis, diversi, Papirius ad Saepinum, Carvilius

lius ad Volanam obpugnandam legiones ducent.

XLV. Literae consulū ingenti laetitia et in curia et in concione auditae; et quatridui supplicatione publicum gaudium privatis studiis celebratum est. Nec populo Romano magna solum, sed per obportuna etiam, ea victoria fuit; quia per idem forte tempus rebellasse Etruscos adlatum est. Subibat cogitatio animum, quoniam modo tolerabilis futura Etruria fuisset, si quid in Samnio adversi venisset; quae, coniuratione Samnitium erecta, quoniam ambo consules omnisque Romana vis aversa in Samnium esset, occupationem populi Romani pro occasione rebellandi habuisset. Legationes sociorum, a M. Atilio praetore in senatum introductae, querebantur, utri et vastari agros a finitimis Etruscis, quod defiscere a populo Romano nollent; obtestabanturque Patres conscriptos, ut se a vi atque injuria communium hostium tutarentur. Responsum legatis, *curae senatui futurum, ne socios fidei suae poeniteret: Etruscorum propter diem eamdem fortunam, quam Samnitium, fore.* Segnius tamen, quod ad Etruriā adtinebat, acta res esset, ni Faliscos quoque, qui per multos annos in amicitia fuerant, adlatum foret, arma Etruscis junnisse. Hujus propinquitas populi acuit curam Patribus, ut setiales mittendos ad res repetendas censerent. Quibus non redditis, ex auctoritate Patrum iussu populi bellum Faliscis indictum est: iussique consules sortiri, uter ex Samnio in Etruriā cum exercitu transiret. Jam Carvilius Volanam et Palumbinum et Herculaneuni ex Samnitibus ceperat: Volanam intra paucos dies, Palumbinum eodem, quo ad muros adcessit. **Ad Herculaneum** bis etiam signis conlatis an-

cipiti


oipiti proelio, et cum majore sua, quam hostium, jactura dimicavit. Castris deinde positis, moenibus hostem inclusit. Obpugnatum oppidum captumque. In his tribus urbibus capta aut caesa ad decem millia hominum; ita ut parvo admodum plures eaperentur. Sortientibus provincias consulibus, Etruria Carvilio evenit secundum vota militum, qui vim frigoris jam in Samnio non patiebantur. Papirio ad Saepinum major vis hostium restitit. Saepe in acie, saepe in agmine, saepe circa ipsam urbem adversus eruptiones hostium pugnatum: neque obsidio, neque bellum ex aequo erat: non enim muris magis se Samnites, quam armis ac viris moenia, tutabantur. Tandem pugnando in obsidionem justam coegit hostes; obsidendoque vi atque operibus urbem expugnavit. Itaque ab ira plus caedis editum, capta urbe: septem millia quadringenti caesi: capta minus tria millia hominum: praeda, quae plurima fuit, congestis Samnitium rebus in urbes paucas, militi concessa est.

XLVI. Nives jam omnia obpleverant, nec durari extra tecta poterat; itaque consul exercitum de Samnio deduxit. Venienti Romam triumphus omnium consensu est delatus. Triumphavit in magistratu, insigni, ut illorum temporum habitus erat, triumpho. Pedites equitesque insignes donis transiere ac transvecti sunt: multae civicae coronae vallaresque ac murales conspectae. Inspectata spolia Samnitium; et decoro ac pulcritudine paternis spoliis, quae nota frequenti publicorum ornatu locorum erant, comparabantur. Nobiles aliquot captivi, clari suis patrumque factis, ducti. Aeris gravis transvecta vicies centena et ad triginta tria millia. Id aes redatum ex captivis dicebatur. Argenti, quod captum

captum ex urbibus erat, pondo millia trecenta
 triuenta, omne aes argentumque in aerarium
 conditum. Militibus nihil datum ex praeda est:
 auctaque ea invidia est ad plebem, quod tributum
 etiam in stipendium militum conlatum est;
 quum si spreta gloria fuisset captivae pecuniae
 in aerarium inflatae, et militi tum dari
 ex praeda, et stipendium militare praestari
 potuisset. Aedem Quirini, quam in ipsa di-
 micatione votam apud neminem veterem au-
 ctorem invenio, (neque Hercule, tam ex quo
 tempore perficere potuisset) ab dictatore patre
 votam, filius consul dedicavit, exornavitque
 hostium spoliis. Quorum tanta multitudo fuit,
 ut non templum tantum forumque his ornare-
 tur, sed sociis etiam colonisque finitimis, ad
 templorum locorumque ornatum, divideren-
 tur. A triumpho exercitum in agrum Ves-
 cenum, quia regio ea infesta ab Samnitibus erat,
 hibernatum duxit. Inter haec Carvilius con-
 sul, in Etruria Troilium primum obpugnare
 adortus, quadringentos septuaginta ditissimos,
 pecunia grandi pactos, ut abire inde liceret,
 diniis: ceteram multitudinem oppidumque
 ipsum vi cepit. Inde quinque castella, locis
 sita munitis, expugnavit. Caesa ibi hostium
 duo millia quadringenti; minus duo millia
 capti. Et Faliscis pacem petentibus annuas
 inducias dedit, pactus centum millia gravis
 aeris et stipendium eius anni militibus. His
 rebus actis ad triumphum deceffit, ut minus
 clarum de Samnitibus, quam collegae trium-
 phus fuerat, ita cumulo Etrusci belli aequa-
 tum. Aeris gravis tulit in aerarium trecenta
 octoginta millia: de reliquo aere aedem For-
 tis Fortunae de manubiis faciendam locavit,
 prope aedem eius Deae ab rege Ser. Tullio
 dedicatam. Et militibus ex praeda centenos

binos asses, et alterum tantum centurionibus atque equitibus (malignitate conlegae gratius adcipientibus munus) divisit. Favor consulis tutatus ad populum est L. Postumium legatum eius; qui dicta die a M. Cantio tribuno plebis, fugerat in legationem (ut fama ferebat) populi judicium: jactarique magis, quam peragi, adcausatio eius poterat.

XLVII. Exacto iam anno, novi tribuni plebis magistratum inierant: iisque ipsis, quia vitio creati erant, quinque post dies alii subfecti. Lustrum conditum eo anno est a P. Cornelio Arvina, C. Marcio Rutilo, censoribus: censa capitum millia ducenta sexaginta duo trecenta viginti duo. Censores vicefimi sexti a primis censoribus; lustrum undevicesimum fuit. Eodem anno coronati primum, ob res bello bene gestas, ludos Romanos spectaverunt: palmaeque tum primum, translati e Graecia more, victoribus datae. Eodem anno ab aedilibus curulibus, qui eos ludos fecerunt, damnatis aliquot pecuariis, via a Martis silice ad Bovillas perstrata est. Comitia consularia L. Papirius habuit: creavit consules Q. Fabium Maximi filium Gurgitem et D. Junium Brutum Scaeyam. Ipse Papirius praetor factus. Multis rebus laetus annus vix ad solatium urbi mali, pestilentiae urentis simul urbem atque agros subfecit; portentoque jam similis clades erat. Et libri aditi, quinam finis, aut quod remedium ejus mali ab Diis daretur. Inventum in libris, Aesculapium ab Epidauro Romam arcessendum. Neque eo anno, quia bello obcupati consules erant, quidquam de ea re actum: praeterquam quod unum diem Aesculapio subuplicatio habita est.





LL

L7888Rup

22272
Livy Historiarum libri qui supersunt...ed.
by Ruperti.
Vol. I.

University of Toronto Library

**DO NOT
REMOVE
THE
CARD
FROM
THIS
POCKET**

**Acme Library Card Pocket
LOWE-MARTIN CO. LIMITED**

